

IOANNIS

THOMÆ FREIGII,

QVÆSTIONES PHY-

SICÆ.

IN QVIBVS,

Methodus doctrinam Phycam legi-
timè docendi, describendiq; rudi
Minerua descripta
est,

LIBRIS XXXVI.



BASILEÆ,

PER SEBASTIANVM HEN-
RICPETRI.

39490

DEO
UNI ESSENTIA,
TRINO PERSONIS:
NATURÆ

NON SOLVM SEMEL CONDITORI,
SED ETIAM PERP. GVBERNATORI.

PRVDENTISS.
OPTIMO
MAXIMOQ.

XXXVI. ÆTAT. S. ANNO
HOS TOTIDEM LIBROS
EX VOTO L. M.

FREIGIVS CONSECR.

ANNO A. O. R.

CID. 12. LXXIX.

ELENCHVS LIBRORVM PHY-

*sicorum hoc uolumine distincto-**rum.*

- LIB. I. Acroamaticus: Acroasis.
- LIB. II. De Cosmopœia: Hexaëmeton, Origines, Gé-
nesis.
- LIB. III. De Qualitatibus: Stathmica, Isoropica.
- LIB. IIII. De Coloribus.
- LIB. V. De Optica ex Ptolemæi scripto libro, quẽ cõ-
municauit Prætorius.
- LIB. VI. De Saporibus: Culinaria, Coquinaria: ὀψα-
ποιῖχῃ: item de Odoribus, unguentaria, μυρι-
ψικῃ.
- LIB. VII. De Sono & Musica.
- LIB. VIII. De Alterationibus, Temperamētis, Syni-
pathijs & Antipathijs rerum naturalium.
- LIB. IX. De Astronomia.
- LIB. X. De Primo mobili & Gnomonica.
- LIB. XI. De Meteoroscopica.
- LIB. XII. De Sphæra nona & octaua.
- LIB. XIII. De Phænomenis.
- LIB. XIII. De Theorica Solis.
- LIB. XV. De Theorica Lunæ.
- LIB. XVI. De Theorica trium superiorum.
- LIB. XVII. De Theorica duorum inferiorum.
- LIB. XVIII. De Astrologia.
- LIB. XIX. De Stoecheologia & Elementis.
- LIB. XX. De Igne & Pyrotechnia: & Aëre.

A

LIB.


- LIB. XXI. De Hydrographia.
 LIB. XXII. De Geographia.
 LIB. XXIII. De Chorographia.
 LIB. XXIIII. De Natura populorum.
 LIB. XXV. De Meteorologia, Anemographia, Aërolia.
 LIB. XXVI. De Metallis, Lapidibus, Gemmis.
 LIB. XXVII. De Psychologia.
 LIB. XXVIII. De Dendrographia & Phyturgia.
 LIB. XXIX. De Botanologia.
 LIB. XXX. De Georgia.
 LIB. XXXI. De Insectis & Bombycibus & Meliturgia.
 LIB. XXXII. De Avibus & Ornithogonia.
 LIB. XXXIII. De Piscibus & Ichthyographia & Ichthyotrophijs.
 LIB. XXXIIII. De Zoographia animantium terrestrium, pecuaria, pastoritia & κτηνοτροφία.
 LIB. XXXV. De Anthropologia & Anatomia.
 LIB. XXXVI. De Anthropologia & Anima humana.

Atq; hæc de Elencho horum
librorum.


Sequitur tabula totius Voluminis
generalis.

Tabula


Tabula horum librorum generalis.




Tabula generalis.



Tabula generalis.



Tabula generalis.



Δοιπόρ' ἐστὶ, τοῖς μὲν παραλελειμένοις τῆς μεθόδου
 συγγνώμῃ: τοῖς δ' ἐνυημένοις ποικίλῃ
 χάρι' ἔχον.

IN MAGNIS

ET VOLVISSE SAT EST.

IDEOQUE,

ET VENIAE LOCUS EST.

NEMO ENIM

HOMINUM ἅπαντα
σοφός.

A, DE

FOLEY & CO
204 DASH ST

THE PROVISIONS OF THE

ACT OF 1882

AND THE

ACT OF 1883

AND THE

ACT OF 1884

AND THE

ACT OF 1885

AND THE

ACT OF 1886

AND THE

ACT OF 1887

AND THE

ACT OF 1888

DE PHYSICA

LIBER I.

Quid est Physicæ?



ST doctrina de natura rerum. In-
quirit enim ortū, seriem, quali-
tates, motus omnium corporū
& specierum in natura: & causas
generationum, corruptionū &
aliorum motuum in elementis & alijs corpo-
ribus, quæ ex elementorum commixtione o-
riuntur.

Quotuplex est Physicæ?

Duplex: Generalis & Specialis.

Quid est Generalis?

Quæ methodum tradit qua res physicæ
describendæ sunt, quæq; de Mundo, eiusq;
creatione differit: ideoq; & ipsa duplex est.
Nam illa *κοινωνικά*, ab Aristotele in Acroa-
maticis libris est proposita, hæc *προκοινωνικά* &
Mose est descripta in Genesi.

*Quænam Methodus in Physica est
tenenda?*

Incipiendū est à principijs seu causis; hinc
ad causarum effectum seu motum; & subie-
ctum locum, adiunctumq; tempus est ueni-
endum.

endum. Nam, ut Aristoteles in principio Acroaseos concludit:

Omnis scientia cōstans principijs, ab eorum explicatione primū deducenda est: quia hinc scientia oritur: *ἐπεὶ δὲ τὸ ἐπιδείκναι καὶ τὸ ἐπιστᾶναι συμβαίνει περὶ πάντας τὰς μεθόδους ὧν ἔστιν ἀρχαὶ ἢ αἰτίαι ἢ σοιᾶ ἢ ἄλλα, ἐκ τῶν ταῦτα γνωρίσας τότε ἄρ' οἰόμεθα γινώσκον ἕκαστον, ὅταν τὰ αἰτία γνωρίσωμεν τὰ πρῶτα ἢ τὰς ἀρχὰς τὰς πρώτας.*

At Physica est scientia constans principijs.

Physica igitur à principiorum explicatione primū deducenda est: quod si principia aliquid obscuritatis habebunt, singularibus exemplis inducenda sunt. Nam:

Notiora nobis adhibenda sunt ad principia declarandum, quæ natura sunt notiora. *πεφικται ἐκ τῶν γνωσιμωτέρων ἡμῖν ἡ ὁδὸς καὶ σαφιστέρων, ἐπὶ τὰ σαφιστέρα τῇ φύσει καὶ γνωσιμώτερα.*

At singularia sunt nobis notiora. *ἔστι δ' ἡμῖν διήλα καὶ σαφὲς τὰ συγκεκριμένα μάλλον.* Quia ut Græci interpretes aiunt: ἀσείσως καὶ ἀδιαρρήτως indefinitely & distinctè concipiuntur.

Singularia itaq; sunt adhibenda ad principia declarandum.

DE CAUSIS SEV PRIN-
cipijs.

*Quot cause sunt consid. in rebus Phy-
sicis*

Quatuor: Efficiens, Materia, Forma, Finis.

DE EFFICIENTE.

*Quot sunt Principia efficientia rerum
naturalium?*

Rerum naturalium omnium principium
primum unicum, immobile & infinitum, est
Deus seu Mens. Sic enim (ut refert Simpli-
cius) Melissus in libro de Natura scriptum
reliquerat: ὅ,τι τοίνυν ἐκ ἐγένετο, ἐστὶ τε καὶ ἀνὰ τὸ καὶ ἴσον,
καὶ ἀρχὴν ἐκ ἐχέει τελευτὴν, ἀπὸ ἀπαρόντων. Par-
menides consimilia in libro de Veritate scri-
pserat:

—ὡς ἀγέννητον ἔορ καὶ ἀνώλεθρόν ἐστι,

ἔλορ μὲν οὐ γεννέσθαι καὶ ἀπύρρετον, ἢ δὲ ἀτελευτον.

Et apud Aristot. lib. 1. Philos. cap. 5. Parme-
nides in uniuersum coelum intuens, unum ait
esse ipsum Deum: & in fine duodecimi philo-
sophiæ, unitatem principij Homericæ uersu
illo concludit:

ὅν ἀγαθὸν πολλοκοιρανίη, αἷς κοίραν ὅ ἐστι.

Et lib. 8. cap. 5. & 6. Phys. omnium primum
princi-

principium esse ait principium primò mouens,
immobile, unum, æternum.

DE MATERIA.

*Quænam est Materia rerum Physi-
carum?*

Secundum principium Physicum mobile
est & materiale: de quo solo ueteres Physici
philosophati sunt. Etenim ut est lib. 1. Philos.
cap. 3. plurimi è primis philosophis omnium
rerum principia in materiæ specie tantum si-
ta esse crediderunt. Ex quo enim uniuersa
fiunt entia & in quod ultimum dissoluuntur,
essentia ipsa permanente, tantum affectioni-
bus commutata: id elementum ipsum enti-
um & principium aiunt esse: τῶν πρώτων φιλοσο-
φησάντων, οἱ πλεῖστοι τὰς ἐν ὑλῆς εἰδὲς μόνον ἐκείνησαν ἀρ-
χὰς εἶναι πάντα. ἐξ οὗ γὰρ εἰσιν ἅπαντα τὰ ὄντα καὶ ἐξ οὗ γί-
γνεται πρῶτον, καὶ ἔς τὸ φθείρεται τελευταῖον, τῆς μὲν ὑσίας
ἐκφυγῆσης, τοῖς δὲ πάθεσι μεταβαλέσης, τὸτο στοιχεῖον καὶ
παντὶ πῶς ἀρχὴν φασὶν εἶναι τῶν ὄντων. Duo autem
præcipue ex ueteribus Philosophis in huius
principij inuestigatione laborarunt: Thales,
scilicet Milesius & Anaxagoras Clazome-
nius. Thales enim omnium rerum materiale
principium aquam cōstituit: quia humor ef-
fet rerum & semen & alimentū. Vnde Theo-
logi quidam Ethnici & Oceanum & Thetin
& Styga consecrarunt: & in Originibus Mo-
fis,

sis, appellatio Abyssi huc spectat: apertius uero 2. Petri 3. aqua omnium rerum materia statuitur. Anaxagoras uero Glazomenius Philosophus magni nominis, magnæq; autoritatis habitus est: neq; tantum opibus, sed animi quoq; uirtute magnus, ut qui patrimonium suis totum, liberioris philosophiæ desiderio, condonârit: in simulatusq; uelut inertie, quod rem & priuatam & publicam contemneret, quamobrem natum se putaret interrogatus: cœli responderet contemplandi gratia. Is igitur materialia elementa rerum physicarum fecisse dicitur permista inter se & confusa, ut omnia inessent in omnibus: deinde ὁμοιομερῶς similium partium. Duo igitur capita sunt Anaxagoreæ materiæ, μίγμα καὶ ὁμοιομερῆα. Ἡ ὁμοιομερῆα, erant simul uniuersa, dixit Anaxagoras in primo Physico, ut Aristoteles ait. Chaos uidelicet à poëtis celebratum, μίγμα illud fuit:

*Ante mare & terras & quod tegit omnia cœlum,
Vnus erat toto naturæ uultus in orbe,
Quem dixere Chaos: rudis, indigestaq; moles,
Nec quicquam nisi pondus iners, congestaq; eodem
Non bene iunctarum discordia semina rerum.*

ὁμοιομερῆα autem fuit, quod Physicæ res in τῶν ὁμοειδῶν seu ὁμοιομερῶν cōponantur. Nam & Aristot. lib. 1. de gener. cap. 5. ait unumquodq; gigni

gigni ab aliquo quod actu sit similis aut generis aut speciei, ἀπό τινος ἐντελέχειας ὄντος ἢ ὁμοιότητος ἢ ὁμοειδέως. Vt ignem ab igne, hominem ab homine: & lib. 4. Meteor. cap. 12. affirmatur fieri ἐκ τῶν ὁμοιομερῶν ὡς ὕλης, τὰ ὅλα ἐξ ἅ τῆς φύσεως, ex homoeomeris seu rebus similibus tanquam è materia, tota opera naturæ. Atq; hic est ille Anaxagoras, qui τὸν νοῦν mentem rerum opificem tantoperè celebrauit, ut Timon scripsit:

Καὶ τὸν Ἀναξαγόρην φαοῖν ἔμμεναι ἄλκιμον ἥρω,
 Νῦν, ὅτι διὰ νότον αὐτῷ ὅς ἐξαπίνης ἐπαγέρας
 Πάντα σωφρονέωσιν, ὁμῶς τε παραγμένα πρόθεν.

Heros appellatur Anaxagoras heroscæ cuiusdam uirtutis ergo, & Mens: quia diuinam illam mentem in naturæ operibus tantoperè celebrauit: mentem inquam, mundi opificem atque autorem. Simplicius quoque Aristotelis interpres è primo Anaxagoreorum Physicorum nominatim hæc recitat: ὁ νοῦς ἐστὶν ἄπερρον καὶ αὐτόκρατος καὶ μέμικται ὑδινὶ χεῖματι: ἀπὸ μόνου αὐτός ἐφ' ἑαυτῷ ἐστίν. ἐστὶ γὰρ λιπτότατον τε χεῖματῶν πάντων καὶ καθαρότατον καὶ γνώμην γὰρ περὶ πάντων τὸς ἰσχεῖ καὶ ἰσχύει μέγιστον. Item: πάντα διηκόσμησι νοῦς καὶ τὴν πειρώσιν καὶ νῦν πειρώει τὰ τε ἄσπρα καὶ ὁ ἥλιος καὶ ἡ σελήνη καὶ ὁ ἀήρ καὶ ὁ αἰθήρ οἱ ἀπκρινόμενοι. Hæc Simplicius: unde quid aliud quàm Parmenideum illud unum rerum principium intelligas, cui præsertim opificium mundi, prouiden-

uidentia administratioꝝ rerū omnium, summo cum imperio, coniuncta sit? Et sic Aristoteles ipse lib. 1. cap. 4. Philosoph. faterur, quod Anaxagoras, μηχανὴ χρῆται τῷ νοῷ πρὸς τὴν κοσμοποιίαν, tanquam machina aliqua, sic mente utatur ad ædificandum mundum: & in lib. 3. Phys. cap. 4. ait hanc mentem ab Anaxagora uocari ἀπειρον ἀγεννητον, ἀφθαρτον, ἀνόλιθρον, θῆον, ἀθάνατον: καὶ ὅτι πείσεται ἀπαντα καὶ πάντα κυβερνᾷ.

Quomodo potest cognosci Materia illa, quæ omnium rerum naturalium principium est?

Aristoteles modum eius intelligendæ κατ' ἀναλογίαν, secundum similitudinem, haberi scribit: quod ex Platone uel potius Pythagoræo Timæo sumpsit. Plato enim istam cognoscendæ materiæ difficultatem copiose in Timæo proposuit, quod materia sit δύσφραστος καὶ θαυμασὸς difficilis explicatu atque mirabilis: μὴ ἀνοσιώστιας ἀπτοῦς, λογισμῷ νοθεῖ μόγις πρὸς δὲ: sine sensu perceptibilis, ratiocinatione quadam spuria uix credibilis. Denique tota materiæ cognitio Platoni est ὥπερ οὐείρωξις καὶ φάντασμα τι: ueluti somnium & uisum aliquod. Adeoꝝ duplex cognoscendæ materiæ modus instituitur: unus κατ' ἀναλογίαν. Vnde a Platone dicitur ἡ μαχῆον παντὶ κέμνον, μήτηρ, τιθύνη, ὑποδοχὴ, πάντεστι, χῶρα, ἴδρα τῶν γιννητῶν: omni fictio-

B ni

ni subiecta, mater, nutrix, receptaculum, omnicapax, locus, sedes genitorum. Tum declaratur amplius analogia ab unguentarijs, qui unguenta suauiter redolentia confecturi, materiam omnis odoris expertem præparant: item à fictoribus, qui mollibus in rebus figuram aliquam impressuri, nullam in ijs specie residere patiuntur: sicut illud quod omnium generum simulacris commodè figurandum fit, formis omnibus sua natura carere debeat: cuiusmodi Aristotelis exempla de ære ad statuam, de ligno ad lecticam. Secundus modus intelligendæ materiæ Platonius, est ἀφαίρεσις detractio. Appellatur itaq; ἀποιϑ, ἀμορφϑ, ἀόρατϑ, sine qualitate, sine forma, inuisibilis. Simplicius ait Aegyptios primæ uitæ, quam συμβολικῶς, appellabant, ὑποστάθμῳ tanquam fecem materiam aquam esse nominatam.

DE F O R M A.

Quid uocas Formam?

Ipsam rei, ut ita dicam, absolutionē & quasi exædificationem. Sic forma bouis est qua res illa sic existit quiddam uiuum, distinctum à cæteris animantibus. Forma enim status est rei salus: cuius priuatio, pernicies est ac ruina. Illud enim κακοποιῶν maleficium priuationis est, de quo Aristot. lib. 1. Phys. cap. 9.

Formæ

Formæ autem magna in rebus uis est. Est enim ipsamet essentia: aut præcipua pars essentia: hominiquæ perdifficilis & Deo soli reſeruatæ. Per eam res est id quod est: per eā res à cæteris rebus distinguitur hæc simul cum re ipsa ingeneratur, in hac præcipua rerum natura & explicatio est.

Est ne priuatio principium physicarum rerum?

Priuatio fabulosum in Physicis somnium est: Etsi enim Aristoteles è tribus physici operis fundamentis unum in priuatione constituerit: idem tamen uniuersæ naturæ uelut architectus, nihil unquam isto principio ædificauit, nihil construxit. Perlustra regiones Physicarum rerum, oraſque omnes meteororum, lapidum, metallorum, fontium, hortorum, pascuorum: ueræ physicaeque materiæ & formæ infinitū perpetuumque usum reperiēs: priuationis principium omni physico usu priuatum reperiēs. Intelligimus è duobus principijs & duabus causis materia formaque res omnes constare: priuationem ad rem constitutam nihil attinere, ut Aristoteli etiam placuit ad constituendum nihil posse: imo obſtare potius uenienti formæ, cum ei contraria ſingatur, neque formam materia recipi posse, nisi priuatio ante expulsa sit. Quamobrem hoc com-

mentum tam fabulosum è physica tollatur. Atq; hæcenus de Materia & forma, ex quibus congregientibus corpus naturale efficitur, quod etiam Natura dicitur: ideoq; Natura rectè definitur essentia per se consistens: uel corpus naturale, materia formaq; comprehensum.

D E F I N E.

Quis est Finitis rerum Physicarum?

Rerum physicarum finis est Homo, cuius gratia omnia condita sunt: quod autè ad speciales rerum naturalium fines attinet, de his specialiter in singulis speciebus consideratio instituenda est: ex quarum perpetua inductione non modò Prouidentia diuina: sed & Physicum illud axioma maximè illustratur: quod dicitur, *ἡ φύσις οὐδὲν μάτην ποιεῖ*, Natura nihil frustra aut temerè facit. Sic aranea telam texit: formica annonam congerit: hirundo nidulū construit: ac si longius progrediare ad plantas, comperies certo fine cuncta cōstitui & ordinari: radices deorsum sugendi alimentī causa: frondes sursum, fructus operiendi gratia: ut ait Aristotel.

At eadem natura βρυὼν ἢ ἀνδρόπορον: id est, bouigena & uiriprima, centauros scilicet & Minotauros generat.

Verum

Verum peccatum id naturæ fuerit, non finis. Monstra ab aliqua causa fiunt, nec ea per se & sine certo id agēte: quia peccata sunt: sed per accidens & per casum. Cum ergo causarum duo genera sint: unum per se: alterum per accidens: memineris hīc in physicis de causis per se dici: non de causis per accidens. Ex physica igitur omnis fortuna & casus, omnisq; necessitas & fatum tollatur. Neque enim in rebus physicis ulla temeritas, aut uolentia est: imò fortuitum & uolentum naturæ inimicum & contrarium est: Omnia enim imperantis Dei consilio, iudicioq; constanti quidem illo neq; uario, non tamen ulla fatali necessitate coacto, in rebus physicis reguntur & administrantur.

DE MOTU.

Quid est Motus Physicus?

Est nihil aliud quam effectus rerū naturalium: Nulla enim corpora ad otium nascuntur, sed singula ad motus aliquos tendunt. Sic corpora cœlestia feruntur assiduo motu locali, & radijs suis temperant inferiora corpora & alterationes in eis efficiunt. Plantæ in terra & animantia, tendunt ad generationes, & habent uarias effectiones alias. Sic homo ut seruetur species, natura ad generationem & ad

B ; quæ-

quærenda uitæ præsidia & ad alias actiones
 suo generi conuenientes & salutare ducitur.
 Tantumq; lucis affert motuum cognitio in
 qualibet specie, ut Aristoteles dicat, *ἡ ἀναγκαῖον ἀγνοεῖν τὴν
 κινήσεως, ἀγνοεῖσθαι καὶ τὴν φύσιν*. Quod enim discri-
 men Solis & Lunæ sciri posset, nisi motu dis-
 cernerentur? Sic hominem discernūt motus
 suū à beluis, marem à fœmina.

Quot sunt species Motus?

Vera genera motus nulla omnino sunt, sed
 motus, ut effectus, una sola generali defini-
 tione consideratus, satis superq; omni rei na-
 turali sufficet. Aristotelici tamen uulgò sex
 numerant: Generationem, Corruptionem,
 Augmentationem, Diminutionem, Altera-
 tionem, Loci mutationem seu Lationem. Ex
 quibus duæ primæ substantiarum sunt: sub-
 stantiæ enim generant: alteratio qualitatū
 est: qualitates enim alterant. Etsi enim sub-
 stantijs principaliter actio tribuatur, genera-
 tioq; substantiarum propria sit: substantiæ ta-
 men per qualitates sunt efficaces.

Quid est Generatio?

Est motus, quo acquiritur forma substan-
 tialis.

Quid est Corruptio?

Est motus, quo abijcitur forma substantialis.

Quid

Quid est Augmentatio?

Est motus, quo acquiritur maior quātitas.

Quid est Diminutio?

Est mot⁹, quo maior quātitas diminuitur.

Quid est Alteratio?

Est motus, quo acquiritur aut abijcitur aliqua qualitas. Vt in aqua dicimus fieri alterationem, cum abiecto frigore recipit calorem.

Quid est Loci mutatio seu Latio?

Est motus, quo subinde aliud spacium acquiritur.

Quomodo uocantur initia & fines motuum?

Initium motus dicitur terminus à quo: finis motus, dicitur terminus ad quem.

Vnde est causa tardioris & uelocioris motus?

I. E' medio molliore & duriore: Vt enim facili⁹s aqua quā terra: sicaēr quā aqua penetratur. Isorropicum enim theorema est medio impediri motum: & tantō uehementius, quantō fuerit solidius, densiusq;. II. E' mobilis leuitate aut grauitate. III. E' figura Geometrica. Sic rotunda facili⁹s, plana difficili⁹s perrumpunt: & cuneus ferreus citi⁹s petit ima quā lamina.

Quomodo fit Motus?

Successiue. Ideo Aristoteles: Omnis motus, ait, fit in tempore: id est, successiue, non in instanti. Sic etiam formæ substantiales elementorum, metallorum, plantarū & animantium habēt partes seu gradus: & paulatim plures gradus acquiruntur: ut in generatione arboris & bouis.

Quotuplex est Motus?

Duplex: Vniformis & Multiformis.

Quid est Vniformis?

Est naturalis motus: cuius causa est principium internum. Sic graue naturaliter deorsum fertur: ignis semper calefacit. Hic motus quoad localem mutationem, initio remissior est, in fine uelocior.

Quotuplex est Multiformis?

Duplex: Animalis aut Violentus.

Quid est motus Animalis?

Qui oritur à principio interno cognoscen-
te. Hic initio remissior est: in medio fortior
(calefactis iam nervis & excitatis spiritibus)
in fine est languidior, consumptis iam spiri-
tibus. Fertur autē iuxta quatuor corporis fi-
tus: prorsum, retrorsum, dextrorsum, fini-
strorsum, & in circulum.

Quid

Quid est motus Violentus?

Qui oritur à principio externo: ut cùm lapis sursum proijcitur, aut sagitta in altũ mittitur. Hic initio uelocior est: hinc paulatim fit languidior.

Vnde sumitur motuum contrarietas?

A terminis ad quos. Vt motus qui est ad caliditatem, contrarius est motui, qui est ad frigiditatem.

Est ne idem motus, Actio & Passio?

Aristoteles motum unum re & eundem esse ait in mouente & mobili, sed ratione differre. Vt enim idem est interuallũ unius ad duo & duorum ad unum: idemq; locus accliuus & decliuus: eademq; uia Thebis Athenas, quæ Thebas Athenis: sic motus unus & idem est motiui & mobilis, actiui nẽpe & passiui: sed in mouente agentẽq; actio: in mobili & patiente, passio. Vt in docendo motus est unus: sed in magistro διδάξας, in discipulo μάθησις.

Quid est Quies?

Est priuatio motus.

Est ne motus Physicus infinitus?

Nihil in rebus physicis infinitum est.

Est ne æternus?

Nihil in physicis rebus æternum est.

DE LOCO.

Quid est Locus?

Est spacium rei physicæ locatæ.

Quomodo mouentur corpora loco?

Εκ τῆς ἀποκρίσεως μεταβολῆς, celsione & permutatione corporum aliorum alijs cedentium. Natura enim negat penetrationem dimensionum.

Est ne Vacuum in rerum natura?

In natura rerum tam certa est corporū coagmentatio & continuatio, ut nusquam sit uacuum, ne mundi corpora fiant discontinua.

Nam

Vacuum fit discontinuatis corporibus.

At natura non concedit discontinuationem corporum. Prius enim grauija sursum ascendunt aut consistunt, quàm ut diuellantur corpora. Sic in aquæ ductib. aquæ sursum mouentur, ne fiat discontinuatio. Sic in clepsydris summo foramine obstructo nihil destillat, cum superius non subit aër: ne si cesserit aqua, fiat uacuum.

Natura igitur non concedit uacuum.

DE TEMPORE.

Quid est Tempus?

Est duratio rerum naturalium præterita, præsens, futura. Atq; hæc de Physicæ doctrinæ methodo: sequitur ut ad diuinam Mundi fabricam seu κοσμονοσίαν accedamus.

LIBER II. DE MVN- DO SEV COSMOPOEIA ET ORIGINE OMNIVM rerum.

Quid est Mundus?



ST compages cœlestium & infe-
riorum corporum arte distribu-
torum. Sicenim Aristotel. in lib.
de Mundo cap. 2. definit: Κόσμος ἐστὶ
πύσθημα ἐξ ὀρανοῦ καὶ γῆς καὶ τῶν ἐν τέτοις περιεχομένων φύ-
σιν. Λέγεται δὲ καὶ ἑτέρως κόσμος. ἢ τῶν ὅλων τάξις τε καὶ
ἐξουκρίσεις, καὶ θεῶν τε καὶ θεῶν φυλαττομένη. Est autem
unicus tantum mundus, non plures: etsi ua-
nitas & petulantia ingeniorum in hac quoq;
re suo modo lusit. Sic enim apud Aelianum
Silenus à Marsya captus narrat alium esse
mundum, in quo homines duplo uincant sta-
turam hominum in nostro mundo procero-
rum. Empedocles quoq; & Democritus sub-
inde alios mundos nasci, alios interire dixe-
runt. Sed unum tantum mundum esse, osten-
dit iudicium huius Syllogismi:

Si plures sunt mundi: aut concentrici sunt, aut ec-
centrici.

At non cōcentrici possunt esse: quia tū terra unius
mouetur

DE COSMOPOETIA,
moueretur ad terram alterius & fieret omnium
partium confusio: nec etiam eccentrici possunt
esse: tum enim inter duos mundos existeret ua-
cuum.

Non igitur sunt plures mundi.

*Quot sunt considerata in illa diuina
Cosmopœia?*

In hoc mundi: hoc est, Coeli & Terræ Am-
phitheatro, quinque præcipuè agemus: dice-
musque de Mundi Causis, Effectu, Adiunctis,
Partibus & Gubernatione diuina.

DE CAUSIS MUNDI.

*Quænam est causa efficiens
Mundi?*

Opus tam singulare, tamque admirabile, si-
mulachominibus conspectum est, protinus
omnipotens tantę machinæ architectus ani-
mo concipitur. Sic Moyses ait: In principio crea-
uit Deus cœlum & terram: terræ cœlique no-
minibus totum mundū significans: & D. Pau-
lus illustre illud & perspicuum æternę Dei na-
turæ speculum Romanis in mundo propo-
nens, ait Dei inuisibilia ex rebus conditis in-
telligi, & ex creatione mundi æternam eius
potentiam & diuinitatem perspicere. τὰ ἄ-
ρρητα τῆς θεῆς ἀνεκτίστων λόγους, τοῖς ποιεύμασι νοούμενα κα-

θορᾶται,

ῥορᾶται, ἥ τε αἰδίδι ὁ αὐτοῦ δυνάμις ἢ θεότης. Et ad illam diuinæ naturæ intelligentiam ueterum philosophorum præstantissimi quicq̃ accessere quàm proximè. Sic mens diuina apud Anaxagoram πάντα δικῶσµνοι, distinxit uniuersa. Et Plato in Timæo fabricatum à Deo mundum proficitur: & ita fabricatum, ut dissolui non possit, nisi ab eo qui colligauit.

Valeat itaq̃ Simplicius ille, (ut ait Balduinus) Aristotelis antiquus interpres: qui cū intelligeret quod Moses noster narrat de creatione mūdi, Solis, lucisq̃, olim furiosè exclamauit: Fabulosam esse narrationem & ex fabulis Aegyptijs tractam & repetitam: μυθικὴν εἶναι παράδοσιν ἢ ἀπὸ μύθων αἰγυπτίων ἐκκυσµένων. Valeat etiam Galenus, qui quod religiosè Moses narrat de creatione hominis, fastidiosè respuit, improbè cauillatus, Μωσὶς ἁγίου εἶναι ἀναπόδεκτον. Atqui Plato & alij cordati Philosophi, cū discere uellent rerum conditarum principia, non alium sibi doctorem uel magistrum delegerunt, quàm Mosen, cuius narrationem legebant in libris Mercurij Trismegisti Aegyptij. Nam neq̃ se eos legisse Plato dissimulat, & descriptos fuisse ex Mosis libris res ipsa loquitur, si uerba Trismegisti, quæ etiamnum extant apud Cyrillū contra Iulianum, cum oratione Mosaica conferamus. Deniq̃ quicunq̃ in Græcia sapuerunt,
ut

ut hisce de rebus aliquid serium audirēt, propiusq; tanquam ad lumen accederent, ueritatisq; uestigia assequerentur: in Aegyptum nauigarunt. Non audeo dicere eos Mosis libros legisse (nam multis annis post tempora Platonis primum in linguam Græcam translati fuerunt) sed Mercurij saltem commentarios legere potuerunt: & sacerdotes Aegyptios, qui Mosen ipsum legerant, audierunt: ipsiq; auditis, quos alioqui Barbaros appellabant, eos non modo Græcis antiquiores doctioresq; agnouerunt: sed & Græcorum esse magistros ingenuè confessi sunt: neque non laudarunt illam sacerdotis Aegyptij increpationem, qui (sicuti Plato refert) Soloni responsit: Græcos nihil aliud esse quàm pueros. Res enim antiquas eos ignorare. Quidē ipse Diodorus cum historiam scribere instituisset, sese propterea in Aegyptum traiecisse & Alexandrinas bibliothecas & sacerdotum ἀρχαῖα excussisse narrat. Itaque quod ad rerum creationem primam attinet, propius ad Mosis libros accedit.

Sic enim ait: περὶ τῆς πρώτης γένεως τῶν ἀνθρώπων διηλοὶ γινώσκειν ἀρξάμενος παρὰ τοῖς ὀνομαστότατοῖς καὶ νομιμωτάτοις τῶν τε φυσιολόγων καὶ τῶν ἱστορίων. οἱ μὲν γὰρ αὐτῶν ἀγέννητον καὶ ἀφθαρτον ὑποσάμενοι τὸν κόσμον, ἀπεφύεοντο καὶ τὸ γένεσθαι τῶν ἀνθρώπων ἐξ αἰῶνος ὑπάρχειν, μηδέποτε τῆς αὐτῶν τεκνέσεως ἀρχὴν ἰσχυκῆας. οἱ δὲ γιννητὸν καὶ φθαρτὸν ἔχοντα

νομίζαντες.

νομιδαντες, ἔφησαν ὁμοίως ἰκένοισι τὸς ἀνθρώπους τυχεῖν τῆς
 πρώτης γενέσεως ὠρισμένοις χρόνοις. κατὰ γὰρ πλὴν ἐξ ἀρχῆς
 τῶν ὅλων οὐκ ἔστιν μία ἔχον ἰδίαν ὑπερανόρ τι καὶ γινώμι-
 μιζμένης αὐτῶν τῆς φύσεως. Hæc Diodorus, qui e-
 tiam Euripidis auctoritatem ad suam senten-
 tiam adducit: εἰσικεῖν περὶ τῆς τῶν ὅλων φύσεως ἐστὶ Εὐ-
 ριπίδης ὁ φωνεῖν τοῖς προήρημένοις, μαθητῆς ὢν Ἀναξά-
 γορας τοῦ φυσικοῦ. ἐν γὰρ τῇ Μεγαλήππῃ τίθησιν ὅτως:

ὥς ὑπερανός τι γὰρ ἂν τ' ἦν μορφή μία:
 ἐπεὶ δ' ἐχωρίσθησαν ἀπὸ ἑκαστοῦ διίχα,
 τίητοι πάντα κἀνέδωκαν εἰς φάος,
 δεινὸν καὶ περὶ τὸν αἶθρα, ὅς θ' ἄλμυ τρέφει,
 γένεσθαι τε θνητῶν.

Atq; hæc de causa efficiente.

*Quænam est causa mundi Mate-
 rialis?*

Fuit quondam multorum stupidus error,
 dicentium materiam non fuisse creatam, sed
 æternam: qui error multos etiam olim hære-
 ticos occupavit: sed extat ad eum refellendū
 liber Tertulliani aduersus Hermogenē. Nos
 contenti sumus testimonio Petri (de quo su-
 pra) & D. Pauli, qui ad Hebræos ait mundum
 hunc, quem cernimus, conditum esse *μὴ ἐκ φαι-
 νομένων*. Deus enim mundum è nihilo crea-
 uit: quod ipsa Hebræi uoce *עוֹלָם* Rabinis in-
 terpretibus significatur. Atq; ad illam mate-
 ria

riæ creationem, Aristoteles formæ creatione adduci debuit. Cum enim in Metaph. physicas formas asseueret è nihilo instar momentorum & punctorum creari: non debuit incredibile putare materiam quoq; creatam esse, cum digniori & præstantiori iam creationem attribuisset. Et sic Ioannes Grammaticus Philoponus hoc argumentum cõspexit, conclusitq;: Si formæ è nihilo fiant à Deo, materiam quoq; ab eodem opifice ex nihilo creari posse.

*Quæ nam est causa formalis
Mundi?*

Mundus ab ornatu suo tam Latinis, quàm Græcis nomen inuenit: qui ornatus tam præclarus est, ut excitare nos ad sui cognitionem deberet: sed nescio quo pacto fit ut quotidianò spectaculo assuetis uilescat, qui recens intuentibus esset mirabilis. Cæterum quod ad ipsam mundi conformationem attinet, consentiens cum Mose omnium gentium fama fuit: imò uero fuit hæc olim propè popularis cantilena: cumq; in conuiujs decantari soleant carmina historica, hinc potissimum repetitum procemium est: eiusq; tanta uis fuisse dicitur, ut ipsas etiam res brutas & inanimatas commoueret. Sic mundi Genesim Hesiodus, & post Hesiodum Virgilius describit, &

Oui-

Ouidius. Virgilius quidem etſi de ſui Silenī cantu loquens, Epicureum agat, & ad concurrentes Democriti atomos alludat: tamen fundit non ignobile alioqui carmen de prima rerum creatione:

*Tum uerò in numerum Faunosq; ſerasq; uideres
Ludere: tum rigidas motare cacumina quercus.
Namq; caneſcat uti magnum per inane coacta
Semina terrarumq; animæq; marisq; fuiſſent,
Et liquidi ſimul ignis: ut his exordia primis
Omnia, & ipſe tener mundi concreuerit orbis.
Tum durare ſolum & diſcludere Nerea ponto
Cœperit, & rerum paulatim ſumere formas.
Iamq; nouum terræ ſtupeant luceſcere Solem:
Altius atq; cadant ſummotis nubibus imbres.*

Sicut enim Moſes duplicem creationē mundi deſcribit, priorem materiæ (quod Chaos Ethnici appellabant) alteram formæ: ita & Virgilius primò Chaos, poſtea rerū formas ex Chao diſcluſas cecinit: Idē Ouidius quoq; ſed pluribus proſecutus eſt: Nam de Chao, ut Moſis diſcipulus, principio ſic ait:

*Ante mare & terras, & quod tegit omnia, cœlum,
Vnus erat toto naturæ uultus in orbe,
Quem dixere Chaos, rudis indigeſtaq; moles:
Nec quicquam niſi pondus iners, congeſtaq; eodem
Non bene iunctarum diſcordia ſemina rerum.*

Nullus adhuc mundo præbebat lumina Titan,
 Nec noua crescendo reparabat cornua Phœbe,
 Nec circumfuso pendebat in aëre tellus
 Ponderibus librata suis: nec brachia longo
 Margine terrarum porrexerat Amphitrite:
 Quæq; erat & tellus, illic & pontus & aër.
 Sic erat instabilis tellus, innabilis unda,
 Lucis egens aër, nulli sua forma manebat,
 Obstabatq; alijs aliud: quia corpore in uno
 Frigida pugnabant calidis, humentia siccis,
 Mollia cum duris, sine pondere habentia pondus.

Hæc Ouidius de Materia seu Chao: aut, ut
 Moses uocat, abyſſo: sed formam quomodo
 idem describit:

Hanc Deus & melior litem natura diremit.
 Nam cœlo terras & terris abscidit undas,
 Et liquidum spisso secreuit ab æthere cœlum.
 Quæ postquam uoluit, cæcoq; exemit aceruo,
 Dissociata locis concordî pace locauit.

Atq; in hac ipsa totius mundi cōformatio-
 ne Deus non modo materiam, sed & formam
 (ut suprà monuimus) ex nihilo creauit instar
 momentorum. Sic enim Aristoteles in libris
 de cœlo ita uaticinatur: *ἐκ ἄθρο τοῖς πάσι τὸ εἶναι
 τὴν ψυχὴν τοῖς μὲν παντάτορον, τοῖς δὲ ἀμυδρότερον*. V-
 niuersis rebus è cœlo & esse & uiuere attri-
 buit: alijs quidem manifestius, alijs autem ob-
 obscu-

obscurius: Eaꝓ de causa forma ab Aristotele
 θεωρ ἀγαθὸν ἰσχυρὸν dicitur. Sic igitur philoso-
 phus à diuino rerum opifice non modò in ui-
 uentibus uitæ, sed in omnibus omnino enti-
 bus essentiaꝝ causam principiumꝓq; repetit: ut
 omnis omnium entium naturalium forma,
 materiaꝝ præcultaꝝ ac præparatę diuinitus in-
 spiretur. Neꝓ *κρῶσις* temperamentoꝓq; subie-
 ctę materiaꝝ formarum creatio expressioque
 tribui potest: ut nec citharę, quamlibet egre-
 gio idoneoꝓq; artificio compositę, fabrica stru-
 cturaꝓq; harmoniam uelut animam queat effi-
 cere: sed citharædus fidibus canēdo eam cre-
 et necesse est. Neꝓ iustū uerumꝓq; sit, id quod
 deterius est, melioris causam statui: sed formā
 quibusuis materię instrumētis præstare. Quan-
 to igitur forma quàm materia præstantior est,
 tanto hęc Dei physica maior est. Hęc enim nō
 tantum Chaos illud cōfusum & indigestum,
 sed cælum iam & terra apparet: in ἧςꝓq; uenti,
 pluuię, lapides, metalla, plantę, pisces, ferę,
 aues, homines. Hic creatarum rerum circus,
 hoc amphitheatrum, hæ rotę sunt triumphā-
 lis illius apud Ezechielē currus, rotis quatuor
 duplicibus animati: ad singulos ueluti clauos
 oculati: p omnes uniuersi mūdi partes, perꝓ
 populos ac nationes omnes uecti: uehentiꝓq;
 sublimi folio insidentē Dei maiestātē, immen-
 sa ac sempiterna gloria triumphantem.

DE EFFECTIS SEV MOTU Mundi.

Quis est Motus Mundi?

Mirabili Dei consilio & prudentia sic partes mundi constitutæ sunt, ut cœlum perpetua quasi uertigine circumagatur: terra autē tanquam immobile centrum, quæta & quasi suo pondere grauata consistat: utq; perpetuæ ex illa uertigine cœli ἀπόρροια in subiectā terram, ceu medium alueum, defluentes, eam fecundam & fertilem certis uicibus reddant: ea'q; mutua συζυγία necessariam inter se copulationem & connexionem conseruent. Cœlū autem in circulū moueri, hoc syllogismo concludi solet:

Corpori sphæricæ figuræ, conuenit motus circularis.

At cœlum est corpus sphæricæ figuræ.

Cœlo igitur conuenit motus circularis.

At de terræ quiete plura afferuntur.

1. Centrum in circuli reuolutione, est immotum.

At terra est centrum mundi: id quod patet ex parentijs: hoc est, ex stellarum conspectu: ex æquinoctijs, ex incrementis & decrementis dierum & noctiū æqualibus: ex eclipsibus.

Terra igitur manet immota. Atq; hoc argumentum recitat Macrobius ex Cicerone.

2. Qui

2. Qui motus est partium, idem etiam est totius. Eadem enim natura est totius & partium.

At omnes partes terræ & omnia mixta, in quibus dominatur terra, feruntur deorsum ad superficiem terræ & in ea quiescunt.

Ergo uniuersa terra quiescit.

3. Omne graue tendit deorsum ad medium & necessario quiescit cum uenit ad uerum centri locum. Centrum enim oportet esse immotum.

At terra est grauis.

Terra igitur tendit deorsum ad medium & in eo quiescit.

4. Alius rerum nascentium debet quiescere. Celerius enim motus impedit collectionem, quæ omnibus nascentibus necessaria est.

At terra est alius rerum nascentium.

Terra igitur quiescere debet.

DE ADIUNCTIS MVNDI.

Quot sunt hic consideranda?

Tria: Figura, Quantitas, Tempus.

1. *Quænam est Figura mundi?*

Sphærica seu rotunda: cuius rei argumentum primum est ex circumuolutione stellarum. Quædam enim stellæ semper apparentes & æqualiter distantes, angusto ambitu & tardo

C 3 mo.

mouentur in fastigio cœli in orbem. Quædam uerò infra superiores etiam in orbem circumaguntur, sed ampliore ambitu & uelociore motu. Necessè igitur est centrū illius summi ambitus stellarum, polum esse: & cum circa hunc polum uolui cœlum uideamus: efficitur cœlum moueri circulari motu & figuræ sphæricæ esse. Hunc cœli contuitū citat Ptolemæus & Alfraganus, cum de figura cœli differunt. Accedit & aliud argumentum ex uacuo:

Nam:

Si cœlum alterius figuræ quam sphæricæ esset (ut si haberet superficiem planam, triangulam, quadratam aut aliquam aliam) necesse esset in motu seu conuersione cœli uacuum accidere.

At uacuum in rerum natura non est.

Cœlum igitur alterius figuræ quam sphæricæ non est.

I. I. Quæ nam est Quantitas mundi: hoc est, est ne finitus an infinitus?

Finitum esse duobus argumentis de parte altera, cœlo scilicet, demonstratur: quorū prius motu sumitur: alterum à figura.

1. Nullum corpus circulariter motum, est infinitum. Si enim infinitum esset, necesse esset lineas à centro ductas in infinitū distare: quod si fieret, circumferri corpus non posset.

At cœlum circulariter mouetur : ut manifestum est ex motu stellarum circa polum, & ex Solis, stellarumq; fixarū assidua conuersione.

Cœlum igitur non est infinitum.

2. Omne figuratum est finitum. Figura enim est superficies, habens finem & terminum.

At cœlum est figuratum: figuræ scilicet sphærice, ut suprà diximus.

Cœlum igitur est finitum.

III. Est'ne Mundus æternus: aut habet'ne principium & finem?

Mundus æternus non est: nam & conditus est, & tandem etiam igni periturus. Triplex autem opinio est in disputatione ista: Vna eorum qui nec initium habuisse: nec exitum putent, habiturum. Alteri utrumq; affirmât: tertium genus est eorum, qui originem quidem habuisse dicunt, nunquam autem occisurum. Prima opinio est Aristotelis: is enim primus omnium tum à maioribus, tum à magistro Platone dissentiens, mundum æternū statuere ausus est: Altera est non modò Hebræorum, sed etiam Chaldæorum, Pythagoræorum, Stoicorum, Academicorum, Arabū deniq;. Quin etiam Epicurus ipse (ut est apud Plutarchum) in eadē fuit opinione. Inter Latinos uerò (quamuis admodum pauci philosophiam seriò tractârint) M. Varro, qui om-

nium Latinorum & Græcorum doctissimus est à Tullio appellatus, idem iudicauit in libro, quem de interitu mundi scripsisse fertur. In tertiâ sententia fuerunt Panætius, Possidonius, Boëthus, & Seneca inter Stoicos: Thomas Aquinas inter Theologos: Philo inter Hebræos: tum etiam princeps Academię Plato, huius autor opinionis. Philo Moſis & Salomonis ſententiã ſuam tuetur: quibus tamẽ Eſaias, Eſdras ac Petrus aperte reclamant, ut ex eorum uerbis de interitu mundi dubitare nemo poſſit. Sed aduerſus Ariſtotelem omnis diſputatio hæc ſuſcipiatur: qui in octauo libro Acroamaticorum uarias rationes ad æternitatem mundi aſtruendam adduxit. Sed prius noſtram opinionem confirmabimus, poſtea Ariſtotelis argumẽta confutabimus.

Quomodo igitur probas mundum non eſſe æternum & interiturum?

1. Si mundus ab æterno fuit: efficitur duo æterna principia eſſe, mentem & materiam.

At non ſunt duo æterna principia: ſed cùm unica ſit prima cauſa infinitæ potentiz: efficitur & materiam pendere ab illa prima cauſa, & non ſolùm ab eadem efformatam, ſed etiam ex illo infinitæ potentiz fonte eductam.

Mundus igitur ab æterno non fuit.

2. Finitæ mentis actio, finita ſit oportet,

At mundi motus est finitæ mentis actio: Auicenna enim primum orbem à Deo moueri negat: quia finito corpori (ut mundus est) infinitum motorem copulare sit absurdum: cū finiti ad finitum nulla sit ratio, uel coherencia, uel habitudo. Quid enim absurdius est, quàm quòd Aristoteles & Abenreis Deum (quem actu infinitū appellant) eundē mundo: id est, corpusculo finito sic coniungunt, ut ab eo diuelli non possit? Quid minus philosopho dignum, quàm efficiētē causam, quæ sit infinita cum effectu finito sic colligare, ut uno existente, alterum existere sit necesse? Sic enim Aristoteles philosophatur de mundo ac Deo, ut de calore & igne, de sole ac luce: quorum alterum alterius sit efficiens causa, sed ei tamen ita cohæreat, ut auelli ne cogitatione quidem possit.

Mundi igitur motus finitus est.

3. Si locorum uel corporum infinitas tollit Deum: motu sempiterno, uel temporum (quæ à motu pendeant) infinitate posita, Deus tollatur necesse est: cū motus sempiternus complectatur infinitatem seculorum.

At locorum & corporum infinitas tollit Deum.

Sic enim Proclus argumētatur aduersus Anaxagoram & Metrodorū, qui loca magnitudine infinita, mūdōsq; innumerabiles po-

suerunt: ἀνδρία inquit, ἀναρᾶ τὸν θεόν, infinitas tollit Deum.

Ergo motu sempiterno & temporum infinitate posita, Deus tollitur.

4. Si Deus causa eiusmodi esset, ut ab effectu minime diuelleretur: efficeretur Deū Aristotelis (quem mundo ueluti spongiam lapidi affligit ac perpetuo motu fatigat) non modò nō infinitum esse, sed planè mundo concretum, ut lux Soli.

At Deus actu infinitus est: & ipse Aristoteles in Metaphysicis, mentes ab omni concretionē corporum liberas esse & solutas scribit.

Deus igitur non est eiusmodi causa, ut sine effectu consistere non possit: nec ulla ratione finito & exiguo corpori, siue origine, siue statu, siue motu conferri.

5. Si mūdus est finitus, potestatem habet finitam: Sic enim argumentabatur Philoponus; nec id Abenreis dissoluere potuit.

At est finitus. Nam ut suprà diximus, ἀνδρία τὸν θεόν ἀναρᾶ.

Habet igitur potestatem finitam.

6. Si mundi partes labuntur ac disfluunt, totum occidere aliquando necesse est. Partium enim & totius eadem ratio sit oportet. Hoc argumentum Theophrastum perturbauit, ut uidere est apud Philonem in lib. de mundi interitu.

At illud. Videmus enim animantia, plantas, stirpes ab igni absumi & uilissimā cineris naturam subire, amissa nobiliore forma.

Hoc igitur.

7. Quod ex igne & aqua concretum est, id corruptibile est.

At cœlum ex igne & aqua concretum est, ut non modò D. Petrus, sed & Philoponus ex Academicorum sententia disputat: ac Hebræi sapientissimi naturæ interpretes affirmant. Id enim uoce ipsa שמים: hoc est, מים שן: uel ut alij מים שם ignis & aquæ rationem complectuntur.

Quis igitur cœlum dubitet interiturū? Id quod Aristoteles ne fateri cogeretur, quintam cœlo tribuit naturam: quæ tamen qualisq; illa sit, nusquā explicat. Non debuit igitur ignota cœli natura, sempiternum affirmare.

8. Nihil concretum & partibus coagmentatū à seipso effici potuit (ex ipsius Aristotelis disciplina) ideoq; causam habuit sui efficiētem.

At mundus concretus & partibus coagmentatus est.

Mundus igitur à seipso effici non potuit: ideoq; habuit causam sui efficientem: Vnde efficitur ut mundi causa prior sit effectui, non solū ipsa natura, sed etiam tempore. Quod Cardanus parum assecutus, Deum mundi causam efficientem esse negauit: quod nec philosopho.

losophum decuit; nec Christianum. Atq; hæc
ad confirmationem nostræ sententiæ. Venia-
mus ad refutationem Aristotelis.

*Quibus è contra argumentis usus est Aristote-
les ad suum errorem stabilien-
dum?*

Aristoteles & eum secuti, tanquam totius
disputationis fundamentum posuerunt: Ex
nihilò nihil gigni: unde de mundo conclu-
serunt:

Ex nihilò nihil fit.

At mundus est aliquid.

Mundus igitur ex nihilò non est factus: sed ab æ-
terno fuit.

At nos supra ex Aristotele diximus for-
mas ex nihilò à Deo fieri: itaq; Aristoteles ira-
sci non debet, si suum principium illud nega-
ri uidebit, quod ipse formarum illa ex nihilò
productione euertit.

1. Si tempus est æternum, motus est æternus. Tem-
pus enim est numerus motus secundū prius
& posterius.

Tempus autem est æternum, ut omnes Physici
(præter unum Platonē) cōfitentur: & Nunc,
præteriti, futuriq; temporis mediū, idem
etiam probat.

Quare motus est æternus.

At Plato ad propositionis rationem dictu-
rus

rus est, id quod in Timæo scriptum reliquit: nimirum tempus hoc quod appellatur, imaginem tantum æternitatis esse, uel potius non tempus, sed mensuram temporis. Itaque tempus, motu quolibet longè esse prius atque antiquius: neque tempus cum motu reciprocari: sed si motus nullus esset, mens tamen diuina extensionem durationis secundum prius & posterius numeraret. Itaque Plotinus lib. 8. Mirandula lib. 6. de Vanitate gentium, quæstionem Aristotelis iam pridem irriserunt, utrum scilicet animo numerante sublato, tempus esse desinat. Basilius uero, Ambrosius, Augustinus & Moses Aegyptius, ut inanes illas argutias effugerent, tempus ab æternitate penitus seiunxerunt.

2. Si impossibile est uel esse, uel intelligi tempus absque Nunc: necesse est semper esse tempus.

Atqui impossibile est tempus intelligi sine Nunc: quoniam Nunc, est medium temporis, initium futuri, finis præteriti: & ideo necesse est ipsius in utramque partem semper esse tempus.

Quare tempus est æternum: ideoque & motus.

At propositio Platoni falsa est: cui cum mundus creatus est, Nunc fuit initium futuri: finis præteriti (quod antea nullum fuerat) esse non potuit: nec ideo medium. Item cum mundus desinet, Nunc illud, erit finis temporis præteriti: futuri autem initium non erit: quia postea nul-

nullum futurum est. Plato inquit in Timæo
 rectè: χρόν' ὅ μετ' ἑρὰνδ' γέγονεν, ἵνα ἅμα γέννηθῇ τις, ἅμα
 καὶ λυθῶσι, ἃ ποτὶ κούσις τις αὐτῶν γήνηται.

Quo tempore igitur cœpit Mun-
 dus?

De tempore anni, quo mundus creatus est,
 uariæ sunt dissentientesq; opiniones. Sunt e-
 nim qui æquinoctium uernum fuisse putent.
 Sic enim & Mosesensem Nisam (qui Xan-
 thicus Macedonibus: Latinis uerò Aprilis di-
 citur) ordine primum posuit & Exod. cap. 23.
 iubet diem festum colere in exitu anni, cum
 fruges in horrea fuerint congregatæ. Et sic
 Virgilius 2. Georg. canit:

Non alios prima crescentis origine mundi
 illuxisse dies, alium'ue habuisse tenorem
 Crediderim: uer illud erat, uer magnus agebat
 Orbis, & hybernis parcebant flatibus Euri,
 Cum primum lucem pecudes hausere, uirumq;
 Ferrea progenies duris caput extulit aruis:
 Immissæq; feræ syluis & sidera cœlo.
 Nec res hunc teneræ possent perferre laborem,
 Si non tanta quies iret frigusq; caloremq;
 Inter, & exciperet cœli indulgentia terras.

Et Ouidius quoq; in primo Fastorum in ea
 sententia fuit: cum ait:

Dic age frigoribus quare nouus incipit annus,
 Qui melius per Ver incipiendus erat?

Omnia

Omnia tunc florent, tunc est noua temporis ætas,
 Et noua de grauidō palmitē gemmā tumet.
 Et modō formatis operitur frondibus arbor,
 Prodit & in summum seminis herba solum.
 Et tepidum uolucres concentibus aëra mulcent,
 Ludit & in pratis, luxuriatq; pecus.
 Tunc blandi soles, ignotaq; prodit hirundo,
 Et luteum celsa sub trabe figit opus.
 Tunc patitur cultus ager, & renouatur aratro,
 Hæc anni nouitas iure uocanda fuit.

Verum alij in ea sunt sententia ut mundum in æquinoctio Autumnī conditum credant, ut Bodinus in methodo historica, & Crusius in libello de Epochis: qui tribus ad id argumentis mouentur.

I. Ex agnominatione uocabuli primi in Genesi ראשית Reschith: quod significat initium: & per anagrammatismum; id est, earundem literarum conuersionem, arcanum mensis Septembris (qui תשרי Thisri Hebræis dicitur) complectitur, ut pro Be Reschith intelligamus Be Thisri: sicut scribit Rabi Eleazar in Genesim: idq; confirmat Rabi Abraham in cap. 7. Danielis. Et sic Asiatici seu orientales (ut Chaldæi, Persæ, Indi, Hebræi) & Aegyptij ab autumno seu æquinoctio autumnali annū inchoabant. Sicut ē cōtra occidentales à sectione uerna: Athenienses & Græci à solstitio æstiuo:

stiuo: Romani à solstitio hyberno: Arabes ab ingressu Solis in Leonem, ut Solinus & Firmicus lib. 3. tradit.

II. Ex testimonijs Mosis in Exodo. Nam cap. XII. Israëlitis egressuris ex Aegypto mādatur uoce diuina ut mēsem liberationis suæ (quam Chaldaicè *Nisan* appellant) pro anni exordio in posterum obseruēt. Quo mandato indicatur præcedentibus seculis aliud fuisse principium anni. Itaq; Hebræi in priuatis & publicis negotijs à Septembri mense incipiunt: sed quod ad festorum à Mose præceptorum obseruationem attinet, inchoāt à festione uerna in mense *Nisan*. Deinde in capitulo XXIII. cū dicitur: Diem festum coles in exitu anni cū fruges in horrea congregaueris. Si enim in eo festo exitus anni fuit: circa idem festum etiam principium noui fuerit, necesse uidetur.

III. Ex descriptione anni in diluuio.

Nam

Secundus mensis est initium & finis diluij.

At Marhesuan est secundus mensis iuxta Iosephū, qui in ordine secundus est à Thisri.

Marhesuan igitur est initiū & finis diluij: ideo q; in sacris literis, is mēsis Bul בול dicitur, quasi מבוֹל mabul: id est, à diluuio. Sequitur igitur mensem Thisri principium anni & muni di fuisse.

DE PARTIBVS MVNDI.

Quæ nam sunt partes Mundi?

Argumentum Mosaicæ Geneseos & Cosmopœiæ comprehenditur creatione mundi, lucis, astrorum, herbarum, arborū & animalium. Sed facilioris intelligentiæ causa, totam Cosmopœiam per partes subtilius distinguemus in Hexaëmeron seu historiam sex dierū: cuius duæ sunt partes: prior in quatrduo ad creationem rerum inanimatarum: altera in bi duo ad creationem rerum animatarum.

Quid igitur creauit Deus primo die?

Primo die condidit Deus ex nihilo rudem, impolitam, informem & obscuram massam, quæ fuit materia cœli & terræ & omnium rerum cæterarum. Huic massæ eodem die lux addita est: quæ etiam si nō tam clara fuit, quàm Solis iubar, postea creatum: tamen ab ortu in occasum mota est & discrimen diei ac noctis fecit. Hæc igitur summa operis primi diei est: in quo materia primū condita est: reliqui enim quinque dies formam tāquam expolitionem huic primo operi addiderunt.

Quibus uocabulis nominat Moses materiam?

Vocat תהו, תהום, חשך, בהו, תהו, חשך: hoc est,
D indi-

indigestum seu ἀτακτον, uacuū, tenebras, abyssum, aquas.

Quomodo introducta est forma?

Id Moses uno uerbo complectitur: Spiritus, ait, domini ferebatur super aquas. Utitur enim uerbo מרחפת à uerbo רחף: hoc est, fouebat uiuificans uitali calore, sicut auis incubans fouet oua, eisq; uitam & uigorem impertit. Sic enim interpretatur Hieronymus: & Basilius Syrum quendam huius interpretationis testem citat: τὸ ἐπιφέρειτο, φησὶν, ἐξηγῶνται ἀντὶ τοῦ σωῖσθαι καὶ ἐξωρῶναι τὴν τῶν ὑδάτων φύσιν καὶ τὰ τὴν ἀκρόν ἐπαύσεως ὄρνιθ' καὶ ζωτικῶν τινὰ δυνάμεις ἐνείσης τοῖς ἀποβαλλομένοις.

Quid creauit Deus secundo die?

Firmamentum: quod Moses רקיק Rakia uocat: id est, expansum seu extensum quiddam: hoc est, totam ætheream regionem, & omnes sphaeras, quæ ab Astronomis distribuuntur. Coelum enim est quicquid à terræ & aquæ globo sursum expanditur. Nam sicut in castris tentoria expanduntur, quæ regunt milites: uel sicut uestica extenditur inflato aëre: ita uerbo Dei aqua in hanc cœli formam extensa est. Illa autem extensio digito Dei facta est: cuius rei analogia in aqua quotidie cernitur: quam cum digito contigeris, protinus à centro undiquaq; circuli contigui multiplican-

tur

tur & ad extremam usq; peripheriam se exten-
 dunt, in quibus si quæ bullæ existunt (quales
 sæpè plures fiunt) ex ijs stellarum & planeta-
 rum, in illis circulorum contiguorum anfra-
 ctibus hærentium, similitudinem tibi concipi-
 pito. Ad hanc analogiam non tam Hebræis,
 quàm Græci idiomatis notatio alludit. He-
 bræis enim cœlum, ut supra quoq; diximus,
 ab aquis nomen habet: & ob illam circulorū,
 in sublime, contigua, alternatq; reciprocatio-
 ne, assurgentium extensionem, *ερανός* Græcis
 dicitur, quod is cursus in supremo & extimo
 circulo refrenetur: quasi *ἄνω ὅρ* & ex illa cla-
 ritate ac pelluciditate, quæ aquæ eam subtile
 extensionem sequitur, *ὀλύμπ* dicitur, quasi
ὀλολαμπής, quod cœlum totum splendidum &
 pellucidū sit: unde & ether dicitur, uel a splen-
 dendo, quod Græcis est *ἄθω*, uel ob perpetui-
 tatem motus, quæ tenuissimæ aquæ fluxum,
 circini instar circumductum, sequitur: *ἀπ' τοῦ
 ἀέθω*. Addit autem Moses cœlum hoc, esse
 interstitium inter aquas cœlestes & inferio-
 res: & ut ipse loquitur *מַכְרֵחַ*: quales autem
 illæ aquæ supra cœlos sint, & ad quid utiles,
 nouit ille qui condidit, ut ait Beda: nec neces-
 se est allegorias hsc fingere, sed, ut Basilus ait:
τὸ ὕδωρ, ὕδωρ νοήσωμεν. Atque hoc secundi Diei
 opus est. Nam cū Deus hominis gratia o-
 mnia condere constituisset: priusquam eum

crearet, pulcherrimum domicilium ædificauit, in quo eundem collocaret: & quidem eius ædificij tectum, miranda arte & pulchritudine ornatum, secundo isto die extruxit.

Quid creauit Deus tertio die?

Tertio die præclari illius ædificij inferiores contignationes & sedes expolijt, Terram scilicet: & ut homo in illo domicilio collocandus, penu ditissimum, refertissimumq; haberet, unde necessaria alimēta uberrimè depromere posset: terram omnis generis plantis ornavit. Hinc uarietas propè infinita arborum, fructuum, herbarum, frugum, florum, leguminum, olerum, succorum, liquorum & cæterorum terra nascentium. Hinc etiam modus propagationis seu generationis plantarum: hinc mirandæ & arcanæ *δυνάμεις* earum & uires: hinc stupenda terræ foecunditas & feracitas.

Quid creauit Deus quarto die?

Luminaria duo cœli, Solem & Lunā. Nam, ut ait Iustinus martyr, natura lucis quæ initio per omnes mundi partes diffusa fuit: postea distinctis elementis & stellis creatis, in solare corpus collecta est, unde per omnia diffunderetur. Atq; hīc quidem Moses præcipuè nobis commendare uidetur usum & obseruationem Solis & Lunæ: quæ duo magna cœli cor-

h corpora, in primis admirabilia & aspectabilia sunt.

Quot utilitates horum luminum recenſet

Mofes?

Quatuor. Sic enim ait: חֲשֵׁמִים לָהּ כְּרִיל: זה יד לאחת ולמועדים ולימים יהי מארת ברקיע hoc est, ſiant luminaria in Rakia cœlorum, ut ſint Maſdil ſeu diſcrimen inter diem & noctem & ſint in ſigna & feſta, & dies & annos. Nam:

1. Faciunt diſcrimina diei & noctis, ut ſit interuallum laboris & quietis. Sic enim Cicerō ait: Diei, noctisq; uiciſſitudo conſeruat animantes: tribuens aliud agendi tempus, aliud quieſcendi.

2. Sunt ſigna prouidentię & bonitatis diuinę, item irę & impendentium pœnarū: pluuiarum ſeu tempeſtatum.

3. Secundum motum Solis & Lunę præcipua feſta diſtributa ſunt & olim in populo Iſraëlitico & hodie in eccleſia.

4. Beneficio motus Solis & Lunę animaduerſæ ſunt ſtatę uices Anni, dierum, menſium. Atq; hætenus prior noſtri Hexæmeri pars eſt in priori quatrīduo ſeu creatione rerum inanimatarum. Diſcuſſis enim tenebris & aquis ſubductis, terręque exiccata, ſtirpibusq; ueluti uestita, & aëre, ætherēq; educto, Luna conglobata, Sole lucente, planetisq; re-

lignis uagantib. & cœlo firmato, stellisq; infixis effecta sunt, quæ utriusq; orbis & cœlestis & terrestris erant: Vnde Mundi *ἡρδὴ* & quasi ἀποτίμιμα concipitur. Sequitur altera Hexæmeri pars, in posteriori biduo, quod creatio, ni omnium animalium est attributum: ad illius operis ornatum proprium.

Quid creauit Deus quinto die?

Pisces & Aues: & eas quidem ex una, eademq; materia, uidelicet Aqua, ut pisces tantum in aqua labili natent: aues autem pleræq; in aqua stabili seu aëre tantum uiuere possint. Benedixit autem piscibus & auibus Deus: hoc est, fœcunda reddidit: Experientia enim ostendit horum animantium fœcunditatem esse singularem. Thaonim autē propriè sunt animalia oblonga, quæ præ se ferunt formam serpentis: Moses uerò accipit pro aquatilibus immensæ magnitudinis, ut sunt quas Latini Balenas, Græci *λίγυ* uocant.

Quid creauit Deus sexto die?

Animalia terrestria & Hominem.

*Quomodo diuidit Moses animalia
terrestria?*

Diuidit in tres species. In iumenta *βοτάν* quæ nos in operibus domesticis in arādo aut rebus transuehendis iuuant, ut sunt boues, equi, asini. In Reptilia humi repentia, ut sunt
ser-

serpentes. In Bestias terræ, quales sunt feræ, ut Leones, Apri, Vrsi, &c. Audiuius qualē, quantamq; ueluti domum Deus extruxerit: quibusq; ornamentis expolierit, decorârîtq; nunc qualem dominum & incolam immiserit, audiamus. De hominis igitur natura tandem uideamus.

DE HOMINE.

Quot sunt considerata in hominis creatione?

Duo: Causæ, & Adiuncta.

Quæ nam est causa efficiens hominis?

Tota diuinitas seu trinitas: sic enim apud Moſem Deus inquit: Faciamus hominem ad imaginē noſtram. Nam, ut Hilarius ait: Deus ad communem ſibi cum Deo imaginem eandemq; ſimilitudinē Hominem operatur, ut nec ſignificatio efficiētis admittat intelligen-
tiam ſolitudinis: nec operatio conſtituta ad eandem imaginē, diuerſitatē diuinitatis.

Quæ nam est hominis causa materialis?

Humus, unde & Latinis Homo & Hebræis Adam dicitur. Sic enim ait Moſes: Formauit Dominus Deus Hominem puluerem de terra. De quo Baſilius homil. 11 in ἐξάμερον: αἴμα

μαχ^Θ ἔσω τῷ λογισμῷ ἢ γῆ ἀὲ παρῶσα καὶ ὑπομιμνήσκῃ τῇ
 ἑαυτῷ ταπηνώσεώς. τὸτο ἐπὶ πάσης ἀμαρτίας φυλακτήριον
 ἡμῖν ἔσω τὸ ὑπόμνημα.

*Quæ nam causa hominis formalis
 est?*

Anima rationalis. Nam cæteris quidam a-
 nimantibus indidit Deus spiritum uitalem,
 qui per totam corporis machinam deuehit ca-
 lorem uiuificum & omnibus membris im-
 perit uim exercendi actiones animales. At ho-
 mini præter hunc spiritum uitalem, cum pe-
 cudibus communem, & unâ cum corporibus
 intereuntem, afflauit Deus Animam rationa-
 lem. Vnde etiam Ethnici quidam sapiētes di-
 xerunt: Animam esse diuinæ particulam au-
 ræ: & Hebræi uocabulum נַפְשׁ deriuant à
 נֶפֶשׁ à coelo, quod sit spiritus de coelo, seu à
 Deo ortus: ideoç & Græcis ἀνθρωπ^Θ quasi ἀ-
 νὰ ἀθρῶν: id est, sursum uidens, quasi suæ origi-
 nis memor. Vnde Ouidius:

*Pronaq; cùm spectent animalia cætera terram,
 Os homini sublime dedit, cœlumq; uidere
 Iussit, & erectos ad sidera tollere uultus.*

Quæ nam est causa finalis?

Finis hominis præcipuus fuit: ut esset cul-
 tor primò Dei Opt. Max. deinde paradisi, quē
 Deus ueluti ἐπισαθμ^Θ, homini tanquam amœ-
 nissi-

nissimum in hoc orbe terrarū ceu uasta quada-
 dam ciuitate palatium dedit. Et quidem Mo-
 ses indicat fuisse certum in Mesopotamia lo-
 cum irriguum, quem homo incolere iussus
 est. Veteres Christiani Persica uoce appellā-
 runt *paradisum*: qua uoce Xenophon in Oe-
 conómico indicat uocatos propriè fuisse hor-
 tos Regum Persicorum. Cicero in Catone in-
 terpres Xenophontis dixit agrum conseptū,
 diligenter consitum. In Sibyllinis uersibus,
 quos Lactantius citat, ubi de hoc Adami do-
 micilio agitur, legimus *παράδεισον, ἑρῆμῆν καὶ κήπον*.
 Neque uerò procul à Persidis finibus situs
 fuisse uidetur ille Adami paradisus, quem
 Moses nō simpliciter aut confusè notat in O-
 riente fuisse, sed indicat in Mesopotamia ad
 confluentes aut ripas eorum fluminum fuis-
 se, quæ ab alijs scriptoribus appellari uiden-
 tur Tigris & Euphrates: quos quidē fluuios
 apud Babylonem confluere & coire: deinde
 rursus diuisis alueis in mare Persicum effun-
 di, ex Strabonis & Plinij descriptione intelli-
 gimus. Fuisse itaq; paradisum non procul ab
 ea regione, in qua postea cōdita est Babylon,
 uerisimile est. Amœnitatem autem eam fuisse
 cogitemus, qualem neq; insulæ fortunatæ,
 neque Tempe Thessalica æqua-
 re possint.

*Quot'nam fuerunt hominis adiuncta in
illa creatione?*

**Tria fuerunt: Imago Dei, Dominium &
Eua.**

Quid fuit imago Dei in homine?

Fuit rectitudo & excellens præstantia om-
nium uirium hominis: Mentis, Voluntatis
& Cordis, congruens cū archetypo seu men-
te diuina. Fuit enim in Mente lux diuina seu
illustis noticia Dei & firma assensio sine ulla
dubitatione de Deo, eiusq; prouidentia. In
Voluntate uero fuit ardens dilectio Dei & o-
mnes uirtutes excitatæ ac flagrantes. Deniq;
Cor & omnes affectus, appetitionesq; Menti
& Voluntati obtemperabant. Lucebat certè
in Sole, atq; adeò in uniuersi Mundi mole &
compage, non obscura Dei imago. Sed in ho-
mine & eius animo, melior quædam & uerior
Dei effigies expressa fuit. Hoc ethnici quoq;
uel ex doctrina sanctorum patrum, uel natu-
rali luce intellexerūt. Vnde Manilius lib. 4:

Exemplumq; Dei quisq; est in imagine parua.

Et Sibyllæ uersus citatur à Lactantio libro
2. capite 11:

Εἰκὼν ἔσ' ἀνθρώπου ἡμῖν λόγον ἔρθον ἔχου.

Et Pselli dictū ab Eugubino citatur: ὁ ποιη-
τὴς καὶ πατὴρ τῆ κόσμου σύμβολα ἑγκατέσπαρε τοῖς ψυ-
χαῖς τῆς ἑαυτῆς ιδιότητος. Item Proclus: ὁ ἐν ἡμῖν

ὅς, τὸ πρῶτον ὃ ἀνθρώπ. Sed sacræ literæ id liquidius describunt, cum de nobis (in quibus deleta quodammodo est hæc imago) in integrum restituendis, renouandis atq; instaurandis loquuntur: & in Christo (qui alter ueluti Adamus propterea dicitur) qualis illa sit, ostendunt: ut ad eius imaginem & similitudinem reuocati, fiamus homines noui, uel (ut loquuntur) induamus nouum hominem, qualis primum conditus fuit. Iam uero si quæ in nostra corruptione supersunt extrema ueluti lineamenta (ut Augustinus uocat) imaginis diuinæ: Philosophis tam admirabilia uisa sunt, ut hominem propterea dicerent quendam esse Deum: quid nos de imagine integra & perfecta dicemus? Dauid sane noster cum reputat, quibus facultatibus & beneficijs Deus hominem creatum cumularet, attonitus propè obstupefcit. Verum nunc post lapsum Protoplasti meminisse nos oportet, nobis rem esse cum hominibus, non eius conditionis, in qua creatus primò Adamus fuit: sed eius quæ peccatum est consecuta: & licet raro, aliquando tamen fieri potest, ut dicere liceat:

ὅς καὶ ἐν τῷ ἀνθρώπῳ, ὡς ἀνθρώπῳ ἦ.

Quod nam fuit alterum hominis adiunctum?

Dominium Adamo attributum seu facultas,

tas, qua omnibus creaturis ad salutem uti & ijs imperare, easq; ad nutum suum habere poterat, sicut Poëtæ de Orpheo fabulantur. Nūc post lapsum, non modò illo dominio priuatus, sed è contra etiam minimorum animalculorum (ut culicum, cimicum, pediculorum) moriunculis & molestiis: aliorum etiam uenenatis moribus & lethalibus ictibus, rapinis, uiolentijsq; est subiectus.

Quod nam tertium fuit?

Eua seu uxor de hominis costa sumpta. Ne enim Adamus solus esset, dedit ei Deus *βοηθός* seu adiutricem, quæ coram eo esset, eiq; obsequeretur & ministraret. Et quoniam nunc in utroq; latere uiri & mulieris costæ duodecim sunt: uerisimile est in Adamo tredecim iuga costarum fuisse, & postea ex uno exempto Euam ædificatam esse. Costam autem quidam ad formam corporis accommodant. Nam ut in ædificiis fastigium est angustius, fundamentum amplius & firmitus: sic fœminæ podicem habent latiore, pectus angustius. Debent enim *οἰκιστοί* esse & domi sedere. Viri autem habent ampla pectora: id est, debent ualere consilio & sustinere onus gubernationis. Sicut mulieres ideò mamas in pectore habent: quia non solum nutrimentum, ut cætera animalia: sed etiam *σπέρμα* communicant. Ideò autem

ex latere uiri sumpta est mulier, non ex capite uel pedibus, ut significetur eam esse sociā uiri, non dominam uel ancillam. Mosi dicitur *Ischa* וְשָׂא quasi Virago, *ein Männin*: &, ut Aquila noua uoce uertit, *ardet*. Atque hæc de Hexaëmero seu creationibus sex dierum.

Quid egit Deus septimo die?

Requieuit ab omni opere suo, ut ait Moses, antiquissimus ille & diuinus Physicus.

Cur condito homine quieuit Deus à creatione?

Vt ostenderet, Hominem esse finem omniū creaturarum, propter quem & cuius gratia omnes aliæ res conditæ sint: & in quo Deus præcipuò lætari & acquiescere uelit.

DE GVBERNATIONE SEV

διοίκησις diuina.

Nihil ergo amplius Deus agit in Mundo?

Deus post conditam naturam rerum non desistit agere, nec discessit ab opere suo, ut faber discedit ab extructa naue & relinquit eam nautis: sed perpetuò adest suæ creaturæ & eam sustentat & conseruat: Deum enim non tantum

tum creatorem cœli & terræ, sed & perpetuo
rectorem & cōseruatorem confitemur. Hanc
οἰκονομίαν & immensam Dei prouidentiam Phi-
losophi quoq; ueteres agnouere. Sic mens il-
la Anaxagoræ πάντα κυβερνᾷ, omnia gubernat:
& Plato plerisq; locis diuinam prouidentiam
gloriosè prædicauit. Quin Poëtæ hoc idem
ipsum testatī sunt. Sic enim Maro de ista Dei
gloria Poëtico more loquitur:

Principiò cœlum ac terras camposq; liquentes,
Lucentemq; globum Lunæ, Titaniaq; astra
Spiritus intus alit, totamq; infusa per artus
Mens agitat molem & magno se corpore miscet.
Inde hominum, pecudumq; genus, uitæq; uolantum,
Et quæ marmoreo fert monstra sub æquore pontus.

Claudianus uero lib. 1. in Rufinum hanc de
diuina gubernatione quæstionem *ἀς ἰκάρηται*
subtilius disputat: dum ita canit:

Sepè mihi dubiam traxit sententia mentem,
Curarent superi terras, an nullus inesset
Rector, & incerto fluerent mortalia casu.
Nam cùm dispositi quæsissem fœdera mundi,
Præscriptosq; maris fines, anniq; meatus,
Et lucis, noctisq; uices: tunc omnia rebar
Consilio firmata Dei: qui lege moueri
Sidera, qui fruges diuerso tempore nasci
Qui uariam Phœben alieno iusserit igne

Compleri, Solemq; suo: porrexerit undis

Litora: tellurem medio liberauerit axe.

Sed cum res hominum tanta caligine uolui

Aspicerem, letosq; diu florere nocentes,

Vexariq; pios: rursus labefacta cadebat,

Religio, causæq; uiam non sponte sequebar

Alterius, uacuo qui currere semina motu

Affirmat, magnumq; nouas per inane figuras

Fortuna, non arte regi: quæ numina sensu

Ambiguo uel nulla putat, uel nescia nostri.

Abstulit hunc tandem Ruffini pœna tumultum,

Absoluitq; Deos. Iam non ad culmina rerum

Iniustos creuisse queror: tolluntur in altum

Vt lapsu grauiore ruant.

Aristotelis quoq; (si modo is autor est) uer-

ba in libello de Mundo digna sunt quæ me-

morix mandentur: eaq; ideo integra hic in-
serere uolui: Λοιπὸν περὶ τῆς τῶν ὅλων συνεκτικῆς αἰτίας

λεφαλαῖα δὲς ἑπὶ αὐτῶν, ὅν τρόπον καὶ περὶ τῶν ἄλλων. πημι-

μῆτις γὰρ περὶ κόσμου λήγοντας (ἐ καὶ μὴ δι' ἀκρίβειας, ἀλλ'

ἐργεῖας εἰς τυπώδη μάθησιν) τὸ τῷ κόσμῳ κρείττατον πα-

ραλιπῆν. Ἀρχαῖον μὲν ἔρ τις λόγος καὶ πάριός ἐστι πάσι καὶ

θεωροῖσι, ὡς ἐκ θεῶν τὰ πάντα καὶ δὲ θεῶν καὶ μὴ σωφρονῶν. ἔστι

μία δὲ φύσις αὐτὴ κατ' ἐαυτὴν αὐτάρκης, ἐρημωθεῖσα τῆς

ἐκ τέττα σπηλείας. διὸ καὶ τῶν παλαιῶν ἑπὶ αὐτῆς τινες προήχθη-

σαν, ὅτι ταῦτα πάντα ἐστὶ θεῶν πλεονεξία, καὶ δι' ὀφθαλμῶν

ἐνδοκίμοι καὶ μὴ καὶ δι' ἀκοῆς καὶ πάσης αἰσθητικῆς: τῇ μὲν

θάλασσῃ

θεία δυνάμει πρέποντα καταβαπτόμενοι λόγον, ἔμιν τῇ γε
 ἐνείᾳ σωτῆρ μὴ γὰρ ὄντως ἀπάντων ἐστὶ καὶ γένεσθαι τῶν
 πως δύποτε κατὰ τόνδε τὸν κόσμον σωτηλουμένων ὁ θεός,
 ἔμιν αὐτουργοῦ καὶ ἐπιπόνου ζῶου κάματος ἵπομνων, ἀλ-
 λὰ δυνάμει χρώμεν ὅτι πρὸς τὸν πόρρω δοκούν-
 των εἶναι πειγίνονται. τίς μιν ἔρ' ἀνωτάτω καὶ πρῶτῳ
 θεῶν αὐτὸς ἐλαχιν, ὑπατός τε διὰ τοῦτο ὀνόμασαι καὶ κα-
 τὰ τὸν ποιητὴν ἀκροτάτῃ κορυφῇ τοῦ σύμπαντος ἐγκαθι-
 στουμένην ἔραν. ἡρεῖται ἔρ' ὑπολαβῆναι (ὁ καὶ πρέπον ἐστὶ
 καὶ θεῶν μέγιστος ἀρμόσιον) ὡς ἡ ἐν οὐρανῷ δυνάμεις ἰδρυμέ-
 νη καὶ τοῖς πλεονάζουσιν ἀφ' ἐκείνων καὶ συμπασιν αὐτῇ γίνε-
 ται σωτηρίας μέτρον: ἢ ὡς δίκης καὶ φοιτῶσα ἐνθα μὴ
 ἑλκὸν, μηδὲ ὑσχημον, αὐτεργεῖν τὰ ἐπὶ γῆς. τοῦτο μιν ἔρ'
 ἐστὶ ἀνθρώπων ἡγεμόσιν ἀρμόσει, παντὶ καὶ ὅτι τυχόντι ἐφί-
 στασθαι ἔργον, οἷον στρατίας ἄρχοντι, ἢ πόλει, ἢ οἴκῳ καὶ
 ἢ χεῖρ σωματόδεσμον εἶναι δεῖν, καὶ ἔτι φανερὸν ἀπ-
 τιλῆν ἔργον, ὁ ἐπὶ τοῦ μεγάλου βασιλείως ἐκ ἅν τὸ τυχόν
 ἀνδράποδον ποιήσας, ἅπ' οἷον ἰσορῆται τὸ Καμβύσου,
 Περσὲς τε καὶ Δαρεῖς πρόσχημα, ἅς σιμνότητ' καὶ ὑπερα-
 χῆς ὑψ' ἐμὴ μεγαλοπρεπὲς διεκικέσμετο. αὐτὸς μιν ἔρ' (ὡς
 λόγ' ἐστὶ) ἰδρυτο ἐν Σέσοις ἢ Ἐκβατάνοις, παντὶ ἀόρατ' ἔσαν
 μακρὸν ἐπὶ χῶν βασιλῆον οἶκον ἢ πειρίολον χρυσῷ καὶ ἐλέφ-
 τῳ καὶ ἐλέφαντι ἀσράπτοντα. πυλῶντες δὲ ποταμοὶ καὶ σιω-
 χῆς, πρόθυρά τε θύρας τε χαλκῶς ἢ τέχισι μεγάλοις ὡχ-
 ρωτο. ἔξω δὲ τέτων ἄνδρες οἱ πρῶτοι ἢ δοκιμώτατοι διεκί-
 κόσμωτο. οἱ μὴ ἅμ' αὐτὸν βασιλεῖα δορυφόροι τε καὶ θειρά-
 ποντες, οἱ δὲ ἐκάστῳ πειριόλῳ φύλακες, πυλῶροί τε καὶ ὠτακ-
 τὰι λεγόμενοι, ὡς ἅν ὁ βασιλεὺς αὐτὸς πάντα μὴ βλέποι, πάντα
 τα δὲ ἀκούει. χωρὶς δὲ τέτων ἄλλοι καθ' ἑκάστην προσόδῳ

ταμίαι, καὶ στρατηγοὶ πολέμων καὶ λυνηγισίων, δώρων τε
 ἀρκυκτῆρες, τῶν τε λοιπῶν ἔργων ἕκαστοι κατὰ τὰς χρείας
 ἐπιμεληταὶ τῶν δὲ σύμπασαν ἀρχῶν τῆς Ἀσίας περὶ
 μένῳ, ἑλθουσὶν τε καὶ ἐκ τῶν πρὸς ἐσπέραν μερῶν, Ἰνδιῶ
 δὲ καὶ τῶν πρὸς Ἑῶν, διελήφισαν κατὰ ἔθνη στρατηγοὶ καὶ
 σαράνται καὶ βασιλεῖς, δύνανται τῷ μεγάλῳ βασιλεῖ, ὑπεροβό-
 μοι τε καὶ σκοποὶ καὶ ἀγγελιαφόροι καὶ φυλακίαι, φρυκτω-
 ρίων τε ἐκδοκτῆρες. τοσούτῳ δὲ ὡς ὁ κόσμος καὶ μάστιγα τῶν
 φρυκτωρῶν κατὰ θάλασσαν πυρσυνουσὶν ἀπὸ κήλοισι, ἐκ πε-
 ράτων τῆς ἀρχῆς μέχρι Σόλων καὶ Ἐκβάτανων, ὥστε τὸν βα-
 σιλεῖα γινώσκων αὐθιμερὸν πάντα τὰ ἐν τῇ Ἀσίᾳ λαυνορρε-
 νῶν. νομίζον δὲ τῶν τῷ μεγάλῳ βασιλεῖ ὑπεροχῶν πρὸς
 τῶν τὸν κόσμον ἐπὶ χοντῶν θεῶν τοσούτον καταδινεῖσαν,
 ὅσον τῆς ἐκείνου, τῶν τῷ φαυλοτάτῳ τε καὶ ἀδινεστάτῳ Ἰσθ.
 ὥστε ἑπὶ ἄσμενον ὡς αὐτῷ, αὐτὸν δοκῆν ἑξῆς αὐτῶν
 γὰρ ἅπαντα καὶ θάλασσιν ἅ βέλοιοι, καὶ ἱφισάμνον διοί-
 κῆν· πολλὸν μᾶλλον ἀπὸ πᾶσι ἅν ἐν τῷ θεῷ. σιμνότερον δὲ
 καὶ περὶ αὐτοῦ, αὐτὸν μὲν ἐπὶ τῆς ἀνωτάτω χώρας ἰδρύ-
 σθαι, τῶν δὲ διωκτῶν θάλασσιν ὅσον τὸν κόσμον διέκυσαν, ἡ-
 κίον τε κινῆν καὶ σελῶν, καὶ τὸν πάντῃ ἀεὶ ἀνὸν περιάγειν,
 αὐτίον τε γινώσκει τοῖς ἐπὶ τῆς γῆς σωτηρίας. ἔδινε γὰρ ἐπιτε-
 γνύσιως αὐτῷ δὲ καὶ ὑπερσίας ἢ παρ' ἐτέρων, ὥστε τοῖς παρ'
 ἡμῖν ἄρχουσι τῆς πολυχείρας θάλασσιν ἀδινεσαν. ἀλλὰ τῷ
 τὸ θεότατον, τὸ μετὰ ῥαξώνης καὶ ἀπλῆς λινῆςως παντο-
 διαπὰς ἀπὸ κήλοισι ἰδίας. ὥστε ἀμείλιθον οἱ μηχανικῶν
 τέροι. θάλασσιν ὁργάνων σχαστηρίας, ποταμῶν καὶ ποικίλων ὑπε-
 ρείας ἀπὸ κήλοισι. ὁμοίως δὲ καὶ οἱ νευροσπάσαι, μίαν
 μίαν οὖν ἐπισκασάμενοι, ποιεῖσι καὶ αὐχίνα λινῆςως καὶ
 χάρη τῷ Ἰσθ. καὶ ὡμον καὶ ὀφθαλμῶν. ἔστι δὲ ὅτι πάντα τὰ

μίρη μετὰ τιν' Ὀυρουθμίας. ἔτως δ' ἡ θεία φύσις ἀπότην ὅ
 ἀπλῆς λινύσεως τῷ πρώτῳ πλὴν διωάμιον εἰς τὰ ξυνεχῆ διδω-
 σι, καὶ ἀπ' ἐκένωσιν πάλιν εἰς τὰ πορρώτερον, μέχρις ἂν δῶ
 τῷ παντὸς διεξέλθῃ. λινυθεὶν γὰρ ἔτιρον ὑφ' ἑτέρου, καὶ αὐ-
 τὸ πάλιν ἐκίνησιν ἄλλο σὺν κόσμῳ, ὃ τῆς αὐτῆς δὲ οὐλοῦ πα-
 σιν ὅσῃς, ἀλλὰ διαφύρῃ καὶ ἑτεροίᾳς. ὥσπερ ἂν εἴ τις ἐξ ἄγ-
 γος ὁμῶς ῥίψαι σφαῖραν καὶ κύβον καὶ κῶνον καὶ λυλινδρον.
 ἕκαστον γὰρ αὐτῶν, κατὰ τὸ ἴδιον λινυθήσεται σχῆμα: ἢ ἢ
 τις ὁμῶς ῥωρὸν ἐνυδρὸν τι καὶ χερσαῖον καὶ πηλὸν ἐν τοῖς
 κολποῖς ἔχωρ' ἐκβάλοι. δῆλον γὰρ ὅτι τὸ μὲν νηκτὸν ἀπόμε-
 νον εἰς πλὴν ἑαυτοῦ διαταρ' ἐκνήξεται: τὸ δὲ χερσαῖον εἰς τὰ
 σφέτερά καὶ νομῶς διεξερπύσει: τὸ δὲ αἰεὶον ἑξαρθὲν ἐκ
 οἷς, μετάρσιον οἰκήσεται πηλόμινον, μιᾶς τῆς πρώτης αἰ-
 τίας πᾶσιν ἀπρόσῃς πλὴν οἰκίαν ἐνμάρεαν. ἔτως ἔχει καὶ
 τοῦ κόσμου δὲ γὰρ ἀπλῆς τοῦ σύμπαντος ὕδατος πειρα-
 γωγῆς, ἡμέραν καὶ νυκτὶ περατομένης. ἀπὸ οὗ πάντων διέ-
 ξοδοὶ γίνονται καὶ τοὶ ὑπὸ μιᾶς σφαίρης περιεχομένοι. κα-
 τὰ γὰρ τὸ ἀνθρώπινον ἐνδόσιμον ὑπὸ τοῦ φερουμένου ἂν κορυ-
 φαῖς προσαγορευθῇ, λινύεται μὲν τὰ ἄσρα ἀπὸ καὶ ὁ σύμ-
 πας ὕδατος. πορεύεται δὲ διττὰς πορείας ὁ παμφανὴς ἥλιος,
 πᾶ μὲν ἡμέραν καὶ νύκτα διοείρων ἀνατολὴν καὶ δύσιν: πᾶ
 δὲ τὰς τέσσαρας ὥρας ἄγων τοῦ ἔτους, πρόσω τι βόρεος
 καὶ ὀπίσω νότιος διεξερπων. γίνονται δὲ ὑετοὶ κατὰ και-
 ρὸν καὶ ἄνεμοι καὶ θρόνοι, τὰ τε πάθη τὰ ἐν ᾧ περιέχοντι
 συμβαίνοντα, δὲ πλὴν πρώτῳ καὶ ἀρχαῖογονον αἰτίαν. ἔπον-
 ται δὲ τέτοις ποταμῶν ἑκροαί, θαλάσσης ἀνοιδίσεως, διν-
 δρων ἐκφύσεως, καρπῶν πεπάνσεως γοναὶ ῥωρῶν, ἐκτροφαί τε
 πάντων, καὶ ἄκμαὶ καὶ φθίσεως. ὅταν δ' ὁ πάντων ἡγεμὼν τι
 καὶ γένεωρ ἀόρατος ὧρ' ἄλλως, πηλὸν λογισμῶ, σημήνη πᾶς

ση φύσει μεταξὺ θράνη τε καὶ γῆς φερόμενη· κινεῖται πᾶσα
 ἐν δεικτικῶς ἐν κύκλοις καὶ πέρασιν ἰδίοις, ποτὶ μὲν ἀφανίσο-
 μένη, ποτὶ δὲ φαινομένη, μυείας ἰδέας ἀναφαινύσασα τε καὶ
 πάλιν ἀπκρύπτουσα ἐν μιᾷ ἀρχῇ. ἵσκει δὲ κομιδῇ τὸ θρώ-
 γον τοῖς ἐν πολέμοις καιροῖς μάχισα γινομένοις, ἐπειδὴν ἡ
 πάλη γινώσκουμένη ὡς στρατοπέδῳ τότε γὰρ τῆς φωνῆς ἕκαστος
 ἀκέραιος, ὁ μὲν ἀσπίδα ἀναιρᾷται, ὁ δὲ θώρακα ἐνδύεται, ὁ δὲ
 μνημίδας, ἢ κράνους, ἢ ἰσχυρὰ περὶ θίβεται καὶ ὁ μὲν ἵππον χα-
 λινῶν, ὁ δὲ σὺν αἰδέα ἀναβάνα, ὁ δὲ σὺν θήμα παρὶ γυναι, λα-
 θίσταται δὲ ἐν θύῳς ὁ μὲν λοχαγὸς εἰς λόχον, ὁ δὲ ταξίαρχος
 εἰς τάξιν, ὁ δὲ ἱππεὺς ἐπὶ κέραιας, ὁ δὲ ψιπὸς εἰς πλὴν ἰδίων ἐκτρέ-
 χει χάρακ. πάντα δὲ ὑφ' ἑνα σημάντορα δινεῖται κατὰ πρόσ-
 τάξιν τῷ τὸ κράτος ἔχοντι καὶ γινόμενῳ. ἔτω γὰρ καὶ περὶ τῶ
 οὐμπαντος φρονῶν. ἡ γὰρ μιᾷ ῥαπῇς ὁπρυνόμενα ἀπάν-
 των, γίνονται τὰ οἰκῆα, καὶ ταύτης ἀοράτης καὶ ἀφανοῦς, ὅπως
 ἑδαιμῶς ἐστὶν ἐμπόδιον, ὅτι ἐκείνη πρὸς τὸ θράν, ὅτι. ἐμὴν πρὸς
 τὸ πεινῶσαι. καὶ γὰρ ἡ ψυχὴ, δὴ ἐν ἰσχυρῇ, ἀοράτος ἔσται, τοῖς
 ἔργοις αὐτοῖς ὁρᾶται. πᾶς γὰρ ὁ τῷ βίῳ διωκοσμενὸς ἐπὶ τῶν
 τῆς ἔνρηται καὶ δεγτέτακται καὶ σωίχεται, γῆς ἀρόσης καὶ
 φυτεύσης, τέχνης ἐπινόει, χεῖρας νόμων, κούσμιος πολι-
 τείας, ἐνδημοὶ πράξεις, ὑπερόκει πόλεμον, ἀρλύη ταῦτα
 καὶ καὶ περὶ θεῶν δεικνύσασα, διωάμα μὲν ὄντος ἰσχυρο-
 τάτος, καὶ δὲ ἐνπεπιστάτος, ἰσχυρὸν δὲ ἀθανάτος, ἀρετὴ δὲ
 κρατίστη· διότι πᾶση θυγῇ φύσει γινόμενῳ ἀθιῶρητος,
 ἀπ' αὐτῶν τῶν ἔργων θεωρεῖται. τὰ γὰρ παλθῇ καὶ τὰ δι' αἰ-
 ρος ἅπαντα καὶ τὰ ἐπὶ γῆς καὶ τὰ ἐν ὕδατι, θεῶν κέραιον ἂν ὄν-
 τος ἔργα ἂν τῷ τὸν κόσμον ἐπέχοντος, ἐξ οὗ κατὰ τὸν φυσικόν
 καὶ Ἐμπεδοκλήα.

πάντα ὅσα τ' ἰσχυρὰ τ' εἰσὶν, ἰσχυρὰ τ' εἰσὶν ὁπίσσω,

δινδρεα τ' ἐβράσσει καὶ ἀνέρις, καὶ γυναικίς,

θῆρις τ' οἰωνοῖ τε καὶ ὑδατοθρέμμονας ἰχθύς.

φασὶ τὸν ἀγαλματοποιὸν φασίαν κατασκευάζοντα τὴν
ἐν ἀκροπόλει ἀθλῶαν, ἐν μίση τῇ ταύτης ἀσπίδι τὸ ἐαυτοῦ
πρόσωπον ἐντυπώσασθαι καὶ σωδῆσαι ὡς ἀγάλματι διὰ τι-
ν' ἀφανὲς διημιουργίας, ὥς ἐξ ἀνάγκης, εἴ τις βέλαιοτο αὐτὸ
πικρατέον, τὸ σύμπαν ἄγαλμα λυαῖν τε καὶ συγχέειν. τῶν δ' οὖν
ἔχει τὸν λόγον ὁ θεὸς ἐν λόσμῳ, σωέων τὴν τῶν ὅλων ἁρ-
μονίαν τε καὶ σωτηρίαν, πολλὰ δὲ μίση ὡς ἐνθαῖν γῆτι καὶ ὁ
βολερός οὗτ' ὅπ' ἄνω καὶ καθαρός ἐν καθαρῷ χώ-
ρῳ βεβηκὼς, ὁριτύμως καλεῖται ἔρανὸν μὲν, ἅπ' τῷ ὅρῳ ἂν
τῶν ἄνω, ὅλυμπον δὲ οἶον ὁλοκαμπῇ, καὶ παντὸς ξόφου καὶ
ἀτάκτου κινήματ' ἐκχωρισμένον οἷα γίνεταί παρ' ἡμῖν
διὰ χαμῶν καὶ ἀνέμων βίας. ὥσπερ ἔφη καὶ ὁ ποιητής
Ὀμήρ'·

ὅλυμπον δ' ὅθι φασὶ θεῶν ἔδ' ἀσφαλὲς καί·

ἔμμελαι, ὅτ' ἀνέμοισι τινάσσεται, ὅτε ποτ' ὀμβρῶ.

διψέταί, ὅτε χιὼν ἐπιπίλναται, ἀπ' ἀμαλ' ἄθρη

πέπταται ἀνέφελ', λιγυὴ δ' ἀναδιδρομῇ ἄγλη.

συνεπιμαρτυρεῖ δὲ καὶ ὁ βί' ἅπας τὴν ἄνω χώραν ἅπ-
λως θεῶν καὶ ἥρ' πάντες οἱ ἄνθρωποι ἀναϊένοντες τὰς χάρας
αἰς τὸν ἔρανόν, ἐν χάς ποιέμενοι καθόλου δὲ ὅπερ ἐν νηὶ λυ-
βερνήτης, ἐν ἄρματι δ' ἐνίοχ', ἐν χωρῷ δ' ἐκρυφαῖ, ἐν
πόλει δ' νόμ', ἐν στρατοπέδῳ δ' ἐνέμων· τὸ τοῦ θεοῦ ἐν λόσμῳ
πολλὰ καθ' ὅσον ὧς μὲν καμάτηρόν τὸ ἄρχαιον, πολυκίνη-
τόν τε καὶ πολυμίειμον· ὡς δ' ἄλυπον, ἄπονον τε πάσης ἐκ-
χωρισμένον σωματικῆς ἀδυνατίας· ἐν ἀκινήτῳ ἥρ' ἰδρυμέν',
πάντα κινεῖ καὶ πειράζει ὅπερ βέλεται καὶ ὅπως, ἐν διαφόροις
τέτλειαις καὶ φύσεισιν, ὥσπερ ἀμίλη καὶ ὁ τῆς πόλεως νόμ',

ἀκίνητ'.

ἀκίνητον ἄν' ἐν ταῖς τῶν χωρμένων ψυχαῖς, πάντα οἰκονο-
 μεῖν τὰ κατὰ τὴν πολιτείαν. ἐφεπόμενοι γὰρ αὐτῷ δηλονότι ἐξ-
 ἰασιν, ἄρχοντες μὲν ἐπὶ τὰ ἀρχαῖα, θεσμοθετοῦντες ἄς τὰ οἰκῆα
 δικασκῆαι, βουλευταὶ δὲ καὶ ἐκκλησιασταὶ ἄς συνῶρδα τὰ προσ-
 ῆκοντα, καὶ ὁ μὲν τις ἄς τὸ πρυτανεῖον βασιλεῖα σιτισόμε-
 νος, ὁ δὲ πρὸς τὰς δικασκὰς ἀπλογοισόμενος, ὁ δὲ ἄς τὸ διεσω-
 τίειον ἀφθανέμενος: γίνονται δὲ καὶ δημοθοινῖαι νόμιμοι καὶ
 πανηγύρεις ἐν αὐτοῖσι, θεῶν τε θυσίαι, καὶ ἡρώων θεραπείαι
 καὶ χοαὶ κικμηκότων: ἅπαντα δὲ ἅπλοισι ἐνεργέμενα κατὰ μίαν
 πρόσαξιν ἢ νόμιμον ἐξουσίαν: πόλεις δὲ ὁμῶς μὲν θυμιαμάτων
 γέμεαι ὁμῶς δὲ ποσάωνων τε καὶ συναγμάτων. ἔτως ἡποληπτεῖον
 καὶ ἐπὶ τῆς μέζοντος πόλεως, λέγω δὲ τὴν τῆς πόλεως, νόμος
 μὲν γὰρ ἡμῖν ἰσοκλινὴς ὁ θεὸς ἐδιδίμεν ἐπιδικήσμενος διόρθω-
 σιν ἢ μετὰθεσιν, κρείττων δὲ οἶμαι καὶ βιβασιότερος τῶν ἐν
 ἐνέρεσι ἀναγιγραμμένων. ἐγόμενος δὲ αὐτῷ ἐμμελῶς,
 ὁ σύμπας διοικονομεῖται διάκοσμος ἔρανός καὶ γῆς μεμε-
 ειμένοντος κατὰ τὰς φύσεις πάσας ὅσας τῶν οἰκῶν σπερμῶν
 τῶν ἄς τε τὰ φυτὰ καὶ ζῶα, κατὰ γένη τε καὶ ἔσλη, καὶ γὰρ ἄμπελοι
 καὶ φοῖνικες καὶ περσῖαι, συκῖαι τε γλυκεραὶ καὶ ἡλῶαι ὥς φησιν ὁ
 ποιητής, τά τε ἄκαρπα μὲν, ἅπαντα δὲ παρεχόμενα χρείας, πλά-
 τανοι, καὶ πίτυες καὶ πύξοι:

κλήθρη τ' αἶγαρος τε καὶ ἐνὶ ὁδῷς κυπάεισος:

αἷτι καρπὸν ὁπώρας ἡδύνην, ἅπλως δὲ συνωγαυέειον φέ-
 ρουσαι:

ὄχνοι καὶ ῥοῖαί μὴλῖαι ἀγλαόκαρποι:

τῶν τε ζῶων τὰ τε ἄγρια καὶ ἡμερα, τὰ τε ἐν αἰεὶ καὶ ἐπὶ γῆς, καὶ
 ἐν ὕδατι βοσκόμενα: γίνονται καὶ ἀκμάζει καὶ φθάνεται τοῖς τῷ θεῷ
 παθόμενα θεσμοῖς.

Agit'ne Deus necessarius?

Aristoteles contra Stoicos disputans, qui fatalem in rebus omnibus necessitatem posuerunt, multis argumentis docuit, necessitate quædam, alia uoluntatē, multa fortuitō & casu geri: In rebus uerō necessarijs, diuinas actiones ac naturam collocauit. Ex quo intelligitur ea quæ disputārat in libris de Cœlo, quod fatalem saperent necessitatem, in libris de interpretatione sic temperasse, ut homini quidem arbitrium daret omni necessitate liberum & solutum. Deum uerō ac naturam necessitate obligaret. Quid autem magis impium, magis arrogās, magis denique furiosum, quā sibi liberam tribuere uoluntatem, Deo adimere uelle? Consequens enim est, ut neque Deus Solis cursum sistere, nec cœlestium siderum uim prohibere, nec quicquam in uersa natura conuertere: at ne hominis quidem impetus ac uoluntates, quod uelit, impellere possit. Quæ cum absurda sint, & impietatis plena: sequitur ut illam de mundo tollamus necessitatem: qua sublata, relinquitur Deum nulla ui obligari, sed pura uoluntate omnia gubernare. At cum Aristotelem sui ipsius puderet (ut ait Bodinus) hoc est, homini concedere, Deo eripere uoluntatem: uerbo quidem uoluntatem tribuit: re uera tamē necessitate

cessitate coactam: id quod Moses Aegyptius
animaduertit: permittit enim uoluntatem, sed
ea lege ut mutari non possit, & (ut Iupiter in
fabulis) Adrastiae legibus teneatur. Itaque cum
multa uariè contingere in natura perspiceret:
modo in hanc, modo in illam partem: eo dela-
psus est, ut fortunam & casum ex opinione
plebis statuere mallet, quàm adscribere Deo
uoluntatem aliud alio modo agendi. Quid
autem indignius est Philosopho, quàm pu-
tare sine causa quicquam fieri: hoc est, fortunæ
& casibus quicquam permittere? Illa sunt ex
quibus se expedire nullo modo Peripatetici
potuerunt: itaque Plutarcho in libro de For-
tuna, tum etiam a Lactantio efficacissimis ar-
gumentis refelluntur. Atque hæc de Physi-
ca generali: ueniamus ad illam
Specialem.

LIBER III. DE QVA- LITATIBVS CORPORIS PHYSICI, ET ALTERA- tionibus.

Quid est Physica Specialis?



ST doctrina de corpore physico. Eius enim subiectum proprium est corpus naturale: id est, materi-
atum & sensibile, seu, quod sensu
externo percipi potest. τὸ σῶμα ὁρατὸν καὶ ἀπ' ὅρου.

Quid est corpus physicum?

Est corpus quod lucido, umbroso, raro, dē-
so, leui, graui, cæterisque physicis qualitatibus
expletum est.

*Quot sunt considerata in corpore
physico?*

Duo: Qualitates & Species.

Quo ttuplices sunt Qualitates?

Duplices: Principes & à Principibus ortæ.

Quæ nam sunt principes?

Densitas & Raritas. Aristoteles enim lib. 1.
cap. 4. item lib. 4. cap. 9. & lib. 8. cap. 7. Physi-
ces: rarum & densum efficit principes physici
corporis

corporis qualitates. πάντων τῶν παθημάτων (ait lib. 8.) ἀρχή, πύκνωσις καὶ μάλυνσις. καὶ ἢ βαρὺ καὶ ἠέφρον καὶ μαλακὸν καὶ σκληρὸν καὶ θερμὸν καὶ ψυχρὸν, πυκνότητις δλοκῶσι καὶ ἀραιότητις εἶναι τινες. Et sic Optica quæ post Geometriam prima in res physicas ingreditur, lucem & colorem, indeq; densitatem & raritatem contemplatur.

Quæ nam sunt à principibus ortæ?

Variæ sunt. Nam percipiuntur aut tactu, aut uisu, aut gustu, aut olfactu, aut auditu.

Quæ nam percipiuntur Tactu?

Calor, Frigus, Humor, Siccitas: quarum duæ priores Agentes uocantur ab Aristotele: duæ posteriores Patientes. Et has aliæ quædam comitantur.

Quid est qualitas agens?

Quæ magis agit & minus resistit. Sic res calida citius calefacit rem propinquam, quam sicca aliquid humidum desiccet.

Quid est Calor?

Est qualitas agens, congregans homogenea, & disgregans heterogenea: θερμὸν ἐστὶ τὸ συγκρίνον τὰ ὁμογενῆ. τὸ ἢ δισκρίναν (ὅπερ φασι ποιεῖν τὸ πῦρ) συγκρίναν δὲ τὰ ὁμόφυλα συμβάλλει ἢ εξαίρει τὰ ἀλλότριά, Aristot. lib. 2. de Gener. cap. 2. Exempla in officinis metallicis & medicatione passim sunt obuia. Sic enim calor metalla diuer-

E 5 sa dif-

sa dissipat: cognata congregat: & medici cum
dissipandi sunt fluxus, utūtur leuiter calidis,
ut meliloto, origano, chamæmelo, althea.

Quid est Frigus?

Est qualitas agens, congregans homogenea & heterogenea: ut aquam cum aqua congelando, ψυχρόν τὸ συναγόν, καὶ συγκείμενον ὁμοίως τὰς τὸ συγγενὴ καὶ τὰ μὴ ὁμόφυλα. Sic in metallis diuersę species (ut cuprum, & argentum) commixtę simul manent, donec massa frigida est & nondum liquefacta.

*Quotuplices sunt effectus harum duarum
qualitatum?*

Duplices: Proprię, Communes.

Qui nam sunt effectus Calori proprii?

Effectus caloris proprii sunt calefacere, congregare homogenea, disgregare & separare heterogenea: item separare, rarefacere, attenuare, digerere, fundere, incidere, dissoluere, laxare, aperire, attrahere.

Qui nam sunt effectus Frigori proprii?

Effectus frigoris proprii sunt frigefacere, congregare & astringere homogenea & heterogenea: item condensare, obstruere, reddere corpora crassiora & grauiora, stupescere.

Qui-

Qui nam sunt utriq; Communes?

Effectus utriq; communes sunt partim per accidens, partim per *ἀντιπερίσσειαν*.

Quomodo per accidens?

Ut cū calor & frigus pariter deficcant, id fit diuersis modis: calor, quia resoluit & consumit: frigus, uel quia calorem educit (cum quo simul exhalat humiditas) uel quia obstruit poros & astringit: ut in luto, ne dilatare se humor possit. Quam ob causam & Aristoteles ait in regionibus frigidissimis corpora perusta gelu, pusilla esse: quia in eis neq; calor, neq; humor dilatari possint, cū frigore meatus obstricti sint. Sic uinum frigefacit corpora ingurgitantium: quia immodica ingurgitatio extinguit calorem natium uentriculi & epatis.

Quid est Ἀντιπερίσσεια?

Est cū contraria qualitas obsidet contrariam, quò fit ut inclusa intendatur: quia uirtus coniuncta fortior est quàm dispersa. Sic fontes & subterranea loca hyeme fiunt calidiora: quia inclusus halitus, in quibus aliquid caloris est, propter circumstans frigus fiunt densiores. Sic uētres, ut ait Hippocrates, hyeme & uere sunt calidiores: *αἱ κοιλίαι χειμῶν ὅτε καὶ ἔρ' ὁ θερμότεται φύσει*. Quia hyeme frigore circumdata corpora, magis continent natium calo-

calorem: & uerè, sicut succi in terra & arboribus renascuntur: ita sanguis in corporibus animantium generatur copiosior. Econtrà in æstate deterior fit concoctio: nam quia tum pori sunt aperti, magis resoluitur calor in corporibus & fit languidior.

Quid est qualitas patiens?

Quæ minus agit & magis resistit: ut Humor, & Siccitas.

Quid est Humor?

Est qualitas patiens, difficulter termino proprio consistens. *ὑγρὸν τὸ ἀόριστον οἰκείῳ ὄρω, ὑόεισιν ὄρ.* Aristot. Sic aqua per se non consistit, sed diffluit: facile autem uase clauditur. Eius effectus est humectare.

Quid est Siccitas?

Est qualitas patiens, facile proprio termino comprehensa. *ξηρὸν τὸ ὑόεισιν μὴ οἰκείῳ ὄρω, ἀρ. οἰεῖσιν δ.* Ut lapis clauditur sua figura, nec cedit uasi. Siccitatis effectus est deficcare. Atque hæc de qualitatibus in tactu simplicibus.

*Qui nam sunt effectus qualitatum istarum
si sint mixtæ?*

1. Humida aquea extinguunt ignem: ærea alunt ignem: ut oleum: item ligna: hæc enim porosa sunt & habent plus æreæ humiditatis.

2. Ca-

2. Calida humida, leniunt, lubricant, glutinant, implent, ungunt: Sicca pleraque inclidunt: ut pulegium, centaurium, libanotis, zinziber, galanga, gentiana.

3. Frigida humida repellunt, ut nymphaea, solanum, rosa, morum: nominantur inter ἀκροστικὰ: Sicca astringunt & reperiunt: ut a-cacia, cydonium, fidium, poterium (usitate ribes. *sant iohans treublin*) myrtilli heidelbeer: inty-bum, endiuia: ὄξυς acetosa.

*Quæ nam sunt, quæ has quatuor comi-
tantur?*

Grauitas, lenitas: Mollities, durities: Te-nuitas, crassities: Asperitas, leuitas: Lentor, ariditas: Fragilitas, lubricitas. τὸ ὑγρὸν ἐστὶ τὸ λεπρόν, γλίσχρον, μαλακόν: τὸ ξηρὸν τὸ παχὺ κραυρόν, σκληρόν. Arist. Et huc pertinet Stathmica & Isorropi-ca: id est, pars physicae de ponderibus & æqui-libris, quæ circa graue & leue uersatur.

Quid est Leue?

Quod suapte natura, breuissima linea, sur-sum mouetur.

Quid est Graue?

Quod suapte natura, breuissima linea, de-orsum fertur.

*Quæ nam est natia sedes grauium &
leuium?*

Ad terram natiuo motu deferuntur omnia
grauia:

grauia: ad cœlum leuia: Et quô quidc̃p grauius est, hoc celeriore motu fertur ad terram quo leuius, hoc maiore impetu rapitur in cœlum.

Vbi est quies omnium grauium?

In centro terræ. Nam si terræ medium perterebratum sit hinc usque ad Antipodes, perpendiculo per centrum dimisso (quemadmodum solent Cosmographi terræ totius situm in globis ligneis repræsentantes:) tum si saxū conijcias in foramen, usque ad terræ centrum perferetur. Quod si Antipodes quoq; ex aduerso mittant lapidem: lapis lapidi circa centrum occurret, ibiq; uterq; conquiescet. Quoniam autem motus natiuus progressu magis ac magis incitatur (si nihil obstat) lapis coniectus in foramen, ob motus uehemētiam prætercurret centrum, iamq; prætermisso centro rursus motus erit uiolentus: itaq; primum signius feretur, nec aliter redibit ad centrum, quàm lapis ui in altum proiectus redit ad terram. Sed recurrens natiuo motu, rursus concitato impetu præteruehetur centrum: conquiescet tandem prætercurrens ac recurrens, donec peruentum fuerit ad æquilibrium. Et quoniam nihil diximus in rerum natura uacuum esse, ideoq; illud foramen aëre plenum esse necesse fuerit: & sic lapis natura grauis pēdebit in aëre, nō secus ac chalybs in aëre pendet,

det, undiq; librantib. magnetibus. Sed si quis terra sphæram perterebret, nō per ipsum centrum, sed à latere; puta ut absit à centro centū stadijis: lapis non feretur rectā per foramē, imò potius rectā, sed ad cētrum: itaq; prius quā perueniet ad medium, iam cōquiescet in terra quæ ad læuam est, si centrum est ad læuam.

Quæ nam est causa grauitatis aut leuitatis?

Raritas & densitas. Sic plumbū lapide grauius est pro ratione portionis: lapis enim rarior est, eoq; plus habet aëris, quā plumbū. Hinc est quod uidemus quoddam terræ genus desiccatum, si conijciatur in aquam, non subsidere, sed natare: eadem de causa uidemus totos agros natantes: sustinentur enim cauis radicibus arundinum, aliarumq; palustrium herbarū inter se connexis. Hinc etiam pumicū leuitas: quia plenī cauernis sunt: preterea multo igni decocti: submittuntur enim è locis ardentibus. Hinc etiam tanta suberis leuitas: raritas enim in causa est. Aurum uerò, quanquam plus igneæ naturæ habet, plumbo tamen est grauius: quia densitas in eo maior. Vnde id depræhendatur, respondebunt aurifices: qui nec argētum, nec plumbum, nec æs cyprium, nec ullum simile genus latius diduci malleo quā aurum affirmat. Eadem den-

densitas ac raritas in causa est, quòd lignum li-
 gno leuius aut grauius sit: quodq; homo ma-
 cilentus obeso grauior sit, si cætera sint paria;
 quoniam ossa densiora sunt carne & ideò gra-
 uiora. Idem etiã homo ieiunus, grauior est
 seipso pranso. Nam etsi corpori onus accesse-
 rit: cibo tamen, potuq; spiritus augentur & ñ
 addunt corpori leuitatem. Vnde & hilaris le-
 uior est mœrente, & mortuus uiuò longè gra-
 uior. Homo quoq; cùm uult, facit se graui-
 rem: emissio spiritus: contento uerò leuiorem:
 & ideò qui sese parant ad cursum, saltum ue,
 non solum quicquid est oneris, abijciunt: sed
 etiam contento spiritu se reddunt leuiuscu-
 los. Inter omnes autem rerum species graui-
 simum est aurum, huic proximum plum-
 bum. Atq; hæc de qualitati-
 bus in tactu.

LIBER IIII. DE CO- LORIBVS.

Quæ nam qualitates percipiuntur Visu?

V X & Color.

Quid est Lux?



Est qualitas in corporibus cœlestibus: & in igni, aëre & aqua, ostendens & sese & alia corpora. Nam ignem, aquam, aërem corpora lucida esse manifestū est. Sed narratio Moſis magis perspicua est, qui lucē nominat ipsa corpora cœlestia, quæ sunt fons luminis corporum. Etsi autem mira & imperuestigabilis est natura lucis: legenda tamen sunt quæ Marsilius Ficinus in lib. 7. Politic. Platonis scripsit.

Quid est Vmbra?

Est priuatio lucis impeditæ opposito corpore opaco, quod radium incidentem certissimis lineis & certo spacio arcer.

Quotplex est Vmbra?

Duplex. Est enim corpus opacum corpori lucido aut par aut impar. Si par est, uocatur umbra *καταστροφικὴ*: si impar, est uel maius & dicitur *καταστροφικὴ*: uel minus & dicitur *καταστροφικὴ*.

E

Quid

Quid est umbra κυλινδροειδής?

Quæ proijcitur æquali in infinitū crassitie cum corpore luminoso. Cum enim diameter corporis opaci, æquet diametrum corporis luminosi: ideo lineæ earum extremitates coniungentes productæ in infinitum, nunquam concurrunt: sed semper æqualibus spatijs inter se distant: per definitionem linearum æqui distantium 33 p.1. Eucl. & 26. secundi Vitellionis. Κυλινδροειδής autem dicitur à figura cylindri seu columnæ.

Quid est καταβοειδής?

Quæ fit cum corpus opacum corpore lucido maius est: itaq; ima sui parte circa corpus opacum angustissima: quò uerò longius porrigitur, eò amplior & spissior redditur. Lineæ enim, extremitatem diametrorum corporis opaci & luminosi contingentes, quò longius ultra corpus opacum producuntur, eò magis à se inuicem recedunt & longius distant: & minorem portionem medietate corporis opaci illuminant per 28. secūdi Vitellionis. Καταβοειδής autem dicitur à calathi seu inuersæ pyramidis seu turbinis recti (ut Plinius uocat) figura.

Quid est κωνοειδής?

Quæ fit quando corpus opacum corpore lucido minus est: itaq; crassissima est prope corpus

corpus opacum: quò uerò longius ducitur, eò magis attenuatur, donec tãdem in mucronem definat. Extremi enim radij corporis lucidi incidentes in corpus opacum, plus medietate eius illuminant, ac producti ultra corpus opacum, concurrunt: per 27. secundi Vitiellionis & definitionem linearum non parallelarum. Κανονδὺς uerò dicitur à coní seu metæ seu rectæ pyramidis figura: Atque hæc doctrina de umbris aperuit quantitatem Solis, Lunæ & Terræ; sicut infra de eclipsibus dicemus.

Quid est Color?

Est qualitas mixti corporis, orta à commixtione lucidorum corporum cum obscuris. In coloribus consid. sunt tria: primò unde fiant: secundò quod' nam ipsorum adiunctum; tertio quæ' nam sint eorum species.

Vnde fiunt colores?

Omnia tincta colores sumunt à tingentibus: ut è floribus, è plantis, è radicibus, è corticibus, è lignis, è folijs, è fructibus, è terra, è spuma, ex atramento, ex animantium succis, è uino, è fumo, è cinere, è mari. τὰ βαπτόμενα πάντα τὰς χόας ἔκ τῶν βαπτόντων λαμβάνει. ποτὰ δὲ καὶ τοῖς ἀνθρώποις καὶ τοῖς φουρμύροις καὶ ταῖς ρίζαις ραάπνεται καὶ φλοιοῖς καὶ ξύλοις καὶ φύλλοις καὶ καρποῖς. ἔτι δὲ ποτὰ μὲν γῆ, ποτὰ δ' ἄφρω, ποτὰ δὲ καὶ μελαντιγεία. τὰ δὲ καὶ

τοῖς τῶν ἰσχυροῦς, καθάπερ καὶ τὸ ἀλκυονίδος τῇ πορφύρᾳ.
τὰ δ' οἶνω, τὰ δὲ καπνῷ, τὰ δὲ κονίᾳ. τὰ δὲ θαλάττῃ, ὥσπερ,
τὰ πρὶν ὅμα τῶν θαλαττίων καὶ γὰρ ταῦτα ὑπὸ τῆς θαλάτ-
της γίνονται πυρρὰ, καὶ ὅλως ὅτε χροῖας ἰδίᾳς ἔχῃ. ἀλλὰ γὰρ ἀπὸ
πάντων αὐτῶν, ἅμα τῷτε ὑγρῷ καὶ τῷ θερμῷ, τῶν χρωμάτων
σωσεσιόντων ἕως τῶν βαπτομένων πόρους, ὅταν ἀπξήραν-
θῇ, τὰς ἀπ' ἐκείνων χροῖας ἀπλημβάνῃ. *Aristot. in lib. de*
Coloribus.

*Quod nam est coloris adiun-
ctum?*

Varietas. Hæc enim propriè de coloribus
dicitur. Hinc uestis uaria, equus uarius, cœlū
uarium. Vestis enim uaria, est discolor, diuer-
sisq; coloribus confuta: equus uarius non to-
tus candidus aut niger, sed his alijsq; colori-
bus distinctus: Cœlum uarium, cuius partes
serenæ interlucent, partes nubilæ tristantur.

*Quæ nam sunt species colo-
rum?*

Variæ sunt. Nam primò è colorib. alij sunt
certi, alij incerti: id est, qui intuentium oculos
fallunt: ut est cœli nitor, quod cum tenebro-
sum quidam autument, illustratum radijs so-
laribus, cyaneum uidetur. Sic incerta est iris:
sic nubes, quas suspicimus, nonnunquā igne-
scere uidentur: sic mare ipsum, præter cæru-
leum, modò atrum horret, modò uirescit, in-
terdum etiam flauū, raurumq; se ostendit, aut
specie

specie quadam uiolacea purpurascit. Non idē quoq; decor in collo columbæ & pauonis cer nitur, unde aues sæpè dicuntur uersicolores: quale est serici genus satis notum, quod ē di uersis partibus spectanti non eandem offert coloris suauitatem.

II. Alj sunt floridi, alj austeri. Floridi sunt minium, purpurissum, cinnabaris, armeniū, chrysocolla, indicum. Præter hos, reliqui om nes austeri.

III. Alj suaues, alj tristes & lugubres. Suaues sunt, flauus, purpureus, candidus, in primis roseus. Humanis autem oculis, uenu sti hominis colore nihil suauius uidetur. E iunctis autem coloribus suauissimi sunt tres, quos in ænigmate quondam mihi proposi tos memini à Generoso domino Georgio Co mite à Nellenberg & Thengen: nimirum ru beus, candidus, uiridis. Tristes uerò & lugu bres sunt, ater, pullus, ferrugineus: item sordi di, ut impluuiatus & suafus: quibus rei, ut mi sericordiam apud iudices captarent, se detur pabant.

IIII. Colores sæpè distinguuntur à locis, ut Puniceus (quo librorum titulos notabant ueteres, in honorem, memoriamq; Phœnicū, quos tradūt literarū inuētores fuisse) Tyrius, idēq; Sarranus. Purpurei sunt hi, Indicum, Si nopis (genus rubricæ) Melinus, Hispanus, F 3 Bæticus,

Bæticus, **Mutinenſis**, **Coloſſinus** à **Coloſſis** urbe **Troadis**, ubi lana inficitur: florem referens cyclamini, quod tum rapum, tum terræ malum ac tuber uocatur: fulget flos inter candorem & purpuram.

V. A' metallis nuncupati ſunt plumbeus, ferrugineus, argenteus, aureus.

VI. A' plantis nomē accepit phœniceus ſeu palmeus, xerampelinus, buxeus (id eſt, pallidus: pallet præ cæteris buxea materia) roſeus, hyacinthinus (in quo purpura lucet ſubnigra) hyſginus, coccinus, & utriq; ſimilis ſandycinus, uiolaceus ſeu ſanthinus, tyriathinus ex purpura & uiola, croceus, byſſinus, citroſus, papaueratus, galbinus, malachinus, balauſtinus, prafinus.

VII. Ab animalibus, ceruinus, murinus, muſtelinus, iſtericus, *κύων*, cygneus ſeu olerinus, coracinus, oſtrinus, conchyliatus, muriceus, purpureus ab **Hercule** primum inuentus

VIII. Ab elementis, igneus, flammeus, cœruleus à cœlo, marinus ſeu thalaſſinus à mari, cymatilis & cymatius ab unda, arquatus ab arcu pluuiarum.

IX. Ab alijs quibuſdam rebus: ut à uitro hyalinus ſeu uitreus: à niue niueus: ſic marmoreus, lacteus, eburneus, amethyſtinus, ſandaracinus (qui eſt flâmæus) impluuiatus, ſanguis-

guineus, herbidus, cereus, piceus, cinereus, spumeus, maculosus, guttatus, muscatus, scutulatus, pomulatus, rotatus.

Quæ nam sunt præcipuè horum differentiæ?

Aristoteles colores diuidit in simplices & mixtos: *χρόματα ἁπλᾶ καὶ σύνθετα*: duo simplices sunt albus & niger: ex omnib. enim maximè cōtrarij sunt: quare nihil æquè apparet, atq; in alba papyro atramentū. Reliqui omnes sunt mixti: nam ex albo & nigro uariæ & innumera species penè oriuntur.

A T E R horribilis color est, uelut anthrax seu carbo. Hic enim color ppriè est carbonis extincti. Quare scitè Terētius: Tām excoctā, inquit, reddā atq; atram, quā est carbo. Sanguis præterea caloris atq; coloris ignei particeps, effusus ac frigefactus amisso rubore tanquam in carbonem mutatus, ater uocatur. Dicitur & mors atra: quia cadauer extincto calore illo uitali quo corpus alitur, atrū relinquitur. Differt autem ater à nigro colore, quòd ut omnis ater est niger: sic non omnis niger est ater: horrendus est hic, tristis, uisu iniucūdus, lugentibus accommo datus: ille contra nōn unquā lepidus ac uenustus: ut humani oculi sunt complures, quos nemo atros diceret, sed nigros, usq; tamen nihil maiori cum uoluptate spectamus. Vocabatur autē ater ab antiquis etiam anthracinus & furuus: quibus longè

minus sunt nigri liuidus & fuscus. Alter ex graui corporis ictu proueniēs deformitatem habet: alter non insuauis & in homine per sæpe laudatus: qui tamen si modum excedit ac maxime fuscus est, & quasi nigrescit, pressus dicitur: ut uestis, quæ aliquandiu sub prælo pressa nimium coloratur. Legimus etiam e qui colorem pressum. Econtrā fasciolæ coloriscæ dictæ fuerunt, quæ non saturatæ, sed uix colore aliquo illitæ è coronis dependebant. Aquilum ueteres hunc fuscum à colore aquæ uocarūt, qui inter nigrū est & album, id quod Plato etiam docet.

ALBVS color purissimus est, quare ad animum translatus, pro sincero capitur: is nullibi quàm in niue clarior est: quam tamē atram esse Anaxagoras affirmabat. Sumitur pro palido, unde timor albus legitur & metu exaluit. Quam ob rem Rom. mulieres quondam funera sequebantur in ueste alba, tanquàm mortui, quem efferebant, colorem referrent. Candidus elucet, & oculos delectat. At candens nō tantum candidus est, sed & pro ignito accipitur, ut ferrum candens. Eiusdem generis est canus, qui etsi ad alia transfertur, propriè tamen est capilli & barbæ senilis.

LEUCOPHAEVS est color albi, nigriq; particeps. Genus est coloris natiui: non enim inficitur, sed ouis ipsa sic natura quasi pingitur.

PULLVS color qualis sit, ostēdit terra ipsa: maior enim illius pars pulla est. Itaq; quoniā ea mortuis inñcitur, uoluerunt ueteres, ut qui lugerent, pullis pallis terræ similibus, essent amicti. Dorsum etiam leporinum propriū est pullum: quamobrem naturæ ipsius magisterio doctus, terram rēcenter ab aratro proscissam metu pauidus quærit, ibiq; nonnunquā stratus, nullaq; re tectus, uenatores, canesq; ipsos prætereuntes ac sagaciter propè omnia perquirentes, coloris tantū beneficio sepissimè latet. Nulla arte aut impensa color hic paratur: natura enim sic prouenit, unde natiuus quoq; uocatus est. Est autem pullus diminutium à puro, uelut à rara uestimentī genere fit ralla: ut lana pulla sit pura, nullo alio colore infecta, sed suo tantū & ingenuo contenta. Atq; indiem dicti pulli equorum, aliarumq; pecudum, quasi puri, nullaq; adhuc libidine aut labore uiolati. Pullo simillimi sunt color impluiatus, dictus quasi fumato stillicidio implutus: & suusus seu insuusus, qui lutum refert: qui & ipse è stillicidio fumoso factus est in uestimento albo.

FERRVGINEVS color est, quem ferrū longo situ rubiginosum ostendit: ferri enim colorē agit: id est, refert, ut ipsa uox indicat. Tunica nuciei pinei lanugine quadam puluerulenta, ferruginea est. Erat is quoq; lugentium

color: itaq; capitur nonnūquam pro funesto, atq; ea de causa hyacinthi dicti fuerunt à Virgilio ferruginei, quasi lugubres: quia puerum casu interfectum Apollo diu luxit, atq; in eius folijs uelut epitaphium in sui doloris perpetuum monimentum inscripsit, nō quod floris color uerè sit ferrugineus: est enim is, in quem mutatum ferunt adolescentulum, purpureus: eodem modo cœlum ferrugineum dicitur: id est, nubilum & triste.

COERVLEVS color dictus est, quasi cœruleus, ut ex ipsa uoce apparet proprijs cœli, sed sereni: unde Ennius:

— *Cœli cœrula templa.*

Atq; hinc mare cœruleum: refert enim eundem, quem ab ipso supernè accipit, cœli nitorem. Quare ex antiquis nonnulli, sicut Iliadem propter cædes, de quibus poëta illic loquitur, colore sanguineo ornabant: ita Odysseam, ubi Vlyssis idem maritimos errores scribit, membrana cœrulea tegebant. Pro tristi aliquando capitur: quia cœrulei quædam species est penè nigra, ut quod Indicum dicitur, eo'que olim uestitu Græcæ mulieres amictæ producebant eorum funera, quorum animas in cœlum cœruleum migrasse existimabant. Cœruleum Græci cyaneum uocant, in quorum commentarijs etiam lazurion inuenitur.

Ascri-

Ascribitur huic colori & Venetus, hodie blavus nūcupatus, ex Circensi factione ualde nobilitatus. Fuerunt autem in Circo colores præter Venetum, roseus, albus & prasinus: quib. postea additi sunt auratus, purpureus, luteus.

CÆSIVS à cœruleo differt autoritate M. Tullij lib. 1. de Nat. Deor. ubi ait Cæsius oculos Mineruæ, cœruleos esse Neptuni. Nec enim quemadmodum legimus cœlum, mare, uestem, florem cœruleum: ita legimus cœlum, mare, uestem, florem cæsiū: sed oculos tantum cæsius ueteres dixerunt, quibus inest fulgor quidam uisu horrendus. Vnde existimo, sicut Cæsar & Cæso dicuntur à cædendo: ita cæsiū à cæde nominatum esse, ut qui cæsius sit, cædem quodammodo oculis minari uideatur, qualis Minerva prælio & cæde gaudens fuisse dicitur, ex quo illa ab antiquis Cæsia uocata est. Dicitur hic color Græcis glaucus, quæ tamen uox latius patet. Nam præter oculos nocturnos, quos (ut auis ipsius Græcū nomen declarat) omnes glaucos esse confirmant: multa quoq; dicuntur glauca, ut ulua, palustris herba: ut salix, cuius cum frondes, tū multo magis cortex in ramis, præsertim anniculis, nitet hoc colore, quē laudat Virgil. in egs: eosq; noto carmine glaucos appellat. Nā spadices (honesti ab eodē uocati) illustriores sunt

sunt aliquanto: atq; ñ duo colores aliorum omnium maximè probantur in equis. Vluai-
gitur & salix, quas idem Virgilius glaucas dixit, equi item species optima, castaneæ etiam nucis tunica, aliâq; multa præter leonís ac noctuæ oculos, colorem glaucum ostēdunt. Sed ut redeam, unde discessi: quando cæsius color tantum est oculorum, uidendum est ne is sit potius quem Aristoteles *χαρῶπιδος* uocat: sice, nim ab illo dicitur leo ab oculorum sæuitia, quem Catullus cæsium uocat. Vnde Hercules cognomento dictus fuit Charops, quasi iracundè intuēs. Nam chara Græcè, ira quoq; dicitur Latine: & ex eodē, ut puto, Charon nominatus est, de quo cum inquit Virgilius:

— *stant lumina flamma,*

Cesium uoluit senem illum horribilem ac durum significare.

RUFVS color à rubro differt, quod rectè dicitur sanguis ruber, rufus non item. Rursus barbam & capillum Aenobarbi rubrum ueteres non dixerunt: sed modò rufum, modò rutilum. Quin & canes immolabant Romani sacerdotes, quas rufas aut rutilas appellabāt, non rubras: ad placandum caniculæ sydus, frugibus inimicum. Ex quo manifestum est rufum, rutilumq; eundem esse. E' canis igitur colore satis noto, atq; è multorū barba & capillo, apparet cuiusmodi sit color rufus. Hunc

rustici

rufici in armentis robum, giluumq; olim dixerunt, atq; etiam heluum, ut uini genus est quoddam, inter rufum, albumq; nulli non cognitum: quod quoniam cerasi duracini colorem refert, cera solum dicunt aliqui Italiae populi: Burrhus homo est, qui pransus, cibo & potione rubet: hunc aliqui etiam rubidū uocant. Inuenitur & rubeus, etsi aliqui non indocti monuerint uocem nō esse Latinā: cum tamen apud autores nō malos, ex uuis nigris fieri uinum forte legatur, ē rubeis autem suaue. Verbum est omnino rusticum, nec prorsus idem color est, qui & ruber, sed ad eum proximē accedit. Quid quod russeus etiam legitur: negat quidam ē uetustis Grammaticis dici posse: russum iubet, ex quo pannus est russatus. Vtrunq; certē Latinum est, sed aratoris magis, quam oratoris: habent enim & sua uerba qui ruri uiuunt. Vide Brodæum libro I. miscel. cap. 8.

RVB RVM colorē maximē indicat animantium sanguis, & quo lana inficitur, coccus: granum id uulgo uocatur, unde uestis est coccinea, nulli ignota. Ostentat tamen hūc colorē præ cæteris rebus liquor purpuræ, cuius adeo gratus est color, ut si quid paululū habeat ruboris (modò uisu sic illud non iniucundū) purpureum sæpē dicatur: ut sunt uiolæ & uaria florum genera: quin & candidus (is enim quoq;

quoque oculos remoratur) à poëtis uocatur nonnunquam purpureus. Inuenitur & blatteus positus pro purpureo. Non est præterundus color uiridis frondibus arefactis similis, & idcirco xerampelinus Græcè dictus. Vsurpant hanc uocem Latini: certum enim uitis genus adulto iam autumno pāpinis rubet uelut cruentatis, unde nomē colori inditū est: rosa ab omnibus nunc dicitur sicca.

ROSEVS color omnium est iucundissimus, atque humano corpori, si id formosum est, similissimus. Itaq; os, ceruicem, papillas, digitos roseos poëtæ dicunt: id est, candidos, rubore sanguinis penitus diffuso cum uenustate: isq; color propriè est, quem Itali uulgò *incarnatum*, Germani *Leibfarb* uocant. Rosa enim maximè omnium pueri ac uirginis nitorem refert: nō intelligo Milesiam rosam, quæ nimis purpurea ardet: nec rursus albam, sed quæ utrinq; decorem accepit. Cicero hunc colorem suauem dixit, haud dubiè quia corpus hominis imitatur.

PVNICEVS color, à Phœnicibus, phœniceus quoque dictus, flagrat uelut uiola flammæ: atque ita à multis olim purpura uocata fuit uiolacea: Phœniceum uerò alium ab hoc, palma (quæ phœnix Græcè est) à se nominauit. Color hic in equo, ut diximus, maximè lau-

laudatur: qui modò spadiceus, modò badius & baius, dicitur. Termítes enim palmarum cum fructu, spadices & baia Græci dicunt.

FVLVVS ex omnibus maxímè lucet, quem multa iactant, orichalcum in primis, aurum, ipsæq; stellæ. Est & species araneæ aureolæ, quam fuluā dixit Virgilius: & genus quoddam aquilæ, ab Aristotele maxímè celebratum, colore etiā fuluo. Quod si obtusus quodammodo est atque obscuratus, uocatur rauius: & sic Horatius lupam appellauit, cuius colorem noto magis uerbo pleriq; omnes fuluum dixerunt. Tradunt aliqui rauos oculos (quos in cane & ariete laudat Varro) inter cæsius esse & flauos. Ornat sæpè color hic flauus uirginum ac puerorum capita, atque in maturis frugibus semper elucet: nec non propulchro frequenter positum uidemus. At luteum nihil æquè ostentat, ac flos calthæ & geniftæ, ouique etiam uitellus. Croceo est hic perquam similis, sed lucidior aliquanto: ab antiquis flammeus quoque dictus: quoniam eo Flaminis uxor Flaminica utebatur. Potest hoc loco pallidus poni atq; luridus, mortui color hic est horribilis, ipsiusq; mortis & Plutonis: ille nonnunquam uel gratus in homine & amabilis.

VIRIDIS color cuiusmodi sit, ostendit herbarum multitudo: quarum tanta est uarietas, ut cum earum uis sit infinita, nulla tamen æquè atque ex alijs aliqua uireat, sed omnes inter se discolors uideantur, id quod in reliquis omnibus coloribus apparet. Quare si minus est hic albus aut niger quàm ille: non idcirco nomen albi amittit aut nigri. Ex auibus autem insignis est hoc colore psittacus, auis inde à quibusdam uiridis appellata: & quo nihil lætius est, smaragdus. Maxime quoque lucescit uiriditas in genere quodam scarabei, cuius meminit Aristoteles: qui dorsum habet nota quadam aureola sic litum atque illustratum, ut lunæ exiguæ speciem sustinere uideatur. Egregius est inter colores qui uirent, prasinus, multorum carminibus collaudatus: nunc uiride porrum ab insectoribus uocatur. Atque hæc de Coloribus, qui proprium Opticæ subiectum sunt,

LIBER

LIBER V. DE OPTICA.

Quid est Optica?



ST pars physicae de ratione uident
di: estq; nihil nisi Geometria in lu-
ce, umbra, colore, uisus ipsius na-
tura & facultate ueritate, halluci-
natione, e situ, motu, numero, quantitate, figu-
ra: seu uisus ipse rectus sit, seu speculorum re-
flexione, seu mediorum (densitate & raritate
diuerforum) refractione. Subiectum itaq; O-
pticæ proprium est lux, umbra, color: seu cor-
pus lucidum, coloratum, densum. Nam sine
corpore, tanquam subiecto, lux, color, den-
sitas tanquam adiuncta cōsistere nequeunt: si-
ne luce uerò colores non apparent: sine den-
sitate uisus retineri nequit. Res itaq; uisui & o-
pticæ subiectas necesse est lucidas, dēsas & co-
loratas esse. Nihil enim sine corpore, luce, co-
lore, densitate uideri potest. Densitas nēpe re-
tinet uisum ne penetret. Subiectum itaq; O-
pticæ proprium est color & lucidum. Com-
mune uerò est Corpus cum suis adiunctis, ut
Motu & eius contraria quiete: ut loco: ut ma-
gnitudine seu quantitate: ut qualitatibus in
G figura,

figura, situ, asperitate, leuitate, siccitate, humiditate.

Quæ nam est natura uisus?

Naturalis cõpositio uisus mirabilis est res in casu suo, qui fit ordinatè cum extēsiōe sua & sensibilitate uidendi & discernendi diuersitates rerum subiectarum quomodocunq; positarum. Facit autem id uelociter sine tarditate aut intermissione, utiturq; diligenti ratiocinatione, cum uirtute ferè incredibili, & quidem insensibiliter, ob celeritatem suam. Duplicem autem uisum fecit natura ut eò certius uideamus: & quidem utriq; axes simul coincidere debent super medium corporis uidendi, ut fiat ex utrisq; pyramidibus una basis in loco ubi se contingunt in re uisa: & quod per radios dextros uidetur, appareat à dextris: quod per sinistros à sinistris.

Quomodo cognoscit singula subiecta?

Nihil horum cognoscit sine aliquo lucido, ut diximus, & prohibente penetrationem. Itaque

I. Corpora per colores & habitu suos cognoscit.

II. Magnitudinem, situm & figuram cognoscit per corporum superficies, quæ contiguæ sunt coloribus, super quos lumen incidit. In tribus autem cõsideratur magnitudo,
in

in distantia, situ & angulis. Distantia rei propinquior est, cum radius qui in mediū rei cadit, fuerit breuior: longior, cum longior. Primo autem & uere comprehenditur magnitudo rerum quæ uidentur, ex quantitate basis quæ refertur ad principium: quia dignoscitur per quantitatem continentis anguli. Magnitudinem enim cognoscit uisus, quando diametrorum basis, quæ est super re uidenda, habet sensibilem proportionem ad distantiam inter nos & illam existentem: quod fit cum radij qui eum continent, cōstituunt sensibilem angulum in capite pyramidis. Non autem omnis res, in qua est magnitudo, habet continentem angulum sensibilem. Nam eminentiæ: circundantes rem ualde remotam, angulis minuuntur, ita ut nec uisu percipi possint. Curuæ quoq; & concauæ lineæ & superficies apparent rectæ & planæ cum proportio fuerit insensibilis: & sphericæ nobis propinqua, uidentur esse curuæ. Sol autem & Luna dissimiles uidentur: quoniam ē terminis radiorum uisus, qui continent figuram eorum, fit circulus, medius uero radius sit perpendicularis, quod accidit in sphericis quomodo-cunque positis.

III. Colores non uidentur sine lumine: nec enim in tenebris uidentur, exceptis rebus splendidis.

III. Tenebræ non videntur, sed cognoscuntur per absentiam aut priuationem eorū quæ accidunt uisui : sicut nec taciturnitatem audimus, sed per priuationē auditus cognoscimus : & in genere species priuationis cognoscimus per uacationem sensibiliū. Quantitatem uero illorum cognoscimus per terminos actuum : sicut quantitatem loci tenebrosi per continētes lucidum terminos : & taciturnitatis terminos cognoscimus per finem & principium uocis.

V. Sitū cognoscit per locum rei coloratæ.

VI. Motum cognoscit per permutationē situs : & colorum : quietem per priuationem motus. Motus autem est in tribus : in magnitudine, & uocatur augmentum uel diminutio : in figuris & coloribus, & dicitur mutatio : in corporibus denique & uocatur translatio.

VII. Figuras & magnitudines cognoscit per terminos rei coloratæ : & per figuras basiū super quas cadunt uisibiles radij. Lineas quoque quæ figuras continent, cognoscit per notitias linearum continentium bases, ut rectas & curuas, quæ sunt principes differentiæ figurarum. Cognoscit uero superficiem totū continentem (planam scilicet & sphæricam) per superficiem totius basis. Sentitur autem linea recta cum longitudo lineæ, quæ est inter extremitates radiorum uisus, fuerit extensa : & ideo

ideò recta linea sola est minor omnibus lineis quæ continent terminos. Sentitur autem curva linea, cū omnes radij uisus : qui supra rem cadunt, continent eam cum alia una & eadem linea ad angulos equales in capite pyramidis : & ipsa linea peruenit ad centrū circuli. Sentitur plana superficies, quando per totam basim, super quam cadunt uisibiles radij, coaptantur rectæ lineæ undiq;. Superficies sphærica sentitur, cū undiq; coaptatæ fuerint circumferentiæ super omnes partes basis. Apparet superficies aut linea concava, cū fuerit proportio uisibilis radij ad rectos angulos incidētes, maior ad obliquos radios, quàm proportio consimilium radiorum, de his qui cadunt super planam superficiem aut super rectas lineas. Curux e contra apparent, cū proportio fuerit minor. Quod enim extrinsecus continet, concavum : contentum uero, curuū est. Atq; hæc de subiectis Opticæ & quomodo illa per hanc cognoscantur. Illud autem ex Vitellione lib. 10. Opticæ tenendum est: Cum res uisa consistit in medio densiore, uisus in tenuiore: tum locus apparens semper est propior uisui quàm uerus : si uero res uisa est in medio tenui, oculus in densiore: locus apparens remotior est uero: si deniq; res uisa & oculus consistūt in eodem medio: tum coincidit locus apparens cum uero.

*Quot sunt igitur consideranda in
Optica?*

Tria: Forma uidendi, Diuersitas & Hallu-
cinatio. Optici enim docent rei uisibilis in-
numerabiles species sphaericè in omnem par-
tem radiare. At species istæ opticae non sunt
corpora, sed imagines uisibilium rerum, ut lu-
cis coelestis. Formæ autem radiantibus dicun-
tur, ut Sol & Luna. Generales uerò uisibilium
species prius occurrunt oculis, quàm specia-
les. Alacenus 72. numero lib. 2, & Vitellio 71.
theoremate 3.

I. Quotplex est forma uidendi?

Duplex: Fit enim per radios. Rectos aut
Refractos. Per rectos in aëre: per refractos in
speculis & humore. Radij enim reflectuntur
ab omni corpore diaphano inspissato, ut sunt
uapor, nubes, aqua, nitrum, crySTALLUS, aër den-
satus, guttæ & aqua sparsa ore Vrinantium,
manu uel remo.

Visus fit per ra- dios	{	Rectos in aëre.	{	Aequales in rebus quæ prohibet penetratio- nem, ut in speculis planis, cauis, conuexis: simplicibus, compositis: & hi dicuntur re- uerberati seu reflexi.
		Refractos ad angulos		Inæquales, in rebus quæ nō prohibet penetra- tionē, ut in humore & aqua: & hi dicuntur refracti nomine generis, ab alijs reflexi.

Quomodo fit uisus in Speculis?

Res quæ uidentur in Speculis, apparēt primo secundum directionem uisibilis radij, qui cadit super eas per reuerberationem suam, & quæ fit secundum positionem pupillæ à speculo: deinde super perpendicularem, quæ cadit à re uidenda super speculī superficiem. Radius autem qui est inter pupillam & speculū: & inter speculum & rem uidendam refringitur: & continet cum perpendiculari, quæ ab ipso puncto procedit de speculo, æquales angulos. Vocatur autem perpendicularis in superficie sphæræ communi nomine, linea quæ circumfertur, cum omnibus lineis quæ tangunt sphæram, exeuntes à puncto communi, qui est in superficie sphæræ ad rectos angulos. Vnde necesse est ut omnes perpendiculares cadentes super sphærarum superficiem, cum penetrarunt, transeant per centrum sphæræ. Inter multa autem, quæ rerum imagines referunt (ut aqua, æs politum, gemmæ quædam) nihil æquè perspicuè reddit simulacra, ut uitrum plumbo sublitum. Nam uitrum quidē ut rarum ac pellucidū, maximè capax est imaginum: uerū acceptas non perinde cōtinet ob pelluciditatem: proinde sublitum plumbum, ob nigrorem aliquem naturæq; densitatem sistit impressam imaginem, neq; dilabi

finiſt. Euaneſcunt enim ſimulacra, non ſecus atq; candelæ lumen in ſole, quoties excipiuntur in corpore nimium tenui, perſpicuoq; uelut in aëre, pura aqua, cryſtallo, uitroq; non obſcurato corporis alicuius oppoſita. Rurſum in nimium denſis & obſcuris non hæret, uelut in ſilice, ligno ue. Proinde natura ſoleriſſima rerum omnium architectrix, oculum animantium ad ſpeculorum imaginē finxiſſe uidetur, quippe parti pellucēti nigrorem quendam adiunxit à tergo: quo ſublato protinus tollatur & uidendi facultas. Vnde ſcite dictum eſt illud, ut ſpeculum oculus eſt artis, ita oculus naturæ eſſe ſpeculum. Illud miraculo dignum, ſpeculum nō modo clariſſimè repreſentare ſimulacra rerum omnium, quæcunq; obiectæ ſunt: uerū etiam interualla, colores, motus, breuiter res ipſas penè dixerim euidentius quàm ſunt, hoc uno discrimine quòd aduerſa refert. Cuius cauſa hæc eſt, quòd ſpecies, quæ à corpore ſolido per aërem manat ad ſpeculi ſuperficiē, ſimplex, puraq; eſt, unde fit ut non alia ſit auerſa quàm aduerſa. Vide prouerbiū: Tanquam in ſpeculo.

Quomodo fit refractio in Humore?

Fit ſecundū directionem radij, qui ad illum ſelectitur à uiſu: id eſt, ſecundū rectitudinem radij, qui procedit à uiſu ad ſuperficiē
de

de qua fit refraçtio, & secundum rectitudinē perpendicularis cadentis à re uidenda in superficie de qua fit refraçtio.

I I. *Vnde est Diuersitas uisus?*

Ex diuerso habitu uel ipsius uisus: uel rerū quæ uidentur. Nā quod ad uisum attinet, res subiectæ eò melius cernuntur, quò clarior est uisus: & quū utroq; oculo aspicimus. Quod aut ad res ipsas, uisui subiectas, attinet: ad exactius uidendum faciunt plurimū earū rerū situs, lux, color, magnitudo, leuitas, densitas.

Nam I. res propinqua melius uidetur quàm longinqua. Radij enim euanescent, cum nimis longè protenduntur. Ea quoque res certius sentitur uisu, cuius situs rectus est ad angulos rectos, quàm eius quæ per refractionē aut reflexionem uidetur. Item ea melius uidetur, quæ per medium radiorum uisuum (illum scilicet qui est super axe) uidetur: quàm ea quæ in lateribus per latera aspicitur. Illa enim quæ succedunt axi, remotiora sunt à priuatione uisus: quæ in lateribus, propinquiora.

II. Ea certius uidentur, quæ proprium lumen habent, quàm quæ alienum.

III. Melius cernuntur alba quàm nigra: quia alba continetur pluribus radijs, & quia angulus uisibilis pyramidis non remanet in

statu suo . Res enim albæ magis dilatantur, quia disgregant radios : nigræ autem minus dilatantur propter congregationem : ideoq; interdum melius uidemus quàm noctu. Res item cuius color densior est , melius uidetur, quàm cuius tenuior est : maiorem enim corporalitatem, ut sic dicam habet.

IIII. Res maior melius uidetur quàm parua : & cum pluribus lucidis coniuncta quàm sola.

V. Res leuigata melius uidetur, quàm aspera: quoniam asperum confusionem parit: partes enim eius sunt similes. Leuigata autem habet partes compositas & inest ei lumen.

VI. Res densa magis uidetur, quàm rara: illa enim resistit, hæc cedit.

III. DE DECEPTIONIBVS SEV

Hallucinationibus uisus.

Vnde accidunt fallaciæ seu deceptiones uisus

Errores seu hallucinationes uisus cōtingunt ex causis uel	{	Communibus omnibus sensibus. I.	
		{	Coloribus. II. Visu ipso. III. Mente seu imaginatione. IIII,

I. *Que*

1. *Quæ nam sunt illæ causæ communes?*

Sunt magnitudo aut paruitas. Quod in omnibus sensibus apparet: comprehensio enim quandoque minuitur, quandoque augetur: ideoque & sensus variant ob diuersa accidentia sensuum. Sic in tactu, eandem rem molliorem sentit ille, qui corpus habet asperius quam qui mollius: cuius autem corpus est calidius, is eandem rem frigidior sentit, quam is cuius corpus est frigidius. Eodem modo in uisu, seniores propinqua uident: quoniam uisibilis uirtus debilis efficitur in illis cum cæteris uirtutibus. Illi autem qui habent oculos concauos, uident maiori distantia quam illi, qui tales oculos non habent. Cuius causa est uirtus uisibilis quæ fit per cohabitationem. Cum enim processio fuerit ex angustis locis, protenditur uisus longius. Causa itaque uidendi res à longe est abundantia uirtutis uisibilis: uidendi autem est propinquo loco, causa est humiditas cum pars recedit cum uisis. Nam cum fuerit pauca: uisus procedens statim discedit ab illa, resque propinquæ exquisitè uidentur. Cum uero multa fuerit: uidebitur res à magna distantia, ita ut qui uoluerit indubitanter uidere, necesse habet ut eminus aspiciat.

I I. *Quomodo accidit hallucinatio ex coloribus?*

Cum singuli colores non uidentur secundum suam proprietatem: ut cum fuerint cōmixti. Colores enim diuersimodè miscentur pro diuersa positione rei coloratæ, ut in collo anatum, pauonum, columbarum: inæqualitas enim pennarum aliàs in hanc, aliàs in illā partem umbras proijcit: quæ permixtæ luminis, diuersos utrinq; gignunt colores. Idem accidit in Iride. Nec uerò colorum imagines aliæ tum apparent, quàm fuerant, propter casum luminis super eas: sed uidetur magis aut minus: nec etiam decipitur uisus, cum mutatur imago colorum. Huc itaq; pertinent res illæ quarum apparet idem color non ex commixtione alterius coloris cum suo, sed ex diuersis coloribus, qui ei insunt: uidentur autē sic propter distantiam aut uelocitatē motionis: cum uisus in unoquoq; istorū debilis fiat ad aspiciendum & intelligendum singulas partes. Nam si distantia rerum uidendarum tanta sit, ut angulus qui totam rem continet, habeat idoneam quantitatem: singuli autem anguli, qui cōtinent diuersos colores, fuerint insensibiles: ex cōpræhensione partium, quæ non discernuntur, uidebitur totius rei color unus esse. Idem accidit ex motu uehementis celeri-

celeritatis: quod intelligitur motu trochi plures colores habentis: quia unus & idem uisibilis radius non moratur super unum & eundem colorem: ideoq; non potest discernere inter primum & nouissimum: omnesq; colores per totum trochum in eodem tempore unus apparent & similis: hoc est, talis qui uerè fieret ex commixtis coloribus. Idem est in stellis transcurrentibus seu traiectionibus, quarum lumen uidetur longum propter celeritatem cursus. Sic eadem res quæ similis est disco, cū uelociter mouetur circa aliquā diametrum, apparet lateraliter, nō a parte diametri circa quam uoluitur, ideoq; refert figurā oui.

III. Quomodo accidit hallucinatio ex ipso uisu?

Natura uisus in tribus est, ut incidat super res uidēdas pure existentes, ut rectè aspiciat, ut ordinatione radiorum uisibilium, consimilis fiat corporibus. Tria igitur sunt quæ illam uisus naturam impediūt, Coloratio, Fractio, & Reuolutio. Coloratio est priuatio puritatis. Fractio est priuatio rectè uidendi rem. Reuolutio est priuatio similitudinis & ordinationis. Per fractionem uidetur res in directione uisibilis radij, quāuis nō ita se habeat, eo quod est fractus. Per reuolutionē uidetur eadem res in duobus locis & duæ in uno.

Quot-

Quottuplex est Coloratio?

Duplex: Præcedens, quæ fit ante rem uidentam: & subsequens, quæ fit post rem uidentam.

Quottupliciter fit coloratio præcedens?

Dupliciter: Per se, aut per species fractionis: reflectionem scilicet & reuerberationem.

Quomodo per se?

Coloratio præcedens fit per se, cum diu intendimus oculos in aliquem colorem ualde lucidum, & postea respicimus ad aliud. Tum enim id quod aspicitur ultimum, uidetur habere aliquid de colore illius quod primo uidimus: quoniam splendorum colorum percussio in uisu, diu perseverat cum eo. Idem accidit cum aspiciamus aliquid per telas subtiles sanguineas uel purpureas. Nam uisus transit per tramas telarum sine fractione & portat secum in transitu aliquid de colore rerum per quas transit: & sic putatur res illa habere colorem eorum per quæ uisus penetrat. Et sic lumen semper se immiscet coloribus rerum ad quas reflectitur: & lux res coloratas transiens, coloratur illarum coloribus: sic radius transiens uitrum coloratum, pingitur colore uitri.

Quomodo per flexionem?

Cum res quas uisus penetrat, non sunt ualde subtiles, sed fit ex eis fractio habens quantitatem: cumque non habuerint omnino colorem remissum nec ualde intensum. Nam si habuerint colorem intensum, non permittunt colores rerum (quæ per fractionem uidentur) postquam uisus illas penetrauerit, cum colore suo permisceri. Præcedunt enim & colorant uisum per uirtutem coloris sui: & cum habuerint colorem remissum, uisus non sumit inde colorem. Si igitur commixtio fuerit moderata, fit inde quædam coloratio & uisus suscipit colorem aliunde. Velut à nube tenui, quæ non est alba nec ualde colorata, & cornibus clavis, quæ uisus penetrat, & aquis subtilibus, quæ sunt super faciem terræ & uitreis frustis & alijs, quæ sunt tenuis coloris. Videbuntur ergo colores rerum uidendarum commixti cum colore rei.

Quomodo per Reuerberationem?

Cum speculum fuerit stabile, spissum & colorem habens. Colores enim rerum quæ uidentur per reuerberationem ex ipsis speculis factam, apparent commixti cum colore speculorum.

Quot-


*Quotupliciter fit coloratio subse-
quens?*

Dupliciter: secundum flexionem aut reuerberationem. Secundum flexionem fit in rebus, quas uisus penetrat, cum susceperint aliquid de coloribus rerum quæ infra sunt aut retrò. Secundum reuerberationem autem fit in speculis, ut cum uel specula posita fuerint in loca rerum, quæ in eis apparent. Tum enim speculorum superficies putatur habere colorem rei quam uisus comprehendit post reuerberationem. Vel cum reuerberatio fit ad angulos ualdè acutos à superficie speculorum. Locus enim in quo res apparet, est determinatus, & est ille in quo cōueniunt radius, qui à uisu procedit ad speculum, & perpendicularis, quæ cadit à re uidenda ad speculi superficiem, cum fuerit in eadem superficie, quæ est super speculi superficie ad angulos rectos. Cū ergo qui sūt ex reuerberatione penes superficiem speculi, fuerint parui, erit perpendicularis parua: & locus in quo res apparet, erit prope superficiem speculi. Propter prædictā etiam causam, cum fuerit ignis aut lumen paruum altius ab oriente, & prope aspicientem fuerit stagnum aut aqua: siquidem aqua moderate mouebitur, uisui (qui à superficie aque refringitur ad ignem uel ad lumē) apparebit
forma

forma luminis in ipsa superficie aquæ longa, & uidebitur moueri cum motu aspicientium illam, quousque fiat opposita eis & rei uidentæ: & idcirco uidetur habere lumen propter reuerberationem. Atq; hæc de fallacia, quæ ex coloratione uisui accidit: sequitur ut de fallacia dicamus, quæ accidit ex fractione & resolutione.

Quotuplex est Fractio?

Duplex. Flexio, quæ est fractio ad rem resistentem: & Reuerberatio, quæ est fractio in re resistente.



Exemplum eorum quæ uidentur per radios diuersos secundum figuras rerum quæ radios refringunt, est cum uidemus sinistra per radios dextros & superiora per inferiores & contrâ. Et hac de causa insulæ sublimes, uidentur esse humiliores, eò quod radij qui infra cadunt in mare, efficiuntur per reuerberationem sublimiores illis, & aër qui rectè comprehenditur à uisu, fit altior insulis: quod euidentius apparet cum fuerit super insulam nubes rubea. Apparet enim subtus eam similis illi nubes rubea.

Similiter etiam per reuerberationem uidetur eadem res in pluribus locis, sicut accidit in concavis speculis & his quæ plures imagines ostendunt. Nam sic facta sunt, ut quædam refringant radios ad rem uidendam, quædam ad aliud. Vnde multi radij disgregati, ostendunt rem secundum directionem eorum & apparet numerus locorum rei uidendæ ut radiorum.

*In quibus rebus accidunt fractionis
species?*

In magnitudinibus & figuris, ut cum specula aut res quas uisus penetrat, non fuerint planæ: quod fit ex curuitate aut concauitate superficie. Nam cum anguli quas formæ rerum

rum subtendunt, fuerint maiores aut minores angulis continentibus rem quæ uerè uidetur: & distantia fuerit sicut distantia rei quæ rectè uidetur: & forma rei sit maior uel minor quàm uera quantitas ipsius rei: item cùm particulares radij, qui penes rei formam disperguntur, fuerint longiores uel breuiores radijs qui cadunt super ipsam rem ueram, quæ rectè uidetur: apparet figura formæ, dissimilis illi cuius est forma.

Rursus cùm fuerit res, quam uisus penetrat, plana: & illud quod in ea uidetur rectum: pars quoque eiusdem rei uidendæ fuerit extra (sicut accidit in remis) sit imaginatio quòd res ipsa sit fracta. Exterior enim pars uidetur in loco suo uerè: interior uerò, quæ est in corpore quod uisus penetrat, apparet in loco propinquiore superfici ei de qua fit flexio. Atque hæc de fractione: sequitur reuolutio.

Quottuplex est Reuolutio?

Duplex. Præcedens, quæ est coniunctio axium ante rem uidendam: & Subsequens, quæ est coniunctio axium post rem uidendam.

Reuolutio autem accidit in motu.

Continua reuolutio uisibilis radij, ostendit

H a rem

rem uidendam tanquam si moueretur: sed huiusmodi uacillatio fortè sit in principio uisus (ut accidit in scotomia) & tenebricositate, quæ ascendit ad oculum.

Ex motu accidit fallaciâ in his rebus, quæ subito euanescent: eas enim uelociter moueri existimamus. Exemplum est de nauî. Nam si nauis in fluuiò stat, & is qui in nauî est, aspiciat aquam tantum: tum putat nauim moueri & ascendere non aquam descendere. Si uerò aspiciat aquam, nauem & terram simul: agnoscit nauem quiescere. Item cum in nauî uehimur, putamus arbores & terrâ recedere: id quod propter translationem uisibilis radij.

Est & fallacia in positione quæ accidit ex coloribus & ordinatione uisibilium radiorum. Nam res cuius color est magis occultus, apparet remotior: & ideo statim existimatur esse maior. Ideo pictores cum uolunt ostendere figuram curuam, ponunt colorem eius partis, quam uolunt eminentem uideri, lucidum. Colorem uerò illius, quam uolunt concavam uideri, magis latentem & obscurum. Vnde rerum quæ in uno loco sunt, quæ habent maiorem splendorem, apparent propinquiore: quæ autem habent occultam claritatem, uidentur remotiores, quâuis fuerint propinquæ. Ideo quod pictores rerum, quas remotas uolunt ostendere, colores aëreos constituunt. Hinc igitur picto-

pictoribus non solum lumen & umbra, sed medius inter utrumque splendor, qui propterea tonus appellatur, & à trāsitu, commissuraque colorum ἀρμονία. Et huius generis mirabilis Optica Augustæ in Fuggeranis ædibus multa est, ubi res propè aspicienti, euanescunt & quodammodo obnubilantur: procul autem intuenti, aspectabiles fiunt. Neagorę autem in palatinatu principis imago cum uxore Dorothea regina Daniæ, rectè aspicienti non uideatur, sed obliquè intuenti mirabilí modo se conspiciendam offert. Sic uelum quoque concavum putamus esse curuum, cum aspicimus illud à longè: quia relictí radij cædunt super medium, & sic luceſcit. In extremis autem partibus & circumferentijs eius, aut omnino nullus cadit radius, aut parū cadit: inde obliquū apparet obscurum. Atque hæc de hallucinatione ex ipso visu: sequitur error in mente.

IIII. *Quomodo accidunt fallaciæ ex mente?*

Cum sensus quidē incidit super res uidentas secundum cōsuetudinem & naturam suā: mens uerò in continua cum rebus cōprehensione sua æstimat eas extra ordinem. Sic cum inspicendis speculis planis, facies rei uidende opposita est faciei speculi: tum ostendit nobis uisus partes nostras secundum quod insunt à

natura: uidelicet res quæ per dextros radios uidentur, apparere dextras, & quæ per sinistros, sinistras. Mēs uero ostēdit nobis dextra sinistra, & sinistra dextra. Eodē modo fallacia accidit in ratiocinatione de distātijs, de quantitate, de figuris, de motu. Sic cū inferior aēr sit spissior & coloratior quā superior: existimamus cœlum esse coloratum: Sic ratiocinatio de Solis & Lunæ quantitate fallax est: quoniam sensus Solem bipedalem esse existimat. Sic ex figuris luminarium & ianuarum dicit æqualibus: superiores tamen inferioribus ampliōres putamus. Sic deniq; in motu currum, ipsos currus celeriter moueri opinamur, cū radij cadunt super equos & rotas. Rotæ enim propter paruitatem quantitatis suæ, faciunt plures reuolutiones, quā que motui totius currus competunt. Mens igitur ex generali ratiocinatione (quod res in æqualibus temporibus transeant æquales distantias) fallitur. Atq; hæc de Optica: & qualitate in uisu: sequuntur qualitates in gustu & olfactu.

LIBER VI. DE SAPO. RIBVS ET ODO.

R I B V S.

Quænam Qualitas sentitur gustu?



APOR: & huc pertinet Culinaria,
Coquinaria, ὀψοποιική.

Quid est Sapor?

Est qualitas in succo seu liquore, in quo humiditas uincit siccitatē terrestre, calorem utramq; dirigente. Nam in sapore dominatur humiditas. Quare Theophrastus sic definit: Sapor est partis siccae percolatio per humorem à calore facta.

Quotplex est Sapor?

Duplex: Laxans & Astringens.

Quid est sapor laxans?

Quem lingua excipiens diffunditur & quasi dilatatur: eoq; nō læditur aut exulceratur. Et hic etiam calidus est.

Quot sunt eiusmodi?

Duo: Dulcis & Pinguis. γλυκὺς ἢ λιπαρός.

Quid est Dulcis sapor?

In quo exuberata aërea humiditas: & quem

cum naturæ sanguinis nostri & carnis proximè cōgruat, lingua auidè excipit ac uoluptate afficitur. Dulcia talia sunt Lac & Vinum. Ac de his dulcibus regula est ad nutritionem pertinens: Nutrimentum hominis oportere esse dulce aut dulci permixtum. Dulcia enim iungunt, implent, & restituunt erosas particulas. Duo autem sunt gradus dulcium. Dulcedo enim aut mediocris est aut in excellēti gradu. Cū mediocris & rectè temperata est, fit suavis. Vt enim manus cū inseritur aquæ mediocriter calidæ, afficitur uoluptate: ita mediocriter dulcia (quā sunt temperatè calida & cum sanguinis & carnis natura cōgruūt) efficiunt suauitates. Econtrā excellenter dulcia nocēt: quia cū sint ualdè calida & aërea, citò in igneam naturam uertuntur. Sic mel & saccharum celerrimè uertuntur in rubram bilem. Quare auidius usi saccharo sæpè perniciosè inflammantur. Adhæc dulces cibi intemperantiùs eduntur. Ideo propter humoris copiam sequuntur putrefactiones.

Quid est Pinguis sapor?


Cui subest aërea humiditas minor. Est enim in re minus tenuium partium, estq; minus calidus: ut sentire licet in oleo, butyro, carne. Hæc quoq; duplicia sunt. Nam si sint mediocria, prosunt in nutrimento, Sed nimis pin-

pinguia nocent : quia solent supernatare & impedire coctionem & oppilationes efficere. Vulgò hunc saporem uocāt unctuosum : quē tamen Scaliger pro saporis specie non habet: sed pro saporis adiuncto.

Quid est sapor astringens?

Qui astrictionem efficit, qua offenditur & exasperatur lingua.

Quotuplex est?



Quid est Amarus?

Qui detergit & mordet linguam, estq; in natura terrestri crassa, in qua excedunt calor

& siccitas: ut in bile, nitro, marrubio, absynthio, aloë.

Quid est Acris?

Qui non solum mordet ac rodit linguam: sed etiam urit, penetrat & ualde dissoluit, instar ferri igniti. Estq; in natura tenui, in qua excedunt caliditas & siccitas. Et acris superat calore res amaras. Sunt autem acris, ut piper, zingiber, allium, cepa, granum cnidium *Kelversalz*, calx.

Quid est Salsus?

Qui linguam detergit & abluir disgregando & exiccando: ut sal: qui ideo putrefactiones impedit: quia desiccatur & extenuatur ac erodit humiditates. Ideo mollem carnem induratur, & duram reddit molliorem. Nam ut in molli absorbit superfluum humiditatem: ita rursus duram erosionem attenuat ac relaxat. Estq; salsus sapor in natura terrestri, crassa, calida & sicca.

Quid est Acerbus?

Qui contrahit linguam & introrsum pellic, ideoq; constipandi, densandi, & astringendi uim habet: estq; in natura terrestri, crassa, frigida & sicca. Diciturq; ideo tardior acidus: quia acidus est in natura tenuiore & minus terrestri. Acerba autem sunt, fructus glandium, pyra syluestria, & in genere immatura poma,
mala

mala cydonia ac magis immatura. Nam postquam maturuerunt, fit mixtus sapor ex acerbis & dulci, sicut nucum ex acerbis & pingui. Sunt acerbæ & fructus poterij, qui uulgò ribes dicitur: item castaneæ, corna & poma cynosbati, *heimboten*. Acerbus autem sapor duplex est, Stypticus & Ponticus, Stypticus est minus *στυπτικός*: ut mala cydonia: dictus à *σύγω*: id est, astringo. Ponticus est ualdè *στυπτικός*, ut sunt pruna syluestria, *schlehen*, de quibus Virgilius:

—spinos iam pruna ferentes.

Vulgò alieno nomine acacias uocant. Sed hæc non ita ad unguem seruari possunt. Singulæ enim saporū species uarios habent gradus: & mixturæ sunt saporum. Sic mora sunt *σποφρά*, acida & nonnihil dulcia

Quid est Austerus

Qui asperitatem quandam in summa lingua efficit & leuiter desiccet, nec pellit intro, nec condēsat, ut acerbis sapor. Est enim quædam inter hos uicinitas: ut cum *δυσπραξία* sint acerbæ, postea in eis aucto humore, sequitur austerus sapor. Est igitur austerus sapor in natura terrestri, crassa, frigida, & sicca, sed plus habente caloris & humiditatis, quam habent acerbæ. Est autem inter uini saporis austerus: & Galenus inquit, austera uina magis corroborare

borare uentriculum, & minus officere cerebro. Iuuant enim uentriculum natia siccitate & aliquantulum astringunt & minus calidos fumos exhalant: sed tamen de uino non crudo, nec nimis aquoso ac tenui loquitur.

Quid est Acidus?

Qui mordendo constringit & refrigerat, ac citra calefactionem attenuat, diuidit & uellit. Estque in natura tenui, frigida & sicca, in qua dominatur frigiditas. Duplicia autem sunt acida. Nam quæ sunt tantum acida, sunt præcipue frigida, ut oxalis, quæ uulgò acetosa nominatur: quia hæc purè hunc saporem habet. Est & species mali punici uerè acida: Alia autem sunt mixtæ qualitatis, ut acetum, quod est subacre. Quia etsi frigidum sit, retinet tamen obscurum calorem (ut cinis) ex uini corruptione: inde fit subacre, sed tamē dominatur frigiditas. Cum enim exhalant aëreg partes, & reliquæ manēt terreæ, dilutæ aquosa tenui parte, fit acetum sua natura frigidum. Cient autem acida appetentiam: quia humores uitiosos in orificio collectos, diuidunt & pellunt, & mordicatione non urente irritant uentriculum. Ut oxalis grata est in febribus, non solum quia pellit biliosos humores, sed etiam quia calorem biliosum mitigat. Atque hæc de saporibus.

Quænam qualitas percipitur odoratu?

Odor: & huc pertinet Vinguetaria, *μυρεψικη*.

Quid est Odor?

Est qualitas in halitu exeunte è corporib. mixtis, in quib. aërea humiditas terrenæ naturæ exuberanti & coelesti aut igneo calore uisæ ac uelut torrefactæ, p̄mixta est. Sic sentimus olere fumantia ligna, quæ alioqui sunt sine odore. Ideo Aristoteles odores cum saporibus ita confert, ut dicat in odore dominari siccitatē, in humoribus humorem: & in problematis inquit: τὰ πυρρὰ καὶ πῶς τῶν ὑγρότητα ἔχοντα ὀλίζω, ἐν ᾧ δὲ γίνεται: Visæ quæ modicam habent humiditatem, fiunt fragrantia. Prorsus tamen arida (quæ sunt, ut Aristoteles ait, *ἄχυμα*) non sunt odora, ut lapides: tametsi in his & frigiditas & ariditas causæ sint, ut sint sine odore. Nō enim gigni odor potest, nisi calor terreæ & aëreæ naturæ defecatam substantiam resoluat & expellat. Itaq; fragrantia omnia, etiamsi sint natura frigida, ut rosæ & uiolæ: tamen odore ipso leuiter calefaciunt. Hinc ratiocinari licet, quare in oriente res nascantur odoratiores: quia ea loca calidiora sunt. Hinc etiam intelligitur, quare dulcia minus sint odorata: quia sunt humidiora. Contrà uerò magis fragrantia sunt in quibus aliquid inest acrimoniæ. Sunt enim sicciora & uisæ seu torrefacta, ut

Liba-

Libanotis, cui nomen est uulgare Rosmarinus: cuius odor cum sit gratissimus, lingua testatur saporem amarum esse. Vtrunque igitur indicio est libanotida calidam esse, sicut & Nicander ait: ἡ δὲ ὄνη καρχυρόσταν ἰλὸν περιθέλλει πῖλον.

Aut tu radicem calidæ libanotidos ure,

Fœcunda in tereti quæ gignit canchrye semen.

Vt igitur magna temperamentorum uarietas est in herbis, floribus, radicibus: ita magna odorum uarietas efficitur.

Quotplex est Odor?

Duplex: Bonus & Malus. τὸ ἐν ᾧ δὲ καὶ τὸ ἐν ὀσφί.

Quid est bonus odor?

Qui plus aëreæ naturæ refert (ut in saporibus dulcedo) & ex partibus suauibus & rectè temperatis & magis calore cœlesti coctis oritur: ideoq; cerebro gratus est.

Quid est malus odor?

Qui ex partibus uitiosis & malè torrefactis exhalat: & sua natura uenenum est cerebro. Nominatur autem fœtor: & aliquando graueolentia. Sic Plinius fœtorem sub humeris nominat graueolentiam alarum: & Virgilius odorem grauem cœni dicit.

Sunt-

Sunt'ne aliæ species odorum?

A' saporibus odor alius dicitur acris, qualis est in citrino, allio, cepa: alius acidus, qualis est in aceto. Apud Plinium est & acutus odor & ignauus. Apud Græcos etiam βαρύοδμος est, non quod foetore, sed nimia & densiore fragrantia offendit. Nam multa sunt βαρύοδμα, quæ non sunt foetida: ut aloë, folia sambuci, liliū, artemisia, Dioscoridi βαρύοδμα & Plinio graueolentia dicuntur, cum tamen non sint foetida. Imò Dioscorides ait, polium esse βαρύοδμον μετὰ πόσε ἐν οὐδείας: & de cunila seu origano inquit Virgilius lib. 4. Georg. Graüter spirantis copia thymbræ. Non est autem ingratus odor origani, ut constat. Atque hæc de Odoribus.

LIBER

LIBER VII. DE SONO ET MUSICA.

Quæ nam qualitas sentitur auditus



ONVS.

Quid est Sonus?

Est qualitas orta ex aëris percussione. Percussio autem ex motu, ictu, collisione & fragore corporum fit. Hæc percussio perinde in aëre spargitur, ac lapillo in aquam coniecto uidemus gyros ea agitatione proferri. Vt autem in angustis fontibus circuli illi, cum citò in parietes impingunt, repulsi geminant circulos: ita reddita percussio in locis tectis, cauernosis aut laqueatis, aut syluis densioribus, geminat sonos, quæ geminatio uocatur Echo. Est enim Echo nihil aliud quam reciprocatio uocis facta ex refractione aëris in aliquo cauo opposito. Aër enim percussus uoce, cedit subinde donec in durum aliquod & concuum corpus deferatur, à quo uir repulsus, redit eò, unde primum egressus est, & propter celeritatem motus, eosdem sonos retinet. In plano idem non accidit. Aër enim cedit ad latera, & elabitur ac euanescit uox. In cauo autem densatur, ac uelut geminatur, donec ad principium redierit. Fit autem hac

hacitione & reditione imbecillior: unde tantum extremas uocas uel syllabas refert. Aufonius ait Echo aëris & linguæ filiam esse.

Quotplex est sonus?

Duplex: Acutus & Grauis.

Quid est acutus sonus?

Qui fit à corpore densiore & minore: ideoque à motu seu tremore uelociore & crebriore. Nam corpus densius & minus tremit uelocius. Itaque chorda ænea, neruo: & intentus neruus, remisso, tremit uelocius: quia sunt corpora densiora. Neruus item tenuior & breuior, & canna uel tibia minor & angustior: tremit uelocius propter uelociorem motum aëris illius.

Quid est grauis?

Qui fit à rariore & maiore corpore: ideoque à motu seu tremore tardiore. Nam corpus rarius & maius tremit tardius. Itaque neruus in cithara longior & remissior, sonat grauius.

Vnde ergo est illa diuersitas sonorum?

Est ex diuersa qualitate materiæ, ex magnitudine corporis, ex forma instrumenti. Sic sonus in cithara fit ex tremore tactæ chordæ, crebris ictibus aërem percutientis. In tibis autem, tubis & cannis fit, cum aër flatu aut solibus impulsus & per foramina illisus, recipro-

co ac tremebundo motu, angustias laterum reuerberat. Et deniq; motus corporibus proportionales sunt: soni autem motibus. secundum ictuum numerositatem: & ideo sonorum proportio sumitur ex numerorum proportionem. Atq; hinc orta est ars Musica. Ferunt enim Pythagoram casu prætereuntem officinam fabrorum, sonitu ex ictibus malleorum audito per eorum pondera explorasse consonantiarum proportionem, easq; sub his numeris contentas 12 9.8.6. in quibus pater dictarum proportionum & excessuum inter se proportio. Hinc Pythagoram in uasis canoris ac neruis temperasse mēsuras ad reddendos talium proportionum sonos.

Quid est Musica?

Est pars physica de natura sonorum. Eius subiectum est μέλος, ut ait Plato in Gorgia. Μέλος autem ut ait idem lib. 3. de Rep. ex tribus constat: τὸ μέλος ἐκ τριῶν ἐστὶ συγκείμενον, λόγος τε καὶ ῥυθμὸς καὶ ἁρμονίας. Et sic Cicero lib. 1. De Orat. in Musicis ait esse uoces, numeros, & modos. Peccant igitur hodie pleriq; uocalis Musicae cantores, dum uel in canendo notas pro uerbis efferunt, uel textum omni rythmo solum pro cantilenis habent.

Quotuplex est Musica?

Duplex; Simplex & Composita, Aristoteles

teles in Pöliticis uidetur illam appellare ψῆ-
 λιν, hanc μετὰ μελοδίας.

Quid est Simplex?

Quæ in monochordo seu magide; & unius
 hominis uoce consistit. Quod'd autem infinita-
 tem uocum humana ratio terminauerit, ne-
 cessarium est. Omnis enim artis, non tantum
 Musicæ, subiectum cum sit infinitum, opera
 tamen humana finem sibi in contemplando
 & agendo statuit. Solus enim Deus infinitus
 est. Sex itaque in uniuersum Voces à Musicis
 statuuntur, ex quibus sæpius iteratis, icosi-
 chordon Guidonis constituitur. Sex autem
 istas uoces Guido sumpsisse dicitur ex hym-
 no isto:

*Vt queant laxis
 Mira gestorum
 Solue polluti*

*Resonare fibris
 Famuli tuorum,
 Labij reatum.*

Sancte Ioannes.

Atq; ea quidem ad canendum ita depinxit,
 ut in lineis, quibus uocum διαγράμματα contine-
 rentur, nō notas hodie usitatas, sed uerba ipsa
 hymni gradatim pro ratione ἁπορίας & θεωρίας
 scriberet: in margine autem clauēs, quas uo-
 cant, ceu perpetuā cātus signa adīceret: sicut
 in Sancti Vlrici claustro in manuscripto exē-
 plari Augustæ uidi.

Quot sunt harum uocum affectio-
nes?

Duæ: Vnisonus & Consonantia : *μονοτονία*
καὶ συμφωνία.

Quid est Vnisonus?

Est principium symphonix. Neq; enim unisonæ uoces à symphonix definitione excludi debent. Nam sicut basis graduum, æqualitas proportionum, unitas numerorū, punctum continuorum principium: ita unisonus consonantiarū exordium est: & proinde symphoniarum perfectissima est, propter identitatem eiusdem numeri & ictuum.

Quid est Consonantia?

Est dissimilium uocum cōcordia, ut ait Nicomachus. Musicę enim uoces semper sunt in ratione numerorum & cōmensurabiles. Nam incommensurabilitas non recipit consonantiam, nec uocis scitum terminū, cum sit ignota. Præcipui uerò numeri generant concinniores symphonias: ut sunt unitas, binarius, ternarius, quaternarius. In his enim quatuor numeris continetur dupla, tripla, quadrupla, sesquialtera, ac sesquitertia proportio. Ex dupla *διὰ πασῶν*, ex quadrupla *δις διὰ πασῶν*. Ex tripla *διὰ πασῶν* cum *διὰ τριῶν*: ex sesquialtera *διὰ τριῶν* sola: ex sesquitertia *διὰ τεσσάρων*: ex his duabus, *διὰ πασῶν*: quoniam sesquialtera cum sesqui-

sesquitertia faciunt duplam. Itaq; post unisonum (qui sedem habet in basi monadica) proportio dupla (quæ significatur ab unitate & binario, præcipuis numeris) facit præcipuam consonantiam: & quæ propagantur ab ea, faciunt consonantias perfectas, propter *συμμετρίαν* ictuum. Hinc proportio sesquialtera (significata per binarium & ternarium) facit *διὰ πέντε* non tantæ perfectionis: quoniam in *συμμετρίᾳ* secatur integrum, cum unitas tardioris postulet unū cū dimidiō uelocioris. Post hanc sesquitertia cōsistens in ternario & quaternario facit *διὰ τετράρων* adhuc minus suauē, adeo ut dubium sit an consonantijs sit annūmeranda, cum à Ptolemæo solo admittatur à Pythagoricis & alijs reiecta sit. Multiplices enim rationes perfectiorē faciunt consonantiā quàm simplices: & præcipui numeri quàm succedentes. Quoniam ubi manifestior est ictuum *συμμετρία*, ibi *συμφωνία* oritur suauior.

Quotplex est distantia, *διὰ σημα?*

Duplex: Prima & ē primis orta seu composita,

Quot sunt species primæ distantiae?

Sex: Secunda, Tertia, Quarta, Quinta, Sexta, Septima.

I. *Quid est Secunda?*

Est connexio duarum uocum proximarum:
estq; duplex, Tonus & Semitonium.

Quid est Tonus seu τόνος?

Est secunda perfecta.

Quid est Semitonium?

Est secunda imperfecta ut in mi fa, & fa mi.
Est autem duplex, Maius & Minus: Maius dicitur ἀποτονν: id est, plus quam dimidium toni: est enim maius quam quatuor commata & dimidium, minus uero quam quinque. Minus dicitur δίτονος: id est, minus quam dimidium toni. Excedit enim tria commata & dimidium: minus autem quam quatuor. Excessus itaque apotomes supra diesin, est κόμμα: id est, sectio. Vnde constat, tonum esse maiorem quam octo commata, minorem quam nouem. Neq; igitur Aristoxenus, qui tonum per æqualia: neque Philolaus, qui aliter diuisit, audiendus est. Cum igitur apotomes excessus supra diesin sit comma: & earum congeries sit tonus, sequitur ut apotome excedat commata quatuor & dimidium: diesin tria commata & dimidium: utq; tales excessus sint æquales.

II. *Quid est Tertia?*

Est connexio trium uocum proximarum:
estq;

estq; duplex. *λίτον* & *ὑμιδίτον* : ille est tertia perfecta (qui & *διεθον* dicitur, qui superatur à *διὰ τεσσάρων* semitonio minori : & superat tritonum in *διὰ πέντε* .) Hic uero est tertia imperfecta.

I I I . Quid est Quarta?

Est connexio duorum tonorum cum semitonio: seu quatuor uocum proximarum: unde & *διὰ τεσσάρων* dicitur.

Quænam est regula *διὰ τεσσάρων*?

Καθολικῶς quarta quæq; uox dicitur eiusdem naturæ.

Quot sunt Quartæ?

Tres species *διὰ τεσσάρων* sunt. Prima est à *παραμυθονομήν* ad *λίχανον* ὑπέρτατον: quæ semitonium habet in medio. Secunda ab ὑπέρτῃ ὑπατῶν ad ὑπέρτατον μεσῶν: quæ habet semitonium in imo. Tertia à *παρυπέρτῃ* ὑπατῶν ad *παρυπέρτῃ* μεσῶν: quæ habet semitonium in summo.

I I I I . Quid est Quinta?

Est connexio trium tonorum cum semitonio, seu quinque uocum proximarum: unde & *διὰ πέντε* dicitur.

Quot sunt eius species?

Quatuor species *διὰ πέντε* sunt. Prima est à

διχάνω ὑπάρτων in μίσιw. Secunda ab ὑπάρτη μισῶν in παραμίσω. Tertia à παρὺν ὑπάρτη μισῶν in τρίτῃw διέξυ. & μισῶν. Quarta à διχάνω μισῶν in παρανέτῃw διέξυ. & μισῶν.

v. Quid est Sexta?

Est connexio quatuor tonorum cum semitonio, seu sex uocum proximarum. Estq; duplex: Perfecta, in qua tonus cum δὲ πύρι connectitur: & Imperfecta, in qua semitonium cum δὲ πύρι connectitur.

v i. Quid est Septima?

Est cōnexio septem uocum proximarum: estq; duplex. Maior in qua ditonus cum δὲ πύρι connectitur: & Minor, in qua ἡμιδίτον cum δὲ πύρι est. Atq; hæc de primis sex distantiae speciebus: sequitur orta ē primis.

Quæ nam species distantiae oritur ex primis?

Octaua, quæ Græcis est δὲ πασῶν. estq; perfecta consonantia.

Quid est Octaua?

Est connexio quinque tonorum cum duobus semitonij minoribus. Oritur enim ex connexione δὲ τεσσάρων cum διὰ πύρι. Atque hic primus ordo compositarum cōsonantiarum est.

Quot sunt species διὰ πασῶν?

Sunt septem, ex septem uocum discrimini-
bus primis, quæ pro uaria διὰ τῶν ἁρῶν ac διὰ
πῶν connexionione constituuntur.

Prima, ex prima specie διὰ τῶν ἁρῶν & διὰ
πῶν.

Secunda, ex altera specie διὰ τῶν ἁρῶν & διὰ
πῶν mediatione Arithmetica.

Tertia, ex tertia specie διὰ τῶν ἁρῶν & διὰ πῶν
mediatione Arithmetica.

Quarta, ex prima specie διὰ πῶν & διὰ τῶν ἁρῶν
mediatione harmonica.

Quinta, ex secunda specie διὰ πῶν & διὰ τῶν ἁρῶν
mediatione harmonica.

Sexta, ex tertia specie διὰ πῶν & διὰ τῶν ἁρῶν
mediatione harmonica.

Septima, ex quarta specie διὰ πῶν & prima
διὰ τῶν ἁρῶν mediatione harmonica.

*Sunt ne aliæ consonantiæ ortæ ex pri-
mis?*

Adhuc plures sunt ordines ex connexionione
Octauæ cum primis illis & e primis ortis.

Nam:

Octava conne- xa cum	Primis, ut cum	Tertia seu ditono, generat decimam.
		Quarta seu <i>διὰ τριτάτου</i> , generat undecimam.
		Quinta seu <i>διὰ τετράτης</i> , generat duodecimam.
		Sexta, generat tredecimam.
	Ortis ex primis, ut cum	Octava, generat <i>δὲς διὰ πέντης</i> , quintamdecimam.
		Decima, decimanisepetimam.
		Vndecima, duodeuicesimam.
		Duodecima, undeuicesimam.
		Decimatertia, uicesimam.

Eodem progressu & per eandem *διὰ πέντης* continuationem, quarti & quinti ordinis & sequentium consonantiæ connectuntur: sicut in maioribus instrumentis in infinitum fieri potest. Constat autem totum Icosichordum Guidonis ex duplicata *διὰ πέντης* & hexachordo: siue ex triplicata *διὰ τετράτης* & una *διὰ πέντης*: siue ex quadruplicata *διὰ τετράτης* & una *διὰ τριτάτου*: siue ex quatuordecim tonis & quinque diesibus: ut patet numerorum rationes consideranti.

Quæ nam oriuntur ex illis septem διὰ πέντης speciebus?

Duo adhuc sequuntur: nimirum Modi seu

seu Tropi (quos hodie barbarè Tonos uocāt)
& Tetrachorda,

Quot sunt Modi, ῥήμοι?

Modi seu Tropi sunt septem, sicut septem
διὰ πᾶσῶν species ad implendum systema ma-
ximum δις διὰ πᾶσῶν, ex proslambanomenē
ad paraneten hyperbolæon: hoc est, ab A gra-
ui ad g acutum: ex septem grauioribus literis
A.B.C.D.E.F.G. ad septē acutas a b c d e f g.
Ptolemæus octauum adiecit à Mese ad neten
hyperbolæon: qui tamen nihil differt à primo
à proslambanomenē ad mesen.

Quomodo diuiduntur hi Modi?

In Authentas & Plagios.

Modi	{	Authenta sunt 4.	{	Dorius.
			{	Phrygius seu Barbarus.
			{	Lydius seu Ionicus.
			{	Mixolydius.
	{	Plagij sunt 4	{	Hypodorius.
			{	Hypophrygius.
			{	Hypolydius.
			{	Hypomixolydius.

Vnde agnoscuntur?

Ex principio, medio & fine. Habet enim
qui.

quilibet suam propriam phrasin, suumq; am-
bitum: sicut & suos affectus. Nam pro uaria
ratione modorum excitantur uel sedantur a-
lii atque alii animorum motus. Sic Pythago-
ras intentione modi Phrygii adolescentem
barbarum, uino temulentum, ira furentem,
cum iam ædibus amicæ (quæ riualem admile-
rat) ignem admouere tentaret, tibicina iussa
spondæos succinere, ad sobriam mentem re-
uocauit: ut scribit Boëtius.

Quot sunt Tetrachorda?

Quinq; Est
enim

Quintum ὑπερβολαῖον à nete diezeugme-
non ad netem hyperbolzen.

Quartum δισυγμένον à paramese ad ne-
ten diezeugmenon.

Tertium σωημμένον à mese ad paraneten
diezeugmenon.

Secundum μέσον ab hypate meson ad
mesen.

Primum ὑπατῶν ab hypate hypaton ad hy-
paten meson.

Systema

*Systema dis diḡ πασῶν, in quadrupla pro-
portione: Decimaquinta seu du-
pla octava.*

In Syste- mate dis diḡ πασῶν est	Tetrachordum	Quintū hy- perbolæon	Nete.	aa.	
			Paranete.	g.	
			Trite.	f.	
		Quartū die- zeugmenō	Nete.	e.	
			Paranete.	d.	
			Trite.	c.	
		Tertiū synē- menon	Paramese.	b.	
			M E S E.	a.	Hypomixolydius.
		Secundum meson	Lichanos.	G.	Mixolydius.
			Parhypate.	F.	Lydius.
			Hypate.	E.	Phrygius.
		Primum hy- paton	Lichanos.	D.	Dorius.
			Parhypate.	C.	Hypolydius.
			Hypate.	B.	Hypophrygius.
		Proslambanomene.		A.	Hypodorius.

*Cur constitit antiquitas in dis diḡ
πασῶν?*

Quòd ipsa natura uideatur hanc sympho-
niarum uelutí metā præstituisse, quippe quæ
hunc modum humanæ uoci tribuerit, ut ad
deci-

decimumquintum duntaxat gradum intensatur: ultra quem si quis conetur progredi, nō iam illa uox genuina, sed coacta, factitiaq; & gannitus magis quā uox uideatur. Rursus si altius nitaris eam deprimere, protinus a ratione uocis in screatum quempiam degeneret. Proinde cum ubiq; cōueniat artē, quoad licet, naturæ respondere, non abs re ueteres h̄sdem cancellis circumscripserunt rationem artis, quibus natura uocem humanam circumscripserat. Ad hāc Boëtius harmoniam Musices non ratione tantum, uerū & sensu perpendi oportere scribit. Et Ptolemæus Pythagoræorum quorundam sententiā reijcit, qui in d̄iudicandis harmoniis plurimum tribuerint rationi, minimum sensui: cū dicerent sensum semina modò quædam cognitionis ministrare: at perfectam scientiā ratione consistare. Rursum Aristoxeni refellit opinionem, quod plus satis tribuerit sensibus, perpusillū autem rationi: cū musicam harmoniam ita temperatam esse oporteat, ut neq; sensui ratio refragetur, neq; sensus rationi reclamet. Neq; dissentit à Ptolemæo Aristoteles lib. 2. Physicorum negans Musicam merè mathematicā esse, sed partim ratione, partim sensibus consistare. Quod fieri nequaquam potest, si semel ultra decimam quintam intentionem: hoc est, *ἑκὰς δὲ πέντης* processum fuerit. Nihil autem

ue

uetat ratio, quò minus uel ad millesimum usque ad tonum progrediare, recurrētibus subinde uidelicet h̄isdem harmoniis, quas complectitur *διὰ πᾶσιν*. Neque secus h̄c procedere liceat quàm sit in numeris Arithmetices, ubi nō aliter agnoscitur *ἑμιόλι* & in duodecim millibus & octo millibus, quā in quatuor & sex. Cæterum harmoniæ sensus ultra decimam quintam uocem uelut euanescit, iamq; non magnoperè refert: quæ sit harmoniæ ratio, quam non approbat sensus: & ideo non approbat sensus: quia non euidenter percipit. Porro quo minus percipiat, interuallum æquo longius in causa est. Rationis uis in immensum se porrigit: at è diuerso sensus corporis admodum angustis limitibus cohibetur. Quod enim accidit in oculorum sensu, ut si longius æquo semota sint ea in quæ fertur uidendi uis, obtundatur ac deficiat uisus, eoq; magis deficiat, quò maiore distent interuallo: id multò magis accidit aurium sensui, quippe minus agili quàm oculorum. Iam uerò quod usu uenit sensibus in percipiēdis h̄is, quæ obijciuntur: idem usu uenit animo per sensum d̄iudicanti. Si colorem colori propius admoueas, & quemadmodum Græci dicunt *πορφύρεον παρὰ τὸ πορφύρεον*: non ne protinus dinoscit ex collatione sensus, quantum alter ab altero discrepet, aut alteri cum altero cōueniat.

Idem si uocem uoci uicinam auribus exhibeas, incunctanter iudicant, quæ sit alterius cum altera uel cōcordia uel discordia: si plus iusto disitas interuallo, mox incipit anceps esse iudicium. Porro quemadmodum citius hebetatur aurium sensus quàm oculorum: itidem citius obtunditur illarum quàm horum iudicium: propterea quòd altera res ex altera pendeat. Id ipsa experientia docet. Pulsata chorda quāpiam in organo: simulq; tange quæ sit ab hac octaua, statim rationi suffragans sensus, plenè percipiet harmoniam, & absolutissimam esse iudicabit. Rursum pulsata quapiā, simul moue aliam, quæ sit ab illa decima quinta: statim & percipiet & approbabit sensus symphoniam, agnoscens eam, quā paulò antè senserat in *διὰ πέντε*. At uerò si tacta ima, moueris ab hac decima nonā, nihil quidem obstreperat ratio quò minus sit harmonia, quæ fuerat in *διὰ πέντε* cum *διὰ τέτταρις*: uerum auris, acceptis uocibus non perinde percipit harmoniæ rationem. Quod nisi sensus certos quosdam terminos haberet, intra quos certum illius & exploratum iudicium sepiretur, nihil uetuerit, si libeat, uel usque ad *χιλιάς διὰ πέντε* symphoniam procedere. Neque enim ratio quicquam offenditur numero, modò eādem agnoscat analogiam. Verum corporis sensibus natura suos quosdā limites præscripsit,

ultra

ultra quos progressi, sensim iam incipiunt quasi caligare, hallucinariq: neque iam certo sicuti solent, sed ceu per nebulam, ut aiunt, ac per somnium iudicare. Non conveniebat autē, ut cuius incertū esset iudicium, id ad artis præcepta traheretur. At quoniam ultra decimum quintum uocis gradum ueteres intellexerunt evanescere iudicium aurium, ibi metam harmoniarum figendam esse iudicarunt; ne merito quis obijcere posset ἀφανὺς μουσικὴς ὁ δέκατος. Iam igitur neoterici, qui contra ueterum auctoritatem ultra summam chordam τῆς ἀρχορδοῦ adiecere, ad imam itē adiecta una: non perinde flagitium fecissent, si in decima nona chorda terminassent harmoniarū progressum: propterea quod hæc ima ad summam relata, si non auribus, certè rationi perfectam symphoniam repræsentant. Atqui in uigesima, neque sensus est harmoniæ, neque harmonia perfecta. Atq; hæc de simplici Musica sequitur de Composita.

Quid est Composita musica?

Est symphonia duarum aut plurium uocū.

Quæ nam sunt hinc regulæ?

Triplex sunt. Nam aliæ de principio, aliæ de medio, aliæ de exitu loquuntur.

Quænam regula est de principijs?

Principia cantus debent sumi à consonantijis perfectis.

Quænam sunt de medio?

I. De Consonantijis perfectis.

1. Dux perfectæ eiusdem speciei consonantiz, non debent simul ascendendo uel descendendo immediate poni.
2. Inter duas perfectas eiusdem generis consonantias, diuersis uel similibus motibus intēsas aut remissas, una imperfecta (ut tertia uel sexta) debet media constitui.
3. Plures perfectæ & dissimiles consonantiz ascendētes uel descendentes possunt constitui, ut quinta post unisonum, octaua post quintam.
4. Dux perfectæ concordantiz similes possunt immediate poni, modò dissimilibus motibus procedant: ut si octaua in acutum protendatur, altera octaua in graue remittatur: & sic de quinta.

II. Cantus, tenor & grauis, debent inuicem

eem esse contrarij in motu: ut si cantus ascendat, tenor descendat, & e contra. Cantus item & tenor per contrarios motus suauissimè transeunt.

Quænam regula est de exitu?

Cantilena debet terminari in consonantiam perfectam.

Item aliæ.

Discordantia in minimis notulis conceditur.

Tres uoces, quarum extremæ per $\delta\lambda\alpha\ \pi\alpha\sigma\sigma\omega\nu$, media cum grauiore per $\delta\lambda\alpha\ \pi\epsilon\nu\tau\epsilon$, cum acutior per $\delta\lambda\alpha\ \tau\epsilon\sigma\sigma\acute{\alpha}\rho\omega\nu$ ligantur, optimè cōcordant: sicut ab his compositæ.

Tertiarum aut decimarum simul ascendentium aut descendentium, iucundus est progressus.

Magnam uerò ars Musica cum præcedentibus artibus similitudinem habet. Nam ut in Grammatica est uox syllaba, dictio, oratio & periodus: sic in Musica est unisonus, consonantia, tetrachordum, modus seu $\pi\rho\acute{\iota}\pi\theta$, & modorum ambitus. Sicut uerò in Rhetorica est elocutio & pronuntiatio: ita in Musica $\chi\acute{\alpha}\mu\alpha\tau\alpha$ seu colores & singulorum modorum affectus, qui ita excitantur, ut à singulis modis pulsati sunt. Peccatur tamen hodie in utroque:

quod cantilenarum periodi & nimis longæ fiunt & nimis coloratæ. Debent enim partes cantilene esse moderatę: totaęq; periodus constare ad summum quaternis colis, colon autem binis incisís: ita ut in summa octo incisa toti ambitui sufficiant: ex quibus quatuor tribuatur *στροφῇ* seu *πρωτάσῃ*: siue malis *τῇ ἄρσῃ*: quatuor uerò *τῇ ἀντιστροφῇ* ἢ *ἀπλόσῃ*, ἢ *θέσῃ*: quanquam interposita *κομμάτια* non iniucunda sint, maxime in *θέσῃ*.

Magnam etiam similitudinem cum Ethica habet ars canendi: & sanè ad morum conformationem præcipuè uideatur instituta: sicut in Politicis quæstionibus abundè deduximus. Hinc etiam modi appellationem sumpserunt, Dorius, Lydius, Phrygius, quod alijs alijs moribus gentium essent accommodati. Atq; hæc hætenus de Qualitatibus: sequitur de Qualitatum temperamentis, Alterationibus, Antipathijs & Sympathijs.

LIBER VIII. DE AL- TERATIONIBVS.

Quid est Temperamentum?



ST quatuor qualitatum tactilium
mixtio.

*Quotuplex est Temperamen-
tum?*

Duplex: Aequale & Inæquale.

Quid est Aequale?

In quo qualitates primæ æqualiter cōmix-
tę sunt: estq; duplex, ad pondus, & ad iusticiā.

Quid est æquale ad pondus?

In quo exacte æqualis primarum qualita-
tum commixtio est.

Quid ad iusticiam?

In quo qualitatum primarū mixtio est, quę
naturæ corporum maxime congruit.

Quid est Inæquale?

In quo qualitates primæ inæqualiter mix-
tę sunt: estq; itidem duplex, Simplex & Com-
positum.

Quid est Simplex?

In quo una tantum qualitas excellit: ut ca-
lidum, frigidum, humidum, siccum.

Quid est Compositum?

In quo binæ qualitates iunctæ excellunt:
ut calidum cum humido uel sicco: frigidum
cum humido uel sicco.

Quid est Mixtio?

Est mixtilium alteratorum unio: qua supre-
mus opifex omnium rerum generationem
instituit.

Quid est Alteratio?

Est qualitatum immutatio: in qua 3. cōsid.
sunt: Species, Effectus & Regulæ.

Quotplex est Alteratio?

Duplex: Coctio & Putrefactio *πῆψις καὶ σή-
ψις ἢ σαπρότης*. Nam in mixtione plerunq; fiunt
alterationes secundum plures qualitates, con-
seruationi mixti uel cōuenientes uel afferen-
tes corruptionem.

Quid est Coctio?

Est alteratio perfecta, quæ fit à calore, hu-
midum & siccum ad conueniens temperamē-
tum reducente. Nam ut Aristoteles ait: *ἡ πῆ-
ψις ἐστὶ θερμὸς: καὶ ἐστὶ τελείωσις πρὸ τῆ θερμῆς*. Miran-
do enim consilio Deus nature conditor mix-
tionem sic instituit, ut uinculum & foedus sit
quatuor qualitatum in gradibus conuenien-
tibus: quia singularum qualitatum propriæ
sunt utilitates, Calor dominatur & est efficax:
humidi-

humiditas est pabulum calorís in gradibus
 cōuenientibus. Siccitas terminat humidum.
 Frigiditas uerò moderatur calorē . Nec prio-
 res causæ ostendi possunt, cur talis sit natura,
 nisi ex consilio opificis, qui materiæ mixtorū
 (quæ maximè uagabunda est) has quasi me-
 tas circūdedit: & in prima conditione & crea-
 tione rerum his qualitatib. alterauit & quasi
 animauit *καὶ ἐξαρτόν* abyssum seu materiam.
 In omnibus itaque physicis rebus est aliqua
 causa dominatrix & maximè efficax, ut calor:
 deinde alimentum aliquod, ut humidum: de-
 nique harum duarum ueluti custodes & mode-
 ratrices, ut siccum & frigidum . Sic in homi-
 ne, Vita est uelut ignis seu calor. Nam & spi-
 ritus uitalis est flamma uolitans per totū cor-
 pus. Huius autem flammæ alimentū est sub-
 tilissima pars sanguinis. Ne autem diffluant
 hæc, continentur siccis uasis: & calorem mo-
 deratur frigidus humor. Coctio igitur quæ
 conseruationi rei conuenit, est à calore natu-
 rali & proprio, reducēte humidum & siccum
 ad conueniens temperamentū: qua in actio-
 ne duo principaliter fiunt: Nam aliquæ par-
 tes utiles conuertuntur in substantiam cor-
 poris quod conseruatur: aliæ uerò inutiles (ut
 fæces) expelluntur, quæ non possunt
 percoqui.

Quot sunt species coctionis?

Tres: Maturatio, Elixatio, Assatio. *πέπανσις, ἐψησις, ὀπτησις*: ut scribit Aristot. lib. 4. Meteor. cap. 2. Differunt autem quod maturatio fit à natiuo calore: elixatio ab externo.

Quid est Maturatio?

Est coctio quæ fit à natiuo & proprio calore in opposito humido. *ὅταν γὰρ πεφθῇ, τελευτήσῃ τὰ τε καὶ γέγονε, καὶ ἡ ἀρχὴ τῆς τελευτήσεως ἀπὸ θερμότητος οἰκείας συμβαίνει, καὶ διὰ τινος τῶν ἐκτὸς βοηθείας συνπιπιλωθῇ. οἷον ἡ τροφή συμπιπίζεται διὰ λυτῶν καὶ ἁλῶν τίστων. ἀπὸ γὰρ ἀρχῆς ἐν αὐτῷ, θερμότητος ἐστὶ: καὶ τὸ γινώσκουσιν πεπρωθῆαι φαμίην καὶ τὰ ἐν τοῖς φύμασι σωισάμενα, ὅταν γένηται πύον, καὶ τὸ δάκρυον ὅταν γένηται λίμη. συμβαίνει δὲ τὸτο πάσχαρ ἅπασιν, ὅταν κρατηθῇ ἡ ὕλη καὶ ἡ ὑγρότης. αὕτη γὰρ ἐστὶν ἡ ρευσμένη ἀπὸ τῆς ἐν τῇ φύσει θερμότητος. ἢ γὰρ ἐν ἡ ἐν αὐτῇ ὁ λόγος, φύσις τῶν ἐστὶ, διὸ καὶ ὕγιαινει σημεῖα τὰ τοιαῦτα, καὶ ὅρα καὶ ὑποχωρήσεις, καὶ ὅλως τὰ πεπιλωμένα καὶ λέγεται πεπρωθῆαι, ὅτι δηλοῖ κρατῆρ πλὴν θερμότητος πλὴν οἰκείας τῆς ὑγρῆς. Ἐστὶ δὲ ἡ φυματὸν καὶ φλέμας πέπανσις. Nam nativus calor non prostratus, nec imbecillior humido, ita alterat humidū, sicut temperamento eius rei congruit, quemadmodum se natura illa optime habere potest: & expellit alienum humidum. Aristoteles exempla sumit à pomis: in quibus*

ne fructuum. Et si autem necesse est principa-
liter à calore proprio & nativo fieri *ἐπιπαισιν*: ta-
men ab externo calore & ab aëre aliquantū-
lum adiuuatur.

Quid est Elixatio?

Est coctio, quæ fit ab externo calore humi-
do in humido. *ἐψησις ἐστὶ πῆψις ἀπὸ θερμότητος ὑγρᾶς
τῶ ἐνυπάρχοντος ἀορίστου ἐν τῷ ὑγρῷ.* Vt cum elixan-
tur carnes, humidus calor circumfusus spu-
mosum illud humidum in carnibus alterat.
Nec uero omnia corpora possunt elixari, ut
lapides & ligna: sed illa tantum in quibus hu-
midum ab humido calore affici potest. Di-
cuntur tamen metalla elixari: quia cum in eis
humida sint initia, aërea & aquea, sulphur &
hydrargyron: liquefieri possunt: sed id non
fit ab humido circumfuso, uerum à calore for-
ti alieno, dissimiles partes dissolvente: quod
cum fit, aërea & unctuosam metalla (scilicet ex
sulphure & hydrargyro conflata, natant.
*ἐστὶ δὲ τὸ πᾶν σῶμα ἐψητόν. ὅτε γὰρ ἐν τῷ μηθὲν ἐστὶν ὑγρὸν
(οἶον ἐν λίθοις) ὅτε ἐν οἷς ἐν ἐσίμῳ, ἀπὸ ἀδιώατορ κραι-
τηθῆναι δεῖ πυκνότητος, οἶον ἐν τοῖς ξύλοις: ἀπὸ ὅσα
τῶν σωμάτων ἔχει ὑγρότητα παθητικὴν ἀπὸ τῆς ἐν τῷ ὑ-
γρῷ πυρώσεως. λέγεται δὲ καὶ χρυσὸς ἐψοῖσθαι καὶ ξύλον,
καὶ ἄλλα ποικίλα, μεταφορᾷ τινι. ὃ γὰρ ἄρτια
κῆται τὰ ὀνόματα τῶν δεῖ-
φορῶν.*

Quid est Affatio?

Est coctio quę fit ab externo calore sicco in humido. ὁπλῆσις ἐστὶ πείσις ἀπὸ θερμότητος & ξηρᾶς καὶ ἀλλοτριᾶς. Sic carnes igni assatę alterantur, extincto humido crassiore. Sicut etiam in corporibus animantium calor naturalis conuertit nutrimentū in ossa : ita præternaturalis calor in epate adurit nutrimentum & humidum sine modo extrahit, dissipat & extinguit, ut reliqua sit materia terrestris & incensa magis aut minus tenuis, cineri similis: quę est bilis adusta. Atq; hæc de Coctione & eius speciebus: cui contraria est ἀπείψια, incoctio.

Quid est ἀπείψια?

Est imperfecta alteratio propter defectum caloris. ἀπείψια ἐστὶν ἀτέλεια δὲ ἐνδεῖα τῆς οἰκείας θερμότητος & ἢ δὲ ἐνδεῖα τῆς θερμότητος & ψυχρότης ἐστὶν.

Quot sunt species ἀπείψιας?

Tres sunt: Cruditas, Flacciditas, Affatio imperfecta: ὁμότης, μόληνσις, σάτυσις.

Quid est Cruditas?

Est ἀπείψια contraria maturationi : cum calor natiuus imbecillis est, nec potest concoquere humidum: quod, quia non uertitur in substantiam rei quę alitur, uocatur alienum: idq; aut putrescit, aut a præternaturali calore aduri-

aduritur. Sic in pomis calor debilis nondum percoxit humidum, & cum humidum alienum uincit, putrescit. ἡ ὁμότης ἀτέλεια ἐστίν. γίνε-
ται δὲ ἀτέλεια δι' ἐνδοῦ τῆ φυσικῆ θερμῆ καὶ ἀσυμμετρίας
πρὸς τὸ ὑγρὸν τὸ πεπαινόμενον. Λέγεται δὲ ἡ ὁμότης ποτὶ α-
χῆς, ὅθιν καὶ ὑποχωρήσεις καὶ κατάρξεις ὁμοί λήγονται, ὅθεν τὸ
πρὸς αὐτίον. ὧ γὰρ μὴ κικρατῆσθαι ἐπὶ τῆς θερμότητος, μηδὲ
σωσάναι, ὁμὰ τὰ πάντα προσαγορεύεται.

Quid est Flacciditas?

Est imperfecta elixatio: ob defectum calo-
ris externi humidi in humido: ut cum carnes
non satis elixatae sunt: μόλις εἰς ἀπεψίαν ἵκναι-
ται ψύξις, δι' ἐνδοῦ τῆς ἐν ὧ ὑγρῷ ὧ πρὸς θερμό-
τητ.

Quid est Assatio imperfecta?

Est ἀπεψία assationi contraria ob defectum
caloris externi sicci in humido: ut cum caro
non satis assata est. Nam πατεῖν est leniter con-
densare, ut cum pinguis cōglaciant. Atq; hec
de Coctione.

Quid est Putrefactio?

Est corruptio natiui caloris in humido, quæ
fit ab alieno calore. Vt in uino putrefactio fit,
cum in æstu uehitur: quia in dolio agitatæ ha-
litibus fit dilatio & calor augetur: & quia
prohibetur afflatio uinum in dolio magis ac-
cenditur incluso calore præternaturali. Cum
igitur

igitur superato natiuo calore, qui fouebat humidum, humidum iam non regatur à natiuo calore, fit resolutio humidi, & paulatim reliquæ partes magis terrestres, fiunt similes cœno, sicut Aristoteles inquit: Ea quæ putrefiunt, tandem fieri terram aut cœnum.

σῆψις ἐστὶ φθορὰ τῆς ἐν ἐκείνῳ ὑγρῷ οἰκείας καὶ κατὰ φύσιν θερμότητος, ὡς ἀπορίας θερμότητος, αὕτη δὲ ἐστὶν ὁ τῷ περιέχοντι. ὥς ἐπὶ κατ' ἐνδίασιν πάσχα θερμῶ, τὸ δὲ ἐνδίασιν τοιαύτης δυναμὸς ψυχρὸν πᾶν, ἀμφοτέρωθεν αἶψα, καὶ λοιπὸν τὸ πᾶν ἢ σῆψις, ψυχρότητός τε οἰκείας καὶ θερμότητος ἀπορίας. ὅθεν τὸτο γὰρ καὶ ξηρότερα γίνεται τὰ σηπόμενα πάντα καὶ τέλῃ γῆ καὶ λίπῃ. ἐξιόντῃ γὰρ τῷ οἰκείῳ θερμῷ, σωξάτμιστα τὸ κατὰ φύσιν ὑγρὸν, καὶ τὸ ἐπάξον πλὴν ὑγρότητα ἔχει ἐστὶν. ἐπάχα γὰρ ἔλκεται ἡ οἰκεία θερμότης. καὶ ἐν τοῖς ψύχεισι δὲ ἥπλορον σίπεται ἢ ἐν ταῖς ἀλίαις. ἐν μὲν γὰρ τῷ χαμῶνι, ὀλίγον ἐν τῷ περιέχοντι αἶετι καὶ ὑδατι τὸ θερμὸν, ὥστε διερῆς ἰσχύος: ἐν δὲ τῷ θέρει πλεον. ὁμοίως δὲ καὶ τὸ πινόμενον καὶ βίον, ἥπλορον σίπεται τὸ ἀκίνητίζοντῃ. καὶ ὥσα ἐργάζεται τοῖς σηπόμενοις ὅθεν πλὴν ἀφαινομένων θερμότητος φυσικῶν ὁσων, σωξάναι τὰ ἐκκείμενα. Consideratio autem putrefactionis præcipuè necessaria est. Nam & passim in omnibus corporibus mixtis multæ fiunt corruptiones per putrefactionem, & in humanis corporibus morbi à putrefactione plurimi oriuntur: ut febrium species præcipuæ, scabies, pleuritides, apoplexiæ, & aliæ multi. Differunt autem gradibus putre-

putredines: alia enim magis, alia minus sunt putrida seu cœnosa: in alijs plus, in alijs minus reliquū est natiui caloris, ut in materia purulenta conspici potest, quæ eò est magis terrea: quia minimum natiui caloris reliquū est: & deinde ex purulenta materia fiunt crustæ, cum plus humoris resolutum est, & manent reliquæ partes terrestres & ustæ uelut cinis. Nam ut ait Aristot. ὕγρα πρῶτον, ἔτα ξηρὰ τέλει & γίνεται τὰ σηπόμυα καὶ σήπεται πάντα τὰ ἄλλα, πλὴν πυρός. πάντα γὰρ ὕλη ἐστὶ πνεῦμα. Magna quoque uarietas est materiæ & multiplices sunt alterationes quarum consideratio non est uulgaris sapientia: ut sagax medicus in febribus phlegmaticis & cholericis, in cancro, lepra & similibus morbis mira discrimina animaduertere potest. Cum itaque putrefactio, sit cœni effectio, quæ fit tali resolutione, cum reliquæ manent partes terrestres, crassiores, ac deteriores: quia calor natiuus desijt regere humidum, superatus à præternaturali calore: utile est putrefactionis causas separatim considerare.

Quæ nam est putrefactionis causa efficiens?

Causa principalis est calor præternaturalis corrumpens natiuum. Minus principalis est humidum quod destitutum est gubernatione caloris. Ideo inquit Aristoteles, lib. 4. Meteor.

teor. cap. 1. putrefactionem esse commune
 & propriū frigoris, & alieni caloris: id est, nō
 natiui. Sic citius putrescunt poma in aëre ca-
 lido & humido: quia calor externus circum-
 dāns pomum, accendit calorem natiuum in
 pomo: ita exhalat & desinit regere materiam:
 reliqua igitur materia paulatim fit cœnosa.
 De uino exemplum est illustrius, ubi calora-
 lienus non tantum foris circumdāns intelli-
 gitur, sed potius inclusus in uino, nimium accē-
 sus: quia nulla efflatio. Hic inclusus calor,
 principalis causa est putrefactionis.

Quæ nam est causa materialis?

Humiditas calida. Sic lapides non putre-
 fiunt: quia ualde parum humidi illis inest: &
 multa aromata longo tempore non putre-
 scunt: quia minus cōtinent humidi: & dura-
 bilius est frumentū in locis borealibus, quā
 austrinis: quia in locis frigidioribus calor na-
 tiuus humidum præternaturale facilius con-
 sumit: imò flatus ipsi Boreæ exhauriunt &
 consumunt humidum præternaturale, & ad-
 iuuant conseruationem natiui caloris in gra-
 nis. Econtrā in Italia citius putrescit frumen-
 tum: quia aër plenus est calidorum & humi-
 dorum halituum, qui accendunt calorem in
 frumento: & hic inclusus calor fit ardentior:
 quia exigua est efflatio. Ita cum desint regi hu-
 midum

midum a natiuo calore, reliqua materia putrescit, & fit cœno similis. Ideo de materia inquit Galenus: τὰ συνόμωρα θερμὰ εἶναι, καὶ ὑγρὰ δυσδιάγνωστα. Quare & corpora, quæ sunt calida & humida, magis obnoxia sunt pestilentiaæ.

Quænam est causa formalis?

Est ipsa cœni illuuiæ, quam alteratio præcedens efficit: hoc est, accensio caloris præternaturalis & desertio gubernationis humidi.

Quænam est causa finalis?

Finis est cœnum, ut pus: aut fimus putrefactus: sicut in febre cholERICA humor fimo similis fit. Hæc igitur de speciebus alterationis: sequitur ut de effectibus eius uideamus.

Quot sunt effectus Alterationis?

Tot effectus alterationis numerari possunt quot sunt qualitates primæ & secundæ. Nam iuxta introductionem qualitatum primarum, sunt quatuor effectus calefactio, frigefactio, humectatio, desiccatio. Iuxta secundas autem sunt, condensatio & rarefactio, induratio & mollefactio, coagulatio & liquefactio, induratio & mollificatio. Hæ species & similes cognitis qualitatibus utcunque iudicari possunt. Et quidem alterationes iuxta primas qualitates facile agnoscí possunt: ut cum aqua calefit ab igni, fit alteratio, scilicet calefactio: expulsa

ex aqua frigiditate & introducto iam calore: & quid sit calor sensu iudicatur, & suprà dictū est. Sed in mixtis plerunq; simul fiunt alterationes secundum plures qualitates, uel conseruationi mixti conuenientes uel afferentes corruptionem, ut in speciebus alterationis diximus.

Quid est Coagulatio?

Est quando cum humore conglutinantur & copulantur partes siccae: quod fit aliàs à circumstante frigido, cum multa aquea humiditas comprimitur: ut cum lapides in terra generantur: aliàs à circumstante calido affante partes: ut cum sal ex aqua segregatur & igni coquitur, quo partes affatae coagulatur. Priori modo coagulationis uicina est congelatio, quæ fit cum frigore partes fluidæ cōprimuntur & durescunt: quia frigoris natura est constringere, ut fit in glacie & in niue. Gellius disputat oleum sæpius congelari, uinum minus sæpè rarissimè aut acetum. Sæpè item congelari flumina, nare uix unquam. In aceto sunt partes adustæ uelut cinis, quæ non facile afficiuntur externo frigore. Vinum ideo non facile constringitur gelu: quia multum interni caloris habet. Oleum uerò minus caloris habet & partes magis porosas ac leues, quæ recipiunt frigus & facile coeunt. Mare continet
mul

multas adustas partes, ideò minus congelatur, quàm aliæ aquæ tenuiores.

Quid est Liquefactio?

Est solutio coagulatorum, in qua ut in superioribus speciebus, propter diuersam corporum materiã, magna dissimilitudo est effectuum. Lapidēs enim non liqueſcūt: metalla liqueſcunt. Nam metalla habent multū uīſcoſi, aërei & benè continuati humidi. Ideò cum ſubit fortis ignis, qui diſgregat heterogenea, diſſluit illud humidum. In lapidibus parum eſt humidum: ideò cum igne nimium uruntur, non liqueſcunt, ſed diſſiliunt exhauſto exiguo humido, & terreſtres partes ſuperuſtę & diſſipatę, in cinerem rediguntur. Hoc modo obſeruata mixtorum diſſimilitudine, cauſę utcunq; conſpici poſſunt, propter quas in alijs corporibus alię fiunt alterationes. Cera liqueſcit a calore mediocri, metalla ab igni forti: quia in cera terreſtres partes pauciores ſunt & rariores, & multe ſunt aëreę partes. Sal nec diſſoluitur, nec liqueſcit in calore, ſed in humido: quia calore duratur & coagulatur, eductis partibus humidioribus: e contra cera frigore duratur. Medica & metallica exēpla illuſtria ſunt. In pleuriride adhiberi neceſſe eſt & mollicantia remedia & attenuantia. Nam ſi tantum attenuaretur materia: id eſt, partes ſubri-

L liores

liores educerentur sine mollificatione, partes terrestres in materia, quæ affluxit, duratæ, augerēt morbum, nec fieret dissolutio. Adhibetur ergo althæa, fœnum græcum & similia mollientia. Atque hæc de alterationis effectis: sequuntur eius regulæ.

Quot sunt regulæ de alteratione?

Quatuor: quæ nihil aliud cōtinent, nisi causas transmutationum.

Quæ nam est prima?

Est de causa efficiente, qualitatatum scilicet efficacia & mutua pugna. Oportet enim proportionem agentis & patientis esse, ita ut agens sit aliquanto fortius: & cum repugnat patiens, gradus sunt aliqui qui resistere agenti possunt. Sic calor naturalis in animali fortior est in conuertendo cibo quàm uirtus cibi conuenientis in resistendo. Sed cum languidior est calor naturalis, quàm ut sit par copię cibi: non fit integra cōuersio & manent in corpore multæ partes crudæ. Sic in cicuta tanta frigiditas est ut calore naturali prorsus suffocato, extinguatur homo nimia frigefactione.

Quæ nam est secunda?

Est de materia communi. Nam inter quæ mutua actio est, & passio: genere conuenire debent & differre specie. Vt calor & frigus con-

conueniunt genere & differunt specie. Calori non est actio per se cum albedine aut cum figura: quia genere differunt. Et utilis est consideratio, quæ qualitates inter sese actionem habeant, quæ scilicet sunt contrariæ specie: ut caliditas & frigiditas: & contraria contrariam pellit, similes uerò similibus iuuantur, iuxta regulam: simile additū simili facit ipsum magis tale. Caliditas uerò agit in humidum per accidens, scilicet siccitate: item quia disgregat subiectum, exhaurit humorem.

Quæ nam est tertia?

Est de causa formali. Nam inter agens & patiens debita sit applicatio. Sic ignis non calefaceret corpus procul positū, nisi aërem contiguum calefaceret. Sic Luna trahit fluxus & refluxus maris contactu aëris uirtuali.

Quæ nam est quarta?

Est de causa finali. Nam agentium naturalium finis est, ut assimilent sibi id quod paritur, uel substantia, uel qualitate. Vt ignis assimilat sibi aquam in qualitate, cum eam calefacit: & cum fortius transmutat, resolutam mutat in ignem.

Quomodo intelligenda est regula, Agens in agendo repatitur?

Non est accommodanda ad agentia uirtute,

te, ut ad cœlum & obiecta sensuū: ut cūm colormouet oculos, in colore non fit repassio, nec in aqua, cūm ea humectat manum. Sed intelligendum est de alterationibus corporū contiguorum, in quorum utroq; gradus insunt, qui inter se certare primis qualitatibus possunt. Vt in uentriculo calor naturalis et si conuertit nutrimentum: tamen & ipse languescit cūm tanta est frigiditas nutrimenti, ut resistere aliquo modo non possit. Sed si non sint gradus qui resistere possint, non fit repassio. Vt cūm in magnam copiam aquæ feruentis, guttula frigida infunditur, non fit mutatio in feruente. Atq; hæc de Alterationibus sequuntur sympathiæ & antipathiæ seu concordiæ & discordiæ rerum phyficarum.

DE SYMPATHIIS ET AN-

TIPATHIIS.

*Quid est Sympathia & Antipa-
thia?*

Est nihil aliud quàm naturalis quædam amicitia & inimicitia inter res physicas, ex peculiari & occulta cognatione orta, quæ facit ut quædam sese amplectantur, quædam refugiant. Dignumq; admiratione est consilium naturæ seu potius Dei, qui in omni genere rerum miscuit tales amicitias & inimicitias arcanas, nec ullis causis euidētibus probabiles, nisi quòd hoc spectaculo uidet fuisse delectatus, quemadmodum nos ex commissis inter se gallis gallinaceis & coturnicibus uoluptatem capimus. Sed hunc locum exemplis physicis copiosius illustrari oportet. Nā ut de cœli, terræq; *ovsuvia*, quæ in terræ foecunditate animaduerti potest, nihil dicam: uetus est inter hominē & serpentem dissidium & irreconciliabile, futurumq; est donec meminerimus illius inauspicati pomi. Econtrā la- certa animal est natura & homini amicum & serpentibus inimicum. Vbicunq; prospicit homo, ibi congregantur lacertæ, obliquato capite diu contemplantes hominis faciem.

L :

Nul.

Nullum uerò animal inimicius est hominì
quàm crocodilus, qui sæpenuerò totos ho-
mines deuorat & arte malitiam adiuuat, hau-
sta aqua lubricans semitas quibus descendūt
ad Nilum aquam hausturi, quò collapsos de-
uoret. Delphinus uerò etiam in diuerso ele-
mento natus, *φινάνθρωπον* est: nota enim est fa-
bula de adamato puero celebris apud Gell.
libro 16. cap. 19, & Plin. libro 9. cap. 8. celebrior
autem de Arione Musico apud Herodotum
lib. 1. Quin & in uenatu mugilum, piscatores
Delphinorum ministerio uice canum utun-
tur, qui accepta prædæ portiuncula recedūt.
Quin & castigari sese patiuntur, si quid in ue-
natu deliquerint. In mari uerò frequenter na-
uigantibus apparent, gaudio gestientes & in
summis undis lustrantes: interdum adnantes
ad nauim: nonnunquam & tensa uela transi-
lientes. Adeò delectatur hominū consuetu-
dine. Verum ut hominum est studiosus del-
phinus: ita crocodilo capitalis est hostis. Egre
ditur mare, & in Nilum, in quo regnat croco-
dilus, audet uenire, congressurus cum denti-
bus, ungibus & squamis, ferro etiam impe-
netrabilibus, armata belua: ipse nec ad mor-
sum satis instructus, quippe os habens ad pe-
ctus uergens. Sed impetu fertur in hostem, ac
iam illi proximus repente submittit sese: ere-
ctisq; in tergo pinnis, mollia uentris perscin-
dit,

dit, aliàs inuulnerabili. Mirum sanè est unum-
quodq; animal statim agnoscere hostem suũ,
etiam nunquam antea uisum, scireq; & cur im-
petatur, & quà lædi aut sese tueri possit, cum
hoc homini sit negatum, qui ne regulum qui-
dem (qui basiliscus Græcis est) horreret, nisi
admonitus, malòue doctus. Iam equus ani-
mal obsequiis hominum natum capitale dis-
sidium exercet cū urso, homini noxia bestia.
Agnoscit hostem nunquam uisum ac protin-
us se parat ad pugnam, arte potiùs quàm ui-
ribus. Transilit enim ursum & ipso saltu po-
steriores calces impingit in caput. Atqui ur-
sus interim unguibus scalpit equini ventris
mollia. Aspis homini uenenum est immedi-
cabile, cum hac belligeratur ichneumon: idem
exitialis hostis crocodilo. Similis affectus est
elephantis erga hominem: nam & uiatorem
simpliciter errantem clementer reducunt in
uiam, & agnoscunt, amantq; doctorem suum.
Feruntur & exempla deuoti amoris erga cer-
tos homines. Siquidẽ unus adamauit in A-
gypto mulierculam corallas uendentem, A-
ristophani Grammatico charã. Alius Menan-
drum Syracusanum adolescentem sic amauit,
ut desiderium illius, quoties non uideret, ine-
dia testatus sit. Cùm Bocchus Rex in triginta
quosdam sæuire decreuisset, eos rotidem ele-
phantis obiecit, stipitibus alligatos. Quumq;

immisſi eſſent, qui inter elephantos procur-
ſantes eos laceſſerent, nunquam efficere po-
tuerunt, ut ſe regiꝝ crudelitatis miniſtros præ-
berent. Atq; huic animanti *φιλανθρωπος* bellum
exitiale eſt cum draconibus Indicis, qui ferun-
tur eſſe maximī, ut frequēter in pugna pereat
uterq;. Porro draco inimic⁹ eſt homini, etiam
non laceſſitus. Simile diſſidium eſt aquilæ cū
draconibus minoribus, cū homini ſit inno-
xia, imò cū feratur etiam amatorios ignes
ſentire erga certas puellas. Eidem aui bellum
internecinum eſt cum cyminde: id eſt, noctur-
no accipitre. Elephantus odit etiam murem,
animal homini quoq; moleſtum, eoq; abhor-
ret à pabulo in quo murem conſpexerit. Nec
cauſa liquet, cur oderit. Nam hīrudinem me-
ritò horrent, quòd ea in potu hauſta, grauissi-
mè diſcrucientur. Iam uix ullum animal ami-
cius homini quàm canis, nec inimici⁹ quàm
lupus, ut quod aſpectu quoq; uocem adimat.
& inter hæc ſumma diſcordia eſt, quemadmo-
dum ouium generi lupus infeſtiſſimus, quod
totum pendet à prouidentia hominum, quo-
rum præcipua cura eſt tueri animal innoxium
& alendo homini natum: in lupum uerò, ue-
lut in publicum humani generis hoſtem ar-
mantur omnes, præcipuè canum commili-
tio, quæ res etiam prouerbio fecit locum: Non
magis parcemus quàm lupis. Lepus marinus

immedicabile est hominī uenenū, si quis imprudens gustauerit: ac rursus hominis contactus mors est lepori. Panthæra sæua est in hominem, & tamen adeò terretur ab hyæna, ut ne congregi quidem sustineat. Hinc narrant, si quis quid secum gestet de corio hyænæ, à panthera non appeti, tam sagax est naturæ sensus. Addunt & illud, si pelles utriusq; be-luę suspendas inuicem ex diuerso, panthericæ pilos defluere. Araneus hominī domesticum est animal, exitiale uerò serpenti, adeò ut fortè conspicatus sub arbore serpentem apricantē, filo se libret & aculeum mediæ infigat fronti tam acri uulnere, ut serpens dolore rotās sese in gyrum, tandem emoriatur. Simile dissidiū est araneo cū buffonibus, sed buffo ictus medetur sibi plantagine admorsa. Simius supra modum horret testudinem: quāquam autem nihil sit quod sibi à testudine metuat simius: est tamen aliquid fortassis, quod nos fugit, naturæ cognitum. Nam cur acanthis oderit asinum, causa in promptu est, quòd ille se affricat spinis, in quibus nidulatur auicula, & flores eius depascitur. Tantus autem terror habet acanthidem, ut si quando procul asinum rudentem audiat, oua deiciat, pulli è nido decident metu. Nec patitur hostem impunem: rostro enim fodit illius ulcera, fustibus & oneribus facta: pungit & mollia narium. Potest

etiam aliquid causæ diuinari, cur inter uulpes & miluios mutua sit simultas, quod auis rapax alterius catulis insidietur: fortasse uulpes uicissim illius pullis: quæ causa dissidij est inter sorices & ardeolas. Eadem ferè ratio est, inter æsalon paruam auiculam & uulpem: nam æsalon oua coruorum frangit: eadem infestatur à uulpibus & uicissim illas infestat, catulos earum uellicans. Quod ubi uident corui, uulpibus uelut aduersus communem hostem suppetias ferunt.

Aues.

At uix diuinare liceat, quam ob causam inter se oderint olores & aquilæ coruus & chlorio, cornix & noctua, aquila & trochilus. Cur malè cōuenit cum noctua cæteris minoribus auibus, mustelæ cum cornice, turturi cum pyrali, ichneumonibus uespis cum phalangijs araneis, anatibus cum gauijs, harpæ cum tritor chye accipitre, hoibus cum leonib⁹. Præterea cur sorices horrent formicosam arborem? Unde tam irreconciliabile bellum inter scarabeū & aquilam: nam apologus ex ipsa animantium natura confictus est.

Pisces.

Et inter aquatilia quam ob causam mugil & lupus mutuo odio flagrant, sicut conger & muræna, caudas inter se prærodentes? Polypum in tātum horret locusta piscis, ut si eum iuxta uiderit, metu emoriatur. Sic quædam animan-

nimantia mirè iunxit arcanus quidam bene-
uolentiæ affectus, ueluti pauones columbis,
turtures cum psittacis, merulas cū turdis, cor-
nices cum ardeolis (qui sibi uicissim auxilian-
tur aduersus uulpium genus) harpam & mil-
uium aduersus triorchyn accipitris genus
communem hostem. Balænis musculus pi-
scis exiguus prænatans, monstrat uiam, nec
apparet quam ob rem illi uelit inseruire. Nam
quod crocodilus fauces porrigit trochilo au-
iculæ, amicitia dici non potest, cum utrumq;
animal suo ducatur commodo. Crocodilus
gaudet sibi purgari dentes, & scabendi uolu-
ptatem amplectitur: auicula cibum quærit,
uescens piscium reliquijs inter dentes hæren-
tibus: consimili ratione coruus inequitat dor-
so suis. Inter anthum & ægithū tam pertinax
est odium, ut negent sanguinem illorum pos-
se misceri. Quemadmodum narrant aliarum
auium pēnas absumi, si aquilinis misceantur.
Accipiter est infestus colūbino generi, sed has
defendit tinnunculus auicula, cuius conspe-
ctum & uocem mirum in modum horret ac-
cipiter. Nec hoc latet columbas. Vbicunque
enim tinnunculus reconditus est, ab ea sede
nō migrant fiducia protectoris. Quis causam
coniciat, cur aut benè uelit generi columbi-
no tinnūculus, aut cur tinnūculū horreat ac-
cipiter? Atq; ut interdū animalculū minimū
præ-

præsidio est ingenti beluæ, ita contra à minutissimis exitiū est maximis. Est pisciculus scorpij effigie, magnitudine aranei piscis: is sub pinna affigit sese aculeo thynnus interdū magnitudinem delphini superantibus, tanto dolore, ut nonnunquam in naues insiliant: idem facit mugilibus. Quid est, cur leo animal cunctis tremendum, expauescat galli gallinacei cantum?

Verū mirabilius est hoc genus sympathias & antipathias (sic enim Græci uocant amicitij & inimicitij naturales affectus) etiā in rebus anima aut certè sensu carentibus depræhēdi. Omitto iam dicere de fraxino, cuius nec umbram, quamuis in longū porrectā ferunt serpentes: adeo ut si locū in gyrum circundes igni, serpens citius in flammā eat, quàm ad arborē fugiat. Nam huius generis exempla sunt innumera. Erucae cum membranis inclusæ, occulto naturæ opificio transfigurantur in papiliones, mortuis similime uidentur, ne ad contactum quidem sese mouēt, nisi transeunte araneo. Hominis premētis digitū nō sentiunt, & sentiunt leuissimī animantis leuiter incidentis pedes. Ibi demum uiuit. Ita sentit hostē capitalem nondum natū insectum. Tantū aut dissensionis est inter quercum & oleam, ut utraq; in alterius scrobe posita emoriatur. Quercui autem tam malè cōuenire cum iuglande,

ut in propinquo posita extingatur, tametsi iuglans cunctis ferè satis & arboribus noxia est. Rursus cum uitis clauiculis suis omnia cōplecti soleat, solam brassicam refugit, & perinde quasi sentiat, in diuersam partē sese uertit. Quis admonet uitem hostem esse in propinquo? Est enim brassicæ succus uino contrarius, eoq; solet edi aduersus ebrietatē. Nec deest brassicæ suus hostis. Siquidē opposita cyclamino & origano exarescit. Similis affectus est inter cicutam & uinum: cicuta homini uenenum est, cicutæ uinū. Quid est illud arcanum cōmercium inter liliū & alliū, ut in propinquo nascentia mutuò sibi gratificētur? Nā allio plus est uigoris, & liliū flores suauius olent. Quid hīc memorem de cōiugijs arborum, quarum foemine sterilescent, nisi in propinquo sit mascula? Oleū soli calci miscetur, cum utraq; res pariter oderit aquam. Pix attrahit oleum, cum utrunq; sit pingue. Argento uiuo innatant omnia, excepto auro: id solū ad se trahit & cōplectitur. Quis ille naturę sensus, ut adamas quālibet duris resistēs, sanguine hircino mollescat? Quin & inter ipsa uenena dissidia uideas. Scorpius si fortè repat per aconitum, pallefcit ac torpescit. Eidem adeo noxia est herba, cui nomen ceraftis, ut qui semen modò eius tractarit digitis, impunè contrectet scorpium. Quæ nam est illa uis uel amicitie

citiæ uel dissidiū inter chalybem & magnetē,
 ut materia natura grauis ad lapidem currat &
 inhæreat uelut osculo & ab eodem citra con-
 tactum refugiat? Iam cum aqua se facile mi-
 sceat rebus omnibus, maxime sibi: tamē sunt
 quæ tanquam odio mutuo misturam refugi-
 unt, uelut amnis qui in Fucinum lacum inue-
 ctus supermeat, in Lariū Addua, in Verba-
 num Ticinus, in Benacum Mincius, in Seui-
 num Ollius, in Lemanium Rhodanus: ē qui-
 bus nonnulli multorum millium transitu, ho-
 spitales suas aquas tantū, nec largiores, quā
 intulēre, euehunt. Tigris influit in lacum A-
 rethusam, ac per eum uelut hospes fertur, ut
 nec color, nec pisces, nec aquarum natura mi-
 sceatur. Ad hæc cum cætera fere flumina pro-
 perent in mare procurrare, quædam tamē ue-
 lut exosa mare prius quā eo perueniāt, ab-
 dunt sese in terrā. Simile quiddam uidemus
 in uentis. Auster hominī pestilēs est, huic con-
 trarius Boreas salubris. Alter nubes contra-
 hit, alter dissipat. Iam si qua fides Astrologis,
 sunt & syderibus quidam amicitiae & inimi-
 citiae affectus: quædam amica hominī, quæ-
 dam infesta. Rursus sunt quæ hominī aduer-
 sus nocentium uim opitulantur. Adeo nihil
 est in ulla naturæ parte, quod nō per hæc dis-
 sidia, concordiasq; & noxam & remedium ho-
 minī suppeditet. Illud quoque admirandum
 est,

est, quod in eadem prorsus animantium specie, deprehendamus amoris & odij uestigia, nulla euidente causa. Sic enim nobis persuadere conatur equisones & bubulci: in iisdem pascuis, aut eodem in stabulo, bos bouem, equus equum gaudet habere uicinum, qui alium non ferat. Equidem arbitror similes affectus esse in omni animantium genere, præter sexus fauorē. Sed in nullo genere euidentiùs, quàm in homine. Siquidem in plurimis manifestum est, quod de suo in Volusiū affectu profitetur Catullus:

Non amo te Volusi, nec possum dicere quare:

Hoc tantum possum dicere: Non amo te.

Verum in adultis fortasse diuinet alius aliam causam: in pueris, qui solo naturæ sensu ducuntur, quid est illud quod sic hunc illi tanto amore conciliat, rursus alium ab hoc tanto dissidio separet? Sed de qualitatibus physicis satis: ueniamus ad species


physicas.

LIBER IX. DE ASTRO- NOMIA.

Quot sunt species Corporis Physi-
fici?



CORPVS physicum est simplex, aut
compositum seu mixtum.



Quid est Corpus simplex?

Est corpus mixtis essentialē: ut cœlum & e-
lementa: hæc enim mixtis corporibus essen-
tiam suam & uim communicant. Cœlum e-
nim causa efficiens est: elementa, materiæ uim
obtinēt in compositis.

Vnde

Vnde sumitur differentia corporum simplicium?

Ex ipsorum natura & motu.

Quomodo ex natura?

Quia cœlum est corpus constantius: elementa minus constantia.

Quomodo ex motu?

Vnuscuiusque corporis simplicis, unicus est motus per se: isque uel circularis, uel rectus. Circularis motus fit circa medium: hoc est, centrū terræ: isque motus cœli & corporum cœlestium est. Rectus est qui fit recta linea uel sursum uel deorsum, qui motus elementorum est. Motus rectus sursum uocatur motus à medio: id est, centro terræ: quo motu mouentur elementa leuia, ut ignis & aer. Motus rectus deorsum uocatur motus ad medium: id est, ad centrum terræ: quo mouentur elementa grauia, ut aqua & terra.

Quid est Cœlum?

Est mundi pars superior lucida, circum elementa perpetuò mobilis. Eius consideratio artem præstantissimam Astronomiam peperit: cuius tanta suauitas Ptolemæo uisa est, ut hoc illi carmen expresserit:

Οὐδ' ὅτι θνατὸς ἐγὼ καὶ φάμερ Θ, ἀλλ' ὅταν ἄσπερον
μασίνῃ πυκινὰς ἀμφιρόμους ἑλίκας:

ἔκ τ' ἐπιψάνω ποσὶ γαίης, ἀπὸ παρ' αὐτῶ
 ἥλω δ' ἰοτρίφει & πίμπλαμα ἀμβροσίης.

Idem affectauit Ouidius, cū canit:

*Felices animæ quibus hæc cognoscere primum,
 Inq; domos superas scandere cura fuit.*

*Credibile est illos pariter uitijsq; iocisq;
 Altius humanis exeruisse caput.*

*Non Venus & uinum sublimia pectora fregit:
 Officium' ue fori, militiæq; labor.*

*Nec leuis ambitio, perfusaq; gloria fūco,
 Magnarum' ue fames sollicitauit opum.*

*Admouere oculis distantia sidera nostris,
 Aetheraq; ingenio supposuere suo.*

Quid est plaga cœli?

Est differentia situs seu positionis secundū dextrum, sinistrum, anticum, posticū. In qua re scriptores a seipsis plurimū discrepant. Homerus, Aristoteles, Plato, Galenus, Pythagoras, Auerroës mundi huius (quem animal uocant) dextrum latus in ortu posuere: sinistrum in occasu. Plinius & Varro contra statuunt, in ortu læua, in occasu dextra, ex ueterum Latinorum more. Sinistra (inquit Varro) in templis ab oriente, dextra ab occasu. Tempia uocat cœli regiones ab auguribus lituo diuisas. Augures tamen ad ortum se conuertebāt, ut Liuius libro 1. scribit; augur dextras

tras ad meridiem partes, læuas ad septentrionem. Cui sanè congruere uidetur Dauidis Ps. 89. Aquilonem & dextrum, tu creasti eos: ubi omnes interpretes plagam australem pro dextro intelligunt: sic enim Chaldæus interpres. Huc accedit quod Hebræi orientem Panim: id est, faciem appellant: ex quo sequitur Austrum lateri dextro tribui facie ad orientem conuersa. Sed cum nullam sui dicti rationem afferant, Philonem sequemur, cui etiam consentiunt Empedocles, Lucanus, Cleomedes, Solinus. Nam Moses sacrarij sinistrū ad meridiem, dextrum ad Septentrionem conuertit: idq; optima ratione: quia motus rapidus est ab ortu uersus occasum: hominis uerò gressus, non in terga fit, aut latera, sed ad anteriora. Græcis quidem dextra sinistris meliora: sed apud Latīnos sinistra in augurijs ualde prospera existimantur, ut Plutarchus & Plinius tradunt: non quia Sol oritur sinistra, ut Plinius uoluit: sed quia pars sinistra uergit ad Austrum: quæ mundi plaga reliquis præstat, siue stirpium, siue metallorum, siue gemmarum, siue hominum, siue animorum, siue cœlestium corporū dignitate: ac propterea uersus Austrum Abrahamæ profectiones dirigi putant Hebræi: ab Aquilone uerò, inquit Ezechiel, uenit omne malum. Quinetiā Arabes & Mauri (ut est apud Picum Mirandulam)

malos dæmones ad Austrum aut nullos, aut raros esse aiunt: siue propter lucis copiã, qua fugari putantur: siue propter aëris tenuitatẽ, qua sustineri nequeunt. Ad Septentrionẽ uerò nusquam maior copia dæmonum & maleficarum, si Saxoni Grāmatico & Olao fidem habemus. Præterea septentrionales robustiores, australes debiliores sunt: at sinistra pars hominis debilior est, dextra ualidior, ut Macrobius lib. 6. cap. 4. Satur. scribit: & in utero dextro mares, in sinistro foeminas moueri Plinius cum Varrone, Aristotele & Hippocrate scribit. Et Artemidorus dextrum oculum filium, sinistrum foeminam significare scribit in somniorum interpretatione: & dētes dextros amicos, sinistros amicas interpretatur: & in uniuersum lib. 27. dexteras partes uirīs aut iunioribus: sinistras foeminis aut senioribus tribuendas esse: & Arist. lib. 4. cap. 3. & 9. & lib. 4. cap. 1. & lib. 1. cap. 15. de histor. animal. ait dextram partem esse masculam, sinistram foeminam. Pes quoq; dexter & brachium dextrum maius est (id quod sutores etiamnum intelligunt) & uegetius sinistro. Deinde Scythæ rubicundi sunt & multo sanguine abūdant: Australes uerò exangues & atra bile pleni: at in dextro latere situm est epar, in sinistro lien: hic atræ bilis, illud sanguinis conceptaculū. Scythæ item intemperantes & iracundi, impetu
ad

ad uindictam feruntur: Australes consilio suscepto: hoc quoq; dextro, illud sinistro lateri congruit. Nam atra bilis quietos, fel iracundos, iecur intemperantes efficit. Nec nos moueat quòd Hebræi perinde ut reliqui populi dextra sinistris præstare putant, ut uidere est Ps. 109. Matth. 22. Marc. 12. Act. 7. & Iacobus dextram capiti Ephraim superposuit benedicendi causa. In qua sententiâ etiam Baldus fuit ad 1, decernimus. C. de sacro. ecclef. & Curtius senior consilio 84 honoratiorem locum esse à dextris. Nihil itaq; hæc nos moueant: pleriq; enim ex ueterib. dextra sinistraq; uariè acceperunt. Nam ubiq; Hebræi omnium populorum morem secuti, dextra in meridie, sinistra in Aquilone posuerunt: quia populi omnes solem adorabant facie ad oriëntem conuersa, quod uetuit Moses. Sed utcūq; sit, Meridiem hoc uel illo modo aquiloni præstare constat, & hominis dextram aquilonis esse.

Quottuplex est cœlum?

Principales mundi partes, secundum uulgatam diuisionem, in uniuersum quindecim statuantur, undecim uidelicet orbes: & quatuor elementa: ubi superius corpus perpetuò circundat inferius ex omni parte, penè sicut circundat inferiores in cæpis, circundant inferiores. Cœlum autem, quod undecim orbes

habet, secundum dichotomiam in duo diuiditur, in Empyreum & Aethereum.


Quid est coelum Empyreum?

Coelum empyreum (quod & coelum coelorum uocatur) est sedes Dei, Angelorum ac beatarum mentium: uocatur etiam tertium coelum. Sic & Aristot lib 1. de coelo cap. 9. diuina supra mundum & coelum entia collocat immutabilia & impatibilia, optimamque & beatissimam uitam sempiterno aeuo degentia: unde ceteris rebus praestetur, alijs quidem plenius, alijs obscurius & essentia & uita. *ἐκείνῳ ὁ θεὸς ὁ δεινὸς μεταβολῇ τῶν ὑπὲρ τῶν ἐξωτάτων τιταγμένων πορᾶν ἀπὸ ἀναποίωτα καὶ ἀπαθῆ πλὴν ἀρίστων ἔχοντα (ὁ δὲ καὶ πλὴν αὐταρκείας τῶν δεξιῶν ἔχοντα πάντα αἰῶνα. ὁ θεὸς καὶ τοῖς ἀποῖσι ἐξέρχεται, τοῖς μὴ ἀκριβέστερον, τοῖς δὲ ἀμαυρότερον. τὸ εἶναι τι καὶ ἴστω, τὸ γὰρ θεῶν ἀμετάβλητον: & in lib. de mundo inquit: πάντες οἱ ἄνθρωποι τὰς χεῖρας ἀνατείνομεν εἰς τὸν οὐρανόν, ἐν ᾧ οἱ ποιεῖμεν.*

Quid est coelum aethereum?

Est sedes luminarium & stellarum: quod & firmamentum dicitur, extensum sicut uesica aut tentorium.

Quotuplex est Cœlum æthereum?



*Consentiunt ne Astronomi in situ & nu-
mero orbium?*

Non consentiunt. Nam Plato in Timeo su-
pra Lunā (quæ inter Planetas ima & elemen-
tis omnium consensu proxima est) collocat
Solem: reliquos ordine deinceps.

Copernicus suo quodam cōsilio assumptis
novis hypothesibus, solem in medio mundi
immobilem collocat & reliquorum orbium
centrum constituit: Soli Mercurium & Vene-
rem circūdat: supra Venerem orbem magnū,
terrā cum elemētis & Luna complectentē po-
nit: reliquis loca, quæ antiquitus obtinuisse
existimati sunt, relinquit. Huius ordinis au-
tor fuit primus Aristarchus Samius annis
400. ante Ptolemæum. Sed Copernicum scu-
tica potius aut flagello, quàm repræhensione
dignum iudicavit Maurolycus.

Alphonſini decem ſphæras ſtatuunt. Nam cum octaua ſphæra pluribus motibus circūagatur, ut *φαινόμενα* indicant: diurnum octauæ ſphææræ motum (qui communis ei eſt cum reliquis ſtellis) ad decimum orbem, ſeu primum mobile reducunt: mutationem uerò apogeorum motui nonæ ſphææræ (quam ab occaſu in ortum uolui fingunt) tribuūt: reliqua *φαινόμενα* motui octauī orbis proprio (quem in paruis circulis circa principia Arietis & Librę abſolui imaginantur) tribuunt.

Ptolemæus nouem orbes numerat: octo qui oculis notari ac diſtingui poſſunt: ſitu quidem, motuum uarietate ac periodis diſtincti: ſed contigui tamen & eo ordine diſpoſiti, ne ullus uicini motum impediāt. Nonum *ἀναστροφ* addit, ut diurnæ conuerſionis principium ac cauſam reliquos orbes circumagentem: quò facilius quæ de aſcenſu, demerſuq; ſignorum, de declinatione eclipticæ, de circulorum numero dicuntur, depingi poſſint.

Quot ſunt motus orbium cœleſtium?

Eſſi orbes cœleſtes ſinguli ſuis proprijs & diſſimilibus motibus agitantur: duo tamen primi tantum motus ſunt. Vnus qui fit ſuper axe mundi ſeu æquatoris ab ortu in occaſum, quo omnes orbes *ἀπὸ ἀναστροφῆς ἢ ἰσοταχῆς*, æquali

per-

perpetuò celeritate uecti circulis æquatori parallelis, spacio diei naturalis seu 24. horarum reuoluuntur Ptolemæus hunc nonæ sphæræ tribuit, uocatq; *πρῶτῳ φορᾶν*: id est, primum motum: Græci alioqui *νυχθημέρινον*: id est, diurnum uel quotidianum cognominant, quòd spacio diei & noctis artificialis, seu diei naturalis absoluitur & spacia diei cum naturalis, tum artificialis, unà cum motu Solis proprio, uicesq; ac discrimina dierum ac noctium efficit: stellasq; quotidie producit & conspiciendas nobis exhibet: & per hemisphærium superius prouolutas abducit rursus & abscondit. Estq; communis mensura omnium reliquorum motuum.

Alter motus priori contrarius & proprius octauæ sphæræ & septem planetarum orbibus, quo illi primo motui contrà nituntur & ab occasu in ortum *ἐκ τὰ ἐπὶ μόρᾳ* inconsequen-
tia sub Zodiaco & circa polos eiusdem, nō in parallelis ab æquatore æquabiliter disiunctis, tardiùs multò prouehuntur, sed dissimiliter. Nam qui terræ propiores sunt, concitatiore motu feruntur, & suas periodos citiùs faciunt. Econtrà qui longiùs absunt: lentiore gradu procedunt & definita spacia Zodiaci peruagantur: ita ut firmamentum seu octaua sphaera suo motu conficiat unum gradum annis 100, atq; ita absoluat unam reuolutionem

annis 36000. Saturnus 30. annis: Iupiter 12.
 Mars 2. Sol, Venus & Mercurius uno anno.
 Luna 27. diebus, horis 8. Et hic motus dicitur
 Græcis *διυτήρα πορὰ & πολυμερὴς & εἰς τὰ ἐναντία &*
εἰς τὰ ἐπόμενα. Latini motum Planetarum uel se-
 cundorum mobilium uocant. Etsi autem &
 Zodiaci partes dissimiliter circumferuntur
 & Planetæ regressu, cunctatione ac uelut mo-
 ra longiore in uno loco, excursibus ab eclipti-
 ca, ascensu, descensuquæ *ἀνωμαλίαι* præ se fe-
 rant: tamen æquales & regulares esse eorū mo-
 tus omnes certum est: nec illa inæqualitas
 à Planetis oritur, sed apparent nobis inæqua-
 les uel propter circulorum polos, à polis mun-
 di diuersos circa quos conuertuntur, ut sunt
 poli Zodiaci, sub quo uagæ stellæ perpetuo
 uersantur: uel quia terra non est centrum il-
 lorum orbium quibus uehuntur planetæ.
 Vnde cum ex centro mundi motus illos ob-
 seruamus, fit ut non solum corpora ipsorum
 nobis uideantur maiora, sed etiam motus
 in circumferentijs orbium æqua-
 les, tempore æquali ap-
 pareant inæqua-
 les.

LIBER X. DE PRIMO MOBILI SEV SPHÆRA

DECIMA.

Quid igitur est primum mobile?



ST orbis æthereus, extimus mun-
do concentricus, ac ab ortu in oc-
casum, & inde rursus in ortum ue-
locissimo motu intra 24. horas p-

grediens super polis mundi & æquinoctialis.
Hic motus omnium notissimus est, etiam uul-
go, quod eum in Sole maxime notat: est enim
totius machinæ cœlestis maximus ac præci-
pius. Hic etiam omnia corpora inferiora se-
cum rapit. Quanto igitur corpora ab ea sphæ-
ra plus distant, tanto tardius mouentur eo mo-
tu quod potissimum apparet in Luna. Hæc
enim intra 28. ferme dies totam circuiti-
onem perdit, quod motum eius sphæræ assequi non
potest. Item, si hodie Sol cum primo mobili
sit in eodem orientis puncto, ac utraq; simul
voluantur in occasum, rursusq; in ortum 24.
horis: Sol non prorsus illud punctum tanto
tempore assequetur, sed deficiet paululum. Sic
& de alijs. Est autem hic motus simplex & u-
niformis & regularis: id est, non uno tempore
uelocior, quam alio: diciturq; diurnus.

Quot

Quot sunt consideranda in primo mobili?

Duo: Sphæræ partes & Diuisio.

Quot sunt partes sphæræ?

Tres: Axis, Poli & Circuli.

Quid est Axis sphæræ?

Est linea recta per centrum sphæræ acta, circumferentiæ ambas extremitates attingens, circa quã sphæra uoluitur: unde Manilius:

Aëra per gelidum tenuis deducitur axis

Sidereus, medium circa quem uoluitur orbis.

Quid est Polus?

Est punctus axem terminans (qui etiam cardo & uertex dicitur.) Omnis enim linea duobus punctis finitur.

Quot sunt poli in sphæra?

Duo: Arcticus & Antarcticus, qui cardines mundi immobiles & à barbaris clauī circa quos cœlum uoluitur, appellantur: Virgil, de his lib. 1. Georg. canit:

Hic uertex nobis semper sublimis: at illum

Sub pedibus styx atra uides, manesq; profundi.

Quid est polus Arcticus?

Qui nobis in Europa & maiore Asiæ parte habitantibus perpetuò apparet. Diciturq; Arcticus ab Arcto: id est, urſa minore, quæ Cynosu-

nosura dicitur: cum maior urſa uocetur Helice. Dicitur autem Borealis quoq; & Aquilonicus à uento: item Septentrionalis à ſeptentrionibus.

Quid eſt polus Antarcticus?

Eſt polus Arctico oppoſitus, qui à nobis nunquam uidetur, ſed ab Antipodibus. Dicitur & Notius à uēto Austro ſeu Noto: item & meridionalis à regione.

Quot ſunt Circuli ſphæræ?

Decem in uniuerſum.

Ad quid ſunt inuenti, & quæ ſunt ipſorum officia?

Vt diuiderent cœlū in certa ſpacia, certasq; regiones. Quemadmodum enim magnæ & amplæ ciuitates in principes quatuor regiones: atq; hæ regiones ipſę deinde in minutiores uias diſtingui, ſecariq; ſolent: ita & cœlum: id eſt, Deorum ciuitas in ſuas partes diſtribui ſolet. Ergo quatuor in hac rotunda Dei ciuitate principes portæ designantur, Oriens, Occidens, Meridies, Septentrio. In Septentrione & loco ei ad meridionalem plagam oppoſito, duo mundi immobiles cardines ſeu clauī (circa quos cœlū uoluitur) poli nominantur: noſter, qui nobis ſupra terras eleuatus cernitur, Arcticus uocatur, propter uicina ſigna, arctos

arctos urasq; referētia. Oppositus illi, aduersusq; Antarcticus cōtrario nomine appellatur. At quæ uia à Septentrione per capitis nostri uerticem ad meridiem rectà tendit, sub terrasq; delapsa ad Septentrionem redit, orbis Meridianus dicitur: quia meridiē Sol nobis efficit, cum ad illum circulum peruenerit. Altera uerò, quæ ab oriente uerno ad occidentē uernum tendit, & sub terras ad idem initium reuertitur, quæq; meridianum orbem idcirco ad angulos rectos in summo, infimoq; cœli loco diuidit, Aequinoctialis orbis nominatur: quia Sol, cum ad signa quę sunt in ea cœli parte, peruenerit, noctes efficiat diebus æquales: cuiusmodi signa sunt duo Aries & Libra. Hæ principes uiaę sunt in cœlo, quæ singulæ in 360. partes (quas gradus appellant) distribuuntur: ad quorum circulorum imitationem multi deinde circuli sunt informati. Cum enim à meridiano (quem primum finxeris) orientem uel occidentem uersus abieris, alium atq; alium subinde meridianum à polo ad polum, per uerticem capitis, efficies. Idem quoq; cum ab æquinoctiali ad septentriones uel austrum secesseris, alios atq; alios orbis efficies æquinoctiali tanto minores, quanto propius ad polos perueneris, quales quatuor in sphaeram adhiberi solent, intermedio æquatore separati. Cum enim ab æquatore ad polum nostrum

strum 24. gradus processeris, orbem usque-
 quaq; ab æquatore eque distantem conficies,
 qui Tropicus Cancrī nominatur: quoniam Sol
 cum primā signi illius partem attigerit, tum
 τροπῆται: id est, conuertatur ad Austros: à quo
 Tropico ad eundem polum 42. partium spa-
 tio designabis orbem usquequaq; pariter &
 24. partibus à polo Arctico distantem: & hic
 Septentrionalis orbis erit. Simili autem diffe-
 rentia duos alios æqui distantes orbes ab æ-
 quatore uersus Austros dimetiri licet; 24. par-
 tibus ab æquatore uersus Antarcticum polū,
 Tropicum Capricorni constitues, eadem cau-
 sa nominatum, qua superior ille Tropicus
 Cancrī dictus est: quia Sol cum ad primam si-
 gni illius partem descenderit, tum rursus ad
 Septentriones reflectitur. Ab hoc tropico ad
 42. partē orbem ultimum definies, ab Antar-
 ctico polo 24. partibus undiq; æqualiter di-
 stantem, cui Antarcticus nomen est: quia po-
 lum Antarcticum ambitu suo cōplexus est.
 Itaq; quinque conformantur æquidistantes,
 (quos parallelos Græcè dicimus) Arcticus,
 Tropicus Cancrī, Aequator, Tropicus Ca-
 pricorni, Antarcticus: Atq; hæc de dimensio-
 ne cœli per circulos principales: quorum be-
 neficio cursus planetarum, firmamenti & pri-
 mi mobilis obseruantur & regulantur: pun-
 cta etiam ortus & occasus, uicissitudinesq; &
 discri-

discrimina dierum & noctium:uarietatesq; omnium apparentiarum cœlestium ex his ratione certa cognoscuntur.

*Quæ nam sunt partes illorum circulo-
rum?*

Singuli illi circuli,tam parui,quã magni bifariam diuiduntur in partes æquales : quas Græci *μῦρια* uocant. Diuiduntur enim aut in gradus, aut in uncias. Gradus sunt 360. sic dicti ab incessu Solis in Zodiaco, talia spacia singula diurno motu propemodum definientis. Diuiditur autem quilibet gradus rursus in 60. particulas alias,quæ scrupula prima seu minuta dicuntur: & horum quodlibet rursus in 60. secunda:& sic deinceps usq; ad decimas partes. Itaq; minutum est sexagesima pars integri: secundum sexagesima pars minuti: tertium pars sexagesima secundi: & sic deinceps secundum multitudinem unitate crescetem. Sic Zodiacus diuiditur in quatuor æquas portiones, quos quadrantes uocamus: quadrans in tria signa, signum in 30. gradus: gradus in 60. minuta,minutum in 60. secunda,secundum in 60. tertia,&c. Primus enim locus est signorum:secundus graduum: tertius minutorum: quartus secundarum: quintus tertiarum,&c. Sic annus in menses 12: mensis in dies 30 uel 31. dies in 24. horas. Rursus hora
per

per sexagenariam partitionem in partes suas
& rursus illæ in alias secantur: ut hora in 60.
minuta: minutum in 60 secunda, secundum
in 60. tertia. Vnde colligitur integra esse quæ
minuta præcedunt: quæ uero sequuntur, esse
partes integri. Sexagenarium autem astrono-
mi partiendis cœlestium rerum momētis as-
sumpserūt: quia tā subductioni, quàm addi-
tioni aptissimus est: eius enim diuifores sunt
duodecim. Cuilibet autem gradui circuli ma-
gni in sphæra, respondent in terra 500. stadia
secundum Ptolemæum lib. 1. cap. 5. & 7. Qua-
propter multiplicatis cœli gradibus 360. in
quingenta stadia prouenient maximī cuiusq;
circuli stadia 180000. quæ si per 8 diuidantur,
prouenient milliaria Italica 22500. Plinius e-
nim lib. 2. cap. 32. ait stadium habere passus 125.
itaq; in millenos passus uenient octona sta-
dia: & milleni passus ueniunt in horarū qua-
drantes expedito uiatori. Eratosthenes autē
(ut idem Plinius lib. 2. cap. penultimo autor
est) singulis gradib. tribuit 700. stadia: in quo
à Ptolemæo distat ducenis stadijs. Eratosthe-
nis supputationem secutus est Strabo & ue-
terum pleriq; & autor de sphæra. Ambitus i-
gitur totius maioris circuli secundum Erato-
sthenem erit 252000. stadiorum uel millium
passuum 31500. diuisis stadijs per octo. Mirum
autem est à doctis hominibus nostræ ætatis

N

hoc


hoc non corrigi. Comparatio itaq; stadiorum ad milliaria Italica perfacilis est: octo enim stadia faciūt mille passus: id est, milliariū Italicum. At Italicorum milliariorum ad Germanica non ita facilis est, cū Germanica mirē uariant. Quidam enim 4. Italica, quidam 5. cū uno Germanico comparant. Sed Thscudus in Rhætia unum Italicum milliariū: id est, mille passus ait esse horæ quadrantem expedito uiatori: idem autem est octo stadia. Quod si Germanico milliario demus duas horas, octo milliaria respondebunt unī Germanico: hoc est, 64. stadijs: si uerò unam horam, 4. milliaria, respōdebunt 32. stadijs. Et sic uulgò 500. stadia uel 15 milliaria Germanica tribuuntur unī gradui magni circuli. In circulis uerò parallelis seu minorib. aliud est: nam in his pauciora stadia ueniunt pro proportione quam habent ad æquatorem: nam quantò æquatori propinquiore sunt, tantò maiores arcus habent ac proinde maiorem comparisonem in gradibus. Contrà uerò quanto polo propinquiore, tantò minores arcus habent, ideoq; minorem collationem in gradibus. Hæc in tabulis Ptolemæi ferè marginibus apponitur. Atq; hæc de gradibus.

Altera diuisio in uncias fit per assem. Astro nomi enim duodenarium assumpserūt ad res cœlestes diuidendas, propterea quòd omnibus

bus partibus ad diuisionē apertissimus est. Eius uncia est duodecima pars assis: sextans sexta: id est, duæ uncie. Quadrans quarta: id est, 3. uncia. Triens tertia: id est 4. uncia. Quincunx quinque uncia. Semis sex uncia. Septunx septem uncia. Bes siue besis octo uncia. Dodrans quasi dempro quadrante, nouē uncia. Dextans 10. uncia. Deunx 11. uncia. Hinc facile intelligitur, quot scrupula prima quolibet pars assis complectatur. Si enim diuiseris 60. scrupula prima (in quæ distribuitur unus gradus) per duodecim: quotus ostendet quot scrupula uni uncia respondeant.

Quomodo diuiduntur illi x circuli?

In Externos seu immobiles, & Internos seu mobiles.



Quid est Circulus externus?

Qui cum primo mobili non circumuoluitur, ut Horizon & Meridianus.

DE HORIZONTE.

Quid est Horizon?

Est circulus externus & immobilis, superius hemisphærium ab inferiore diuidens. Est autē non unus, idemq; ubiuis, sed cuilibet loco proprius: à puncto uerticali undiq; æqualiter distans: & totam mundi sphæram in hemisphæria æqualia diuidens, quorum alterū eminet & supra nos conspicitur, alterum sub terra occultatur. Dicitur autem ὁρίζων ἡμετέριος: quia finit & terminat uisum: id est, diuidit eminētem medietatem mundi superiorem ab inferiori: ideo quidam uocant finitorē & circulum hemisphærij. Porro hīc circuli definitio diligenter consideranda est: non enim περιφέρεια: id est, circumferentia circuli, sphæram diuidit, sed ipsa superficies, περιεργεία inclusa. Quanquam in corpore sphærico solę peripheriæ ostendi possunt.

Quotplex est Horizon?

Duplex: Rationalis & Sensibilis.

Quid est Rationalis?

Est circulus maior, conuexo globi terreni

in.

incumbens & circumquaq; ad extremum usque cœlum pertingens, atq; circulos cœlestes mundo *ὁμονέυτους* & totum cœlum in æqualia hemisphæria distinguens. Dicitur rationalis: quia cum acies oculorum neq; excurrat ad extremum cœlum, neq; hanc cœli in æquales medietates diuisionem percipiat: mens tamē ratiocinando eadem colligit ex iudicio oculorum, qui perpetuo sex signa Zodiaci supra horizontem eminere depræhendunt. Vocatur & artificialis, quod beneficio artis astronomicæ inuentus sit.

Quid est Sensibilis?

Est terræ spacium rotundo ambitu definitum, quod in plano & patenti campo acies oculorum circumscribit & complectitur. Diameter eius de Macrobiij sententia est 360. stadiorum, qualium 500. secundum Ptolemeum 15. miliaribus Germanicis congruunt. Semidiameter est 180. stadiorum, quibus 4. ferè nostratia miliaria æquivalent. Et tanto ferè intervallo acies oculi naturaliter affecti, non læsi aut uiciati, nec intermedijs collibus impediti, in planicie sese extendit: non ultra. *Nam:*

Ultra tumorem seu rotunditatem terræ, quæ ad 250. pedes affurgit, uidere impossibile est. Nullius enim hominis est tanta altitudo, ut 250. pedes æquare, nedum superare possit.

At ad internallum quatuor milliarium Germanico-
rum rotunditas terræ ad 250 pedes assurgit.

Vltra igitur milliaria quatuor uidere impossibile est.

Quotplex est ille Rationalis?

Duplex: Rectus & Obliquus.

Quid est Horizon rectus?

Est cuius plano uterq; mundi polus incum-
bit. Aequator enim cum eodem perpetuò an-
gulos rectos sphaericos constituit. Estq; eorū
qui sub Aequatore habitant, quibus uterq;
polus apparet: & est perpetuò uniformis.

Quid est Obliquus?

Supra cuius planum alter polus mundi ele-
uatur: alter uerò infra idem deprimitur. Dici-
tur obliquus ab obliquis angulis, quos cum
æquatore facit. Estq; omnium eorum qui ex-
tra æquatorem habitant: & mutatur cōtinuè,
quoties alteruter polorum altius eleuatur.

*Quot sunt Horizontis cardines seu me-
dietates?*

Dux: quarum una uergit ad ortum, ideoq;
à Græcis dicitur *οὐρανὸς πρὸς ἀνατολὰς*, *ὠρὸσπον*,
& *ἐπιτολή*, Latinis cardo orientis. Altera uergit
ad occasum, uocaturq; *οὐρανὸς πρὸς δυσμὰς*, car-
do occidentis. Non enim est unum punctum
ortus & occasus Solis. Alio enim loco sol ori-
tur

tur & occidit tempore æquinoctij alio, tempore solstitij alio, tempore brumæ. Nam in æquinoctio oritur medio loco inter utrumque polum: id est, è regione æquatoris, & dicitur hic ortus ἀνατολὴ ἱσημερινή: occasus uero δύσις ἱσημερινή. Circa solstitium oritur inter septentrionem & ortum æquinoctialem, uocaturque ἀνατολὴ θερινή: occidit autem inter occasum æquinoctialem & septentrionalem: uocaturque δύσις θερινή. Denique circa brumam oritur inter meridiem & ortum æquinoctialem, & dicitur ἀνατολὴ χειμερινή: occidit autem inter meridiem & occasum æquinoctialem, & dicitur δύσις χειμερινή.

Quænam utilitas est Horizontis?

Multiplex. 1. Separat occultata & abdita in hemisphærio inferiore à conspicuis & apparentibus in superiore.

2. Præfigit metas stellis orientibus & occidentibus.

3. Facit ad peruestigandos ortus & occasus stellarum, & signorum Zodiaci.

4. Conducit ad inueniendum exaltationes poli, latitudines locorum & amplitudinem ortiuam, quæ est arcus horizontis, interceptus inter æquatoris & stellæ cuiusvis ortum.

DE MERIDIANO.

Quid est Meridianus?

Est circulus externus & immobilis, per punctum uerticis & polos mundi transiens: ad quem cum Sol accedit, interdiu meridiem, noctu uero mediam noctem efficit: Græcè *μεμβρινὸς ἢ κύκλος διὰ τῶν πολῶν τῷ οὐρανῷ*. Trans-
 fit enim per punctum uerticale, quod cuiusque horizon-
 tis polus existit, quodque etiam Ze-
 nith uulgò dicitur: sicut ei oppositus punctus
 Nadir seu pedum. Sed nec is unus ubique, sed
 cuique loco proprius & peculiaris est. Meridia-
 nus autem appellatur, quod Sol ascendens
 ab ortu, quā primum illum attigit, meridiem
 est. Ciuitates igitur quæ æqualiter ab ortu &
 occasu iacent, eundem meridianum habent,
 quantumuis altera magis austrina aut septen-
 trionalis fuerit.

Quomodo differt ab Horizonte?

Horizon cōstituit cardines orientis & oc-
 cidētis: meridianus uero definit cardines cœli
 summi & imi, ceu medios diurni, nocturnique
 motus limites: quorum unus qui consistit in
 hemisphærio superiori, dicitur *μεσσηρανία* & *μεσσηρανίμα*: id est, culmen, fastigium seu medium
 cœli: alter, qui est in inferiori seu opposito he-
 misphærio, uocatur *ὑπόγειον*: id est, imum cœli.

Quot

Quot sunt Meridiani?

Etſi directè ab ortu in occaſum progredien-
tibus uel econtrà, continuè mutantur puncta
uerticalia, ſimulq; ideo meridiani: tamē quod
attinet ad locorum longitudinem & umbra-
rum rationem, loca quæ diſtant ſtadijs 150. u-
num & eundē meridianū: quæ uerò longius,
diuerſos meridianos habere dicuntur: & ſic
erunt 690 meridiani. Quod aut ad apparen-
tias cœleſtes attinet: id eſt, ad ortus & occaſus
ſtellarum, cum demum nouus meridianus cō-
ſtituitur, cum ſit uariatio principij diei ſecun-
dum quadrantem horæ: id eſt, in locis quæ di-
ſtant inuicem gradibus 3. minut. 45. Tanto e-
nim interuallo ſit aliqua uariatio aſcenſio-
num & deſcenſionum ſignorum: & ſic erunt
meridiani 96.

Quomodo inuenitur linea meridiana?

Linea meridiana eſt fundamentum omniū
horologiorum: nam ea inuenta facilè eſt alias
inuenire horas. Ex ea etiam procedunt horo-
ſcopi, quibus in nauibus utuntur, & qui pa-
rietibus appinguntur. Linea autem meridia-
na ſic inuenitur. In planum cum Horizonte
æquè iacentem circulum pinge, ſtylumq; ſeu
gnomonem è medio ad perpendicularum eri-
ge, qui umbram in circuli planiciem iaciat:
tumq; conſideranda eſt aſcendentis Solis &

N 5 occi.

occidētis umbra à stilo facta. Nam ubi ea breuissima fuerit, meridianus deducendus est à stilo in extremum breuissimæ umbræ. In horologijs nostræ ætatis, lingula illa tremula, quæ circumuoluitur, lineam meridianam ostendit, quanquam non prorsus ad amussim. Neque enim eodem meridiano nobiscum inuenitur magnes, sed aliquantò magis orientali. Ac eius auriculæ tinctæ magnete, septentrionem ostendunt, ubi ipse lapis reperitur. Atq; hinc orta est ars Gnomonica.

Quid est Gnomonica?

Est pars physicæ quæ tractat lineas horarias.

A quibus est inuenta?

Cum diu maioribus nostris fuisset incognita, paulatim mox adinuenta & à perspicacioribus ingenijs illustrata est. Anaximenes enim Milesius Lacedæmone primus fertur horologium Sciotericum ab umbris cognominatum inuenisse. Romæ autem id serius usurpatum, ut cuius ciuibus militaris disciplina magis curæ quàm cœlestis esset. Primum enim in XII. tabulis ortus tantum & occasus Solis nominabatur. Post aliquot annos adiectus est & merities, quem consularis accensus prænunciabat: sed hoc serenis tantum diebus usq; ad primum bellum Punicum. Mox uerò

uerò horologium solarium à M. Valerio Mes-
sala Cos. secundum rostra in columna positū
est, ut ait M. Varro. Postea capta in Sicilia Ca-
tana, hemicyclium excauatum ex quadrato
fecit Berofus Chaldaeus, Aristarchus Samius
scapham siue hemisphaerium & discum pla-
num: Eudoxus araneam in astrolabio (quod
quidam Apollonio antiquiori tribuunt) Sco-
pas Syracusius plinthum siue lacunar, quod
Romæ in circo Flaminio positum erat. Alij i-
tem alia horologiorum genera perhibentur
inuenisse. Sic Scipio Nasica primus Romæ
aquæ fluxu horas diuisit, clepsydra sub testō
posita, anno V. C. 595. Sed horologium ex a-
qua & hydraulicas machinas Vitruuio auto-
re reperisse fertur Ctesibius Alexādrinus. Cle-
psydris multò post successēre arenarię ampul-
læ. Horologia uerò quæ uī ponderunt rotis
dentatis per funes uersantur, & æris crepitu
horas indicant, sunt multò recentiora. Quæ
autem sine ponderibus, per inuolucra lami-
narum ex chalybe rotas per uīm internā mo-
uent, tum & aliæ machinæ innumeræ, astro-
rum motus & loca indicantes, uel imaginum
incessum facientes sunt recentissimæ: faciūtq;
ut Architæ columbam uolatilē & Archime-
dis sphæram uersatilem, de qua Claudianus,
p ueris habeamus. Sed redeamus ad gnomo-
nicas lineas: qui sunt horarij limites in plano
quo-

quopiã ita descripti, ut erecti gnomonis umbra, sole radiante, semper instantem horam, intra cuius fines terminatur, insipientibus ostendat. De his præter Sebastianum Munsterum, & Federicum Commandinum: etiam Franciscus Maurolycus scripsit: qui præter horarias lineas & horologiorũ 4. genera, æquinoctiale, horizontale, uerticale seu murale & meridianum de quibus in primo libro tractauit, flexas quoq; lineas in quas umbræ desinunt libro secundo diligenter proposuit: Flexæ autem sunt conicæ sectiones: circulus, parabole, hyperbole, ellipsis. Namq; in ipso æquinoctij die, umbræ terminus per rectã (quæ æquinoctialis linea appellatur) defertur. Sole autem alibi constituto, aliquam ex dictis peripherijs describit. Nam in quotidiana conuersione mûdi, sola diametros æquatoris circa centrum suum planam superficiem circuli sui describit: omnis uero alia mundi extra æquinoctialem diametros tali motu & circa idem centrum conuersa describet duas conicas superficies: siue (ut uulgus uocat) rotundas pyramides, communem uerticem terræ centrum, fixumq; diametri punctum habentes: quarum bases sunt circuli ab extremitatibus diametri per integram reuolutionem descripti & æquatori paralleli & ab eo æqualiter remoti & inter se æquales. Hoc modo

de-

describuntur omnes paralleli contrapofiti & eorum conicæ superficies. Atq; hæc de Gnomonica.

Quis est ufus Meridiani circuli?

Multiplex: Nam primò diuidit ſpacia diurna & nocturna in medietates æquales: Diurnum in tempus ante meridianum & pomeridianum: nocturnum in horas mediam noctē antecedentes & conſequentes.

2. In ſphæra obliqua ſupplet uicem Horizontis recti. Conſtituit enim cum Horizonte obliquo angulos rectos, ob quos minor contingit uariatio inclinationis Zodiaci ad meridianos quàm ad Horizontes obliquos. Ac propter eandem cauſam Aſtronomi ordinantur diem non ab ortu Solis, ſed ab accessu eius ad meridianum.

3. Continet ſingulorum locorum longitudinem. Nam cuiuſq; loci longitudo continetur inter meridianum ultimum, tranſeuntem per inſulas fortunatas, & alterū qui tranſit per uerticem loci cuiuſq;. Continet etiam locorum diuerſorum in longitudine differentiam: quæ eſt arcus æquatoris uel paralleli, interceptus inter duos meridianos, tranſeuntes per uertices locorum, quorum longitudines conferuntur.

4. Cōtinet declinationes ſtellarum: exaltatio-

tationem poli: & latitudinem locorum. Est autē exaltatio poli arcus meridiani ab horizonte ad polum eleuatum. Latitudo uerò loci, est arcus eiusdem meridiani inter æquatorem & uerticalem punctum, *σημείον κατὰ κορυφὴν*, comprehensus. Hos arcus situ discrepantes, magnitudine congruere manifestum est.

5. Diuidit unā cum horizonte & alijs quatuor circulis maioribus (transeuntibus per puncta intersectionis horizontis & meridiani & per tricesimas partes æquatoris) totum coelum in 12. spacia quæ domicilia ab Astrologis uocantur. Atq; hæc de circulis externis & immobilibus: sequuntur interni & mobiles,

DE ZODIACO.

Quid est circulus sphaera internus?

Qui in primo mobili descriptus, cum eo circumuoluitur.

Quottuplex est?

Duplex: Maior aut Minor.

Quid est Maior circulus?

Qui idem centrum cum terra habet, sphaeramq; in binas æquales partes diuidit; ut Zodiacus, Aequator & duo Coluri.

Quid est Zodiacus?

Est circulus maior, æquatorem in duobus pun-

punctis (quæ sunt principia Arietis & Libræ) diuidens in duas medietates : quarum una ad septentrionem, altera ad austrum uergit. Latini uocant signiferum : Aristoteles & Ptolemæus λόγον κύκλον: id est, obliquum circulum, à positu. Nam Sphæræ & æquatori oblique inter duos tropicos obducitur: ductum autem eius obliquum & latitudinem ostendunt planetarum motus uarij, nunc in septentrionem, nunc in meridiem. In Zodiaco autem quatuor considerata sunt, Poli Latitudo, Principium, & Partes.

Qui nam sunt poli Zodiaci?

Zodiacus non habet eosdem polos cum æquatore, sed eius poli distant à polis mundi gradibus 23 & minutis 51. hoc est, fere 24. gradibus : deficiunt enim nouem minuta: quorum 60. faciunt gradum.

Cur tributa est latitudo Zodiaci?

Latitudo Zodiaci soli tributa est, quæ à reliquis circulis, qui simplici perimetro circumscribuntur, differt. Imaginandus itaq; iuxta quorundam sententiam est, ut Placentinus caseus aut molaris lapis. Latitudo autem illi tributa ideo est ut latiore spacio planetas oberrantes ultrò, citroq; complecteretur. Ptolemæus inde πρῆμα uocat, Sol quidem perpetuo

tuo idem iter (uidelicet mediam eius partem) secundum latitudinē tenet. Reliqui uerò planetæ omnes à medio: id est, à uia Solis ultro citroq; *ἐλικοειδῶς* & flexuoso incessu deflectunt & nunc uersus septentrionem, nunc uersus meridiem recedunt. Hanc ob causam Solis iter medio Zodiaci loco collocarunt Astro- nomî & ab eo latitudinem Zodiaci tribuendam existimarunt.

Quanta est latitudo Zodiaci?

Est æqualis tricesimæ parti longitudinis: est enim duodecim partium, qualium maximus circulus habet trecentas sexaginta: ita ut utrinq; sex gradus ecliptica diuidat. Recentiores tamen binis utrinq; adiectis auxerunt, propter Martis & Veneris à Solis itinere digressiones, quos paulò minus octo gradibus recedere obseruatum est.

Quid est Ecliptica?

Est linea in media Zodiaci superficie, ipsum in duo æqua diuidens, & ultro citroq; sex latitudinis gradus relinquens: quam Sol motu suo proprio annuo describit. Dicitur ecliptica, quòd Solis, Lunæq; eclipsis nunquam cōtingat, nisi sub ea linea ambo corpora, Solis & Lunæ consistent. Dicitur & *ἡλιακὸς κύκλος* Ptolemæus à situ uocat *κύκλον διαμέσου τῶν ἡλίου*.

Prop. Diuiditur autem ecliptica dupliciter per puncta tam solstitialia, quam cardinalia.

Quomodo diuiditur Ecliptica secundum puncta solstitialia?

Diuiditur in duas medietates, ascendentē & descendentem. Ascendens à principio Capricorni ad finem geminorum usque pertingit, ac sex signa principium Capricorni sequentia includit. Descendens à principio Cancrī initium sumens, in ultimo gradu Sagittarij finitur: & cōplectitur sex signa, principium Cancrī sequentia.

Quomodo diuiditur secundum puncta cardinalia?

Diuiditur in quatuor quadrantes: quorum duo declinant ab æquatore uersus septentrionem, uernus & æstiuus: duo uersus meridiem, autumnalis & hybernus. Puncta autem duo quibus ecliptica æquatorem tangit, dicuntur æquinoctialia ἱσημερινὰ, ἑαρινὸν καὶ μεταποσεινὸν: duo reliqua dicuntur solstitia, τροπικὰ, ἑαρινὸν καὶ χειμερινόν. Hæc puncta sedes suas mutant dupliciter: primò secundum longitudinem, ut puncta æquinoctialia contra seriem signorum: ideoque etiam dies solstiorum anticipant: deinde secundum latitudinem paulatim ad æquatorē accedendo uel recedendo.

Vbi est principium Zodiaci?

In puncto æquinoctij uerni, idē ex prima & uetustissima doctrina sanctorum patrum, quos à Solis accessu ad æquinoctij punctum uel uerius à nouilunio quod æquinoctium uernum proximè sequebatur, annum inchoasse patet ex cap. 12. Exodi. Exorsi autem sunt ab eo puncto, secuti motus & effectiones Solis, quas habet cum illas partes Zodiaci accedit. Nam terram hyberno gelu cōstrictam & glacie rigentē, calore suo fouet & excitat, humoresq; conclusos laxat ac diffundit, gramina & fruges elicit & euocat.

Quot sunt partes Zodiaci?

Veteres Zodiacum in 12. signa diuiserunt, duce & magistra Luna: ut sunt Aries, Taurus, Gemini, Cancer, Leo, Virgo, Libra, Scorpis, Sagittarius, Capricornus, Aquarius, Pisces: quæ signa numerantur ab occasu in ortum eo ordine, quo hīc sibi succedūt: & in octaua quidem sphaera imaginibus ex stellis conflatis consistunt: in nona uerò ac decima conceptu ex motu habito intelliguntur. Ea signa Græci *ζώδια*, Ptolemæus *δωδεκατημόρια* quasi duodecimas partes, uocant.

Quomodo diuiduntur signa Zodiaci?

Varie. Primo secundum partes. Signum enim

enim quodlibet distribuitur rursus in partes triginta. Sol enim 30. dierum spacio ferè duodecimam Zodiaci partem emetit. Vnde & has ipsas tricesimas unius signi partes à Solis progressu & incessu gradus recentiores appellarunt. Diuiditur item signum quodlibet in decem partes, quas Græci *δεκάδας* uocant, Latini facies, quarum quatuor quodlibet signū continet.

Secundò diuiduntur signa secundum situm in Septentrionalia sex, & meridionalia totidem. Septentrionalia continet medietas Zodiaci declinans ab æquatore uersus polū Septentrionalem: Meridionalia consistunt in altera medietate, declinante ab æquatore uersus meridiem.

Tertiò itidem ex situ diuidūtur in cardinalia, firma, cōmunia. Cardinalia sunt, quæ quatuor punctis cardinalibus Zodiaci proximè succedūt: ut sunt duo æquinoctialia *ἱσημερινὰ*, Aries & Libra, & duo solstitialia, *τροπικὰ* Cancer & Capricornus. Firma (quæ & fixa seu solida *στέρεα*) sunt cardinalibus proxima: quia cūm Sol in his commoratur, uehemētiolem sentimus aëris caliditatem, frigiditatem, humiditatē & siccitatē, quā cūm erat in signis cardinalibus: talia sunt Taurus, Leo, Scorpīus, Aquariū. Communia (quæ & media & bicorporea, *δισσωμα* dicuntur) sunt reliqua

quatuor, quæ naturam utrisque prioribus communem sortita sunt.

DE AEQUATORE.

Quid est Aequator?

Est circulus maior, undique à polis æquè distans. Sic dictus, quoniam cum Sol in eo est, nox diei & e contra dies nocti omnino æquatur. Dicitur & æquinoctialis & æquidialis, Græcè ἰσημερινός.

Quot sunt æquinoctia?

Æquinoctia ἰσημερίαι duo sunt: Vernū ἰσημερινὸν & Autumnale μετοπωρινόν. Vernalis fit Sole ingrediente principium Arietis seu punctum intersectionis Zodiaci & æquatoris uernæ, quod Græci uocant τροπικὸν ἰσημερινὸν ἱαρινόν. Autumnale fit Sole occupante principium Libræ seu punctum intersectionis Zodiaci & æquatoris quod Græci uocant τροπικὸν ἰσημερινὸν μετοπωρινόν. Hæc puncta non sunt fixa, sed sub octauo orbe in præcedentia: id est, contra successionem signorum progrediuntur singulis diebus, scrupulis tertijs octo ferè. Ideoque loca stellarum fixarum anteuertunt: & tempora æquinoctiorum annuatim retrò aguntur & à ueteribus annotatos dies longo intervallo præcurrunt. Contingit igitur æquinoctium bis in anno, semel mense Martio: hoc est,

est, 11. die Martij, in principio Arietis: iterum mense Septembri: hoc est, 15. Septembris, initio Libræ. Porro tum æquinoctium est per uniuersam terram: nam quocumq; uertatur horizon, medius tamen æquator, semper supra horizontem, medius infra apparet.

Quis est situs Aequatoris?

Intelligitur hic circulus cœlum mediū ambire sua circumferentia: atq; ob eam causam primæ sphæræ cingulus dicitur. Describit autem eum linea è centro terræ ad mediam stellam cinguli Orionis usq;educta, & unà cum ea motu primi mobilis circumducta: uel motus diurnus die æquinoctiali. Tum enim Sol in æquinoctiali constitutus, motu diurno æquatorem describit.

Quæ nam sunt utilitates æquatoris?

Multiplīces. Nam primò est mensura motus primi & extimi orbis. Cum enim à polis mundi (circa quos primum cœlum uoluitur) æqualibus undiq; spacijs disiungatur, nec angulum, quem cum Horizonte cōformat, unquam mutet: eadem etiam lege, eodemq; motu primum cœlum circumferri demonstrat. Nam singulis horis quindenæ ex 360. partibus eius emergunt, totidemq; ex aduerso decumbunt: & omnes 360. partes, horis 24. conuertuntur.

2. Est regula & canon anomalix: id est, inequalitatis Zodiaci, quam habet ex obliquo positu circa polos mundi: ac ostendit quanto temporis spacio singulæ non solum Zodiaci partes, sed etiam alię stellæ, supra horizontem eleuentur ac uicissim descendant.

3. Definit & metitur spacia horarū & dierum tam artificialium quàm naturalium. Et si enim Solis motus accidentarius (quem habet à primo mobili) & proprius in Zodiaco producant diem: tamē cum partes Zodiaci irregulariter eleuentur, tempora inde colligi non possent, nisi conferrentur ad æquatorem.

4. Distinguit æquinoctia: intersecat enim Zodiacum in duobus punctis: quæ cum Sol occupat, efficit spacia diurna æqualia nocturnis.

5. Ab æquatore tanquam à termino, à quo numeratur declinatio partium eclipticæ, quā Ptolemæus λόξωσιρ τῷ διὰ μέσων τῶν ζωδίων κύκλῳ, item ἑγκλισιρ uocat: item declinatio stellarum, quæ est distantia earundem ab æquatore uersus alterum polum mundi.

6. Numeratur & locorum latitudo ab æquatore, quod est interuallum ab æquatore ad eorundē uertices, in meridiano transeunte per uerticem cuiusq; loci numeratum. Ostendit etiam cum totius terræ, tum singulorum locorum longitudinem: id est, distantiam ab

occa-

occasu. Nam secundum exactam triangulorum sphaericorum doctrinam, longitudo locorum & differentia longitudinum, semper est arcus æquinoctialis, nunquam paralleli. Vtilis itaq; est in Geographia.

7. Prodest ad Astrologiam. Nam ductu eius atq; indicio peruestigantur initia duodecim domiciliorum cœli, cum conformantur & eriguntur themata cœli necessaria ad prognostica astrologica & tempora euentuum, quæ neutiquam sine æquatore indagari possent, propter partium Zodiaci dissimillimum motum.

D E C O L U R I S.

Quid sunt Coluri?

Sunt duo circuli maiores, qui ad angulos rectos & sphaerales se intersecant in polis mundi, diuiduntq; Zodiaci & æquatoris quadrantes. Nomen inde sortiti sunt, quod in mundi conuersione nunquam integri cernuntur supra horizontem, sed mutili & dimidiati. *κόλα* enim seu *κοινοβός* mutilus est & *εἶς* a cauda. Nam arcus æquales & utrinque circa polos oppositi, in obliquo sphaeræ situ nunquam simul conspiciuntur.

Quot sunt Coluri?

Duo; Vnus Aequinoctiorum, alter Solstitiorum.

Quid est Colurus Aequinoctiorum?

Est circulus maior, per principia Arietis & Libræ, & per polos mundi seu æquatoris transiens. Facit autem cum æquatore angulos rectos sphericos, cum Zodiaco obliquos. Quotiescunque enim in Sphæra maximi circuli mutuo contactu rectos conficiunt angulos: bifariam seu in æqualia hemicyclia & per polos se inuicem secant: & e contra: ut ostendit Theodosius libro 1. de Sphæris, propol. 18. 19. 20. 21.

Quid est Colurus Solstitiorum?

Est circulus maior, per principia Cancri & Capricorni & per polos eclipticæ & mundi transiens. Is etiam circulus declinationum dicitur: quantum scilicet sol ab æquatore discedat, ostendens. Facit autem cum Zodiaco & æquatore rectos angulos sphericos. Vtriusque enim polos complectitur. Nam secundum Theodosium 13. prop. lib. 2. de Sphæra, duobus quibuscunque circulis se inuicem secantibus, cum tertius quicunque segmenta utriusque æqualiter ac biuariam diuidit, is & maior circulus est, & per polos utriusque transit: at qui per polos alterius circuli transit, eum & biuariam, & ad angulos rectos interfecat.

Quæ nam sunt utilitates Colutorum?

Duplices. Communes & Propriæ. Nam
primo

primò uterq; diuidit Zodiacum & æquator-
rem in medietates æquales: itaq; ambo eisdẽ
dirimũt in quatuor quadrantes æquales. De-
inde funguntur uice meridiani: cùm in qua-
libet diurna reuolutione primi cœli bis in lo-
cum meridiani succedant, seu bis plano eius
coniungantur. Atq; hæc communia. Separati-
m uerò colurus æquinoctiorũ, ostendit pun-
cta æquinoctialia: colurus solstitiorum osten-
dit & puncta solstitialia & quanta sit declina-
tio Solis maxima. Est enim maxima Solis de-
clinatio arcus coluri solstitiorum, principio
Cancris & æquatoris inclusus. Atq; hæc de ma-
ioribus circulis; quibus adduntur adhuc alij,
ut latitudinum, declinationum, positionum,
Verticales.

Quid sunt circuli latitudinum?

Sunt circuli magni, per polos eclipticæ &
uera stellarum loca ducti: qui ostendunt stel-
larum ab ecliptica distantiam, quæ latitudo
dicitur.

Quid declinationum?

Sunt circuli magni, per polos mundi & ue-
ra stellarum loca ducti, ostendentes earun-
dem ab æquatore distantiam: quæ declina-
tio dicitur.

Quid positionum?

Sunt sex circuli, quib. per tricesimas æqua-
toris

toris partes & puncta contactus horizontis ac meridiani ductis, equatorem, totumq; cœlum in 12. æqualia spacia Regiomontanus diuidit & distinguit, quæ cœli domicilia uocat. Et hæc distributio circulorum à Regiomontano excogitata & demonstrata est ad rationē constituendorum thematum cœli, quam rationalē uocant, quòd ex principijs & demonstrationibus extructa, certis rationib. innitatur. Iulius autem Firmicus alia ratione utitur. Nam per maiores circulos sex, p. Zodiaci polos & eius tricesimas partes flexos, Zodiacū in 12. æquales, æquatorem uerò in totidem inæquales arcus diuidit. Et hæc dispositio circulorum ab alijs inuenta & usurpata, alterā conformandorum schematum cœli rationem gignit, quā æqualem denominarunt, quòd Zodiacum in arcus æquales partitur.

Quid Verticales?

Sunt circuli magni per uertices locorum, quorū differentia quæritur, ducti: ostendētes eorundē locorū distantia: Dicuntur itaq; etiā circuli distantia: locorum: & azimuth.

DE POLARIBVS ET TROPICALIS Circulis.

Quid est minor Circulus?

Qui diuersum centrū à sphæræ centro habet:

bet: ideoque sphaeram, aliosue sphaerae circulos in aequales medietates non diuidit.

Quot sunt minores Circuli?

Quatuor. Duo polares & totidem tropici. Qui etiam paralleli dicuntur: quia aequaliter inter se distant. Imaginamur autem eos fieri à motu primi mobilis. Tropicos quidem à Solis motu, quem habet à motu primi mobilis super axem mundi ac polos mundi. Reliquos uero duos à polis Zodiaci ad eundem motum primi mobilis. Sunt autem inter se inaequales. Cum enim sphaera à medio uersus extremos uertices paulatim coarctetur & contrahatur in figuram globosam, necesse est etiam parallelos circulos subinde fieri contractiores, quò longius à medio recedunt.

Qui nam sunt polares?

Arcticus & Antarcticus.

Quid est Arcticus?

Est circulus minor, quem polus Zodiaci septentrionalis seu prior pes ursae maioris ad motum primi mobilis diurnum, circa polum mundi arcticum describit. Estque semper conspicuus his, quibus polus septentrionalis usque 22. grad. eleuatur. Diciturque arcticus ab arcto: id est, ursa, cui uicinus est.

Quid

Quid est antarcticus?

Est circulus minor, quem alter polus Zodiaci austrinus, circa polum mundi antarcticum seu austrinum, ad diurnum primi mobilis motum describit.

Qui nam sunt Tropici?

Cancrī & Capricornī.

Quid est Tropicus Cancrī?

Est circulus minor, quem Sol dum longissime ab æquatore in boream deflexit, ad motum primi mobilis describit: quod fit dum Sol principium Cancrī attingit. Dicitur etiā tunc solstitium, quod Sol non ultra ad nos procedat: Græcè *τροπή θερινή*.

Quid est Tropicus Capricornī?

Est circulus minor, quem Sol dum longissime ab æquatore in austrum deflexit, ad motum primi mobilis efficit: quod fit cum Sol principium Capricornī attingit. Cæterum id tempus brumam uocant Latini scriptores, Astronomi uocant solstitium hyemale: Græcè *τροπή χειμερινή*.

Quid est Declinatio Solis?

Est discessus Solis ab æquatore ad tropicos. Arcus uero coluri, interceptus à tropico & æquatore,

quatōre, distantiam eius declinationis habet, quæ est 24. graduum ferè. Tantum enim etiā tropici ab æquatore distant & poli Zodiaci à polis mundi. Quod autem Sol dicitur ab æquatore discedere, id, ex situ sphæræ intelligendum est. Nam in sphæra recta æquator altissimus apparet. Itaq; cum Sol ad Tropicos delabitur, descendere uel declinare dicitur: contra uerò cum Sol ad æquatorem redit, ascendere dicitur.

Quid est Ascensio Solis?

Est accessus Solis à tropicis ad æquatorem: quanquam sensibile iudicium, eorum qui in sphæra obliqua habitant, indicat solem ascendere dum post æquinoctium uernum ad tropicum Cancrī descendit: descendere uerò, dū post solstitium à Cancro ad æquatorem redit, cum potius tum ascendat.

Quænam est utilitas horum minorum circulorum?

Utilitas tropicorū separatim est quod sunt limites itineris Solis uersus septentrionem & meridiem, quos Sol non superat. Omnes autem quatuor simul, totum globum cœli in quinque Zonas diuidunt: unde & Cosmographi terram in Zonas diuiserunt. Atq; hactenus de partibus sphæræ: sequitur eiusdem diuisio.

DE SPHÆRA RECTA ET
obliqua.

Quottuplex est sphaera?

Duplex: Recta & Obliqua.

Quid est Recta?

In qua uterq; polus in horizonte conspicitur, & æquator supra caput apparet. Is enim cum horizonte rectum angulum sphæricum constituit. Hanc sphæram rectam soli illi habent, qui sub Aequinoctiali habitant: atq; illis horizon omnes circulos ab ortu in occasum æquales abscindit, supra atq; infra.

Quid est Obliqua?

In qua alter polus ab horizontē eleuatur, alter infra horizontem deprimitur: & æquator cum horizonte angulos efficit obliquos: obtusum eum qui polum eleuatum respicit, acutum qui ad oppositum uergit. Talem sphæram habent, qui ultra citraq; æquatorem degunt: eiusq; sphæræ non est eadem ubiq; habitudo, nec *φαινόμενον* eadem ratio propter rotunditatem terræ.

Quid est eleuatio poli?

Firmis rationibus per Astronomos demonstratum est, ubicunq; locorum homo fuerit, medium cœli illi semper apparere: quia perpetuó

petuò uidemus sex signa Zodiaci apparere
supra horizontem. Ergo tumor terræ ac tota
eius quantitas est ad cœlum uelut punctum.
Deinde in singulis regionibus, singuli sunt
horizontes: quia ut Zenith cedit, ita etiam
horizon. Est enim Zenith horizontis polus.
Deniq; si homo sub æquatore fuerit, illi ap-
paret uterq; polus in horizonte: sin ab æqua-
tore cesserit polos uersus, alterum polum ele-
uari, alterum deprimi, abscondi q; necesse est.
Cæde enim ab æquatore septentrionem uer-
sus uno gradu, polus arcticus uno gradu le-
uabitur, antarcticus deprimetur, uerticis pun-
ctum, pedum q; itidem uno gradu cedet. Item
si ab æquatore ad tropicum usq; Cancrî iue-
ris, leuatus est polus arcticus 24. gradibus fer-
me: totidem antarcticus gradibus depressus:
tot etiam cesserit punctum oppositum uertica-
li puncto: ac sic deinceps, donec sub ipsum po-
lū cōcesseris. Quatuor itaq; hæc puncta, ma-
gnam Astronomiæ & Geographiæ lucem af-
ferunt, quare diligenter considerata sunt.
Colligitur ex his idem esse si dicas: polus no-
ster 50. gradibus leuatur nobis: siue, polus no-
ster ab horizonte 50. gradibus distat: siue, Ze-
nith nostrum ab æquatore 50. gradibus abest.
Nam hæc 4. idem sunt: distantia Zenith ab
æquatore, distantia puncti oppositi ab eodem
æquatore, eleuatio poli, & depressio alterius
poli.

poli. Hinc Geographorum axioma: tantā esse poli ab horizonte eleuationem, quantum punctum uerticis (quod Arabes *Zenith* uocant) ab æquatore distet. Atq; hæc de decima sphaera seu primo mobili: ex cuius fundamentis Meteoroscopice orta est.

LIBER XI. DE METEOROSCOPIA.

Quid est Meteoroscopice?



T S T pars physicae, quæ contempla-
tur sublimia. Vtitur enim instru-
mentis quibusdam Astronomicis,
quib. superiora corpora, eorumq;
affectiones perspicit & investigat: in quibus
omnibus considerata est fabrica & usus.

Quæ nam sunt illa instrumenta?

Instrumētū Astro-
nomicū est uel

Quadratum.

Circulare

Particulariter: ut Quadrans.

Integrè,
idq;
uel

Planum, ut Planisphæriū
seu Astrolabium.

Solidū; ut

Armillæ sphae-
ricæ.
Sphaera mate-
rialis.

DE QUADRATO.

Quid est Quadratum?

Est instrumentum ad captandas umbras rectas seu uersas: & ad obseruandum celsitudinis uel longitudinis, siue profunditatis spacium. Solet autem etiam in dorso Astrolabij describi.

Quæ nam est eius fabrica?

Latera quadrati duo ad angulum cõtigua singula in partes æquales diuide: & in opposito angulo filum cum perpendiculo applica: in dextro autem reliquorum laterum tabellas cum foraminibus singulis oppone.

Quis est eius usus?

Vt umbram rectam seu uersam: aut altitudinis cuiuspiam, longitudinis uel spacium cognoscas: inspicere apicem uel extremum mensurandi spacij: tum enim perpendiculum liberè pendens indicabit in uno diuisorum laterum, numerum partium siue punctorum. Cum igitur per foramina dextrî lateris Quadrati, inspicitur cacumen altitudinis uel terminus longitudinis plani: si filum perpendiculi, cadit super diametrum Quadrati: facit umbram tam rectam, quàm uersam æqualem suo gnomoni. Sin autem filum abscendit la-

tus dextrum, terminat in eo puncta umbræ rectæ. Si uerò secat sinistrum, quod foraminibus opponitur: abscindit in eo puncta umbræ uersæ: illius enim umbræ puncta indicat, quæ minor est suo gnomone. Itaque si ponatur Gnomon 12. partium uel punctorum: tum quadratus duo. namque 144. per numerum punctorum umbræ cognitæ diuisus, exhibet in quoto numerum punctorum umbræ ignotæ. Itaque si recta umbra fuerit trium partium: umbra uersa habebit partes 48. Hic enim umbra quadrupla est ad gnomonem: ibi gnomon quadruplus ad umbram. Idem euenit in cæteris proportionibus. Vnde manifestum est quod gnomon semper est medius proportionalis inter umbram rectam & uersam.

Si solaris altitudinis angulus sit recti dimidium: id est, graduum 45. tunc tam recta quam uersa, æqualis est suo gnomoni. Si autem altitudo maior sit quam dimidiū recti, umbra recta minor est suo gnomone: uersa uerò maior. Si altitudo minor sit dimidio recti: recta longior est suo gnomone, uersa breuior. Si altitudo nulla sit (cū scilicet Sol est in horizōte) recta, infinita: at uersa, nulla est. Si altitudo maxima est, scilicet 90. graduum, cū Sol in uertice loci est: recta nulla est, uersa infinita.

Quam autem rationem habet umbra recta ad suum gnomonem, eandem habet longitudo

do plani ad altitudinem plano perpendiculari. Item sicut est gnomon ad umbram uersam, sic longitudo plani ad altitudinem. Itaque sic est differentia duarum umbrarum rectarum ad gnomonem, ut differentiam longitudinum ad altitudinem. Quæ quidem proportionales oriuntur à similitudine triangulorum & proportionem laterum correlatorum. Nam in altitudinis observatione, filum perpendiculi abscindit de quadrato triangulum orthogonium simile illi triangulo, quod facit altitudo perpendicularis in planum cum ipsa plani longitudine & radio uisuali. Hinc ex regula quatuor proportionalium magnitudinum, in qua ex tribus notis quæritur quartum ignotum, sequuntur hæ regulæ:

1. Posito gnomone (exempli causa) partiū
12. si longitudo plani multiplicetur per 12. & factus diuidatur per numerum rectę umbrę, tum ex diuisione prodibit altitudo.

2. Si longitudo multiplicetur per puncta umbrę uersę: & factus diuidatur per 12. quotus ostendet altitudinem.

3. Si altitudo nota multiplicetur per puncta umbrę rectę, & factus diuidatur per 12. quotus ostendet longitudinem plani.

4. Si altitudo multiplicetur per 12. & factus diuidatur per numerum punctorum uersę umbrę: quotus longitudinem quęsitam.

Posito enim gnomone partium 12. si umbra recta sit partium 6. uersa erit 24. cum gnomon sit medius proportionalis inter umbras. Quo casu, si longitudo plani sit pedum 50. altitudo erit 100. Item si umbra recta erit partium 4. uersa erit partium 36. ideoq; altitudo erit tripla longitudinis.

5. Quando uero altitudo mensuranda propter uallem, rupem, paludem uel intermediam inaccessa est: tum talis altitudo recedendo aut accedendo ex duobus locis obseruetur: & utrobique rectæ umbræ partes cum eorum differentia notentur. Deinde locorum interuallū multiplicetur per 12. & factus diuidatur in dictam differentiam: quotus enim ostendet altitudinem quæsitam in perpendiculo.

6. Altitudo terminatur ad oculum inspectoris: longitudo autem plani ad pedem obseruandis.

7. Quando putei profunditas quæritur: tum consideratur amplitudo eius quasi longitudo plani, & profunditas calculatur quasi altitudo.

DE Q V A D R A N T E.

Quid est Quadrans?

Est quarta circuli pars: in cuius dextra semidiametro, bina, ut in quadrato, foramina sunt

sunt addita: per quæ dum transmittitur solaris radius aut lunaris, siue astrum aliquod inspicitur, filum cum perpendiculo à centro instrumenti (quod est concursus diametrorum) liberè dimissum indicat ipsius luminaris aut astri celsitudinem: quantus scilicet est arcus peripheriæ in limbo instrumenti, in 90. gradus distincto, quæ filo ac reliquæ diametro interiacet. Sic cognita Solis uel astri altitudine (siue diurna siue nocturna sit observatio) innotescet hora: & cum hora simul Zodiaci stylus ac planetarum loci. Ita nec Astrolabo, nec Torquato, nec Armillari, aut alio difficili instrumento nobis opus erit.

Quænam est eius fabrica?

Diuide circulum in partes quatuor, ita ut dimetientes duæ se in centro ad angulos rectos intersecent. Deinde semidiametro alteri pinnulas appone, per quas & poli stella uel aliud astrum uideri queat: aut per quas radij solares possint demitti. Limbum autem quadrantis diuide in 90. partes, Deniq; fige in centrum quadrantis perpendiculum. Ex his sequitur, si per pinnulas uideas polum, eam dimetientē significare axem mundi: alteram uero pinnulis carētem, equatorem. Quod si per foramina pinnularum radios Solis accipias (quod commodissimè fiet cum Sol sub equa-

230 DE METEOROSCOPICA;
tore decurrit) illa dimetiens tunc significat
æquatorem: altera uero axem mundi.

*Quis est situs Quadrantis, uel quomodo
est applicandus?*

Generaliter obseruandum est quòd cum o-
mne circulare instrumentum repræsentet cir-
culum aliquem in concava primi mobilis su-
perficie descriptum ac mundo concentricū:
& omnis peripheria instrumenti referat dicti
circuli sibi similem arcum: propterea necessa-
rium est in omni obseruatione, instrumenti
centrum locari aut locatum intelligi in mun-
di centro. Sed cum in terræ superficie, per ter-
restris semidiametri spacium remoti ab uni-
uersali centro simus, obseruatio nō nihil à ue-
ro discrepat. Verū cum hæc terræ semidia-
meter ad cycli solaris aut firmamenti distan-
tiam collata sit insensibilis (quando terra, re-
spectu tantæ magnitudinis sit quasi pūctum)
talis discrepantia non affert notabilem in his
orbibus errorem: excepta Luna: nam inter
uerum, uisumq; Lunæ locum differentia ad
gradus 1. & m. 43. excrefcit: in sole ad 3. quasi
minuta peruenit: in Marte & superioribus,
stellisq; nō benè percipitur. Rectè igitur Pro-
lemæus, ceteriq; Astronomi ad captādas me-
ridianas Solis & astrorum altitudines: maxi-
mam Solis declinationem, poli eleuationem
seu

seu (quod idem est) regionis latitudinem: Quadrante utuntur. Sed in tali obseruatione planum Quadrantis sistendum est in plana superficie meridiani, quę super lineam meridianam locatur, super planum horizontis perpendiculariter. Quare inuenienda est in primis linea meridianā, ad cæterorum quoq; instrumentorum locationem necessaria. Nam super eam, plana superficies Astrolabi ponenda est: in Armillis autem & sphæra, axis mundi, eleuatus secundū polarem loci altitudinē.

Quis est usus Quadrantis?

Multiplex est. Valet enim ad maximā Zodiaci declinationem ab æquatore: ad æquinoctialis altitudinem: ad poli eleuationem seu loci latitudinem: ad Solis uel astri declinationem.

Quomodo ad Zodiaci declinationem?

Cape duas solstitiales Solis in meridie altitudines & earum differentiam: ea enim est tropicorum distantia: dimidium autem eius erit maxima eclipticæ declinatio. Verū si talis obseruatio fiat ab habitantibus intra tropicos, aggregatum solstitialium altitudinū subducendum est à semicirculo, ut relictum habeatur pro tropicorum distantia, eiusq; dimidium pro maxima Zodiaci declinatione.

Quomodo ad æquatoris altitudinem?

Cum hyemalis solstitij altitudine meridiana, iunge maximam Solis declinationem ex præmissa regula repertam: uel ab æstiuo solstitij meridiana altitudine subduc eandem maximam declinationē: nam totus aut reliquus ostendet æquatoris altitudinem.

Quomodo ad poli eleuationem?

Degentes sub æquinoctiali habent polos in horizonte, & nullam ideo loci latitudinē: sed extra æquatorem habitantes latitudinem habent. Itaq; æquatoris altitudinem ex præmissa cognitā subducito de circuli quadrante & reliquus ostendet loci latitudinem: quæ scilicet est distantia Zenith ab æquinoctiali siue eleuatio poli supra horizontē. Vel: Viso polo, obserua quò perpendiculum ceciderit: idem in limbo (qui 90. gradibus est dissectus) numerum graduum abscindit: quæ portio quadrantis respondet cœli portioni: tumq; ita ratiocinandum:

Quanta est distantia puncti pedum in inferiore ac nobis absconso hemisphærio ab æquatore: tanta est distantia Zenith ab æquatore in superiore hemisphærio.

At distantia puncti pedum est 50. graduum.

Distan-

Distantia igitur Zenith ab æquarore est totidem graduum : ac tanta est eleuatio poli : seu regionis latitudo.

DE ASTROLABIO.

Quid est Astrolabium.

Est instrumentum astronomicum circulare, & planum, circulos sphaeræ cœlestis descriptos continens. Ptolemæus uocat Planisphaerium.

Quot sunt eius partes?

Duæ. Antica & Postica.

Quid est Antica?

Est pars Astrolabij anterior cōcaua, ut plures tabulas diuersis regionibus & climatibus seruientes capiat. Vocatur etiam Facies Astrolabij.

Quot sunt partes Anticæ?

Duæ: Margo seu Limbus & Mater.

Quid est Limbus?

Est exterior pars Anticæ.

Quomodo diuiditur Limbus?

In Quadrantes 4. & totidem Circulos.

Quomodo diuiditur Quadrans?

In nonagenos gradus.

Qui nam sunt Circuli Limbi?

Primus continet numeros graduum æquinoctialis 360. distinctos per quinarium. Se-

cundus continet gradus singulos. Tertius continet horas naturales seu æquinoctiales, uulgo æquales. Quartus continet uentos duodecim.

Quid est Mater?

Est interior pars Anticæ: quæ plerumq; cōcaua est, ut plures regionum tabulas capere possit: indeq; mater dicitur.

Quid continet Mater?

Tympana & Rete.

Quid uocas Tympana?

Tabulas regionum: ad diuersas regiones, climataq; & uarias poli arctici eleuationes compositas. Nam pro locorum & climatum uariatione, uariātur dies, noctes: ascensiones, descensiones, ortus, occasus signorum & stellarum, & alia. Dicuntur autem tympana à similitudine tympani, cuius planiciē referunt.

Quot sunt considerata in Tympano quolibet?

Tria: Circuli, Lineæ, Arcus.

Quotuplices sunt Circuli?

Duplices: Primarij & Secundarij.

Quot sunt Primarij?

Tres: Minor, Medius, Maior.

Qui nam est Minor?

Est circulus Cancri seu tropicus æstiuus,

Qui?

Qui nam est Medius?

Est æquinoctialis seu circulus Arietis & Libræ.

Qui nam est Maior?

Est circulus Capricorni seu tropicus hyemalis uel brumalis. Et sanè circulorum projectionem Astronomi terminarunt in tropico Capricorni, ne descriptio instrumenti moderatum terminum excederet. Nec uero ideo Astrolabiū imperfectionis argui potest. Nā spherę portionem à dicto Tropico abscissam ad polum australem, quę in instrumento non apparet: supplere potest portio, quę à Cancrī tropico ad reliquum polum, quod instrumenti centrum est, sumitur: ut scilicet hæc illius uice fungatur, mutatus tantum signorum nominibus & latitudinum partibus: uidelicet ut Cancer Capricorni, & cætera cæterorū, singula singulorum oppositorum signa nomen & officium induant: & ut latitudo septentrionalis, appelletur australis, & econtrā. Nam si eum isto nostro Astrolabio ad Antæcos nostros migraremus, hanc permutationem per totum instrumentum facere cogeremur. Nec magnus labor est, si cæteris intactis, opposita quæq; bina signa commutent inuicem nomina: utq; polus tangens planum Astrolabij sit australis: ille autem unde radij ad planū fluunt, septen-

septentrionalis. Huc accedit, quòd si portio illa relictà describeretur in planum, postularèt immensum spacium.

Quottuplices sunt circuli Secundarij?

Duplices: Progressionum & Verticales.

Qui nam sunt Progressionum?

Sunt circuli altitudinum & depressionum Solis, planetarū & stellarum, descripti in hemisphærio seu medietate superiori, uersus armillam: quorum quidam sunt integri, quidā mutili. Vocantur autem circuli Almicantarath & Coronæ à figura.

Quot sunt circuli progressionum?

In perfectis Astrolabijs scribuntur 90. tot enim sunt circuli à quouis horizonte corporis sphaerici in Zenith & unumquodq; Almicantarath ualet gradum unum.

Quomodo uocatur extremus & primus circulus Almicantarath?

Vocatur Horizon obliquus: qui est circulus hemisphærij habitationis oblatae. Centrū autem ultimi Almicantarath est Zenith regionis, climatis, aut oppidi, ad quod matris superficies descripta est: itaq; rectè polus horizontis dicitur. Zenith autem regionis, climatis, aut oppidi punctū est, directè huic suprapositum, Latine punctum uerticale.

Quid

Quid sunt circuli Verticales?

Sunt circuli imperfecti aut arcus circulorū per uerticem capitis seu Zenith transeuntes: qui dicuntur circuli Azimuth: & circuli altitudinum ac rectitudinum: quod per hos recte scimus, in qua mundi parte quæuis stella oriatur aut occidat. Secant autem singulos quadrātes in nonagenos gradus: essentq; 180. si omnes Astrolabio inscriberentur: & horizon tem (si totus astrolabio insertus esset) diuiderent in 360. gradus. Atq; hæc de Circulis.

Quottuplices sunt lineæ tympani?

Duplices: Diametrales & Crepusculinæ.

Quænam sunt diametrales?

Sunt duæ lineæ rectæ, intersecātes se in centro tympani ad angulos rectos: unde & diametri instrumenti appellantur.

Quænam est prior lineæ?

Quæ descendit ab armilla per centrum ad oppositam partem: & dicitur lineæ mediæ cœli: habetq; duas partes. Nam superior quæ est supra horizontē, dicitur lineæ meridiei: quod Sol ascendendo si ipsam tangit meridiem efficit: & descendendo ad occasum uergit. Inferior uerò quæ sub horizonte in septentrionē protenditur, dicitur angulus terræ, aut lineæ

me-

mediæ noctis: quod Sol post occasum eam contingens, mediam efficiat noctem.

Quæ nam est altera linea?

Quæ interfecat lineam mediæ cœli orthogonaliter. Estque horizon rectus, eorum qui habitant sub æquinoctiali: eiusque itidem sunt due partes: Vna sinistra, seu orientalis, quæ ab oriente in dextram seu occidentem protenditur: altera dextra seu occidentalis ab occasu syderum & diei. Hæc linea horis efficitur per primos Solis orientis radios aut gnomonis umbram, dum idem primum punctum Arietis aut Libræ adierit.

Quid sunt lineæ crepusculinæ?

Sunt due lineæ inter arcus horarios descriptæ, quibus initium diei & noctis secundum uulgus accipitur.

Quotuplices sunt arcus tympani?

Duplices: Horarij & Domiciliorum cœli.

Qui nam sunt arcus horarij?

Sunt decem arcus horarum temporalium seu inæqualium, sub horizonte obliquo in inferiore parte astrolabij descripti: quia tropico per æquatorem tendunt in alterum tropicum: & linea mediæ noctis, horizonteque obliquo assumpris, duodecim horas constituunt, quæ
fin-

singulæ numeris designantur. Quarum dextra lineatio interdiu antemeridianis horis: sinistra pomeridianis accommodatur. Noctu dextra horis ante conticinium: sinistra post conticinium seruit.

Qui nam sunt arcus domiciliorum?

Sunt quatuor arcus, ab una parte circuli Capricorni, per intersectionem horizontis obliqui & lineæ mediæ cœli, in alteram partem eiusdem circuli Capricorni uergentes: qui una cum horizonte & lineâ mediæ cœli, 12. cœlestia domicilia constituunt, & mira quadam facilitate distinguunt. Vocanturque cuspides, aut lineæ initiales 12. domorum. Atque hæc de tympano. Sequitur Rete.

Quid est Rete?

Est pars Anticæ, quæ tympani incumbit. Dicitur etiam Aranea & Voluellum. Rete aut aranea ob similitudinem quâ cum his rebus habet. Voluellum uerò à uoluendo, quod ad demonstrandum cœlestis sphaeræ uolubilitatem, & horarum æqualium & inæqualium, aliarumque cœlestium rerum uarietatem circumuoluatur.

Quot sunt in eo considerandæ?

Duo: Circuli & Stellæ clariores.

Quotuplices sunt Circuli?

Duplices: Concentrici & Eccentrici.

Qui-

Qui nam sunt Concentrici?

Qui cum Anticæ matre idem centrum habent: suntque tres, Tropicus Cancrī, Aequinoctialis, & Tropicus Capricorni.

Qui nam sunt Eccentrici?

Qui diuersum à matre centrū habent: estque unus, Lineæ eclipticæ seu Zodiaci: qui diuiditur in signa 12. (quorum quodlibet in 6. partes diuisum est) & circulos duos: quorū unus habet gradus, alter numeros graduum per 10.

Quæ nam sunt stellæ Retis?

Stella polaris, Alrukaba. 3. magnitudinis,	} Arietis signo.
Pectus Cassiopeæ, Scheder. 3.	
Vmbilicus Andromedæ, Mirach. 3.	
Venter Ceti, <i>κατάκλυτος</i> . 3.	

Caput Argol. 2.	} Tauri.
Naris Ceti, Mēckar. 3.	

Oculus Tauri. 1.	} Geminorum.
Sinister pes Orionis, Rigel. 1.	

Canis maior, Sirius, Alhabor. 1.	} Cancrī.
Canis minor, Procyon. 1.	

Cor Leonis, seu Rex. 1.	} Leonis.
Lucida hydræ, Alphard. 2.	

Crater.	} Virginis.
Cauda Leonis. 1.	

Cauda ursæ. 2. —————
 Vindemiator.
 Sinister humerus Bootæ, Cegnus. 3. } Libræ.
 Algorab. 3.
 Spica uirginis. 1. —————

Corona septentriionalis. 2. }
 Palma sinistra serpentarij. 3. } Scorpionis.
 Cor scorpij. 2. —————

Caput draconis. 3. — }
 Caput Herculis 3. } Sagittarij.
 Caput Serpentarij. 3. }

Aquila aut uultur uolans. 2. }
 Lyra VVega. 2. ————— } Capricorni.

Cauda cygni. 2. }
 Delphinus. } Aquarij.
 Muscida equi. — }

Humerus equi, Marfab. 2. }
 Crus aquarij, Scheat. 3. } Piscium.
 Umbilicus equi. ————— }

DE POSTICA ASTROLABII.

Quid est Postica?

Est pars Astrolabij posterior, eaq; plana deseruiens circulis altitudinis, orbibus signorū, mensium & dierū, solarío & scalæ altimetræ. Vocatur etiam Dorsum Astrolabij.

Q

Quot

Quot sunt in ea consideranda?

Tria; Circuli, Scala altimetra, Solare horarium.

Quotuplices sunt circuli Posticæ?

Duplices: Concentrici & Eccentrici.

Qui nam sunt Concentrici?

Illi qui in limbo sunt descripti: qui in quadrato est diuisus, duabus diametris se inuicem orthogonaliter in centro secantibus: in quo regula clauo inserta & circa centrum uolubilis, transmissa per tabellarum foramina radio, indicat astri supra horizontem eleuationem, siue distantiam à Zenith regionis, quæ computatur in circulo altitudinis, quem repræsentat limbus instrumēti. In quo limbo præter gradus 360. alter circulus continet signa Zodiaci, tertius, gradus signorū.

Qui nam sunt Eccentrici?

Sunt circuli mensium & dierum intra limbum in spacio interiori cōprehensi: & signis Zodiaci respondentes. Debent autem eccentrici esse, ut maiori numero dierum detur maior arcus. Nam hoc nostro tempore, quoniā Aux eccētrici solaris est in principio Cancrī, Sol peragit semicirculum æstiuum Zodiaci, in diebus ferè 187. scilicet à die 10. Martij, usque

que ad 13. Sept. reliquum uerò semicirculum in diebus 178.

De scala altimetra seu quadrato quod in dorso Astrolabij describitur, supra in quadrato instrumento diximus. Solare horarium quidam omnino reſciunt in dorso Astrolabij, quod nō innitatur certis Geometriæ fundamentis.

Sunt autem adhuc duæ partes Astrolabij, Almuri & Alhidada. Almuri est index in aranea, in principio Capricorni in limbo adhærens, ad indicandos, supputandosq; gradus exterioris limbi, per quos aranea tota circumcentralem clauum uersata circumducitur. Alhidada uerò est regula uolubilis in dorso circa clauum centralem instrumenti: in qua linea recta per centrum ducta dici solet linea fiducia (sicut & in indice araneæ) super quam directè locari debent duæ pinnulæ perforatæ, foraminibus binis maioribus & minoribus: quæ transitum solaris lunaris uel radij uel stellæ uisionem transmittāt, ad obseruandam altitudinem. Maiora enim foramina pro stellis uagis & firmis, noctu: minora pro radijs Solis interdiu obseruandis seruiunt.

Quis est usus Astrolabij?

Suspenſum ex armilla Astrolabium, ut libere, utq; ad perpendicularum pendeat, uertatur uersus astrum quod obseruatur: & eleuata

aut depressa regula, ita ut Solis Lunæue, aut astri, radius per foramina tabellarum trāsmittatur: capiatur in limbo graduum numerus inter regulam & diametrum dorſi trāsuersam comprehensus: tanta enim erit Solis, lunæue aut stellæ altitudo. Mox in facie Astrolabij, uoluatur super clauum suum centalem aranea, donec locus Solis uel astri cadat super parallelum siue Almicantarath horizonſis, qui determinat altitudinem in dorſo dudum acceptam: super partem quidem horizonſis orientalem, si obseruatio fuit antemeridiana: aut occidentalem, si fuit pomeridiana: motaq; super locum Almuri, in limbo horam instantis notabit. Sic enim aranea cum Zodiaco & locis stellarum in ipſo instrumento ſiſtetur ad ſitum cœleſtis Zodiaci: & quicquid de aranea in Astrolabio super horizonſem extat, id & in cœlo extat: & quicquid ibi latet sub horizonſe, latet etiam in cœlo. Vnde gradus Zodiaci in instrumento tangens peripheriam orientalem horizonſis (quæ ſcilicet ad læuam tibi eſt) erit gradus ascendens ad inſtans obseruationis. Gradus autem oppoſitus cadens super peripheriam horizonſis occidentalem, erit cuspis ſeptimæ domus. Duo autem gradus super lineam meridianam cadentes, & oppoſiti, erunt gradus mediꝝ cœli ſupra terram, & mediæ noctis, quę ſunt culpidēs ſiue anguli de-

li decimæ & quartæ domorum. Voluatur deinde aranea, donec locus Solis cadat super horizonem occidentalem: Nam peripherio limbi, per quam mouetur Index seu Almuri, indicat tempus inter instans obseruationis & occasum Solis elapsum uel elapsurum. Similiter habebis tempus inter instans dictum & ortum Solis, aut inter instans ipsum & meridiem, siue mediam noctem cadens, loco Solis eousque per motum araneæ deducto & arcum limbi, per quem mouetur index, capiendo: si pro quindenis gradibus horas singulas & pro singulis gradibus quaternæ horæ minutias acceperis. Vnde & arcus diurni ac nocturni Solis & astrorum in horizonte tuo innotescunt: item ascensiones ac descensiones Solis ac stellarum tam rectæ, quam obliquæ: & differentiæ ipsarum ascensionum: nec non declinationes in ipsa linea meridiana utrinque ab æquatore computandæ. Accepta denique hora potes præcisius, si lubet, ad ea loca planetarum cum ascendente, cæterisque domibus per diarium, siue per quasuis tabulas supputare. Sed ex ascendente notescunt aliæ domus, secto in 12. arcus æquales Zodiaco. Hæc distinctio à Ioanne Schonero, & Nicolao Capernico, aliisque commendata fuit ac probata. Hæc enim solaris orbita (per quam annuo & perpetuo motu fertur) hic unicus mundi oculus, hæc

unica & admirabilis uniuersi lampas, hic uenerabilis astrorum princeps, hic naturæ minister & temporis mensurator: hæc inquam notabilis semita (quàm Luna & planetæ cæteri, hinc inde ad Solis nutum & regulam obambulāt) hic inquam notabilis circulus, prouidentia diuina obliquatus & ad generationes rerum accommodatus: tantæ est excellentiæ, tantæ dignitatis, tantæ prærogatiuæ, ut non solum 12. domorum diuisio, sed etiam aspectuum ac radiationum dimensio: item omnis directionum ac profectionum computatio in eius peripheria & arcubus computanda & numeranda ac distribuenda sit. Quam directio si consideretur in æquatore, parum discrepet à Zodiaco. Vnde sequitur ut omnis alius calculus, uel secundum Campanum, uel secundum Gazulum, uel secundum Regiomontanum circa æquandas domos, omnisq; labor circa positionis circulos ad dirigendos significatores siue promissores, sit frustratorius & inanis: & ut omnia secundum Zodiaci longitudinem sint considerata.

DE ARMILLIS.

Quænam est Fabrica Armillaris instrumenti?

Duæ: Armillæ fiant: quarum una Zodiacum, altera colurum solstitionum representet.

In polis Zodiaci (qui scilicet in ipso coluro iacent) duo clauiculi interius & exterius prominentes figantur: in quibus duæ armillæ (una interior, altera exterior) ipsi Zodiaco cōtiguæ super ipsos clauos (qui poli sunt Zodiaci) facile circumduci possint. Zodiacus & interior armilla distinguatur in gradus: & interior habeat regulam cum pinnulis foraminatis circa centrum uolubilem. Mox in polis mūdi (qui sunt in directo coluro, & à polis Zodiaci per arcum maximæ declinationis solaris distant) duo clauī figendī sunt, axem mundi repræsentantes: quī clauī sunt inserēdi in foraminibus duobus diametraliter oppositis in quinta armilla totum instrumentum complectente & meridianum repræsentante.

Quis debet esse situs Armillæ?

Armilla in ipso meridiano sistenda est, ac firmanda in basim, ita ut poli mundi eleuati sint secundum situm & latitudinem loci; unde sequetur, ut axis instrumenti æquidistet axi mundi, super quo fit motus diurnus coeli: & ipse meridianus perpendiculariter instet horizontis plano.

Quis est usus Armillæ?

Instrumento ita, ut dictum est, collocato, si per locum Solis eognitum, uelis locum Lunę

cognoscere, quando scilicet interdium uidetur utrumq; luminare: pone armillam exteriorē super locum Solis in Zodiaco, & ibi eam firma. Inde uolue totum instrumentū super polos mundi, uersus Solem, donec utraq; armilla (scilicet Zodiacus & dicta exterior) sese obumbret (ut scilicet linea loci Solis iaceat in diametro communi harum duarum armillarum: quæ sectio communis est Zodiaci cum armilla tunc determinante longitudinem Solis. In tali enim situ Zodiacus instrumenti, Zodiaco cœlesti respondebit: hoc est, situs huius, illius situi. Tunc itaque instrumento sic fixo ac firmato, uolue armillam intrinsecam cum regula sua & pinnulis ad Lunam, donec per foramina aut acies pinnularum Lunam in cœlo uideas, aut Lunæ radius per ipsa foramina transmittatur. Nam tum armilla interior in peripheria Zodiaci indicabit locum longitudinis Lunæ: & eiusdem armillæ arcus inter Zodiacum & regulam comprehensus, erit latitudo Lunæ.

Non aliter per locum Lunę cognitum, planetarum & stellarum loca singula in longitudine ac latitudine assequeris. Sed locum Lunæ hīc intellige uisum non uerum: quorum locorum diuersitas seu differentia dicitur diuersitas aspectus, *παράλλαξις*. Quod si observatio fiat Luna existente in medio puncto semicir-

micirculi Zodiaci extantis : diuersitas aspectus in longitudine nulla erit : & quanto Luna fuerit uertici horisontis uicinior, tantò diuersitas in latitudine minor erit. Instrumentũ tamen semper rectificari poterit, secundũ uisum Lunæ locum in longitudine.

Similiter per locum alicuius stellæ cognitum, poterit inueniri alterius astri tam in longitudine, quàm in latitudine locus. Nam in astris superioribus, ac fixis stellis diuersitas aspectus est insensibilis : quandoquidem terra firmamenti respectu puncti instar habet : & proinde centrorum instrumenti & terræ distantia nullam sensibilem differentiam obseruationibus dictarum stellarum affert. Hæc de instrumento armillari ex quinto magnæ constructionis Ptolemæi in Tummam redacta sint satis. Sed his qui armillis carent, satis superq; fuerit Quadrans : & pro miraculo Astrolabiũ uix intellectum ostentatur : adeo terrenorum curis inuoluimur.

DE SPHÆRA SOLIDA.

Quid est Sphæra solida?

Est instrumentum Astronomicum circulare & solidum, ex armillis seu circulis constructum : eo modo coaptatis & distinctis ut oculis situm, & motum circulorum in primo mo-

bili seu sphaera naturali imaginatorum, exprimat: Græci sphaeram *κεινοτόν ἀπὸ τῶν κεινῶν* appellant. Vocatur etiam sphaera materialis seu artificialis.

Quænam est eius fabrica?

Primo coluros extrue, qui ad angulos rectos sphaericos se interfecent: his axem apta: deinde æquatorem cum ambobus tropicis, sed æquatorem in medio, tropicos ab æquatore distantes 23. gradibus & 51. minutis: hoc est, 24. gradibus ferè. Circulis autem per quadrantes diuisis, ipsorum quidem quadratum sunt nonageni gradus: secundum hanc theoriam oportet reliqua quoque spacia in circulis diuidere. Quadrans enim primo in tres æquas partes diuiditur: hæ deinde rursus in ternas alias: denique hæ singulæ in denas. Atque ita in quouis quadrante 90. gradus emergunt. His sic confectis, facile est reliqua uel addere uel demere. Nam unica hac distantia seruata 24. graduum ferè: spacia in sphaera facile noscuntur. Tot enim gradibus distant Tropici ab æquatore, atque arctici à suis polis: & Zodiacus ab altero Tropico ad alterum ita ponitur, ut ecliptica ambos contingat: scindat autem æquatorem super coluro æquinoctiorum, appropinquet uero polis super coluro solstitiorum. Postremo meridianus & horizon aptentur

etur secundum ipsorum descriptionem: Meridianus per polos mundi, horizon per omnes partes mobilis: & parata est sphaera pro ostensione decem circularum, de quibus supra diximus. Potest autem & alijs modis ac fortassis subtilioribus sphaera componi: sed cauendum est ne circularum multitudo officiat rudibus: qui magnificam descriptionem uelit, adeat Ptolemæum lib. 8. magnæ constructionis. Cæterum cum in circularum peripherijs pinguntur numeri, incipiendum est ab æquatore polos uersus, ut 90. ubiq; ueniant in polos: idq; in Coluris qui mensurant latitudinem terræ, quæ à polo ad polum intelligitur: sed ab occasu in ortum satis est suos singulis quadrantibus dedisse nonagenos gradus, initio ab occasu sumpto. In æquatore & Zodiaco 360. frequenter pinguntur, in tropicis ac extremis circulis omitti possunt: in meridiano similiter: in coluris, intelliguntur: in horis libera est, ubi initium statuas, aut omnino omittas. Ex his omnibus Geographus maxime opus habet memoria 90. graduum in singulis quadrantibus: deinde 30. in singulis signis: deniq; 24. ferme in distantia tropicorum & extremorum circularum: nam minorum rationem astronomo relinquere potest.

Quis debet esse situs Sphærae?

Opus erit quadrante, qui à uertice horizon-
tis (quod summū in meridiano punctum est)
ad horizontem descendens, in q̃ 90 partes di-
uisus: terminet stellarū altitudines supra ho-
rizontem. Nam reuoluta sphæra, donec stel-
la (cuius nota sit prius altitudo) statuatur in
pūcto suæ altitudinis in peripheria dicti qua-
drantis terminato: iam tota sphæra sistetur in
eo instanti ad situm sphæræ cœlestis: id est, fir-
mamenti.

Quis est usus Sphæræ?

Sphæra, sic ut diximus, collocata, consta-
bit in ipsa, quæ stellæ ad talem horizontem
oriantur, quæ occidunt, quæ ue in meridiano
consistant. Item quæ in perpetuum delitescāt
& quæ occasum nesciant: & quo pacto, dum
poli mundi sistuntur in horizonte: hoc est, in
sphæra recta, uniuersa astra oriantur & occi-
dant: & quo pacto, dum polus collocatur in
uertice summo meridiani, dimidiū cœli nun-
quam occidat, ac reliquū dimidium (quoniā
ibi æquator unitur horizonti) nūquam oria-
tur. Item constabunt stellarum declinationes,
ascensiones, arcus diurni ac nocturni: & re-
liquæ reliquorum situum pas-
siones.

LIBER XII. DE SPHÆRA NONA.

Quid est sphaera nona?



ST orbis æthereus qui præter alienum motum diurnum primi mobilis, proprio motu ab occasu in ortum fertur super eclipticam lineam & polos Zodiaci. Hæc sphaera, cum superiore, imaginaria est: neutra enim visu comprehenditur: sed ideo additur utraq; , ut octauæ sphaeræ tres motus diuersi possent ostendi. Nam hîc nonæ sphaeræ motus ideo ponitur, ut in octaua sphaera excusetur progressio stellarum fixarû. Etsi enim stellæ fixæ semper inter sese æqualiter distant & in Zodiaco & extra Zodiacum: compertum tamen est ipsas stellas in orbe suo secundum signorum successionem ab occasu in ortum progredi, quæ progressio cum tarda sit, diu nō animaduersa est. Centum enim annis fit progressio uno gradu. Vt Timocharis, qui uixit Alexandri tempore, & aliquandiu post ipsum: deprehendit Pleiades abfuisse à puncto uerni æquinoclii εἰς τὰ ἐπόμενα: id est, secundum successionem signorum gradibus ferè 30. Deinde anno duodecimo Domitiani, Agrippa comperit Pleia-

Pleiades abesse ab æquinoctij puncto gradibus ferè 34. Sunt autem inter Alexandri mortem & Domitianum anni 400. Nostro tempore Pleiades sunt in 22. gradu Tauri. Annis igitur 1400. inde usque à Domitiani tempore progressæ sunt gradus 18. Itaq; necesse est octavæ sphæræ plures motus tribui. Primum quidem mobile unum solum motum habet: nona sphæra duos: octava tres. Multi motum nonæ sphæræ vocant motū defectiōis, quod ut omnes inferiores sphæræ, ita & ipse deficiat à perfectione primi mobilis. Deficiunt enim à motu diurno, quem non assequuntur præcisè 24. horis, ut in decima sphæra. Hic autem motus sphæræ decimæ, non est priori contrarius: cum non sit super eisdem polis, neq; super eodem circulo. Videtur autē in hac sphæra præter defectum, niscus quidem esse quo Eclipticam tam accuratè sequitur. Atq; ea fuit causa cur naturalis eius sphæræ motus esse credatur, quē deinceps omnes inferiores sphæræ imitantur.

DE SPHÆRA OCTAVA.

Quid est sphæra octava?

Est orbis æthereus, non imaginarius ut duo primi, sed visibilis: ornatus & variatus toto agmine stellarum non errantium.

tium. Vocatur etiam firmamentum & sphaera stellarum fixarum, Græcis ἀπλανής. Est autē mundo ὁμόκεντρος, & abest à terra undiquaque æqualiter: & quidem 20081. terræ semidiametris & 30. scrup. At semidiameter 860. ferè miliaria continet.

Quot sunt in octava sphaera consideranda?

Duo: Motus & Stellæ.

Quot sunt in Motu consideranda?

Duo: Species & Periodus.

Quot duplex igitur est motus sphaerae octavae?

Duplex: Externus & Internus. Externus est Diurnus uel Tardus. Internus est Trepidans.

Quid est Diurnus?

Est motus externus, quo à decima sphaera seu primo mobili in die naturali semel tota super polis mundi ab oriente in occidentē circumagitur.

Quid est Tardus?

Est motus externus, quo à nono orbe trahitur ab occidente in orientem: qui alter motus animaduersus est ex stellarum fixarum progressionē. Hoc motu & apogea uisibilia (quæ in hac octava sphaera collocantur) mutari & lon-

longius proferri constat. Vt cum Ptolemæi tempore *ἀπὸ τοῦ* Solis fuerit in gradu 6. Geminorum: nunc est in secundo gradu Cancri: imò ut Copernicus obseruauit in 7. gradu, 50. minut.

Quid est motus Trepidationis?

Est motus octauæ sphæræ proprius, qui fit à septentrione in meridiē, super principia Arietis & Libræ. Hic motus etiam uocatur motus accessus & recessus. Fit autem super duos circulos, quorum poli sunt initia Arietis & Libræ nonæ sphæræ: qui describuntur ab initijs Arietis & Libræ octauæ sphæræ.

*Cur recentiores addiderunt duas sphæ-
ras?*

Omnis antiquitas credidit octauam sphæram esse primam: nec aliam super eam esse. Verum Neoterici duas alias, decimam & nonā, adiecerunt, persuasi his hypothesibus seu postulatis physicis:

1. Cuiusuis corporis simplicis unicus est motus per se. Corpora autem simplicia sunt cælum & 4. elementa. Animalium quidem motus est in omnes positionum differentias ratione animæ: sed ex prædominante elemento eorum motus est deorsum: & motus per se est secundum naturam internam: motus autem per accidens est præter naturam ab aliquo externo.

2. Omne corpus quod pluribus motibus mouetur: unum per se habet: alterum per accidens.
3. Superior sphæra mouet & secum rapit inferiorē, non autem contrā. Hic autem motus naturalis est impressio: non coactio aut uis. Neque enim in cœlo quicquam est uiolenti.
4. Stellæ mouentur ad motum sphæaræ, ut clauus ad motum rotæ. Ex his postularis physicis, sic demonstrationem extruunt recentes.

Corpus quod mouetur pluribus motibus, unum per se habet, reliquos per accidens. Propositio est hypothesis secunda.

At octaua sphæra mouetur tribus motibus: id quod experientia constat.

Octaua igitur sphæra unum habet per se, reliquos per accidens: unde sequitur duo adhuc supra eam esse corpora. Quia tres isti motus non possunt octauæ soli per se conuenire per primam hypothesein: ergo alijs conueniunt, per secundam hypothesein. Sed non possunt inferioribus corporibus per tertiam: superioribus igitur ac rursus nec uni superiori per primam: ergo superioribus duobus. Sunt igitur adhuc duo corpora supra 8. sphæram, etiamsi uisu nō conspiciantur.

Cur tribuitur octauæ sphæaræ motus trepidationis?

Ut hæc irregularia excusentur, quod uide-

R licet

licet progressio stellarum fixarum aliàs est tardior, aliàs celerior: quòd aliàs uersus oriẽtem, aliàs uersus occidentem, aliàs uersus mèridiẽ, aliàs uersus arcton prouehi uidentur. Itaq; in summa 4. causæ sunt propter quas hic motus tribuitur octauæ sphæræ.

1. Quia progressio fixarum stellarum non est æqualis.

2. Quia quædam stellę, quæ fecerunt uici-
næ æquinoctiali, recesserunt longius uersus boream & e contra. Multa exempla recitatur à Ptolemæo: sed illud re est de stella in extrema cauda Cynosuræ, quæ uocatur stella polaris. Hæc Hipparchi tempore distabat à polo æquatoris circiter gradus 12. hodie tantum 4. gradibus inde distat: quare propter propinquitatem stella polaris dicitur.

3. Quia anticipant nunc æquinoctia & solstitia, ita ut nec intersectio uerna (quæ est uera & fixa in decimo orbe) non sit nec maneat in prima stella Arietis octauę sphærę. Vt cū Metonis Attici tempore (qui mortem Alexandri præcessit annis 108.) prima stella Arietis fuerit in ipsa intersectione uerna: postea Hipparchi tẽpore eadem prima stella Arietis inspecta est post intersectionem uernam 4. gradibus: Ptolemæi tempore 6. gradibus: nostro tempore iuxta Vverneri considerationẽ gradibus 26. minut. 54.

4. Quia

4. Quia uariatur maxima Solis declinatio: id est, distantia puncti solstitialis à circulo æquinoctiali. Hæc differentia efficit insignes umbrarum differentias: & mutat ascensiones signorum, quantitatem diei, distantiam poli mundi à polo Zodiaci octauæ spheræ, puncta æquinoctiorum: unde difficile est præcisam quantitatem anni reperire.

Quod nam tempus est seu periodus motuum octauæ spheræ?

Aggregatū, ex motu nonæ & octauæ spheræ, quod ad progressionem fixarum stellarum attinet, singulis centum annis ferè gradū conficit: aliàs tamen hic ipse motus tardior, aliàs celerior est. Alter motus in austrum & septentrionem, seu accessus & recessus tardior est, ita ut declinatio maxima Solis paulatim à Ptolemæi tempore diminuta sit. Atq; hæc motu octauæ spheræ: sequitur de Stellis.

DE STELLIS FIXIS.

Quid est Stella?

Est densior pars sui orbis, ut ait Arist. lib. 2. de cælo. Vel, est corpus lucidum, cælo adhærens, & quasi leue, politumq; speculū in quo radij solares refracti ad terrā deferuntur. Græci stellas ἀστέρας & ἀστέρα uocant: sed ἀστέρα qui-

dam ex pluribus uicinis stellis coactas & conformatas effigies nominare malunt, ut Latini sidera: ἀστέρας uerò singulas stellas. Nomen sortitæ sunt ἀπὸ τῆς ἀστραπῆς: id est, à fulgore: ἀστραπή uerò quasi ἀναστροφή dicitur, ὅτι τὸς ὥπας ἀναστρέφει: quòd ad se uisum conuertit.

Quotuplices sunt Stellæ?

Duplices: Fixæ & Errantes. ἀπλανῆς καὶ πλανῆς ὕδται.

Quænam sunt fixæ?

Quæ octauo orbi inhærent, & scintillant. Dicunturq; fixæ, non quòd immobiles consistant: sed quòd tardissimo motu, quem sensus non percipit, sed artifices ratione & obseruationibus comprehendunt, immutabilibus semper spatijs disiunctæ à se iuicem, uelut in parallelis prouehantur in suo orbe. Ptolemæus, Aristillidis, Timocharis, & Hipparchi obseruationibus collatis ad ea, quæ ipse cognouerant, centum annis eas unum conficere gradum animaduertit. Copernicus recens examinatis ueterum obseruationibus, ἤςq; ad φαινόμενα à se notata comparatis, deprehendit annis non amplius centum, sed 72. diebus stellas unum emetiri gradum, & quolibet anno Aegyptio (qui 360. dies continet) easdem 50. scrupula secunda, uno die 8. scrupula tertia, 10. quarta peragrarè. Integram uerò con-

uers

uersionem annis uicies quinquies millibus octingentis & sedecim absolueret. Stellarum autem fixarum uires dissimiles & uariæ sunt, sicut etiam supra in Zodiaco diximus. Sirij ortum omnis antiquitas obseruauit & iudicauit noxios æstus efficere, sicut Homerus testatur Iliad. κ:

Τὸν δ' ὁ γέρον πρίαμ' ἔπειτ' ἰδὲν ὀφθαλμοῖσιν,
παμφάνοντ' ὥστ' ἄστ' ἐπεδύναντο πεδίοιο,
ὅς ῥά τ' ὀπώρας ἔσιν, αἰετῆροι δ' οἱ αὐγαί
φάνονται, ποταοῖσι μὲν ἄσρασι νυκτὸς ἀμολγῶ,
ὅρ τε κινὴν ὠείον' ἐπὶ κλησὶν καλέεσιν:
λαμπρότατ' ἔστι δ' ἑστὶ, καὶ δὲ τι σῆμα τέτυκται,
καί τε φέρεται ποταμὸν περὶ τὸν δαίμοσι βροτοῖσιν.

Hyadum ortus & occasus turbidi sunt, & pluuias fundunt: unde & nomen eis factum est ab ὕα: id est, pluere: & Virgil. nominat pluuias hyadas: Plinius sydus uehemens, terra marique turbidum. Et manifestum est alias stellas humiditatum, alias siccitatum causas esse: ut humiditates adiuuant hyades, pleiades, præsepe, cum ad eas Luna accessit: nisi aliæ potentiores causæ, ut Planetarum positus in siccis locis, impediunt.

Quot sunt considerata in stellis
fixis?

Tria: Numerus, Differentia & φαινόμενα.

R 3

Quot

Quot sunt stellæ fixæ?

Veteres numerarunt 1022. Qui loca australia nostro seculo adierunt, plures se circa polum maximas ac lucidissimas conspexisse affirmant.

Quot modis differunt stellæ?

Tribus: Magnitudine seu splendore: Configuratione seu Asterismis, & Situ.

Quomodo differunt Magnitudine?

Quædam sunt Magnitudinis primæ: quarum 15. numerantur; & magnitudine ac splendore reliquas omnes, & mole terram centies septies cum undecim sexagesimis quartis superant. Est enim diametri earum ad diametrum terræ proportio quadrupla superpartiēs tres quartas: quæ 19. ad 4. Cum ergo per 18. prop. 11. elementorum, sphæræ sint inter se in tripla ratione suarum dimetientium, diametris cubicè multiplicatis, maioreꝝ cubo per minorem diuiso, colligitur differentia seu excessus. Harum tres sunt in plaga boreali: 6 in australi: 5 in Zodiaco.

Secundæ sunt 45. quæ terram excedunt ferè octogies septies. Est enim proportio diametri earum ad diametrum terræ quadrupla superpartiēs uiginti quinque sexagesimas, quæ est 256. ad 60. Harum in medietate boreali sunt 18. in australi totidem in, Zodiaco 9.

Tertiæ

Tertiæ sunt 205. quæ terram septuagies bis cum triente ferè superant. Proportio enim diametrorum quadrupla est sesquisepta, quæ est 25. ad 6. Sunt in boreali hemisphærio 81. in australi 60. in Zodiaco 64.

Quartæ sunt 477. quæ terra maiores sunt quinquagies quater & semisse terræ, uel paulò plus. Proportio enim diametrorum est tripla superpartiens quatuor quintas, quæ 19. ad 5. In plaga boreali sunt 177. in australi 167. in Zodiaco 133.

Quintæ sunt 217. quæ uincunt mole sua terram tricies semel. Proportio est tripla superpartiens tres tricesimas octauas: quæ 119. ad 38. In boreali sunt 58. in australi 54. in Zodiaco 105.

Sextæ sunt 49. quæ terram excedunt decies octies & paulò amplius. Proportio dupla superpartiens quinque octauas: quæ 21. ad 8. In boreali 13. in austrina 9. in Zodiaco 27.

His addiderunt obscuras ἀμώρες nouem: & nebulosas νεφελώδεις septem.

*Quomodo differunt Configuratione seu
Asterismis?*

Stellæ quædam ita collocatæ sunt, ut aliquam figuram seu effigiem exprimant: cuius similitudine nomen sortitæ sunt, ut agnosci facilius possent: imaginesque illas ἀστρογμός Hipparchus

parchus & Ptolemæus, ἰώδης Proclus, signa & sydera Plinius, constellationes uulgo appellat, quæ stellarum in certas effigies partitio, ex Phœnicia primò in Græciam peruenit, Phœnicibus autem à sanctis patribus post diluuium tradita est. Reliquæ stellæ quæ figuram non exprimunt, à Græcis ἀμόρφωτοι: id est, informes appellantur. Illarum autem sunt 48.

Quomodo differunt situ?

Illæ 48. imagines consistunt uel in Zodiaco ut 12. signa, quæ ἰώδης & δωδεκατημόρια dicuntur: uel in parte altera ut in hemisphærio septentrionali, aut meridionali.

Quot sunt imagines in parte arctica?

Viginti & una. Vrsa minor, Vrsa maior, Draco, Cepheus, Bootes, Corona borealis, Engonasis, Lyra, Auis seu gallina: Cassiopea, Perseus, Heniochus, Ophiuchus, Serpens Ophiuchi, Sagitta, Aquila, Delphinus, Equi sectio, Pegasus, Andromeda, Triangulus.

Quot sunt in australi?

Quindecim. Cetus infestus Andromedæ, Orion, Eridanus, Lepus, Canis maior, Procyon, Argo, Hydra, Crater, Coruus, Centaurus, Bestia quam Centaurus gerit, seu lupo, Ara seu thuribulum, Corona austrina, Piscis austri-

austrinus seu magnus, qui Venerem (cūm Typhonem fugeret) excepisse dicitur.

Definito mihi aliquas ex his insigniores?

Helice est maior urſa, Cynosura minor: utraq; arctos dicitur: inter utramq; est draco.

Bootes est ſyduſ quod Helicen ſequitur, aliās arctophylax: id eſt, cuſtos urſæ.

Arcturus eſt ſtella primæ magnitudinis inter Bootæ pedes: Græcè urſæ cauda.

Septentriones ſunt ſeptem ſtellæ, ſecundæ magnitudinis, in Helices ſydere: uulgo plauſtrum ab equorum, rotarumq; ſpecie.

Capra eſt lucidum ſyduſ ſeu ſtella primæ magnitudinis, læuo Heniochi ſeu aurigæ humero inſidens.

Hoedi ſunt duæ ſtellæ in aurigo, uel Erichthonij manu ſiniſtra.

Pleiades (quæ & Atlantides & Vergiliæ) ſunt ſeptem ſtellæ in dorſo Tauri, è quibus tamen ſeptima uix uidetur: nomen habent ἄρτεμειδῶν, quod ortu ſuo nauigationis tempus oſtendunt. Verno tempore oriuntur & autumnno occidunt.

Suculæ, quæ & Hyades ob plutiās dicuntur: ſunt ſtellæ quinque in eiſdem Tauri capite.

Sirius ingēs ſyduſ eſt in ore maioris canis,

R s

uulgo

vulgo Canicula : quæ cum horis matutinis exoritur, Solis æstus, caloremq; mirè adauget: alij uocant canem Orionis: quia eum sequitur.

Procyon est minor canis.

LIBER XIII. DE PHÆNOMENIS.

Quid uocas Phænomena?



PPARENTIA S cœlestes, quæ ex ortu & occasu stellarum, ratione primæ mobilis & motu Solis in Zodiaco fiunt. Vocantur etiam, tempestates certæ, statæ & regulares, ad differentiam fortuitarum, de quibus infra lib. 25. De Phænomenis scripsit Græco carmine Aratus, qui in eo opere Eudoxum secutus est, ut scribit Hipparchus, qui in utriusq; Phænomena commentarios scripsit, ex quibus intelligere licet magnum numerum doctorum uirorum & in uarijs artibus laudatorum, Arati opus uigilijs suis ornasse: quo significatur quanto in honore olim fuerit hæc rerum cœlestium cognitio, quæ hodie (quod dolendum est) penè iacet ignauia nostra, atq; omni dignitate spoliata est. Nam additis ipsis Latinis, insignibus, clarisq; in primis autoribus, Theophrastus

neq; Alexandrino, magno Mathematico (cuius eruditissimus, copiosissimusq; commentarius in Aratum extat) ad quinquaginta illi peruenerunt.

Quotuplex est Ortus & Occasus?

Duplex: Poëticus & Astronomicus.

Quid est ortus Poëticus?

Est ascensio uel descensio stellarum fixarum supra uel infra horizontem, quæ fit Sole una aut oriente aut occidente: uel earundem apparitio & occultatio, quæ fit Sole ad eas propius accedente uel recedente. Dicuntur ortus poëticæ: quia poëtæ his crebro utuntur: sicut & historici & rei rusticæ scriptores, cum tempora æquinoctiorum, solstitiorum, arationis, sationis, messis & aliorum operum rusticorum: item mutationes aëris & tempestatū describunt.

Quot sunt species ortus Poëtici?

Ortus & occasus duplex est: Verus & Apparens. Verus est rursus duplex: Matutinus & Vespertinus.

Quid est ortus Matutinus?

Est ascensio stellæ supra horizontem una cum sole oriente aut paulò post Solis ortum. Sed hoc modo orta non conspicitur: tegitur enim radijs solaribus, ut cerni nō possit. Vulgo ortus *νοστήριος ἀνατολή*.

Quid

Quid est occasus Matutinus?

Est descensio stellæ infra horizontem, sole è regione oriente. Vulgò occasus κοσμικὸς & δ'ύσις ἑώα.

Quid est ortus Vespertinus?

Est ascensio stellæ supra horizontē uesperina, sole è regione occidente. Vulgò ortus ἀκρόννηϛ & ἀνατολὴ ἀκρόννηϛ ἢ ἑσπέρια.

Quid est occasus Vespertinus?

Est descensio stellæ infra horizontē uesperina, sole unā aut paulò post occidente. Vulgò occasus ἀκρόννηϛ & δ'ύσις ἀκρόννηϛ ἢ ἑσπέρια.

Quid est ortus seu occasus apparens?

Est qui uulgo Heliacus dicitur.

Quid est ortus Heliacus?

Est stellæ (quæ paulò antè radijs Solaribus tecta erat) emerſio extra radios Solis, ut cōſpici manè poſſit: quod fit cū Sol à ſtella recedit & quaſi eandē detegit, ut manè ante ipſius ortum iterum conſpiciatur. Plinius hunc ortum uocat emerſum, Græci ἐπιτολή.

Quid est occasus Heliacus?

Est stellæ (quæ paulò antè poſt Solis occaſum ſupra horizontem occidentalem conſpiciebatur) occultatio, ut ueſperi poſt Solis occaſum

casum cerni non possit: propter Solis uicinitatem: qua stellas ad quas accedit, fulgore suo tegit & occultat. Plinius uocat occultationē, Græci κρύψιν & ἀφανισμόν. De his Poëticis ortibus sunt hi uersus:

Manè uehit supra terram tibi Cosmicus ortus

Sydera: sed Phoebi lumine tecta latent.

Manè dat Heliacus quædam subuecta uidere

Astra: sed Acronycus nocte uidenda trahit.

Ortus autem & occasus ueri: hoc est, Cosmicus & Acronycus, inter se permutantur, ut indicant hi uersus:

Cosmicè descendit signum, quod Acronycè surgit:

Chronycè descendit signum, quod Cosmicè surgit.

Ptolemæus libro 8. Almagesti cap. 4. & in Quadripartito has ortuum & occasuum species uocat σχηματισμοὺς: id est, configurationes & aspectus stellarum ad Solem: eorumque differentias nouem statuit.

*Quantum interuallum debet esse inter Solem &
stellam, ut appareat, uel dis-
pareat?*

Cum non sit equalis magnitudo stellarum, etiam interuallum non potest esse æquale: sed maiores minus requirunt, minores uerò maius. Itaque:

Stellæ	Fixæ	Magnitudinis	Primæ 12.	gradibus distātes, conspiciuntur. Vnde rectè Plin. lib 18. ca. 23. inquit, do drātes horarū, cum minimū, interualla ea desiderāt, ante Solis ortū uel occasum, ut conspici possint.
			Secūda 13.	
			Tertiæ 14.	
			Quartæ 15.	
			Quintæ 16.	
			Sextæ 17.	
		Errātes	Minutissimæ quæq; 18.	
	Saturnus 11.		graduum interuallo 2 Sole distans conspicitur.	
	Iupiter 10.			
	Mars 11 $\frac{1}{2}$.			
	Venus 5.			
	Mercurius 10.			
Luna certum interuallum non habet.				

Quomodo utuntur autores his Phænomenis?


Poëtæ, historici, rei rusticæ scriptores & alij autores solēt uel tempore expresso ortum & occasum generatim indicare, & speciem diuinandam relinquere: uel specie ortus & occasus expressa, tempus diuinandum relinquere.

Quid agendum cū tempus generaliter expressum est?

1. Considera quo in loco eclipticæ sit Sol, tem-

tempore ab autore expresso. Quod Ephemerides docent aut instrumenta.

2. Perpende locum eclipticæ, cum quo stella (cuius fit mentio) oritur uel occidit: eum cum loco Solis confer.



Quid agendum specie ortus & occasus expressa?

1. Perquire punctum eclipticæ, cum quo stella oritur uel occidit.

2. Confer occasus uel ortus speciem cum puncto eclipticæ, cum quo stella oritur.

3. Hæc coniuncta ostendent tibi locum Solis: ex quo tempus facile patebit.

*Quænam stellæ oriuntur cum locis eclipticæ
singulis?*

Stellæ in ipsa ecliptica aut non longè ab ea positiæ, cum iisdem punctis eclipticæ oriuntur & occidunt, in quibus consistunt. At longius ab ecliptica recedentes, uel ad septentrionem, uel ad meridiem: hoc non faciunt. Nam septentrionales oriuntur cum punctis eclipticæ uerum locum antecedentibus, & occidunt cum punctis uerum locum sequentibus. At meridionales contrarium faciunt. Oriuntur enim cum punctis eclipticæ uera loca sequentibus, & occidunt cum punctis uera loca antecedentibus.

Quænam sunt huius rei causæ?

1. Ecliptica, ad quam omnes stellæ referuntur. Hæc cum non moueatur super axe & polis proprijs, sed super axe & polis alienis, scilicet æquatoris seu mundi: ideoq; eius partes quædam sint uicinæ polo septentrionali, quædam meridionali, impossibile est eas cum ijs punctis oriri & occidere, ad quæ in ecliptica referuntur.

2. Eleuatio alterutrius poli, quæ alteram eclipticæ medietatē ad alterutrum polorum propius adducit, & ab altero longius abducit. Quare & propter hanc causam necesse est
stellas

stellas extra eclipticam positas, cum alijs Zodiaci signis oriri & occidere, quàm ea sunt in quibus consistunt. Nam ut stellæ cum iisdem punctis eclipticæ in quibus consistunt, oriantur & occidant: necesse est eclipticam super axe & polis proprijs moueri, ac in medio loco inter septentrionem & meridiem oriri & occidere. Quæ autem stellæ cum quo puncto eclipticæ in quouis terræ loco oriantur & occidant nostro seculo: ostendunt globi ad nostra tempora compositi: cum scilicet polus septentrionalis ad iustam tollitur altitudinem, & notatur punctum eclipticæ, cum quo stella oriens uel occidens horizontem stringit. Vide Hipparchum lib. 2. & 3. in Arati Phænomena. Atq; hæc de ortu Poëtico.

Quid est ortus Astronomicus?

Est ascensus & descensus signorum & partium eclipticæ in utroq; sphaeræ situ.

Quid est Ascensio signi aut arcus Zodiaci?

Est portio æquatoris, quæ cum eo signo uel arcu cooritur. Ptolemæo ἀναφορά.

Quid est Descensio?

Est portio æquatoris quæ cum eo signo uel arcu unà occidit.

Quotuplices sunt arcus Zodiaci?

Duplices: Continui & Discreti.

Qui nam sunt Continui?

Qui à puncto intersectionis uernæ continua serie mensurantur.

Qui nam Discreti?

Qui à quouis alio eclipticæ pūcto inchoantur, quàm signo æquinoctij uerni seu contactu mutuo eclipticæ & æquatoris.

Cur ortus & occasus partium signiferi numerantur non in ecliptica, sed in uicino æquatore?

Quia Aequinoctialis in quauis sphæra æquabili motu ita conuertitur, ut pari temporis spacio æquales de eo arcus oriantur & occidant. At Zodiaci partes dissimili motu circumaguntur. Cum igitur stellarum fixarum & errantium loca ad Zodiacum referantur, & motus quoque corporum cœlestium in eo considerentur, nec ascensiones partium eclipticæ (cū inæquales sint) depræhendi certò queant, nisi per medium aliquod regulare, quod sit norma, & mensura motus ideo in æquinoctiali numerantur, in quo singulis horis emergunt 15 gradus. Zodiaci uerò partes alię in exortu sui temporis plus requirunt, alię minus.

Plus

Plus requirunt, cum quibus maior æquatoris arcus oritur, quam Zodiaci est: & illæ dicuntur rectè oriri. Minus requirunt, cum quibus pauciores de æquatore gradus attolluntur: & illæ oblique ascendere dicuntur. Vnde etiam Ascensio duplex fit, Recta & Obliqua. Recta Græcè ἀναφορά ἐπὶ τῆς ὀρθῆς σφαίρας dicitur: Obliqua ἀναφορά ἐπὶ τῆς ἐκκλινένης σφαίρας.

Quot sunt regulæ Ascensionum in sphaera recta?

Duæ. Vna de quadrantibus: Altera de partibus quadrantum. Nam primò Quadrantes cōterminales æquatoris & eclipticæ, initium sumentes ab aliquo puncto cardinali: oriuntur equali & eodem temporis spacio. Cùm enim duo coluri, qui diuidunt tam Zodiacum quam æquatorem in 4. æquales quadrantes, se mutuo contactu in polis mundi secant ad angulos rectos sphericos & in sphaera recta uterq; polus innitatur plano horisontis: necessarium est utrumq; colurum in quauis integra cœli conuersione, bis in locum horisontis recti succedere, atq; quadrantes duorum circulorum, intra eosdem coluros comprehensos (cùm & ad circulum hemisphæræ eodem modo & secundum eosdem angulos inclinentur, & ab æquinoctiali æqualibus spatijs deflectant) pariter horisontē cōscendere.

Secundo partes illorum quadratum, propter uariam & diuersam obliquitatem seu declinationem dissimiliter oriuntur. In quadrantibus enim initio Arietis & Libræ succedentibus, si à cōmuni interfectione initium sumatur, & arcus confines inter se cōferantur: perpetuò de Zodiaco, plus, de æquatore minus emergit. In quadrantibus uerò succedentibus punctis solstitialibus, initio facto à coluro solstitorum, contrà: plus de æquatore, minus de Zodiaco prodit. Quadrantes tamen finiti omnes uno, eodemq; momento ad horizontē perueniunt. Posteriorum enim partium ascensionibus cuiuslibet quadrantis, aut deest quod supererat prioribus: aut superest, quod prioribus deerat.

Quæ nam sequuntur ex his duabus regulis?

Quatuor *ποσειματα*. I. Partes eclipticæ æquales & equaliter ab aliquo puncto cardinali remotæ, æquales habent ascensiones. Nam ab æquatore declinationem habent, in diuersas partes seu medietates, æqualem. Ideoq; cum horizonte recto angulos constituunt æquales.

II. Signa & partes, & signorum uel arcus eclipticæ quicunq;, quò uiciniores sunt punctis æquinoctialibus, eò oriuntur obliquius: quò

quod uerò sunt propinquiore punctis solstitialibus, eò oriuntur rectius. Itaq; tantum 4. signa uicina punctis solstitialibus oriuntur rectè, reliqua omnia obliquè. Quia arcus uiciniores punctis æquinoctialibus, cum horizonte recto constituunt angulos acutiores, quibus minus de æquatore respondet. Quare horum ascensio est obliqua. Viciniores autem punctis solstitialibus, angulos constituunt rectiores, quibus plus de æquatore respondet. Quare horum ascensio est recta.

III. Signa opposita, & partes eorum æquales, oppositæ; ascensiones habent æquales. *Nam:*

Quæ declinationem habent æqualem, ascensionē habent æqualem.

At signa & partes eorū oppositæ, ab æquatore declinationem habent æquale; ideoq; cum horizonte constituunt æquales angulos, quibus respondent arcus æquatoris æquales.

Signa ergo opposita æqualem habent ascensionē.

Item: Quæ uni tertio conueniunt, etiam inter se conueniunt & æqualia sunt.

At signa opposita, semper conueniunt uni tertio, cum quo æqualem habent ascensionem: per primum *πρῶτον*.

Signa igitur opposita, æqualem habent ascensionem.

III. Descensio signi cuiusq; est æqualis

& suæ & signi oppositi ascensioni. Quia cum quolibet tēporis momento conspiciatur cœli medietas: & sex signa supra horizōtem nequaquam id accidere posset, si unum tardius oriretur, quàm oppositum descenderet, *Item:*

Quæ est habitudo signōrum septentrionalium & eorundem partium ad horizontem orientalem: eadem est oppositorū meridionalium, ad horizontem occidentalem: & econtrā.

At angulos constituunt æquales ad utrumq; horizontem.

Ascensiones itaq; & descēiones æquales habēt.

Quæ nam sunt regulæ ascensionum in sphaera obliqua?

I. Tantum duo hemicycli Zodiaci, quid punctis æquinoctialibus principium ducūt, cum duobus æquatoris hemicyclijs confinis, pariter assurgunt. Cum enim æquator & Zodiacus se in punctis oppositis in æquales medietates intersecant: necesse est medietates inter puncta intersectionum comprehensas, æqualiter ad horizontem educi, deuoluiq;.

II. Partes tamen medietatum æquatoris & Zodiaci æqualiter orientium, nō oriuntur æqualiter: sed si continui arcus Zodiaci conferantur ad arcus æquatoris conterminales, semper in medietate septentrionali, plus oritur de Zodiaco, quàm de æquatōre: in meridionali

dionali uerò plus oritur de æquatore quàm de Zodiaco. Nam cum ecliptica æquatorē oblique cingat, necesse est ut alterius medietatis partes cum horizonte cōstituant angulos acutiores, alterius obtusiores. Cum igitur angulis acutis minus, obtusis plus respondeat, per 19. p. 1. Eucl. perpetuò minus de æquatore respondet eclipticæ medietati septentrionali, & plus partibus eclipticæ meridionalibus.

III. Signa & partes signorum, quod sunt uiciniora puncto æquinoctiali uernali, eò obliquius: quod uerò uiciniora puncto æquinoctiali autūnali, eò rectius oriuntur. Nam propter poli septentrionalis eleuationem, signa eorūq; partes, quæ sunt uicina puncto æquinoctiali uernali cum horizonte constituunt angulos acutiores, quibus minor portio de æquatore respondet: Vicina puncto solstitiali, cum eodem horizonte angulos constituunt obtusiores, quibus plus de æquatore respondet. Hinc *πρόσφατα* sequitur. In sphaera obliqua, quæ non excedit eleuationem 66. graduum: sex signa rectè oriri: reliqua oblique.

IIII. Signa & partes signorum æquales, æqualibusq; spacijs distantes ab alterutro punctorum æquinoctialium, habent ascensiones æquales. Quia habent declinationes ab æquatore æquales: ideoq; cum horizonte quolibet constituunt angulos æquales: quibus æqua-

les portiones equatoris respondent. Hanc regulam sequuntur 3. *πορίσματα*.

I. Signa opposita, non habent æquales ascensiones: quòd ea quanquam paribus intervallis declinent uersus oppositos mundi polos: tamen cum ab alterutro puncto æquinoctiali, non æqualibus arcibus disiungantur, necessario ad horizontem inæqualiter inclinantur.

II. Descensio signi non est æqualis eiusdem ascensioni. Quia nullum signum constituit cum horizonte orientali & occidentali angulos eosdem, sed uel angulum acutum cum orientali, & recto uicinum cum occidentali: uel contrà.

III. Cuiuslibet signi ascensio, est æqualis oppositi signi descensioni, & contrà: quia primò signa opposita ad horizontis loca opposita constituunt angulos eosdem, quibus de equatore respondent partes equales. Deinde nisi ascensio signi esset æqualis oppositi descensioni, & contrà: nunquam sex signa supra horizontem còspicerentur: sed uel pauciora, uel plura. Atq; hæc de stellis fixis. Sequuntur stellæ errantes seu Planetæ.

LIBER XIII. DE THEORICA

S O L I S.

Quid est Planeta?



PST stella erratica non scintillans. Nam sub eo orbe cui fixarum stellarum multitudo adheret, sunt septem orbes, quorum singuli unā uehunt ex stellis, quæ uocantur errantes seu Planetæ: non quòd uago, incertoq; motu oberrant, sed quòd uario, ac dispari circumferantur. Progrediuntur enim & retrocedunt, occultantur & aliquandiu delitescunt: post aperiant se rursus: antecedunt & consequuntur solem: incitantur & uicissim cursus inhibent: à Solis itinere in austrum aliàs, aliàs in boream excurrunt. Planetis orbes non ὁμόκεντροι, sed ἑτερόκεντροι tribuuntur: qui ut centra eorum à mundi centro distant: ita à terra inæqualibus spatijs distant. Puncta orbium à terra remotissima ἀπόγεια seu summæ apsidæ: terræ proxima περιγεια seu imæ apsidæ dicuntur. Cum ad illa perueniunt, recedunt maximè: hæc uero cum occupant, proximè ad terram accedunt. Hoc autem ordine sibi succedunt: Saturnus,

S 5 Iupi-

Iupiter, Mars, Sol, Venus, Mercurius, Luna,
de quo uersiculus:

Post SIM SVM sequitur:ultima Luna subest.

In singulis autem uel præcipuis eorum, octo consideranda sunt: Nomina, Natura, Proportio ad terrā, Motus seu uelocitas, Orbes, Effecta, Passiones & *φανέρωτα*.

Quomodo discernuntur planetæ

Discernuntur in Lumina & Stipatores: Lumina sunt duo, Sol & Luna: Solis uerò ceu regis familia est in reliquis quinque ceu stipatoribus: Cum itaque nunc occultentur, nunc rursus aperiantur: nunc adeant, nunc recedant, nunc antecedant, nunc subsequantur: nunc celerius moueantur, nunc tardius: nunc omnino ne moueantur quidem, sed ad quoddam tempus insistant: hinc Astronomi Solis principatum obseruarunt, docentque à Sole non solum lumen reliquis syderibus suppeditari: uerum uirtutes, officiaque præscribi, ut Saturnus propter diuturnam experientiam, reconditamque peritiam, uelut in regno Cancellarius sit. Iupiter ob æquitatem, moderationemque iudex. Mars propter ardorem, præses bellorum. Venus ob humidam & foemineam mollitiem, mater familiars. Mercurius quia sagax, scriba. Luna quia uelox & præpta, nuncia rerum (*postbot*) constituatur. Hæ autem
stellæ

stellæ quinque non solum ignea sua ui in sublimē leuātur: uerum etiam Solis radijs percussī ad cursum incitantur aut retrahuntur. Quoniam autem Sol ostendit nobis metas Zodiaci, & quasi dux est Planetarum: ab eo exordiemur.

Quid est Sol?

Est maius lumen cœli, in dominiū diei cōditum: cuius motu efficiuntur horæ, dies, annus. Eius sphaeræ summa apsis (quæ hodie 7. gradum Cancri tenet) abest à terra semidia. 1179. ima uero (quæ in loco opposito est) abest 1122.

I. Unde dicitur Sol?

Quia, ut Cicero ait, cum ortus est, reliquis obscuratis stellis, solus apparet. Græcè ἥλιος & τὸ ἀήρανα à perpetua circumuolutione: seu ut Eustathius in Homerum ait, ἥλιος τὸ ἄω: id est, splendo & spiro & ἥλιος: id est, caliditas: quia simul illustrat & calefacit aërem.

II. Quænam est natura Solis?

Sol totus lucidus, calidus & siccus mediocriter, fons est & autor caloris uitalis in omnibus nascentibus. Natura itaque eius est calefacere & deficcare lenius: est enim calor eius non, ut Martis, exitiosus: sed fouens omnia nascentia & uiuentia, ut quotannis in fecundanda terra,

terra, in gignēdis & maturandis frugibus cernimus. Ideoq; dictum est à Ptolemæo, Solem esse fontem uitalis potentiæ: Lunam naturalis: quod in rebus è terra nascentib; magis conspicitur. In his enim humorem à Luna aliuidemus: Solis autem lumine calefacta semina efficaciam concipere rapiendi alimentis ex terra & gignēdi fruges. Ita in animantium & hominum corporibus humores magis alit Luna; Sol iuuat motum & sensum.

III. *Quænam est proportio Solis ad terram?*

Sol maior est terra centies sexagies sexies cū tribus octauis. Proportio enim diametrorum est quintupla sesquialtera, quæ est 11 ad 2 secundū Ptolemæum: sed minorem esse tribus scrupulis Copernicus depræhendit, ut sit uera pportio 5 & 27 scrupulorū ad unū. Pro tribus igitur quæ desunt, si à triplicata Solis dimetiente auferantur 36. & reliquus diuidatur in triplicatā dimetientem terræ, colligetur uerus excessus, quo terrā solare corpus superat: excedit autem centies sexagies bis octaua minus. Est itaq; secundū Copernicum proportio quintupla superbipartiens duas quintas, quæ est 5 ad 27. Labet autem hîc interualla & amplitudines cœlestium orbium in tabella simul ob oculos ponere.

Semidiamete- ter maxi- mi circu- li in orbe	Lunæ.	☾	habet se midias metros terræ	18 $\frac{1}{1} \frac{1}{2}$
	Mercurij.	☿		116 $\frac{1}{1} \frac{1}{2}$
	Veneris.	♀		641 $\frac{1}{1} \frac{1}{4}$
	Solis.	☉		1165 $\frac{1}{1} \frac{1}{2}$
	Martis.	♂		5032 $\frac{1}{1} \frac{1}{2}$
	Iouis.	♃		11611 $\frac{1}{1} \frac{1}{2}$
	Saturni.	♄		17225 $\frac{1}{1} \frac{1}{4}$
	Stellarum fixarū	✠		20081 $\frac{1}{1} \frac{1}{2}$

Continet autem unus semidiameter terræ milliaria Germanica 860 ut supra diximus.

Deinde ipsorum corporum seu magnitudines, ex proportionē suarum dimetientium ad dimetientem terræ colligi possunt. Nam proportionēs corporum sunt triplicatæ suarum dimetientium. Triplicantur autem proportionēs per multiplicationem cubicam terminorum, Vt:

Dimetiens	Saturni	habet se ad dimetiētē terræ ut	9 ad 2	Terra is- taq; ma- ior est	Saturnus 92
	Iouis		32 ad 7		Iupiter 95
	Martis		7 ad 6		Mars semel
	Solis		11 ad 2		Sol 166

Luna est una quadragesima pars terræ. Quas Solis, terræ, Lunæ proportioni illustri demōstratione peruestigat Ptolemæus libro 5. Almagesti,

mageſti, ubi de canone parallaxium condendo agit.

IIII. Quotuplex eſt Motus Solis?

Motus Solis ſunt duo: qui quoniam in lineis ſeu axibus & polis diuerſis fiunt, Plato dixit mundum figura literæ χ copulatum eſſe. Eſt autem motus duplex: unus Diurnus, quo primū mobile quotidie ſecū orbem Solis ab ortu in occaſum rapit & totum circum terram circumagit. Alter Proprius, qui illi diurno, ut is naturis uiuentibus ſalutaris ſit, additus eſt tāquam temperator illius rapidiſſimi motus, qui eſt quotidie minorum 59, ſecundorum 8, tertiorum 19, quattorum 37. Hiſcuius efficit æſtatis & hyemis, ut terra poſſit fruges gignere: uariat dierum ſpacia: temperat primum illum motum. Nam ſi nullus alius motus Solis eſſet, præter hunc, quo à primo mobili quotidie circumuoluitur, Sol uno loco manens, eam ſemitam perpetuo æſtu uret & cæteræ regiones gelu duratæ, nihil gignerent. Fit autem motus proprius orbe Solis contra primum leniter nitente ab occaſu in ortum ſub Zodiaco: ſub quo & cæteri planetæ ab occaſu in ortum uehuntur mirando conſilio Dei opificis, qui his contrarijs motibus uno rapidiſſimo, altero lento & placido, leniter repugnante, naturam rerum gubernat

& temperat. Quod spectaculum multi sapientes intuentes, exempla inde transtulerunt ad imperia, in quibus cum magni & fatales impetus regum aut populorum magnas conversiones faciant, placidè occurrens sapientum moderatio multa mitigat. Estque hac comparatione usus Plutarchus in vita Phocionis: ὡς περ τὸν κλεινὸν οἱ μαθηματικοὶ λέγουσι, μήτε τὸ αὐτὸν ὡς ἑρῶν φερόμενον φορὰν, μήτε ἀντικρὺς ἐναντία καὶ ἀντιβάτικόν, ἀπὸ τοῦ καὶ παρυγκυκλιμένη πορείας σχήματι κρόμενον, ὑγρὰ καὶ ἐγκαμπῇ καὶ περιελισσόμενον ἑλικά ποιῶν, ἢ σώζεται πάντα καὶ λαμβάνει τὸν αἰετὸν κρᾶσις: ὅτως ἄρα τῆς πολιτείας ὁ μὲν ὀρθὸς ἄγαν καὶ πρὸς ἅπαντα τοῖς δημοσίοις ἀντιβάινων τὸν Θεόν, ἀπλῶς καὶ σκληρός. ὡς περ αὖ πάλιν ἐπισφαλὲς καὶ ἰάταντις τὸ συνιφερόμενον τοῖς ἀμαρτάνουσιν, ὃ πολλοὶ καὶ συνιπρόρρεπτον. ἡ δὲ ἀνθυπέκτοσα πάθομένοις καὶ διδύσα τὸ πρὸς χάριν, εἴτ' ἀπαιτῶσα τὸ συμφέρον ἐπισασία καὶ λυθέρνησις ἀνθρώπων, ποτὰ πράως καὶ χρησίμως παργόντων, ἢ μὴ πάντα δεσποτικῶς καὶ βιάως ἄγοιντο, σωτῆρι Θεῷ. ἐργώδης δὲ καὶ χαλεπὴ καὶ τὸ σιμνὸν ἔχουσα ὡς ἐπιεικὲς δύσμιχλον. ἵαν δὲ μιχθῇ, τὸτό ἐστιν ἡ πάντων μὲν ῥυθμῶν, πασῶν δὲ ἁρμονιῶν ἐμμιλῆσάτη καὶ μουσικωτάτη κρᾶσις, ἢ καὶ τὸν κόσμον ὃ θεὸς λέγεται διοικῆν, ὃ βιάζομεν Θεόν, ἀπὸ παθοῖ καὶ λόγῳ παράγων τὸν ἀνάγκην.

v. Quot sunt orbes Solis?

Vt intelligi possit qualis sit proprius Solis motus, Geometræ fabricantes *ἀντόματα*, plures orbes domicilio Solis incluserūt. Et quidem Archimedes dicitur *ἀντόματα* motuū celestiū: id est, integros orbes fabricasse & oculis hos motus subiecisse. Totam igitur sphaeram Solis, cum motu diurno rapiatur à primo mobili, concentricam esse mundo necesse est: sed ut ratio reddi possit diuersitatis motuum Solis, sculpūt Geometrę tres orbes: quorū unus dicitur deferens Solis: cæteri duo uocātur deferentes augem. Deferens Solis dicitur quod uehat corpus Solis: est q̃ eccentricus: id est, recedens à centro mundi: qui ideo sculptus est, ut ostēdatur cur tardior sit motus Solis in signis estiuīs quàm in hybernīs: id est, cur Sol in Zodiaco non conficiat utramq̃ medietatē æquali numero dierum. Deinde in genere hi eccentrici ficti sunt, ut ostenderetur ratio cur Sol, Luna & alię planetę nō semper simili uelocitate aut tarditate mouentur: cui q̃ diametri corporū Solis & lunę aliās maiores, aliās minores cernuntur. Nam si concentrici illorum orbes essent, non aliās terræ propiores essent, aliās longiūs ab ea recederent. Ex duobus autem augem deferentibus primus circumdans eccentricum, est mundo concentricus

cus secundum superficiem conuexam: nam secundum concauam, est eccentricus. Dicuntur autem deferentes, quod deferant in margine eccentrici duo puncta, quorum unum ἀπόγειον, alterum περιήγειον dicitur. Hæc puncta Ptolemæus existimauit fixa esse: cum apogeum suo tempore depræhenderet esse in eodem loco eclipticæ, quo fuerat tempore Hipparchi: hoc est, in 6. gradu Geminorum: & abesse 24. gradibus à puncto solstitiali: ideo non tribuit Soli alios orbes mobiles præter eccentricum. Posterior uero ætas comperit punctum apogei progredi ἀπὸ τὰ ἀπόμεινα tardissimo motu centum ferè annis uno gradu. Ex quibus observationibus constat peculiarẽ motum esse orbium duorum, auge deferentium: trahiq; ab octaua sphaera: deinde diuersas esse lineas, lineam indicantem solstitium & lineam apogei.

Quid est linea indicans solstitium?

Quæeducta è centro mundi ad principium Cancrì, primi mobilis quodammodo fixa est & ostendit altitudinem maximam Solis, quam habet respectu uerticis puncti, qui est polus horizontis, non quam Sol acquirit eleuatus à centro terræ. Et hæc altitudo solstitialis in meridiano circulo primi mobilis considerata, Solem nobis propiorem facit: id est, quia propius ad uerticem nostrum accedit, rectio-

T

res

res in horizōtem nostrum radios spargit, qui reflexu fortius densati, efficacius calefaciunt. Est autem hæc altitudo certarum partium terræ, nō uniuersæ. Nam dum nostro uertici Sol propior est, uidetur australibus remotior.

Quid est linea apogei?

Est altitudo in eccentrico, quæ Solis cōpus ab uniuersa terra longè remouet atq; attollit, ac uires eius immodicas futuras, nōnihil debilitat. Quare & corpus Solis minus uidetur in apogeo, quàm in perigeo. Interuallum autem quod est inter centrum mundi & centrū eccentrici, uocatur *ἐκκυστρότης*, quam deprehenderunt Hipparchus & Ptolemæus respondere semidiamentris terræ 48. cum $\frac{2}{3}$. Constat autem semidiamentrum terræ continere miliaria 860. fere. Quare Sol in apogeo distat altius à terra quàm in perigeo, miliaribus Germanicis 41624. Non igitur exiguum interuallum est, quo Sol in æstate altius attollitur supra terram, quàm circa brumam cum se demittit, & radios ex obliquo spargit, ut lumen quidem terræ impertiat, ac eam foueat, sed languidius calefaciat. Hæc *ἐκκυστρότης* minor nunc est quàm fuit Hipparchi & Ptolemæi tempore. Nunc enim respondet semidiamentris terræ 36 & 48. minutis. Igitur fere quarta pars decedit altitudini Solis in margine eccentrici: quæ
res

res admiratione digna est. Dubitari enim potest utrum propter senectam mundi quasi delabatur Sol factus languidior, paulatim ruente natura: an uero in hac senecta naturæ tanquam effloretæ opus sit uiciniorē positu Solis eam fouentis. Nam hoc tempore Sol tam solstitialis quàm brumalis propior est terris, quàm fuit Ptolemæi tempore, milliaribus Germanicis nouem millibus nongentis septuaginta sex: id est, ferè sexies Sol terræ propior est quàm quanta est totius terræ profunditas. Sæpè autem docti homines similitudines ab his Solis motibus sumunt, quas ad gubernationē Politicā transferunt. Sic Plutarchus ait; Principes Solem imitari debere, qui cum in loco boreali ad summum fastigium ascendit, tardissimè mouetur, ut securitatem cūctatio efficiat. Ita uult principes in summo fastigio & maximis successibus modestiores & cunctantiores esse, ne elati fortunæ fauore & sibi præfidentes, obtemperēt prauis affectibus & incauti moueant res nō necessarias & sese ac magna imperia euertant, ut fecerunt Pompeius, Antonius, & alij multi. Verba Plutarchi hæc sunt: μιμνήσθαι τὸν κλισίῳ τοῦ ἀρχοντος, ὅς ὅταν ὑψωμὲν

πάθῃ μέγιστον ἔξαρθεὶς ἐν τοῖς βορραίοις, ἐλάχισα κινῆται, τοῦ σχολαστοτέρῳ τὸν δρόμον εἰς ἀσφαλὲς καθίσταμεν.

VI. *Quæ nam sunt effecta Solis?*

Horæ, Dies, Annus. Nam Solis primus motus ab ortu in occasum & alter proprius copulati efficiunt horarum & dierum discrimina. Secundus uerò motus Soli proprius est meta anni.

D E H O R I S.

Quid est Hora?

Est quota pars diei. Nam ueteres non solum partes anni (uer, æstatem, autumnū, hyemem) ὥρας uocarūt: uerū etiam partes quotas diei. Noctem etiam ferè non tam in horas quàm excubias militari more distinxerunt. Nam ut Suid. ait in uerbo πεφυλακὴ, ἡς τίθεται φυλακὰς διατρέτται ἡ νύξ: ἐκάστη δὲ ἔχει ὥρας πέντε. Vide Alexand. lib. 4. genialium dier. capite 20. Nomen autem habent ἀπὸ τοῦ διοείζην τὰ ἀπείματα τῆς ἡμέρας.

Quottuplex est hora?

Duplex: Aequalis & Inæqualis.

Quid est Aequalis?

Est uicesima quarta diei naturalis pars, quamundi semuncia exoritur. Vocaturq; alio nomine æquinoctialis seu æquidialis ἰσημερινή: quia ab æquali ascensione quindenarum partium æquatoris supra horizōtem quemlibet pro-

producitur. Cumq; æquatoris partes sint æquales & perpetuo æqualiter ascendant, etiam horas æquinoctiales æquales esse necesse est.

Quid est Inæqualis?

Est duodecima pars temporis, quod inter Solis ortum & occasum, aut inter occasum & ortum est. Græcè *νοζενή*: id est, temporaria & planetaria: Est enim dierum & noctium artificialium: cumq; dies & noctes artificiales sint inæquales, etiam horas temporarias diuersorum dierum inæquales esse manifestum est. Nam unius & eiusdem diei horæ etiam temporariæ æquales sunt. Veteres usi sunt horis inæqualibus ut apparet ex historia Evangelica & Plinio: qui quoties de horis æqualibus loquitur: semper addit uocem æquinoctialis, ut discernat eas ab horis inæqualibus.

DE DIEBUS.

Quid est Dies?

Est præsentia lucis solaris supra horizontem: sicut e contra nox eiusdem absentia est.

Quotuplex est Dies?

Duplex: Astronomicus & Politicus. Ille rursus Naturalis uel Artificialis.

Quid est dies Naturalis, vixit

urp ☉

Est spacium temporis, quo æquator totus circa terram circumuoluitur & Sol motu primi mobilis à meridiano superiore uel inferiore circa terram ductus, ad eundem redit: quod 24 horarum est. Eius partes sunt media nox, gallicinium, diluculum uel aurora, item crepusculum matutinum, manè, tempus antemeridianum, meridies, pomeridianum tempus, occasus Solis, uesper seu crepusculum uespertinum, intempesta nox seu concubium aut conticinium.

Quotuplex est dies Naturalis?

Duplex: Aequalis & Inæqualis.

Quid est Aequalis?

Aequalis (qui & medius seu mediocris, Græcè *ἰσχυρὸς* dicitur) est spacium temporis, quo æquator integer circa terram circumuoluitur, cum additamento æquali, quod est scrupulorum primorum 59. secundorum 8. quæ supra horas 24. propemodum constituunt decimam quintam partem horæ unius: id est, 4. minuta. Hæc additamenta æqualia proueniunt ex diuisione integri æquatoris in dies 365. hor. 5. minut. 49. scrupul. 16.

Quid

Quid est Inæqualis, ἀνῶμαλός?

Est spacium temporis qua totus æquator circumagitur, cum tanta eiusdem portione, quanta respondet arcui eclipticæ, quem sol interea motu diurno proprio peragrauit. Est autem hic dies inæqualis: quia additamenta, quæ ad singulas reuolutiones æquatoris adduntur singulis diebus, sunt inæqualia.

Quot sunt cause huius inæqualitatis?

Tres: Primò Apparens Solis ἀνωμαλία, quam Ptolemæus φαινόμενη ἀνωμαλία vocat. Et si enim Solis motus regularis est & æqualis: tamen nobis apparet inæqualis & irregularis. Cuius inæqualitatis causam ut Astronomi redderent, excogitauerunt eccentricum, ac super eo solem regulariter moueri affirmarunt. Quare motu diurno super centro mundi uidetur conficere arcus inæquales: & sic tardior eius motus est in æstiuo semicirculo: ac minor portio æquinoctialis respondet æstiuo motui: maior uerò portio æquinoctialis respondet hyberno motui.

Secundò obliquitas Zodiaci & inæqualis partiū signiferi ἀναφορά, conuersioq; in utraq; sphaera. Hæc enim efficit ut cum partibus eius æqualibus inæquales arcus æquatoris supra horizontem ascendant. Cumq; tempus

ab exortu partium æquatoris sumatur, necessario sequitur, id quo æquales partes eclipticæ supra horizontem ascendunt, esse inæquale.

Tertio, inæqualis æquinoctiorum præcessio seu in præcedentia sub ecliptica progressus. Hanc causam adiunxit Copernicus.

*Cur inuenta est hæc disiunctio dierum equalium
& inæqualium?*

Quia cum dies inæquales non possint esse mensura reliquorum motuum, assumi oportuit æquales, ad quos motuum tabulæ conderentur. Nec ex tabulis Planetarum veri motus elici possent, nisi dies inæquales redigerentur ad æquales ~~per se quædam~~ adiecta uel detracta. Itaque cum inquiruntur loca planetarum, apparens tempus uertitur inæquale: cum autem momenta coniunctionum & oppositionum, æquale quod exhibent Ephemerides, commutatur in inæquale seu usuale.

Quid est dies Artificialis?

Est spacium inter Solis ortum & occasum: nimirum in qualibet regione pars diei naturalis tanta, quanta sol supra horizontem eius regionis commoratur. Nam dies naturalis diuiditur in diem & noctem artificialem. Nox itaque artificialis est in qualibet regione pars
diei

diei naturalis tanta, quanta sol infra horizon-
tem eius regionis commoratur. Et in sphaera
recta perpetuo sunt æquales dies noctibus: in
sphaera autem obliqua tantum duo dies sunt
æquales noctibus, qui uidelicet producuntur
sole in principijs Arietis & Libræ constituto.
Vt autem sint dierum artificialium discrimi-
na, hæc quoque duo motus copulantur. Nam
uectatio ab ortu ad occasum, fit à primo mo-
bili: sed quod sol aliàs ad uerticem nostrum
propius accedit, aliàs recedit: aliàs efficit lon-
gius curriculum supra nostrum horizontem,
aliàs breuius: denique quod facit uices æstatis
& hyemis: id fit propter motum proprium
Solis quo Zodiacum peragrat. Conspiciun-
tur autem discrimina dierum artificialium in
sphaera decliui, magnis & insignibus interual-
lis: quorum discriminum causa est obliquitas
horizontis. Et si enim semper supra terram
sunt sex signa & sex infra: tamen cum sol ad
uerticem nostrum accedit, medietas illa Zo-
diaci, in qua sol tunc incedit, altiùs attollitur:
quo fit ut sol diutiùs tunc supra horizontem
feratur: fiantque dies artificiales longiores no-
ctibus.

Quid est dies Civilis?

Est spacium temporis definitum die & no-
cte artificialibus, quod longitudine quidem

cum die naturali conuenit, initijs uerò discrepat. Discrimina uerò dierum politicorū nata sunt ex diuersis initijs horizōtis & meridiani. Aliæ enim gētes ab alijs principijs nō dies ciuiles solū, sed & annos politicos exorsæ sunt, uel certo quodam consilio ad sua instituta accommodato uel superstitione uel æmulatione, ut ab alijs se gentibus seiungerent. Nam Iudæi & Babylonij annum inchoarunt ab æquinoctio uerno, quod principium naturæ accommodatissimū est. Diem uerò ab exortu Solis, quam consuetudinem hodie Noribergenses retinent. Asiatici inceperunt annum ab æquinoctio autumnali, cum sol ingreditur Libram.

Athenienses inchoarunt diē ab occasu Solis (sicut hodie Silesij) sed annum à solstitio æstiuo. Quod & uicinis Græcis usitatum fuit, ut ex Hesiodi lib. 2. patet, & ex Platone lib. 6. de legibus: *ἐπεὶ δὲ μὲν τὸς ἐν ἡμετέροις μετὰ θενὲς ποτὲς τῶ ἐπιόντι μὲν ἡμετέροις.*

Romani annum exorsi sunt à bruma: id est, solstitio hyberno: diem uerò à media nocte: eam consuetudinem imitatur Mysi & in Germania pleriq;.

Vmbri auspicati sunt diem à meridie: sicut hodie faciunt Astronomi. Ordiantur enim diem à meridie, uel media nocte: ut excludant tertiam causam inæqualitatis dierum, quæ acci-

accidit propter poli alterius supra horizon-
tem elevationem. Hæc enim efficit, ut longè
maior sit differentia arcuum æquatoris & ec-
lipticæ simul orientium circa horizontem
obliquum, quàm circa meridianum.

*Quomodo conuertuntur hæc diuersa initia in
dies astronomicos?*

Si diei ini-
tium su-
mitur à

Solis

Occasu ad meridiem diei cō-
pleti adde tempus diurnum:
id est, horas à meridie ad oc-
casum Solis elapsas.

Exortu, ad meridiem diei præ-
cedentis completi, adde ho-
ras 12. & seminocturnum spa-
cium, unà cum horis & mi-
nutis de die elapsis.

Media

Nocte, adde ad meridiem diei
præcedētis horas 12. & si quæ
præterea adduntur.

Die: nulla opus est reductio-
ne: congruunt enim Astro-
nomicis.

Quid est Annus?

Est tempus quo sol à uerni æquinoctij puncto egressus, motu proprio ab occasu uersus ortum totum Zodiacum peragrat: quod fit diebus 365. horis 5. minut. 49. secund. 16.

Quot sunt partes aut horæ anni?

Quatuor: Ver, Aestas, Autumnus Hyems: unde quatuor temporū mutationes existunt, æquinoctium uernum & autumnale: solstitium & bruma. Ex his 4. temporū mutationibus omnium quæ terra, mariq; gignuntur, initia, causæq; ducuntur. Atq; in hac physicæ parte Dei sapientia & bonitas manifestè apparet, qui in ordinando ad mensium discrimina Solis cursu, ita Zodiaci loca distinxit qualitatibus, ut rebus nascentibus essent accommodatæ. Nam Aries desiccās terram ac præparās arationi post Aquariū frigidum & fluctuosum & post Pisces sequitur. Taurus sationi idoneus Arietē sequitur, in quo etiam access, Solis ad pleiades & hyades imbres ciet. Gemini calidi fouent. Cācer rursus humectat. Leo urens maturitatem efficit. Virgo æstum mitigat. Libra rursus humidior præparat terram nouæ sementi, ut terra foecunda completatur semen & ceu foetum foueat. Scorpius humeo

humectat fata. Sagittarius temperat frigus & humiditates, ut genita semina edi possint. Capricornus claudit terram ut inchoati foetus in terra plus à matre uirium accipiant tota deinde hyeme: donec iterum laxata terra in Vere maiore uirum seges extrudatur.

Quæ nam fuit ratio anni ueteribus usitata?

Quoniam Luna, interea dum Sol Zodiacum peragrat, duodecies eundem percurrit: ueteres, lunares menses 12. accommodarunt ad annum: sed cum hi non explerent prorsus annum Solarem, addiderunt dies undecim, quos uocant Epactas: quia tot adhuc dies addendi erant, ut tempus congrueret ad tempus peragrati à Sole Zodiaci. Sic Romani excogitarunt intercalationem. Colligebant enim epactas & secundo quoque anno intercalarem mensem dierum 22. Februario inferebant, ut scribit Plutarch. in Numa: ῥωμῆος βασιλεύοντες, ἀλόγως ἔχοντο τοῖς μηνὶ καὶ ἀτάκτως, τὰς μὲν δὲ εἰκοσὶν ἡμερῶν, τὰς δὲ πέντε καὶ τοιαύκοντα, τὰς δὲ πλεονάζοντες λογίζομενοι. τῆς δὲ γνομένης ἀνωμαλίας περὶ τὴν σιελύω καὶ τὸν ἥλιον, ἔννοιαν ἐκ ἔχοντες: ἀπ' ἑνὸς μὲν φυλάττοντες μόνον, ὅπως ἐξήκοντα καὶ τριακοσίων ἡμερῶν ὁ ἔνιαυτος ἔσαι. νομᾶς δὲ τὸ παράπαν τῆς ἀνωμαλίας ἡμερῶν ἑνδeka γίνεσθαι λογίζομεν (ὡς τοῦ μὲν σιελωιακῆς τριακοσίας πεντηκονταεβδομας ἡμέρας ἔχοντες, τοῦ δὲ ἡλιακοῦ τριακοσίου

φιαποσίας ἐξηκονταπέντε) τὰς ἑνδεκά ταύτας ἡμέρας δια-
 πλασιάζων, ἐπὶ τὰς περὶ ἑνιαυτὸν ἐπὶ τῷ φεβρουαρίῳ μὲν
 τὸν ἐμβόλιμον, ἀπὸ ῥωμαίων μικροδίνον καλεῖσθον, ἔχοσι
 καὶ δύοιρ ἡμερῶν ὄντα, καὶ ταῦτο μὲν ἀπὸ τοῦ ἵαμα τῆς ἀνωμα-
 λίας, καὶ ὁνὸν ἡμετερον ἱαμάτων δεῖσθαι. Livius &
 Macrobius aliam intercalationem recitant:
 Herodotus quoque narrat tertio quoque an-
 no intercalarem mensem insertum esse apud
 Græcos.

Quæ nam ratio anni est hodie usitata?

Est Sosigenis mathematici. Nam Iulius Cæ-
 sar ordinavit annum suum opera Sosigenis
 ad cursum Solis, qui peragrato signorum cœ-
 lestium circulo, redit ad principium, interual-
 lo dierum 365. cum quadrante unius diei, pro-
 ximè. Vnde semper tribus ex ordine annis
 singulis, 365. dies præcisè adnumeravit: quar-
 to uero anno, pro sex horis (quæ singulis an-
 nis ad restitutionē motus Solis, ultra 365. dies
 abundant) quater collectis, unum diem adie-
 cit: ut quartus quisque annus 366. dierum esset,
 ac dies ille intercalaris non in extremum anni
 tempus (ut apud alias gentes fiebat) reiectus
 est, sed post primos 23. Februarij dies infereba-
 tur: Terminalibus iam peractis: loco satis in-
 commodo, qui Astronomis & uulgo sæpè ne-
 gotium facessit. Principium anni Iulius à bru-
 mali tēpore, non à Martio (ut olim Romanis
 usita-

usitatū fuit) sumere uoluit: secutus in eo Græcam consuetudinem, iuxta quam Calendæ Ianuarij in octaua parte Capricorni constituerentur. Menses etiam singulari quodam consilio, nec Aegyptios, nec Græcos imitatus, inæquali dierum interuallo distinxit: sic tamen ut partim ad magnum annum Aegyptiorum (quem ab exortu Sirij, cum quo inchoatur, *Λυωιπδρ* uocant) partim uerò ad Olympiades Græcorum respexisse uideatur. Nam à prima Olympiade ad Iuliani anni descriptionem, elapsum est dimidium anni Cynici Aegyptiorum: hoc est, anni 730, qui continent intercalares seu bissextiles 182. Totidem ergo dies in primos sex anni menses coniecit, reliquū sequentibus distribuens.

Et si autem hæc Iuliana forma, præ alijs commodissima est dinumerandis mundi seculis: tamen ipsa quoq; longioris temporis tractu, aliqua emendatione opus habet. Annus enim tropicus æqualis, non sex integras horas, ultra 365 dies complectitur: sed iuxta Reinholdum deficit à quadrante diei scrupulis primis 10. secundis 44. tertijs 14. unius horæ. Iam si hæc differentia, quantumuis exigua, per annos 134 coaceruatur, integrū diem efficit, qui plus iusto intercalatur. Atq; hæc est causa cur æquinoctia & solstitia, à tempore Iulij Cæs. usq; ad nos per 12. dies retrò cesserunt: hodieq;
prin-

principium anni non ad octauam, sed uicesimam Capricorni partem, deuolutū sit. Quare si exactam anni quantitatem habere uoluermus, non modò singulis quadriennijs diem *εμβόλιμον* unum inserere, sed etiam *ἐξαπτοίμους*: id est, exemptiles dies, iam in tricesimo tertio: iam uerò in tricesimoquarto bissextili anno, alternis uicibus constituere oportebit: ut interuallo 268 annorum (qui 67. bissextos continere debebant) duobus intermissis, tantum 65. intercalares ponantur. Vel spacio 400. annorum, tres exemptiles anni constituendi erunt, hac ratione, ut semper tres ex ordine centeni anni pro communibus habeantur: quartus uerò quilibet centenarius sit bissextilis.

VII. *Quæ nam sunt passionēs Solis?*

Solis affectio seu accidens est Eclipsis.

Quid est Eclipsis Solis?

Est auersio radiorum solarium ob interpositionem Lunę inter Solem & nostrū uisum. Cum enim Sol sit auctor & fons lucis diurnæ: obscurari nullo modo potest, sed radij eius impediri à Lunę corpore dēso & solido possunt, quò minus in terræ eam partem, quæ corpori lunari opposita est, ferantur, eamq; illuminēt. Eclipsis itaq; Solis nō est defectus aut priuatio lucis in ipso Sole (is enim nihil à Luna patitur) sed tantum est impeditio radiorum Solis facta

facta à corpore opaco Lunæ: quæ hoc modo terræ uices reddit ut Plinius loquitur: id est, sicut aliquādo Luna ab umbra terræ hebetata, luce Solis priuatur: ita uicissim ipsa quasi iniuriā eam uindicans, suo interuentu, angustum lumen Solis terræ eripit. Sed quia iactura radiorum solarium crebrior & diuturnior, exitialis terræ futura esset: Luna ea moderatione utitur, ut rarò & non nisi aliquoties prius à terræ umbra obscurata, atq; ita quasi sæpius prouocata: tandem ipsa uicissim solare lumen terræ intercipiat: idq; non uniuersæ, sed alicui eius tractui & quidem sine mora. Primus autem apud Græcos in inquirendis Solis eclipsibus gloriam adeptus est Thales Milesius, qui illā eclipsin Solis prædixit, quæ regnante in Media Astyage conspecta, præcessit multorum regnorum in Asia mutationes. Nam paulò post Cyrus Monarchiam à Medis ad Persas transfulit & potentissimum regnum Lydiæ, uicto & capto Cræso subegit & rebellantes in Asia Græcas ciuitates duriter afflixit. Sed obiter hęc notandæ sunt quinque hypothesēs ad intelligendas eclipses Solis & Lunæ.

I. Solem semper esse sub ecliptica linea, nō etiam cæteros Planetas. Ex quo sequitur non omni plenilunio esse eclipsin, etiamsi opposita sint astra.

II. Lunam non habere per se lumen, sed à sole accipere. Ex quo sequitur lunam obumbrari posse, si quid impediatur Solis splēdorem, ut umbra terræ.

III. Terram esse longè maiorem Luna. Ex quo sequitur, quòd umbra terræ totam lunā possit tegere: errorq; in Plinij lib. 2. cap. 11. manifestus est.

IIII. Non fieri eclipsim, nisi secundū diametrum: id est, ut diameter recta linea trāseat per tria corpora media, solem, lunam & terrā: quia sol (ut diximus) ab ecliptica nō discedit: oportet igitur ut luna, si debeat fieri eclipsis, etiam sit sub ecliptica: alioqui opposita quidem erunt, sed non diametro, quæ centrum trium corporum penetret.

V. Lunæ corpus densum esse & minimè translucēs. Ex quo sequitur, quoties inter uisum nostrum & solem, lunæ corpus interuenit, solem à nobis non uideri: non quòd Solis splendor deficiat, sed quòd densitas corporis lunaris, splēdorem Solis ad nos demitti prohibet.

Quottuplex est eclipsis Solis?

Duplex: Totalis & Partialis.

Quid est Totalis?

Cum luna totius Solis conspectum alicui terræ parti aufert: & hæc fit cum coniunctio
Solis

Solis & Lunę fieri uidetur in ipsis intersectionibus suorum circulorum, aut non longē ab illis. Verū hęc eclipsis, cū propter Solis magnitudinem, & Lunę paruitatem: tum propter motus Lunę uelocitatem, non sunt diuturnę.

Quid est Partialis?

Cū tātū aliquam partem radiorum avertit Luna. Et hęc fit quando luminaria extra puncta intersectionum, intra tamē terminos eclipticos coniungi uidentur.

Quęnam est quantitas terminorum eclipticorum?

Termini ecliptici remouentur ab intersectionibus tanto interuallo, quāto Luna Soli cōiuncta uidetur habere latitudinem uel maiorem 35. minutis uel æqualem. Hoc enim positu, Luna tātū attinget uel stringet potius extremitatem corporis solaris. Ponit autem Ptolemæus terminos eclipticos ultra & citra nodos ad Austrum quidē 11. gradus tātū & minuta 22. ad septentrionem uerō 20. gradus & bessem ferē: hoc est, minuta 40. intra quos Luna tempore conjunctionis currens, solem tegere totum uel partem eius aliquam potest. Quod autē termini ecliptici adeo sint inæquales, ut septentrionales ferē duplo sint maiores meridionalibus; id fit propter diuer-

fitatem aspectus in latitudinem, quæ nobis uersus septentrionem habitantibus, semper est meridionalior, quàm uerus locus Lunæ existit. Ideò Luna non exiguo interuallo à nodis & ecliptica in septentrionē distans, facile totum solem uel partem eius aliquā ob-
 scurat. At in meridiem spacio multò minore distans, facile prætercurrit solem, & aut nul-
 lam, aut exiguam admodum partem globi solaris contegit.

*Potest'ne uniuersalis esse Solis ecli-
 psis?*

Non potest. Cùm enim luna non solum so-
 le, sed etiam terra longè sit minor, non spargit
 tantam umbram, quæ medietatem globi ter-
 reni inuoluat, sed aliquam tātum eius & qui-
 dem exiguā partem, præsertim cùm propter
 distantiam lunæ à terra, umbra lunæ paulatim
 attenuata conī seu turbinis modo, ea parte
 qua terræ superficiem attingit, arcto circulo
 claudatur & à superficie abscindatur. Hinc di-
 citur Solis totalem quidem, non autē uniuersa-
 lē fieri eclipsim: nam eclipsis Solis per uni-
 uersam terram natura non fit, sed miraculo.
 Vnde cū in passione Domini sol esset obscuratus,
 Dionysius Areopagita dixisse fertur:
 Aut Deus naturæ patitur, aut mundi machi-
 na dissoluetur.

Quando

Quando igitur fit Solis obscuratio?

Fit quādo luna Soli coniungitur circa nouilunium. Necesse est autem coniunctionem illam fieri in nodis uel prope alterutrum nodorum, quando Luna uel nullam, uel exiguā habet latitudinem. Nam extra illos nodos, cū in latitudinem euagatur luna ab ecliptica dū Soli cōiungitur, ita illum prætercurrit, ut nullam ipsius partem obscuret, & umbra sparsa à corpore nulla parte terram attingat, sed uel supra terram, uel infra eam transuehatur. Fit autem eclipsis Solis in uisibili, non in uera coniunctione. Visus enim noster non apprehendit uerum locum lunæ, sed ab eo aberrat uersus longitudinem & latitudinem. Ideò ut cerni à nobis eclipsis Solis possit, necesse est lumina non coniungi uerè, sed uisibiliter: id est, ita ut lineaeducta ex oculo ad cœlum, coniungat centra Solis & lunæ.

Quotplex itaq; est coniunctio luminarium?

Duplex: Vera & Visibilis seu apparēs. Ptolem. uocat *συζυγία ἀκριβὴς καὶ φανερή*.

Quid est uera coniunctio?

Quando trium corporum Solis, lune, terre centra, in una recta linea sunt.

Quid est uisibilis coniunctio?

Quando centra luminum & uisus noster unam rectam lineam tangunt. Nam propter propinquitatem lunæ ad terram, aliquam uarietatem affert *παράμαξις*, quæ facit, ut Luna ex superficie terræ uisa, cernatur in alio loco Zodiaci, citra, uel ultra uerū locū in Zodiaco.

Quid est παράμαξις?

Est aberratio uisus nostri, quam uocant diuersitatem aspectus.

Quæ nam est eius causa?

Vicinitas lunæ ad terram: quæ cum longissimè abest à terra, distat tantum 65. semidiаметris, & 30. minutis. Cum igitur semidiámetro terræ ad hanc lunæ distantiam, sensibilem habeat quantitatem: fit ut luna uisa è terræ superficie in alio cœli loco appareat, quàm est uerus eius locus, quem in cœlo ostendit linea ex centro terræ per centrum lunæ ducta.

Quotuplex est παράμαξις?

Duplex: secundum longitudinē & secundum latitudinem: κατὰ μῆκ^{ος} ἢ κατὰ πλάτ^{ος}.

Quid est παράμαξις κατὰ μῆκ^{ος}?

Est interuallum in Zodiaci longitudine, inter locum Lunæ uerum & apparentē. Est ^{et} uterq^{ue}

uterq; locus semper in eodem circulo maximo descripto per uerticem capitis. Interual-
lum autem inter utrumq; locum facit ut uerā
coniunctionem luminum aliquando præce-
dat, aliquando sequatur uisibilis coniunctio,
quæ Solis obscurationē efficit: idq; interual-
lum in septimo climate, cum maximum est,
horam & dodrantem ferè efficit.

Quid est παραμαξίς κατὰ πλάτος?

Quæ facit ut alia sit uera latitudo seu uera
distantia lunæ ab ecliptica, alia apparens seu
uisibilis. Hæc parallaxis, cum luna longissi-
mè à terra abest, continet minuta 53. & bessem
ferè : cum uerò propius accedit ad terram, &
ipsa maior fit: efficitq; ut aliquando maior, a-
liquando minor pars Solis quàm pro uera lu-
næ latitudine obscuretur. Quin & causa est
cur suprâ annotati ex Ptolemæo ecliptici ter-
mini sint inæquales: quia nobis citra equino-
ctialem uersus septentrionem habitantibus,
locus lunę apparens semper à uero meridiem
uersus declinat.

*Quænam est quantitas solaris obscu-
rationis?*

Solis obscurationes uariantur, prout latitu-
do lunę apparens seu uisibilis, aut nulla minu-
ta, aut pauca habeat. Nam si latitudo uisa seu
apparens maior est 35. minutis (quæ colligun-

tur ex semidiametris apparentibus utriusque luminaris) luna nullam partem Solis obscurat. Si uero minor est 35. minutis, aliquam partem Solis tegit. Ut cum latitudo apparens æquat semidiametrum Solis apparentem, (que est ferè 17. minutorum) lune centrum oram corporis solaris stringere uidetur, ideoque dimidiatum ferè solem occultat. Si denique nulla est, ita ut centrum eius uideatur exactè sub ecliptica esse: tunc quia amborum luminum centra in eandem rectam lineam incurrunt, exeuntem ex uisu nostro, Luna totum quidem solem nobis eripit obiectu corporis sui, sed mox progrediens motu proprio ab occasu uersus ortum, solem reiectum iterum terris conspiciendum præbet. Nam in Solis totali obscuratione nulla talis mora intercedere potest, qualis in Lunæ defectione sentitur: eo quod superficies lunæ plana (ut nobis uidetur) cum eclipsis affert, Solis superficiem apparentem aut æquat, aut adeo exiguo spacio excedit, ut id Solis corpus totum diu obtegere non queat.

Quot sunt puncta ecliptica seu digiti?

Digiti eclipsis solaris, aut lunaris nihil aliud sunt, quam duodecimæ partes corporis Solis uel lunæ obscuratæ. Vtriusque enim luminis diameter uisibilis uidetur æquare spithamam, quæ

quæ æquat 12. transuersos digitos : quare utriusq; corpus in totidem digitos diuiditur.

Quando fit maxima Solis obscuratio?

Quando centra luminum & uisus noster unam rectam lineam tangunt: quæ coniunctio uisibilis dicitur.

Quomodo potest luna tegere totum Solis corpus?

Et si luna collata ad solem, tam exiguum corpus sit : Solis tamen corpus occultare potest duas ob causas, quarum prior est propinquitas lunæ ad terram, quæ cum altissima est, distat 64 semidiamentris terræ & sextante. Altera causa est altitudo Solis, qui decies nouies fere longius abest à terreno globo quàm luna. Propter tãtam remotionem Solis fit ut luna proximè admota uisui nostro, aliquando totum solem tegere possit : sicut etiam uastissimi montes, disco obiecto oculis nostris, occultari possunt. Propter hanc inæqualem distantiam luminum, diameter lunæ apparens aliquando minor, aliquando equalis aut maior deprehèditur diametro Solis apparente. Nam diameter lunæ altissimæ continet minuta 29. humillimæ 36. secund. 8. Diameter uero Solis remotissimi cōtinet 31. minut. & tridentem: proximi (quando eius corpus maxi-

munum uidetur) non æquat 34. integra minuta: sed deest sextans. Si igitur conferes humillime lunę diametrum, ad Solis etiam ubicunque constituti diametrum apparentem: animaduertes totum solem aliquando à luna facile regi & occultari posse: sed sine mora.

Quis est affectus solaris obscurationis. Vel, quibus apparet eclipsis Solis?

Non omnibus, qui eam uidēt, apparet eodem temporis spacio, sed tardiùs ijs, qui ad ortum habitant: quia his citiùs sol oritur & occidit: ideo numerāt ab ortu Solis usq; ad tempus conspectæ eclipsis, plures horas. Citiùs uerò apparet habitantibus ad occasum: quia cum his tardiùs sol oriatur & occidat: à tempore ortus Solis ad cōspectam eclipsim pauciores numerant horas.

Quis est effectus eclipsium?

Omniū ætatum exempla & experientia tristium euentuum testantur, magnas mutationes rerum, æstus, & ex his agrorum sterilitates, diluuiā, pestilentias, bella, & magnas clades statim post luminum defectus accidisse, ut illa mala penē denūciari uiderētur à cœlo.

Quæ nam est utilitas doctrinæ de eclipsibus?

Eclipses ostendunt magnitudinem & proportionem Solis, lunæ & terræ.

Quomodo magnitudinem?

I. Sol est maior terra: id enim indicat umbra terræ $\kappa\alpha\nu\omicron\alpha\delta\iota\varsigma$. Nam:

Corpus opacum quod umbram spargit figura metæ seu $\kappa\alpha\nu\omicron\alpha\delta\iota\varsigma$ est minus corpore luminoso.

At in eclipsi lunæ terra spargit umbram $\kappa\alpha\nu\omicron\alpha\delta\iota\varsigma$:

Terra igitur minor est sole: solq; maior, plus quā hemisphærium de globo terrēno illustrat. *Item:*

Nisi sol terræ maior esset & tam procul distaret: non essent pares umbræ eodem tempore in oriente & occidente.

At umbræ sunt pares.

Sol igitur terra maior est. *Item:*

Si sol non esset maior terra, in altitudine Solis 45. graduum umbra non esset æqualis corpori.

At pro portione ante meridiē & post meridiē paulatim crescunt & decrescunt umbræ, ita ut umbra semper sit æqualis corpori, ubicunq; & quā docunq; Solis altitudo est graduum 45. sicut & Venetijs (ut scribit Plinius libro 2. capite 72.) in æquinoctio umbra est æqualis gnomoni: quia in eo loco eleuatio est graduum 45. Tunc enim sol est in medio quadrantis, qui est inter horizontem & punctum uerticale: suntq; æquales anguli, quos facit radius incidens cum plano horizontis & summo gnomone. Fit igitur necessariò umbra æqualis gnomoni.

Sol itaq; maior est terra.

Sol idem est maior luna: quia primò terra, quam sol superat, est maior luna. 2. quia in eclipsi sol nunquam totus obscuratur. 3. quia umbrę lunę in eclipsi Solis sunt *κωνοειδής*.

II. Terra maior est quàm luna: id quod cum eclipses lunares & solares: tum umbrę ostendunt. Nam:

I. Si globus terrenus luna minor esset, deficeret sol toti hemisphærio.

Nunquam autem sol uniuersę terrę deficit: sed uni exiguę parti obscuratur & quidē absque mora.

Terra igitur non est minor quàm luna.

II. Corpus quod umbram projicit *κωνοειδής*, maius est eo corpore quod umbra & præsertim umbrę cono tegitur & continetur.

At terra umbram projicit *κωνοειδής*, quæ totam opplet lunam in eclipsi cum aliqua mora.

Terra igitur maior est luna.

Quomodo ostendunt eclipses proportionem inter hæc tria corpora?

Exactas horum corporū inter se proportionēs & ueras magnitudines artifices uia Geometrica eruerunt. Ptolemæus iuxta doctrinam planorum angulorum collatis apparentibus semidiāmetris umbrę & lunę ad distantiam lunę à terra semidiāmetris mensurata

ratam & ex parallaxium lunarium obseruationibus animaduersam, deprehendit proportionem diametri terræ ad diametrum lunæ esse triplam superpartientem duas quintas, quæ est 17 ad 5. Solis ad diametrum terræ esse quintuplam sesquialteram, qualis 11 ad 2. Solis ad diametrum lunæ esse octodecuplam superpartientem septem decimas, qualis est 178 ad 10. Cum autem per ultimam propos. 12. elementorum: sphæræ ad inuicem sint in triplicata ratione suarum dimetientium: non difficulter ex diametrorum noticia, proportionibus trium corporum elici possunt. Fit enim triplicata ratio ex cubica multiplicatione terminorum datæ rationis. Diametris ergo cubitè multiplicatis, procreatur cubi terminorum: sed maioribus diuisis per minores colliguntur differentiæ. De Ptolemæi ergo sententia terra maior est luna tricies nouies & unitate plus besse. Sol terra maior est 166. cum tribus octauis: luna uero maior est idem sex milles quingenties tricies nouies. Atq;
hæc de Sole.

LIBER XV. DE THEO- RICA LVNAE.

Quid est Luna?



ST minus lumen cœli, in domi-
nium noctis conditum: cuius mo-
tu efficiuntur menses. Cuius ple-
næ & nouæ distantia à terra ma-
xima est semid. 65. $\frac{1}{2}$. minima est semid. 55.
scrup. 8. Diuidue autē altitudo maxima est se-
mid. 68. scrup. 20. Minima est semid. 52. scrup. 27.

I. Vnde dicitur σελλών?

Luna Græcè σελλών dicitur, quasi σελαεννοάδα,
ὅτι σελας νέοντε ἢ ἔννορ ἔχει αἶα, qui semper nouo lu-
mine lucet & ueteri: nouo, discedens à con-
iunctione: ueteri, ad eandem accedens.

II. Quæ nam est natura lunæ?

Luna infima omniū, humida est & medio-
criter calida, propter Solis lumen, quo lucet:
itaq; humectat & quasi flaccida reddit corpo-
ra & paululū calefacit. Attēperata autem est
corporis lunaris natura ad has effectiōnes.
Nā cū sol calefaciat, & luna humectet, idq;
faciat aliena luce: prius in corpore lunæ cras-
sioe aliter temperari radios & lucē Solis ne-
cesse

cesse est, ut uim humectatricem seu rigatricem accipiat. Ad hæc luna humorum mutationes, incrementa & decrementa efficit: id quod tum propter mutationem oppositionū, tum propter uarietatem cursus. Nam luna plena in estate tenet signa hyberna frigidiora & humidiora: quam ob causam minuitur æstus: hyeme tenet signa æstiuā, unde gelum mitius redditur. Aristoteles scribit natos infantes cum Luna in coniunctione latet, propter inopiam humoris seu potius deprauationem (quia à luna minus adiuuatur) imbecilliores esse.

Quale nam est corpus lunæ

Tradunt quidam corpus lunæ ex una parte esse rarius ac diaphanon, ac uelut spongiā accipere lucem Solis & radios quasi haustos intra se recipere: altera uero parte densius & opacum: quod non possit transmittere radios: id quod res ostendit. Nam in coniunctione, cum pars obuersa Soli, haud dubiè lumine perfusa sit: tamē pars oculis nostris obuersa non lucet. Sunt qui dicant uniuersum corpus lunæ partim rarum, partim densum esse: eamque dicunt causam esse macularum in Lunæ facie, ac radios haurire qua parte obuersum est Soli: sed tamen transmittere non posse. Vide Plin. lib. 2. cap. 9.

Qualē nam est lumen lunæ?

Est alienū. Nam cū eius corpus crassius sit: quia uicinius est elementis aëri, aquæ, terræ: lucet non suo, sed alieno nomine, uidelicet perfusum à Sole ea parte, qua Soli obuersum est. Ac tantū ea pars lucet, quæ simul & Soli obuersa est, & in oculos nostros incurrit: ideo conspiciuntur incrementa & decrementa in luna. Præter alienum autem lumen, habet & proprium seu natium & cōgenitum: licet exile & obscurum: quod defectus eius indicant, in quibus quandoq; uelut atro deformata colore nigricat, cum humillima ipsa *ὑπὸς σκοτίας* in profundum umbræ demergitur: quandoq; subrubet rutilo æris colore, cum altissimo sui circuli loco & extra eclipticam posita, umbra rariore & minus densa circumfunditur: quandoq; ex atro, rubroq; mixtam præ se fert speciem, qualis est aëris usti, cū medio loco inter apogæum & perigæum sui epicycli constituta, umbram subit. Et hos colores ex mixtione natiuæ lucis lunæ & umbræ oriri consentaneum est. Si enim omnino luce destitueretur natiua: cū mutuatitium lumen umbræ terræ extingatur, ipsa quoq; ex oculis tota euanesceret.

III. Quænam est proportio lune ad terram?

Luna minor est terra secundum Copernicum quadragies ter, minus octaua parte. Est enim diametrorum proportio, tripla sesqui-altera, quæ 7 ad 2. Sole uerò minor septies milles, minus sexagesima secunda.

IIII. Quotplex est motus lune?

Motus lune, nō ut Solis unicus & simplex, sed uariius est. Nam in apogeo procul à terra abest & in ipso apogeo nunc altior, nunc inferior est: in terræ perigeo terræ propior est. Et eodem loco aliàs uelocior, aliàs tardior est: aliquando in ipsa ecliptica uehitur, aliquando procul ad latitudines egreditur. Ideo etiam lune fabricatio plus habet machinarum quàm Solis.

V. Quot sunt orbes lune?

Quatuor. 1. Extremus cōcentricus. 2. Deferens apogeu. 3. Eccentricus simpliciter. 4. Deferens perigeum.

Qualis est extremus?

Est orbis quo digreditur & regreditur luna cum ab ecliptica ad latitudines euagatur & ad eam redit: estq; mundo cōcentricus: & uocatur deferēs caput & caudam draconis: Prolemæus uocat nodum ascendentem & descendentem,

322 / DE THEORICA LVNÆ,
dentem, seu potius attollentem & deuehen-
tem, ἀνὰ δ' ἑσπερον ἀναβιβάζοντα καὶ καταβιβάζοντα.

Quid est ἀναβιβάζων?

Est nodus in quo luna ab ecliptica digre-
diens ad nostrum uerticem accedit.

Quid est καταβιβάζων?

Est nodus in quo luna ab ecliptica discedēs
à nostro uertice remouetur.

Quid est orbis deferens apogeeum?

Est eccentricus, qui rationem ostendit di-
stantiæ & propinquitatis lunæ. Quia manife-
stum est lunam in omni coniunctione & op-
positione media esse in apogeo ac lōgius sub-
latam à terra, quàm in quadratoris medijs.

Quid est Eccentricus simpliciter?

Est orbis cui affixus est Epicyclus.

Quid est Epicyclus?

Est orbis uehens lunæ corpus, cuius centrū
non solum distat à mundi centro, sed ne qui-
dem circumit mundi centrum, ut faciunt or-
bes, qui alioquin uocantur eccentrici: sed affi-
xus est uelut in apside aut cātho rotæ. Magna
tamen diametros epicycli cogitanda est, uide-
licet quinquies continens terræ dia-
metrum.

Cur additur epicyclus eccentrico?

Quia luna etiam cum est in apogeo eccentrici, tamen alias terræ propior est, ut cum in imo epicyclo est: alias remotior, ut cum est in summo epicyclo: id quod eclipses ostendunt. Est & in ipso apogeo alias tardior, alias uelocior. Tardior cum est in summa parte epicycli: ubi duo contrarii motus cōcurrentes tarditatem efficiunt: quia eccentricus mouetur secundum successionem signorum: epicyclus contra in superiori parte. Contra uelocior est in ima parte epicycli ubi duo motus cōgruentes efficiunt celeritatem: quia & eccentricus & epicyclus ibi secundum successionem signorum mouetur.

Quid est deferens perigeum?

Est intra eccentricum, ut deferat perigeum & efficiat concinnitatem cæterorum circum-euntium centrum mundi.

Qui nam sunt motus illorum lunæ orbium?

Diuerſi sunt, ut tarditatis & uelocitatis ratio reddi possit. Alius enim in lōgitudinem, alius in latitudinem est.

Quotplex est in longitudinem?

Duplex. Medius & Verus. Medius, aggregatus ex diuersarum sphaerarum motibus est

13 graduum, 10 minut. 35. secund. Et si autem mediū motus æqualis distributio est in singulos dies: uerorum tamen motuum discrimina sunt. Interdum nouæ & plenæ lunæ uelocitas gradus 14 superat: tarditas interdum gradus 12 & aliquanto amplius peragrat. Dimidiatæ uerò uelocitas interdum 15 gradus superat, tarditas uerò aliquanto plus, quàm 11 peragrat. Hæc uarietas mirando consilio Dei instituta est ut rapiditas uices habeat.

Quæ nam est motus in latitudinem?

Cum euagatur luna ab ecliptica per nodū ἀναβιβάζοντα καὶ καταβιβάζοντα. Hic motus diurnus est trium minutorū: eiusq; periodus completur annis 18, diebus 256, horis 7.

Quæ nam est causa huius motus?

Si luna non discederet ab ecliptica, singulis mensibus essent binæ eclipses.

Sic autem ordinata est rerum natura, ut sint rariores eclipses tanquam prodigia. Consentaneū est enim detrimēto affici naturam inferiorem cum luminis uiuifici fulgor intercipitur.

Luna itaq; discedit ab ecliptica.

v I. Quæ nam sunt effecta lunæ?

Designatio seu dimensio Mensium. Nam lunæ curricula, cōiunctiones cum sole, disces-

sus, incrementa, decrementa & reditus ad solem, efficiunt spacia mensium lunarium.

Quotuplex est Mensis?

Duplex: Solaris seu ciuilis & Lunaris.

Quid est Solaris?

Est tempus quo sol motu proprio conficit unum signum Zodiaci, uidelicet 30 dies, horæ 10.

Quid est Lunaris?

Cuius comparatio ad Solis iter, initio monstrauit anni mensuram: estq; triplex, Periodicus, Synodicus & Illuminationis.

Quid est mensis Periodicus?

Mensis periodicus seu peragratiōis est tempus quo luna motu proprio ab occasu uersus ortum semel totum Zodiacū peragrat: quod fit diebus 27. horis 8.

Quid est Synodicus?

Synodicus seu coniunctionalis seu consecutionis est tempus quo luna non solum ad idem punctum redit unde discesserat, sed ad ipsum solem qui interea à proxima coniunctione longius progressus est. Assequitur autem luna solem à fine mensis periodici spatio aliquanto maiore quàm bidui. Est autē mensis synodicus dierum 29. horarum 12. minutorum 44. secundis.

Quid est mensis illuminationis?

Est tempus à primo conspectu nascentis lunæ usque ad ultimū diem euanescentis: quod vulgò dicunt esse dierum 28. quod tamen non est perpetuum: quia luna aliàs tardiùs, aliàs citiùs se nobis ostendit: interdum altero die post coniunctionem, interdum tertio, interdum quarto die prodit. Sole iter faciente ab initio Capricorni ad finem Geminorum, Luna septentrionalibus climatibus citiùs apparet, propter obliquitatē Zodiaci & horizon-
tis & illorum signorum rectum descensum. Hoc ipsum quoq; uariatur propter diuersitatem cum latitudinis (citiùs enim prodit in latitudine septentrionali quàm meridiana) tum motuum lunæ. Citiùs enim prodit quando est uelox motu, quàm cūm est tarda.

V I I. *Quænam sunt παρὸς πρὸς
lunæ?*

Et si semper dimidijs globus lunæ à sole illuminatur: tamen cū corpus densum habeat: inæquali copîa luminis lucet: tantūq; ea medietate aut portione paulo maiore (est enim sole longè minor) accipit lumen, quæ Soli obuersa est. Sed hæc medietas à nobis non semper tota cernitur: quia non eodem modo se semper habent uisus noster ad positum lunæ & Solis: & bases pyramidis uisionis & pyramidis

midis illuminationis ad se inuicem. Nam in ipsa coniunctione nō intercurrit noster uisus seu oculi radius inter solem & lunam. Tunc igitur non cōspicitur pars illuminata: sed paulatim cum luna à sole discessit, intercurrit noster uisus inter solem & lunæ partem obuersam Soli, & quò longius progreditur luna, eò maiorem partem illuminati spacij apprehendit noster oculus. Cum itaq; bases pyramidis uisionis & pyramidis illuminationis ad se inuicem non eodem modo se habeant: tantum quotidie de parte lunæ illuminata cernitur, quantum respondet intersectioni basium pyramidis illuminationis & uisionis.

Quæ nam est causa diuerse intersectionis basium?

Diuersus lunæ ad solem positus: quæ aliàs Soli coniungitur, aliàs illi diametraliter opponitur, aliàs ab eo recedit & ad eum redit.

Quid, cūm Soli luna coniungitur?

Tum nihil luminis de illuminata medietate lunæ cernitur: quia basis uisionis consistit infra basin illuminationis, ita ut constituat cum ea parallelas líneas.

Quid fit cūm luna Soli opponitur?

Tum totam medietatem illuminatam nobis obuertit, cumq; noster uisus medius sit in-

ter lunam illuminatam & solem, bases pyramidum illuminationis & uisionis se inuicem intersecare nō possunt: sed iterum (ut in coniunctione factum est) in uno plano æquabiliter iaceat: ita tamen ut iterum basis uisionis consistat infra basin illuminationis. Itaq; uisus noster non integram medietatem, sed paulo minus uidet propter causam antè dictam. Videtur autem plana luna propter nimiam distantiam, ut ostēdit Vitellio lib. 4, prop. 65. Hoc fit die 15. à coniunctione: uocaturq; hæc lunæ φάσις seu apparentia πανσέληνος.

Quotuplices sunt lunæ φάσις cū à sole recedit, aut eundem accedit?

Tres sunt figuræ
seu apparētix lunæ
accedentis aut re-
linquentis solem:

Κερατοειδής ἢ μωοειδής: Cornicul-
laris, seu falcata: seu, ut Plinius
loquitur, curuata in cornua.

Διχότομος seu ἡμίτομος, Dimidia.

Ἀμφίχυρτος, utrinq; gibbosa, præ-
tumida, & ut Plinius ait, sinuata
in orbem.

Quando fit Corniculata?

I. A' prima die apparitionis post coniun-
ctionem usq; ad diem quintum uel sextum:
quia basis pyramidis uisionis intersecat basin
pyra-

pyramidis illuminationis uersus oculum ad angulum acutum: cui de circumferentia corporis lunaris respondet minus quadrante atque ita maior portio hemisphæri illustrati sursum uersus solem uergit. Cumq; linea quæ partem opacam à lucida dirimit, trahatur in corpore globoso, & nos eam ex obliquo aspicimus, apparet ea non recta, sed curua. Cum enim luna sit corpus sphæricum: conuexum luminis, fit arcus. Et quia noster oculus ex obliquo aspicit lineam, quæ diuidit illuminatam partem ab opaca: uidetur hæc linea recedere ad conuexam propter globosi corporis figuram.

I. I. Post diem à coniunctione 25 usque ad exitum mensis; eadem est $\Phi\acute{\alpha}\sigma\iota\varsigma$ & eadem de causa. Cornua autem uertit ad orientem cum à coniunctione recedit: ad occasum, cum ad eam accedit: quia pars obuersa Soli, illuminatur.

Quando fit διχότομος?

Die à coniunctione septima uel octaua: seu post primam quartā: & die 22 aut tertio, cum scilicet à sole utrinq; abest quadrante circuli. Nam basis pyramidis uisionis, basin pyramidis illuminationis hunc intersecat ad angulos rectos, quibus de circumferentia corporis lunaris respondent quadrantes: dimidia itaq;

X 5 pars

pars medietatis lunæ illuminatæ cœlum respicit, reliqua uerò terram. Et quia linea opacam partem ab illuminata dirimens, cum axe pyramidis uisionis rectam constituit lineam, & luna à nostro conspectu longè remota est, uidetur linea esse recta & corpus lunæ planū, ut demonstrat Euclid. prop. 22. Opticæ.

Quando fit ἀμεινυρ?

Die à coniunctione undecimo, & 19. accedens ad oppositionem Solis, & ab eadem recedens. Nam cum utrinq; non longè ab oppositione Solis distet, bases se intersecant ad angulos uersus oculum obtusos, quibus plus quadrante de corpore lunæ respondet. Maior itaque portio medietatis illuminatæ respicit terram, minor cœlum. Cumq; axis pyramidis uisualis, obliquè in basim pyramidis illuminationis incidens, cum ea angulū obtusum constituat: luna uidetur utrinq; gibbosa.

VIII. *Quænam est passio lunæ?*

Eclipsis.

Quid est Eclipsis Lunæ?

Est priuatio luminis solaris in luna, ob interpositionem terræ inter solem & lunam ex diametro factam.

Quotplex est?

Duplex: Totalis & Partialis.

Quid

Quid est Totalis?

Cum luna tota obscuratur: quæ & uniuersalis esse potest: id est, ab omnibus terræ incolis ex æquo uideri. Quia cum terra longè maior sit quàm luna, potest sua umbra totam lunam obumbrare.

Quotplex est Totalis?

Duplex est. Fit enim cum mora aut nulla, aut aliqua: eaquæ uel mediocri uel maxima.

Quando fit obscuratio sine mora?

Cum luna tota quidem obscuratur, sed habet latitudinem tanto minorem umbræ semidiametro, quanta est ipsius lunæ apparens semidiameter. Tunc enim ingressa toto corpore umbram, eam extremitate sui corporis stringit. Itaque statim iterum egreditur & uideri incipit.

Quando fit obscuratio cum mora mediocri?

Cum tota obscuratur, sed breui temporis spacio: quod contingit cum Soli opponitur extra nodos: ubi habet aliquam latitudinem, sed minorem sua semidiametro.

Quando fit obscuratio cum mora maxima?

Cum tota obscuratur & diutissime in umbra

bra manet: quod fit cū lumina opponuntur in ipsis intersectionibus. Tūc enim cū luna latitudine careat & umbra terræ in loco transitus lunæ longè spissior sit corpore lunæ (est enim umbræ semidiameter maxima 47 minut. Lunæ uerò 18) necesse est eam diutissimè in umbra commorari. Hanc autem moram adiuuat inæqualis utriusq; luminis à terra distantia. Quò enim oppositio Solis & lunæ in loco à terra remotiore contingit: eò umbra in loco trāsitus lunæ est tenuior, & eā luna citius transit. Quò uerò terræ est propior: eò umbra in loco transitus est spissior, & luna in ea diutius commoratur.

Quid est partialis eclipsis lunæ?

Cū lunæ pars aliqua obscuratur.

Quotplex est partialis?

Duplex: Aut enim medietas obscuratur: aut medietate plus minus'ue.

Quando medietas lunæ obscuratur?

Cū latitudo eius æquat semidiameterum umbræ in loco transitus. Quia enim centrum lunæ extremam superficiem coni stringit: necesse est dimidium corpus lunæ immersum umbræ obscurari.

Quando plus medietate?

Cū latitudinem habet maiorem sua diametro:

metro: sed minorem semidiametro umbræ.

Quando minus medietate?

Cùm latitudo eius maior est semidiametro umbræ, minor tamen semidiametris lunæ & umbræ coniunctis.

Quando fit Eclipsis Lunæ?

Si luna semper progrediretur sub ecliptica & ab ea in neutram partem deflecteret, sicut Sol: singulis mensibus eclipses Lunæ contingerent.

At luna non semper manet sub ecliptica: uerùm recedit ab ea tam uersus septentrionē quàm uersus meridiem.

Non igitur contingunt eclipses lunæ singulis mensibus: sed tunc cùm Soli opponitur in ipsis nodis, uel ab intersectionibus seu nodis ultra, citraq; quindecim gradibus. In hoc enim positu latitudinem habet aut nullā, aut minorem minutis 65. Nam semidiameter umbræ maxima, est 47. minutorum ferè: lunæ uerò semidiameter apparens maxima, est minutorum 18: quæ summæ additæ, faciunt 65 minuta. Si itaq; latitudo lunæ superat partes semidiametrorum coniunctas: nulla pars lunæ obscuratur: sed totum eius corpus extra conum umbrę transcurrit, nusquam illam attingens.

Potest autem luna ab ecliptica discedere interuallo

teruallo quinque graduum: quod spacium in sphaera lunæ excedit longitudinē 4 semidiametrorum terræ: id est, miliaria Germanica 3440. Cum autem umbræ tumor non ultra 47 minuta unius gradus extra eclipticā procedat: luna interuallo 4 graduum & quadrantis ferè distans ab umbra aliquando præterire potest.

Qui nam sunt termini ecliptici?

Termini ecliptici in eclipsibus lunaribus nihil aliud sunt quam distantia ab utraq; intersectione uia Solis & lunæ, tantæ quātis luna contractum umbræ uitare potest. Ptolemæus lunarium eclipsium terminos ponit ultra & citra nodos quindecim gradus. Tanto enim interuallo cū Luna Soli ab intersectionibus opponitur: nulla eclipsis fieri potest: lunæ enim latitudo maior est semidiametris lunæ & umbræ additis. Sed cū intra hoc spacium Soli opponitur: aut tota obscuratur, aut aliqua ex parte, prout propius, aut lōgius ab intersectionibus oppositio contigerit.

Quis est aspectus lunaris obscurationis, seu quibus apparet obscuratio lunæ?

Lunæ obscurationes cernuntur ab omnibus hominibus, quibus luna supra horizon-tem sublata fuit: id est, qui habitāt in illa parte globi

globi terreni, quæ radijs Solis infra horizon-
tem currentis, non illustratur, quæ aliquanto
minor est hemisphærio. Illi enim omnes qui
intra umbram terræ concluduntur, eodem
momento lunæ in umbram currentis fulgo-
rem obscurari sentiunt. Qua de causa eclipses
lunæ etiam uniuersales fieri dicuntur, quoties
luna tota priuatur lumine, quod eadem eclip-
sis cōspiciatur ab uniuersis hominibus, qui
illud terræ hemisphærium incolunt quod So-
lis radijs non illustratur. Et si autem eodē mo-
mento fit lunæ obscuratio, quando uidelicet
tota in umbram immersa est: tamē qui in eo-
dem hemisphærio terræ habitant orientem
uersus, serius illum defectum uident, quā
qui uersus occasum habitant: id est, orienta-
les plures horas noctis ab occasu Solis usque
ad tempus deficientis lunæ numerant, quā
occidentales, quibus tempus apparentis eclip-
sis uidetur & est propinquius initio noctis.
Ut eclipsis quæ in Assyria ab Alexandri exer-
citu ad Arbela, uisa est noctis hora secunda: in
Sicilia uisa est sub initiū noctis. Huius diuer-
sitaris causa est, quod propter tumorem ter-
ræ, orientalibus Sol citius oriens diem efficit,
& occidens citius noctem affert, quā ijs qui
ad occidentem habitant. Quia igitur orien-
tales citius noctem habent, fit ut illis tempus
eclipsis uisæ longius ab initio noctis distet,
quā

quàm occidentalibus, quibus sol occubuit ferrius. Et hæc ipsa diuersitas temporis conspectæ eclipsis argumento est, terram globi figuram habere in longitudinem.

Cur eclipses posteriores semper fiunt citra quàm priores?

Cum crebriores contingant lunę defectus, quàm Solis: obseruatũ est eorũ non esse fixa ac certa loca in ecliptica: sed uariari ac procedere ἀσ τὰ πηγύμῃα: id est, contra signorum ordinem: ut ostendit Plin. lib. 2. cap. 13. Propter hanc uariationem punctorum circa quę fiunt eclipses, circulo uehenti hos nodos tribuitur motus contrarius motui Planetarũ proprio: conueniens cum primo mobili, sed ita tardus ut singulis diebus nodi non amplius tribus minutis promoueantur ἀσ τὰ πηγύμῃα seu ab oriente uersus occasum: quo tardissimo motu peragant totum Zodiacum annis 18, diebus 226, horis 7. Post quod interuallum temporis, eclipses in iisdem locis Zodiaci iterum fieri possunt, ubi prius conspectæ sunt. Atq; hæc hæctenus de Sole & Luna, sequuntur cæteri Planetæ.

LIBER XVI. DE THEO- RICA TRIUM SVPE- RIORVM.

*Quæ nam est differentia reliquarum er-
raticarum?*



RES dicuntur superiores, Satur-
nus, Iupiter, Mars: duo inferiores,
Venus & Mercurius, inter duo lu-
mina positæ. Hi quinque singulis
diebus: id est, 24. horarum spacio semel circa
centrum uniuersi mundi ab ortu in occasum
circumuoluuntur: quem motum non ex sese
habent, sed à summo cœlo, seu primo mobili:
cuius inæstimabilis rapiditas est tam uiolen-
ta, ut non modo omnium planetarum orbes
secum eodem motu circa terram quotidie ra-
piat: sed etiam bonam partem elemētariis re-
gionis, orbi lunari uicinam circumagat, id
quod Cometarum quotidianus motus o-
stendit.

1. *Quæ nam sunt nomina trium supe-
riorum?*

Saturnus Græcis κρόνος à tempore dicitur,
ob motus tarditatem: & φάινων. Iouem Plato
Ἰούα ὁ τῆς ἰλῦ uocari ait: est enim tēperato suo
Y calore

calore autor uitę in uiuentib. *ἢ αὐτὸς δὲ λέγει* uerò dici ait, quasi *ἢ ὁ πῦρ ἐκ τῆς αἰσθητικῆς τοῖς ὀφθαλμοῖς ὑποφάνηται*. Vocatur & *φαιθωρ* à splendore & fulgore. Solus enim (luminarib. & Venere exceptis) umbram parit. Mars Græcis *ἄρης* à *τὸ ἀρᾶν*: id est, interficiendo. Est enim eius calor immodicus, causa interitus: uel quòd causa putatur esse cædiū & tuum multum malè constitutus: uel cū præsideat *θυμικῶς*, quòd efficiat *φουητικὰς φύσας*. Vocatur & *πρός* uel à rutilante atq; igneo colore, uel ab effectu quòd incendit, urit & desiccatur.

I 1. *Quæ nam est natura singulorum?*

Saturnus supremus planetarum & tardissimus, frigidus & siccus, ideoq; pallidus, colore plumbeo. Cuius summa apsis (quæ hodie est in 29 parte Sagittarij) abest à terra semidiametris terræ 20072. & 15 scrupul. Ima uerò 14378 semid. & 20 minut.

Iupiter Saturno proximus, temperatus est & lucidissimus: adeò ut & umbram gignat, præsertim cū est *περίηδρος*. Eius *ἀπόδορ* (quod 7 graduum Libræ obtinet) semidiamet. 14369 & 15 scrup. seu quadrante ferè abest à terra. *Περίηδρος* in 7 gradu Arietis, 8853 semid. & 45 scrup. seu dodrante ferè abest.

Mars calidus & siccus, rutilus, flammeo colore est. Eius *ἀπόδορ* in 28 parte Leonis, abest à terra

terra 8022. semid $\pi\rho\iota\gamma\epsilon\omicron\nu$ in 28 Piscium, distat 2176 semid. ut Albategnius numerat. Nam Martis $\epsilon\kappa\kappa\upsilon\pi\rho\acute{o}\tau\eta\varsigma$ diminuta est una quadragesima secunda parte à tempore Ptolemæi.

I I I. *Quænam est eorum proportio ad terram?*

Saturnus terra est maior nonagies semel, cum octaua parte. Proportio enim diametri eius ad diametrum terre est quadrupla sesqui altera, quæ 9 ad 2.

Iupiter terram nonagies quinquies cum dimidia ferè parte excedit. Est enim proportio diametri eius ad diametrum terre quadrupla, superpartiēs quatuor septimas, quæ 32 ad 7.

Mars maior est terra semel & paulo plus una tertia. Proportio enim diametri eius ad terram est sesquisexta, quæ 7 ad 6.

I I I I. *Qui nam est eorum Motus?*

Saturnus tardissimus 30 annis cursum suū cōficit. Iupiter 12 annis Zodiacum percurrit. Mars biennio eundem peragrat.

V. *Quot sunt eorum orbes?*

Quatuor. 1. Deferentes apogeu & perigeum. 2. Eccentrici seu deferentes epicyclum. 3. Epicycli. 4. Aequantes.

Qui nam sunt deferentes apogeu[m] & perigeu[m]?

Qui tardissimo motu octauæ sphaeræ seu stellarum fixarū procedunt ab occidente uersus orientem, mutātes paulatim loca apogei. Nostra ætate Copernicus reperit apogeu[m] Saturni in 27 gradu, 42 minu. Sagittarij. Iouis in 6, grad. 21 min. Libræ. Martis in 27 gradu. 1 minut. Leonis. Est igitur hac nostra ætate in perigeo: id est, terræ proximus ratione eccentrici sui, Saturnus in 27 gradu Geminorū. Iupiter in 5 gradu Arietis. Mars in 27. Aquarij.

Qui nam sunt deferentes epicyclum?

Sunt eccentrici, qui feruntur motu planetarum proprio ab occidēte uersus orientem, hac lege, ut motu æquali seu medio, totū Zodiacum percurrat centrum epicycli Saturni 29 ann. 155 diebus. Iouis 11 ann. 312 dieb. Martis 1. ann. 321. dieb.

Cur adduntur epicycli?

Propter duplicem inæqualitatem motus.

Quid sunt æquantes?

Sunt circuli eccentricis æquales, sed ex alio centro descripti: à Ptolemæo ἐκκεντροὶ τῶν ὁμῶς ἀλὼ κίνησιν περιέχοντες: additi ut punctum monstrari possit, super quo motus æqualis seu regularis

gularis fieri iudicatur, cum id neque mundi, neque deferentium epicyclum centra præstent.

Quot duplex igitur est horum motus in his orbibus?

Duplex. Vnus in longitudinem, alter in latitudinem.

Qui nam est in longitudinem?

Est qui fit in epicyclis ab occidente in orientem & contra. Estque contrarius ei, quo Luna fertur in suo epicyclo. Mouentur enim hi tres in suorum epicyclorum parte superiore *eis τὰ πρόμυνα*: id est, iuxta signorum in Zodiaco seriem: in inferiore *eis τὰ ὑγόμενα*: id est, contra signorum ordinem. Propter hunc in epicyclis motum accidunt superioribus quædam a quibus Luna immunis cernitur. Hic igitur considerandæ Vices stationum tempus quo quisque suam periodum absoluit: & epicyclorum diametri.

Quot sunt uices stationum?

Superiores ob uices triplices stationum, dicuntur uel *σηρίζοντες* stationales: uel *προηγυτικοί* retrogradi seu reciproci: uel *ἑποταπῖνοι* directi.

Quando dicuntur Stationales?

Cum aliquandiu secundum signorum ordinem consueta uel tarditate, uel celeritate progressi:

gressi: mox inhibentes cursum nusquā promouent: sed aliquot dies tanquam immoti subsistere videntur.

Quottuplex est Statio?

Duplex: prima & secunda. πρώτῃ ἐπιρῖμῃ καὶ δευτέρῃ φαντασίᾳ.

Quid est prima statio?

Cum hi planetæ per epicycli latus orientale descendunt ad inferiorem partem, ita ut linea uerū motus eorum (quæ ex centro mundi per centrum planetæ ad Zodiacum ducta intelligitur) incipiat ferri contra signorum ordinem.

Quid est secunda statio?

Cum hīdē per epicycli occidentale seu dextrum latus ascendunt.

Quando dicuntur Retrogradi?

Cum sese rursus cōmouentes non progrediuntur eò quo prius cursum instituerant, sed reciprocantes, aliquam confecti itineris partem retrò legunt. Atq; ita aliquousq; regressi, rursus subsistunt aliquot dies prorsus immoti, ut nobis apparet, iterumq; Stationales dicuntur.

Quando dicuntur Directi?

Cum quasi collectis per illam quietem uiribus,

ribus, denuò priorem uiam ingrediuntur, & antrorsum iuxta signorum seriem celeritate quanta possunt, contendunt: quasi moram stationum & regressionis hac festinatione compensaturi.

Vnde sunt illæ uices?

A' motu planetarum ipsorum in epicyclo. Nam primò cum per epicycli superiorē partē ferūtur, duo motus cōcurrunt in eandē mundi partem tendentes, nimirum motus centri epicycli in eccentrico & motus planetæ in epicyclo. Quī motus cōiuncti, efficiunt ut planetæ progredi celerius secundum signorum ordinem uideantur.

I I. Cū per epicycli latus sinistrum seu orientale descendunt ad inferiorem partem, ibi concurrunt contrarij motus, nimirum eccentrici (qui centrum epicycli atq; ita ipsum planetam perpetuò in anteriora uersus orientem protrudit) & ipsius planetæ in epicyclo, qui ab oriente in occidentem contra priorem motum nititur. Atq; ita fit ut aliquandiu æquentur contrarij motus, & sese mutuò quasi tollant. Quantum enim epicycli centrum secundum signorum ordinem promouet planetam: tantum ipse planeta contra in diuersam partem regreditur. Hæc contrariorū motuum equalitas efficit, ut planeta aliquot dies

immobilis stare uideatur. Aduuat autem illam stationis apparitionem, epicycli in lateribus curuitas deorsum uergens: ubi etsi planeta alioqui uelox, in epicyclo totidem gradus, quot alibi, diurno motu conficit: tamen quia certo arcui in lateribus epicycli minus spaciū in Zodiaco respondet, quā æquali arcui in summa aut ima parte epicycli: motus planete in epicycli laterib. tardior apparet: uocaturq; hæc prima statio.

III. Cum per epicycli inferiorem partem feruntur ultra punctum primæ stationis (adeo ut motus ipsorum, in epicyclo cōtra ordinem signorum incedentium, manifestè superet alterum motum centri epicycli, qui est ab eccentrico secundum ordinem signorum) sensibilis eorum animaduertitur regressio: uel quia ipsorum in epicyclo motus reuera est uelocior, altero motu quem cētrum epicycli ab eccentrico habet, ut de Saturno & Ioue infra dicitur: Vel propter amplitudinem epicycli certo arcui illius in inferiori parte (quæ terræ multo est propinquior) maius in Zodiaco spaciū respondet, quā æquali arcui in eiusdē epicycli parte superiore, quæ à terra est remotior, ut in Marte & Venere animaduerti potest: qui cum in suo epicyclo tardius moueantur, quā ipse epicyclus in eccentrico: tam essent à regressiōibus immunes, quā luna,
nisi

nisi eorum epicycli omnium amplissimi, ita propè ad terram accederent ut uni gradui circa perigeon epicycli multò maius in Zodiaco spacium respondeat, quàm circa apogeon. Quare cum diurna curricula Martis circa imā epicycli partem motum diuturnum deferentium epicyclum longè superent propter epicycli magnitudinem, Martis quoq; regressus, ut reliquorum superiorum, sensu percipitur. Idem & de Venere intelligatur.

III. Cùm per epicycli occidentale, seu dextrum latus ascendunt: rursus ipsorum motus diminuitur in epicyclo. Nam propter conuexitatem epicycli in latere sursum uergentē, arcui diurni motus planetæ in epicyclo minus spacium in cœlo respōdet. Quare iterum aliquandiu æquari quodammodo incipiunt duo contrarij motus: & sese inuicē quasi perimere: ita ut planeta immotus cōsistere uideatur. Hæc statio secunda dicitur: ab hoc loco secundæ stationis planeta altius subuectus in epicyclo: denuò secundum ordinem signorū procedere incipit, & directus dicitur: rursus enim conueniunt duo motus, epicyclum & planetam pariter uersus eandem partem

αὐτὰ ἐπὶ μῖνον
promouentes.

Cur luna non eodem modo subsistit & regreditur in lateribus epicycli?

Etsi Luna quoque in epicyclo fieri creditur, ita ut superiorem eius partem perambulans, contra signorum ordinem: inferiorem uero percurrentes, secundum signorum ordinem incedat: tamen cur in epicycli lateribus non subsistat & regrediatur aliquando: duæ causæ sunt. I. Tarditas motus lune in epicyclo, quæ paulò seriùs unam reuolutionem absoluit in epicyclo, quàm ipse epicyclus in eccentrico. II. Paruitas epicycli lunaris, qui cum sit omnium epicyclorum minimus: tamen non minus in 360 partes est diuisus quàm alij maiores circuli. Quare etsi luna in illo paruo circulo 13 gradus & 4 minuta diurno motu æquali contra successiōem signorum aliquādo percurrit: tamen quia illi diurno arcui, ubi plurimum, non tamen integri gradus duo in Zodiaco respondent: nulla potest sentiri lunæ regressio: sed hoc tantum euenit, ut luna cum superiorem epicycli medietatē peragrat, tardiùs ferri uideatur: celeriùs uero cum inferiorem. Sed tres superiores habent partim motus suos in epicyclis multò uelociōres, quàm centrum epicycli in eccentricis, ut Saturnus & Iupiter: partim ita amplum epicyclum & alicubi terræ adeò appropinquantem, ut spacium

cium Zodiaci, quod competit arcui diurno planetæ, in epicyclo contra ordinem signorū euntis, superet arcum, quem cētrum epicycli motu diurno eccētricorum secundum signorum ordinem absoluit. Quare necesse est ibi manifestam planetæ regressionem sentiri.

*Quo tempore absoluit quisq; superiorum
suam periodum?*

Absoluunt hi planetæ unam in epicyclis suis periodum eo tempore, quod inter duas ipsorū & Solis coniūctiones intereedit. Semper enim circa medium tempus directionis trium superiorum, sol cum eis coniungitur: circa medium uerò regressus, sol unicuiq; horum trium ex diametro opponitur. Continet autem hoc interuallum periodicum in epicyclo Saturni annum unum, dies 13. Iouis annū unum, dies 34. Martis 2. ann. dies ferè 50. Hinc apparet quod Saturni & Iouis periodus in epicyclo longè sit celerior, quàm epicycli in deferente suo: Martis uerò tardior aliquanto. Item quòd Saturnus celerius fertur in suo epicyclo quàm Iupiter, & hic rursus uelocius quàm Mars. Causa est quòd Sol tardissimum quemq; ex his planetis suo cursu celerrimè assequitur. Quare necesse est planetam, qui in eccentrico suo tardius mouetur, suum in epicyclo curriculum accelerare, ut sole accedente
ad

ad coniunctionem, ipse in fastigio sui epicycli reperiatur. Est enim perpetua quædam lex, qua hi planetę ita circumaguntur ut ipsorum motus in epicycli cōgruat cum accessu Solis, quem tanquam regem suum uenerari uidentur. *Nam:*

I. Quoties soli coniuncti sunt, toties summam sui epicycli apsidem tenere depræhenduntur, tanquam reuerentia tanti hospitis in extremos suæ ditionis fines digressi, ut regi præsentī cedant loco, & ex interuallo mediocri, cum reuerentia mandata & uires ab eo accipiant.

II. Recedente sole post coniunctionem, cuius motus est uelocior, ipsi de arce sui epicycli descendunt, quasi officij causa deducturi abeuntem regem, atq; ita solem insequuntur, donec abscelsit per tertiam Zodiaci partem: id est, donec 4 signorum interuallo ab ipsis abest, quem trigonum aspectum uocant. Tum demum quasi satisfecerint suo officio, aliquot dies consistunt immoti, tanquam ualedicentes regi & longiùs abeuntem prospectantes.

III. Mox regredi incipiunt & in imas partes sui epicycli sese demittunt, quoties sol illis ex aduerso opponitur, ut uideantur quasi lugere regis absentiam & illius reditum supplices expetere.

IIII. Cum

IIII. Cum Solem post oppositionē cer-
nunt ad sese accedere, adhuc contra ordinem
signorum ab ima parte epicycli ascendentes:
festinant regi occurrere, eumq; interuallo 4
signorum seu trigoni adhuc distantem, quasi
salutabundi excipiunt aliquot dierum statio-
ne facta: atq; ita deinceps recto cursu secun-
dum ordinem signorum appropinquāti So-
li præcedentes, cum læticia ad arcis suæ fasti-
gium enituntur, ut Soli proximo locum con-
cedant.

Quantæ sunt diametri epicyclorum?

Diameter epicycli lunaris, qui omnium mi-
nimus est, continet terræ diametrū quinquies
& sextantem. Sed lunarem epicyclum longè
uincunt epicycli superiorum. Nam diameter
Saturni, æquat longitudine diametros terræ
2298. Iouis, habet diametros terræ 2743. Mar-
tis, continet diam. terræ 4085. Hinc æstimari
potest uelocitas horum planetarum, qui hos
amplissimos orbes epicyclorum suorū per-
currunt eo interuallo, dum sol ab ipsis digres-
sus ad eosdem reuertitur. Hinc etiam cogita-
ri potest non esse exigua interualla altitudinis
& humilitatis, quibus ratione epicyclorum
ad terram accedunt, uel ab ea recedunt: quæ
remotio & propinquitas magnitudines eo-
rum apparentes & colores nonnihil mutat: &
ad

ad iudicandos ipsorum effectus prodest. Nam quas vires in efficiendis corporibus inferioribus habent, has exercent languidiùs, quando in summis epicyclorum apsidibus collocati, longissimè à terra abscesserunt: longè uerò efficacius & potentius, quādo in imis partibus suorum epicyclorum constituti, aliquot milibus diametrorum terre, propiores nobis facti sunt. Saturnus autem uim habet frigefaciendi & leniter exiccandi: Mars uehementer exiccat & urit. Iupiter inter hos mediùs, temperatam naturam habet: calefacit enim simul & humectat, & fœcundos generationiꝫ aptos spiritus excitat & fouet. Atq; hæc de motu superiorum in longitudinem.

Quid est motus superiorum in latitudinem?

Quo deflectunt à plano eclipticæ modò uersus austrum, modò uersus aquilonem.

Quottuplex est?

Duplex: Est enim uel deferentium, uel epicyclorum.

Quænam ratio est deferentium?

Eccentrici deferentes epicyclum eorum, secantur à plano eclipticæ in centro mundi: ita ut una pars eorum, quæ continet locum apogei, uergat ultra eclipticam uersus septentrionem:

nem: altera quæ continet locum perigei, uersus austrum. Et hæc obseruanda sunt 4. interualla latitudinum, nodi, termini & tempus.

Sunt ne æqualia illa latitudinum interualla?

Non sunt. Nam deferens epicyclum Saturni, duorū graduum, 26 minut. interuallo declinat ab ecliptica. Iouis, uno gradu, 24 minut. Martis, uno gradu.

Qui nam sunt nodi?

Nodi, quos efficit hæc interseccio duorum planorum circulorum, sunt ἀναβιβάζων καὶ καταβιβάζων, ut in Luna. Sed harum latitudinum nodi & puncta inter eos media, quæ sunt termini maximæ latitudinis seu declinationis, tardissimo motu octauæ sphaeræ transferuntur ab occidente uersus orientem εἰς τὰ ἐπόμενα, non ut Lunæ nodi, qui celerrimo motu feruntur εἰς τὰ προηγούμενα.

Qui nam sunt termini maximæ latitudinis?

Nodus ἀναβιβάζων in Saturno, hodie tenet 7. graduum Leonis: In Ioue 27 grad. Cancrī: in Marte 27 grad. Tauri. Καταβιβάζων in Saturno 7 gradū Aquarij: in Ioue 27 gra. Capricorni: in Marte 27 gradū Scorpj. Est ergo termin⁹ maximæ latitudinis septentrionalis in Saturno
in 7

in 7 grad. Scorpiōis: in Ioue in 27. grad. Librę:
in Marte in 27 gra. Leonis. Meridionalis uerō
in Saturno in 7 gra. Tauri: in Ioue in 27 grad.
Arietis: in Marte in 27 gradu Aquarij.

*Quo tempore absoluit quilibet superiorum
suam in deferente latitudi-
nem?*

Saturnus a septimo gradu Leonis, donec tō-
tam signiferi medietatem peragrat, ferme 15
annos currit extra eclipticam uersus septen-
trionem primum. A septimo autem aquarij
in meridiana latitudine alios quindecim ferē
annos consumit: licet in septentrionali latitu-
dine diutius cōmoretur, quā in australi: id
est, ferē biennio.

Iupiter absoluit latitudinem septentriona-
lem ferme sex annis & quinq; mensibus: me-
ridianam, quinq; annis & dimidio ferē.

Mars singulis ferē annis latitudines permu-
tat, inæqualiter tamen, ita ut aliquando tem-
pus latitudinis australis longius sit tempore
latitudinis septentrionalis. Id inde est, quod
totam latitudinem septentrionalem aliquan-
do absoluit directus: id est, secundum signorū
seriem currens ac stationes & regressiōē dif-
ferens in meridiam latitudinem. Quod cū
facit, ibi diutius hæret propter reciprocatio-
nis moram: sicut alioqui adeo inæqualem ha-
bet

bet motum propter amplitudinem sui epicycli, ut aliquando in uno signo Zodiaci peragrando amplius sex integris mensibus consummat: cum aliàs soleat intra duos menses quodlibet signum percurrere.

Quænam est latitudo epicyclorum?

Cum Astronomi animaduertent illam latitudinem deferentium non congruere cum experientia & inæqualem esse depræhenderent: coacti sunt huic alteram latitudinem adiungere, quam tribuunt epicyclis. Obseruarent enim quoties centrum epicycli esset in altero termino maximæ latitudinis in deferente, planetam currentem in epicycli medietate superiore, minorem habere latitudinem, quam quanta est maxima deferentis ab ecliptica delineatio: in inferiore uero longius ab ecliptica distare, quam pro declinatione maxima deferentis.

Quis igitur motus epicycli peculiaris in latitudinem est?

Est ferè similis cunarum agitationi, ita ut cum epicyclus à nodo deferentis attollente (qui dicitur ἀναβιβάζων) discedit uersus septentrionē: tum perigeon epicycli certo interuallo recedat à superficie deferentis uersus eandem partem mundi, quò inclinatur planum deferentis: atq; hoc modo superior pars epicycli

cli retorquetur à superficie eccentrici uersus superficiem eclipticæ: & planeta in medietate superiori epicycli currens inter duas superficies, eccentrici & eclipticæ, incedit: ideoq; minus procul ab ecliptica distat, quàm planum deferentis epicyclum. Planeta autem descendens in inferiorem medietatem epicycli, quæ à plano deferentis ipsa quoq; uersus septentrionem declinat, maiorem habet latitudinē septentrionalem, quàm quanta est distantia plani deferentis à plano eclipticæ.

Cum uero epicyclus à nodo deferentis deuehente (qui dicitur *καταβήζων*) ultra eclipticam defertur uersus meridiem: tum perigeon epicycli uersus eandem mundi partem à plano eccentrici declinat, ita ut rursus epicycli pars superior constituatur inter duo plana, eccentrici & eclipticæ. Inferior uero ultra duo plana longius declinet uersus meridiem quàm planum eccentrici. Quare planeta currens in inferiore epicycli medietate, iterum maiorem habet latitudinem: in superiore uero minorem quàm pro declinatione eccentrici è plano eclipticæ. Semper autem planeta incedens per inferiorem partem epicycli sui, maiorem habet latitudinem & septentrionalem & meridionalem, quàm cum per summam apsidem sui epicycli fertur.

*Quænam est ratio duarum latitudinum coniun-
ctarum in tribus superioribus?*

In Saturno, quando epicyclo est inter mino ma- ximæ la- titudinis	Septentrionalis: id est, cir- ca primas partes Scor- pij: planeta distat ab ecliptica in	Apogeo: id est, cum Soli cō- iungitur, grad. 2. min. 3. Perigeo: id est, cū Soli oppo- nitur, grad. 3. min. 3.
	Australis: id est, circa pri- mas partes Tauri: pla- neta distat ab eclipti- ca in epicycli	Apogeo, grad. 2. min. 1. Perigeo, grad. 3. min. 1.
In Ioue, quando epicyclo est situs in termi- no latitu- dinis	Septentrionalis: id est, iuxta 27 gra. Libræ: pla- neta distat ab eclipti- ca in epicycli	Apogeo, grad. 1. min. 6. Perigeo, grad. 2. min. 6.
	Australis: id est, iuxta 27 grad. Arietis, planeta distat ab ecliptica in	Apogeo, grad. 1. min. 4. Perigeo, grad. 2. min. 8.

In Marte, quādo epi- cycclus terminū latitudi- nis	{	Septētrionalis: id est, 27 gradu Leonis: planeta distat ab ecliptica in epicycli	{	Apogeo, grad. 1. min. 6.
			{	Perigeo, grad. 2. min. 5.
	{	Meridianæ: id est, 27 gra- du Aquarij: planeta di- stat ab ecliptica in epi- cycli	{	Apogeo, grad. 0. min. 2.
			{	Perigeo, grad. 7. min. 30.

Cur latitudo meridiana Martis in perigeo, superat septentrionalem in perigeo?

Causa est primò epicycli cū amplitudo, tum *ἐκσυρότης* magna: deinde quòd maximæ latitudinis meridianæ terminus, & perigeon eccentrici in eundem locum Zodiaci cadunt.

Atq; hæc de superioribus tribus planetis.

LIBER XVII. DE THEO- RICA DVORVM INFERIO-

RVM PLANETARVM, VENE-
ris & Mercurij.

*Quis est situs & ordo horum plane-
tarum?*



PLATO in Timæo supra lunā col-
locat solem: reliquos ordine deinceps:& hūc planetarum situm hoc
syllogismo quidam defendunt:

Si Venus & Mercurius infra solem uoluerentur:
oporteret eorum interuentu in coniunctioni-
bus, Solis lucem terris adimi, ut sit luna
Soli terræq; interposita *ἐπὶ μᾶς ὑθίας*.

At eorum interuentu in coniunctionibus Solis
lux terris non adimitur.

Non igitur infra, sed supra solem collocati sunt.

Sed neutrūquam ratio ista sufficit. Nam pri-
mò Veneris & Mercurij corpora, non (ut lu-
næ) densa & opaca, sed tota æqualiter rara &
lucida, radios Solis neq; excludunt à terra, ne-
que impediūt, quò minus in quamq; partem
liberè spargantur. I I. Diameter Veneris
(quæ Mercurio maior est) ad Solis dimetien-
tē secūdum Albategniū est subdecupla & uix

centesimam posses tegere partem de Sole. Secundum exactiorem obseruationem prope-
modum subquadrupla est. Solis enim apogei
diameter 31 scrup. est: perigei 33. Veneris apo-
gei dimetiens est 7 scrup. in perigeo 10. Vt plu-
rimum igitur quadragesimā Solis partem oc-
cultant nobis, si Solem tegeret, quæ occulta-
tio esset insensibilis. I I I. Nec Venus pro-
pter distantiam remotiorem tantam latitudi-
nis παραμάξις efficit, ut Luna. I I I I. Si Ve-
nus & Mercurius inter Solem & lunam non
sunt positi: totum spacium Soli lunæ q̃ inter-
iectum est uacuum. At id spacium nequit esse
uacuum, quod secundum Ptolemæum semi-
diametros terræ 1146 & spacium à terra ad lu-
nam decies nouies fere: secundum exactiorem
uero recentium obseruationem, semidiamet-
ros terræ 1114 continet: & fere decies octies
interuallum lunæ terræ q̃ interpositū æquat.
Venus igitur & Mercurius inter Solem posi-
ti sunt.

I. Quænam sunt nomina duorum infe-
riorum?

Venus dicitur ἑσπερος & πρωγός & Lucifer.
quando manè ante Solis exortum conspici-
tur, diem prænuncians & maturans: ἑσπερος,
Latine uesper & uesperugo, quando post So-
lis occasum fulgens lucem prorogat, ut Pli-
nius

nus ait. A' uenustate Veneris nomen apud Latinos acquisiuit: Græcè ἀφροδίτη ὅσα πλὴν ἐκ τῆς ἀφροδ' ὀνομασίου: quia fingitur nata ex spuma. Cum enim genitalis sit, foecunda & prolifica: semina etiam rerum nascentium, spumea: id est, spirituum plena efficit: & propter hanc foecunditatē uocatur ab Astrologis fortuna minor: sicut Iupiter fortuna maior.

Mercurius Græcis ἐὼρως & ἱερὸς ἑρμῆς & ἀπόλλωνος κύκλος dicitur.

11. Quæ nam est eorundem naturæ?

Venus humida & mediocriter calida est (plus enim humectat quàm calefacit) candida, clarior & fulgidior loue: Has uires habet (ut Plinius ait) quod eius natura cuncta generantur in terris. Namque in alterutro exortu genitali rore conspergens, non terre modò conceptus implet, uerum animantium quoque omnium stimulat. Ptolemæus quoque ei tribuit uim leniter calefaciendi & humectandi, in-
 quiens: θερμαίνει μὲν ἥ ἡρῆμα ὅσα πλὴν ἐγγύτητα πλὴν πῶς ἥλιος: μάλα δὲ ὑγραίνει καθάπερ σελήνη, ὅσα τὸ μέγιστον τῶν ἰδίων φώτων. Apogeeum eius (quod est in 18 gradu, 21 scrup. Tauri) à terra distat semid. ter. ræ 1070. Perigeum uerò (quod tenet, 18. grad. 21 mín. Scorpij) abest semid. 166.

Mercurius uarius ac uersatilis naturæ (nam naturam eorum planetarum imitatur, cum

quibus coniungitur) lucidus, sed non candidus. Vim habet excitandi flatus, ut Astrologi uolunt. Eius apogeu(m) (quod est in 3. gradu scorp̃ij) distat à terra semid. 166 secundum Albategnium. Puncta terris proxima in eodem Mercurij orbe, non in opposito cōsistunt, sed alterum 2 gradum Cācri, alterum 29 Piscium obtinet. Ab apogeo enim utrinq; 4 signis distident, & distant semid. 56 à terra.

II I. *Quænam est eorum proportio ad terram?*

Venus minor est terra: sed de eius certa quantitate nondum constat: quidam 28, quidam 37 terræ partem esse uolunt: ut sit dimetientis terræ portio ad dimetientem Veneris tripla sesquitertia: quæ est 10 ad 3.

Mercurij pars de 22 aut 22000 terræ esse censetur: eius stellam Albategnius omnium minimam & unam 19000 partium terræ esse opinatur.

II I I. *Qui nam est eorum motus?*

Habent hoc peculiare ambo inferiores, q̃ non digrediuntur à Sole toto cœlo, ut ab eo aliquando per quadratum aut per trigonum distent, uel ex aduerso cernantur: sed habent certas metas ultra quas à Sole non excurrunt. Semper enim Ven⁹ citra quinquagesimum, Mercurius citra trigessimum gradum solem comi-

comitatur. Solem uterq; antecedit & consequitur: & annuo cum Sole spacio cōuertitur. Venus matutina à Sole ultra 46 partes, scrupula 47. uespertina uerò 47 partes, 35 scrupula non digreditur. Mercurius matutinus ultra 28 partes, 37. scrup. uespertinus 27 partes, 37 scrupula à Sole nō discedit. Ex quo animaduersum est tempus periodicum centri epicyclorum in his duobus prorsus esse idem & æquale cum periodo Solis: & horum trium planetarum eandem esse lineam mediꝝ seu æqualis motus: id est, centra epicyclorum semper circumferri cum lineā æqualis motus Solis. Vnde etiam dicitur horum trium planetarū esse perpetua coniunctio secundum medium seu æqualem ipsorum motum. Et propter hanc cum Sole cognationem, uocantur Venus & Mercurius à Platone ἰσόδρομοι, ὁμόδρομοι καὶ ξυδρομοι τῷ ἡλίῳ.

V. Quot sunt eorum orbes?

Vtriq; inferiorum tribuitur epicyclus & totidem orbes quot superioribus & eorum orbium similes reuolutiones uersus easdē mundi partes: nisi quòd in Mercurio constituitur duplex ἀπόρορ, unum eccentrici deferētis epicyclum, alterum æquantis circuli. Cumq; utrumq; ἀπόρορ sit mobile, opus fuit diuersis orbibus, illa puncta maximæ distantix à ter-

ra promouentibus. Ponuntur igitur in eius sphaera quinque orbes, duo deferentes ἀπόγειον æquantis: duo deferentes eccentricum: quintus eccentricus epicyclum deferens.

Qui nam sunt deferentes ἀπόγειον æquantis?

Sunt duo extremi circuli, extimus & intimus, aliqua ex parte mundo concentrici, qui deferunt ἀπόγειον æquantis, illo tardissimo motu octauæ sphaeræ (quo etiam ἀπόγειον trium superiorum uariari diximus) ab occidente uersus orientem seu εἰς τὰ ἐπόμενα.

Qui nam sunt deferentes apogeeum eccentrici?

Sunt duo circuli duobus dictis introrsum contigui, prorsus ἐκκεντροί, qui super peculiari centro apogeeon eccentrici deferunt, contrario motu ab oriente in occidentem seu εἰς τὰ προηγούμενα, quodlibet integro anno unā periodum absoluentes, quod Mercurius cū Luna commune habet: ut statim dicam.

Qui nam est quintus orbis?

Est orbis in medio circulorum deferentium ἀπόγειον eccentrici situs, totus eccentricus, qui epicyclum circumfert quotannis semel cum sole super centro mobili, quod cū proximū est

est cētro mundi, tribus gradibus ab eo distat:
cum longissimè abest, 9 gradibus distat.

*Quottuplex est motus duorum infe-
riorum?*

Duplex: in longitudinem & latitudinem.

*Quis est motus Mercurij in longitu-
dinem?*

Alius est in eccentricis deferentibus cum
apogeu eccentrici: tum epicyclum: alius in
ipso epicyclo.

*Quis est motus Mercurij in eccentricis deferen-
tibus apogeu eccentrici?*

Is motus cum luna similitudinem & dissi-
militudinem habet. Nam quod ad circumuo-
lutionem centri deferentis & descriptionem
parui circuli in luna attinet, motus Mercurij
cum luna maximam similitudinem habet. Si-
cut enim deferentes apogeu lunæ, singulis
mensibus circumeunt ab oriente uersus oc-
cidentem, secum circumferunt in paruo circu-
lo centrū deferentis epicyclum, ita ut eo mo-
tu epicyclus in deferente suo describat figurā
lenticularem: ita hi Mercurij orbes deferen-
tes apogeu eccentrici, singulis annis semel
Zodiacum percurrunt contra signorum or-
dinem, atque secum circumferunt ab oriente
uersus

uersus occidentem centrum quinti orbis deferentis epicyclum Mercurij.

Dissimilitudinem autē habet motus Mercurij, non solum cum cæterorum planetarum omnium, sed etiam cum lunæ consuetis phænomenis propter mobilitatem centri quinti orbis, quod circuitione sua annua arctissimū circulum describit extra centrū mundi. Nam primò etsi Mercurij epicyclus in apogeo sui deferentis est, quoties attingit punctum alterius apogei in æquante, ac tam longissimè distat à centro mundi: tamen quando ad locum perigei diametraliter oppositū puenit) quod fit post semestre) non est tunc terræ seu centro mundi proximus, sed fuit propior iam ante duos menses, cum distabat ab apogeo æquantis interuallo 4 signorum: & rursus post alios duos menses fit terræ proximus: quando in altero latere ab eodem apogeo æquantis abest interuallo 4 signorum.

Deinde cum lunæ epicyclus propter illam mobilitatem centri, in qualibet reuolutione menstrua bis sit pariter in apogeo & perigeo sui deferentis: Mercurij epicyclus aliter se habet. Nam etsi in una reuolutione eccentrici, epicyclus Mercurij bis attingit loca ad terram proximè accedentia: tamen semel tantum est à terra remotissimus, cū scilicet attingit apogeon æquantis, quod nūc est in 9. gradu Scorpij.

pñ. Cumq; ad oppositum locū Zodiaci peruenit, scilicet ad 9 gradum Tauri, nō est terræ proximus: sed in alijs duobus punctis à loco apogei utrinq; & à se inuicem 4 signorū spacio distantibus: scilicet in 9 gradu Piscium & 9 Cancrī.

Quis est motus Mercurij in eccentricis deferentibus epicyclum?

Propter centri mobilitatem fit, ut epicycli ambitus describat figuram non circularem (ut in Planetis superioribus omnibus) neque lenticularem & æqualiter compressam circa medium (ut in luna fit) sed oualem, inæqualiter rotundam: cuius pars circa apogeeum est latior, circa perigeum arctior. Hoc motu eccentrici tam inæquali fit, ut epicyclus Mercurij altissimè à terra sustollatur, quando tenet apogeeon æquantis in 9 gradu Scorpñ, quod contingit quotannis mense Octobri: & rursus admoueatur ad terram adeo propè ut 40 terræ semidiametris propinquior nobis fiat, quàm fuit in apogeo. Accidit autē hæc Mercurij ad terram proxima accessio quotannis bis: semel cum tenet centrum epicycli 9 gradum Piscium: & iterum cum percurrit 9 gradum Cancrī: quod fit mense Febuario & Iunio, quibus mensibus etiam digressiones seu distantie Mercurij à Sole longissimæ fiunt & haud

366 DE THEOR. DVORVM INFERIOR.
haud dubiè corpus quoque illius grandius
apparet, ubi cernitur.

*Qui nam est motus Veneris in eccentrico
apogei?*

Iuxta quorundam recentium sententiam
communis est cùm Solis apogeo. Quare cen-
trum epicycli Veneris cū Sole in primis par-
tibus Capricorni paulò post brumam ad ter-
ram accedit proximè, ut suo calore frigoris
uim mitiget & terram fœcundo humore con-
spergat efficacius ex proprio interuallo. Fit
autem nobis propiortunc, quàm cùm in a-
pogeo fuit, spacio ferè 17 semidiametrorum
terræ.

*Qui nam est amborum inferiorum motus in
epicyclo?*

Est is, qui trium superiorum, ut scilicet in
superiore parte secundùm signorum ordinē:
in inferiori contra eundem ferantur. Sed non
seruant illam legem in periodis, quam perpe-
tuò sequuntur; superiores, ut coniuncti cum
Sole teneāt summas apsidēs epicyclorum, &
eidem oppositi retrogradī sint & imas apsi-
dēs seu perigea epicyclorum occupent: sed hī
duo feruntur suis quibusdam peculiaribus le-
gibus & diuersis. Nam Venus unam in epī-
cyclo suo periodum absoluit paulò amplius
quàm

quàm 9 mensibus: id est, diebus 583. horis 22. Nam diurno motu in epicyclo suo Venus progrediens cōficit minuta 37 fere, quod curriculum ne breue existimetur, sciendum est epicyclum Veneris adeò esse amplum, ut eius diameter contineat diametros terræ 570 $\frac{1}{2}$. Quare ambitus epicycli maximus continet diametros terræ 1794 fere, qui numerus si in 360 gradus diuidatur æqualiter, ostendet unius gradum arcum in epicyclo equari paulò minus quinq; diametris terræ. Vnde postea colligitur diurnum curriculum Veneris in epicyclo (quod diximus fere 37 minutorū esse) continere longitudinem trium diametrorum terræ. Hinc æstimari uelocitas Veneris potest, quæ in hora una tantum spacium in epicyclo percurrit, quanta est diametri terræ octaua pars, quæ continet amplius ducentis milliaribus Germanicis.

Mercurius autem percurrit totum suum epicyclum paulò citius, quàm 4 mensium spacio, ita ut quotidie in epicyclo conficiat motu æquali gradus 3, min. 6. Ita multò existimatur uelocior. Mercurius in suo epicyclo quàm Venus, propter epicycli paruitatē, cuius diameter æquat longitudine diametros terræ 50 & bessem. Ambitus igitur huius epicycli continet diametros terræ 159 & quadrantem fere. Vnde colligitur unius gradus arcum in
epi-

epicyclo Mercurij æquari nondum totī semi-diametro terræ, sed tantū miliaribus 760 Germanicis. Percurrit igitur in epicyclo suo quotidie spaciū longitudine æquale non totis duabus diametris terræ, sed tantū miliaribus Germanicis 2356. In una uerò hora peragrat milliaria Germ. 98. Hic igitur 4 nobis consideranda adhuc ueniunt. 1. Comparatio motus utriusq;. 2. Mutatio altitudinis & propinquitatis. 3. Digressiones, ἀποστάσεις, à Sole. 4. Apparitio utriusq;.

1. *Quæ nam est comparatio motus
utriusq;?*

Si conferes motum utriusq; inferiores: cernes Venerem in hora una duplò longius spaciū percurrere, quàm Mercurium, qui tamē existimatur ferri in epicyclo uelocius. Nam Mercurius tres gradus & dextantem quotidie conficit: Venus paulò amplius quàm dimidium unius gradus quotidie conficit. Causa est quòd unus gradus epicycli Veneris decuplo est maior, quàm unus gradus in epicyclo Mercurij. Habet enim Venus omniū Planetarum maximum epicyclum, ratione reliquorum suorum orbium.

II. *Quæ causa est mutationis altitudinis
& propinquitatis?*

Mutationi altitudinis & propinquitatis
haud

haud dubiè etiam effectiones in elementis & mixtis corporibus congruunt. Fiunt autem tales mutationes ratione uel perigei eccentrici (quo centrum epicycli Veneris propius terræ sit 17 semidiametris terræ; Mercurij, 40) uel epicycli: cuius motu aliquando ad terram proximè admoventur, aliquando procul ab ea in altum subuehuntur. Nam Mercurius amplius 50 diametris terrenis propior est nobis cum tenet imam epicycli apsidem, quam cum in illius summo fastigio uersatur. Atq; has uices propinquitatis & altitudinis in epicyclo Mercurius post binos semper menses alternat: ut cum initio Ianuarij fuit in summa apside, post octo hebdomades circa initium Martij est in ima parte epicycli & post alios duos menses circa initium Martij rursus in fastigio epicycli: ita ut quolibet anno ter nobis fiat propinquus ratione epicycli. Qui si in perigeo epicycli fuerit eo tempore, quando epicyclus proximè ad terram accessit (quod bis in anno fieri diximus, mense Febuario & Iunio) tunc quam potest proximè omnium ad terram se demisit, ita ut absit à terra tunc 65. fere semidiametris terræ: cum aliàs, quando & eccentrici & epicycli apogeon tenet, absit à terra 206 semidiametris.

At Venus 570 diametris terrenis ad nos accessit propius, quando imam partem sui epi-

A a cycli

cycli tenet: & totidem diametris abest lōgius à terra, quando ad fastigium sui epicycli euecta est. Has autē uices permutat decimo quoque mense. Vt cum principio Ianuarij fuit in summa apside sui epicycli, post 9 menses circa medium Octobris in imo epicyclo conspici-
 106 tur à nobis & maior, & clarior, utpote ex multo propiore loco apparens. Quod si epicycli sui imam partem tenuerit circa brumam (quo tempore illius epicyclum cum Sole esse terræ proximum diximus) sit eius omnium maxima propinquitas ad terram, ita ut absit tantū
 106 semidiametris terræ: cum alioqui, quando utrumq; tenet apogeon, eccentrici & epicycli, à terra absit 1380 semidiametris.

III. *Quid est digressio ἀπόστασις horum inferiorum à Sole?*

Est spacium in cœlo, quo duo inferiores à Sole discedunt: quod non eius maius semidiametro epicycli. Nam diximus supra, horum planetarū semper mediam esse cum Sole conjunctionem: id est, Solem, Venerem & Mercurium habere lineas æqualium motuum perpetuò in eodem loco Zodiaci secundum longitudinem. Vnde sequitur, hos planetas non posse à Sole longius discedere, quàm quanta est epicycli semidiameter: quod quidē in Venere perpetuum est, cuius epicycli centrum pro-

propemodum semper est in linea uerū motus Solis, quę trāsit per corpus Solis. Quod enim non affert differentiam trium minutorum, id hoc loco pro nihilo reputabitur.

Quomodo autem intelligenda est hęc digressionum ratio?

Imaginare duas lineas ab eodē centro mundi eductas, unam per centrum Solis & propemodum etiā per centrum epicycli Veneris: alteram per centrum stellę Veneris ad Solem usque excurrere. Has cogita coniunctas esse tunc, cum Venus apogeuū sui epicycli tenet. Inde cum Venus à Sole discedit, etiā lineę hęc distabunt subinde ampliore interuallo, donec linea Veneris oram epicycli in sinistro latere continget tantum & nō secabit ut prius: & tunc erit in termino longissimę distantię à Sole, à quo pūcto contactus discedente Venere ad imam partem sui epicycli, hęc linea iterū ad Solem regrēditur: cumq; uenit ad perigeuū epicycli, rursus cum Sole confūgitur. Inde ascendente planeta à perigeo epicycli, hęc linea uerū locum Veneris monstrans, iterum à Sole in alterum latus abscedit tandem, donec extremam oram epicycli in latere dextro attingit: ille iam rursus erit terminus lōgissimę distantię à Sole à quo loco Venere ascendente altius in epicyclo, dicta linea ad

solem iterum appropinquabit, donec affecta apogeon epicycli, Soli iterum cōiungitur. Itaq; semper erit maxima digressio Veneris illud in cœlo spacium quod respondet semidiametro epicycli: seu quod cōplectūtur due lineæ ex eodem centro mundi eductæ, quarū una transit per centrum Solis & epicycli: altera accumbit alterutri lateri epicycli, ita ut attingat epicyclum tantum, non secet. Sed quia has lineas diducit eò ampliore interuallo semidiameter epicycli, quò propius ad commune centrum mundi accesserit, & easdē propius coniungi patitur, quò longius à centro mundi recedit: facile hinc æstimari potest, has digressiones Veneris à Sole inæquales esse: & quidem minores, quando centrum epicycli fertur circa apogœum eccentrici: maiores uerò circa perigœum eccentrici.

Quanta autem est cuiusq; ἀπόστασις?

Prolemæus ponit Veneris ἀπόστασιν minimam (quæ contingit in apogeo eccentrici) arcum eclipticæ continentem gradus 44. min. 26. Maximam uerò (quæ contingit in perigeo eccentrici) continentem gradus 45. min. 35.

Mercurij autem digressiones, etsi propter paruitatem epicycli breuiiores sunt, quàm Veneris, habentis multo ampliorem epicyclum: tamen maiorem continent inæqualitatem arcuum

cum in coelo respondentium semidiametro epicycli, duabus de causis. I. Propter magnā *ἐκκυστρότητα* Mercurij, quæ aliquando 9 partes sexagesimas semidiametri eccentrici cōtinet: aliquando cum minima est, tantum tres. Variatur enim eccentricitas Mercurij propter mobilitatem centri eccentrici, seu propter accessum & recessum epicycli ad centrum mundi.

II. Quod centrum epicycli, non ita adhæret lineæ ueri loci Solis, ut in Venere ferè accidit: sed ab eo ultrò, citroq; aliquādo plusculis gradibus abesse potest, qui gradus uel addēdi, uel adimēdi arcui, q semidiametro epicycli respōdet, *ἀπσάσας* Mercurij insigniter inæquales faciūt. Ptolemæ⁹ itaq; ponit terminum *ἀπσάσας* Mercurij minimæ (quæ circa apogeuum contingit) arcum Zodiaci continentem grad. 16. min. 8. Maximæ uerò in locis ubi proximè ad terram accedit: arcum grad. 27. min. 37.

IIII. Quid obseruandum est in apparitionibus?

Duo. 1. Quando obseruari debeant. 2. Species ortus & occasus.

Quando obseruari debet Mercurius?

Is rarissimè in his regionibus conspicitur: obseruare igitur ipsius apparitionem oportet,

Aa 3 ter,

tet, cum propter propinquitatem epicycli ad terram, corpus eius maius cernitur, & longiores ipsius fiunt à sole digressiones. Proximè autem ad terram accedit eius epicyclus circa 9. gradum Piscium & 9. grad. Cancrì, quæ loca attingit epicyclus mense Februario & Iunio. Nam extra hæc tempora maximarum digressionum, Mercurius nō ita procul à sole remouetur, ut egrediatur illos limites, intra quos constitutæ stellæ à fulgore uicini Solis obscurantur. Vnde fit ut rarissimè appareat, præsertim in his regionibus, quarū horizon obliquior est, & rarò ita ab exhalationibus liber ut stellas uicinas Soli orienti aut occidēti, conspicendas præbeat. Accedit quòd plerunque ultra eclipticam uersus meridiem deflectit, ut paulò post dicetur.

Venus uerò (quæ & corpus grandius habet & plerunq; uersus septentrionem magis latitudine sua declinat, & longius à sole digreditur) semper ferè conspicua est: imò (quod mirum est) aliquando nō totum biduum obscuratur, quando Soli coniungitur, habens latitudinem magnā, ita ut uesperì post occasum Solis conspecta, interiectis duabus noctibus mox altero die manè ante Solis ortum cernatur. Quin etiam quod plus est, in regionibus serenioribus fieri aliquando potest (maximè circa primos gradus Arietis) ut initio & fine eiusdem

eiusdem noctis cernatur Venus: id est, ut & uesperis post Solis occasum cōspicua sit & eundem prætercurrens manè ante ipsum exorientem rursus appareat supra horizontem. Sed ibi necesse est & Venerem esse in septentrionali latitudine: habente minimum 6 grad. 20. min. & celeritatem motus in epicyclo accedere, quam habet Venus circa perigeum epicycli ideo præcipuè, quòd diurno motui Veneris in ima parte epicycli multò maius spaciū in cœlo respondet, quàm in summa epicycli apside. Quo tempore etiā corpus ipsius grandius uidetur & lumen fulgentius. Idem de luna dicitur, quòd eodem die noua & uetus cōspici possit, concurrentibus omnibus causis, apparitionem eius primam: maturantibus post coniunctionem.

Quid est Ortus?

Est apparitio prima seu noua earum stellarum, quæ aliquandiu radijs Solis obscuratae fuerant, quos ortus uocant Heliacos. Estq; duplex: Matutinus & Vespertinus.

Quid est ortus Matutinus?

Quando stella manè ante ortū Solis supra horizontem iterum conspicitur, quæ paulò ante propter Solis uicini fulgorem non cernebatur.

Quid est ortus Vespertinus?

Quando stella apparere incipit uesperimox sub occasum Solis, quæ prius aliquot diebus propter Solis propinquitatem non cernebatur. Hi ortus ambo stellarum non procul ab ecliptica discedentium, semper coniunctionem ipsarum cum sole sequuntur.

Quid est Occasus?

Est prima seu noua obscuratio earum stellarum quæ aliquanto ante supra horizontem manè uel uesperim conspicuæ fuerant: quæ obscuratio fit ob accessum uel Solis ad stellas, uel stellarum ad solem. Hunc occasum uocant uulgo Heliacum: estq; itidem Matutinus aut Vespertinus.

Quid est Matutinus?

Quando stella ita propè ad solem accedit, ut cum prius manè ante Solis ortum cerneretur, amplius conspici desinat.

Quid est Vespertinus?

Quando stella conspicua antea uesperim post Solis occasum, ita sit propinqua Soli, ut uisum nostrum effugiat. Hi occasus ambo in stellis uicinis eclipticæ, semper ipsarum cum sole coniunctionem præcedunt.

*Quomodo igitur oriuntur & occidunt tres
superiores?*

Tres superiores, qui non ita ad Solis uicini-
am alligati sunt: sed libero incessu per totū
Zodiacum uagantur (nisi quod in epicyclo
suum cursum accommodant ad Solis motum)
ut stellæ cœlo affixæ occidunt tantum uesper-
tino occasu (qui in tribus superioribus præ-
cedit) oriuntur autem tantū matutino ortu.

Quomodo occidunt?

Tres superiores tardiùs incedentes sol tan-
dem assequitur: & accedens primū fulgorē
eorum hebetat: sed tamen aliquandū adhuc
post suum occasum ipsos supra horizontem
conspicuos relinquit. Quo tempore uocan-
tur *ἑσπερίοι* & *ἑσπέροι* & minuti lumine: quod sole
propius accedente, in fastigia suorum epicy-
clorum attolluntur: unde postea propter alti-
tudinem eorum corpora cernuntur minora
& minus fulgida. Tandem propius accedens,
prorsus eos suo splendore occultat, ut uesperī
post Solis occasum non ampliùs appareant,
sicut antea. Et tunc quidem dicuntur occidisse
occasu uespertino: à quo tempore uocantur
ὑπανύοι, combusti.

Quando oriuntur?

Cum sol post coniunctionem prætergres-

sus eos ut tardiores, post se relinquit tanto intervallo, ut rursus cerni possint. Et tunc uocantur *ἰών & ἀγρόμφοι* & aucti lumine: non ideo tantum quod sol ab eis digrediens minus minusque eorum lumen obscurat: sed etiam quod ipsi tunc de arce epicyclorum suorum descendentes terræ incipiunt esse propinquiores: unde & magnitudine, & fulgore fiunt magis conspicui.

Quæ nam sunt φανόμφα Lunæ?

Lunæ φανόμφα differunt à reliquis quinque. Illi enim uicino sole ita obscurantur, ut ipsi quidem suum lumen non amittant, sed tantum splendore lucis solaris obruantur & tegantur. Sed luna suum lumen amittit: id est, illam partem sui corporis, quæ solari luce perfusa est, totam ipsi Soli in coniunctione obuertit, & ad nos alteram partem luce carentem conuertit. Sed contra superiorum morem occidit tantum occasu matutino: & oritur tantum ortu uespertino: propter celeritatem suam, quæ longè uincens Solis cursum, assequitur cum postremis diebus mensis, quibus manet ante Solis ortum ipsa aliquandiu conspicitur uicina horizonti, donec propius accedens tota occultatur. Deinde post coniunctionem à sole digressa uesperti post Solis occasum iterum incipit emergere, idque aliàs serius, aliàs maturius.

Quæ-

Quænam sunt φανόμενα duorum inferiorum?

Duo inferiores omnes has differentias ortuum & occasuū recipiunt & more trium superiorum omnes alias uices stationum, recti incessus & reciprocationis obeunt. Cum, ut supra dictum est, ita ad Solis propinquitatem alligati sint, ut ab eo ferè non longius digredi possint, quàm quanta est epicyclorum amplitudo. Perpetuò igitur quasi satellites, qui ministerio & custodiæ corporis regis præfecti sunt, circa solem uersantur, & modò ad eum accedunt, tanquam mandata accepturi, aut ministerium aliquod præstaturi: modò rursus ab eo excurrunt, quasi speculandi causa emissi, ut uix pericula explorent. Vnde tamè, ne longius à regis custodia euagentur, mox iterum quasi reuocati ad solem appropierant. His accessibus & recessibus in unaquaq; revolutione epicycli absoluunt binos ortus & binos occasus. *Nam:*

I. Quando post longissimam digressionem in dextro: id est, occidentali latere epicycli, ascendentes ad solem accedunt, dicuntur *προηγήμενοι* & *ἑωτοί* & minuti lumine. Quo tempore etiam recto cursu incedunt & ad apogeu epicycli sui, simul & ad solem contendentes, ante ipsius ortum conspiciuntur tamdiu, donec

nec metas illas attingunt, ultra quas progressi, ui luminis solaris tecti occultantur. Hic est occasus matutinus, præcedens ipsorum cum sole coniunctionem: sub quam etiam epicyclorum suorum apogea attingunt & ὑπαιχοι dicuntur.

II. Inde solem prætergressi, ab apogeo epicycli descendunt, & cum atterunt terminos, ultra quos distantes à sole, uesperis post occasum Solis rursus conspici possunt: dicuntur oriri ortu uespertino: & appellantur tunc ἐσπείριοι & ἐπώμιοι & aucti lumine.

III. Hoc modo, recto cursu à sole abeunt, donec attingunt eum locum sinistri lateris in epicyclo, quem monstrat lineaeducta ex centro mundi epicyclum contingens. Is locus cū sit terminus longissimæ digressionis: nō concedit illis ulteriorem à sole euagationē. Quare ibi cursum inhibent, & paulò post facti stationales: mox reciprocare incipiunt, atq; ita ad solem iterum accedere, quo tempore adhuc ἐσπείριοι & ἐπώμιοι appellantur, donec adeò Soli propinqui fiunt, ut radijs eius occultentur. Tunc autem occidere occasu uespertino dicuntur & ὑπαιχοι fiunt.

IIII. Postea Soli iterum coniunguntur, quādo sunt in ima parte epicycli, à qua ascendentes usq; ad terminos intra quos cerni possunt: manē ante Solis ortū denuo conspiciuntur,

tur, quo tempore dicuntur oriri ortu matutino : & uocantur iterum ἑσπείροι & πηγεῖς & adhuc contra ordinem signorum incedunt, à Sole longius abeuntes, usq; ad locum secundæ stationis, ubi inhibentes gradum, etiã paulo post terminum alterum maximę digressionis in dextro latere attingunt, quem mōstrat linea ex centro terræ emissa, & epicycli oram cōtingens. A' quo loco redire ad Solem recto incessu incipiunt ad easdē prorsus uices: quas diximus.

Ex hac narratione intelligi potest, quòd etsi celeritatem motus sui in epicyclis nō attemperant ad Solis cursum: tamen ipsum cœu regem suum in hoc obseruant, quòd quoties illi coniunguntur, semper in apogeo aut perigeo sui epicycli reperiuntur. *Item:*

Huc seruāt
ortuum & oc-
casum ordi-
nem, ut post
coniunctio-
nē quæ fit in
epicycli

Apogeo

Perigeo

1. Oriantur ortu uespertino.

2. Reciprocantes à termino longissimæ distantie à Sole, occidunt uespertino occasu.

1. Oriuntur ortu matutino.

2. A' termino maximæ digressionis redeuntes ad Solem, occidunt occasu matutino.

Quo toto tēpore uocantur ἑσπείροι & πηγῆες.

Quo toto tempore uocātur ἑσπείροι & πηγεῖς.

Atq;

Atq; hætenus de motibus inferiorū in lō-
gitudinē ab oriente in occidentē & ecōtra, su-
per diuersis orbib. eccentricis & epicyclis. Se-
quitur de motu eorundem in latitudinem.

*Quænam est ratio harum latitudi-
num?*

Magis uaria est quàm Lunæ & trium supe-
riorum: est enim duplex. Vna, quæ tribuitur
eccentricis, uocatur Deuiatio, Ptolemæus ἐ-
κκέντρου τῆ ἐκκέντρου uocat. Altera tribuitur epicy-
clis: eaq; rursus duplex est: Vna uocatur In-
clinatio, quam Ptolemæus uocat ἐγκλισιν τῆ ἐ-
πικύκλου. Altera uocatur Reflexio, à Ptolemæo
ἀνέκλισις: id est, obliquatio.

Quid est Deuiatio?

Est eccentrici declinatio qua planum eccen-
trici super diametro mundi mouetur, ita ut a-
pogeeum eius à plano eclipticæ recedat & rur-
sus accedat, motu simili cunarum agitationi.
Et hæc mobilitas eccentrici est propria infe-
riorum: superiorum enim eccentrici seruant
eadem interualla declinationis maximæ à pla-
no eclipticæ. Hic itaq; tria tenenda sunt:

I. Quòd huius latitudinis nodi utrinque
quadrante circuli seu 90 gradibus ab apogeo
æquantis distant.

II. Quòd ppetua hæc lex est huius Deui-
ationis, ut cū cētrū epicycli in nodis est, una
fit

fit & eclipticæ & eccentrici plana superficies & nulla latitudo eccentrici. Sed cum epicyclus à nodo dextro uersus apogeon eccentrici procedit, ipse eccentricus paulatim ab eclipticæ plano declinat, & ultra eclipticam profert epicyclū. Veneris quidem semper uersus septentrionem. Mercurij uero uersus meridiem.

III. Quòd maxima eccentrici deuiatio fit, cum centrū epicycli fuerit in apogeo uel perigeo æquantis: in Venere quidem utrobique septentrionalis, continens min. 10. in Mercurio uero meridionalis, continens min. 45.

Quid est inclinatio?

Est latitudo epicycli, qua apogäum & perigeum illius à plano eccentrici declinat: quæ inclinatio similis est eccentrici mobilitati & conuenit cum epicyclorū motu, quo superiores suas latitudines permutant. Nam & in his linea apogei & perigei ueri super diametro longitudinū mediarū epicycli, à plano eccentrici euagatur ita ut apogea & perigea epicyclorū à plano eccentrici declinēt, modo uersus austrū, modo uersus septentrionem: sed hac lege, ut

I. Cum centrum epicycli est in apogeo eccentrici, nusquā à plano eccentrici abscedāt.

II. Recedente inde epicyclo, apogeon eius incipiat deflectere à plano eccentrici, in Venere uersus septentrionē, in Mercurio uersus meridiem, crescēte semper latitudine, donec centrum

trum epicycli attingit nodū sinistrū: ibi enim cum nulla est eccentrici deuiatio, maxima est epicycli inclinatio: Veneris septentrionalis, continens in apogeo epicycli 1 grad. 3. min. in perigeo. grad. 6. min. 22. Mercurij uerò meridionalis continens in apogeo grad. 1. min. 46. in perigeo grad. 4. min. 5.

III. Recedēte cētro epicycli à nodo sinistro uersus imā partē eccentrici: hæc latitudo iterū minuatur, donec epicyclus attingit perigeū, ubi iterum nulla est epicycli inclinatio: quando tamen est maxima eccentrici Deuiatio.

III. Epicyclo ab ima parte eccentrici ascēdente, etiam apogeū epicycli incipiat denuo à plana eccentrici recedere, in Veneris epicyclo uersus meridiem, in Mercurij uersus septentrionem: crescente semper hac inclinatione epicycli, donec ad alterum nodum dextrum perueniat, ubi nulla est eccentrici Deuiatio & maxima epicycli inclinatio, cōtinens gradus totidem & minuta, quot prius sunt commemorata.

Quid est Reflexio?

Est epicycli latitudo, qua puncta in lateribus epicycli media inter apogeu & perigeū ab eccentrici plano recedunt. Hæc latitudo prorsus est peculiaris inferioribus. Nam & latera epicycli: id est, pūcta media inter apogeū & perigeum epicycli agitata uicissim super dia-

diametro ueri apogei & perigei à plano eccentrici recedunt certo interuallo & rursus accedunt, imitantia motum antennarum in nauibus, hac perpetua lege, ut quoties centrum epicycli est in nodo attollente seu dextro (in quo situ maxima est epicycli *ἐκλισις*.) puncta longitudinum mediarum in epicycli lateribus sint in plano eccentrici, & nulla fiat reflexio.

Sed cum inde recedit epicyclus, latera eius torqueri incipiant à plano eccentrici, in Venere uersus septentrionem, in Mercurio uersus meridiem: eaq; reflexio augetur tamdiu, donec centrū epicycli ascenderit ad apogeon eccentrici: ibi cum *ἐκλισις* epicycli nulla, eccentrici autem maxima est: contingit etiam Reflexio epicycli maxima, quæ in Venere continet pariter in apogeo & perigeo eccentrici, 2. grad. & semissem: in Mercurio uero in æquantis apogeo 2. grad. 15. minut. in perigeo. 2. grad. 45. min. Hanc inæqualitatē rursus efficit magna Mercurij *ἐκκινησις*.

Quæ nam est temperatura harum latitudinum?

Mira est temperatura harum latitudinum, Qua Deus cauit ne ambo hi planetæ terris uicini sæpè in eandem partem mundi simul incumberent: sed uicibus partitis alternarent

latitudines, & simul ut regi suo à diuersis plerunque lateribus assisterent & ministrarent. Nam primò est hoc perpetuum, quòd Venus omnes latitudines suas perficit in contrariam partem latitudinum Mercurij & ecòtrà. Nam eccentricus Veneris defert suum epicyclum tantum uersus septentrionem: Mercurij uersus meridiem tantum. II. In epicyclis similis est ratio, cum sunt siti in eisdem partibus suorum eccentricorum: id est, pariter uel in apogeo, uel in perigeo, uel in nodo. Nam ubi Venus uel inclinatione, uel reflexione sua euagatur uersus septentrionem: ibi Mercurius discedit eisdem latitudinum differentijs in contrariam plagam australem & econtra: permutatis semper uicibus.

Quæ nam est distantia utriusq; ab ecliptica?

His tribus latitudinib ⁹ additis, reperitur	Venus aliquādo	Citra eclipticam, uersus septentrionem, 7. graduū. 24. minutorum interuallo.
		Vltra eclipticam, uersus meridiem, 6. grad. 46. min.
	Mercurius aliquādo uersus	Meridiem, 4. grad. 33. min. ultra eclipticam.
		Septentrionem, 4. grad.

1 SATVRNVS	♄	φαιων.
2 IVPITER	♅	φαιδων.
3 MARS	♆	μυριος.
4 SOL	♁	κην.
5 VENVS	♀	φωσφορ.
6 MERCVRIVS	♂	σιδαρ.
7 LVNA	☾	σταλιν.

Mouetur die naturali

2 min.	4 min.	59 secū.	31 min.	26 sec.	59 min.	8 sec.	59 min.	8 sec.	59 min.	8 grad.	10 min.
--------	--------	----------	---------	---------	---------	--------	---------	--------	---------	---------	---------

Complet motum in

29 ann.	163 dieb.	11 ann.	314 d.	1 ann.	312 d.	1 ann.	6 hor.	1 ann.	6 hor.	1 ann.	6 hor.	27 dieb.	8 hor.
---------	-----------	---------	--------	--------	--------	--------	--------	--------	--------	--------	--------	----------	--------

Habet nomen Musæ

Polymnia.	Erato.	Terpsichores.	Melpomenes.	Thalia.	Euterpes.	Clio.
-----------	--------	---------------	-------------	---------	-----------	-------

Est in mundi harmonia, chorda

Nete.	Parane.	Paramese.	Mese.	Lichas.	Parhypha.	Hypate.
-------	---------	-----------	-------	---------	-----------	---------

LIBER XVIII. DE ASTROLOGIA.

Quid est Astrologia?



ST pars physicæ, quæ diuinat de rebus futuris ex consensu cœlestium corporū cum inferioribus. Nam ex motibus, coniunctionibus, aspectibus & influentijs cœlestium corporum, inferiorum mutationes considerat: & ex astrorum iudicijs quotannis de temporū uarietate, annonę penuriā & abundantia, bellis & morbis diuersis, si Dñs placet, futura prædicit. Quę analogia corporum cœlestium cum inferioribus, tota physica ratione constat: siue stellarum efficientes causas, siue passibilis materię effectus consideres. Atque ita hæc ars diuinandi tolerari potest, si intra generales rerum physicarum limites, ut aëris affectiones, maneat: at si ad annonę bellorum, morborum denunciationem: legum & Rerump. innouationes specialiter delabatur: tota impia & idolatrica euadit: ob eamq; impietatem & idolatriam nunc orbis totus haud dubiè pœnas luit, qui innumeros penè habet, qui in Dei Opt. Max. sacrarium & rerum futurarum *πρόγνωση*, horologij tantum illius mun-

mundani & cœlestis machinæ externa superficie inspecta irrumperè impio ausu conantur. Differuit Eudoxus Cnidius (ait Tullius) contra Chaldaeorum prædictiones de natali die: in quo ingenitum Eudoxi in primis suspicendum arbitror, qui in istas uanitates inuectus sit, ait Ramus lib. 1. pro cœm̃ Mathematici: ut enim plurima in physicis rebus, ut georgicis, medicis, nauticis, prædictio uera sit: plurima item est in spontaneis & cōsilio subiectis rebus fallacia & impostura. Sed quid prohibet, eorum arcana hîc recensere aliqua ex parte, idq; magis cauendi quàm credendi causa?

Quæ nam sunt principia Astrologiæ?

Tria præcipuè sunt: Zodiacus, planetæ, & Duodecim domus cœli.

I. *Quomodo diuidunt Zodiacum?*

In signa duodecim: in quibus considerant rursus naturam singulorum; & diuisionem.

Quæ nam est natura signorum?

Aries signum est calidum, siccum, igneum & cholericum: caput sibi uendicans.

Taurus frigidus, siccus, terreus & melancholicus est: Collum.

Gemini, calidum, humidum, aëreum, sanguineum: Brachia.

Cancer, frigidum, humidū, aqueū & phlegmaticum: Pectus, pulmonem & stomachū.

Leo, cū Ariete conuenit: Cor & epar regit.

Virgo cū Tauro: Intestina & fundum stomachi.

Libra cum Geminis: Renes & nates.

Scorpio cum Cancro: Pudenda.

Sagittarius cum Ariete & Leone: Coxas.

Capricornus cū Tauro & Virgine: Genua.

Aquarius cum Geminis & Libra: Crura & tibias.

Pisces cum Cancro: Pedes uendicat.

Quomodo diuidunt hæc signa?

Variè. Primo in Mobilia, Fixa & Communia: de quibus supra lib. 10.

II. In Rationalia, ut sunt Virgo, Gemini, Libra, Aquari⁹ & prima medietas Sagittarij.

III. In Sterilia & foecunda.

IIII. In gradus masculinos, foemininos, lucidos, tenebrosos, fumosos, uacuos, puteales, ualetudinarios.

V. In facies ternas & terminos inæquales, quorum dominia planetis distribuunt & multiplices fortitudines ipsis ratione talium aduenire credunt: nam planetam autumant à triplicitate accipere fortitudines tres, à termino duas, à facie unam, à domo quinq, ab exaltatione quatuor.

VI. In

VI. In triplicitates quatuor, seu trigona æquiangula & æquilatera: quæ Latini triangu-
 gula & triquetra, uulgus triplicitates appel-
 lat. Sunt autē Trigoni quatuor: Igneus, Ter-
 reus, Aëreus & Aqueus.

Igneus	{	Aries. —	{	Hæc signa distant inuicem	{	Arieti
		Leo.		120. gradibus: seu quinq;		Mars.
		Sagitta- rius.		signis inclusiue: sunt cali- da & sicca, rubra bilē au- gentia, masculina. Præst.		Leoni Sol. Sagitta- rio Iu- piter.

Terrens	{	Taurus.	{	Eodem distant interual- lo: sunt frigida & sicca:	{	Tauro Ve- nus.
		Virgo.		ideoq; melancholica &		Virgini Mer- curius.
		Capri- cornus.		fœminina; Dominatur		Capricorno Satur- nus.

Aëreus	{	Gemini. —	{	Sunt calida & humi- da: ideoq; uocatur san- guinea & masculina:	{	Geminis Mercu- rius.
		Libra.		Dominatur		Libræ Ve- nus.
		Aquarius.				Aquario Saturnus.

Aqueus	Câcer. —	Sunt frigida & humida: ideoq; sunt phlegmatica & foemina. Dominatur	{	Cancro Luna.
	Scorpio.			Scorpio Mars.
	Pisces. —			Piscibus Iupiter.

Dicitur etiam triplicitas	{	Ignea, orientalis, diurna & sapore amara.
		Terrea, meridionalis, nocturna, acris.
		Aërea, occidentalis, diurna, dulcis.
	{	Aquea, septentrionalis, nocturna, falsa.

Sed operæ precium sit Ptolemæi & eorum errores refellere, qui Zodiaci partes ac triplicitates cuiq; regioni disertè tribuunt, ex quibus populorum naturâ se iudicare posse putant. Aiunt Europâ inter occasum & Septentriones positam triplicitati igneæ subesse: Scythicam Asiaticam inter septentriones & ortum, aëreæ: Africam inter occasum & meridiem aqueæ: Asiam australem inter meridiem & ortum terreæ: quæ omnia non modò naturæ, sed & historijs ualdè repugnant. Erroris initium attulit locorum ac Geographiæ ignoratio: quæ tanta fuit, ut ueteres nonnulli Oceanum

num flumen, Hiberium urbem esse putarent. Ac Ptolemæus ipse, qui alijs præluxit, in quā-
tis erroribus uersetur, satis intelligunt in eo
genere mediocriter eruditi: errorē auxit mo-
tum cœlestiū ignota ratio. Vix enim Chal-
dæi annos mille quingētos in eo studio con-
sumere potuerunt, ut ex historia sacra & eorū
obseruationibus, quibus utitur Ptolemæus,
intelligi potest: neq; uerò motum orbis octa-
uū capere potuerunt: at ne Ptolemæus quidē
motum trepidationis obseruare. Hæc enim
Arabum, Hispanorum & Germanorum stu-
dijs paulatim cognita sunt. Quod enim Chal-
dæi (ut est apud Ciceronē) iactant se 470. an-
norum M. in periclitādis, experiundisq; pue-
rorum animis posuisse, falsum est. Has igitur
triplicitates, natura, ut diximus, & historia re-
futat.

Quomodo natura?

Quia ab illorum ueterū obseruationibus
adhæc usq; tempora, Zodiaci partes omnes
ac signa integra, locum mutarunt. Nam pri-
ma stella Arietis (quæ annos sexcentos ante
Ptolemæum primam partem eius signi occu-
parat) ad uigesimalam octauam peruenit. Itaq;
post Chaldæorum obseruationes, signum in-
tegrum & multò amplius percurrit. Pleiades,
quæ illis temporibus Tauri caput tenebant,

nunc Geminos tenent. Reguli stella, quæ tum erat in Cancro, nunc uigesimalam partem Leonis præterit. Quid autem Arieti cum Piscibus, Leoni cum Virgine, Tauro cum Geminis? quid igni cum aqua commune? At ignea sidera in aqueum signum concesserunt. Nam si non um orbem fingamus, id quod necesse est, nulla tamen in eo stella. Igitur stare nullo modo potest illa de triplicitatibus doctrina. Nam:

Sideribus permutatis mutatur eorum natura.

At ignea permutata sunt in aquea.

Ignæa igitur mutarunt suam naturam.

Sed Ptolemæi exēplis utamur: quid enim est absurdius ac tanto uiro indignius (si tamē eius libri autor est) quàm Phœnices & Chaldeos propterea simplices, humanos & siderū obseruatores appellare, quod Leoni ac Soli subiiciantur. Idem tamē Babylonē, Assyriam ac Mesopotamiam, Virgini & Mercurio subiecit, ac propterea Chaldæos scientiarum amatores esse confitetur. Iudæos autem, Syros, ac Idumæos, audaces & impios quod Arieti, Scorpionī & Marti sint obnoxij. At omnium historicorum summa consensione, Syri adeo tractabiles sunt, ut ad seruitutem: Iudæi ad religionem nati uideantur. Idumæis uerò nihil mollius fieri potest (excipio Mōtanos) id quod Cicero Pompeij manibus obiecit: putabat:

in-

inquit, cum Syris ac rege Nabathæorum sibi rem esse. Ridiculè tamen Cardanus, eius libri interpres, qui quòd signa locum mutasse intelligeret, ab ætate Ptolemæi ad hæc usq; tempora, tradit Hispanos, Britānos ac Normānos, rapaces & uersutos euasisse & cordi Scorpioni nunc subijci putat, quos olim fidos ac probos fuisse scribit, cū Sagittario subessent. Sed illi repono, quod Appianus de Cassio scribit. Cū enim Romanorū exercitus Parthorum sagittis cæsus esset: Cassius uero reliquias ad se confugientes seruare conaretur: Chaldæus illum admonuit ut tantisper tempus protraheret, dum Luna Scorpione decurso, Sagittarium attigisset: tum ille: Magis, inquit, Sagittarium metuo quā Scorpionē. Hæ igitur Cardani disciplinæ si locū habeāt, rerum naturam conuelli & labefactari oportet: tum plagam aquilonis ad austrum conuerti ac pro Germanis audacibus, molles Aegyptios: Afros bellicosos, pro ignauis hominibus nasci. Quod si Cardanus stellas permutatatis locis signorū uim confudisse putat, quid fiet Ptolemæo, cuius ipse iudicia de sideribus tantoperè probauit? quid ipsi Cardano, qui ueterū apotelesmata sua auctoritate alibi semper confirmauit? Quinetiam ut de multis unum exemplum asseram: Carolus V. Imp. habuit in ortu Capricorni fidus, ut Cardanus con-

confitetur : quo fidere natus erat Augustus. Eodem Cardanus natum scripsit Carolum Borbonium, Cosmum Medicem & Selymū principem Turcarum. Iam uerò constat ab Augusti temporibus ad Selymum & Carolum. V. omnia sidera locum mutasse & gradus 17. percurrisse: Capricorni tamen uis eadem est. Nam Augustus, Carolus V. & Cosmus Medices, anno 19. imperium acceperunt. Quis igitur populorum mores & cœlestium corporum uim putet à triplicitatum ratione duci, cum sideribus permutatis non immutetur natura?

Quomodo refutantur triplicitates ab historia?

Planius & illustrius triplicitatum uanitas apparet, si quis à Ptolemæi temporibus, uel etiam à Cæsare maximas superiorum planetarum coitiones cum historia coniungat. Nihil autem illustrius est in historia, quàm bellorum motus.

Coitio trium superiorum in Scorpio.

I. Et quoniam Scorpioni Martem præesse aiunt, in eo fidere coierunt planetæ superiores, cum inter Pompeium & Cæsarem ciuilia bella toto terrarum orbe exarserunt : imperij uerò ac Reip. conuersio in Europa contigit: quam

quam tamen Ptolemæus Arieti, Leoni ac Sagittario subiecit : Africam Scorpioni, Piscibus & Cancro.

II. Eadem coitio in scorpione contigit anno 630, quo tempore Arabes ex Asiæ desertis erumpentes, uniuersum penè terrarum orbem armis domuerunt, nouas leges tulerunt, religiones confuderunt, imperia Persarum deleuerunt: postremo linguam Græcam, Latinam & Persicam in Asia & Africa sustulerunt. Hæc autem mutatio in australi Asia contigit, quam Ptolemæus Tauro, Virgini & Capricorno subesse putauit.

III. Eadem coniunctio incurrit in annum 1484. cum repente Italia (quæ diuturna pace cōquiescerat) tum suis, tum Gallorum & Hispanorum armis est obsessa: quæ bellorum calamitas Hesperides insulas & nouū orbem inuasit. Tū uerò inaudita morbi lues ab Hispaniis inuecta, totam Europam populari cœpit. Conuersiones uerò maximæ, quæ ad Africam pertinebant, in Europa & America contigerunt.

Coitio superiorum in Sagittario.

Rursus anno Christi 73. ijdem Planetæ in Sagittario coierant: cum Otho, Galba, Vitellius & Vespasianus imperium Rom. perturbarunt: nusquam tamē grauiora bella, quam
in

in Palæstina, nec maior clades quàm Iudæorum, quos Ptolemæus Scorpionī subiecit.

Coitio superiorum in Aquario.

I. Et cū anno Christi 430. planetæ in Aquarium incurrissent, repentè legiones Gothorum ab extrema septentrionis plaga in Europam influentes, Rom. imperium oppresserunt: orientalis Asia quieuit, quam Aquario Ptolemæus obligârat.

II. Rursus in eodem Aquarij sidere coierunt anno 1344: quo tempore Germania maximo terræ motu: Apulia bello concussa: & sacra lues ab ortu uersus occasum serpere cœpit, ac totam Europam infestare: quæ tamen nihil habet cum Aquario commune, ut ipsi uolunt.

Coitio superiorum in Capricorno.

Eadem traiectio recurrit anno 312. in sidere Capricorni, quem Asiæ meridionali tribuūt. Secuta est trium Imperatorum & legionum Rom. maxima strages, cū Imp. Constantinus contra S.P.Q.R. uoluntatem ui & armis imperium inuasit, totiusq; imperij Rom. leges & Remp paulo momento conuertit: omnia tamen in Europa: quæ, si Ptolemæo credimus, nihil ad Capricornum.

Coitio

Coitio superiorum in Piscibus.

I. In Piscibus (ad quos tamen nihil Europa) coniunctio magna contigit anno Christi 1464. quo tempore tyrannides ac bella ciuilia totam Europam inuaserunt. Eduardus 3. Henricum Angliæ regem necauit. Zadamachus Tartarorum princeps, à suis regno deiectus, ad Lituanos fugit. Eodem tempore coniuratio Prutenicarum urbiū facta est. Fridericus Imp. à suis Viennæ obsessus. Ludouicus XI. Gal. Rex, principum coniuratione penè oppressus: Florentiæ maximæ seditiones: Saxoniæ quoq; urbes cum ducibus Brunswicensium bella gesserunt: Scander Albanæ dux à Turcis defecit, eosq; magnis cladibus afflixit. Nihil tamen in Africa gestum uidemus.

II. Eodem in signo coitio facta est anno 1524: quo tempore Gallia bellis ciuilibus: Germania uero tota nobiliū ac plebeiū inter se cōcurrentibus armis fœdissimè quasiata est: rex ipse Gallorum ad Papiam captus: ac Roma paulo post ab Hispanis: Rhodus à Turcis est expugnata. Tum eluuiōes aquarum maximæ, quibus orbem terrarum inundatum iri prædixerant: nihil tamen in Africa gestum accepimus. Sed infinitum sit omnia talia *persequi*.

Quare cum magnæ illæ traiectiones, rerum
con-

conuerſionem, uariosq; bellorum motus ſignificant: nec tamen ullius obſervatione cognitum, aut diſciplina perceptum ſit, quæ quamq; regionem ſigna fixa magis afficiant: nihil certi de eo genere ſtatui poteſt ex illorum præceptis. Verùm hæc de Zodiaco eiusq; ſignis, & eorū dominatoribus planetis. Veniamus ad ipſos Planetas.

II. Quot conſiderant Aſtrologi in Planetis?

Quinq; Domus, Exaltationes, Naturas, Qualitates & Aſpectus.

Quid uocant Domos Planetarum?

Signa Zodiaci. Nam domicilijs aſſignantur, Saturno Capricornus & Aquarius: Ioui, Sagittarius & Piſces: Marti, Aries & Scorpio: Soli, Leo: Veneri, Taurus & Libra: Mercurio, Gemini & Virgo: Lunæ, Cancer.

Quæ nam ſunt horum Exaltationes?

Exaltatur Saturnus in 20. grad. Libræ. Iupiter in 15. Cancrī. Mars in 28. Capricornī. Sol in 29. Arietis. Venus in 26. Piſcium. Mercurius in 15. Virginis. Luna in 4. Tauri. Caſus omnium ſunt in locis oppoſitis.

Quænam est singulorum Natura?

Saturnus frigidus & siccus, colore niger, sapore ~~suavis~~ ^{aspidius}: Iupiter humidus & calidus, colore cineraceus aut uiridis, sapore dulcis.

Mars siccus & calidus, rubeus & amarus.

Sol calidus & siccus, colore peregrinus, sapore acutus.

Venus humida & frigida, alba & unctiosa.

Mercurius uariis & planetæ cui iungitur, in qualitatibus se cōformans, colore mixtus, sapore acetosus.

Luna frigida & humida, crocea & salsa.

Quænam sunt eorundem Qualitates?

Varie sunt. Nam I. Quidam nominantur graues & ponderosi, ut Saturnus, Iupiter, Mars: quidam leues, ut Venus, Mercurius, Luna: quidam nec leues, nec ponderosi, ut Sol.

II. Quidam sunt fortunæ, ut Iupiter, qui dicitur fortuna maior: & Venus, qui dicitur fortuna minor. Quidam sunt infortunij, ut Saturnus, qui est infortunij maius: & Mars, qui est infortunij minus. Sed Mercurius cum bonis bonus, cum malis malus est: Sol bonus per aspectum, malus per coniunctionem: Luna quasi nuncia per omnes currit & ab ipsis fortunata & infortunata reddi dicitur.

III. Quidam sunt foeminini, ut Luna & Venus: quidam masculini, ut reliqui.

III. Quidam nocturni, ut Mars, Venus, Luna: quidam diurni, ut reliqui.

V. Quidam amici, quidam inimici. Sic Saturno amici sunt Iupiter, Luna, Sol. Inimici, Mars, Venus: Iouis amici sunt omnes, dempto Marte. Martis amica sola Venus, cæteri inimici. Solis amici Iupiter & Venus: Inimici, Mars, Mercurius, Luna. Mercurij amici Saturnus, Iupiter, Venus: cæteri inimici. Lunæ amici Saturnus, Iupiter, Venus: alij inimici. Capiti draconis amici sunt Iupiter & Venus, de quorum natura est & ideo fortuna est. Caudæ draconis amici sunt Saturnus & Mars: quorum naturam refert & ideo infortunium est. Augentur autem & minuuntur ista per aspectus.

Qui nam est Planetarum aspectus?

Planete dicuntur uel coniuncti, uel separati. Coniuncti cum in eodem signo & gradu sunt. Separati, cum se aspiciunt. Sunt autem 4 aspectus: Sextans, Quadrantalís, Trientalís, Semísís.

Sextans aspectus, qui & sextilis, fit in sexta Zodiaci parte, signis duobus, siue in tertio signo (utroque enim modo autores loquuntur) siue denique 60 gradibus: ob id sexagenarius dictus.

dictus. De quo Plin. lib. 2. cap. 17. Hic numerus (inquit) sexangulas mundi efficit formas. Idem etiam hexagonus dicitur. Eius aspectus est foelix & amicitiae imperfectae & simili benignitate cum triquetro aspectu: eiusque character est ✱.

Quadrantalus fit in quarta Zodiaci parte, signis tribus, aut in quarto signo, trium signorum interstitio, 90 gradibus: ob id nonagenarius dictus. Plin. lib. eod. ca. 15: Martis (inquit) stella, ut propior, etiam ex quadrato sentit radios à 90 partibus, unde & nomen accipit. Dicitur etiam cum quadratus, tum tetragonus. Tristis eius irradiatio, ut semissis. Est inimicitiae imperfectae: eiusque character □.

Trientalis, trientē Zodiaci capit & in quinto fit signo, 4 signorum interuallo: constat partibus 120. Plinius triquetrum dicto loco appellat. Vocatur & trigonus. Est amicitiae perfectae: eius enim irradiatio laeta ac foelix, sicut & sextans: eiusque character △.

Semissis fit diametro, sex signis siue in septimo signo, per gradus 180. Estque perfectae contrarietatis: eius enim aspectus minax & malignus perhibetur: character est ☿.

Aspectrum
à Iulio Fir-
mico lib.
2. cap. 18.
19. & 20.
tres qua-
ternarij
statuun-
tur: quo-
rum

Primus est Cardinū,
qui sunt in qua-
drantibus ac se-
misse

Ortus, ἀνατολή.
Occasus, δύσις.
Medium cœlū, με-
σσηράνημα.
Imum cœlum, ὑπό-
γαθον.

Secundus est in
trientibus &
sextante. Ex

Triente

Quintus Bona
fortuna, ἀγα-
θὴ τύχη.
Nonus, Deus,
θεός.

Sextante

Tertius, θεὰ,
Dea.
Vndecimus, Bo-
nus dæmon.
ἀγαθὸς δαί-
μων.

Tertius est pigrorū
locorū qui unico
tantū signo ab ho-
roscopo distāt cū
oppositis diame-
tro locis, ut

Secūdus, ἀναφορά,
inferna porta.
Duodecimus, κακὸ
δαίμων, malus dæ-
mon.
Sextus, κακὴ τύχη,
mala fortuna.
Octauus, ἐπιανάφα-
ρα, superna porta.

Horum

Horum omnium comparatio tota pender
ex Horoscopo . Est autem horoscopus ea cœ-
li pars , quæ genituræ tempore ab oriente e-
mergit supra horizontem: ad hunc enim om-
nes aspectus referuntur . Hæc tamen (ait Bu-
dæus) uanissimè ab Astrologis disputantur:
ideò tamen utilia sunt cognitu, quòd & aspe-
ctuum irradiationumq; annotatio , astrono-
miæ etiam cum genethliologia communis est.
Sed quod ad geneses attinet, rectè competet
in uanissimam istam & falso appellatam scien-
tiam, sacrum illud: Vanitas uanitatum & om-
nia uanitas : quippe quæ stultè se ea compre-
hendere existimat, quæ in solius Dei Optim.
Max. potestate, nutu ac uoluntate consistunt.
Non facile mouebit Firmicus ille multorum
millionum præceptis animum uerè Christia-
num à certa spe in Deum, qua probè scimus,
contra sidera ac omnium astrorum uim ac e-
tiam inferorum portas, imploratum ab eo au-
xilium plus quàm potens fore. Nihil facit ho-
roscopus ad corporis aut animæ salutem : fœ-
lix educatio, ad Christianas uirtutes assuefa-
ctio, cum optimis quibusq; à teneris conso-
ciatio: postremò commiserantis Dei gratia, o-
mnibus plus proderunt, quam sollicita, imò
impia illa & idolatrica siderum observatio, o-
mnis superstitionis origo & fons . Vt libet ri-
dere, quoties lego seuerum illud iusiurandum,

quo Mauortium Lollianum, Orphei, Platō-
nisq; exemplo, astringit Firmicus, ne hæc ue-
neranda (ut ipsius uerbis utar) cōmunia pro-
fanis uel imperitis auribus intimentur. Næ il-
le diu expectabit donec quisquam sanæ men-
tis, hac conditione eius sacris initiari cupiat.
Sed condonandum est illud homini Ethnico
& cui Christus ignotus fuerat. Nos, si minus
sacras literas, ac Ethnicum Horatium audia-
mus, rectè canentem lib. 1. Car. od. 11.

*Tu'ne quæsieris (scire nefas) quem mihi, quem
tibi.*

*Finem Di dederint Leuconoë: nec Babylonios
Tentaris numeros, &c.*

Atq; hæc de Planetis. Veniamus ad 12 cœli
domos.

III. *Quod'nam est teritium Astrologiæ principium?*

Est in diuisione cœli in domos 12. Totum e-
nim iudicandi negotiū in illa partitione cœ-
li in duodecim domicilia uersatur. Intelligen-
tur igitur sex circuli magni in sphæra super
polis mundi utrinq; sese intersecantes, atque
per puncta æquinoctialis diuissim in 12 æqua-
lia transeuntes. Per hos enim sex circulos Zo-
diacus in duodecim, sed non æquales diuidi-
tur domos, quarum medietas una, altera su-
pra

pra horizontem apparet & oppositæ æquales reperiuntur.

Ex 12 domibus quatuor dicuntur	Cardines seu anguli, ut domus	Prima, Angulus orientis.	In his planetæ sunt fortiores.
		Septima opposita, Angulus occidentis.	
		Decima, Angulus diei seu medij cœli.	
		Quarta, Angulus noctis sub horizonte. ———	
	Succedentes, ut domus	Secunda. —	In his Planetæ sunt debiliores.
		Octava.	
		Vndecima.	
		Quinta. —	
	Cadentes, cæteris debiliores.		

Atq; hæc de principiis & fundamentis Gastrologiæ tribus: ex quibus postea mira quædam Gastrologi pollicentur.

Circa quot res uersantur Prognostica Astrologorum?

Circa quinque: ut sunt, Magnæ & annuæ revolutiones, Natiuitates, Interrogationes, E-

lectiones & Fabrica imaginum astrologica-
rum & necromanticarum.

*Quid considerat Astrologia in Reuolu-
tionibus?*

Coniunctiones, Eclipses & influentias: ex
quibus futura prænunciare operosa uanitate
conatur: ut sunt annona, bella, morbi, muta-
tiones legum & Rerump.

*Quid agit circa Natiuitates seu Gene-
ses?*

In hac parte, mortem, uitam, & fermè om-
nes nascentium euentus prænunciat ex habi-
tudine planetarum & stellarum ad domos 12,
in quas cœlū hora natiuitatis diuidunt. Nam
ex quatuor Cardinū seu *κντρων* primo (quod
inchoat hemicyclium horizontis orientale,
& *ἐνατολή*, *ῥόσκη* ☉, & *ῥίση* πρὸς ἀνατολὰς, La-
tinè cardo & angulus orientis dicitur: & uitā
ac corporis constitutionem significat) iudicāt
de anima natī, an liberalis, legum amator, mi-
tis, bellicosus, diuinarum scientiarum aut al-
terius studiī amator: quantus, qualiūe habitu
corporis sit futurus.

Ex quarto domicilio (quod initium sumit
à meridiano subterraneo, uocatur *ἔσχατον*:
id est, imum cœli:) iudicium sumunt de pa-
rentibus ac rebus parentum, quali & quām
lon-

longa ipsorū uita sit futura: item de edificijs.

Ex septimo (quod primo oppositum, inchoat hemicyclium occidentale, diciturq; *Δύσις* & *Διάμνησις* & *Δυτικός*, occasus & cardo occidentis) iudicant an natus amator sit futurus: an uxorem aut plures sit habiturus, uetulas an iuuenculas, & quando eas ducturus & an pacificè cum eis uicturus.

Ex decimo (quod quarto oppositum, à meridiano supra horizōtem initiū sumit, ideoq; *μεσσηρία* & *μεσσηνίμα* medium cœli, culmen seu fastigium cœli uocatur) iudicant de statu matris nati, de eius honoribus, dignitatibus & magisterio: an scilicet honores consecutus & famam bonam habiturus sit.

Ex succedentibus (quæ *ἐπαναφορὰ* dicuntur & proximè cardinalibus ad dextram succedunt) hæc diuinant:

Ex secundo (quod primum proximè sequitur infra terram, Græcè *ἀναφορὰ*, Latine inferna porta, quod uelut apertis foribus solē, cæterasq; stellas orituras, ad horoscopum euehit) iudicant de fortuna & infortunio nati, & diuitijs, & an eas acquisiturus sit hæreditate, mercatura, aut alio modo: an eas sit dilapidaturus, uel uiolentia, aut alio infortunio amissurus.

Ex quinto (quod quartam proximè sequitur, & *ἀγαθὴ τύχη*, fortuna bona dicitur) iudicant

cant deliberis, muneribus & donis. Et hoc quidem Arabes. Nam Ptolemæus decimo filios dijudicati Mallius ab ascendente.

Ex octauo (quod oppositum secundo, *ἐπικραταφορά*: id est, porta superna dicitur: quia Soli & stellis occasuris quasi fores aperit) iudicant de morte, & ijs quæ morti causam præbent & ex morte sequuntur: an aqua, igne, gladio, suspendio sit periturus.

Ex undecimo (quod quinto oppositum, *εὐνοδοσίμων* bonus genius à præsentione & designatione felicium euentuum dicitur) iudicant de amicitia nati & fautoribus ipsius: item uestibus.

Ex cadentibus seu declinantibus (quæ *ἀνελίματα* dicuntur, & inter cardines & succedentes includuntur) hæc diuinant.

Ex tertio, quod *θεός*: id est, Deam nominant, à bonorum & felicium euentuum significatione) iudicant de fratribus, sororibus, cognatis, & itineribus nati. Item de peritiâ legum & earum obseruatione: & ibi per partem (quam absconditam nominant) de arcanis conscientiæ nati erga Deum & erga homines iudicant. Nam (ut illi aiunt) si Iupiter fortis in natiuitate partem illam quocumque modo respexerit & Deum diligit natus & à Deo diligetur. O' uanitas, *ὦ λόγοι*. O' astrolieger.

Ex sexto (quod *κακὴ τύχη*, mala fortuna dicitur,

citur, quòd tristitia & aduersa portendit) iudicant de morbis & qua parte, quanq̃ diu sit ægrotaturus.

Ex Nono (quod oppositū tertio *θρὸς* Deus dicitur, à significatione euentuum ad religionem & res diuinas pertinentium) iudicant de natī pietate, sectis, sapientiæ studio: item an sit permanſurus in fide.

Ex duodecimo (quod sexto oppositum, *καὶ δαίμων* à tristiūm, tragicorum & exitialium euentuum indicationibus uocāt (iudicant de natī ærumnis, infortunio, tristitia, inimicitijs, captiuitate, Seruos similiter Aegyptij ab ista domo iudicant: Arabes uerò à sexta.

Quid garriunt de Interrogationibus?

Est Gastrologorum opinio, quòd cum animus hominis aliquid scire desiderat, subito, non electione & consultatione id fieri, sed influxu constellationis ea hora in cœlo cōsistentis. Vnde si Gastrologum consulas, ex figura cœli hora interrogationis reperta, eundem Gastrologum de re quæſita posse uera respondere: ut an mortuus sit, aut uiuus amicus absens, an missus legat, sit saluus rediturus, &c.

Quid sentis de Electionibus?

In hac parte docent eligere diem & horam
omni

omni operi quod destinatis facere & singulis operibus suas constellationes assignant. Et si autem consentaneum est, ad solas corporum differentias afflatus quosdam fidereos ualere (ut Augustinus ait) tamen in agricultura, medicina & similibus, signa aliqua ascendentia, aut orientia, aut planetarum dominia (præter Solis & lunæ lumina, de quibus dictum est, erunt in signa, tempora, dies & annos) obseruare, uanum haud dubiè est.

Quid docet pars de Fabrica imaginum?

Docet sub certis constellationibus sculperre aut fundere certas imagines ad amolienda noxia, uel elicienda amica & utilia. Nam talium imaginum uarij sunt usus: aliæ ad rerum destructionem comparantur: ut si scorpiones ex loco aliquo fugare uolunt, figuram scorpionis certæ materiæ per sculpturam aut fusionem imprimunt sub constellatione cōueniente & nomen effectum, significans nomen rei fugandæ, & nomen signi ascendentis & eiusdem, diuersis partibus imaginis inscribunt, eum quibusdam alijs obseruationib. Pro effectum contrario, contrariam constellationem & operationem obseruandam tradunt. Idem faciunt in imaginibus ad amorem, inimicitias, sanitatem aut infirmitatem inducendam. Sed si effe-

effectus sequuntur id non fit uirtute imaginis, à constellationibus recepta: sed auxilio dæmonum. Illa enim omnia, signa magis sunt initi occultè cum dæmonibus pacti, quàm causæ ad effectum naturaliter concurrentis. Sicut in imaginibus necromanticis angelorū seu potius dæmonum inscriptio & aliorum nominum & characterum ignotorum: & diuersarum suffumigationum & inuocationū usus, signa sunt manifesti pacti cum dæmonibus. Fiunt autem talia sub constellatione, ut impietas idolatriæ facilius occultetur. Huic imaginum fabricæ coniuncta, est uana obseruatio & diuination, quæ ipsissimus superstitionis partus sunt.

Quid uocas uanam obseruationem?

Superstitionis speciem, quæ uel in scientia comparanda per artem notoriam uersatur, uel corpora immutare per externa remedia & ligaturas (quæ medicorum quoque disciplina condemnat) conatur, uel præscientiam futuræ fortunæ, aut infortunij pollicetur: uel præseruationem à malis per suspenso de collo aut quocunque modo circumgestata diuina uerba, promittit: uel deniq; incantationibus & carminibus anilibus utitur.

Quid

Quid est ars notoria?

Quæ habet certas figuras pro qualibet scientia characteribus & nominibus ignotis insignitas: & certas orationes, nomina ignota multa continentes: quas qui continenter ieiunans cum certis ceremonijs dixerit, & figuras summa intentione aspexerit, scientiam desideratam sine alio labore, uel studio acquirere dicitur.

*Quotplex est Diuinitio μαυ-
τεία?*

Duplex. Nam diuinans dæmoni copulatur per inuocationē uel expressam, uel occultam. Per expressam, ut cum necromantici suis exorcismis, coniurationibus, characteribus, figuris & diuersis ceremonijs seu sacrificijs, dæmones certis temporibus euocant ad respondendum: qui comparent uel in somnijs, & dicitur diuinitio per somnia: uel in arreptilijs, & tales dicuntur Pythones: uel in diuersis formis præstigijs, oculorum sensus præstringentes, unde Præstigium dictum est: uel prænunciant aliquid per diuersas figuras, ad quas uidendas eligunt uirgines & pueros. Si talis apparitio fit in polito lapide, ferro, chalybe, speculo, aut ungue hominis, dicitur generaliter Geomantia, quasi diuinitio in terreno corpore: si in aqua, ὕδρομαντεία: si in aëre,

ἀρρομαντεία: si igne, *πυρρομαντεία*: si in uisceribus animalium in aris demonum immolatorum, dicitur Aruspicium: si in mortuorum resuscitatione, *νεκρομαντεία*: & ab hac specie, totum diuinationis genus Necromantia dicitur.

Quot sunt species occultæ demonum inuocationis?

Duæ: Augurium & Sortilegium.

Quæ sunt species Augurij?

Astrologia, quæ ex dispositione siderum in hora natiuitatis, futuros nati euentus iudicat.

Augurium speciali nomine, quod ex garritu auium, & uocibus quorumcunq; animalium, & per sternutationes hominum, futura nunciat. Est in auditu.

Auspicium ex motu & uolatu auium aut aliorum animalium, uel saltu membrorum coniectat. Est in uisu.

Omen cum uerba hominis absq; intentione prolata, detorquentur ad futura.

Chiromantia quæ ex lineis manuum diuinat.

Spatulomantia, quæ ex signis & figuris in spatulis animantium consideratis, futura dicit.

Quæ sunt species Sortilegij?

Cum actu ferri candentis aut duello innocentia alicuius probatur.

Cum

Cum in apertione libelli alicuius, quod primum occurrit, pro re dubia attenditur.

Cum in proiectis taxillis puncta superstitione considerantur.

Cum chartæ scriptæ & uacuae fortuito ex olla leuantur.

Cum festucae inæquales à sortilego tolluntur.

Cum considerantur figuræ, quæ accidunt liquefacto plumbo & in aquam fuso.

Cum incerti numeri puncta, uersa ad lunæ facie protrahuntur, in terra, lapide uel tabula, cum alijs quibusdā obseruationibus ex quorum punctorum collectione statuuntur 4 figuræ, quas matres uocant.

Possunt'ne demones rebus aut uerbis per Necromanticos cogi?

Non possunt: sed à solo Deo, angelis & pijs hominibus diuina uirtute cogi possunt. Vocati autem per Necromanticos, ueniunt propter initum pactum uel manifestum, uel occultum, eorum qui talibus utuntur, aut ea describunt, aut discunt alio tradente. Res autem corporeæ quibus utuntur, signa sunt fœderatæ societatis. Nec tamen ita uocati, semper ueniunt: quia aut à Deo non permittuntur: aut magis attentum in cerimonijs incantatorem reddere uolunt, quasi in aliquo peccarit:

cârit: aut miseris turpiter illudunt. Est enim diabolus mendax.

Non igitur licet uti diuinationibus?

Non licet. Nam & lege diuina interdictæ sunt. Exod. 22. & Leuit. 20. & lege Cæsarea l. nullus. l. nemo. l. culpa. C. de malef. & mathematic. & canonibus. 26. q. 5.

Omnes ne sortes etiam interdictæ sunt?

- | | | |
|--------------------|---|--|
| Sors à-
lia est | { | Diuisoria, qua inquiritur uel res diuidenda uel pœna hæc non mala est si euentus expectatur à Deo. |
| | | Consultoria, qua inquiritur, quid aut quando agendū: nec ista mala est, si à Deo euentus expectetur. |
| | | Diuinatoria, qua inuestigatur quid futurum sit. Hæc semper mala est. |

Quæcunq; suspecta sunt, licet excusationis quandam umbram habeant, fugienda sunt. Ipsa enim dubitatio, argumentum iniuriæ, improbitatis & impietatis habet.

LIBER XIX. DE STOECHEOLO.

G I A.

Quid deinceps sequitur?



MACTENVVS de Cœlo dictum est: hoc est, de Amphiteatri mundani altero & quidem superiore semicirculo: sequitur de Elementis, altero & inferiore semicirculo. Nam cum in regione ætherea, ultima luna sit: intra eius concavitatem spacium totum occupatur ab elementis: inter quæ terra infima est & media omnium, etiam sphaerarum cœlestium: cuius umbra ab ea attollitur semidiametris terræ 265: hoc est, supra sphaeram lunæ 213. Totius ergo regionis elementaris semidiameter, si concavum sphaeræ Lunę mundo est *ὁμόκεντρον* seu ad distantiam Lunæ minimam à terræ superficie, 52 semidiametros terræ & 17 scrupula continet. Tota igitur diameter elementaris regionis (connumerata etiam spissitudine terræ) est semidiametrorum terræ 106 minut. 34. Vitellio lib. 10. cap. 60. affirmat uapores eleuari & in nubes cogi, passibus 52000 seu milliaribus nostratibus 13. Sed recentiores demonstrant nubium distantiam esse inæqualem altiore

tiozem in æstate, scilicet passuum 772000, seu
milliarium Germanicorum 193: humiliozem
uero hyeme aut locis natura frigidioribus, sci-
licet passuum 288000. id est, miliarium Germ.
72. Est itaque densitas eius aëris, quæ uapo-
res recipit, & in qua nubes consistunt, mil-
liarium 121.

Quid est Elementum?

Est corpus simplex incōstās, ex quo quidq;
primum componitur. *Στοιχείον λέγεται ἐξ οὗ συ-
κταται πρῶτος ἐνοπάρχοντες, ἁδ' ἰαερίτης ὡς ἔδ' αἰ εἰς τερὸν αἰ-
δ'.* Aristot. lib. 4. Metaphys.

Quot sunt Elementa?

Vulgo quatuor numerantur: Ignis, Aër, A-
qua, Terra. Sed reuera sunt tria tantum: nam
suprema pars aëris, ob uiciniam & rapidi-
tatem cœli incenditur quodammodo & inca-
lescit: & ipse etiam Aristoteles supremum ait
ignem esse, non quod actu in summa elemen-
tari regione ignis flagret, sed quod *ὅτι τὸν οὐ-
ρανὸν* id est, uulgari cōsuetudine ignis appel-
letur.

Quomodo discernuntur elementa?

Duobus modis: Motu & Qualitatibus.

Quomodo motu?

Quia quædam leuia sunt, quæ mouentur
furfum ut Ignis & Aër: quædam grauia, quæ

mouentur deorsum, ut Aqua & Terra. Nam, ut Cicero ait, ea natura est quatuor omnia gignentium corporum, ut (quali partita habeant inter se & diuisa momenta) terrena & humida suo pte nutu & suo pondere ad pares angulos in terrā & in mare ferantur: reliquæ duæ partes (una ignea, altera animalis) ut illæ superiores in medium mundi locum grauitate ferantur & pondere, sic hæ sursum rectis lineis in coelestem locum subuolent: siue ipsa natura superiora appetente, siue quòd à grauioribus leuiora natura repellantur. Omnes certè mundi partes undiq; medium locum capeffentes, nituntur æqualiter. Ostendunt id grandes phialæ, quæ pede uno sustentantur, eo q; paruo. Nam in his humoris contenti natura in terræ centrum incumbens, per cathetum nititur ad fundi medium: sic enim supra fundi centrum aquæ uel olei maior quātitas, quàm quæ ad περιφραγν & latera extat, molem firmat uniuersam in puncto: ut neq; uas euerti, neq; liquor effundi queat.

Quomodo qualitatibus?

Quia duo sunt calida, ignis & aër: duo frigida, terra & aqua: duo humida, aër & aqua: duo sicca ignis & terra

Calidus	{	Siccus, Ignis. —
		Humidus, Aër. }
Frigida	{	Humid. Aqua. }
		Sicca, Terra. —

In igne excellit calor: in aëre humiditas: in aqua frigiditas: in terra siccitas. Sed aqua sensibilius humectat: quia est densior: ignis magis desiccatur: quia in illo siccitati calor coniunctus est, cuius vis est ualde efficax, uel in congregandis homogeneis uel dissipandis & soluendis heterogeneis. Fit igitur in his & facilius desiccatio. Quoniam autem Democritus dixit infinita esse elementa: Anaxagoras uero unicum tantum: demonstrandum est, plura quam unum & tamen non infinita esse.

I. Ex motu. Quot sunt simplices motus, tot sunt elementa seu simplicia corpora. Nam prima & simplicia corpora habent simplices motus: mixtorum enim plures sunt motus, ut in animantibus apparet.

Sunt autem plures simplices & recti motus: quia quædam sursum feruntur recta linea, quædam deorsum.

Plura igitur sunt & diuersa corpora simplicia & prima.

I I. A' qualitatu' *ovsyia*. Quot *ovsyia* qualitas
tum, tot sunt corpora simplicia.

At quatuor sunt primæ qualitates & harum
ovsyia quatuor: ac necesse est quamli-
bet in alio corpore esse. Calor enim & fri-
gus iungi non possunt: nec humiditas &
ficcitas. Sed caliditas & ficcitas in igni: ca-
liditas & humiditas in aëre: frigiditas &
humiditas in aqua: frigiditas & ficcitas in
terra. Nec plures possunt esse tales *ovsyia*.

Quatuor igitur sunt corpora prima.

III. Si plura essent corpora simplicia: ea haud
dubie in natura distincta essent.

At non possunt alia corpora distincta mon-
strari quam quatuor. Sic terra gignit & su-
stentat: aqua ei proxima, plurimum ali-
menti suppeditat. Aër fouet & alit nascentia.
Ignis longius recessit: quia moderatus
calor vim gignendi & efficaciam terræ &
mixtis suppeditat.

Non igitur sunt plura simplicia corpora.

IIII. Tot sunt corpora simplicia, quot deprehen-
duntur in mixtis. Mixta enim oriuntur ex
elementis & his aluntur, & ad singulorum
naturas congruunt.

At quatuor simplicia deprehenduntur in
mixtis.

Sunt igitur quatuor simplicia corpora. As-
sumptio variè approbatur exemplis ani-
man-

mantium, nutrimentorum & remediorum,
humorum. *Nam:*

In homi- ne sunt	{	Ossa & caro.	} quæ con- gruunt cum	{	Terra.
		Humiditates.			Aqua.
		Spiritus. —			Aëre & igni.

Quo ad remedia	{	In	{	Calefaciendo utimur rebus quarū igneæ est natura.
				Frige faciendo & humectando sumi- mus res aqueas: ut in febris datur aqua hordei: dantur pruna.
				Cū
Refrigeramus ac desiccamus, uti- mur rebus quæ terræ natura re- ferunt, ut aceto, acacia, bolo ar- meno.				

In mas- sa san- guinis	{	Ebulliens spuma, quæ est feruētissima, Rubra bilis, est naturæ igneæ.
		Atra bilis, quæ est in imo & densior, similis fæ- cibus, propior est naturæ terrestri.
		Dulciior sanguis in medio similis dulci uino, aëreæ naturæ est.
		Phlegma aquosum est.

V. Ex quibus rebus alitur natura animantium,
ex ijs etiam oritur.

At ex 4. elementis aluntur corpora animan-
tium.

Ex quatuor itaque elementis oriuntur: ideoq;
constat tot esse elementa.

Sunt'ne pura elementa?

Propter utilitatem animantium & res na-
scentes, elementa nō sunt prorsus pura: ut ui-
demus aquis admixtam esse terram. Nam pu-
ra aqua insipida esset: nec terra humorem sup-
peditaret rebus nascentibus, si pura esset.

*Quomodo fiunt transmutationes elemen-
torum?*

Omniū elementorum transmutatio in-
ter sese fieri potest, ita ut quodlibet elemen-
tum ex quolibet fieri possit: sed facilius est
transmutatio in ijs, quæ habent similem qua-
litatem, quàm in alijs quæ nulla qualitate con-
ueniunt: Symbolizantia enim facilius trans-
eunt. Vt ex aqua, citius fit aër, quàm ignis: cō-
ueniunt enim aër & aqua, humiditate. Vbi ue-
rò ambæ qualitates inter se pugnant, tardior
est transmutatio. Ideo inquit Aristoteles:

Facilius est unum transmutari
quàm multa.

Quænam est proportio raritatis & densitatis in elementis?

Aristoteles lib.2. de Generatione cum quæreret proportionem densitatis & raritatis, dixit ex uno pugillo terræ, fieri decem pugillos aquæ, centum aëris, mille ignis. Ex hac proportionem quidam magnitudines elementorum & distantiam à terra ad lunam ratiocinari conati sunt, ita ut aquæ globum decuplo: aëris, centuplo: ignis, millicuplo maiorem terra esse colligerent: atque ita totam molem elementarem continere corpulentiam terræ uicibus mille centum & undecim. Sed cum in isto loco non elementorum, sed potius densitatis & raritatis ipsorum ad se inuicem rationem ostendere uoluerit Aristoteles: satis apparet longè abesse à sententia eius hanc uulgarem supputationem: quam etiam ratio Geometrica refutat. *Nam:*

Numeri diametrorum multiplicati cubicè, ostendunt, globorum proportionem. Nam Euclid. lib. 12. propos. ult. ostendit sphaeras seu globos ad inuicem rationem diametrorum triplicatâ habere. Vide Ramû lib. 26. Geom. elem. 6.

At numerus diametri globi elementaris est 33. Nam Ptolemæus lib. 5. magnæ compositionis reperit distantiam terræ à luna in qua

draturis, cum est & in eccentrici & in epicycli
 perigeo: hoc est, cum terra est proxima, esse par-
 tium 33 talium, qualium est semidiameter ter-
 ræ una. Tota igitur diameter globi elementa-
 ris uniuersi, continet 66 tales partes, in quales
 duas terræ diameter diuiditur: uel, quod idem
 est, diameter elementaris globi continet dia-
 metrum terreni globi tricies ter: estque ratio
 $\frac{33}{1}$.

Numerus igitur 33 multiplicatus cubicè, ostens-
 det proportionem ueram. Triplica igitur hanc
 rationem $\frac{33}{1}$ ut exigit Euclidis demonstra-
 tio: & offeret se globus totus ex elementis cons-
 flatus & sphaeræ lunæ inclusus, partium 35937:
 qualium globus ex terra & aqua compositus
 est una.

Hinc patet rationem illam $\frac{1111}{1}$ ex dicto
 Aristotelis collectam, multo esse minorem,
 quam ut uastissimum illud spacium, quod à
 centro terræ ad concuum lunæ porrigitur,
 totum compleat. Atque hæc de elementis
 in genere: uideamus de sin-
 gulis in specie.

LIBER XX. DE IGNE ET PYROTECHNIA.

Quid est Ignis?



ST elementum supremum & leuissimum, calidissimū & siccum: Eum Varro lib. 4 de lingua Latina à nascendo dictum putat, quod

hinc nascitur, quicquid nascitur, ideoq̃ calet: ut qui denascitur, ignem amittit & frigescit. At Isidorus ecōtra ignem dici existimat quod nihil gigni ex ipso possit. Est enim sterile elementum & inuiolabile, omnia cōsumens que rapit. Nam ut Aristoteles ait lib. 4. Meteor. πάντα ὑλὴ τῷ πυρὶ ἴσι. Eius in rerum natura mirabiles sunt effectus: unde uariæ quoq̃ artes natæ sunt: de quibus Vannucius Biringoccius Senensis prolixè scribit: ex quibus hodie notissima est Alchimia, quæ sic appellatur dum metalla excoquit: at in succis & liquorib⁹ extrahendis rectius Chymia dicitur, cuius artis sunt aquæ, olea, sublimationes, colores, odores, & essentiæ extractæ, quam distillatoriam uulgo appellant, & quam Neagoræ in reginæ Daniæ Dorotheæ arce non sine uoluptate aspeximus. Sed quid prohibet ignis effectus varios aliqua ex parte hīc recitare?

Ignis

Ignis inuentorem Vulcanum dixerunt ueteres, sine quo nullū metalli genus fundi, extendiꝑ̄ potest. Nihil est enim penè quod igne nō efficiatur. Alibi enim uitrum, alibi argentum, alibi plumbum, alibi minium, alibi pigmenta, alibi medicamenta efficit. Igne lapides in æra soluuntur: igne ferrum gignitur ac domatur: igne aurum perficitur: igne cremato lapide, cementa & parietes ligantur: igne muri & mœnia rumpuntur, ut Hero mechanicus ostendit: igne calx excoquitur: igne colores per encausticam inuruntur: igne cibi: panisꝑ̄ ad usum humanum præparantur: lapides coctiles & uasa figlina conficiuntur: bombardæ, campanæ, nolę funduntur: specula aplumbantur.

Lapides nigros ignis coquendo candidos reddit: ligna candida urendo obfuscant: carbonem ex pruna fulgida nigros facit: de lignis duris fragiles: de putribilibus imputribiles reddit: stricta soluit, soluta restringit: dura molli, mollia dura reddit. Habet & medicaminis usum. Nam sæpè urī prodest: hinc chirurgorum cauteria. Pestilentiaꝑ̄ quoꝑ̄ quæ obscuratione Solis cōtrahitur, auxiliari certum est. Secundo anno belli Peloponnesiaci seu a lues Athenis grassari cœpit (ut scribit Thucydíd. lib. 2. Galen. de Theriaca ad Pisonem) quę corpora inflammata sic urebat, ut membra putrefacta

facta intra paucos dies deciderent: in alijs capita, in alijs brachia, in alijs pedes: & accedebant furores, in quibus alijs sese præcipites in puteos abijciebant, alijs alijs modis sese perdebant & extinguebatur memoria etiam in his, qui conualescebant. Huius pestilentie fit mentio apud Hippocratem lib. 3. Epidemiorum, qui tunc uixit & dicitur eam à Thessalia depulisse incensis syluis, cum flatus uentorum ab Attica afferrent contagia. Antiqui quoque medici ad compescendos humores à capite in inferiores partes delabentes, modo synciput, modo uerticem, modo occiput: interdum omnia hæc uel igne, uel causticis medicamentis urenda consuluerunt: quanquam in hoc uulgares sæpè errare conspiciuntur, qui contra Galeni præceptum non raro ceruici & alijs partibus cucurbitulas ignitas admouent, priusquam uniuersum corpus exinanierint.

In opere gignit ignis aliud primis ignibus, aliud secundis, aliud tertijs.

Pruna est quamdiu ardet: cum autem extincta fuerit, carbo nominatur: qui dum interisse creditur, maioris fit uirtutis. Nam iterum incensus fortiore luce calefcit. Cuius tanta uis est, & sine igne firmitas, ut nullo humore corrumpatur, nulla uetustate uincatur. Extinctus enim tantum incorruptibiliter durat, ut ij, qui limites figunt, eos infessos terra subster-

nant

nant & lapides desuper figant ad conuincendum litigatore, ut fixum lapidem post quantalibet secula limitem esse cognoscat. Multos ex halitu Syrorum, speluncarum: ex cubiculis recenter oblitis, atque etiam à carbonibus interisse, nemo sanus inficias ibit: quorum euentuum causam tenuitati spirituum attribuens Erasistratus, à Galeno refellitur lib. 7. de usu partium & in lib. de util. respir. Sed neque ipse omnibus placere potuit, dum eo omnia & præsertim carbonum effectus in occultas & nobis inimicas qualitates retulit. Cassium itaque medicum (ut uocat Celsus) ingeniosissimum Tiberij ætate Romæ æstimatum magis laudare debemus, qui in problematis suis carbones capitis dolorem parere non arcana ratione, sed nimio calore caput exiccante, condensanteque scripsit: esse namque maiorem uim in exusto carbone, iterumque flagrante Plinius quoque lib 33. cap. 5. affirmauit. Cur autem Cassius ad euitandam carbonum noxam eos uino pauco extinguere præcipiat, eam rationem afferunt, quod uinum maxime penetrans carbones non solum prauis uaporibus priuat (qui, si suffocatione extinguantur, in ipsis retinetur) sed etiam eos rariores ac tenuiores efficit, ut cum iterum accenduntur, puriorem ac blandiorem calorem emittant. Huic rationi id non parum suffragatur, quod

quod à Theophrasto in libro de igne scriptū est, ignē scilicet citius ab aceto & uīno quā ab aqua extingui: quoniā penitus penetrans, porosq; latiores reddens, fomites ubi ignis conseruatur, melius tollit. An uerò quicquā ad hunc Cassij locum faciunt Lucretij illi uersus in sexto?

*Carbonumq; grauis uis atq; odor insinuat,
Quā facile in cerebrū, nisi aquā praecepimus ante,
Aut nisi membra prius pertexit frigida seruis,
Aut sit odor uini plagæ manabilis mora.*

Aristoteles lib. 2. de Generatione animalium cap. 3. scribit nec in igne ipso, nec in ignitis uilis siue humidis, siue siccis animal ullū gigni. *διὸ πῦρ μὴ ἐστὶν ἡννὰ ζωόν, ἐδὲ φάνταται οὐκ ἐστὶν ἀπὸ τοῦ πυρὸς ζῷον, ὅτ' ἐν ὑγροῖς. ὅτ' ἐν ξηροῖς ἐστὶν.* Vnde animalia apparentia in fornacibus metallorum, crediderim potius ex terra metallis commixta, in qua nascuntur, erumpere, quā in igne ipso generari.

Eruptiones ignium & incendia maxima uersus septentrionem feruntur. Nam Chimæra, Gazeuale, Vesuius, Aetna, Picus, Carpathus, ipsaq; terrarum ultima Thule (est enim in septuagesimo gradu sita, ac penē tota maximis incendijs ardet) tum pleraq; loca quæ Olaus in Gothiæ descriptione notauit, perpetuis ignibus flagent: & Pyrenæi ab incendijs
nomen

nomen habuerunt: ultra trigessimū ab æquatore gradum nullæ memorantur: nec aquarū calidarum balnea, cuiusmodi sunt Italia, Gallia, Germania & extrema Gothia. Illud est, opinor, quod Picus Mirandula obscure significat his uerbis: Qui cognouerit proprietatē aquilonis, intelliget cur Deus mundum iudicabit per ignem. Atq; hæc uetus est non modo Pici, sed etiā Heracliti (ut ait Plutarchus) & Hebræorum opinio, qui mundum aliquādo conflagraturum, ignesq; non è cœlo delapsuros, ut putat Magianus, sed ex intimis terræ uisceribus erupturos confirmant. Hoc autem incendium ad Septentrionem, non ad austrum fieri necesse est, cum hīc aquæ, illic terræ globus promineat, qui conceptos ignes alit. Cū itaq; huius unius elementi ratio fecunda sit, seq; ipse pariat, & minimis scintillis crescat: quid fore putandum est in tot rogis terræ? Quæ est illa natura, quæ uoracitatem in toto mūdo auidiſsimā sine damno sui pascit? Addantur ijs sidera innumera, ingensq; Sol: addantur humani ignes & lapidū quoq; insti naturæ, attrita inter se ligna, iam nubium & origines fulminum. Excedit profectò omnia miracula, ullum diem fuisse, quo non cuncta conflagrarent: cum specula quoq; cōcaua aduersa Solis radijs facilius etiam accendantur, quàm ullus alius ignis.

Ab elemento ignis prouerbia uaria nata sunt: ut ignem dissecare, *ὡς τὸ πῦρ ξάυνειν*, pro, nullum facere operæ precium: Ignem igni ne addas, *μὴ πῦρ ἐπὶ πῦρ*: pro, non augendam esse calamitatem calamitate: Ignem ne gladio fodito, *πῦρ σιδέρῳ μὴ σκαλεῖναι*: id est, ira percitum ne lacestas. Plato lib. 6. de legibus sic usurpauit, ut de hīs dici solitum uideatur, qui frustra moliantur, quod effici nullo pacto queat, ostendens id lusus genus quoddam fuisse, ut ignem gladio dissecarent. Ignem palma, *πῦρ παλάμη* dici solet, si quando protinus aliquid intellectum est à quopiam: Sumptum ab hīs, qui per lulum ignem admovent manibus alterius, qui subito sensu excitatus resiliere solet, risumque spectantibus mouere. Ignis ad torrē, *πῦρ ἐπὶ δαλδὸν ἐλθόν*, de negotio quod raptim facileque conficitur: quasi cum ultro ignis ad torrem transuolat, ob materię siccitatem. Simile est ignis ad naphtham. Est autem naphtha bituminis genus, ad quod flamma uel è longinquo transuolat. Ignis non extinguitur igni: id est, malum malo non tollitur: ira non sedatur iracundia, sed ferocitas sedatur lenitate: malum tollitur patientia: iniuria beneficio uincitur. Ignis, mare, mulier, tria mala, *πῦρ καὶ θάλασσα, καὶ γυνὴ κακὰ τρία*. Nam incendio nihil formidabilius, mare item periculosissimum est. His autem simillimum quiddam esse mulie-

rem, sentit prouerbiū. Porro mulierem omnem esse malam, perquam uenustè significauit Lacon quidam, qui cum uxorem duxisset perpussillam, dicebat è malis, quod minimum esset eligendum.

Quid est Aër?

Est elementum calidum & humidum; leuitate igni proximum.

Quot sunt eius regiones?

Tres: Suprema, Media, Infima. Suprema est ualdè calida, ita ut nomen & locū ignis retinuerit: est enim uicina sphaeræ lunæ, ubi perpetuo & uelocissimo cursu corporum coelestium, aër calefit & incenditur. Non enim est existimandum actu ignem istic flagrare: sed uocamus ignem istam aëris partem, quæ est uicina sphaeris coelestibus: sic enim inquit Aristoteles: *περὶ δὲ ταῦτα καὶ τὰ ἑχόμενα τούτων, αἶρ τε δὲ ἐξ αὐτῶν καλεῖται πῦρ: ὅτι ἐστὶ δὲ πῦρ. ἀπὸ τοῦ ὅτι θέρμει καὶ οἷον ἴσας ἐστὶ τὸ πῦρ*: In ista aëris parte gignuntur impressiones ignitæ.

Media semper friget, tum quia procul discedit à superioribus corporibus: tum etiam, quia radij reflexi à terra ad ipsam non pertinent. Radius enim solaris neq; calefacit, neq; illuminat, nisi reperiatur in aliquo corpore denfiore. Hæc enim repercussio conduplicat

cat & condensat radiū, unde necesse est ipsum efficacius vires suas exercere. Et si autem aër sua natura sit humidus & calidus, ut ita hæc regio media non possit uideri frigida: tamen aër primò per se est leuiter calidus: deinde *ἀντιστάσει* fit illud frigus in hac parte aëris. Nam propter contentas res frigidas (ut sunt frigidi uapores) fit frigidior propter circumfusum undiq; calorem, qui cohibet & comprimit illud contentum frigus: sicut æstate aqua in puteis & aër in specubus frigidior est tantū propter circūfusum exterius calorem. In hac regione generantur impressiones aqueæ & frigidæ.

Infima est terris proxima, quæ ut plurimū reflexione radiorū Solis calet. Quia uerò radij diuersimodè reflectuntur, prout sunt recti aut obliqui: ita pro locorū diuersitate & temporis qualitate non eodem modo calet. In æstate enim & regionibus meridionalibus magis calet, quàm in hyeme & regionib. septentrionalibus. Proinde etiam in ea promiscuè generantur & calidæ & frigide impressiones.

Dicitur aër *ἀπὸ τοῦ ἀέρος* spiro: est enim alpha & ω, principium & finis uitæ. Partim ad cœlestem, partim ad terrenam materiam pertinet. Nam ille subtilis, ubi uentosi ac pcellosi motus nō possunt existere, ad cœlestem pertinet partem: iste uerò turbulentior, qui exhalatio-

nibus humidis corporefcit, terræ attribuitur, qui ex se multas species reddit. Nam commotus uentos facit, uehemētius concitatus ignes & tonitrua: contractus, nubila: conſpiſſatus, pluuiam: congelantibus nubibus, niuem: turbulentius congelantibus denſioribus nubibus, grādinem: diſtentus, ſerenū efficit. Nam aërem denſum nubem eſſe conſtat: nubem rectam & ſolutam, aërem. Poëtæ lunonē aërem uocarunt.

Hippocrates in lib. de ſpiritibus tradit omnium morborum communem originem eſſe aërem: ἢ ἀποθε ποθερ ἐκός ἐσι γίνεσθαι τὰς ἀρρώστιας μά-
λιστα, ἢ ἐν τῷ θέρει, ὅταν τὸ ζῷον ἢ πλεον ἢ ἔλασσορ ἢ καὶ ἀθροώτε-
ρον καὶ μιμιασμένον νοσηροῖσι μιάσμασι τὸ σῶμα ἐσέλθῃ.
Ex quibus liquet quòd licet aliunde quoque morbos naſci contingat: nihilominus tunc maximè contingunt, quando aër morboſis contagijs affectus corpus intrat. Paulò poſt febres in duo genera partiens, alterum commune omnibus peſtem uocat: alterum ἢς qui malæ uiuendi conſuetudine utuntur proprium facit: utrumq; tamen ab aëre. ὁ μὲν κοινὸς πυρετὸς τοῖσδε ἐστίν, ὅτι τὸ πνεῦμα τῶτο πάντας ἔλκεσιν ὁμοίς δὲ ὁμοίῳ τῷ πνεύματι τῷ σώματι μιχθέντι, ὁμοιοὶ καὶ οἱ πυρετοὶ γίνονται. ἀλλὰ ἐκ ἅπασιν τοῖσι ζώοις, ἀπὸ ἑνὸς τινὶ αὐτῶν περιπίπτουσιν αἱ τοιαῦται νόσοι, ὅτι διεφθέρῃ σῶμα σώματι καὶ φύσις φύσει καὶ τροφὴ τροφῇ. ὃ γὰρ πάσι τοῖσιν ἐθνέσι τῶν ζώων ταῦτα ἔτ' ἀνάρμοστα ἔτ' ἐν ἀρ-
μοστα ἐστίν.

μοσαῖςιν, ἃ τῇ ἑτέρᾳ ἑτέροισι ξύμφορα. ὁκόταν μὲν ὁ ἀὴρ τοῖς ἑτέροισι πληθῇ μιάσμασι, ἃ τῇ ἀνθρώπινῃ φύσει πονέμια εἶναι, ἄνθρωποι τότε νοσέουσιν. ὅταν δὲ ἑτέρῳ τινὶ ἔθναι ἰσῶν ὁ ἀὴρ ἀνάρμος ὣς, τὸ νόσημμα καὶ νοσοῦσιν.

LIBER XXI. DE HY- DROGRAPHIA.

Quid est Aqua?



ST elementum humidum & frigidum, & quasi aër labilis, ut aër aqua stabilis. Dicta est aqua, quasi æqua, quòd superficies eius æqualis sit: unde & æquor appellatum. Duo autē sunt ualidissimā uitæ humanæ elemēta, ignis & aqua: unde grauiter damnantur, quibus ignis & aqua interdicitur: & cū summo perē necessariam rem indicamus, prouerbio dicimus: Magis necessariam esse igni & aqua. Et Pindarus in principio statim ait: ἄριστον μὲν ὕδωρ. Aquarum autem elementum cæteris omnibus imperat. Aquæ enim cœlum temperant, terram fœcundant, aërem exhalationibus suis incorporant, scandunt in sublime & cœlum sibi uendicant: quid enim mirabilius aquis in cœlo stantibus? parum sit in tantam peruenisse altitudinem: rapiunt & secum pi-

scium examina: effusæ, omnium in terra nascentium causa fiunt. Fruges gignunt, arbores, frutices, herbasq; producunt, sordes detergunt, peccata abluunt, potum cunctis animalibus tribuunt. Ideoq; poëtæ Neptunū Deum maris faciunt, eiq; tridentem tribuunt ob triplicem usum aquæ, quæ potabilis, nauigabilis & ad lauandum idonea est.

Tametsi autem terrarum & aquarū orbem intuenti, tantum terræ tegi, quantum detegi, & æqualis esse terrarū ac maris totius magnitudo uidetur: nihilominus ea pars quæ libera est ab aquis, tota uergit ad septentriones, si terminos Austri & septentrionum æquatore definimus, quod in uniuersum fieri solet. Restat particula quædam Africæ & Americæ regionis. Nam terra quæ dicitur australis, ad oceanum infinita magnitudine pingitur, nō ad rei ueritatem. Itaq; aut Esdræ uerba aliter interpretari necesse est atq; ueteres: aut absurdū erit quod scribit Deum terræ septem partes detexisse: aquas in septima collocasse. Absurdius etiā quod ueteres Peripatetici putarunt, terram decies aqua minorē. Oporteret enim terram (ut nihil aliud quàm eius superficies mundi centrum attingat) omnino aquis immergi, si uel septies aquarum: globus terra maior esset, ut ex circuli ad diametrū ratione doceamur: quanto magis si terræ centrum in centro

tro mundi constituatur? id autem necesse est, cum ad fretum Magallianum, non procul ab aduerso polo, terræ globus aliquantum emineat. Mirum est tamen, sed navigationibus & experientia diuturna compertum, maris & aquarū molem à septētrione uersus austrum magno impetu ferri: cuius rei argumēta sunt primò illud quod Chaldæi igneam triplicitatem Europæ, aqueam Africæ tribuunt: deinde quòd Auster à Græcis *ἄρτος νότιος*, quasi ab humore Notus dicatur: est enim uentus ille calidus & humidus: boreas frigidus & siccus. Tum etiam quòd aquarū decursus à mari Suecico per Cimbricam Chersonesum ad fretum Iccium, hinc ad Celticum & Ibericum litus omnium consensione fertur. Mare uerò Caspium per interiores & occultos aditus, ut Mœotis, in Pontum euoluitur, atq; hinc per Hellespontum in mediterraneum excipitur: post ad fretum Herculeum magna uis aquarum erumpit, ut in meridiem aduersum feratur. Hæc naucleri & negociatores testata reliquerunt: nec temerè Plinius maiores ab austro cieri fluctus prodidit, quàm ab aquilone: tametsi rationem attulit inanem, cum perspicuum sit contra fluxum maris austrum nití. Argumento est etiam quod Diodorus olim & non ita pridem Aluaresius, & alij qui in Indiam nauigarunt, uno consensu testantur, im-

bres ultra æquatorem assiduos regiones infestare, unde incrementa Nili. Atq; id Plinius lib. 11. testatum reliquit, perpetuos etiam ardentis æstate rores Africam irrigare: cuius rei nullam causam affert. Postremū est, quod Sol ad Austrum (ubi locus hypogei) terræ propior est quàm ad septentrionem, tota eccentrici latitudine ac propterea molem aquarum eò pertraxisse uideri possit.

Aquarum natura diuersa est: aliæ enim salis, aliæ uetri, aliæ aluminis, aliæ sulphuris, aliæ bituminis, aliæ curam morborum adhibentes. Sic iuxta Romam Albulæ aquæ uulneribus medentur: in Italia fons Aponus & Ciceronis: de quo Plin. lib. 31. cap. 2. sic scribit: Digna memoratu uilla est ab Auerno lacu Puteolos tendentibus imposita litori, celebrata porticu ac nemore, quam uocabat Cicero Academiam ab exemplo Athenarum ibi compositis uoluminibus eiusdē nominis, in qua & monumentum sibi instaurauerat. Huius in parte prima exiguo post obitum ipsius, Antistio Vetere possidente eruperunt fontes calidi perquàm salubres oculis, celebrati carmine Laureæ Tullij, qui fuit è libertis illius.

*Quo tua Romanæ uindex clarissime linguæ
Sylua loco melius surgere iussa uiret:*

Atq; Academiæ celebratam numine uillam,
 Nunc reparat cultu sub potiore Vetus:
 Hic etiam apparent lymphæ non ante repertæ,
 Languida quæ infuso lumina rore leuant.
 Nimirum locus ipse sui Ciceronis honori
 Hoc dedit, hac fontes cum patefecit ope.
 Vt quoniam totum legitur sine fine per orbem,
 Sint plures, oculis quæ medeantur aquæ.

In multis quoq; locis manant aquæ perpetim feruentes, tanta ui ut balnea calefaciunt: Basilus uocat ὕδατα αὐτοφύως θερμά. Quædam enim terræ sunt quæ multum sulphuris & aluminis habent. Itaq; cum per uenas calentes aqua frigida uenit, uicino sulphuris calore contacta excandescit: nec talis ab origine effluit, sed permutatur dum uenit. Sulphur enim, alumenq; secum ferunt aquæ, utramq; materiam igne plenam, mirisq; motibus incalescentem.

D E M A R I.

Mare est aquarum generalis collectio: omnis enim congregatio aquarum siue salse sint, siue dulces, abusuè mare dicitur. Propriè autem mare appellatum eo quod aquæ eius amare sunt: æquor idem dicitur: quia æqualiter sursum est, & quamuis aquæ fluctuantur uelut montes erigantur: sedatis rursus tempestatibus adæquantur. Altitudo enim ma-

Ee s ris

ris diuersa est : indiscrcta tamen dorsi eius æqualitas. Ideo autem mare incrementum non capit, cū omnia flumina & omnes fontes recipiat. primò quòd influentes undas ipsa magnitudo eius non sentiat : deinde quòd amara aqua dulce fluentum consumat : uel quòd ipse nubes multum aquarum ad se attrahant, siue quòd illam partim uenti auferāt, partim Sol exiccet: postremò quòd per occulta quædam terre foramina percolatur & ad caput amnium, fontesq; reuolutum recurrat. Maris autem non est certus color, sed pro qualitate uentorum mutatur. Nam modò flauum est, modò lutulentum, modò atrum: ut Virgilius uult, qui flantibus aquilonibus mare atrum scripsit fieri: non quòd reuera talis eius color esset, sed apparenter. Niger enim color nonnunquam obscurus, interdum tenebrosus, aliquando ater inuenitur: atq; hic quandoque uerus & naturalis existit, quandoq; talis duntaxat apparet. Multos enim colores apparere & non esse, pluribus exemplis demonstrari posset, nisi quòd de columnæ collo disputatur atq; in iride conspicitur, totum hoc manifestum faceret. Virgilium igitur de apparente duntaxat colore intellexisse, hoc iudicio cogitur:

Mare aquilonibus agitarum atrum, obscurumq;
est: quia aut omninò non uidetur, aut nullum

omnino ab ipso lumen aut rarum & paucum reflectitur. Nam, ut Aristot. in lib. de Coloribus ait : *ἢ γὰρ ὅλως τὸ μὴ ὁρώμενον ἐστὶ τῇ φάσει μέλαν, ἢ ἀφ' ὧν μηδὲν ὅλως φέρεται πρὸς τὰς ὀψεις. τὸ γὰρ μὴ ὁρώμενον, ὅταν ὁ πειεῖχωρ τόπος ὁρᾶται, φαντασίαν ποιεῖ μέλαν. φαίνεται δὲ καὶ τὰ τοιαῦτα ἡμῖν ἅπαντα μέλανα, ἀφ' ὧν ἀραιὸν καὶ ὀλίγον ἀνακλᾷται τὸ φῶς.* His itaque tribus modis nigredine in rebus apparente, proculdubio mare aquilonibus agitaturn, uno istorum atrum atq; obscurum uideri necessum est.

At neq; primo, neq; secundo modo:

Sequitur igitur ut tertio modo atrum appareat.

Mare sane & omnis aqua cum suapte natura alba uideatur, eo quia solares radij à leuore ac planicie superficiei reflexi, eam illustrando lucidam efficiunt: amisso leuore, radijsq; languentibus, fractis & imminutis, iure albedo deperditur, contrariaq; ipsi nigredo succedit. Quamobrem aquilones suis motibus mare perturbantes, nec non illius planam, leuemq; superficiem asperam reddentes, ita ut altera pars depressa, altera eminens euadat: propter aquæ inæqualitatem paucis radijs, ἢs'q; fractis & imminutis incidentibus, superficies depressæ partis nō illuminatur, imò ab illa aspectu diuulsam & dissipatum lumen aboletur,

tur, & propterea superficies aquæ umbris quodammodo plena, luminequæ priuata, nigra apparet. Et sic in libello de coloribus Aristoteles: ὁμοίως τὸ ὕδωρ, αἰτ, μέλαρ φαίνεται, ὅταν τραχύνη, καθάπερ ἡ θαλάττης φείκη. ὅθεν γὰρ τὴν τῆς ἐπιφανείας τραχύτητα ὀλίγων τῶν αὐγῶν προσπιπύσων καὶ ὁσπώμενός τῷ φωτός, τὸ σκιερὸν μέλαρ φαίνεται. Quo in loco φείκης nomine utitur ad signandam maris perturbationem, perinde ac Medici utuntur ad horrores & concussiones febrilium significandas.

D E O C E A N O.

Oceanus est aqua totam terram ambiens: Græcis sic dictus à celeritate, quòd ocyus currat: item quia ut cœlum purpureo colore nitet, quasi *κυάνειος*. Iste est qui oras terrarum amplectitur, alternisq; æstibus accedit atq; recedit. Respirantibus enim in profundum uentis aut remouet maria, aut resorbet: & à proximis regionibus diuersa uocabula sumpsit. Oceanus est Indicus, in oriente: Atlanticus & Magallanicus uersus occidentem: Hyperboreus in septentrione, qui & mare glaciale dicitur: in meridie, Meridionalis.

D E S I N I B V S.

Sinus est aqua terræ se insinuans: Græcis *κόλπος*, Italis golfo. Sunt autem quatuor maiores:

iores: ut mare magnum : item mare Hircanū seu Caspiū: in Oceano sinus Persicus, & sinus Arabicus, qui & mare rubrū dicitur: hodie Bohur Curson: id est, mare clausum, & à finibus Aegypti & Syriae Palæstinæ ac urbe Heroo 30. gradus latitudinis habēte incipiēs, longissimo tractu inter Arabiam foelicem & Aegyptum ac Aethiopiam, fere per 260. miliaria Germanica uersus meridiē porrigitur, ubi angustis faucibus prope urbem Arabiae foelicis Adenam (quæ Ptolemæi temporibus Ocelis fuisse existimatur) nec plus 12. gradibus ab Aequinoctiali distat, in sinum Aualitem & Oceanū meridionalem effunditur. Estq; simili fere figura & amplitudine cum sinu Adriatico seu potius mari Balthico, quod ab Hellesponto Danico uel urbe Lubeca Heroopoli initio facto, per 250. miliaria inter Germaniam, Borussiam, Liunioniam, Russiam, & opposita Dantiæ, Gothiæ & Finnoniæ litora, Vviburgum usq; uersus Eurum extenditur. Latitudo autem maris rubri alibi amplior, alibi angustior: sed supra Arsinoën portum, quem hodie Suezziā Aegyptij nominant, ad minimum 12. quindecimue miliaria Germanica patet. Appellationem maris rubri uel ab arena rubea, uel quod maximè consentaneum est, à rege Erythræo Persei filio, extitisse crediderim: Nam quæ de fonte aquam rubicun-

bicundam & minio plenam in mare emittente: aut de colore per reflexionem expresso uel à Sole uerticali: uel à montibus ex adustione rubentibus aliqui cōminiscuntur, aliena sunt: & hodie qui illa loca adierunt, mare rubrum nihil colore à cæteris maribus differre testantur Hebræi יַם סוּף mare iunci uel mare caricis aut papyri nominant, quod ad eius litora copiosissima carecta & papyriones sint.

DE MEDITERRANEO MARI.

Mare magnū est quod ab occasu ex Oceano influit & in meridiem uergit: deinde ad septentrionē tendit. Quod inde magnū appellatur: quia cætera maria cōparatione eius minora sunt: dicitur & mediterraneū: quia per mediam terrā ad orientē usq; extēditur: Europā, Africā, Asiāq; disternās. Cuius primæ partis sinus qui in Hispaniis pfunditur, Ibericus & Balearicus appellat. Deinde Gallicus, quā Narbonēsem provinciā alluit. Mox Ligusticus, qui iuxta Genuā urbē est proximus. Post hæc Tyrrhenus, qui Italiā attingit, quē Græci Ioniū, Itali inferū uocāt. Deinde Siculus, qui à Siciliā Cretā usq; tendit. Hinc Creticus, qui in Pamphiliā & Aegyptū pergit. Inde Hellepontus, qui in septentrionē se retorquēs, anfractib. magnis iuxta Græciā & Illyricū in angustias septē stadiorū stringitur: quo Xerxes ponte

ponte nauibus factō in Græciam traiecit: ibi est Abydos. Inde diffusus ab æquore patente rursus stringitur & facit Propontidem, qui mox in quingentos passus coarctatur, fitque bosphorus Thracius, quo Darius copias trāsportauit. Inde Ponticus sinus amplissimus à tergo Mœotidis paludis, quod mare ex multitudine fluminum dulcius quàm cætera, nebulosumq; & breuius est.

Sicut autem terra, cum una sit, pro diuersis locis uarijs appellatur uocabulis: ita & pro regionibus mare magnum diuersis nominibus nuncupatur. Nam Ibericum & Asiaticum à prouincijs dictum: ab insulis Balearicum, Siculum, Creticum, Cyprum, Aegeum, Carpathium. Nam inter Tenedum & Chium, saxum est in mari, quod uidentibus procul capræ speciem præbet, quam *αἶα* uocant, unde & Aegeum mare dictum: sic & Carpathiū inter Aegyptum & Rhodum ab insula Carpatho. A gentibus Gallicum, Ausonium, Dalmaticum, Ligusticum. Ab oppidis Argolicum, Corinthium, Tyrium, Adriaticum. Nam Adria quædā ciuitas Illyrico mari proxima fuit, quæ mari nomen dedit. A positione cœli, ut superū & inferum, quod sit oriens superior, occidens inferior. Est autem Tuscū & Adriaticum. A memoria regis, ut Ionium: quod & Tyrrhenum dictum, siue quod Tusciam

sciam alluit: id est, Tyrrhenum: siue à Tyrrhenis nautis, qui se in hoc mare præcipitauerunt Ionius autem sinus est immensus ab Ionia usque ad Siciliam, & huius partes sunt Adriaticum, Achaicum & Epiroticum. A' moribus accolarum Euxinus, qui antea Axenos appellatus est. A' casibus hominum qui ceciderunt in mare, ut Helleponticum, Icarium, Myrteum. Phryxus enim cum Helle sorore sua fugiens insidias nouercales, conscendit nauem signum Arietis habentem qua liberatus est. Helle autem sorore eius perpeffa naufragium decidit in mare & mortua Hellesponto mari dedit nomen. Icarus uero Cretenfis, ut fabulæ ferunt, altiora petens, pennis Solis calore solutis mari in quod cecidit, nomen imposuit. Myrteum mare dictum à Myrtili lapsu, quod illic ab Oenomao præcipitatus sit. Itē à transitu uel angustis meatibus boum Bosphorus: Ochsenfurt. Sunt duo: Thracius prope Cōstantinopolin & Cimmerius ad Tauricam regionem. Aegyptium autem pelagus Asiæ datur, Gallicum Europæ, Africum Libyæ. Pelagus autem est latitudo maris sine litore & portu: quasi *μὴ ὡς ἄλλος ἁῖς*, non prope terram.

DE ÆSTIBVS ET FRETIS.

Æstus ad Oceanum pertinet: fretum ad utrumq; mare. Nam æstus est maris accessus uel

uel recessus: id est, inquietudo: uulgo fluxus & refluxus maris: unde & æstuaría, per quæ mare uicissim tam accedit, quàm recedit. Fretum autem angustus locus est in mari inter terras: cuius relatum est Isthmos: id est, angusta terra inter duo maria. Euripus fretum est inter Aulidem Bœotiæ portum & Chalcidem Eubœæ urbē: quod septies die ac nocte reciprocatur: unde prouerbio Euripus homo dicitur pro instabili & moribus inæqualibus. Dicitur autem fretum à fremitu aquarū inter angustias illas efferuescentium: ut Gaditanum uel Siculum, quod & Rhegium dicitur. Nam Sicilia olim cōiuncta fuit Italiæ: sed medium spacium uia aquarum postea ruptum: ῥήγιστον dictum est ὅτι τὸ ῥήγνυμι rumpo. Est autem artificium trium millium spacio Siciliam ab Italia diuidens, fabulosis monstris infame, quibus hinc inde Scylla & Charybdis ostēditur. Vnde prouerbiū:

Incidit in Scyllam qui uult uitare Charybdim.

Syrtes sunt arenosa in mari loca: quas Salustius à tractu uocari dicit, quod omnia ad se trahant. Hæ autem ad Africam uicinæ sunt.

Vada sunt per quæ in mari uel fluminibus homines, uel animalia pedibus uadunt: quæ Virgilius Breuia uocat, Græci βραχέα.

DE LACVBVS ET STAGNIS.

Sunt quædam maria quæ non miscentur Oceani fluctibus, aut mari magno, & dicuntur lacus & stagna. Lacus est receptaculum in quo aqua retinetur, nec miscetur fluctibus: Græci *λιμνες* uocant: id est, stagna. Nam fontes labuntur in fluuios: flumina in mare: unde prouerbiū: Qui uiam ad mare nescit, quærat flumen comitem. Lacus stat in loco nec profluit, ut & stagnum: quod dicitur à stando: quia stat illic aqua, nec decurrit.

Lacus Asphaltites, quod & mare mortuū: quia nihil gignit uiuum, nihil recipit ex genere uiuentium. Nam neq; pisces habet, neq; assuetas aquis & lætas mergendi usu patitur aues: sed & quæcunq; uiuentia mergenda tentaueris, quacunq; arte demersa, statim resiliūt: & quamuis uehementer illisa, confestim excutiuntur. Sed neq; uentis mouetur, resistente turbínibus bitumine, quo aqua omnis stagnatur. Neq; nauigationis patiens est: quia omnia uita carentia in profundum merguntur: nec materiam ullam sustinet, nisi quæ bitumine illinatur. Lucernam accensam ferunt supernatare, extincto lumine demergi. Vocatur ab Hebræis ים הערבה ים המלה Mare deserti & mare salis. In eo tractu fuit olim uallis Siddim: id est, agrorum, seu fertilissima & cul-

cultissima, quæ ob summam amoenitatem paradiso Dei conferebatur Gen. 13. 14. cuius specimen mansit ad oppida Iericho & Engaddi, ubi palmeta & Balsami uiridaria supersunt. Postea propter peccata Sodomæ & uicinarum ciuitatum, tota illa regio igne & sulfure coelitus demisso infecta est, ac manet illustre hoc testimonium iræ Dei & poenæ uestigium ad omnem posteritatem in pomis illic nascentibus, quæ licet ad speciem maturitatis perueniant: mandî tamen non possunt. Nam, ut Solinus refert, fuliginem intrinsecus fauillaceam ambitio tantum eximie cutis cohibet, quæ uel leui tactu pressa fumum exhalat & fathiscit in uagum puluerem. Et Egesippus lib. 4. quinque urbes incensæ, quarum umbra quædam & species in fauillis uidetur: arserit terræ, ardent aquæ, in quibus coelestis ignis reliquiae cognoscuntur atque adhuc manent. Spectes illic specie poma uiridantia, formatos uuarum racemos, ut edendi generent spectantibus cupiditatem. Si captas, fathiscunt ac resoluuntur in cinerem, fumumque excitant, quasi adhuc ardeant. Hic afflatus bituminis seu asphalti & sterilitas ab utraque lacus illius ripa, per duo fere milliaria sentitur, ac ut Burghardus monachus, & alij recentes scriptores memorant, manet lacui illi tetra illa facies nostra etiam ætate, sed accessus ad eum difficilis est peregrinis,

cum propter feras & serpētes, tum Beduinos pastores, gentem feram, quæ hæc loca & totam Trachonitidem uagis domicilijs & latrocinijs infestat. In sacris literis mare salis seu salissimum uocatur. Gen. 14. Num. 34. Iosue 3. 12. 15. Mare deserti seu solitudinis Ios. 3. 12. & mare mortuū, quod nullis uētorum flatibus, ut cætera, agitur. Ideò apud Senecam Demetrius uitam securam & sine ullis fortunæ incursionibus, mare mortuum appellat: nihil habere ad quod exciteris, ad quod te concites, cuius denunciatione & incurſu firmitatē animi tui tentes.

Lacus Tiberiadis ab oppido Tiberiade uocatus, quod quondam Herodes in honorem Tiberij Cæsaris condidit. Est autem in Iudæa omnibus lacubus salubrior & ad sanitatem corporum quodammodo efficacior.

Genasar lacus amplissimus in Iudæa, crispantibus undis, auram non uentis, sed de seipso sibi procreans. Vnde & purior haustus eius & ad potandum dulcis & habilis.

Serbonis lacus in confinio Aegypti & Palestinæ. Plin lib. 5. cap. 13. Strab. lib. 1. & 16.

In Gallia Cisalpina seu togata, quæ Lombardía hodie, quatuor sunt lacus, quorū fontes ex Alpibus oriuntur: Benacus, Seuinus, Larius, Verbanus. Benacus Mincium fluuiū ex Alpibus recipit & emittit: per quem etiam
aureas

aureas arenas euoluere dicitur. Setinus Ol-
lium fl. emittit. Larius lacus etiam Comensis
ab oppido Como dicitur, quod duorum Plis-
niorum patria fuit: & Iouñ Museo celebris est,
ubi olim Plinñ platanus fuit, eius epistolis ce-
lebrata. Meram & Abduam fluuios ex Alpi-
bus accepit, Abduam iterū emittit. Larius di-
ctus est à laro aue, quæ Latinis fulica dicitur:
nam his maxime abūdat. Paulus Iouius eum
lacum eleganter descripsit. Lacus Verbanus
recipit Muesam, Ticinum, Madiam, Tosam
fluuios ex Alpibus: Ticinum uerò emittit.

Heluetiæ octo lacus sunt: Riuarius, qui Ser-
nifium fl. Tigurinus, qui Limagum fl. Luceri-
nus, qui Vrsam fl. Sempacensis, qui Sorbam
fl. Thunnensis, qui Arolam fl. emittit: Neo-
burgensis, Auenticensis & Lemanus, qui ho-
die Geneuensis dicitur: & Rhodanum fl. reci-
pit & emittit:

Acronius, qui hodie Cōstantiensis & Bod-
micus dicitur, duplex est, superior & infe-
rior.

In Tuscia, Bentina, Thrasumenus, Vulsini-
us, Sabbatinus.

In Hernicis Fucinus & Fundanus.

In Campania Lucrinus & Auernus. Lucri-
nus autem dictus: quia olim propter copiam
piscium uestigalia magna præstabat. Auer-
nus dictus: quia aues ibi superuolitare non

possent. Nam olim sylvarum densitate sic am-
biebatur, ut exhalātis inde per angustias aque
sulphureæ foetor grauissimus superuolitan-
tes aues halitu suo necaret: Quam rem Augu-
stus Cæsar intelligens deiectis syluis ex pesti-
lentibus amœna loca reddidit & salubria.

Bauaria lacus multos habet: ut sunt, *Amber-
see, Staffelsee, Wurmsee, Walhensee, Schliersee, Tengernsee,
Chimsee*: Vide Auentinum.

DE FLVMINIBVS.

Fluuius est perennis aquarum decursus, à
fluendo perpetim dictus. Propriè autem flu-
men ipsa aqua, fluuius cursus aquæ. Prius au-
tem flumen quàm fluuius: id est, prius aqua
quàm decursus. Duo sunt fluminum genera:
unum perpetuum, alterũ torrens: unde illud:

Flumine perpetuo torrens solet altius ire:

Sed tamen hæc subita est, illa perennis aqua.

Est enim torrens aqua ueniens cum impe-
tu: dictus torrēs, quia ut pluuia crescit, ita sic-
citate torridus fit.

Fons est caput aquæ nascentis, quasi fun-
dens aquas,

Riuus dictus quòd deriuetur ad irrigandũ:
id est, inducendum aquas in agrum aut urbẽ.
Nam irrigare, inducere est.

Gurges locus profundus in flumine, in quo
aqua

aqua uertitur, quod gulæ inftar ad fe trahat ac deuoret, *ein wirbel, ſchlauch.*

Amnis ab amœnitate dictus, fluuius eſt ne-
more ac frondibus redimitus.

Fluctus aqua in unum collecta.

Ripa propriè fluuiorū eſt: littus maris. O-
uid. pro ripis littora pulſant: ſed hæc aliquan-
do confunduntur.

Oſtium eſt fluuiorum patens exitus.

Alueus, foſſa per quam labitur fluuius.

Lacuna aquæ collectio, deriuatur à lacu.

Ciſterna conſtat aqua è cœlo collecta.

Piſcina, in qua piſces uiui continentur.

Thermæ ab aquarum caliditate dictæ,

Puteus locus effoſſus, ex quo hauritur aqua.

DE FLVVIIS HISPANIÆ.

Iberus, qui quondam toti Hiſpaniæ nomen
dedit, à quo olim etiam Romani Hiſpaniam
citeriorem ac ulteriorem diuiſerunt.

Minus fl. Galliciæ, à colore pigmētī, quod
in eo plurimum inuenitur, dictus.

Durius.

Vacua.

Tagus à Carthagine dictus, ex qua ortus
procedit, arenis aureis copioſus & ob hoc cæ-
teris fluuijs Hiſpaniarum prælatus.

Bætis Beticæ prouinciæ nomen dedit: de
quo Martialis;

Bætis oliuifera crinem redimite corona,

Aurea qui nitidis uellera tingis aquis.

Eò quòd ibi lanę pulchro colore tinguntur.

Anas, Setabis, Sucro, Durias, Cinga,
Sicoris.

DE FLUVIIS GALLIÆ.

Gallia clarissimis fluuijs in omnes mundi partes profluentibus est irrigua. Pado illo fluuiorum rege in orientem: Rhodano in meridiem: Garumna, Ligeri & Sequana in occidentem: Rheno in septentrionem. Rhodanus oritur non longè à Rheni fontib. prope montem, cui nunc Briga nomen est: infra Lugdunum miscetur Arari, Arar Gallicè *la Sone*, oritur in finibus Burgundiæ & Lotharingiæ nō longè à monte Vosgo: in eum influit Dubis (quem Galli *le Douix*, Cæsar *Alduas* dubin uocat) qui oritur circa montē Iuram, qui Sequanos ab Heluetijs diuidit. Matrona (*le Marne*) propè Tullensem agrum in finibus Lingonum oritur & parum supra Lutetiam Sequanæ miscetur. Non longè à Matrona & Arari, Mosa oritur in finibus Lingonum & miscetur Rheno circa Nouiomagum. Mosella in iisdem Lingonum finibus oritur & Confluentiæ Rheno miscetur. Sabis in Belgis oritur & in Mosam circa Namurcium influit. Scaldis non longè ab Arduenna sylua ortus, pergens

gens Antuerpiā, in mare se exonerat. Isara & Druentia Rhodano infra Lugdunum commiscuntur.

FLV VII ITALIAE.

Mincius. }

Ticinus. }

Ollius. }

Abdua. }

Ex Alpibus oriuntur.

Padus ē Vesulo monte ortus, à picea arborē dictus est, quæ circum originem ipsius multa est: Pæch. Olim Eridanus dictus & Bodnicus à profunditate: *Bodenmangel*. Vide Lucanū lib. 2. Plin. lib. 3. cap. 16. Strab. lib. 5.

Rubico fl. Italiam à Gallia citeriore separās: oritur ex Apennino monte ac delabitur inter Ariminum & Rauennam, ubi in mare Adriaticum exoneratur.

Tyberis per Romā fluīt: olim Albula dictus.

Arnus per Florentiam.

FLV VII ASIAE.

Ganges fl. Indiæ, cuius ostia habent gradus longit. 145 latit. 18. Est autē *Χρυσόφορος*, uoluens arenas auri, sicut Rhenus, Tagus, Pactolus, Phasis.

Tigris fl. Mesopotamiæ, fluens in Assyriā: Vocatur Tigris propter rapiditatem.

Euphrates fl. Mesopotamiæ copiosissimus gēnis: Mesopotamiā in quibusdā locis irri-

Ff 5 gat,

458 DE HYDROGRAPHIA,
 gat, ut Nilus Alexandriam Mesopotamia di-
 citur, & sit μέση ποτάμωρ, media inter Euphratē
 & Tigridem. Fluit Euphrates p̄ Armeniam,
 Mesopotamiam & urbem Babylonem, sub
 qua Tigridi commiscetur.

Indus fl. orientis, qui in rubrum mare exo-
 neratur.

Hidaspes fl. orientis.

Bactrus fl. orientis.

Choaspes fl. Persiæ.

Araxes fl. Armeniæ.

Orontes fl. Syriæ, iuxta Antiochiæ muros
 decurrens.

Cydnus fl. Ciliciæ, è Tauro monte ortus.

Pactolus fl. Asiæ, arenas aureas trahens.

Mæander fl. Asiæ flexuosus: unde & in pro-
 uerbium abiit.

FLUVII AEGYPTI.

Nilus fl. Aegypti: cuius origo ueteribus i-
 gnota fuit. Vnde prouerb. Nili caput quære-
 re. In Heliodoro dicitur habere numerū die-
 rum anni.

N	50
E	5
I	10
A	30
O	70
Σ	200
	<hr/>
	365.

Quota

Quotannis rigat sua inundatione Aegyptum flantib. ex aduerso Etesijs cum sol est in Cancro, Leone, Virgine & Libra. Centesimo die intra alueum reuocatur, Plin. lib. 5. cap. 9. Auctus Nili per puteos mensuræ notis deprehendunt. Iustum incrementum est cubitorum 16. Vide Herodotum in Euterpe. Diod. Sic. lib. 1. Iouium lib. 18. Septem ostijs in mare mediterraneum influit, quorum duo extrema Canopicum & Pelusiacum, inclusam regionem figura similem literæ Δ efficiunt.

FLV VII SCYTHIAE.

Noti sunt hodie fluuij Scythiae, quos Herodotus nominat.

1. Ister seu Danubius.
2. Tyras, quem Nestrum incolæ uocant, ex monte Carpatho non procul à Cassouia emanat.
3. Borysthenis fontem, sicut Nili, ignotum esse Herodotus scribit. Sed certum est Borysthenem prope Dnieperko Moscouiae pagum (qui circiter 30 milliaria ab urbe Mosca uersus occasum abest) oriri: & exiguis ac æqualibus ferè interuallis, trium maximorum fluminum fontes in una sylua Vuolkonzki cõiunctos esse, Borysthenis, Vuolgæ & Dunc. Borysthenem dNeper incolæ appellant. Is uersus meridiem oppidum Smolensko præterlabitur,

cur, quod medio itinere inter Moscam & Vilnam situm, Basilius Russiæ Dominus, anno 1514. die 30 Iulij Polonis ademit. Inde urbem Kyouiam Archiepiscopi sedem, in qua S. Andreas apostolus Euāgelion docuit, & alias urbes alluens, tandem multis fluminibus receptis in Pontum Euxinum defertur.

4. Vuolga, quæ Tartari Edel, Ptolemæus Rha nominat, per Moscouiam & Tartariam longo tractu, tandem prope celeberrimū imperium Citracham in mare Caspium multis ostijs influit.

5. Duna, Rigam Liuanix metropolim alluens, mari Balthico miscetur.

6. Tanais, qui Europæ & Asiæ limes est, rectè scribitur ab Herodoto non ex Riphæis montibus (ut Ptolemæus prodidit) sed ex lacu ingenti, quem nunc Ioannis lacum nominant, oriri. Nec ulli uel ad Tanais, uel ad Rha fluuij caput, nostro tempore montes uel Rhiphei, uel Hyperborei conspiciuntur: sed tota regio palustris & plana est. Vnde & Polonia nomen in ea parte, quam Vistula præterlabitur, putat extitisse. Sed longissimo à Tanai & Rha interuallo uersus ortū solstitialē, montes immensi sunt, qui Permeā à Iugria seu Iuhria Hūgarorū sede patria, dirimūt. Quos montes Hyperboreos fortasse antiqui incolæ hodie Semnopoyas (id est, cingulū terræ nominant.

FLUVII GERMANIÆ

et Alpium.

Inter Germaniæ montes maximè memorabilis est Vichto mons à pinastris dictus *Fichtelberg* quasi dicas Pinifer: qui in Voïtlandia Germaniæ regione situs est: Ex illo quatuor flumina in 4 mundi cardines scaturiunt. Mœnus fluit in occasum: Egra in ortum, qui in Bohemia Albi miscetur: Salas in Arcton, qui & ipse Albi commiscetur: Nabus per Nariſcos in meridiem decurrens, Ratisponæ Danubium ingreditur.

Ex summis uerò Alpibus in omnes itidem mundi plagas, septem eximia flumina effunduntur. Ticinus, Tosa, Madia per Lepontias in lacum Verbanū ad Meridiem exeunt: Rhodanus ad occasum: Arola ac Vrsa ad Septentrionem, Rhenus ad ortū duobus fontibus. Græci *πηγὴ τοῦ* fontem dicunt, *ἢ ὁ ῥοῦνός παρὰ τὸν* in de Latinis dicti pagi cuiusq; fluminis tractus & utrinq; secūdum flumen habitationes. Tales porro nauigabiles etiamnum hodie sunt intra Iuram, Rhodanum & Rhenum (ueros Heluetiæ limites) prorsus in Heluetijs quatuor: Vr, Limagus, Vrsa & Arola.

1. Vr genere fœminino, opinione quorundam non temerè coniectantium, Celticè dicitur *die Vr*: facta postea elisione diphthongi,

gi, die *Dur*. hinc Romani in Taurum mutant. At Heluetiorum lingua *Dur* pronunciat, & regionem adiacentem *Durgem* uocat. Vt fluuius in immensum crescere solet, torrentis in morem, sed nauibus non admodum est aptus.

2. Limagus apud Claronenses oritur, ac in media ipsorum regione Serniphium alterum ex altera ualle delapsum amnem accipit. Deinde infra Vrnas (duorum uicorum nomen est) super latericium pontem ex lacu Vesenio accepta aqua, Marcā (qui fuit olim Heluetiorum in Rhetos finis & Heluetij ita terminum uocant) ac castra Rhetorū (& huic loco etiamnum nomen manet Gastra) determinat. Hinc lacū Tigurinū ingressus, ad ostia eius Tigurū amplissimā Heluetiorū urbem diuidit: mox Aquas, memorabilem in Heluetijs locū propter calidas illic aquas, Græci Thermas uocant, delabitur. Harum Aquarū situm eleganter descripsit Poggius Florentinus. Deinde haud ita lōgē Vrsæ ac Arolæ miscetur.

3. Vrsa (quem fl. transpositis duabus prioribus literis uulgò Rusam uocant) in summis Alpibus, quibus hodie sancti Gothardi nomen est, oritur, ac rectā septentrionem uersus fluit (cū contrā Ticinus ex eodem iugo per Lepontios in meridiem labatur) Vrsulam siue Vrsellam primò uallem Rheticam, deinde

de Vriam Tauriscorum, gentis Gallicæ reliquias, uenit, ubi lacui miscetur, qui Vrios, Suicios, Syluanos, ac Lucerinos (quatuor syluæ ciuitates, ut hodie uocant) alluit. Porro deinde Tuginis amnibus susceptis, Bremgarten ac Mellingen oppida ditionis Helueticæ, lapsus, infra Brugas Arolæ commiscetur.

4. Arola ex iisdē summis Alpibus ortus, in Septentrionem conuersus, paulò plus tamen quàm Vrsa ad occasum primum inclinans, per lacum Thunnensem Bernam lapsus & ipsam amplissimam Helueticorum urbem ambit: dein paulò infra Bernam alterum accipit flumē Sanam e' ualle eiusdem nominis, altissimis septa montibus delapsum, quod Friburgum ambit, ut Arola Bernam. ibi in ortum ambo conuersa flumina, sub Arolæ nomine perueniunt Salodurum. Deinde per terram nobilissimam ab ipso Arola denominatam, receptis Vrsa ac Limago, Rhenum infra Clingnou oppidum episcopi Constantiensis ingrediuntur. Confluentis nomen adhuc loco manet, sed nō incorruptum: *Cobolentz* enim uocat Helueticorum lingua: miserrimus hodie est uiculus. Nomen à Romanis est inditū, cum ibi aduersus Hercynios excubarēt. Nec procul inde abest Rauracorū oppidū *Waldshut*, quod nomen significat syluæ custodiam, Raura-

Rauracorum ne aduersus Romanos munimentum, an aduersus Germanos: incertum. Ad Confluentem igitur illum tria Heluetiorum flumina Limagus, Vrsa & Arola in Rhenum exonerantur. Vr autem paulò superius, infra maiorem tamen Rheni cataracten, qui Schaffusia est, Rhenum influît. Hæc igitur quatuor flumina quatuor Heluetiorum pagi creduntur. Cæsar duorum tantum nomina exprimit in Commentarijs, Tigurinum & Urbigenum nominans. Atqui tractibus hisce, non sunt eadem quæ fluminibus nomina, cū Limagi accolæ Tigurini dicantur. Et Urbigenus pagus nullius fluminis nomen est, sed tractus haud dubiè, at cuiusnam fluuij inter tres reliquos, id difficile dicere licet. Duæ tamen coniecturæ eruditorum sunt. Quidam putant Urbigenum pagum dici habitationē ad Arolam ab Orba peruetusto oppidulo ditionis Bernatium ac Friburgensium. Quidam per Urbigenum pagum Durgeam intelligunt ab Vr flumine. Reliquorum tractuum, ut diximus, nomina apud Cæsarem non inveniuntur. Itaq; eum tractum, qui est ad Vrsam, Tuginum dictū credit Glareanus, cū Tugiorum Strabo meminerit lib. 4. & 7. Eum autē qui ad Arolā est, quidā Iurassium, quidā Antuatium nominandū censent: fortassis & Auenticensis nominari potuit.

DE RHENO.

Germania
ueteris, qua
lem Pto-
lemæus
descri-
psit, ha-
bet flu-
vios

Intus

Neccarum, cuius fons nō mul-
tum à Danubij fontibus di-
stat, & per medium ducatum
VVirtenbergensem currit.

Mœnum, qui per mediā Frans-
coniam labitur, in quem Pe-
gnesus & Tubera labuntur.

Lanam, qui ex Hassia fluit.

Lippiam.

Amasim, qui per Frisiam currit,
Ems.

Visurgim seu VVeseram.

Albim in Bohemix
mōtibus ortum:
cui miscetur
Viadrum, Oderam

Salas.

Sueuus,
Spre.

Vistulam, qui Sarmatiā à Ger-
mania diuidit.

In ora

Rhenū.

Danus
bium.

qui diui-
dit Ger-
maniā

à Gal-
lia.
ueterē
à no-
ua.

Gg

Rhenus

Rhenus	Recipit	{	Oritur in summis Alpibus & habet duos fontes	{	Anterior rem.
			Posterior rem.		
			Efficit duos lacus	{	Acronium seu Brigantium.
					Cellensem seu Venetum.
			Supra Basileam, Vram, Vrsam, Limagum, A- rolam, Birsam. Paulò infrà ad dextram, Viesam. Apud Argentinam Kinzingam ex nigra syl- ua : Illam ex Alsatia, Brussam ex Vasto re- gno & Lotharingæ mōtibus seu Vogeso. Infra Heidelbergam Neccarum. Moguntia Mœnum. Bingæ Naham, qui ex Hunnorum præsidio fuit: uulgò <i>Hunfruck</i> . Confluentia Mosellam & Lanam. VVesalia Lippiam.		
Scinditur in duas partes, quarum	{	Vna uersus occidentem currens VValis dicitur, cui Mosa mi- scetur.			
		{	Isellam.		
			Rhenum.		

Summæ Alpes sunt qui hodie mons sancti Gothardi dicitur, cui Adulas mons ab ortu connectitur, continenti quidem iugo, ut summarum Alpium uelut brachium aut manus cornu, dici queat. Rhenus igitur ex his Alpibus initio sumpto, ab orientali parte, ubi Adulæ monti cōiunguntur, populique Lepontij habitant, duobus nascitur fontibus, unius ut minimum diei itinere, propter montium iuga distantibus: altero magis occiduo, magisque septentrionali, haud ita longe à Ticini fontibus, qui paulo occidentaliores sunt. Ad eum Aetuatij propè (hodie *Tauetsch*) pertinent: per quorum uallem rectà ad ortum, nō ad septentrionem (ut falso ueteres credidēre) currit: Hodie propriè Canini dicuntur à Canis, siue Grifones ut uulgo appellat: oppidū Illantium, nunc Illantz, habent: sub quo Gleuner flumen ex ualle Lugnitia descendens, ab hoc Rheni fonte à dextris suscipitur. Hic fons anterior Rhenus uulgo nominatur. Altero magis orientali, magis'que australi ex Adula monte, è regione fluminis Muesæ, quod Misfaucorum uallem abiuit, & paulo supra Belizonam Ticino coniungitur. Hic fons posterior Rhenus ab accolis dicitur, sicut alter anterior. Labitur etiam rectà in ortum ad insignem pagum Speluncam: deinde ad Schams & ad altam Rhetiam; (*Rhealt*: ita nominant

arcem in excelsissimo monte sitam) prope pagum Tuscanum, ubi fluuium Abellam ab ortu contrario cursu lapsum, à dextris suscipit. Vallis insignis sub eo cōfluente est Tumiliasca. Hīc ueræ Rhætiae amœnissimus situs, hīc innumera multitudo arcium fuit, quarum uestigia etiamnum uisuntur: pleraq; bella absumpserunt: estq; hæc regio uitifera. Hīc Rhenus prorsus in septentrionē conuertitur, curritq; ad Rhætium arcem, uulgo Ratzuns, ubi anteriorem Rhenum suscipit, qui cum eo in ortum propè parallela linea decurrerat. Hic ambo iam unum flumē, Rhætorum Curiam perunt, & hīc quoq; sunt ueri Rhæti & Canini. Cūria ipsa ad Plessuram fl. elegans sanè oppidum est. Sub eo Rhenus tortuosior ingressus, Ciceres pagum adit. Ibi ad 20 M. passuum rectà in occasum tendit. Rhucanti (quorum Plinius meminit) uallem obtinent. Langarus est fl. ex Rhæticone monte (cuius mentio est apud Melam) ortus & per Rhætiam uallem delapsus, quem hoc loco ad Ciceres à dextris Rhenus excipit: mox Lupinum oppidum peruenit: Maij campum hodie uocant. Toto hoc tractu uitifera est regio. Hīc Sarunetes, qui à Plinio nominantur, à sinistris relinquit, elegantissimam sanè uallem, quæ lacum Riuarium attingit, uulgò Valensee. Hīc Rhenus inter duos montes Alberg & Schalberg ad

Estio.

Estiones (*Eschnerberg*) rectâ in septentrionem delabitur. Meminit Estionum lib. 4. Strabo, qui adhuc nomen retinent. Hinc ad locû Benedurum, ad dextram campum sancti Petri (*Feldkirch* nominant) oppidû elegans, aliquot millibus passuum distans, habet à sinistris comitatum *Werdenberg*, Claronësis ditionis. Sub Beneduro à dextris suscipit fluuiû illum, qui è Rhæticone monte ortus, ac per uallem Dru-
sianam (uulgo *Walgen*) lapsus, oppidum *Feldkirch* alluit. Sub hoc confluyente Ruguscos à sinistris habet (*Reintal* nunc nuncupant) ditionis Helueticæ. Porro & Estionû & Ruguscorum regia uitifera est. Hinc lacû Brigātinum, ut Plinius ac Solinus: uel Acronium, ut *Me-
la*: uel Constantiensem, Podmicumq; ut uul-
gus hodie uocat, ingreditur. Circuitus eius la-
cus à Strabone lib. 7. supra 300. stadia prodit-
tur, longitudo circiter 200, latitudo dimidio
minor. Nihil hoc lacu elegantius. Ad caput
eius Brigantum oppidû est: unde nomen in-
uenit. Deinde à dextris (qua parte Vindelici,
nunc *Lechgen*, habitarunt) Lindauia est in insu-
la oppidum: cui oppido parua alia adest insu-
la, etiamnum insulæ nomen retinens, qua ue-
lut arce ad inuadendos Vindelicos commo-
dissime usus est in naualib. pugnis Tiberius,
ut ait Strabo eod. lib. non sanè illa quæ in la-
cu inferiore Augiæ nomen apud quosdâ ha-

bet, uulgò *Reichenam*, quasi diceret diuitem terram: quæ nonnūquam sicco adiri potest. Sunt alia item ab eodem latere oppida, *Langenarg*, *Büchorn*, *Merspurg* præfulis Constantiensis domicilium. Vberlinga eximium oppidum, extremo eius lacus angulo. A' sinistris uerd & litore Heluetico, Arbor foelix, Acronij & Constantia. Hic Rhenus è superiore lacu inferiore ingreditur, quem Pomponio Venetum appellatum contendunt. Nostra ætas Cellensem à Rhodolphi cella uocat. In hoc lacu (qui quaduplo minor est superiore) Augia insula est, oppida alia sunt ab Heluetiorum parte: *Steckborn* ad lacum: infra autem lacum & ad Rhenū iam prorsus in occasum conuersum *Steina* & *Dieffenhofen*: deinde *Schaphusia*, à naualib. nomen habens, à dextris in Germanorum litore elegans oppidum à quo Danubij fons, qui hodie creditur, uix 20 M. passuum distat. Sub *Schaphusia* ad tria circiter millia passuum itinere pedestri, non autem secundum fluminis circuitiōē, est maior Rheni cataractes: id est, fluminis ex alta rupe præcipitatio, cū ingenti fremitu & stupenda aquarum ad scopulos illusione. Sub eo cataracte in seipsum prope modum ut de Mæandro scribitur: Rhenus redit, duobus in longum spacium gyris ad turbæ ductilis formam spiras faciens. Quo in loco cœnobiū, hodie *Rheimam*, ubi olim magnū oppidum

oppidum fuisse fama est. Videntur adhuc aliqua urbis uestigia, sed non omnino uetusta. Sunt qui Sueuorum principum, dum aliquā Heluetiorum partem tenerent, fuisse regiam perhibeant. Paulò inferius Rhenus Durfl. recipit: hinc rursus ad 4. M. passuum in Austrū conuersus, Tosam fl. à sinistris ad oppidum *Eglisam* ditionis Tigurinæ: & rursus facto admodum paruo arcu, prorsus ad occasum conuersus paulò inferius aliud flumē itidem à sinistris, Clatuocant, ex duobus ortū lacubus Fesino & Gryphio, accipit. Hinc oppidū *Kaiserstul* (quasi dicas Cæsaris solium) à sinistris habet: mox Zurzachium nobile emporium ab eodem latere, multi forum Tiberij à Ptolemæo dictum putant, non omnino absq; ratione. Nam locus peruetustus uidetur, collegio Canoniorum ac D. Verenæ tumulo nobilis. Quidam autem Cæsaris solium Ptolemæo forum Tiberij dictum putant, sed Zurzachium Gannodurum. Hinc ad 5. M. passuū confluens est Rheni ac trium fluminum Limagi, Arolæ, Vrsæ, antea in unū sub Aquis, Vindonissæq; commixtorum. Hic Rauracorum incipit tractus, in quo 4 elegantia sunt oppida: Primum *Waldshut* in latere dextro à confluente duo milia passuum distat: cui sylua Harziana ab Ammiano Marcellino dicta, nō Martiana (ut corrupti codices habent) imminet. Alterum in-

dead decem millia passuum latere Rheni sinistro : quanquam pons bina connectit oppidula, sed maius cum arce à sinistris est. Hic minor est Rheni cataractes: nō ita præruptus, ut superior, rupe: decliuis tamen & scopulis horridis, angustiaq; memorabili insignis: nec tamen minore altitudine si à supremo eius labro ad sæuientis undæ finem supputes. Nomen inde *Lauffenberg* habet, quasi Cataractæ mons: cui insignis arx imposita est. Octo millibus inde passuum insulam facit, D. Fridolini (qui ante M. annos in eam uenisse dicitur) sepulchro nobilem: quod tertium Rauracorum oppidum & nobilium uirginum collegium est: nec apud me dubium, quanquam in Rauracis hic locus sit, à Sequanis tamen (qui non longè inde absunt) nomen habere, non à sacro ut uulgus uult. Quartum oppidum *Reinselden* uocatur, quasi dicas Rheni campum: quod à sinistris est. Hic quoque aliquid cataractæ simile uidetur, nullo tamen magno nauium periculo, quippe quæ cum hominibus, qui quidem uoluerint (nam licet cuique paulò superius naui exire) tuto transeant: cum in maiore cataracte nullæ prorsus naues, in minore uacuæ per funes aliquando & cum hominibus audacibus & uitam nihili facientibus (qui ideo *Waghals* uocantur) transmittantur. Hic autem, ut diximus, licet transire si uelis:

uulgus

uulgus *Helhaften*: id est, Tartari uncum uocat. Cum Rhenus paruus est, uidetur in medio eius alueus aquarum interrupes, quem nau-
tæ norunt etiam turbulento amne. Post hoc oppidum nihil amplius in Rheno tumultus est: placidus inde adhuc ad duodecim aut circiter millia passuum meat, donec Basileam uenerit: ubi prorsus in septentrionem conuertitur. Cæterum sub Rheinfelden ad 4 M. passuum à sinistris Augusta Rauracorū fuit, in humilem hodie redacta uicum. Videntur adhuc ueteres ruinæ turrium, cloacarum, pyramidum, numismata plurima aurea, argentea, ac ærea: ab Hunnis uulgò creditur diruta: alij malunt ab Alemanis sub Valentiniano tertio euersam. Totus fermè Rauracorum tractus hodie dicionis est ducum Austriæ. Terminatur autem ad Birsam flumen, quod quingentis circiter passibus supra Basileam Rhenum influit. Nam Basileam rectè in Sequanis constituimus: attingunt enim Sequani ea parte Rhenum, ut libro 1. ait Cæsar. Sundgoij hodie haud dubiè pars sunt Sequanorum: quorum insigniores ciuitates sunt Dan imperiale oppidum, & Enfishemium. Infra Sequanos sunt Alsates, quorum hæ ciuitates præcipuæ sunt, Colmaria, Selestadium, Keisersperga, Argentina, Tabernæ, Hagenoia. His è re-

gione ad dextram Rheni ripam habitant Brisgaui, qui in ueterum Harelungorum sedes successerunt: eorumque oppida sunt Nouumburgum, Brisacum & Friburgum: sequitur Offenburgum, quod est in *Ornam*. Ad dextram Hagenoiae per tria milliaria est Badenia inferior, ubi Marchionis Badensis sedes est & ubi Thermae nobiles sunt. Post Hagenoiam sequitur Vveissenburgum, Landoia, Spira. Parum infra Spiram miscetur Neccarus Rheno: qui & ipse habet aliquot insignia oppida in suis ripis. Prima itaque ascendendo Neccarum occurrit Helderberga, ubi princeps Elector sedes habet. Sequitur Vuimpina, Heilbrunna, duo imperialia oppida. Hinc Eslinga imperiale quoque oppidum & Sturgardia sedes principis Vuirtembergensis: à quo si per tria milliaria ascendas, accurrit Tubinga: hinc uno milliari distat Rotenburgum: sequitur Horba, supra quam non procul à Rotuila prima Neccari stillicidia uidentur. Porro si à Spira per Rhenum descendas, occurrit Vormacia, Oppenheimum, Moguntia, ubi Moenus Rhenum influit. Is Moenus originem fere ducit ex Bohemiae montibus: & sicut Nilus, exprimit numerum dierum anni:

M	40
E	5
N	50
O	70
Σ	200
	—
	365.

Hic Moenus insignes urbes habet, Francor-
diam celeberrimum Germaniæ emporium,
Miltenburgū, Vvertham, Erebipolim, Kizin-
gam, Toettelbachium, Hasfurdiam & Bam-
bergam, ubi recipit Regnesum. Sed redeam⁹
ad Moguntiam: à qua Bingam usque in dex-
tra parte Rheni est Rhingauia seu Rheni pa-
gus, terra ab optimo uino etiam apud Britan-
nos celeberrima. Apud Bingam Naha fl. in-
greditur Rhenum, qui ex Hunnorum præsi-
dio (uulgò *Hunfruct*) prorumpit, unum habens
insigne oppidum Crüznacum. Post Bingam
est Bachracum, quasi Bacchi ara, Vesalia supe-
rior, D. Goarus uulgò *Sanct Geyer*, Boparda,
Landstein: ubi ex media Halsia amnis Lana p-
fluens iungitur Rheno, habetq; multa oppi-
da & uillas in suis ripis sitas: Proximum ad
Rhenum oppidum est Limpurgum. Post La-
næ ostia occurrit Confluentia, ubi Mosella
miscetur Rheno. Hunc fl. si ascendas, uenies
Treuerim, uetustissimam illam urbem quam
Abrahæ tēporibus conditam asserunt, à Tre-
beta

beta Nini Babylonici regis filio. Scribit Aeneas Syluius eam 1300 annis Roma esse uetustiore. Inter hanc urbem & Confluentiam ad Mosellæ riuulum est Cusa habet autem situm suum ferè in Eisflia. Mox à Confluentia descēditur per Rhenum ad Andernacum, inde Bonnam & Coloniā Agrippinā. Ad sinistram est regio Iuliacensis, in qua ferè est Aquisgranū, ubi olim fuit sylua Arduenna: ad dextram est regio Montēsis. Sub Colonia est Nusia, quam ante aliquot annos Carolus D. Burgūdię obstinatissimè oppugnauit. Paulo inferi⁹ est Vesalia inferior: ubi Lippia Rhe-
no miscetur. A Vesalia descenditur Emrichā, quæ occidentem uersus habet oppidum Cliuense, ubi Rhenus in duos scinditur riuos, Vvalim & Rhenum. Vnde Virgil. lib. 8. Aeneidos Rhenum bicornem uocat: & sic ueteres (ut Plinius lib. 4. cap. 15. Cæsar lib. 4. belli Gallici, Pomponius Mela lib. 4. Corn. Tacitus lib. 2.) illi duo ostia tribuūt. Tertium enim ostium, quod hodie Isela dicitur, Ptolemæo celebratum, antiquit⁹ non fuit. Sed Drusi aduersus Germanos bellātis iussu, fossa in mare deducta, factum est, ut munimētum aduersus barbaros esset. Atq; ideo Ptolemæo tria sunt Rheni ostia, quæ ueterib. duo. Ad Vvalim iacet Neomagus & Buscū ducis, ubi Mosā ferè iungitur Vuali. Post Emricam est Da-
uentria,

uentria, & Suuol. Hinc insula est Holandiæ,
Rheni ostijs interposita.

DE DANUBIO.

In Danubio
seu Istro
confi-
der.

Origo seu fontes, quorū duos statuit Gla-
reanus, ut Rheni.

Insula Donawerd & aliz.

Vortex periculosus iuxta urbē Crems.

Cataractæ, quas Suidas describit.

Fluuij quos recipit: quorum numeratur
sexaginta.

Pons Traiani.

Ostia.

1. Glareano suspectus uidetur fons ille, quē
hodie in uico *Doneschingen* (hoc est Danubij *E-
schingen*: uel ut Cuspianus interpretatur, Da-
nubij lotio) non procul à Rotuila & Schafhu-
fia distante, ostendūt: cū duo alia sint flumi-
na origine multo altiora, quā iste fons est. A-
ristoteles in *Meteoris* Danubiū ex Pyreneo
monte labi scribit, sicut & Herodotus, qui ta-
men ex eo nomine urbem facit. Aristotelis o-
pinionem confirmant nomina, quæ etiam nū
manent

manent in mōtibus illo fonte altioribus. *Brygen* alterum appellat uulgus, alterum *Bregen*: regio autem *Bor* uocatur. Estq; illorum montium altitudo non magna, *Strabo* uocat *ῥάχις μετρίως ὑψηλῶ*: id est, iugum mediocriter excelsum: ubi hodie oriuntur duo illa flumina. Quare iustè moueor, ut uel *Brygen* uel *Bregen* *Danubij* fontes credam.

2. *Danubij* cursus & ciuitates. *Danubius* igitur in nigra sylua seu in *Hegauia* initium sumit: sensimq; perlabens oppida. *Simringen*, *Riedlingen* & *Ehingen*, augescit donec ueniat *Vlmam* *Suetiæ*, ibi accepto *Blauo* amne, pergit *Gunzpurgum*, *Lauingam*, *Dillingam*, *Vverdam* (ubi insulam efficit) *Rainam*, ubi recipit *Lycum*, qui ex *Alpibus* per *Augustam* *Vindelicorum* descendit. Hinc fluit *Ingolstadium*: inde *Kelhaimam*, ubi *Altmüla*, quem alij *Alemannum* uocant, augetur. Hic amnis ferè oritur à rubro castro, uulgò *Rotenburg*, imperiali ciuitate, quæ ad fl. *Tuberam* sita est, sed is in septentrionem nitens, à *Mœno* prope *Vvertham* absumitur. Porro ad *Altmülam* conditæ sunt ciuitates, *Gungenhausen*, *Vveissenburgū*, & *Aistadia* episcopalis ciuitas. A' *Kellheim* per *Danubium* descenditur *Ratisponam* urbem imperialem & uetustam, ubi *Nabus* & *Rengus* fluuij *Danubium* augment. Hinc passim innumerî affluunt amnes, partim ex *Alpibus*,

bus, partim ex Bohemiæ montibus: inter quos hi duo, Isara & Oenus, insigniores habentur. Isara alluit Monacū, Frisingā, Lands-hutam & Landoiam. Oenus descēdit ab Oeniponte per *Schwatz*, *Vvasserburgum*, *Brunā*, & *Scherdingā*, *Patauū*q; miscetur Danubio. A' *Patauio* *Viennā* *Austriæ* usq; ad utramq; ripam *Danubij* multæ occurrūt urbes & multi amnes: præsertim *Peurbachium*, *Linza*, *Ens*, *Melka*, *Ipsa* & *Crembsa*: iuxta *Crembsam* uortex *Danubij* periculosissim⁹ est, quo naues, nisi summa adhibeatur cautio, ceu abyssō obsorbentur & demerguntur: quam obrem uectores periculi uitandi, suęq; salutis gratia, ubi ad illum locum peruenerint, nauibus exire, terraq; iter facere consueuerunt. Quod si *Vienna* descendas uersus *Budā* *Vngariæ*, occurrit primò insignis ciuitas *Posonium* (uulgò *Presburg*) deinde *Iaurinum* (uulgò *Rab*) hinc *Strigonium* (*Archiepiscopalis* ciuitas, uulgò *Gran*) ad cuius dextram est *Alba regalis* (à *Danubio* aliquantum distans, uulgò *Stulweissenburg*, ubi reges *Vngariæ* electi coronari & inungi solent) *Buda*, uulgò *Ofen*, regia est *Vngariæ* ad ripam *Danubij*. Hinc si proficiscaris ferè ad ostium fl. *Muræ*, uenies ad locum ubi *Ludouicus R. Vngariæ* anno *Christi 1526*. à *Turcis* cæsus est. Cæterum in confluente *Sai* fl. & *Danubij* sita est *Alba Græca* (quæ

(quæ ueteribus Taurinū, Belgradū & Nonderalba est) quam Turca anno 1457 oppugnavit: sed anno 1521 expugnata. Post Belgradū sequitur Calombecium, ubi strages Christianorum facta est anno 1409 sub Sigismundo Imp. Infra Belgradū Traiani pontis uestigia uisuntur, quæ eleganter describit Dion in uita Traiani. Hinc uenitur ad urbem Nicopolim, Bulgariæ metropolim, à cuius obsidione Sigismundus Imper. eodem anno per Turcas reiectus est. Similis clades contigit Christianis prope Varnam, quæ parum à mari distat: ibi enim Ladislaus R. Poloniæ & Vngariæ interijt cum Cardinale Iuliano ann. 1444.

3. Fluvij, quos recipit Danubius, sunt circiter sexaginta: unde ob tot amnium cum Danubio coniunctionem Danubius omniū fluminum coniunx appellatur:

Die Donaw, ist aller wasser frau.

Der Rhein, mag mit ehren wol ihr mann sein.

Ister cunctorum fluuiorum iure uocatur

Coniunx, cui Rhenus iure maritus erit.

Nam, ut Cuspinianus describit, Danubius mox paululum infra suos fontes, duobus augeatur fluminibus, quorum origo altius ex iugo Hercyniæ sylvæ deriuatur: quorum alterum Perch, alterum Perschlingen uocant accolæ, duobus millib. passuum Alemanicis supra

pra Vlmam imperialem urbē, prope *Pfullendorff*. Vadit autem primò lentus, antequā augeatur prope Vlmam Ilaro, quia Campidus non nauigabilis in Danubiū à meridie descendit. E' regione Vlmæ alter flu. Danubiū irrumpit à septentrione Blauus: ubi monasterium *Blawbeuren* à fl. cognominatum. Post per Marchionatum Burgouiæ à dextris ingreditur Danubiū à meridie flu. Gins, ad cuius ostium oppidū *Ginzburg*. Post alter fl. per eundem Marchionatū à meridie; *Kamlach* dictus, prope *Offingen*, oppidum *Burgaw* alluēs. A sinistris intrat *Prentz* præterfluens, *Haiden*, *Gengen*, & *Gundelfingen*. Prope Lauingam à septentrione *Wirsch* fl. Inter Dillingam & Hochstat oppida, prope uillam Stainam à septentrione flu. Egua: paulò post ab eodē latere Zuzum. Sequitur *Vuernitz* prope Thunewerdā: & *Schutter* à meridie suprā Augustā. Dehinc amnis notus, aquis diues, rapidus præteriens *Schongaw*, *Fiessen*, *Landsparg*, Augustam, Rainiam oppida à meridie, Lycus nomine: prope ostium uillam habet, ubi fuit olim comitatus insignis, cuius rudera cernuntur: *Lechsgmünd* Germanicè, *λύκος* Græcis, Latinis ostium Lyci: non longe ab Augusta Vindelicorum. Circa Ingolstadium à septētrione influit *Schutter*: paulò post Ingolstadium præterit fluuius *Aichen* & *Schrobenhausen*, dictus Pyr: post mille passus à meri-

Hh die

die circa *Voburg* ingreditur Danubium flu. III. Haud longè inde, prope *Kelheim* à septentrione influit *Altmûla* fluuius optimorum & maximorum cancrorum copia celebris. Deinde prope *Abensperg*, à meridie labitur *Abenst.* Haud longè à *Ratispona* siue *Augusta Tiberij* à septentrione currunt *Nabus* & *Regus*, nomen urbi cōcedens. Sed *Ratispona* à meridie labitur *Laber* infra uetera castra, hodie *Pfeter*. Infra *Deckendorf* à meridie influit *Isara* ab *Alpib.* per totam labens *Bauariam*. Prope *Vilshouen* à meridie labitur fl. *Fils*: paulò inferius *Vuolfang*. Inter *Patauium* (olim *Boiodurum*) & *Vilshouen* labitur fl. *Gaissa*. *Patauij* etiā *Oenus Danubium* ingreditur à meridie, & *Isa* à Septentrione. Infra *Patauium* à septentrione fl. *Rennarci* nomen donans. Infra *Rennam* iuxta arcem *Neuwenhaus* à septentrione fluit *Rott*. Supra *Efferdingam* prope *Aschach*, est fluuius *Aschach*. Infra *Efferdingam* fl. *Iun.* Infra *Linzam* regium oppidum à meridie ex lacu *Hallis* ubi sal coquitur, & ex lacu *Gmunden*, fluit *Traun*, per utrūq; lacum medius. Prope *Martus* *thusen* à meridie ingreditur fl. *Ens*, *Anasus* Latinis. Post 50. passus, à septentrione præterit liberam ciuitatem flu. *Aist*. infra eandem *Horē* fl. è regione à meridie iuxta cœnobium *Erla-floster*, flu. *Erlach*. Iuxta oppidū *Ips* ingreditur flu. *Ips*, Prope arcem *Melck*, à meridie fl. *Melca*,

& paulò inferius Buelach fl. Infra Pechlarem oppidū ingreditur à meridie Erla. Prope uetustissimum oppidum Tresmaur, ciuitatem & cœnobium S. Hippolyti præterfluēs, fluit Trezen à meridie. Infra Krembsam à septentrione influit Krembsa. Circa uetustissimum oppidum Tulnam à meridie Tuln nomen urbi tribuens. Circa Viennam torrens eiusdem nominis est. infra Viennā est fl. Schuuechat, cum altero Kaltengang: & paulò inferius Visscha & Leitta. A' septentrione deinde prope oppidum Marcheck, flu. Marchia. Pòst circa Iaurinū à meridie Rebnitz & Rab, Ptolemæo Arrabo. Prope Strigonium à septentrione fluit Gran. Prope nobilem in Vngaria arcem & uillam Comarum à septentrione ingreditur fl. Wag, qui per Vaciensem episcopatum labitur, nomē inde sortitus, Trentschin oppidum & castrum præterfluens. A' meridie influit Trag, Latine Drauus, qui Murgam uel Murū fl. suscipit. Circa Nonderalbam à meridie Sauus. Per Segedinū agrum à septentrione influit Teisla, Latinis Tibiscus: qui teste Georgio Vuernhero de admirandis Vngarię aquis, in Maromasio sub altissimis Carpathi iugis oritur, fonte quidem exiguo, sed tantis subito incrementis, ut intra tertium milliarium ferè sit nauigabilis, quo sales euehūtur, piscatu omnes Vngarię fluuios (quorū mul-

ti sunt piscosissimi) superat. Qui propius ad eius ripam, æstiuus præsertim caloribus accedunt, manifesto sensu experiuntur eum pisculentiam quandam, ut sic dicam, redolere. Nec desunt uulgò qui dicant duas eius partes aquam, tertiam pisces esse. Prope Titellum arcem per Senderouiam à meridie labitur Themis fl. qui urbē à se Temeschuar, quasi Themesis urbem appellat. Intra Senderouiam & Gallembez à meridie influit Moraua. Prope Pudanum à meridie fl. Ischar. Per Transylvaniam à meridie intra Pudanū & Nicopolim fl. Allutus. Sub Nicopoli per Vualachiā à septentrione influit Galophiz. Per Moldauiam Steritus & Prut, olim Nircausus.

4. De numero, nominibus, situ & ordine ostiorum Danubij diuersæ sunt autorum sententiæ. Vide de his Arrianū in periplo Ponti Euxini & ibi Stuctium: qui de omnibus copiose scripsit. Atq; hæc hætenus de Hydrographia.

LIBER XXII. DE GEOGRAPHIA.

Quid est Terra?



ST elementum infimum & gra-
uissimum, frigidum & siccū: Estq;
in medio mundi ceu centrum, id-
coq; quiescit: & est figuræ rotun-
dæ ac cum aqua constituit unum globum: ut
elegantè Ouid. lib. 6. Fastorum scripsit:

*Terra pile similis nullo fulcimine nixa,
Aëre subiecto tam graue pendet onus.
Ipsa uolubilitas libratum sustinet orbem,
Quiq; premat partes angulus omnis abest.
Cumq; sit in media mundi regione locata,
Et tanga: nullum plus' ue minúsue latus:
Ni conuexa foret, parti uicinior esset,
Nec medium terræ mundus haberet onus.
Arte Syracosia suspensus in aëre clauso
Stat globus immensi parua figura poli:
Et quantum à summis tantum secessit ab imis
Terra: quod ut fiat, forma rotunda facit.*

DE SITV TERRÆ.

Terra mediā mundi sedem occupat & cen-
trū uniuerſi est: quod multis probari potest.

Hh 3

I. Quia

I. Quia undique æqualiter distata cœlo: quod ostendunt stellæ, quæ semper eandem magnitudinem habent, ubicunq; eas aliquis in terræ superficie considerauerit.

II. Quia rotunditas terreni globi habet proportionem ad rotunditatem cœli: id est, certæ & proportionales partes in terrestri globo, respondent certis & proportionalibus partibus cœli. Respondent enim in terra secundum latitudinem singulis gradibus meridiani, 15. milliaria Germanica. Secundum longitudinem autem singulis horis oriuntur 15. gradus de æquinoctiali. Quod non fieret si terra esset in medio mundi. Inæquales enim arcus æqualibus temporibus orirentur: item equalibus partibus meridiani inæqualia spacia in terra responderent: quod experientia falsum esse testatur.

III. Quia in omni die artificiali, sex signa oriuntur, & sex occidunt.

IIII. Quia in oppositione Solis & Lunæ utrumq; luminare est in horizonte: quod fieri non posset, si terra ad unam partem cœli propius accederet quam ad alteram.

V. Quia si propior esset alterutri polorum, non possent fieri uniuersalia æquinoctia. Semper enim alter arcus siue diurnus, siue nocturnus, maior existeret. Item non possent fieri eclipses in coniunctionibus & oppositionibus: essent

essent & imparia spacia à meridie in septentrionem & ab ortus in occasum.

DE QUIETE TERRÆ.

Confirmata hac hypothefi, quòd terra fit in medio mundi: sequitur eam ut cētrum quiescere. *Nam:*

Si terra in medio mundi non hæretet fixa & immota: moueretur, aut in rectum aut in circum.

At non mouetur in rectum: nam sic relinqueret medium mundi: nec in circum: nam si moueretur super axe mundi: *μετέωρα*, ut nubes, uel uolitantia, aut fluctuantia in aëre (ut aues) ad occasum ferri uiderentur: quippe terræ circumactu præuenterentur & longo interuallo relinquerentur: si super alieno axe moueretur: tum altitudo poli nobis in terra quiescentibus non semper eadem esset, quorum utrumq; absurdum est.

Terra itaq; in medio hæret immota.

DE FIGURA TERRÆ.

Terra est rotunda *σφαεική*: quia secundum utramq; partem & longitudinem & latitudinem rotunda est: Nam primò quoad longitudinem:

Si terra non est rotunda: est aut *τυμπανοειδής*, ut Leucippus ex ueteribus uoluit: aut *σκαφοειδής* ut Heraclitus: aut *ωολινδροειδής* ut

Anaximander: aut caua, ut Democritus: aut plana, ut Empedocles & Anaximenes.

At nec *τυμπανοειδής* est: nec *σκαφοειδής*: nam si profundo alueo esset excavata & alto ambitu undiq; septa: stellæ eleuatæ prius occidentalibus quàm orientalibus apparerent: nec *πυραμοειδής* & *κυβοειδής* est: tum enim omnibus ex eadem parte habitantibus simul illucesceret dies & simul orirentur, euanescerentq; stellæ: neq; ulla essent dierum uel noctium discrimina: exiguo etiam interuallo temporis diem haberent. Nam sole ab illo latere declinante, statim nox habitatoribus illis oriretur. Ac si cubicam haberet figuram, dies artificialis ultra sex horas nō extendere tur: nox uerò horas 18. duraret. Si uerò pyramidalem: adhuc breuiori tempore sol conspiceretur: nec est *κυλινδρικοειδής*: tum enim planis eius superficiebus polos spectantibus, nullæ stellæ habitantib. in conuexa eius parte perpetuò apparerent: sed omnibus semper orirentur & occiderent: aliæ autem planis superficiebus oppositæ, perpetuò delitescerent, nec deniq; plana est: si enim æquabili superficie constaret, omnibus ubicunq; habitantibus, uno momento stellæ supra horizontem attollerentur & infra eum deuoluerentur: & omnibus eodem momento dies illucesceret & nox oriretur: neque horum essent

essent discrimina . Quæ omnia absurda sunt .
 Terra itaq; rotunda est in longitudinē : Idem est
 quoad latitudinē : id est, à meridie in septen-
 trionem : quia poli mundi pro locorum di-
 versitate eleuantur & deprimuntur .

*Quòd aqua & terra constituent unum
 globum?*

Aqua non circumdat terram sphaericè : sed
 terra cum circumfluis sibiq; infusis aquis unū
 constituit globum & unam & eandem cōue-
 xam superficiem : quod cōstat primò ex pere-
 grinationibus : quibus plurimæ & amplissi-
 mæ terræ uersus omnes mundi cardines re-
 pertæ sunt : quæ testantur euidenter terram
 non circumdari mediam aquis cinguli ritu ut
 quidam imaginantur , imis summisq; parti-
 bus prominentibus : nec aquis, ut poma, in-
 natate . Deinde argumentum sumitur ex eclip-
 sibus . *Nam:*

Qualis figura est umbræ terræ in eclipsibus luna-
 ribus, talis est figura terræ cum circumfuis a-
 quis . Umbra enim refert & exprimit figuram
 opaci corporis .

At umbra terræ definit in conum & rotunda un-
 diq; superficie includitur , ut oculi cernunt .
 Totus igitur ex terra & aqua globus rotunda su-
 perficie comprehenditur .

Constat enim lunā ante & post oppositio-
 Hh 5 nem

nem nunquam *μυνοειδῆ*, sed *ἀμφικυρτον* apparere: at ingrediens umbram, aut ex eadem emergēs, corniculata semper cōspicitur, semperq; pars obscurata à lucida absoluti circuli peripheria secernitur. Ergo necesse est extremitatem umbræ, quæ illuminatam ab obscurata separat: non esse lineam rectam, nec inæqualem, nec lacunosam aut anfractuosam, sed circularem: ideoq; umbræ superficiem non planam, sed rotundam esse: alioquin hæ *ἀπτομοὶ* non fieret *ωκυφρεῖς*. Ex his 3. coniectaria oriuntur:

- I. Nihil interesse inter centrum gravitatis & centrum magnitudinis: sed unum esse centrum amborum elementorum, coëuntium in unum globum & tendentium ad unum, idemque centrum gravitatis. Terra enim cum sit grauior, aperitur ac dehiscit & aquas recipit.
- II. Locum aquæ, quæ terrā operire debebat, mutatum esse propter animantia.
- III. Falsum esse commentum Peripateticorum quorundam, asseuerantium aquam decuplo maiorem esse terrā: de qua re supra.

DE TERRÆ QVANTITATE.

Quodd terræ quantitas humano ingenio certò depræhendi queat, statuuntur quædam à Geographis hypotheses.

I. Cir-

I. Circuli ad circulum esse proportionem.

Nam:

Finiti ad finitum eiusdem generis, est proportio.

Circulus est finitus.

Circuli igitur ad circulum est proportio.

II. Medium cœli nobis semper apparere: quia sex signa supra horizōtem integra conspiciuntur.

III. Demissos radios à Sole, in terræ differentes partes, parallelos esse: quia Sol tam magnus est ut terrę quātitas nihil ad eam habeat. Vide Plin. lib. 2. cap. 11.

III. Aequalium angulorum productas circumferentias, similes esse: id est, eandem rationem, proportionemq; habere ad circulos suos. Itaq; ut cœlum in 4. æquas partes diuidimus super centrum mundi: ita sua proportionē etiam terra in 4. partes scinditur, ut superni, cœlestesq; quadrātes infernis quadrantibus comparentur. Et quemadmodum quadrantes in cœlo nonagenis gradibus diuiduntur: ita etiam terræ quadrantes.

V. Terram se ad totum cœlum habere uelut punctum: id quod indicant multa illustria *φανόμνα*.

I. Quod ex omnibus terræ partibus magnitudines & distantię stellarum n̄sdem temporibus æquales, similesq; ubiq; cernuntur.

II. Quod gnomones, centra armillarum
sphæ-

sphæricarum, & alia instrumenta scioterica in quacuncq; terræ parte ponantur, eundem habent usum, conseruantq; considerationes & circumductiones umbrarum, adeò regulares & consentientes hypothesi, ac si reipsa in medio terræ puncto collocarentur.

III. Quòd horizon ubiq; diuidit totum cœlum in duo æqualia: quouis enim momento sex signa eminent, sex latent.

III. Umbræ æquinoctiales orientis & occidentis Solis constituunt unam rectam lineam, perinde ac si iacerentur in planum per centrum terræ transmissum: & umbræ solstitiales & brumales Sole oriente cadunt *ἐπὶ χιῶσ μόρ*. Hæc omnia non fierent si cœli respectu, terræ magnitudo sensibilis esset.

V. Quia Ptolemæus semper pro centro uniuersi usurpat *τὴν ὀψιν τῶν ὁρώντων*, nec discernit superficiem terræ ab ipsius medio.

VI. Quia proportio cœli & terræ numeris proportionalib. exprimi non potest. Nam unus gradus cuiusq; circuli magni in cœlo æquat milliaria Germanica 57058: qualium 15. unus terreni alicuius gradus in terræ superficie indicat. Quorum numerorum nulla est proportio.

Ambitus terræ quomodo inueniatur.

Eratosthenes (ut ait Plin. lib. 2. cap. 32.) de præ-

præhendit uni gradui circuli magni in terra respondere 700. stadia uel 15. milliaria. Ptolemæus uero lib. 1. cap. 5. & 7. stadia 500. uel milliaria totidem. Quare 360. gradibus (in quos diuiditur quilibet circulus magnus tã in terra, quàm in cœlo) multiplicatis per 700. uel 500. stadia aut per 15. milliaria, prouenit ambitus totius globi terreni, secundum Eratosthenem stadiorum 252000. secundum Ptolemæum 280000. secundum utrumq; milliarium 5400.

*Diameter quomodo inueniatur
ex ambitu.*

1. Archimedes propos. 3. de circuli dimensione, demonstrat quamlibet circuli circumferentiam habere ad suam diametrum rationem propemodum triplam sesquiseptimam, quæ est 22. ad 7. hoc est: Quamlibet circumferentiã, suam diametrum continere ter, & insuper unã diametri septimam partem. Si igitur alterutram circumferentiam in milliariis uel stadiis inuentam multiplicaueris per 7. & factum diuideris per 22. proueniet diameter.

2. Autor sphæræ iubet primò circumferentiam in milliariis uel stadiis inuentam diuidere per 22. tum enim quoruscumque erit uigesima secunda pars totius circumferentiæ, seu septima pars qua circumferentia tres diametros superat. Si igitur hanc subdixeris ab eadẽ circumferentia

ferentia & reliquū diuiferis per tria, facies eandem diametrum in stadījs & milliaribus.

*Ambitus quomodo ex diametro
inueniatur.*

Proportio diametri ad suam circumferentiam est subtripla sesquiseptima, qualis est 7. ad 22. Quodcumque igitur ex diametro data, cupis colligere circumferentiam, tantum extremos numeros, scilicet 7. & 22. transpone, & 22. scribe ad dextram, 7. ad sinistram, diametrum in medio: postea multiplica primum per secundum: factum diuide per tertium. Si uero partes diametro adhærent integrum numerum, resolue in partes: id est multiplica per nomen: & facto deinde adde numeros partium.

Vel: diametrum notam multiplica per 22. & summæ productæ adde quod per multiplicationem superfuerat: deinde factum diuide per septem & quotus ostendet peripheriam.

Vel: si diameter nota tripletur & septima eiusdem pars triplicato addatur: emerget circumferentia. Vt, si diameter esset pedum 14. triplicetur & prouenient 42, quibus si septima pars diametri addatur, nempe 2. circumferentia erit 44. pedum.

DE ZONIS QVINQVE.

Zona est spacium de superficie terræ inter duos circulos minores comprehensum. Zona igitur non linea est, sed superficies, lineis tamē seu peripherijs circularū discreta. Sunt autem circuli diuidētes Zonas, quatuor: duo Tropici, Arcticus & Antarcticus: Aequinoctialis autem non diuidit Zonas, sed unam Zonam mediam secat, nimirū torridam. Neque uerò per Zonas circuli sunt intelligendi, iam dicti quatuor: cum Zone uox superficiei sphaerę imposita sit. Nec ulli circuli in cœlo latitudinem habere intelliguntur, excepto Zodiaco. Quemadmodum autem in cœlo equator est: ita etiam in terra & eodem modo de alijs circulis minoribus. Est enim terra quæ subiecta est æquinoctiali, est quæ subiecta est tropicis: deniq; quæ extremis circulis. Atque ita de Zonis. Nam ut in cœlo quinque sunt Zonæ: ita sua proportionē quinque in terra. Distributio autem hæc Zonarum inuenta est ad distinguendam regionum qualitatem. Nam quę inter tropicos iacet, quod Sol eos circulos non egrediatur, torrida uocatur: extremæ duæ frigidaę, quod à Sole longissimè absint: reliquæ temperataę, una nostra: altera antipodum, quarum aliquæ habitabiles dictæ sunt, aliæ inhabitabiles: Atq; hæc opinio ueterum fuit

fuit usq; ad Plinium & Ptolemæum, qui descriptis tamen in torrida regione populis, docuerunt habitabilem, planēq; habitatam regionē esse. Sed seculo superiore Hispani multò clarius docuerunt, tam multis insulis, nouoq; terrarum inuento orbe, in quo habitatio temperatissima perhibetur: est enim illic caloris diurni cum nocturno frigore summa moderatio & temperatio. Eam autem diuisionem Virgil. in 1. Georg. proposuit:

*Quinq; tenent cœlum Zonæ, quarum una corusco
Semper Sole rubens & torrida semper ab igni:
Quam circum extremæ dextra læuāq; trahuntur,
Cerulea glacie concretæ atq; imbribus atris:
Has inter mediamq;, duæ mortalibus ægris
Munere concessæ diuūm.*

Distributionē autem terræ fecit Virgilius nomine cœli: quia partes terræ cœli partibus respondeant: nec enim cœlum torridum, frigidum, temperatum dicitur, sed terra: quod Ouid. 1. Metam. facilius exposuit cōparatione cœli & terræ:

*Vtq; duæ dextra cœlum, totidemq; sinistra
Parte secant Zonæ, quinta est ardentior illis:
Sic onus inclusum numero distinxit eodem
Cura Dei, totidemq; plagæ tellure premuntur.
Quarum quæ media est, non est habitabilis æstu,*

*Nix tegit alta duas, totidem inter utramq; locauit:
Temperiemq; dedit mista cum frigore flamma.*

Verum in his quinque Zonis 3. consideranda sunt. 1. Distinctio. 2. Latitudo. 3. Inhabitantes.

DE DIFFERENTIA SEV DISTINCTIONE ZONARUM.

Zonæ uel sunt Temperatæ ut nostra & Antipodum: uel intemperatæ: eæq; partim frigidaæ ut duæ extremæ: partim torridæ ut media. Huius diuersitatis causa sunt radij Solis quos ad diuersas partes terræ diuersos proijcit. Nam ad Zonam torridā (utpote sibi subiectam) radios mittit perpendiculares, qui cū superficie torridæ Zone constituunt angulos rectos. Ad utranq; temperatam radios spargit obliquos, qui angulos cū superficie Zone constituunt obliquos. Ad extremas intemperatas radios proijcit cum earum superficie parallelos: id est, qui nullos cū superficie earum angulos constituunt: sed cum ea producti in infinitum, eandem semper distantiam cōseruant. Hi inæquales radij etiam inæqualem habent efficaciam. Nulli enim Solis radij illuminant uel calefaciunt nisi reflexi: Deflexio enim (quæ est radij repercussio facta ab obstaculo solido penetrationem prohibente) radij uim auget & duplicat: radio reflexo cū

incidente se coniungente. Cum autem anguli reflexionum semper sint æquales angulis incidentiæ: & anguli incidentiæ mutantur in singulis Zonis, etiam uirtutem mutari necesse est. Nam in Zona torrida, cum radij incidāt in superficiem terræ perpendiculariter, perpendiculariter etiam reflectuntur: quare cum radius reflexus radio incidenti iungatur, hac quasi duplicatione uirtus eius intenditur, ut incendat, urat & consumat. In tēperata utraq; radij in superficiem oblique incidunt, sed diuersimodè. Nam in locis uicinis torridæ, radiorum incidentium anguli, ab angulis rectis parum discrepant: quibus cum sint similes anguli reflexorum, uirtus eorum ualde intenditur. In locis autē uicinis duabus extremis, radij incidentes & reflexi constituunt angulos obtusiores, qui cum longius radiū reflexum ab incidente disiungant, uirtus eius redditur languidior. At in mediā temperata radij incidentes & reflexi, constituunt angulos inter se acutissimos & rectos medios: itaque radij non nimis longè disiunguntur. Deniq; in utraque extrema, cum radij non reflectantur, sed æquabili distantia cum terra in infinitum producantur, neque lucem edunt, neque calorem excitant: ideo Zonæ illæ neque illustrantur unquam, neque calefiunt: sed frigore & caligine horrent & rigent, præsertim in

in locis polo uiciniorib. & temporibus quibusdam: licet ipsa glacies ab hominibus teratur, quin praelia in ea interdum geruntur.

DE LATITVDINE

Zonarum.

Torridæ Zonæ latitudo tanta est, quanta est distantia tropici Cæcri à tropico Capricorni, graduum scilicet 47.

Temperatarum tanta est, quanta est tropici utriusque ab extremis arcticis: id est, grad. 43 ferè.

Vtriusque extremæ tanta est, quanta distant arcticus & antarcticus à polis mundi: ea est 23 grad. minut. 30. hoc tempore.

DE INHABITATORIBVS

Zonarum.

Inhabitatores Zonarum partim ab umbris, partim à situ discernuntur. Nam ratione umbrarum alij dicuntur ἀμφίσκιοι, alij ὑπερόσκιοι, alij πείσκιοι.

Ἀμφίσκιοι sunt qui torridam Zonam incolunt: Habent quouis anno duas umbrarum differentias, septentrionalem scilicet & meridionalē. Nam cū Sol ipsis est uerticālis (quod bis in anno contingit) nullam habent umbram: sed cū idem à puncto uerticali declinat in signa septentrionalia, umbra illis cadit

uersus meridiem: si in meridionalia, uersus septentrionem.

Ἐτ' ῥόσχοι, sunt qui temperatam utramque tenent. His enim umbra meridiāna perpetuò cadit uersus unam tantum partem: uel in septentrionem, ut habitantibus in Zona temperata septentrionali: uel in meridiem, ut habitantibus in Zona meridionali. Nam utraque Zona à Sole, qui ultra tropicos non progreditur, longius recedit uersus utramque polum. Quare cum umbra semper cadat in partem oppositam corporis luminosi, ubicunque Sol sit, habitantibus in Zona septentrionali, umbra cadit semper in septentrionem: in altera uero uersus meridiem.

Πείονιοι sunt qui in extremis duabus habitant. Nam sicut radij Solis cum superficie terræ sunt paralleli & æquabili cum ea distantia in infinitum progressi distant: ita umbræ eorum in planum terre nunquam incidentes, in infinitum extenduntur & in orbem cum Sole circumaguntur.

Amphiscij
differunt
ab

Hetero-
scijs quòd

Amphiscij & in meridem &
in boream per annum ha-
bent meridionalem um-
bram.

Heteroscij solum in boreā,
ut in nostra temperata: aut
solum in austrum, ut in al-
tera temperata.

Periscijs—
quòd

Amphiscij non uno die in
4 mundi plagis habent
umbras, sed diuerso an-
ni tempore singulis die-
bus tres habent umbras.

Periscij omnibus diebus in
circum habent umbras.

Obseruandum autem est in Amphiscijs &
Heteroscijs, orientis & occidentis umbras
non numerari, sed duntaxat septentrionis &
meridiei. In Periscijs autem in circulum nu-
merari.

Iuxta situm habitatores Zonarum alij sunt
ἀντίποδες, alij πείρικοι, alij ἀντοικοι.

Ἀντίποδες, ἀντίρθοι, ἀντῶμοι, sunt qui inhabitāt terræ partes ex diametro oppositas: id est, eas quas sitas sub eodem meridiano & parallelis diuersis, sed æqualiter ab æquatore uersus utrumq; polū remotis, recta linea per centrum terræ acta coniungit. Hi quod ad dierum incrementa, decrementa, initia, fines & similia accidentia attinet, prorsus nihil commune habent. Sed ut positum habent ex diametro oppositum: ita omnia hæc accidentia contraria. Nam quando hi habent diem, eorum antipodes habent noctem: quando illi diem longissimum, hi breuissimum: quando illi æstatem, hi hyemem. Eodem modo etiam ortuum & occasuum syderum est diuersa ratio.

Προῖκοι sunt qui in eadem Zona temperata uel intemperata habitant sub eodem meridiano & eiusdem paralleli locis oppositis: id est, quorum loca, linea per centrum paralleli (sub quo sita sunt) traiecta, coniungit. Hi habent communia omnia antedicta accidentia, exceptis principio & fine dierum. Nam cum ab insulis fortunatis nō absint equali spacio & disfungantur inuicem dimidio circulo: quando illis ad ortum habitantibus Sol oritur: his ad occasum degentibus idem occidit, & e contra. Sed longitudinem dierum habent eandem: æstatem eandem & eodem tempore: ortus & occasus eosdem, &c.

Ἀντοίκοι sunt, qui in diuersis Zonis sub eodem meridiano & parallelis diuersis, sed æqualiter ab æquatore uersus utrumq; polum remotis, in eodem tamen hemisphærio superiore uel inferiore degunt. Hi quædam accidentium priorum, ut longitudines & initia dierum, item augmenta & decrementa eorundem, æstatem & hyemem, & alia his similia, habent eodem, sed ordine inuerso. Quâdo enim septentrionales habent diem longissimum, eorum antoeci meridionales habent breuissimum: quando illis dies crescunt, his decrescunt: quando illi æstatem, hi hyemem habent: & e contra.

ACCIDENTIA SPHÆRÆ VTRIVSQUE.

Amphiscij, qui habitant in sphæra recta, habent dies perpetuo æquales noctibus: omnes stellæ his pariter oriuntur & occidunt: umbræ meridianæ his aliquando cadunt in meridiem, cum scilicet Sol perambulat signa septentrionalia: aliquando in septentrionem, cum meridionalia: aliquando nusquam declinat, cum Sol est in punctis æquinoctialibus: tunc enim horum uertici insistit, itaq; nullam umbram faciunt gnomones in meridie.

Obliquæ autem sphæræ accidentia partim sunt generalia, quæ omnibus conueniunt in obliqua sphæra habitantibus, partim specia-

lia. Generalia sunt primò quòd omnibus extra æquatorem habitantibus dies bis tantum in anno adæquantur noctibus, tempore scilicet æquinoctij uerni & autumnalis: reliqui autem crescunt super noctes, ut æstiu: aut superantur à noctibus, ut hyberní. Secundo quædam stellæ omnibus extra æquatorē habitantibus perpetuò conspiciuntur, nunquā occidunt: illæ scilicet quæ polo uicinæ sunt. Quædam perpetuò latent & occultantur, quæ depresso polo propinquæ sunt. Reliquæ, quæ inter has mediæ sunt, oriuntur & occidunt. Tertiò omnibus extra æquatorem habitantibus, tota medietas descendens eclipticæ rectè oritur & oblique occidit, ascendens uerò oblique oritur & rectè occidit. Atq; horum accidentium omnium eò maior fit uarietas, quò altius plus supra horizontem eleuatur.

Reliqua sunt propria & specialia obliquam sphæram inhabitantibus. *Nam:*

I. Inter æquatorem & tropicum Cancrī habitantibus primò sol quolibet anno bis est uerticālis, tūc scilicet cum assequitur tantam declinationem, quanta est loci latitudo seu eleuatio poli: idq; accidit semel in quarta uernali: secundo in æstiuāli. II. Umbras meridianas habēt nullas sole puncta uerticālia occupante: septentrionalem uerò cum sol percurrit signa respectu punctorum uerticālium
meri-

meridionalia: meridiāalem, cūm tenet septentrionalia, punctis uerticalibus inclusa.

III. Duo habent solstitia alta, cūm scilicet Sol est ipsis uerticalis: & duo humilia, cū sol est in punctis solstitialibus, sicut habitantes sub æquatore. IIII. Qui habitant sub tropico Cancrī, solem habent toto anno semel uerticalem, atque eo tempore umbram meridianam nullam: reliquo toto tempore semper eādē habent septentrionalem.

I. In Zona temperata habitantes, primò solem nunquam habent uerticalem. Nam horum altitudo poli maior est quàm Solis declinatio maxima. II. Vmbræ meridianæ perpetuò his uersus septētrionē cadūt. III. Dies artificiales maximī proportionē his augentur, pro poli diuersa supra horizontem eleuatione, sed ita ne diei naturalis excedāt spaciū.

III. Sub circulo arctico habitantes primò polum septentrionalem habent eleuatū gradibus 66. minut. 13. Quare quotidie polus Zodiaci horum punctū uerticale attingit & Zodiacus cum horizonte obliquo coniungitur.

II. Sole existente in principio Cancrī diem habent 24. horarum, momentum pro nocte. Cū enim tropicus Cancrī supra horizontem consistat, sol in eo constitutus infra horizontem non descendit, sed eum tantūm stringit.

III. Sole constituto in principio Capricor-

ni, noctem habent horarum 24. pro diemomentum, propter causam contrariam.

IIII. Inter circulum arcticum & polum mundi habitantes, continuam habent diem. Sole septentrionalem portionem percurrente: cōtinuam uerò noctem, cum Sol meridionalem peragrat.

V. Habitantibus sub polo totum annum spacium in diem naturalem conuertitur: cuius dies artificialis æquat semestre, nox item semestre. Nam æquator in locum horizontis subiens, Zodiacum in duas medietates secatur, quarum altera semper est supra horizontem, altera infra.

DE PARALLELIS ET Meridianis.

Paralleli sunt circuli æquidistantes, qui regionum latitudinem à septentrione in austrū distinguunt. Meridiani autem sunt circuli in polo concurrentes, qui longitudinem regionum ab ortu in occasum distinguunt. Sol quidem quotidie ab ortu in occasum uelut parallelum cum æquatore describit, quanquā nunquam in idem punctum redeat, paululum tamē abest, quin sint paralleli, sed obliqui, quos quotidie describit: Sed de his parallelis hīc non loquimur, quippe qui tropicos non excedant: nostri autem de quibus hīc loquimur, longē

longè magis inuicem distāt. Duplices autem in sphaera sunt paralleli. Alij enim distinguūt gradus latitudinum, & ñ pinguntur in mappis, nonnunquam quinis gradibus, nonnunquam denis distantes, numerando ab æquatore polos uersus. Alij distinguunt differentias horarum diei artificialis. Nam quò magis ab æquatore disceditur, tantò maior uariatio est horarum. Hi autem paralleli horarum non pinguntur in mappis, sed marginibus apponuntur. Intelliguntur autem per totam terrā ab oriente in occidentem. Ac de his nunc dicemus. Vt autem intelligatur qua ratione positi sint, sciendum est quod longitudo regionum sumitur ab ortu in occasum: latitudo à meridie in septentrionem. Gradus enim latitudinis incipimus numerare ab æquatore polos uersus: sed longitudinis ab occasu in ortū, ab ultimo in quam occidentis ad orientem, ad indicium eius rei Ptolemæus cœpit ab Hispania: & ad hunc situm omnes eius tabulę iacent, ut supernè septentrio, infernè meridies: à dextris aspicienti oriens: à sinistris occidens collocetur. Paralleli ab oriente in occidentem protensi sunt: meridiani ab austro in boream. Latitudinem itaque determinant paralleli, mensurant meridiani: Longitudinem uerò distinguunt meridiani, mensurant paralleli. Cū autem omnes meridiani in polo conueniant,

omnes

omnes sibi inuicem sunt æquales: sunt enim maiores circuli. Paralleli uerò, cum non habeant ubi concurrant (sic enim non essent paralleli) necesse est ut alius alio sit maior: omnium uerò maximus æquator: & ipsi à meridianis inæqualibus arcubus intersecantur: quorum arcuum proportio sciri non potest, nisi ex totius circuli proportionē ad maximū, de qua Ptol. lib. 1. Geogr. cap. ult.

DE UTILITATE PARALLELORUM.

I. Spiræ æquidistantes (quarum sol ultra, citraq; æquatorem motu primi mobilis annuo spacio describitur) ostendunt causas æqualitatis & inæqualitatis dierum in sphaera recta & obliqua: & ubi diurna spacia augescant ac prorogentur, nocturna minuantur & decrescant.

II. Paralleli (quos artifices tanto inter se distinguunt interuallo, quanto dies artificiales longissimi quadrante horæ supra uicinos crescunt & augentur) indicant regularia dierum incrementa: & habitantes sub iisdem parallelis (quos *proximos* uocant) dies habere æquales, ortus & occasus siderum eosdem, umbras easdem, hyemis & æstatis & reliquarum anni partium naturā eandem. Habitantes uerò sub diuersis parallelis in eadem medietate &

& diuerſa poſitis, omnia hæc habere diuerſa.
 2. Paralleli tranſeūtes per loca uerticalia, ſunt
 termini latitudinum & ſubiecta in quibus nu-
 merantur longitudines locorum. 3. Paralleli
 relati ad æquatore, quos ſtellæ fixæ uel pla-
 netæ deſcribunt, deſiniunt declinationes ea-
 rundem ab æquatore. 4. Paralleli relati ad e-
 clipticam, quos ſtellæ fixæ uel planetæ deli-
 neant, deſignant latitudinem earundem.

DE NUMERO PARALLE-
 lorum.

Sub æquatore habitantibus, ſemper dies
 eſt nocti æqualis, duodenarum ſcilicet hora-
 rum. Horizon enim eorum omnes paralle-
 los, quos Sol deſcribit, medios ſecat ad angu-
 los rectos & ſphærales, æqualesq; arcus ſupra
 atq; infra horizonta relinquit. Verum quò
 magis ab æquatore diſceditur, tantò maior
 eſt horarum uariatio, noctisq; & diei: tum e-
 nim horizon inæquales arcus abſcīdit ſu-
 pra atq; infra horizontem. Ergo Sol quò diu-
 tius ſupra horizontem eſt, eò longiorem diē
 æſtate, & contrā longiorem noctem hyeme fa-
 cit. Vbi itaq; horarum uariatio eſt ab æqua-
 toris æqualitate uno quadrante, ibi aliquis
 nouus parallelus ab oriente in occidentem à
 Ptolemæo deſcriptus eſt, uſq; in eum qui per
 medium Hiberniæ, ubi propter ſphære præ-
 cipitem

cipitem coarctationem, non quadrantibus proceditur, sed medietatibus & paulò post totis horis. Sunt autem paralleli ab æquatore ad polum 39 in uniuersum. Vide Ptol. lib. 2, *μεγαλὴς παραμάτας.*

DE DIVISIONE PARALLELORUM.

Paralleli ex umbrarū ratione triplicēs sunt: Amphiscij, Hetroscij, Periscij. Amphiscij sūt, qui in utramq; partem umbrā mittunt: quales sunt omnes inter duos tropicos comprehēsi paralleli: seu sex primi. Heteroscij sunt, qui in alteram duntaxat partē umbram mittunt: primus eiusmodi parallelus est per Syennem, nimirū tropicus Cancrī: ultimus autem tricesimus secundus: omnes à tropico Cancrī ad circulum arcticū usq; numero 16: Periscij sunt qui umbram in omnes horizōtis partes mittunt in circulū omni die. Horum primus est tricesimus tertius, in quo dies 24 horarum est. Periscij numero sunt 7, à circulo arctico omnes ad polum usq; & ibi totus æstiuus tropicus supra horizontem conspicitur, alter Capricorni occulitur.

Inter circulū arcticum & polum, propter sphaeræ angustiam, differentia parallelorum per 15 augetur gradus, sed utrinque ab altero meridiani intellecti, qui menses singulos efficiunt,

ciunt, donec sub polum deuentum est, ubi dimidiatus annus est dies unus: dimidiatus alter, nox una: totus annus illic ex die uno & nocte una conflatur.

DE GNOMONE.

Gnomō Græcè, Latine norma, architectonicum instrumētum, quo recti anguli depræhenduntur. Ea fiebat olim tribus lineis rectis in unum triangulum cōiunctis, quarum una $\kappa\acute{\alpha}\theta\eta\tau\omicron$: id est, perpendiculū erat, cubitos 3. uel pedes tres: altera basis, quatuor: tertia $\pi\omicron\tau\epsilon\upsilon\sigma\sigma\alpha$, cubitos quinque longa: ut Vitruuius lib. 9. cap. 2. & Euclides lib. 1. propos. penul. Ad deprehendēdas igitur umbrarū rationes: erigatur ad perpendiculum stylus in plano, æquē cū horizonte iacēte, diuidaturq; stylus in 60 æquas partes, in quas easdē & planum iacens æquē scindatur, sed longiūs multò protendatur, ut hyemales umbræ pingi queāt. Tum sanē in quauis regione umbras diuersas facile uidebis. Nā æquinoctialis umbra bis in anno inquiri potest, æstiuā semel ac hyberna semel, uidelicet cū Sol est in tropicis. Deficiūt autem umbrarū rationes in 26. parallelo: superfluumq; est (ait Ptolemæus) uel horarum, uel umbrarum quadrantes in gnomonibus recensere, ob nimis angustam propinquitatem parallelorum.

DE SEX PARALLELIS AM-
phisciorum.

1. Est æquinoctialis, qui habet perpetuo
12 horas: eleuatio eius nulla est: quippe alij pa-
ralleli ab ipso distant: æstiuæ umbra est 27 &
semis partium, qualium gnomon 60: æqui-
noctialis nulla, hyberna totidem quot æstiuæ,
per mediam Africam describitur.

2. Habet horas 12 & $\frac{1}{4}$: distat ab æquatore
grad. 4. & $\frac{1}{4}$. Umbra æstiuæ partes habet 21 &
 $\frac{1}{3}$: æquinoctialis 4 cum $\frac{1}{3}$ & $\frac{1}{12}$: hyberna 32.
Meat per Taprobanen insulā Indici maris.

3. Habet horas 12 & $\frac{1}{3}$: eleuatur grad. 8 $\frac{1}{3}$
 $\frac{1}{12}$: umbra æstiuæ partes habet 16 $\frac{1}{2}$ $\frac{1}{3}$: æqui-
noctialis 8 $\frac{1}{2}$ $\frac{1}{3}$: hyberna 37 $\frac{1}{2}$ $\frac{1}{3}$ $\frac{1}{12}$. Meat
per Aualicum sinum. Clima I.

4. Habet horas 12 $\frac{1}{2}$ $\frac{1}{4}$: eleuatur grad. 12 $\frac{1}{2}$:
umbra æstiuæ partium 12. æquinoctialis 13 $\frac{1}{3}$:
hyberna 44 $\frac{2}{3}$. Meat per Adulicum sinum.

5. Habet horas 13. eleuat grad. 16. 27. minut.
umbra æstiuæ part. 7 $\frac{1}{2}$ $\frac{1}{4}$: æquinoctialis 17 $\frac{1}{2}$ $\frac{1}{4}$
hyberna 51. Meat per Meroën. Clima II.

6. Habet horas 13 $\frac{1}{4}$: eleuatur grad. 20. 14
min. umbra æstiuæ 3. $\frac{1}{2}$ $\frac{1}{3}$ æquinoctialis 22. $\frac{1}{3}$:
hyberna 58 $\frac{2}{3}$. Meat per Napatos.

DE XXVI. PARALLELIS HETEROSCIORUM.

7. Habet horas $13 \frac{1}{2}$ eleuatur grad. 23. 51. min. 20. sec. umbra æstiuua nulla: æquinoctialis part. 27. $\frac{1}{2}$ hyberna 65. $\frac{1}{2} \frac{1}{3}$. Meat per Syenen. Clima III.

8. Habet horas $13 \frac{1}{2} \frac{1}{4}$. eleuatur grad. 27. 40 min. umbra æstiuua $3 \frac{1}{3}$: æquinoctialis 31. $\frac{1}{2} \frac{1}{3}$ hyberna 54. $\frac{1}{6} \frac{1}{2}$. Meat per Ptolemaida Thebaidis.

9. Habet horas 14. eleuat. grad. 30. 22. min. umbra æstiuua partium $6 \frac{1}{2} \frac{1}{3}$ æquinoctialis 35. $\frac{1}{12}$. hyberna 83 $\frac{1}{4}$. Meat per inferiora Aegypti. Clima IIII.

10. Habet horas $14 \frac{1}{4}$: eleu. grad. 33. 18. min. umbra æstiuua part. 10. æquinoct. 39. $\frac{1}{2}$ hyberna 93. $\frac{1}{12}$. Meat per mediam Phœniciam.

11. Habet horas $14 \frac{1}{2}$ eleuat. grad. 36. umbra æstiuua part. 12. $\frac{1}{2} \frac{1}{3} \frac{1}{12}$. æquinoct. 41. $\frac{1}{12}$. hyberna 103 $\frac{1}{3}$. Meat per Rhodum. Clima V.

12. Habet horas $14 \frac{1}{3} \frac{1}{4}$. eleuat. grad. 38. $\frac{1}{2} \frac{1}{12}$ umbra æstiuua part. $15 \frac{2}{3}$. æquinoct. 47 $\frac{1}{2} \frac{1}{3}$. hyberna 114 $\frac{1}{2} \frac{1}{3} \frac{1}{12}$. Meat per Smyrnā.

13. Habet horas 15. eleuat grad. 40. 56. min. umbra æstiuua part. 18 $\frac{1}{2}$ æquinoct. 52. $\frac{1}{2}$ hyberna 127 $\frac{1}{2} \frac{1}{3}$. Meat per Hellsontum. VI. Clima.

Ek 14. Ha-

14. Habet horas $15 \frac{1}{4}$. eleuat. grad. $43 \frac{1}{4}$. umbra æstiuua $20 \frac{1}{2} \frac{1}{3}$ æquinoct. $55 \frac{1}{2} \frac{1}{3} \frac{1}{12}$. hyberna $144 \frac{1}{4}$. Meat per Mafsiliam.

15. Habet horas $15 \frac{1}{2}$. eleu. grad. $45 \frac{1}{2}$. minut. umbra æstiuua grad. $23 \frac{1}{4}$ æquinoct. 60 . hyberna $155 \frac{1}{12}$. Meat per medium pontum Euxinum. VII Clima.

16. Habet horas $15 \frac{1}{2} \frac{1}{4}$. eleuat. grad. $46 \frac{1}{2}$. min. umbra æstiuua part. $25 \frac{1}{2}$ æquinoct. $63 \frac{1}{2} \frac{1}{3}$. $\frac{1}{12}$, hyberna $174 \frac{1}{6}$. Meat per fontes Istris.

17. Habet horas 16 . eleuat. grad. $48 \frac{32}{60}$. min. umbra æstiuua part. $27 \frac{1}{2}$ æquinoct. $67 \frac{1}{2} \frac{1}{3}$. hyberna $188 \frac{1}{2} \frac{1}{12}$. Meat per Borysthenis ostia. VIII Clima.

18. Habet horas $16 \frac{1}{4}$ eleuat. grad. $50 \frac{1}{4}$. umbra æstiuua part. $29 \frac{1}{2} \frac{1}{3} \frac{1}{12}$. æquinoct. $71 \frac{2}{3}$. hyberna $210 \frac{1}{3}$. Meat per mediam Mæotim.

19. Habet horas $16 \frac{1}{2}$ eleu. grad. $51 \frac{1}{2} \frac{1}{9}$. umbra æstiuua part. $31 \frac{1}{3} \frac{1}{12}$. æquinoct. $75 \frac{1}{3} \frac{1}{12}$. hyberna $229 \frac{1}{3}$. Meat per Agrippinam Coloniā. IX Clima.

20. Habet horas $16 \frac{1}{2} \frac{1}{4}$ eleuat. grad. $52 \frac{50}{60}$. min. umbra æstiuua part. $33 \frac{1}{2}$. æquinoct. $79 \frac{1}{12}$. hyberna $253 \frac{1}{6}$. Meat per Rheni ostia.

21. Habet horas 17 . eleuat. grad. $54 \frac{1}{2}$. min. umbra æstiuua part. $34 \frac{1}{2} \frac{1}{3} \frac{1}{12}$. æquinoct. $82 \frac{1}{2}$. $\frac{1}{12}$. hyberna $278 \frac{1}{2} \frac{1}{4}$. Meat per Tanais ostia. X Clima.

22. Habet horas $17 \frac{1}{4}$ eleuat. grad. 55 . umbra æstiuua

æstiuâ part. $36\frac{1}{4}$. æquinoct. $85\frac{1}{3}$. hyberna $304\frac{1}{2}$. Meat per Bullæum Britannia.

23. Habet horas $17\frac{1}{2}$. eleuatur grad. 56 . umbra æstiuâ part. $37\frac{2}{3}$. æquinoct. $88\frac{1}{2}\frac{1}{3}$. hyberna $335\frac{1}{4}$. Meat per mediam Britanniam. XI Clima.

24. Habet horas $17\frac{1}{2}\frac{1}{4}$. eleuatur grad. 57 . umbra æstiuâ part. $39\frac{1}{2}$. æquinoct. $92\frac{1}{3}\frac{1}{2}$. hyberna $372\frac{1}{3}$. Meat per Camolodunum Britanniam.

25. Habet horas 18 . eleuat. grad. 58 . umbra æstiuâ partium $40\frac{2}{3}$. æquinoct. 96 . hyberna. $419\frac{1}{2}$. Meat per australes partes hybernica. XII Clima.

26. Habet horas $18\frac{1}{2}$. eleuat. grad. $59\frac{1}{2}$. Hic umbrarum rationes deficiunt. Meat per medium Hybernica.

27. Habet horas 19 . eleuat. grad. 61 . Per septentr. Hybernica. XIII Clima.

28. Habet horas $19\frac{1}{2}$. eleuat. grad. 62 . Per Ebudas insulas.

29. Habet horas 20 . eleu. grad. 63 . Per Thylen. XIII Clima.

30. Habet horas 21 . eleuat. grad. $64\frac{1}{2}$. Per Scythiam.

31. Habet horas 22 . eleu. grad. $65\frac{1}{2}$. Per extrema Scythica. XV Clima.

32. Habet horas 23 . eleuat. grad. 66 . Per Gothiam.

DE VII. PARALLELIS PER-
risciorum.

33. Habet horas 24. eleuat. grad. $66\frac{1}{6}$. Per Gothiam. XVI Clima.

34. Mensis unus eleuat. grad. $67\frac{1}{2}$. Per Gothiam.

35. Menses duo eleuat. grad. $69\frac{1}{2}$. Per mediam Islandiam. XVII Clima.

36. Menses tres. eleuat. grad. $73\frac{1}{3}$. Per Pilappos.

37. Menses quatuor. eleuat. grad. $78\frac{1}{3}$. Per mare glaciale. XVIII Clima.

38. Menses quinq; eleuat. grad. 84. Per mare glaciale.

39. Menses sex. eleuat. grad. 90. Per mare glaciale. XIX Clima.

Ptolemæus hunc ordinem obtinet libro 2. de magna construct. cap. 6. Sed in Geographicis lib. 1. cap. 29. æquatorem omisit, & eum qui hîc secundus est parallelus, primum posuit: sed hæc res hanc *παραματρία* non multum impedit.

DE CLIMATIBVS.

Clima propriè regio est (ut Columella ait) quoquouerſus 60 pedū. Est enim octaua pars iugerî. Apud Geographos uerò horarum inclinatio

clinatio dicitur. Estq; spaciū terræ inter duos parallelos comprehensum, in quo exquisitè ab initio climatis usque ad finem eiusdem, dimidiata hora uariatio est diei. Regula igitur generalis est: quotū aliquod clima ab æquatore fuerit, tot semihoris longissima eius loci dies superat diem nocti æqualem. Est igitur ratio climatum dupla ad rationem parallelorum. Nam paralleli quadrantibus horæ distant: climata uerò duobus quadrantibus: id est, mediatis horis: & ubi paralleli dimidiatis horis cōstituuntur, ibi climata integris horis procedunt. Qui nostra ætate de Climatib. scripserunt, cū ab initio, cū à fine claudicant: ut Ioannes de Sacrobuſto: Is enim primum clima incipit à quarto parallelo & finit in sextum, & à medio parallelo: id est, nostro quinto appellationem facit *ὁ δὲ τῆς μερῶν*: Do-drantem igitur horæ: id est, spaciū terræ inter 4 parallelos omittit. Quare claudicat ab initio eius doctrina, fortassis quia olim regio incognita fuit. Vltimum autem clima ponit septimum, cuius finis sit in nostro 19 parallelo: qui tamen nec in eleuatione poli, nec in horarum discrimine nobiscū conuenit, sed neq; cū Ptolemæi descriptione Geographica: nimirum quæ nec ipsa conuenit cum Astronomica, ut mirum uideri queat, cur autor ille nationes post quinquagesimum gradum ac se-

missam elevationis malè habitari putet, cum
 uix usquam melius habitetur: inquit enim, ul-
 tra huius 7 climatis terminū, licet plures sint
 insulæ & hominum habitationes: quicquid
 tamen sit: quoniā prauæ est habitationis, sub
 climate non computatur. Hæc ille. Quasi uel
 bona, uel mala habitatio aliquid faciat ad ho-
 rarum inclinationem. Totam Britanniam,
 duas insulas: magnam Germaniæ & Galliæ,
 Sarmatiarum, Scythiarumq; & aliarū regio-
 num partem excludit. Claudicat igitur & à
 fine hæc traditio. Climata uerò haud dubie
 denominari debent ab ultimo parallelo, ubi
 media hora diei uariatio est: quia (ut Aristot.
 ait) denominatio fieri debet à fine: autor de
 sphaera à medio parallelo denominauit. Erunt
 itaq; climata 19. de quibus paulò antè. Spacia
 autem terræ, climatibus uel parallelis circulis
 inclusa, non sunt æqualia: sed maiora, quò pa-
 ralleli uel climata sunt uiciniora æquatori: id
 est, medio mundi: cōtractiora & minora, quò
 sunt remotiora à medio & uiciniora alteru-
 tro polo. Vt autem scire queas, sub quo paral-
 lelo uel climate quilibet locus positus sit, con-
 sidera numerum horarum, quibus longissi-
 ma dies in qualibet elevatione poli, diē sphæ-
 ræ rectæ (qui semper horarum 12. est) superat.
 Is enim duplicatus ostendit numerum clima-
 tis: quadruplicatus ostendit numerum paral-
 leli.

Ieli. Vfus autem huius diuifionis terræ in climata eft, ut facilius uarietas longitudinis dierum, ortus & occafus fyderum, animo concipi poffit. Nam loca fub eodem climate, eandem habent dierum & noctium longitudinē, eofdem etiam fyderum ortus & occafus.

DE LONGITVDINE ET LATITVDINE ciuitatum.

A' Borea in Austrum perfacile eft regionū latitudinem inuenire: quandoquidem utrinque aliquid immobile principium eft, nimirum polus: qui fub æquatore in horizonte cōfpicitur. Sin autem uerfo itinere ad alterutrum polum ab eo uno gradu cefferis (quod ex quadrantis inftrumento facile haberi poteft) hoc fpatium metiri oportet: quo menfo, apparebit, quantum terræ fingulis gradibus refpondeat. Porro id inter bina loca, ubicunque gentium uoles, inuenire poteris, modo à meridie in feptentrionem aut contrà, rectà in cefferis fub meridiano. At ab ortu in occafum non ita facile: hoc eft, quādo nullum ibi principium immobile uidetur. Ideoq; notandum, quod ut Zodiacus in 12 figna diuiditur: ita etiam æquinoctialis. Porro quinideni gradus æquinoctialis: id eft, dimidiatum fignum, afcendunt fingulis horis: triceni uero: id eft, totum fignum binis horis. Hoc modo, 15 dāt.

1: ergo 30 dant. 2. Sequitur ex eadē rationē ut totus æquator intra 24 horas exoriatur, quæ faciunt diē naturalem. Nam ut se habent 30 ad 2: sic 360 ad 24. Itē semicirculus: id est, sex signa intra 12 & singuli quadrantes: id est, tria signa, sex horis. Nam ut 12 ad 24. ita 6 ad 12, & sicut 12 ad 24, ita 3 ad 6. Vt igitur ciuitatum longitudo inuestigetur, considerandum est quot horis citius sol oriatur huic, quàm alteri ciuitati. Necessē enim est, ut quæ magis ad orientem sunt, citius orientem solem habeant, quàm quæ ad occasum sunt. Quòd si ciuitas aliqua, una hora citius habuerit solem oriētē, quàm altera quinis denis gradibus distabūt: si duabus, tricenis: sin media hora, distabunt gradibus septenis ac semissibus. Nam ut 1 ad 15. ita 2 ad 30 & $\frac{1}{2}$ ad $7\frac{1}{2}$. Verum hæc differentia ortuum in diuersis regionibus, intelligi potest ex eo quod eodem tempore atque adeo uno momento apparet in diuersis regionib. quales sunt eclipses Lunæ, quæ uno quidem temporis minuto consistunt, sed ijs, qui magis orientales sunt, plures horas de horoscopo abscindunt, quando quidem citius habuerūt orientem solem & per consequens occidentem: ideoq; citius etiam numerarunt. Vt Arabela Assyriæ urbs orientem uersus, habuit eclipsim hora quinta, quando Carthago occidentem uersus hora secunda: tribus ergo horis distant:

stant: id est. gradib. 45: autore Ptol. lib. 1. cap. 4. & Plin. lib. 2. cap. 40. Nam ut 1 ad 15, ita 3 ad 45. Ptolemæus Sinarum regionē post Indos posuit ultimam ad orientem, quæ habet gradus longitudinis 180. Fortunatas autē insulas posuit ultimas ad occasum, distātes à Sinis duobus quadrantibus: id est, gradibus 180.

DE DISTANTIIS LOCORVM IN-
quirendis, quæ sunt in uno hemicy-
clio terræ.

1. Si loca differunt sola latitudine: inuestiga differentiam latitudinis utriusq; loci: id est, subduc minorem à maiore & reliquum muta in milliaria per 15: uni autem minuto tribue 15 minuta: & factus rectè additus, ostendet quæ situm.

2. Si differunt sola longitudine: inquire differentiam longitudinis per subductionem minoris à maiore: & cum communi latitudine quære quot milliaria uni gradui paralleli transeuntis per uerticem locorum propositorum respondeant: deniq; differentiam longitudinis multiplica per numerum milliariū: & factus ostendet distantiam.

3. Si differunt longitudine & latitudine: inquire utramq; differentiam per subductionem & differentiam latitudinis commuta in milliaria, & factum serua ad partem. Deinde

dimidium differentię latitudinis adde ad latitudinem minorem uel subduc à maiore & efficies latitudinem utriusq; loco communem. Hinc considera quot milliaria uni gradui longitudinis respōdeant: per hæc multiplica differentiam longitudinis: deinde numerum factum ex multiplicatione milliarium & differentię longitudinis: item numerum factum ex cōmutatione differentię latitudinis in milliaria, utrūq; seorsim multiplica in se & factos inuicem adde: ex quorum toto extrahe radicem: quæ erit distantia quæsitā.

DE DISTANTIIS LOCORVM,
quæ sunt in diuersis hemicyclijs
terre.

1. Si differunt sola latitudine: tum utriusq; loci latitudines addantur & totus multiplicatus per 15 in facto ostendet distantiam.

2. Si longitudine & latitudine simul differunt: latitudines locorum additas in milliaria conuerte: longitudinem minorem subduc de maiori & reliquus ostendet differentiam. Si latitudines sunt æquales, iam habetur media latitudo: sin minus, eam efficies (ut prius) si dimidium differentię latitudinis uel subducas à maiore latitudine uel minori addas. Deinde cum latitudine cōmuni, quære quot milliaria uni gradui longitudinis respondeant, &
per

per ea multiplica differentiam longitudinis: ac utrumq; numerum milliarium, scilicet differentię latitudinis & longitudinis multiplica in se, & quadrata adde: ex his additis extrahe radicem, quę ostendet distantiam.

LIBER XXIII. DE CHOROGRAPHIA.



T Cosmographia totius mundi: Geographia totius terrę: ita Chorographia singularum regionum & partiũ terrę descriptio est. Homerus (ut auctor est Strab. lib. 1.) omnium primus fuit, qui hoc studium attigit: quem secuti sunt Anaximander Milesius, Hecatesius ciuis eius. Democritus, Dicęarchus, Ephorus. Post hos uenerunt Eratosthenes, Polybius, Posidonius, Strabo, Plinius, Pomponius Mela, Dionysius, Ptolemęus, qui habetur primus inter Geographos: quem nos etiam sequemur. Sicut autę orbes cęlestes manibus contrectare non possumus: nec oculis uidere, sed tantum imaginatione comprehendere: sic in hac parte physicę, terrestris machinę partes, partiumq; regiones, prouincias, maria, montes, flumina, urbes & multa alia, (quę propter nimiam distantiam nostros sensus fugiunt)

giunt) tantum imaginando apprehendere oportet. Itaque sicut in celestibus plurimum refert quomodo quis instrumenta ad prospectum suum ordinet, applicetque : sic in Geographia primum tabulae, seu mappae, ut uocant, diligenter ad 4 mundi plagas ordinandae sunt, ut ortus ortum, occasus occasum exprimat. Non incōsultum est in contemplandis tabulis faciem ad austrum uertere, mappasque inuertere & imaginari se ex Europa mediterraneum mare & ultra id Africam (quae incipit à dextro & porrigitur in sinistrum) intueri : in tabula igitur seu mappula post generales considerationes, particulatim sunt animaduertenda : primo 4 plagae mundi : deinde longitudo & latitudo circuli principalis (ut sunt aequator, tropici, paralleli, meridiani) gradus longitudinis & latitudinis, Zonae, climata, 4 quadrantes, uenti, milliaria in parallelis & maioribus circulis : tres mundi partes, Africa, Asia, Europa. Ptolemæus cum uellet longitudinis terrae etiam ponere aliquod immobile principium, Alexandriam patriam suam elegit, ad quam omnes omnium ciuitatum differentias in horis referret, quantum scilicet aliae ad ortum, aliae ad occasum tenderent, ut habetur lib. 8. Geographiae. Constituit itaque ad occasum (post Hispaniam ad insulas Fortunatas meridianum qui per polos transiens, altera dimidiata,

mediata parte ad orientem ad 180 gradum usque protenditur, totamque Ptolemæo notæ terræ longitudinem claudit: quæ (ut ipse inuenit) ex duobus quadrantibus constat, gradibus autem bis nonaginta: id est, 180. Latitudinem autem Austrinam ad 16 gradus & unam tertiam, & unam duodecimam depinxit: borealem 63 gradum inuenit: qui additi faciunt gradus 79: unam tertiam & unam duodecimam, uel integros 80, ut patet lib. 7. cap. 5. Verum nostra ætate alteri quoque duo quadrantes, unus ad occasum, alter ad ortum, magna ex parte lustrati sunt. Sed notandum omne rotundum dimidiata duntaxat uideri parte. Ut igitur tota habitabilis sub unum aspectum ueniret, qui nostra ætate habitati orbis typum pinxerunt, globi superficiem aperuerunt, ueluti chlamyde magis pansa. Ptolemæus itaque duos nobis quadrantes exhibuit ab occidente in orientem: alteros duos nostri utrinque marginibus adiecerunt. Caspar Vopellius duos quadrantes Ptolemæo notos in orientem coniecit, reliquos duos ab occidentali parte pinxit. Porro omnes lineæ, quæ à polo in mappa descendunt, uocantur meridiani: quæ uerò ab ortu in occasum tendunt, paralleli dicuntur. Diuisio omnium frequenter fit gradibus denis, quāquam & quinque fieri potest.

DE MENSURIS GEO-
graphicis.

Protagoras (ut scribit Plato in Cratylo & Theæto) dixit hominem esse τὸ τῶν ἀπάντων κινήματων μέτρον, omnium rerum mensuram, & Vitruvius lib. 3. cap. 1. Heróque mechanicus docent mēsuras rerum ex humanis membris acceptas esse, digito, palmo, pede, cubito. Digitus est 4 granorū hordei in latum positōrum: ut granū hordei minima mensura sit.

Palmus minor 4 habet digitos seu tres pollices, Græcè *πάλαια*: à nostris transuersa manus, *ein zwerch hand*. Alij in hanc rationem siliquam constituunt, quæ est digitali longitudine, latitudine pollicari, ut autor est Plin. lib. 15. cap. 24.

Palmus maior 12 digitorum seu 9 pollicū: Græcè *σπιθαμή*, *ein spann*: Latine dodrans à 9 pollicibus.

Pes quatuor palmorum minorum seu 12 pollicum. In pede primum erant 16 digiti: id est, 4 transuersæ manus. Verum quia ea forma in assis rationem uenire non poterat, 12 pollices inuenti sunt, ut terni pollices æquarent quaternos digitos: id est, manum transuersam: id etiam nūm manet apud operarios huius ætatis: pollex igitur (uulgo *ein zoll*) est pedis uncia: duo pollices, sextans: tres pollices, quadrans,

quadrans, *παλαστή*, palmus minor: quatuor pollices, triens: quinque, quincunx: sex, semis: septem, septunx: octo, bes: nouem, dodrans, palmus maior: decem, dextans. Pes, inquit Vitruuius, est altitudinis corporis sexta, cubitus quarta. Ex pede fit pertica 10 pedum, quæ uocatur decempeda: quam si in longum miseris uicies quater & in latum duodecies, habebis uerum iugerum.

Cubitus à radio ad extremum longissimū digitum est sesquipes. Ex his mensuris, oritur itineris mensura.

Gressus est duorū pedum & semissis, Græcis *βῆμα*.

Passus, quinque pedes: id est, duo gressus.

Orgyia, sex pedes. Est mēsurā inter manus expāsas, ut uertit ex Suida Budæus, *ein klaffter*. Plinius ulnam uocat lib. 16. cap. 40 & 32.

Stadium 125 passus. Plin. lib. 2. cap. 23. Græcorum est.

Plethrū 100 pedes: sæpè capitur p iugero.

Diaulos, duo stadia: id est, 250 passus, dritē *thalbhundert klaffter*.

Milliarium mille passuum est: tausent klaffter: continet stadia octo: estq; Latinorum.

Leuca, 2000 passuum. Est Fræcorum & Hispanorum.

Dolichos, sesquimilliarium, duodecim stadiorum.

Schoenus,

Schoenus 60 stadiorum: id est, septem miliaria & semis. Est Aegyptiorum. Herod. lib. 2. Strab. lib. 11.

Parasanga 30 stadia. Est Persarum. Prouerb. Multis parasangis.

Stathmos tabellariorum seu ueredariorum (*der posten*: id est, eorū qui dispositis equis currunt: in Cod. lib. 12. uocatur cursus publicus) diuersorium, mensurarum maxima, non ita certa omnino: apud quosdam miliaria 28 & semis continet: alij spacium interpretantur quod equus continuo cursu usq; ad plenam defatigationem conficere possit. Vide copiosius Herodot. libro quinto, ubi de Aristagora.

Nec uerò mensuræ solæ sunt istæ, sed mensuræ sunt aut mensuras in se cōtinent, radius & dioptra Hipparchi, regulæ, armillæ, astrolabium Ptolemæi, torquetum Regiomontani: sed umbræ etiam mensuræ sunt, quibus eclipses dimensæ sunt mathematici magnitudinem Solis, lunæ, terræ, elementaris à terra regionis ad ipsa sydera & interualla ipsorū inter se. Mensuræ itē sumuntur è iactu telis & bombardæ: è uolatu auium, ut caponis: è sonis etiam & uocibus interualla iudicantur, quæ ipsa etiam uel longissima continuantur uocibus. Sic Xerxes biduo per interpositoſ certis interuallis homines denunciauit è Græcia in Persidem

Perfidem Susa usq; quæ Athenis agerentur
ut Cleomedes ait initio libri 2. & quale Cæsar
lib. 7. belli Gallicî de Gallis commemorat: ita
uox humana hîc tanquã decempeda sæpius
îterata mensura tam longi îtineris accipi que-
at. Subtilissima omnium mensura est per ta-
bular subtenfarum.

DE NOMINIBVS GEO-
graphicis.

Terra est continens aut însula. Continens
genere fœminino est terra continua. Însula est
terra mari circumdata.

Territorium locus communis circa urbem
relictus colonis. *Ein ban:* aut uniuersitas agrorũ
îtra fines cuiusq; ciuitatis.

Regiones dictæ quòd olim sub regibus e-
rant atq; ab îjs regebantur: nunc regnum dici-
mus, quanquam & regnum nunc dominatus
dicitur.

Prouincia à porro uincendo, *ein gewunnē land.*

Gentiles qui ex eadem familia sunt aut e-
iusdem nationis: sed ad nationes quoque re-
feruntur.

Populus continet omnes ciuitatis partes,
omnesq; ordines: in plebe autem non sunt no-
biles aut patricij.

Vrbs muro cincta.

Ciuitas ciuium multitudo.

Oppidum omnis urbs præter Romam.

Emporium locus in quo mercatus & nundinæ sunt.

Castellum locus muris circumdatus.

Vicus & pagus idem sunt, plures rusticanæ domus coniunctæ, nec mœnibus cinctæ. Vicus item in urbe est, *eingass*: & pagus fluuij ortus: unde 4. & pagi Heluetiorum apud Cæsarem lib. 1. ut Limmagus, Vrfa, Arola.

Villa & casa, domus in agro.

Tugurium casa rusticana, quasi tugurium. Mons.

Vallis.

Collis, exiguus monticulus.

Clius, prærupta montis pars. Rupes idem ferè.

Vertex, summa pars montis.

Iugum, montis procliuitas, qualis est in monte clius. Cæsar tamen lib. 7. partem iugi facit.

Cacumen, idem quod uertex.

Conuallis, planicies ex omni parte cōpræhensa montibus: cum uallis dūtaxat duabus aut tribus partibus compræhendatur.

Fauces, pylæ, *klausen*, angustix inter duos montes.

Campus planicies terræ ampla, ut campus Martius, *ein platz*.

Ager quod aliquid in eo agatur, & pro territorio

ritorio accipitur, ut ager Rom. Leontinus: aliquando locus est in rure, sed is qui seritur frumentis.

Aruum ab arando.

Pratum quasi paratum, ex quo foenum colligitur.

Pascua.

Sylua, est cædua: Lucus est sacer: Nemus uoluptatis.

Saltus, non peruius est, *ein forst*.

Virgulta.

Spinetum, salicetum, uinetum & similia.

DE DIVISIONE TERRÆ.

In studio Chirographico maximo peré necessarium est tabulas orbis memoriæ mandare, quas non piguit ediscere plusquam quinquagenarium D. Erasum Roterodamum cum in acta Apostolorum cōmentarium scriberet. Orbis itaque duplex est: Antiquus seu Ptolemæo cognitus & Novus. Antiqui orbis tres partes sunt, Europa, Africa, Asia. Europa minima est: caput eius Roma. Media est Africa: in qua Carthago pertinax Rom. imperij æmula. Maxima autem est Asia, cuius caput quondam Troia. Hæc tres partes uocantur Continens.

Europa diuiditur ab Asia mari Aegeo, Propontide, Ponto Euxino, Mæotide palude,

Tanai fluuiio, & hinc linea, quæ recta à fontibus Tanais ad septentrionem porrigitur. Inter mare Aegeum & Propontidem est Hellepontus, per quem tranauit Leander ab Abydo ad Sestum urbes litorales, illam Asiæ, hanc Europæ. Inter pontum Euxinū & Propontidem est Bosphorus Thracius. Inter Mæotim & pontum Euxinum, Bosphorus Cimmericus, ab oppido Cimmerico Tauricæ Chersonesi, quod ipsum à Cimbris nomen habet, ut Strab. lib. 7. Vide prou. Cimmericæ tenebræ.

Europa diuiditur ab Africa primum freto Herculeo: deinde mari mediterraneo.

Africa separatur ab Asia mari Indico & rubro, qui & sinus Arabicus dicitur. Deinde linea, quæ ab heroum ciuitate quæ in intimo recessu sinus Arabici est, per Isthmum (quo Asia & Africa connectuntur) ad nostrum mare uergit: quamuis plerique autores ponant terminos Asiæ & Africæ Nilum, quos rectè repræhendit Ptol. lib. 2. cap. 1. Ait enim commodius esse, quoties fieri potest, mari quam flumine continentem diuidere: præterea ne Aegyptus scindatur, ac distrahatur, si Nilus statuatur terminus.

DE EUROPA.

Europam Ptolemæus lib. 2. & 3. descripsit: per tabulas decem. Incipit autem à sinistris ad dextra: id est, ab occasu in ortum: & à magis.

gis septentrionalibus ad australia : ideoq; ab Hybernía insula maxime septentrionali atq; occidentali inceptit.

PRIMA TABVLA EVROPÆ.

Hybernía, hodie *Irland* : paret Anglorū Regi. In ea fabulatur esse D. Patricij purgatoriū.

Albion hodie in duo regna diuisa est, Angliæ & Scotiæ. Insula triquetra est apud Cæsarem & Strabon. De ea copiosè Cæsar lib. 5. belli Gallici. Ptolemaica uero' descriptio nihil commune habet cum Cæsaris descriptione & ea quæ nostra ætate proditur.

Insulæ Britanniæ adiacent Orcades, 30. numero, & Thyle ultima Septentrionis apud ueteres. Virgil. 1. Georg. Tibi seruiat ultima Thule: & Iuuenal. De cōducendo tractat iam Rhetore Thule Vltima.

SECUNDA TABVLA DE

Hispania.

I. Definitio: Continentis prima pars ad occasum est Hispania, quæ à septentrione Cātabrico Oceano : ab occasu occiduo clauditur: à meridie freto Herculeo & mari nostro: ab ortu Pyrenæis montibus quæ Galliam ab Hispania separant. Strab. libro 3. corio bubulo assimilat.

2. Diuisio. A' Ptolemæo diuiditur in 3. regiones, Bæticā, Lusitaniā & Tarraconensem.

Bætica (à Bæti flu. quæ eam mediam secat,

denominata) fines habet à septentrione Lusitaniā, diuisam ab ea Ana flu. ab occasu oceanum occiduū: à meridie fretum Herculeum & mare nostrū: ab ortu lineā, quæ à Balearea ciuitate ad Anam dicitur. Hæc regio hodie regnum Granatæ dicitur: quam Ferdinandus Catholicus, Caroli ac Ferdinādi Impp. auus, ad Christianam fidem conuertit.

Lusitania à septētrione habet Tarraconensem Hispaniā, diuisam ab ea fl. Durio: ab occasu occiduū Oceanū: à meridie Anam fl. ab ortu lineā ab Ana fl. ad Durium ductam. Hæc regionem Strabo & nostra ætas maiorem faciūt: hodie Portugallia: quasi portus Gallia. Lusitani enim origine Galli sunt: Nam & adhuc hodie nomen Gallia retinent, & pleraq; apud ipsos oppida habent Gallica nomina. Eorū solertia factum est ut ab Hispania in Indiam hodie nauigetur. Regia in ea ciuitas est Vlysbona, quam Plinius Olyssiponē uocat.

Tarraconēsis plusquā dupla est ad priores: à septentrione oceanū Cantabricum: ab occasu occiduū habet Lusitaniā & Bæticā: à meridie mare Ibericum siue nostrū: ab ortu Pyrenæos montes ac Galliā. Hanc secutur amnis Iberus: à quo olim Romani Hispaniā in citeriorē & ulteriorem diuiserunt. Habet hodie 4. regna: Castiliam, Galliciam, Nauarram ac Tarraconiam seu Arragoniam.

III. Adiuncta. I. Flumina, de quibus lib. 21. suprà diximus. II. Vrbes Vlysbona in Lusitania. Numantia in Celtiberis, quæ Romanis decē annis restitit, tandē à Scipione inferiore expugnata. Saguntū oppidum insigni clade sub Hannibale clarū. Vide prouerb. Saguntina fames. Carthago noua Pœnorū opus, à Scipione superiore expugnata. Taraco, Scipionū opus. Valētia, Cæsarea Augusta, Toletū, Salmantica. Hispania Romanis obstitit plus quàm ducētis annis, sub Augusto primū domita. III. Insulæ adiacentes. Duæ Baleares maior & minor, hodie Maiorica & Minorica. Ebusa, Ophiusaq;. Gadis in extremo Oceano, Herculi sacra. IIII. Columna Herculis, Calpe dicta, iuxta fretum Herculeum: altera enim è regione est in Mauritania Africę regione, Alybe dicta.

TERTIA TABVLA DE GALLIA.

1. Nomen. Strabo lib. 1. ex Ephoro tradit olim occidētis populos omnes Celtas dictos fuisse, Oriētis Indos, Austri Aethiopes, Aquilonis Scythas. Idem lib. 4. Narbonēses antea Celtas nominabāt, à quib. ait, uniuersos Gallos à Græcis, Celtas opinor appellatos ob eorū claritatē, *ὅτι τὸν ἐπιφάνειον*. Quos igitur Græci Celtas & Galatas: eos Latini Gallos, uulgus *Gelter* uocat. Lingua enim Germanorum & Celtarū, qua Rhenus adhuc hodie utitur,

gelten significat ualere. Gelt autem pecunia est. Inde Gelter: id est, excellētes, ualētes & robusti, ἐπιφανείς dicti sunt. Multi adhuc uertunt in linguam nostram, Paulus ad Galatas *gum Geltern*.

2. Definitio. Gallia post Pyrenæos montes sita est inter Hispaniã, Germaniamq; & du maria, Oceanum & nostrum.

3. Diuifio. Gallia duplex eft: prima & à pri-
ma deducta . Prima eft quam Rom. Transal-
pinam & ulteriorem uocarunt, quod à Cifal-
pina & citeriore medijs Alpibus diuifa effer:
eius descriptionem & fitū paulò ante posui-
mus. Eius autem duæ diuifiones funt, ut Stra-
bo initio lib.4. refert. Vna Iulij Cæſ. altera Au-
guſti. Cæſaris enim tempore Gallia alia Brac-
cata, alia Comata dicebatur. Braccata Alpi-
bus, Rhodano & (ultra Rhodanū, Pyrenæū
uerſus) Volcis, Arecomicis, Rhutenis, Hel-
uijs comprehendebatur, ut è 7. Commenta-
rio percipi poteſt. eaq; modò Prouincia, mo-
dò Narbonēſis appellatur. Comata uerò tres
partes complectebatur. I. Aquitanicam à
Pyreneis montibus ad Garumnā fl. II. Cel-
ticam (quæ propriè Gallia eſt) ad Sequanam
& Matronam. III. Belgicam ad ſeptentrio-
nem. Aquitania enim à Celtis diuiditur Ga-
rumna: Celtica à Belgio Sequana. Belgium à
Germania Rheno: qui antiquus limes Gallo-
rum & Germanorum apud omnes ueteres au-
tores


tores fuit. Atque hæc diuifio Cæſaris eſt: Auguſtus autem Aquitanis adiecit populos Celtarum, qui ſunt inter Garumnâ & Ligerim. Reliquam Celticam diuiſit in Galliam Lugdunenſem & Narbonenſem, adiecta Narbonenſe prouincia uetere, quam antea Romani tenuerunt, quæq; hodie adhuc nomẽ retinet. Eamq; Auguſti diuiſionem poſteriores Geographi, Plinius, Pomponius Mela, & alij præcipuè uerò Ptolemæus hîc, ſecuti ſunt. Vnde apparet triplicem regionum diuiſionem eſſe, ut ait Strabo: naturalem, gentium, & ciuilem. Regiones enim diuiduntur uel φυσικῶς ſecundum naturam fluminum aut montium: uel ἠθνικῶς, ſecundum habitationes & linguas gentium: uel πολιτικῶς, & ut Strabo ait ποικίλως uariè iuxta uoluntatem & iuriſdictiones principum. Atq; hæc de prima Gallia: ab hac autem deducta, aut Europæa eſt, aut Aſiatica: Europæa eſt Ciſalpina aut Hiſpanica. Ciſalpina Gallia (quæ & Togata, quaſi Romana olim, hodie Lombardîa dicta eſt) ab Alpibus ad Rubiconem fl. qui prope Rauennâ in mare Adriaticum decurrit, extenditur: & comprehendit Venetos, Mediolanenſes & quicquid ad Padum fl. eſt, perpetuò Apennini iugo & mari ſupero. Galli enim regnante Tarquinio Priſco: hoc eſt, Bituriges, Aruerni, Senones, Hedui, Ambarri, Carnutes, Aulerci,

duce Beloueso: Cœnomani Elitouiō: tum Sal
uſi, Boſi, Lingones, Italiam ab Alpibus uſq;
ad Rubiconem Galliam fecere: & Strabo Ita
liæ Venetos, à Gallia Venetis deducit. Gallia
autem Hispanica eſt Celtiberia & Portugal
lia. Luſitani enim ſunt origine Galli & de Hi
ſpania à Gallis ſubacta, teſtatur Lucan. cū ait:

— profugiq; à gente uetusta

Gallorum Celta, miſcentes nomen Iberis.

Gallia Aſiatica eſt, quæ Galatia dicitur &
populi eius Galatæ, qui omnium conſenſu à
Celtis oriundi ſunt. Ad hos D. Paulus epiſto
lam ſcripſit & D. Hieronymus in commenta
rijs ad eam epiſtolā, ait horū Galatarū linguā
ſuo tempore fuiſſe ſimilem Treuironum.



4. Adiuncta. I. Flumina, de quibus suprà lib. 21. II. Vrbes. In Gallia Narbonensi sunt Malsilia, Arelate, Auenio, Nemausum, Tolosa: in Celtis sunt Parisij & Lugdunū, &c.

In descriptione Galliae plus tribuendū est Cæsari quàm Ptolemæorum Cæsar eam regionem peragrauit. Sequani igitur, Rauraci, Heluetij, Leuci & Lingones, uiciniq; populi, nequaquā Belgis sunt ascribēdi, sed Celtis: etiam si aliter tradidit Ptolemæus. Itē Dubis, Arar & Rhodanus non ex eisdem montibus oriūtur. Nec Auenticū Vuiflisburg aut Ciuitas equestris reufchastel, Sequanorū ciuitates sunt, ut ponit Ptolemæus, sed Heluetiorum: ut de Auentico Tacitus lib. 17. docet. Cæsar totam Galliam decennio subegit, ait Strabo. Eam deinde Franci, origine Germani, magna ex parte occupauēre, præter Belgicæ maritimam oram, & eam qua Rhenum attingit: præterq; Lotharingos, Heluetios & Allobrogas, qui hodie Saubaudi dicuntur.

QUARTA TABULA DE Germania.

1. Nomen. Statim trans Rhenum (ait Strabo lib. 7. ab initio) regionē ad ortum uergentem incolunt Germani, nationem Gallicam paulisper imitantes & feritatis abundātia, & corporū proceritate, & colore flauo: cum reliquis

liquis in rebus & forma, & moribus, & uiuendi ritibus pares existant Gallis. Ideo Romani hoc nomen illis iure indidisse mihi uidentur, perinde atq; eos fratres legitimos Gallis dicere uoluerint. Legitimi namq; fratres Romano sermone Germani intelliguntur. Hæc Strabo. Accedit ad hæc quod adhuc Germani se fratros *Bruder* uocant. Vnde natum est apud ipsos nomen illud, ut Tacitus scribit de Germania. Romani uero id à Gallis habuerunt. Ceterum nihil ineptius est, quam dicere Germanos uocari quasi *Garman*. Nam si Germaniæ uocabulum Germanicum esset, non Romanum: haud dubiè hodie aliqua in parte Germaniæ hæreret: quod tamen abest. Nemo enim eos Germanos uocat, nisi qui Latine sciunt. Quidam Teutones appellant, à Tuiscone. Vide Tacitum in Germania.

2. Definitio. Germania ab occasu Rhenū: à Septentrione Oceanū Germanicum: à meridie Danubium: ab ortu Vistulam fl. & Carpathum montem habet.

3. Diuisio. Φυσικὴ Germaniæ diuisio iuxta flumina in pagos fieri potest, & sic apud Cæsarem centum Sueuorum pagi nominantur. Est etiam illa naturalis diuisio quod ueterum pleriq; populos Germaniæ uel in saltu, uel extra saltum habitare scribunt. Est & tertia diuisio pro linguæ idiomatis.

Εὐνική diuifio est apud Tacitum, Ptolemæum, Strabonē, Plinium: qui uarios in populos (Germani *Gen* uel *Land* uocant) Germaniam diuiferunt: ex quorum antiquis appellationibus sex duntaxat populorum nomina integra mansere, Saxonum, Cattorum, Phrisiorum, Frācorum, Marcomannorum & Sueuorum. Et Sueui quidem quondam ad Albim fl. habitabant: quos Ptolemæus triplices facit, Longobardos, Angelos & Semnones. Longobardos australiores Sicambris à parte Rheni: Angelos magis orientales Longobardis & in septentrionem ad medium Albi extentos: Semnones à medio Albi oriētem uersus ad Sueuum fl. usq;. Germanos ponit Ptolemæus Rheno propinquos, Buguntas post Sueuum fl. ad Vistulam usq; locat inter Germanos mediterraneos, qui ipsorum lingua *Hertuoner*, corruptè Hermiones à Plinio nominantur: hos postera ætas Burgundos uocauit. Cæterum Strabo etiam Sueuorum ad ortum Danubiū meminit lib. 4. ad finem. Nostra autem ætate Sueuorum natio de uetere circa Albim sede nihil possidet. Nam hæ gentes, ubi illi olim sederunt, ne nomen quidem Sueuorum ferāt, si quis eos Sueuos appellaret. Marcomanni hodie Moraui uocantur: Catte autem Hasi.

Πολιτική diuifio in ducatus & prouincias, posteriori-

sterioribus temporibus facta est, postquam per Carolum M. imperiū ad Germanos trāslatum est. Sunt autem Germaniæ provinciæ hodie: Alsatia, Austrasia, Geldria, Iuliacum, Montensis terra, Cliuia, Holandia, Frisia, VVestphalia, Saxonia, Brunsuigia, Lunēburgum, Halsa, Thuringia, Misnia, Franconia, Sueuia, Palatinatus, Marchia Badensis, Marchia Brandenburgensis, Pomerania, Borussia, Megalburgum, Silesia, Noricum, Morauia, Nigra sylua, & ultra Danubium, Almanguia, Vindelicia, Bauaria, Stiria, Austria. Septem uerò Electores imperij non ab Ottone 3. ut communis opinio est, sed post Friderici 2. mortem primū institutos esse, scribit Auentinus lib. 5. De septemuiris seu principibus electoribus, ait, qui sibi eligendi Imp. Romani, Germaniciq; partes nūc sumunt, nihil penitus ne uerbo quidem uno, neq; Hermannus, neq; Romerius, neq; Sigebertus, neque Otto noster, Guntherusue poëta & cæteri quicq; proximi horum temporum grauissimi, diligentissimiq; scriptores ullam mentionem faciunt: profecto non omissuri tantam rem, si (uti nostro seculo sunt) illa tempestate principes illi constituendi Cæsaris legem ac prærogatiuam accepissent. Res aliter est. Nempe lōgo post tempore instituta, filios semper parentibus, proximos sanguine & affinitate in de-

mortuo-

mortuorum locum successisse : ab omnibus communiter ducibus, dynastis, satrapis, episcopis, præsulibus, ciuibus, populo Italiæ, Galliæ, Germaniæ designatum esse rectorem, usus rerum magister indicat. Ego illos demum post fata Friderici 2. institutos & à Gregorio X. Pp. confirmatos esse compertum habeo. Hæc ille. Sequentibus temporibus aliæ quoque constitutiones & ordinationes in imperio, uarijque dignitatū gradus inducti sunt: nimirum ut imperium pro sua maiestate & dignitate haberet Duces, Marchiones, Langrauios, Burggrauios, Comites, Liberos, Milites, Ciuitates, Villas, Rusticos, omnes quaternos.

4. Adiuncta. I. Flumina: de his supra libro 21. diximus. II. Montes: inter quos memorabilis est Vichto seu Pinifer, de quo eod. lib. 21. III. Syluæ. Maxima Germaniæ sylua est Hercynia de qua Cæsar lib. 6. cuius caput est sylua à resina nomen habens, *Hartzwald*. *Hartz* enim uocant resinam & Galli & Germani: nunc uulgò corrupto natiuo uocabulo *Schwartzwald* appellant, quasi dicas nigram syluam. Apud Ammianum Marcellinum corruptè Martiana dicitur, cum Hartiana scribi oporteret. Eius partes sunt Heluetiorum Erebus (quam Ptolemæus & Cæsar inter Rhenum & Moenū fluuios ponunt) Gabreta, Luna syl-

næ sylua & Orcynia: quæ hodie *der Hartz* dicitur. Bacenis autem sylua alia est ab Hercynia, uidelicet in Sueuis non longè ab Albi fl. multi hodie picariam in Turingis uolunt esse. Suidas in uoce Χρῆμα uerba Iuliani de Hercynia sylua recitat: πρὸς τὴν ἑρκυϊάν ὕλῃν ἱθιόμην· καὶ ἔδωκεν ἐν τῇ χρῆμα ἑξαίσιον. ἰδὼς γὰρ σοι θαρρόων ἐγὼ ἐγγυῶμαι, μὴ σε ὥφθαι τοῦτον, μὴ δὲ ὅσα ποτὲ γένημεις ἱσμεν ἐν τῇ ῥωμαίων, ἀπ' ἑτέτε τὰ θετταλικά τεμπη νομίσει τις, ἑτέτε τὰ ἐν θερμοπύλαις, ἑτέτε τὸν μέγαρον καὶ διωλύγιον ταῦτον, ἐλάχιστον ἔσω χαλεπότητ' ἐνικα πρὸς τὸν ἑρκυϊον τῆνομα.

III. Vrbes in Germania præclarissimæ, ut Noriberga in umbilico propè Germaniæ, Erphordia in Turingis, Praga in Bohemis, Vratislauia in Silesijs, Lubecum in Cimbriæ Chersonesi Isthmo, & reliquæ infinitæ. Sunt autem Cimbri in extremo angulo Germaniæ ad septentrionem, hodie Dani uocantur à rege Dano: Regem habent proprium, cui parent Scandinauenses, Noruegia, pars Gothiæ & aliæ in sulæ. Vide Strabo. lib. 7.

QVINTA TABVLA

Europe.

1. Rhætia duplex est: Antiqua & Noua. Antiqua est tota in Alpibus, prorsus ad limites diœcesis Curiensis inter Comum ac Brigantium,

gantum: id est, à meridie in septentrionem: & inter fontes Athesis ac summas Alpes seu Adulam montem, hodie montem S. Gothardi: id est, ab oriente in occidentem. Hæc est uera Rhætia, quæ adhuc populare dominium habet trium fœderum, quorū unum Caninum: alterum ecclesiæ Curiensis: tertium decem iudiciorum uocatur. Noua Rhætia (quam Romani prouinciam fecerunt) est ab Alpibus ad Danubium, à meridie in septentrionem, item ab Heluetijs ad Lycum amnem, quam regionem diu possederunt Vindelici, cum inferiore regione quæ inter Lycum ac Oenum amnes iacet, ac hodie Bauarię nomē habet. Rhæti antiquiores, Tusci origine sunt ut uult Liuius libro 5. ab V. C. & lingua Tusca etiamnum apud Rhætos manet:

sed corrupta, uulgo
Churmelsch.

Mm

Alpes

Maritimæ, in locis Ligustico mari vicinis, quæ ex Italia in Nar-
bonensem prouinciam itur.

Alpes

Mediterranæ

Mediæ seu summæ:
mōs Adula seu S.
Gothardi hinc 7
fl. maximi oriun-
tur in omnes mū-
di plagas curren-
tes: in

Meridiem Ticinus, Tosa, Madiæ:
qui omnes 3 in lacū Verbanum
fluunt per Lepontios.

Occasum Rhodanus, qui per locū
Lemanum fluens Arari miscetur
infra Lugdunum.

Septentrionem Arola & Vrsa.

Ortū Rhenus duobus fontibus.

Occasū

Pœninæ, hodie mons S. Bernardi,
ubi est uicus Octodurus.

Coctiæ.

Graiæ, ubi Tarentasia, olim Cen-
trones.

Extre-
mæ
uersus

Meridiem, Lepontiæ: per quas in loca Rheno,
oceanōq; finitima ex Italia aditus est.

Ortum


Rheticæ, per quas ex Italia in Sue-
uiam itur: & adiacent agro Tri-
dentino & Veronensi.

Iuliæ, proximæ Rhetis secundū
Tacitū, qua ex Italia per Taruifi-
nam urbem in Stiriam & Austriā
itur, uocantur & Carnicæ.

Pœninæ, quibus ex Italia in Nori-
cum & Germaniam itur.

2. Vindelicia præclarissimā urbem habet Augustam ad Lycum fl. Hanc regionē Ioannes Aventinus elegantissimè & diligentissimè descripsit. Vindelicos opinantur quidam dictos à Romanis corruptè, quas *Weidlich*. Aventinus à Lyco deducit: hodie dicuntur *Lechraimer*, Licatij.

3. Noricum: hodie Bauariæ nomen habet: una cū Vindelicia nomen sortita ab Auaribus Hunnorum reliqujs. Boiaria etiam à Boijs Cisalpinæ Galliæ populis hoc loco aliquando moratis, dicitur.



Vrbes Baioariæ præcipuæ sunt Saltzburga ad Salzam fl. olim Iuuauia. Monacum, Frisinga, Landshuta ad Isaram fl. Straubinga (olim Augusta Acilia) Patauium olim Boiodurum, Purbachium ad Danubium.

Monacum præter alia multa, doctis hominibus aspectu iucunda ciuitas est, propter insignem bibliothecam, antiqua nomismata, marmora, statuas & alia antiquitatis monumenta, multis aureorū millibus per illustriss. principem Albertum comparata.

4. Pannonia superior hodie *Austria & Stiria*: præclarissima in ea urbs Vienna. Hæc omnium ferè nationum scelicissima est, quod ad naturam attinet: omnibus metallis, piscibus, bobus, uino, frumento abundantissima.

5. Pannonia inferior: hodie sub Vngaris propemodum est.

6. Illyris, quæ & Liburnia & Dalmatia: hodie Sclauonia, uulgò *Wendenland*. Apud Roman. Illyricum latissimè patebat. Continebat enim Noricos, Marcomannos, Pannonas, Iazygas Meranastas, Dacos, Mysios superiores, Dardanos & regiones, quæ hodie sub Austriæ domo sunt, Carnos, Tauriscos hodie *Steiermark*: ut uidere est apud Suetonium in Augusto.

SEXTA TABULA DE ITALIA.

Haftenus quæ libr. 2. apud Ptolem. sunt regiones: nunc quæ libr. 3. Italiæ duplex est acceptio, Vetus & Noua. Vetus à Rubicone fl. incipit, & orientem ac Austrum uersus extensa, ad Siciliam finitur. Noua idem nomē cum Gallia habet: dicta enim fuit Gallia togata seu Cisalpina: nunc Lombardia. Galli enim eam olim occuparunt, ac per multa secula obtinuerūt, donec sub Rom. imperium redacti sunt: quod factum est non multis ante Christum annis: & adhuc nomina pleraq; manent Gallica, à Plinio etiam in nobili opere celebrata, ut *Vnsuber*, *Insubres*: *Æner*, *Veneti*: *Künman*, *Cœnomani*: *Bach*, *Padus*: *Bodenmangel*, *Bodincus*: *Meiland*, *Mediolanum*: *Sennen*, *Sena*: *Oberried*, *Eporedia*.

I. Definitio

Italiæ terminatur enim

ab

Occasu. Alpium iugis ad Varum usq; flumen, & Tyrrheno pelago, quod etiam mare Tuscum & inferum dicitur.

Septentrione alteris Alpium iugis, quæ Rhætiæ imminet.

Ortu Adriatico mari, quod nunc Venetum, olim superum.

Meridie mari Siculo.

2. Adiuncta. I. Vrbes præclarissimæ. Roma gentium olim domina & Tiberis amnis, Insubrium Mediolanum, Venetorum Vero-

na, Ligurum Genua, Tuscorū Florentia, Campanorū Capua, nec longè ab ea libera quondam Neapolis. I I. Flumina, de quibus lib. 21. I I I. Montes: Apenninus per mediam Italiam tendit, ut spina per tergum hominis.

3. Forma: Est peninsula, tibix mortui hominis similis.

Cyrenos, quæ & Corsica, insula est: ex qua hodie uinum laudatur, *Curswein*.

SEPTIMA TABULA

Europe.

Sardinia insula plantæ humani pedis similis est.

Sicilia insula triquetra seu triangularis est. Tria habet promontoria (unde & Trinacris à Græcis dicta) quorum Pelorus septentrionē & Italiā spectat, Pachynus ortum, Lilybæum meridiem & ocasum. In hac insula mons est Aetna incendio memorabilis (à quo prouerb. ortum: Aetna grauius) Vrbes Messana & Syracusæ, ubi Cicero prætor fuit. Vtræq; insula hodie est sub ditione Hispanorum.

OCTAVA EUROPE TABULA

de Sarmatia Europe.

I. Nomen: Sarmatia Europæa apud ueteres nomē Scythiæ habuit, ut satis apparet ex Herodoti Melpomene seu lib. 4. Apud uete-

res tōta regio ultra Cīmbriā Cherſoneſum incognita fuit, in quo tractu hodie maxima ſunt regna, ut Noruegiæ, Sueciæ, Gothiæ antiquæ, Finlandiæ, Islandiæ: ita ut hodie non ſint certi Aſiæ, Europęq; termini ultra Tanais fontes: ſatiusq; eſſet à fontibus Tanais ad occidentem lineam ducere, non ad ſeptentrionem, nempe ad mare Balthicum: ac inde finito hoc mari (quod longè ad ſeptentrionem uergit) ad polum arcticum. Sic enim non diuidetur Moſcouitarum regnum, quod uſque ad Lituanicum ſinum porrigitur. De his nationib. noſtra ætate duo inſignes uiri ſcripſerunt, Sigismundus liber baro in Herberſtein, & Olaus Magnus.

2. Definitio. Nam Sarmatia terminatur ab

{ Occaſu, Viſtula fl. qui prope Dantiſcum mare Balticum influit.
Meridie, Danubio & Iazygibus Metanaſtis.
Ortu, Ponti parte, Mæotide palude & Tanai fl.
Borea, mari Baltico & glaciali.

3. Diuiſio. Hæc regio noſtra ætate in multas regiones diuiſa eſt: Poloniam, Ruſſiam, Bruſſiam, Lituaniā, Liunioniam, Moſcouiā, Podoliā, Albā Ruſſiam.

4. Adiuncta flumina ſuprà lib. 21. deſcripta ſunt. Metropolis Poloniæ eſt Cracouia: Ruſſiæ, Leopoliſ; Lituaniæ, Vilna: Liunioniæ,

Riga: Moscouiæ (quæ & maior Russiâ) Moscouia ad fl. Moscum.

Polonia nomen habet à planicie (quam ipsi uernaculè *pole* uocât.) Diuiditur in maiorem & minorem. Maior dicitur, quæ uersus septentrionem est, habetq; Gnesnam & Posnaniam. Minor, quæ uersus meridiem est, habetq; nobilem urbem Cracouiam ad caput Vistulæ, qui regionem diuidit. Sub regno Poloniæ continentur Lituania, Samogitia, Masouia instar cordis, Volhinia, Podolia & Russiâ meridionalis, seu minor.

Taurica Chersones, Meotide palude, Cimmerio Bosphoro ac mari Euxino penè circumdatur. Hodie minor Tartaria.

NONA EVROPE TABVLA.

1. Iazyges Metanastæ, hodie septem castra, *Siebenbürg*.

2. Dacia: hodie Transyluania.

3. Mysia superior: in qua est Dardania. Hodie Seruia.

4. Mysia inferior: hodie Vualachia & Bulgaria: ubi Danubius sex ostijs in pontum Euxinum effunditur.

5. Thracia, in qua est Constantinopolis: olim Byzantium.

Ad Thraciam & Hellespontum est propriè Cher-

Chersonesus, ubi urbs Sestus, amore Herus
& Leandri clara.

DECIMA EUROPE TABV-

la de Græcia.

In hac tabula plurimum est adiumenti ad Græcam historiam. Continet enim Macedoniam ac uniuersam Græciam cum adiacentibus insulis. Græci olim distincti erant in 3. gētes, Iones, Dores & Aeoles, Ionum celeberrimi Athenienses, Dorum Lacedæmonij. Iones in Asiam colonias 12. duxerunt (de quibus ampliter Strabo lib. 14. ab initio) Dores in Corcyram, Siciliam ac Magnam Græciam Italiæ regionem. Aeoles in Asiam circa Phocæam urbem: Vnde postea Massylienses à Persis pulsi, in Narbonensem Galliam profecti sunt. Porro Macedones olim non numerabantur inter Græcos: postea uerò ita enituerunt, ut non solum totius Græciæ sint facti domini, sed totius propemodum Asiæ. Græcorum lingua olim tota minor Asia, Syria, Aegyptus, Cyrene ac magna orientis regio utebatur. Hac de causa Euangelium Græcè scriptum est.

I. Macedonia rebus gestis & regum nobilitate præclarissima est, præcipuè uerò Alexandri M. In ea sunt I. urbes præclarissimæ. Thessalonica, Philippi, Demetrias. II. Montes: Athos, Olympus, Ossa, Pelion, Othrys.

Mm

s

III. Flu-

II I. Fluuji: Sperchius, Peneus, Axyus, Strymon. Liuius eam etiam describit in bello Macedonico. In urbe Philippis ecclesiam Paulus collegit, ad quam extat epistola. Fuit autem antea nomen urbis $\Delta\acute{\alpha}\phi\theta$, cuius meminit Herodot. lib. 9. unde prouerbium est: $\Delta\acute{\alpha}\phi\theta \ \& \ \alpha\lambda\omega\pi$ de immensis opibus: dicebatur etiam Crenidæ: id est, Fontanæ: quia ibi uenæ auri erant: id oppidum Philippus rex Macedonum auxit, & de se nominauit. Ex ijs uenis quotannis habebat reditum mille talentorum: id est, 600. M. Coronatorum: hoc est, sex tonnas auri. Athos mons etiam in prouerbium abiit: Athosne grauius: & Athos celat latera Lemniæ bovis: à Xerxe est perfossus.

2. Epirus uicina Macedonia & Achaia est. In ea sunt. **I.** Montes: Acroceraunia & Pindus à Thessalis imminens. **II.** Ciuitates: Oricum, Ambracia & Actium. **III.** Reges habuit insignes, olim Pyrrhum, cum quo Romani bella gesserunt: & superiore ætate Scanderbegum. **II I.** Insulæ adiacentes, Corcyra (olim Phæacea, nobilis carmine Homeri & Alcinoos rege: hodie *Corfun*, ditionis Venetæ) Ithaca Ulyssis patria, Cephallenia, Echinades, Zacynthus.

3. Achaia. **I.** Nomen: Nam Achæorum nomen olim tam clarum fuit, ut omnes Græci hoc nomine intelligerentur, ut uidemus apud

apud Homerum. Ita Ptolemæus etiam Achæiam uocat totam Atticam cum adiacentibus Bœotijs, Phocēsis, Aetolis ac alijs quibusdam populis: Cæterum Achæi propriè sunt in Peloponnesi parte septentrionali, plusquàm duodecim oppida possidētes, ut Ptol. & Strabo enumerant. Olim autem ducibus Philopœmene ac Arato clara fuit, ut est apud Polybium & Liuium. I I. Diuisio. Regiones enim in ea sunt præclarissimæ, ut Aetolia, in qua Calydon: Bœotia, in qua Thebæ: ac Phocis, in qua Delphi oraculo Apollinis clari.

I I I. Adiuncta: ut I. Vrbes, ut Athenæ disciplinarum altrix quondam seu uniuersitas. I I. Sunium promontorium. I I I. Eubœa insula, hodie Nigropont: in qua Chalcis ciuitas, morte Aristotelis clara: quæ est iuxta Euripum è regione Aulidis portus Bœotiæ.

4. Pelopōnesus hodie Morea dicitur. Hæc toto orbe maximè celebrata est propter Mycenarum, Argiuorum, Lacedæmoniorum, Sicyonicorum, Eliensium, Arcadum, Pyliorum (quorum princeps Nestor fuit) & Messeniorum imperium. Ad Boream Achæi: erant & Sicyoni: ad ortum Corinthi: ad meridiem Lacones & Messeni: ad occasum Pylî & Elienses, mediterranei Arcades. Multæ horum populorum præclaræ urbes, multi principes celebres, ut Agamemnon, Menelaus & Ajax: immen-

immensæ res gestæ, montes quoq; & fluuïj, ut Eurotas, Alpheus, Asopus. Ab occasu Strophades insulas duas habet; ab austro Cythæra: ab ortu Salamina & Aeginam, maxime famæ. Nam ad Salamina Athenienses cum reliquis Græcis nauali pugna uicerunt immensum illum exercitum Xerxis, ut Herodot. refert lib. 7.

5. Creta insula nulla fuit magis celebrata: centum olim habebat oppida: ab Homero prolixè describitur. Odyss. 7. ubi dicitur 90 urbes habere: at in Bœotia *ἑκατόμπολις* dicitur ab eodem. Hodie uocatur Candia.

In Aegeo pelago insulæ sunt multæ: quarum quædam à situ uocantur Cyclades, quæ circa Delum in circulo positæ sunt, quædam Sporades, quòd undiq; per mare sparsæ sint. Plin. lib. 4. cap. 12. Hæ omnes regiones, quæ in hac 10. tabula descriptæ sunt, Turcis hodie parent.

DE AFRICA.

Sequitur deinde Africa in lib. 4. Ptol. altera mundi pars, longè maior Europa, sed ægræ habitationis olim habita propter ingentem æstum. Cæterum qua ad mare mediterraneum uergit, melius tum nota, tum habitata, maxime propter magnificum illud Carthaginis imperium: sicut & Aegyptus ac Cyrene propter linguam Græcam innotuere. Erat autem Carthagi-

thaginis imperium à columnis Herculis ad Philenorum aras usque, quæ sunt ad Syrtim maiorem. Porro nostra ætate sub torrida Zona optimè habitatur. Aethiopia enim supra Aegyptum decem & sex regna Christiana habet sub Aethiopum rege, quem Presbyterū Ioannem uocant. Latus etiam illud Austrinū Africæ, quod Lusitanorū nauigatio aperuit: optimè habitatur, sicut & totus Nilus, quod ueteribus incredibile uisum est.

PRIMA TABVLA AFRICÆ.

1. Mauritania Tingitana ab Oceano occidentali ad Maluæ fl. Ostia extenditur. In ea Ptol. duos Atlātes constituit, maiorem & minorem. Est in ea principale oppidum Tingis Cæsarea, & Columna Herculis Alyba.

2. Mauritania Cæsariensis à Tingitana ad Ampsagam fl. extenditur. In hac Syphacis quondam regia & Masæsyliorum regnum, quod postea in Masanissæ manus uenit.

SECUNDA TABVLA

Africa.

Africa. I. Nomen. Nam hæc regio Africa propriè uocatur, quæ multi nominis est. In ea enim semper bella maxima olim fuerunt, ut uidere licet apud Polybiū & omnes Rom. historicos. Hodie regnum Tunetanum uocatur, à Tuneta loco supra Carthaginem, ut patet.

patet ex Liuiio lib. 10. decad. 4. ubi Scipio exercitum contra Carthaginem ostendit. Eam regionem Carolus V. Imp. oppugnauit & cepit anno 1535. II. Longitudo. Nam ab Ampsaga fl. extēditur ad Cyrenen usq;. III. Adiuncta. 1. Vrbes. Est enim in ea Carthago pertinax in perniciem usq; suam Romani imperij æmula. Est & Vtica urbs maritima, ubi posterior Cato se occidit, unde & Vticēsis dictus est: Est & Hippon, patria D. Augustini. 2. Prouincia Numidia, quam nouam uocat Ptolemæus: in ea Cirtha regia ciuitas maxima apud Salustium. Quanquam Ptol. eam Cirtensiorum facit urbem. 3. Insule, quarum multæ sunt ante Africam. 4. Syrtes duæ, maior & minor, impediti & arenosi sinus maris. Tres primæ illæ regiones Africæ, hodie Barbaria uocatur.

TERTIA TABULA

Africæ.

1. Cyrene, insignes inter cæteras ciuitates quinq; habuit: Arsinoën, Ptolemaida, Apolloniam & Cyrenē: unde & Pentapolis dicta. Cyrenen condidēre Theræi, inquit Strabo lib. ult. qui ex Laconica profecti Theram insulam incoluerunt: eorum dux fuit Battus.

2. Marmarica, uicina Cyrenæ: non est ualde celebris.

3. Li-

3. Libya sæpè pro Africa, & maximè à Grecis dicitur per Synecdochen. In ea est Hammō ciuitas Iouis oraculo clara.

4. Aegyptus inferior: in qua est Alexādrīa metropolis, opus Alexandri M. & regū Ptolemæorum regia: denique nostri Ptolemæi & D. Catharinæ (ut aiunt) patria. Nilo quotannis irrigatur, fluuiō totius orbis maximo, qui septem ostijs in mediterraneum mare exoneratur, ac Aegyptū inferiorem in literæ Δ formā ambit. Hodie à Turcis tenetur. Nam anno Christi 1517. à Selymo Turcarum Imp. occupata est.

5. Thebais regio est supra Aegyptum inferiorem ad Nili ripas utrinque ac undique propemodum montibus circumdata. In ea multæ præclaræ urbes sunt, ut Thebæ centū portis; Homero Iliad. 9. & Odyss. 4. celebrata, quæ etiam *Διόπονις* dicta est, de qua Iuuenal. Satyr. 13:

*Rari quippe boni? numero uix sunt totidē quot
Thebarum portæ, uel diuitis ostia Nili.*

Ad sectionem seu diuisionem Nili (ubi Δ efficit) Babylon est: atq; paulò infra Tanis, ubi filij Israël priorem captiuitatem (de qua in Exodo) passi sunt: ac Mose duce per rubrum mare, siue sinum Arabicum in desertā Arabiæ deducti, postea in Terram Sanctā uenerunt.

QUARTA TABVLA AFRICÆ.

1. Libya interior: habet intra se populos Garamantes & Getulos.

2. Aethiopia supra Aegyptū: in hac Me-roë est insula Nili, in qua D. Matthæus Evangelium prædicasse dicitur: item Troglodytica natio & aromata. In ea etiam est regia Presbyteri Ioannis, ut vocant, qui suam originem à Solomone ducit. Ait enim Eunuchū illum (de quo Actor. 5.) fuisse missum ad soluendam oblationem, quam à tempore Solomonis reges Aethiopiæ in templum Domini quotannis miserint & adhuc mittunt.

3. Aethiopia australior ab ortu habet finem Barbaricum, quæ pars est Oceani Indici meridionalis. In hac mōtes Lunę sunt ex quibus Nili paludes originem trahere dicuntur. Extremum Ptolemæo cognitum est Prassum promontorium: uerū nostra ætate tota hæc portio Africæ ad meridiem tendentis, à Lusitanis inuenta est, ut postea dicemus.

D E A S I A.

Asiæ triplex significatio est. Nam primo accipitur pro tertia mundi parte, quam Ptol. tribus libris descripsit, quinto, sexto, septimo: eaq; magnitudine longè duas mundi alteras partes uincit, maximè secundum longitudinem,

nem, etiam apud Ptolemeum. Multo uerò magis nostra ætate, qua tota est lustrata (sicut & Africa) quæ ad Ortum sic se extendit, ut ferè Europæ connectatur: infernè autè ultra quinquagesimum sextum latitudinis austrinæ gradum: lōgitudinis uerò trecentessimum, tricesimum sextum extenditur. Secundo accipitur propriè pro litorali regione ad mare Aegeum & Hellespontum ac Propontidem. Tertiò dicitur Asia minor tota chersonesus quæ clauditur ponto Euxino à septentrione, mari Aegeo ab occasu, mari mediterraneo à meridie, quam describit Ptolemæus totam prima tabula.

PRIMA ASIÆ TABULA.

In hac prima Asiæ tabula, ut in nulla alia, celeberrimæ sunt nationes, in quib. olim maxima regna fuere, ut Troianorum ad Ilion, Mithridatis in Ponto, Cræsi in Lydia, Antiochi M. in tota illa Chersoneso. Vt interim de Paphlagonibus, ac Galatis, de Amazonibus, Cappadocibus, Caribus, Phrygibus taceam. Hanc sub Cyro Persæ occuparunt, post Persas Macedones, postea Alexandri duces eam unà cum Syria, Aegypto ac Babylonia mirè diuiserunt. Deniq; Romani egregiè spoliarunt, donec tandem Turci prorsus perdiderunt, ut sibi nunc sit dissimillima.

1. Pontus: cuius insignē descriptionem habes apud Arrianum.

2. Bithynia: in ea sunt urbes præclaræ, Chalcedon, Nicea ac Nicomedia.

3. Asia propriè, apud Ptol. comprehendit Phrygiam magnam ac Cariam. Præterea sunt in ea Mysiæ duæ maior & minor: Phrygiæ item duæ, maior & minor: & hæc quidem dicitur Troas, in qua Ilium & Ida mons. Denique in ea est Aëolis, Ionia & Doris regiones. Est autem hæc natio abundè apud omnes auctores celebrata urbibus clarissimis: fluminibus ac montibus innumeris. Carum etiam nomē in militia clarū est, Lydorum uerò in diuitiis, propter Cræsum. Hinc etiā prouerbia multa: Myforū ac Phrygū termini discreti sunt: Myforū postremus: Myforū ultim⁹ nauigat. Myforū præda. Serò sapiunt Phryges: Ilias malorū: Ionicè: Dorib. Doricè loqui fas est: Dorica Musa: Doricè concinere: Doricè loqui: Cares: In Care periculum: Cares ite foras: Carizare cum Care: Carico more: Carica musa: Carica saltatio: Carica uictima: Caricū uinum. Caricus hircus: Lydñ mali, post hos Aegyptñ: Lydio more: *λυδισμός*: Lydius currus: Lydius lapis: Lydo non erat negocium: Lydorum caricæ: Lydum in planiciem prouocat: Lydus in meridie: Lydus cauponatur: Lydus ostium clausit: Cræso ditior: Cræsi pecuniæ teruncium

cium addere. Hæc regio hodie cum adiacētibus nationibus Turcia dicitur.

4. Lycia: in ea Xanthus fl. & Patara urbs patria D. Nicolai.

5. Galatia: in ea est Paphlagonia ad pontū Euxinum: item ciuitas Sinope patria Diogenis & promontorium Carambis: fluuius Hæly, Lydi olim ac Medici imperij terminus. Galatæ à Celtis oriundi sunt: quos Græci Galatas, Latini Gallos dixerunt. Galatarum linguam ait D. Hieronymus, in comment. in epist. D. ad Galatas, suo tempore similem Treuirorum fuisse.

6. Pamphylia: in hac sunt Perga, Sida, Attalia ciuitates: quarum mentio est in actis Apost.

7. Cappadocia: in hac fl. est Thermodon. Ciuitates maritimæ duæ Trapezus & Themiscyra: & Amaseia Strabonis patria. Vide prouerb. Tria cappa pessima.

8. Armenia minor.

9. Cilicia. In hac fl. Cydnus, qui Tarsum urbem clarissimam, D. Pauli patriam perluit. Hactenus Chersonesi seu minoris Asię regiones enumeratæ sunt: cuius Isthmus est iter 5. dierum expedito uiatori, ait Herodot. lib. 1. & 2. Habet autē insulas adiacentes multas: Troas, Tenedon & Lesbos: Lydia, Chium: Ionia, Icarum & Samū: Caria, Con: Doris, Carpathum:

pathum: Lycia Rhodum, omni ætate claram
insulam.

SECUNDA ASIÆ TABULA DE
Sarmatia Asiatica.

- | | | |
|--|---|---|
| 1. Defini-
tio. Nā Sar-
matia Asia-
tica termis
natur, à | { | Septentrione terra incognita Ptolemæo. |
| | | Occasu Sarmatia Europæ, Tanai fl. Mæotis
de palude, & Cimmerio Bosphoro. |
| | | Meridie Euxino mari, Colchide, Iberia, ac
Albania. |
| | | Ortu Scythia intra Imaum montem & ma-
ri Caspio. |

2. Nomen. Nominavit antiquitas Scythiā
totum illud boreale latus mundi, quod in Eu-
ropa trās Danubium: in Asia uerò ultra Cau-
casum & mare Caspium, & à gradu longitu-
dinis 44, usq; ad 160. extenditur. Ex qua regi-
one (tanquam ex fœcunda populorum ma-
tre seu nationum uagina, ut Iornandes loqui-
tur) innumeræ gentes prodierunt: Getæ, Ge-
pidæ, Massagetæ, Alani, Antæ (quorum in ti-
tulo Institutionum Iustiniani mētio fit) Sue-
ui, Dai, Vuinidæ seu Vandili, Bulgari, Hun-
ni, Turci. Et recens ante annos 160. Tamerla-
nes ex Scythiæ urbe Samaracanda progres-
sus, totam Asiam & Aegyptum deuicit & Ba-
iazetem quoq; Turcarum Imp. à se captum &
caueæ ferreæ inclusum circumduxit.

Hodie

Hodie uero Sarmatia illa Asiatica, Moscouia uocatur: quæ subest Ruthenorum imperio, quorum supremus dux se Imperatorem ac Cæsarem ex duce fecit. Regnum habet in longitudine quadringentorum prope milliarius Germanicorum, à mari Baltico (quod Finlandiam separat à Sarmatis) ad usq; Rha fl. ac ultra ad orientem. In latitudinē ab ostijs Borysthenis ad glaciale mare, trecentorum milliariū Germ. ferē.

3. Adiuncta. In ea fuerūt Amazones: Caucasus mons: Mithridatis regio: Alexandri columnæ: Turci, qui corrupte in omnibus Ptol. codicibus leguntur Tusci. Hodie habet tres principes urbes: Moscouiam, Vuolodimeriam, & Nouogardiam. Fluuium Rha apud Ptolemæum, Rhuteni Volgam, Tartari Edel uocant. Christiani sunt Græci ab Andrea Apostolo primum instituti. Metropolitanū habent religiosi ac clerici, ut Pontificij Papam: sed qui tamen sub Principis imperio sit. De hoc imperio multi nostra ætate scripserunt. Ioan. Faber episcopus Viennensis: Paulus Iouius: sed nemo copiosius Sigismundo libero Barone in *Herberstein, Neiperg & Guttenhag.*

TERTIA ASIÆ TABULA.

1. Colchis, in ea Phasis fl. & urbs Dioscurias. Ex ea Medea cum Iasone profugit in Greciam.

ciam. Vide Apollonij Argonautica.

2. Iberia undiq; montibus septa.
3. Albania. In his regionibus Pompeius bella gessit cum Mithridate rege Ponti: aiunt & in ea. D. Bartholomæum concionatum.
4. Armenia maior: in eius montibus post diluuium arca Noë consedisse dicitur Gen. 8. Ioannes Annius Viterbiensis addit eam cōsedisse in montibus Gordiæis. Oriuntur in ea Araxes, Euphrates, Tigris, fl. celeberrimi.

QVARTA ASIE TABVLA.

1. Cyprus insula Veneri sacra quondam: habet urbs Paphos duas ueterem & nouam, & Salamina.
2. Syria natio celeberrima, maximè in Iudeorum scriptis: in qua maximè reges, Antiochi, Seleuci, Demetrii & Antigonè uiguerūt: qui & Asiam possederunt post Antigonum Alexandri ducem & comitem. Fuit his regibus Syriæ frequens bellum tum inter se, tum cum regibus Aegypti, cum Iudæis, cum Babylonijs ac regibus Ponti: donec Rom. rerum potiti, Syria usi sunt: ueluti pro arce exercituum suorum contra Parthos: ut est hodie Turcorum contra Persas. Sub ea Phœnice comprehenditur & Coelesyria: id est, caua Syria, quā non rectè uocant curuam, Urbem habet Antiochiam ad Orontem fl. in actis Apostolorū cele-

celebratissimam, ubi primum Christiani nominati sunt: item Tyrum, Sidonem, Seleuciam, Damascum. Item montes: Carmelum, Libanum & Antilibanum.

3. Palæstina Iudæa, Syriæ pars est. In ea est Hierosolyma, Cæsarea Stratonis, Ioppe. Cōplectitur Samariam ac Galilæam. In ea Iordanis fluuius qui Genesar lacum effundit. Ptolemæus etiam Tiberiadis lacum addit, qui neque apud Plinium, neque apud Strabonem habetur: sed Tiberias oppidum ad Genesar eisdem lacum legitur apud Plinium: denique in Asphaltida labitur seu mare mortuum. In ea est terra sancta, diuisa in 12 tribus Israël, ut habetur à cap. 15. Iosue usq; ad finem. Cuius longitudo est à Dan ad Bersaben: latitudo à Ioppe ad montana: quæ undiq; Iordanis imminet ab Arabibus.

4. Arabia Petræa dicta est à Petra metropoli. Per huius partem filij Israël ex Aegypto in terram sanctam uenerunt.

5. Mesopotamia dicta est, quasi Interamna, quod inter duos fl. Tigrim ac Euphraten media sit. Moses Genes 11. uocat illam Aran. In ea urbs Carræ, cæde M. Crassi nobilis: ab Hebræorum historicis maxime celebrata. Item Edessa Abgari regis ciuitas, cuius meminit Euseb. lib. 1. cap. 15. hist. eccles.

6. Arabia deserta.

7. *Babylonia*: in hac *Chaldæa* regio, cuius urbs *Vrchoa*, *Ptolemæo* *Orchoa*, patria *Abrahæ* *Genes. 11.* In regione *Babylonia*, urbs est *Babylon*, opere ac magnificentia inter septem orbis spectacula. *Babyloniorū* regnum olim post *Assyriorum* potentissimū fuit: sed sub *Cyro* in potestatem *Persarum* uenit dolo *Gobryæ*. Hactenus lib. 5. *Ptolemæi*; sequitur liber 6.

QVINTA ASIÆ TABVLA.

1. *Assyria*: *Assyriorum* imperiū antiquissimum & maximum fuit: nimirum ante *Abrahamum*, qui 44. anno *Nini Belī Assyriorum* tertij regis natus dicitur. Is *Ninus* ædificauit *Ninum* urbem, quæ & *Niniue* in *Iona* dicitur. Post *Ninum* regnauit *Semiramis* uxor eius, quæ *Babyloniā* mirifice instaurauit. Id regnum durauit annos M. C. C. XLIX. per 36. reges, quorum ultimus fuit *Sardanapalus*. Huic ob nimium luxum extorsit regnum *Arbaces Medus* ac in *Mediam* transtulit. *Medorum* regnum durauit annis 259. autore *Eusebio*, usque ad *Astyagem* ultimum *Medorum* regem, cui regnum extorsit *Cyrus* ac in *Persas* transtulit. Durauit autem & *Persarum* imperium annis 250. usq; ad *Darium Arsamis filium*, quem *Alexander M.* uicit. Post *Alexandrum* omnia regna diuisa sunt per *Alexandri*

dri duces ac principes: qui postea se crearunt reges.

2. Media: horum etiam imperium olim magnum fuit & ab Assyrijs ablatum. Porro regum Persicorum domicilium erat æstiuo tēpore Ecbatanis in Media: quia propius septētrionem: hyberno in Perside: quia propius meridiem.

3. Susiana: cuius metropolis fuerunt Susa.

4. Persis. Persæ à Medis in se & Susa trās- tulerunt regnum: quorum nomen & lingua etiamnum toto oriente, clara sunt: rex eorum Sophi uocatur & Mahumetanus est.

5. Parthia, Parthi omnium orientalium maximè Romanorum imperium (cū potissimum ipsi Rom. florent) retulerunt: ut patet in M. Crasso, quem cum 11. legionibus occiderunt apud Carras Mesopotamiæ urbem. Fuit enim Euphrates fl. fatalis terminus imperij Rom.

SEXTA ASIE TABULA.

1. Arabia fœlix. In hac Saba ciuitas est & nostra ætate Mecha, domicilium Mahumeti. Eam Erythræum: id est, rubrum mare à tribus mundi partibus circumdat: ab occasu dicitur sinus Arabicus: ab ortu sinus Persicus.

2. Hyrcania, natio ferax tigris: unde illud 4. Aeneid.

—*Hyrcanæq; admorunt ubera tigres.*

- | | | |
|--------------------------|---|--|
| 3. Carma
nia deferta. | { | Has duas regiones in quintam Asiæ tabu-
lam contulerunt pictores: cum in Pro-
lemaica descriptione sequuntur Arabi-
am felicem. |
| 4. Carma-
nia altera. | | |

SEPTIMA ASIAE TABULA.

1. Margiana: in ea tres populos numerat Ptol. Massagetæ, Daas & Tapuros, Massagetæ apud Herodotum lib. 1. nominantur. Daæ autem & Tapuri apud multos autores. Nam tres priores nationes huius tabulæ tempore Alexandri M. in magna fama fuere. Pro Daïs autem sæpè in codicibus falsò reperias Dacas.

2. Bactriana à Sogdiana diuiditur Oxo fl. In ea Bactra sunt eius regionis metropolis. Bactrorum proprium quoddam imperium fuit, quod reges Persarum inuaserunt, sed Dario occiso, Bessus occisor id inuasit.

3. Sogdiana: in hac sunt duæ Alexandriæ, Oxiana ac ultima. Hactenus enim Alexander M. exercitum duxit uersus septentrionem. Nam cum esset apud Sogdianos, putauit se non longè à Tanai abesse, & cum duas Scythias attingeret, Sarmatas esse putauit. Nam Herodotus ac ueteres omnes Sarmatas etiam Scythas appellarunt: sed is communis fuit error, præcipuè uero eorum, qui Alexandri M. res

M. res gestas scripsere, ut uidere est apud Curtium.

4. Sacę horum natio Nomadum: id est, pastorum est: ciuitates enim non habent: sed nemora & speluncas inhabitant, ut ait Ptolemæus. Sicut autem tres præcedentes regiones celebres sunt: ita tres sequentes non admodum: Seres autem ultimi sic satis.

5. Scythia intra Imaum montem.

OCTAVA ASIÆ TABULA.

Scythia extra Imaum montem. Imaus mōs etiam apud Strabonem legitur: sed ut determinet duas Scythias uix apud alium autorem reperiās præter Ptolemæum. Antè autē admonui de his duabus Scythijs apud ueteres raram uel nullam potius esse mentionem. Idq; ob Macedonum errorem, qui lexartem fl. putarunt Tanaim esse.

Serica: In hac Issedones sunt (de quibus Herodot. lib. 4.) & Sera metropolis.

NONA ASIÆ TABULA.

Sequuntur nationes à Macedonibus, duæ Alexandro M. illustratæ, alioqui non usque adeo celebres. Earum meminit Strabo uarijs in locis. Et Ariæ quidem in 11. Paropamisadarum uerò lib 15, Drangas etiam eodem lib. describit, apud quos grauis conspiratio fuit in
Alexans

Alexandrum, uindicata in Philotam & Parmenionem filium ac patrem. De qua ad longum Curtius lib. 7. sub finem.

1. Aria: in ea est Alexandria, ab Alexandro ædificata.

2. Paropamisadæ nomen habent à Paropamiso monte, qui ipsis imminet à septentrione.

3. Drangiana.

4. Arachosia: in hac quoque Alexandria est.

5. Gedrosia. Hactenus liber sextus: sequitur septimus.

DECIMA TABULA ASIÆ.

India cis Gangem fl. A' Curtio lib. 9. eleganter describitur, sed multa de ea contra Geographicam rationem. Copiosius Strabo libro 15. In ea est Indus fl. maximus, à quo nomen habet, ut à proximiori nobis, cum melius à Gange haberet, ut qui eam mediam secat. Est & in ea urbs Nagara (quæ & Dinyfiopolis: id est, Bacchi ciuitas & Nyssa) nō longè ab Arachosia. Est ingens natio.

VNDECIMA ASIÆ TABULA.

1. India trans Gangem: in hac est Aurea Chersonesus inter duos sinus Gangeticum & Magnum.

2. Sinarum regio: de qua propemodum nihil est apud autores.

DVODECIMA ASIAE

Tabula.

Taprobane insula opposita Indiæ cis Gangem, maxima omnium apud Ptolemæum.

DE NOVO ORBE ET REGIONIBUS

nibus extra Ptolemæum.

Ptolemæo
incognitū
fuit ab

Occasu, quicquid est rerum ultra Hispanias ac insulas Fortunatas: ubi est terra America, Francesca, noua Hispania: id est, totus quadrans secundum longitudinem & latitudinem.

Septentrione, quicquid ultra 63. latitudinis gradum, ubi Thyle locatur ultima: & ubi Islandia, Noruegia, Suecia, Gothia, Finlandia, Finlappia.

Meridie, quicquid ultra 16. gradum latitudinis Austrinæ, ubi Africæ portio ultra circulum Capricorni.

Ortu, quicquid ultra 180. gradum: id est, totus quadrans usq; ad 270. gradum longitudinis.

Anno autem à Christi natali 1492 aut circiter, cepere Lusitani (Gallica progenies, qui hodie Portugalenses uocantur) lustrare Oceanum occiduum. Et primò promontoriū terræ Americæ attigerunt, quod caput S. Crucis

cis appellarunt: deinde utrunq; eius latus lustrarunt. Secuti sunt eos Castellani, qui Spagnolem ac Isabellam insulas ceperunt. Cum uerò contentio inter Portugalenses ac Castilienses incidisset: ac pugna ad Tagum facta, Portugalenses superiores euasissent: Pontifex Rom. sese interposuit, sententia lata ut Portugalenses à meridiano, quem Ptolemæus ultimum ad occidentem statuisset, ortum uersus tenderent, ac Africæ litora sequerentur; quæ uerò ad occasum essent, ea Castilienses acciperent. Quod ab utrisq; factum est. Nam Portugalenses propè nunc totum Oceanum Indicum tenent armata classe usq; ad Auream Chersonesum ac ultra. Castilienses uerò immensam terram, quæ in sinum ingentem extenditur, cuius alterum latus ad septentrionem uergit, ubi terra Francica & noua Hispania: alterum latus Asiæ, uelut ultima Chersonesus, sub torrida Zona, sed tendit propè sub circulum Antarcticum, ubi fretum Magallanicum. His ita factum est ut totus propemodum nunc orbis innotescat, cuius dimidiū, quod ad longitudinem attinet, aperuit Ptolemæus: latitudo quidem eius ad septentrionem, tota ad meridiem, usq; ad circulum Antarcticum lustrata est. Enumerabimus autem ordine quicquid extra Ptolemæi traditionem cura ac diligentia nostræ ætatis inuentum est: atq; id à 4. mundi par-

di par,

di partibus, occidente, septentrione, oriente, meridie.

I. Ad occidentem est terra America, longitudine 80 fermè graduum. Duæ insulæ Spagnola & Isabella: in Spagnola lignum Guaiacum inuenitur, cuius usus est contra morbum Gallicum. Hæ regiones secundum litora primum ab Hispanis lustratæ sunt, Christophoro Columbo Genuensi & Amerigo Vesputio eius nauigationis ducibus.

II. A septentrione Islandia insula est, Grienlândia, Pilappia, Noruegia, Suedia, quæ uerè Gothia. Hæc triplex est, orientalis, occidentalis & meridionalis. Gotlândia insula: Scania insula, quam hodie Selandiam uocant. At Plin. lib. 4. cap. 13. Scandinauia uocasse uidetur (*Schônar*) aut saltē uicinam Daniam: ait enim ab incolis nominari alterū mundum.

III. Ad ortum maxima pars Asiae post 180 longitudinis gradum (quem ultimū Ptolemæus posuit post Indos & Sinarum regionem) à nostris Geographis adijcitur: in qua immensa regna, ingentia flumina, multaque alia dicto miranda. Adpingunt insulam Zipangri ad extremum orientem: lauam maiorem & minorem, & quasdam alias insulas.

III. Ad meridiem Madagascar pingitur, in eo loco ubi Ptolem. Menuthiam insulam libro 4. cap. ult. posuit: præterea maxima portio

portio Africæ ab Hispaniis iustrata itinere illo, quo Calecutium feruntur. Porro Oceanum Indicum meridionalem à Prasso promontorio Africæ ad Cattigaram usque, Sinarum stationem, totum inclusum terra Ptolemæus existimauit, quemadmodum mare Caspium.

LIBER XXIII. DE NATVRA POPVLORVM.



OCVS hic postulare uidetur, ut post enumeratas regiones ac singularum regionum populos, dicamus in uniuersum, quæ, qualisque sit omnium aut maxime illustrium populorum natura. Quæramus igitur illa quæ non ab hominum institutis (quæ in infinita sunt uarietate, ac paulo momento per sese, uel principum arbitrio mutabilia sunt) sed à natura ducuntur, nec unquam, nisi magna uel diuturna disciplina mutantur: & mutata nihilominus ad pristinam redeunt naturam. Primum igitur explicabimus naturam populorum, qui ad septentrionem & austrum positi sunt: deinde eorum qui ad ortum & occasum: post etiam propria loca, montana scilicet, palustria, uetosa, quæta. Sed in primis illud statuo, nullam esse locorum (ut nec coelestium syderum) tantam

tantam uim, quæ necessitatem sit allatura, ut naturæ lex ope diuina aut diuturna disciplina superari non possit. Falsum est enim quod Galenus & Polybius affirmant, aëris temperiem necessario nos immutare. Magnam quidem uim ad immutandos animos habere, necessitatem tamen non afferre, argumento fuit Anacharsis Scythæ. Atque ad hanc locorum uarietatem referenda sunt quæ Plato lib. 5. de legibus scribit, alios alijs meliores ac deteriores effici ex ipsa locorum uarietate: quos propterea legibus sæpè contrarijs ac repugnantibus moderari necesse est: eam quoque dissimilitudinem ab aquis & aëre, tum etiam à ciborum uarietate manare.

DE NATURA SEPTENTRIONAL-
ium & australium, quoad
 Corpus.

Tradunt igitur ueteres uno ferè consensu, homines ad Aquilonē positos, corpore quidem maiores ac robustiores: ad meridiem uerò imbecilliores: alijs tamē ingenio præstare: sed Corporis singula persequamur.

I. Color. Sub Tropicis supra modum atrii homines sunt: sub Arcto ratione contraria fusco sunt colore. Post ad gradum usque sexagesimum rubicundi euadunt: inde ad quadragesimum quintum candidi: post ad trigessimum

578 DE NATVRA POPVLORVM,
flauescunt: & cū flaua bilis atræ confusa est,
subuîrides fiunt, quousq; fusci ac penitus atri
euaserint sub Tropicis. Itaq; quod ait Hippo-
crates ad septentrionem homines pallore ac
macie deformes esse absurdū erit, nisi ad extre-
ma loca septentrionis referamus: quod item
ueteres robustos & proceros esse aiunt, ad ci-
teriora. Nam ultra Gothiam homines fusci
sunt & tabescunt: in ipsa uerò Gothia & Sue-
cia rubescunt, neq; tamen Germanis magni-
tudine cōparandi sunt. Germani uerò ac Bri-
tanni ferè omnes pilo flauescunt: unde illud
Lucani de Sueuis:

Fundit ab extremo flauos Aquilone Sueuos.

II. Oculi. Australes nigros, septentriona-
les glaucos habent oculos: qui uerò in medio
positi sunt, caprinos: id est, flauētes seu rauos,
quos Plinius rufos uocat: tametsi media re-
gio infinitā habet uarietatē ab extremis con-
flatam, extreme nullam. Est autem in Scytha-
rum uultu maximum argumentum, quo ab
alijs differant, scilicet oculorum glaucus co-
lor: id est, ut Plato uoluit, cæruleus albicans,
quales sunt oculi noctuarum, quæ propterea
θαυρηκ appellātur: atq; ñ hebescent ad lucem.
Tales habēt Germani, de quib. Tacitus: Tru-
ces & cærulei oculi, rutilæ comæ, magna cor-
pora: & Iuuenalis:

Cærulea

*Cærulea quis stupuit Germani lumina, flauam
Cæsariem, & madido torquentem corpora cirro?*

Tales etiam habent Cimbri, teste Plutarcho & plerique Dani. Germani tamen non ita glaucos & albicantes, sed conspicua quadam obscuritate cæruleos habent: qui color etiam aquilus ab aqua dicitur. Est autem color glaucus in oculis magnum caloris indicium, ut scribit Aristoteles in quæstionibus: niger uero qualis est in Australibus, caloris significat inopiam. Qui sunt in media regione, caprinos habent siue rauos: atque hi omnium acutissime cernunt, & quidem tradit Plinius capras lippire nunquam. Præterea mores optimos. Aristoteles iudicio significant: glauci uero crudeles cuiusmodi Syllæ, Catonis & Augusti oculos fuisse, Plinius & Plutarchus tradunt. Sunt igitur tres præcipui colores oculorum in tribus populis: ater, glaucus, rauus: ex quibus infinita uarietas miscetur.

III. Sanguis, calor & frigus. Sanguis Scytharum fibris plenus est, ut in apris ac tauris: unde robur & audaciam ingenerari tradunt. Australes tenui sunt sanguine ut lepores, cerui, quod sit ut timidiores sint & imbecilliores. Qui igitur à 45 gradu ad 75 uersus septentriones positi sunt: intus magis ac magis calescunt. Australes uero quod plus habent caloris à Sole, eo minus à seipsis habent. Nam hyeme ca-

lor intus cogitur, æstate diffluit, quò fit ut hyeme uegetiores ac robustiores : æstate languidiores simus . Eadē ratio facit ut hyeme plus appetere & coquere, quàm æstate soleamus, præsertim flante Aquilone. Auster contrariū effecit, ut scilicet minus appetant animantia, ut Aristoteles scribit: atq; hinc fit, ut cū Germani in Italiam, aut Galli in Hispaniam proficiscuntur, frugalius uesci aut suffocari uideamus: quod Philippo duci Austriæ contigit, cū in Hispania suo more epularetur. Hispani uerò, qui frugalissimè in patria uiuunt, in Gallia uoraciores sunt Gallis: argumento est etiam illud quod pastores uulgo ferūt, armenta, gregesq; macie tabescere cū ad Austrum proficiscuntur: ad Aquilonem uegetari. Nec mirū si Leo Afer scribit, nulla ferè boum, aut equorum armēta, raros etiam greges ouium in Africa uideri, aut parum admodum lactis habere. Contrà uerò laudantur ab omnibus ferè scriptoribus Germanorū & Scytharum armenta: non quò habeant pascua meliora quàm australes, ut Plinius putat: sed coelo illud tribuendum est. Hic igitur uis tam caloris, quàm humoris considerata est. Vis autē interni caloris apparet in robore, in bellis, in bibendo. Nam primò quod ad robur attinet, facit uis interni caloris, ut qui ad septentrionem uergunt, uegetiores ac robustiores sint

Austra-

Australibus : quod etiam in aduersa parte ultra Capricorni circulum æquè contingit, ut homines quò ab æquatore longiùs discedūt, maiores fiant, ut in terra Paragonum, qui Gigantes appellātur, eadem latitudine qua Germani. Secundo quoad bella, idem calor internus, causa est cur Scythæ graues semper incursiones fecerunt meridiem uersus : quodq; incredibile uideatur, uerum tamen sit, imperia maxima uersus Austrum propagata semper fuerunt, uix ab austro uersus septentriones. Nam Assyrii Chaldæos, Medi Assyrios, Græci Persas, Parthi Græcos, Romani Pœnos, Gothi Romanos, Turcæ Arabas, Tartari Turcas fregerunt. At Romani ultra Danubium progredi noluerunt. Traianus quidem ponte lapideo miræ magnitudinis supra Danubium extructo (nam 20 pilas, quarum uestigia hodièq; extant, habuisse dicitur) Dacos fortiter domuit : sed cùm Adrianus intelligeret gentes illas nec facile uinci, nec uictas acquiescere, pontem dirui mandauit. Sic Galli sæpè ab Anglis maximas in ipsa Gallia clades acceperunt, ac penè imperium amiserunt, nunquam in Angliam, nisi ab incolis acciti, penetrare potuerunt. Angli uerò sæpè à Scottis uicti sunt, & cùm annos ampliùs mille ducentos de imperio acerrimè inter se dimicarent, eos tamen de insulæ particula depellere

non potuerunt: tametsi opibus ac legionibus tantò superiores sunt, quanto Gallis inferiores. Omitto grauissimas Scytharum, Parthorum, Turcarum, Tartarorum, Moschouitarum, Gothorum, Hunnorum, SueSSIONUM in Europam & Asiam incursiones, in quibus enumerandis infinitus sim. Atq; illud est, ni fallor, quod Ezechiel, Hieremiás, Iesaiás, ac reliqui prophetæ toties comminantur, ab Aquilone bella, legiones, equitatus & Rerum pub. uenturas euerisiones. Quæ omnia uerius pertinent ad eam regionem quæ à 45 ad 75 gradum porrigitur, ubi sita est Biarmia. Nam qui ulteriora incolunt (qui tamen aut nulli, aut admodum rari sunt) frigore æquè aduruntur, ut scribit Hippocrates, atq; ij, qui ad Tropicū accedunt: non (ut putauit Arist. lib. 4. *μετὰ τὸν*) propter uim caloris interni *ἐκ τῆς ἀντιπρὸς αὐτοῦ* (id enim plantis æquè accidit, ut frigoribus perinde atque ignibus urantur) sed frigore ad intima penetrante & humorem perurente: unde Pompeio pruina dicitur: quæ tamen Hippocrates pertinere putauit ad eos, qui sub uersa uersantur, propter ignotas illis temporibus regiones. Cæsar uerò non ignorauit regionē, sed falsam causam attulit cum scriberet: Germanos staturam ac robur augere, quod animi libertate fruerentur, nec honestis disciplinis à puero imbuerentur: cum tamen id calori &

ri & humori tribuendum sit. Quod denique ad bibendum attinet: idem calor efficit, ut ad eum restinguendum potu sæpius utantur septentrionales. Neq; in illa perpotandi forma, qua Germani (præsertim Saxones & accolæ Balthici maris) utuntur, ullis unquam temporibus aut legibus potuit emendari. Diem, inquit Tacitus, continuare potando, nulli probum: crebræ, ut inter uinolentos, rixæ. Athenæus uero lib. 10. ἀκρατοποσία ex uetere pro uerbis Scythi obijciens ait: Lacones ὅταν βέλονται ἀκρατίειρον πρῶτον, ἐπισκυνθίσαι λέγουσι: & Heraclæotes in libro de Ebrietate: καλῶς μὲν ὅν, inquit, ἄγαν σκυνθισί πίναν: nam pro ἐπίχυσον: id est, infunde aquam, Lacones dicebant ἐπισκυνθίσον: id est, plurimum uini fundito. Atque hæc de ui caloris in septentrionalibus: uideamus de ui humoris, quæ apparet in fame, in incremento, in uoce rauca, in sudore. Nam quod ad famem attinet (quæ in appetitu calidi & ficci est) eius causa est humoris abundantia: minus tamen cibo quàm potu delectantur: quia plus habent caloris. Quæ ratio est cur Hippocrates fieri non posse putet, ut idem cibo ac potu copiosè utatur: quod in Germanis cum animaduertisset Tacitus, causam non intellexit. Inediam & frigus, inquit, cœli ac Soli consuetudine ferunt: quia cœlum frigidum ac solum sterile: imo uero calor internus ambienti fri-

gori ualidius resistit, humor uegetans famem propellit. Quod ad incrementum attinet: id etiam argumentū est humoris: sic enim & beluæ marinæ propter humiditatis copiam reliquis animantibus præstant. Accedit rauca uox & grauis, quæ in Hispaniis, Pœnis & Aethiopiis supra modum tenuis est & clara: quod in his frigiditatem & siccitatem arguit: in illis humorem & calorem. Nam humor nimius in plumbo & ligno uirenti sonum grauem efficit: calor etiam interiores meatus aperit, frigus cogit. Hinc foeminae natura frigidiores, clarius quàm uiri loquuntur: media temperie uox suauis efficitur & canora: qualis est in Asiaticis, Italis & Gallis. Denique quod ad sudorem attinet, humor multus facit, ut septentrionales, cum ad austrum iter faciunt, aut in regionibus calidis bella gerunt, sudore diffluant. Habent, inquit Tacitus, miram Germani naturæ diuersitatē, cum ament inertiam & oderint quietem. Aut enim bella gerunt, aut cum à bellis abstinent, dediti sunt somno, ciboque. Nam calor intus ad agendum impellit, ut uidere est in pueris, quos non finit quiescere calor: humor uero mollicie affert & in sudorem abit. Atque hæc Plutarchus in Mario confirmat, ubi fluxa corpora Cimbrorum caloribus & sudoribus solui consueuisse scribit. Quamobrem Hispani & Itali, si Gallorum & Germanorum

norum primos impetus sustineant, eos facile frangunt: ut Polybius primum animaduertit: deinde Marius & Cæsar clarissimis uictoribus comprobarunt: atque hic de Gallis: initio plus quam uiri, postea foeminis molliores. Idem Tacitus de Germanis: Magna, inquit, Germanorum corpora, & tantum ad impetum ualida: laboris atque operum non eadem patientia, minimeque sitim & æstum tolerant: frigus tamen facile ferunt: & ut Mela scribit, ad pubertatem usque nudi uagantur: Galenus uero miratur in frigidam à parentibus mergi simul ac nati sunt.

Afri sicco, frigido ac præduro corpore, laborem & æstum patienter ferunt: ut Aphrodisæus in quæstionibus scribit: frigus tamen ferre non possunt, cum nihil habeant caloris interni, contra quam Scythæ qui calorem externum ægrè patiuntur, cum urgeantur ab interiore: ut equi suapte natura calidi & humidi, ægrè in Aethiopia, optimè in Scythia uiuunt: asini uero frigidi ac sicci, alacres sunt in Africa, languidi in Europa, nulli in Scythia.

Qui mediam regionem tenent, impatientes sunt frigoris & caloris: quia medium cum utroque extremo pugnat: utrumque tamè æquè ferunt. In eo tractu nimirum à 40 gradu æquatoris ad 50: sita est Hispania ulterior, Gallia, Italia, Germania superior usque ad Moenum,

utraq; Pannonia, Illyricum, Mysia utraq; Dacia, Moldauia, Macedonia, Thracia, Asiaq; minoris bona pars, Armenia, Parthia, Sogdiana & magna pars Asiae maioris. Sed quo propius ad ortum spectant regiones, eo sunt temperatiores: tametsi ad austrum magis inclinare uidentur, ut Lydia, Cilicia, Asia, Media. Erunt igitur australes citeriores Hispani, Siculi, Peloponesi, Cretenses, Syri, Arabes, Persae, Susiani, Gedrosi, Indi, Aegyptii, Cyrenaei, Poeni, Numidae, Lybici, Mauri & qui Floridam incolunt Americi: sed ita, ut qui in eadem latitudine ad occasum pertinent, temperie sint frigidior. Septentrionales autem erunt, qui a quinquagesimo gradu ad 60 positi sunt: temperatiores tamen quam qui deinceps ad 70 sedes habent. Nam in priore tractu sita est Britannia, Hybernia, Dania, Gothiae pars, Germania inferior à Moeno & Hypani fluminibusque in extremam Scythiam & Tartariam, quae Europae & Asiae maioris bonam partem occupat.

Sunt igitur Australes, quod ad formam corporis attinet, frigidi, sicci, duri, glabri, debiles, colore fusco, paruo corpore, crispo capillo, nigris oculis, uoce clara. Septentrionales, calidi, humidii, pilosi, robusti, colore candido, magno corpore, carne molli, fluxo capillo, caesis oculis, uoce graui. Qui inter hos uersantur, omnia mode-

moderatè consecuti sunt. Atq; hæc de forma corporis, ex qua mores animi colliguntur. Cū enim corpus & intellectus contrario modo afficiantur; quò maior uis est huius, eò minor est illius: & quò quisq; plus intellectu, eò minus corpore uiget, si modò sensus integri fuerint. Igitur planū est australes intellectu, Scythas corpore præstare. Id enim Aristoteles libro 7. de Rep. innuit, homines robustos & animosos, minus ingenio ualere, nec Remp. rectè moderari. Afri uerò plus satis habent consilij, uirium non item: quæ tamen necessariae sunt tum ad hostes repellendos, tum etiam ad ciues tuendos. Tertium genus est hominum, qui pulcherrimas parendi & imperandi artes habent: qui uiribus Australium calliditatem frangere, & consilio Scytharum impetus coercere possunt. Hinc iudicari potest cur Gothi, Huni, Heruli, Vandali, Europam, Asiam & Africam armis inuaserunt, sed inopes à consilio retinere non potuerunt. Qui uerò prudentium consilia sibi asctuerunt, gentes ad ciuilem societatem idoneas nacti, florentissima imperia diutissimè tenuerunt. Et quoniam Scythæ ferè semper à literis, Australes ab armis abhorruerunt: nullum magnum imperium stabilire potuerunt. Vtrūq; Romani summa quadam foelicitate sunt consecuti, & gymnasticen cum musica (ut Plato uoluit) pruden-

ter coniunxerunt. Sed illud diuina quadam bonitate dicam an prudentia factum est, ut Afri plus ingenio, Scythæ corporibus ualerent: ne si barbaris hominibus, quasi tauris uulpinam calliditatem: aut Pœnis quasi uulpibus magnam uim ac robur dedisset: eius donis ad perniciem utriusque abuterentur. Nihil enim est crudelius, inquit Aristoteles, iniustitia armata, καὶ πῶτά τῃ ἀδίκῃ ἐχθρὰ ὄντα: Quibus autem uires moderatas dedit, humanitate uoluit ac iustitia reliquis præstare: id quod regioni temperatæ tribuit Aristot. in quæstionibus.

DE ANIMO SEPTENTRIONALIVM.

1. Innocentia & simplicitas. Sunt enim simplices. *Nam:*

Homines obesi minimè sunt mali: ut rectè Cæsar de Antonio ac Dolabella iudicabat: Brutum uerò & Cassium macilentos homines metuentes esse.

At Septentrionales obesi sunt, Australes macilentissimi.

Verum est igitur quod ait Tacitus de Germanis: Gens, inquit, non astuta, nec callida: aperit enim secreta pectoris licentia ioci & nuda omnium mens postera die retractatur, salua ueriusque temporis ratione.

Quinetiam hæc una ratio est, cur reges ac tyranni olim, hisq; temporibus ad præsidium corporis Thraces, Scythas, Germanos, Circassios, Heluetios magna mercede semper quæsierunt: quod intelligant in illa uastitate corporum, minimum calliditatis ac malitiæ latere, eosq; potius militis, quam imperatoris munere delectari.

2. Crudelitas & barbaries. Nam quò quisque plus abest ab humanitate: id est, ab hominum natura, eò propius ad ferarum similitudinem accedit: quæ cum ratione careant, iracundiam & appetitus cohibere nequeunt: ita fit ut septentrionales ad crudelitatem impetu ferantur. Hinc Thucydides Thracas ubi nihil extimescant, *φονικώτατον ἔθνος* appellat. Tacitus uerò de Germanis: Occidere solent, inquit, non disciplina & seueritate, sed impetu ac ira ut inimicum. Omitto Gothorū & Hunnorum crudelitates, non modò in homines, sed & in beluas, urbes, arces, lapides & sepulchra Rom. quæ funditus euerterunt.

3. Auaritia. Tacitus de Germanis: Aleam, inquit, sobrii inter seria exercent, tanta lucrandi perpendiue temeritate, ut cum omnia defecerunt, extremo iactu de libertate contendant. Hinc etiam illa, quæ in Germanos & Francos iactatur à Procopio cupiditas habendi tanta ut uitam auro, bellum pecunia commutent.

590 DE NATURA POPVLORVM,
mutent. Australes non tam auari, quàm parci
actenaces: Scythæ prodigi ac rapaces.

IIII. Suspicio. Cum ab ingenio se deser-
sunt, supra modum suspiciosi euadunt.
Sic in Gothia in hospitibus publicis speculato-
res & ἀνταρσά latent (oritur enim suspicio ab
inopia consilij.) Atque non nisi ieiuni cum au-
stralibus contrahunt: cumque se deceptos sen-
tiunt, calculum reducunt aut plerumque decipien-
do præoccupant, aut denique uim afferunt.

DE ANIMO AVSTRALIVM.

I. Dotes ingenij. Constat australes maxi-
mas habere à natura dotes ingenij: sic enim
Columella lib. 1. cap. 3. constat, inquit, Pœnos
gentem acutissimam dixisse, imbecillio-
rem agrum quàm agricolam esse debere. Et Hir-
cius de Aegyptiis contra Cæsarem dimicanti-
bus: Ipsi homines, inquit, ingeniosissimi. Quis
autem nescit quibus artibus & quandiu Ro-
manorum potentiam eluserunt Pœni?

II. Crudelitas. Crudelitatem enim in ho-
stes incredibilem semper exercuerunt, ut ui-
dere est in bello Punico. A Pœnis etiam pro-
fectæ sunt exoculationes, membrorum auul-
siones, excoriationes, sectiones, lentæ ustio-
nes & palorum traiectiones: totius uero cor-
poris in rota confractio à Germanis: à quibus
supplicibus Itali, Galli, Hispani, Græci, Asiatici
semper

semper abhorrerunt, aut ab alijs inuiti acceperunt. Ac ne quis à praua disciplina tantam crudelitatem manare credat, ut Polybius: Americorum australium naturam spectet, qui in cæsorum hostium sanguine pueros mergunt, deinde sanguinem sugunt & membrís concisis epulantur. Est igitur Australium & Scytharum crudelitas longè dissimilis, quòd hi solo impetu ad iram & generosa quadam animi audacia feruntur ad uindictam, tum etiam irritati facillimè placantur: At illi nec facile irritantur, & irati difficillimè leniuntur, tū hostes inuadunt uulpina calliditate, non uia aperta: uictosq; immani suppliciorum acerbitate cruciant. Quæ immanitas partim ab ea tyrannide proficiscitur, quam praua educatio & immoderati appetitus in homine stabiliunt: sed multò magis ab inæquali humorum confusione: hæc autem ab elementis inæqualiter affectis. In elementis enim corpus humanum continetur, sanguis in corpore, spiritus in sanguine, anima in spiritu, mens in anima: quæ tametsi est ab omni concretione libera, contagione tamen ex illa cohærentia plurimū afficitur: ita fit, ut qui sunt in extremis regionibus, ad uitia procliuiiores sint. *Nam:*

Perturbationes animi, quæ ab atra bile proficiuntur, tenacissimè hærent. Nam atra bilis

non aliter à sanguine quàm fex à uino diuellitur.

At australes abundant atra bile, quæ exhaustis ardore cœli humoribus, quasi fex in imo subsidet, & perturbationibus magis ac magis augetur.

Australes igitur planè implacabiles sunt; quales fuerunt Ajax & Martius Coriolanus.

III. Furor. Cōstat australes furore facilius capi, quàm septentrionales. Scribit enim Leo Afer infinitam esse in Africa furiosorum hominum multitudinē, & ubiq; publicas ædes furiosis constitui: quibus etiam abundat Hispaniæ pars illa, quæ australior est. In inferiore Germania nulli ferè ab atra bile furiosi, sed à sanguine, quod genus furoris uulgus morbum S. Viti appellat.

IIII. Voluptas & Venus. Australes omnibus uoluptatibus ac Veneri maximè, dediti sunt. Scythas uerò negat Hippocrates ad Venerem aptos esse, ob nimiam (ut ipse scribit) uentris frigiditatem ac humiditatem, tum etiam ob equitationem, ac propterea infœcundos esse; & cū frustra Venerem tentârint, odio Veneris seipsos castrare. Castrationem uocat alibi uenæ cephalicæ (quæ sub auribus latet) sectionem. Hæc tamen omnibus ferè historicis repugnant. Nam Gothorum, Scytharum & Germanorum tanta fœcunditas est, ut
non

non modò Septentrionis: uastitas solitudines
ac syluas maximis urbibus decorarint: sed e-
tiam in uniuersam Europam colonias mise-
rint: non tantum Germani ultra Danubium,
uerum etiam Scandi in extremis Scythiæ fi-
nibus positi. Illinc Methodius & Paulus Dia-
conus exercitus, quasi apum examina erum-
pere consueuisse tradunt. Iornandes uerò ho-
minum uaginam, Olaus eorundem officinam
appellant: quòd inde Gothi, Gepidæ, Hunni,
Cimbri, Longobardi, Alani, Burgundi, Nor-
mani, Picti, Heruli, Sueui, Sclauī, Suiceri, Ru-
gi originem traxerunt. Cùm autem Scythæ
calidi sint & humidi, unde fœcunditas inge-
neratur: dubium nō est, quin omnium popu-
lorum fœcundissimi sint. Ac nescio quonam
modo Hippocrates Scythas uentre frigidos
esse putat: id enim falsum esse, natura ipsa de-
monstrat. Nam quæ ratio est ut hyeme maior
sit in uisceribus, quàm in æstate calor (id enim
feruens ore fumanti halitus significat) eadem
est ijs, qui septentriones incolunt: ac propte-
rea sunt hyeme uiri ad gignendum aptiores;
nō salaciores, ut putauit Aristoteles. Nam sa-
laciores sunt æstate uiri (propter acrimoniam
flauæ bilis, quæ æstate copiosior est) minus ta-
men idonei: ita quoq; australes salaciores: se-
ptentrionales uerò magis idonei. Hippocra-
tis quoq; rationem cur Scythæ ad Venerem

minus idonei sunt: quia braci & equitatione perpetua utuntur: Aristotelis testimonium & quidem certissima ratio, quam affert in quaestionibus, refellit, cum salaciores sint qui equitare consueverunt. Septentrionales itaque sua pte natura intemperatissimi in potu, cibo, ira, alea, rapinis. At australes, qui plus habent rationis & consilij, à ratione impetrarunt, ut liberius peccare suauitatis causa liceret. Cum enim difficillime se continere possint, tum uero promiscuos beluarum & hominum concubitus usurpant: unde tot monstra pariunt Africae regiones.

V. Zelotypia. Australium & Pœnorum apud Leonem incredibilis est Zelotypia, à qua Germani longissime absunt. Cæsar quoque scribit Britannos duodenas uxores habere communes & fratres cum sororibus, parentes cum liberis. Itali hunc morem ferre nunquam potuerunt, multo minus Hispani: qui amore ac Zelotypia sæpè insaniunt: Pœni uero & Americi mortem præstabiliorem ducunt. Est igitur causa generationis à calore & humore: libidinis, ab utraque bile: à flaua quidem propter acrimoniam; ab atra uero propter spumam & flatum, qui plurimus est in eo genere bilis. Atque id uoluit Aristoteles ubi disputat cur melancholici salaciores sint: argumento est, quod qui acris & flatulentis cibis

bis utuntur, salaciores euadunt, eoq̃ magis fribilis ex adustione actis uel falsa euaserit. Hinc fortassis poëta Venerem fingunt maris spuma natam.

V I. Lepra. Habent etiam australes exatrabile quod lepra laborant, qui propterea morbus Punicus à ueteribus appellatur: non propter ruborem (cùm australis lepra iudicio Mosis & Plinij nihil habeat ruboris) sed quoniam illinc originem habet. Illinc etiam morbus Arabum, qui *القمل* & à quibusdam, ab alijs *البرص* & uiriligo appellatur. Nam ante Pompeium M. nullos leprosos uiderat Italia, teste Plinio, quem morbum Aegypti peculiarem esse tradit.

V I I. Tristitia. Facit etiam atrabilis ut australes tristes sint ac demisso uultu, incessu tardi & cogitabundi: septentrionales læti & alacres propter sanguinis copiam. Ideoq̃ australes ad maxima corporis & animi uitia procliuues sunt, cùm malè fuerint ab atrabile constituti: sin bene temperata fuerit ea melancholia, quæ dicitur abradens (sunt autem multa genera) egregias corporis & animi uires adipiscuntur: liberi enim sunt ab infinitis morborum generibus, quæ à repletionè, fluxione & sanguine putri deriuantur.

V I I I. Morbi. In Africa rarissimæ ac leuissimæ febres sunt, propter humoris interni &

caloris inopiam. Quartana uerò (quæ melancholiæ propria est) semel curata, ut ait Hippocrates, nunquam recurrit. In septentrione patres à sanguine febres, tumores & œdemata, morbi comitiales, conuulsiones, cæcitates, quò longius à medio receditur: quorum una ratio est, crassi humoris & excrementorum copia, quæ exigua sunt in australibus. In media regione grassantur pestes, propter aëris frequentes mutationes, cum in extremis perpetua sit hyems aut æstas: in medio, ueris etiam & autumnî magnæ mutationes. Hinc etiam morbi articulares, tertianæ, herpes & gāgræna, quam ineptè dicam an impiè acceptam ferunt D. Antonio.

IX. Vitæ longitudo & breuitas. Falluntur qui putant mediæ regionis homines, quò ab extremis longius absunt, salutem aut uitā habere diuturniorem. Australium enim natura congruit cum calore: Scytharum cū frigore: qui in medio sunt, tametsi cæteris temperatiores uidentur, nihilominus à calore & frigore oppugnantur, & frequentes habent aëris mutationes, quæ morbos pariunt & senectam præmaturam. Hinc discrepantes opiniones de uitæ breuitate. Putauit Aristoteles diutius ad nostrū uictitari, Plinius ad septentrionem, Galenus in mediâ regione, quā ipse in Asia minore collocauit, ubi homines opti-
mo

mo temperamento esse putat. Gallos uero, Scythas, Aegyptios, Arabes, ne per somnium quidem eiusmodi temperamentum attigisse. Idem tradit Hippocrates, omnia pulchriora, maiora & meliora in Asia nasci: quæ partim uera, partim etiam falsa mihi uidentur. Nam maiores sunt, qui ad septentrionem & quidem præstantiore forma, id'que Iosippus, Cæsar & Tacitus de Germanorum mira magnitudine testantur, & ueteres formam Gallorum (quos à candore candido lacteos seu Galactas ipsi Asiatici uocarunt) & Gallicos uultus quasi prouerbio Tertullianus usurpauit: in eo tamen genere Britannis inferiores uidetur. Sed Galeno ignota fuit Gallia, quam ut uideret, à M. Aurelio rogatus adduci non poterit. Cum autem uita diuturna calido & humido sustineatur: par esset ad septentrionem diutius uiui. Atque hinc fortasse Plinius Hyperboreos annoso æuo uitā protrahere putauit. Et quidem notum est in Britannia ultra centesimū annum uiui, nec dubito quin Scytharum uita longè diuturnior esset futura, nisi potu ac cibo seipsos obruerent. Australium quoque uitam longissimam esse, ueterum ac iuniorum scripta testantur. Tamen si enim calore & humore copioso minime abundant: excrementa quoque multa desunt, quæ senectam & interitum asserre omnium consensu putatur. Nam

quò minus plantæ habent incrementi, eò diutius uigent, ut est apud Theophrastum. Alij temperatiore cœlo uitam protrahi longiorem arbitrantur. Nam Italia multos alit, qui centesimum annum his quoq; temporibus superarunt. Plinius ex censu Romanorum annos 140 quosdam uixisse tradit. Australes autem longiore uita fruuntur, maximè tamen Numidæ, cum annosæ cornices (quæ nihil ferè caloris, minus etiam humoris habent) quatuor hominum ætates implere dicantur. Præterea Elephantes (qui Aristotelis ac Iubæ testimonio uitam omnium animantium superant) non alibi quàm ad austrum reperiuntur. Itidem palma, quæ interdum annos mille uigere dicitur, non nisi ad australem plagam alipote est. Quin etiam aurum & adamas (quæ à seipsa nunquam interitum sentiunt) ad austrum optima, nulla ferè ad septentrionem. Neq; enim uerū est ab optimo temperamento (ut putat Galenus) uitam effici longiorem: alioqui lapides plantis, plantæ animantibus, elephas & coruus homine temperatiore essent, quod absurdum sit: cum ingenij præstantiam ab optima temperie iudicari putet.

X. Virtutes & uitia iam cum animus corpori præstet, maior que uis ingeniorum sit ad austrum quàm ad septentrionem: dubiū non est quin potior mundi pars ad austrum posita sit,

ta sit, & maiores sint in australibus, quàm in Scythiis uirtutes: uitia quoq; maiora in quacunque partem inclinarint. Hinc Liuius cum Annibalis uirtutes commemorasset: Has, inquit, tantas uiri uirtutes ingentia uitia æquabant: inhumana crudelitas, perfidia plusquàm Punica, nihil ueri, nihil sancti, nullus Deum motus, nullum iusiurandū, nulla religio. Neque enim stupidi homines & rustici ualde flagitiosi esse possunt, sed in magnis ingenijs (ut est apud Platonem) magnæ uirtutes aut uitia inesse consueuerunt: & quemadmodum fecunda tellus, nisi excolatur, magnam nocentium, herbarum uim profert: & modicè culta, ualde frugifera fit: sterilis uero neq; salutes, neq; noxias herbas, nec quicquam omnino nisi maximo labore parit: ita quoq; de australium ac Scytharū ingenijs iudico. Quare non mirum si omnes propè historici ac poetæ iam inde ab Aeschilo, magnam Scytharū innocentiam laudant, malitiam australium insectantur.

XI. *Studia & inuenta.* Et si Aegyptiorū, Arabum, Chaldæorum superstitionem, impietatem, magiam, flagitiosas libidines & crudelitates historici insectantur: ab iisdem tamē literæ, bonæ artes, uirtutes, disciplina, philosophia, religio, humanitas deniq; ipsa in orbē terrarum, uelut à fonte profluxit. Neq; tamen

Scythis sua industria defuit, neq; item ijs, qui mediā regionē tenent, sed egregias à Deo immortalē dotes sunt consecuti: Australes itaq; diurno contēplādi studio (quod atræ bili cōgruit) pulcherrimarū scientiarum autores ac principes fuerūt: naturę arcana detexerūt: mathematicas disciplinas inuenerunt: deniq; religionis, cœlestiumq; siderum uim & naturā primī perspexerunt. Scythæ quòd essent ad contemplationem minus idonei, propter sanguinis & humoris copiam (quibus ita mens orbruitur, ut uix unquam emergat) ad ea quæ sub sensum cadunt: id est, ad artes & opificia tractanda, spontē ferri cœperunt. Hinc à septentrionibus ea, quæ mechanica dicuntur, belli tormenta, fusoriæ artes, typographia, quæq; pertinent ad metallicam artem, quam ita tractauit Georgius agricola Germanus, ut Aristoteles ac Plinius in eo genere nihil intellexisse uideantur. Nec mirum si Germanos & Britannos accire solent Itali & Hispani, quòd cœlesti quodam munere occultas terræ uenas inuenire, & inuentas aperire norunt. Iidem quoq; alumni Martis militarem disciplinam antea semper & nunc quoq; incredibili studio colunt, arma tractant, montes æquant, aquas deriuant: scq; totos uenationibus, agriculturæ, pecuariæ, aut ijs artibus, quæ opera moluntur, dare consueuerunt, ut illorum ingeniū

in manu positum esse uideatur, quod satis indicat omne genus supellectilis & instrumentorum, quæ ab illis tam artificiosè, tam affabrè fiunt, ut ea cæteri populi mirentur, imitari nō possint. At mediæ regionis homines, neq; ad occultas scientias ita nati, ut australes, neque opificijs ita dediti sunt, ut septentrionales, sed ad res agendas omnium aptissimi. Nam ab his primū profecta sunt instituta, leges, mores, atq; optima Reip. moderandæ ratio: tum etiam mercatura, gubernatoria, oratoria, dialectica, imperatoria deniq; disciplina. Et quidem constat in Asia, Græcia, Assyria, Italia, Gallia, Germania superiore (quæ inter polum & æquatorem à 40. ad 50. gradum interiacent, maxima imperia semper floruisse, & ab illis regionibus summos Impp. optimos legumlatores, æquissimos iudices, prudentes iuriscōsultos, disertos oratores, sagaces mercatores, clarissimos deniq; histriones & fabularum actores ortum habuisse. Nulli ab Africa, multo minus à Scythia iurisconsulti, nulli oratores, rari poëtæ, pauciores historici, paucissimi qui copiosam & uberem exercean mercaturam, qualem Itali, Græci, Hispani, Asiatici. Queritur itaq; Galenus nullos unquā à Scythia philosophos præter Anacharsim, innumerabiles à Græcia fluxisse. Scribit quoque Iulianus Imp. Celtas nec philosophiæ, nec di-

sciplinis mathematicis operam dare : sed in
Dialecticis ferè ac Rhetoricis acquiescere.
Hinc Iuuenalis:

Gallia causidicos docuit facunda Britannos.

Quod experientia diuturna comprobauit:
neq; enim usquam terrarum plures causidici,
nusquam ciuilis scientia maiore studio colitur:
occultæ uerò scientiæ ac mathematicæ disciplinæ ualde frigent. Contrà uerò australes,
quod assidue contemplantur, propter insitum
atræ bilis humorem, seipsos à rebus agendis
spontè subducunt, ac desertissimas solitudines
quærunt. Contemplationis autem & meditationis (quæ pretiosa mors ab Hebræis & Academicis appellatur) ea uis est, ut ingenium acuat & hominem ab homine seiungat:
quod cum adeptus est, non modò rerum naturalium arcana uidet, sed etiam perniciosas
in cœlum purgata mente fertur. Quod igitur
de una ciuitate: idem quoq; de mundana Re-
pub. iudicandum relinquitur. Sicut enim sapientes precibus & monitis, prudentes imperio & iussu, robusti uiribus & executione Re-
pub. tuentur (nam in his tribus partibus, decretis inquam, edictis & executione Reip. continetur) ita distributis populorum muneribus.
australium sapientia, Scytharum robur, medi-
orum prudentia quodammodo propria est.

Id quod

Id quod etiam in animæ partibus uidere est: etenim mens ipsa monet, ratio iubet: sensus autem ueluti satellites ad exequendum adhibentur: & in triplici animæ facultate animali, uitali & naturali: una quidem à cerebro motū & sensum: altera à corde spiritum uitalem: tertia ab epate uegetationem. Neque enim melius, opinor, insita populo cuiq; natura intelligi potest, quàm si μικρόκοσμος hic cum magno homine: id est, cū mundo cōferatur. Itaq; populorū ratio, triplex, conferri potest uariē:

- | | | | | |
|---|--|---|--------------------------|---|
| <p>1. Cum mūdo triplici: est enim uel</p> | <p>{ Intellectilis, ubi mentes.
Cœlestis, ubi sydera,
Elementaris, ubi rerum ortus & interitus.</p> | | | |
| <p>2. Cum animorum triplici ordine: nam</p> | <p>{ Primus puras hominum mētes in Deum conuertit.
Secundus Resp. moderatur.
Tertius circa materiam & formam occupatur.</p> | | | |
| <p>3. Cū triplici anima ui, ut cum</p> | <table border="0"> <tr> <td data-bbox="217 1179 445 1406"> <p>{ Scientia.
Prudentia.
Arte.</p> </td> <td data-bbox="445 1179 580 1406"> <p>quæ posita est in</p> </td> <td data-bbox="580 1179 843 1406"> <p>{ Cōreplatione.
Actione.
Effectiōne.</p> </td> </tr> </table> | <p>{ Scientia.
Prudentia.
Arte.</p> | <p>quæ posita est in</p> | <p>{ Cōreplatione.
Actione.
Effectiōne.</p> |
| <p>{ Scientia.
Prudentia.
Arte.</p> | <p>quæ posita est in</p> | <p>{ Cōreplatione.
Actione.
Effectiōne.</p> | | |

4. Cum $\left\{ \begin{array}{l} \rho\omicron\upsilon\eta\tau\iota\kappa\tilde{\omega}. \\ \theta\upsilon\mu\iota\kappa\tilde{\omega}. \\ \iota\pi\iota\theta\upsilon\mu\eta\tau\iota\kappa\tilde{\omega}. \end{array} \right\}$ ex ui $\left\{ \begin{array}{l} \text{cerebri.} \\ \text{cordis.} \\ \text{iecoris.} \end{array} \right\}$

5. Cum planetis $\left\{ \begin{array}{l} \text{Saturno \& Venere.} \\ \text{Ioue \& Mercurio.} \\ \text{Marte \& Luna.} \end{array} \right\}$

6. Cum mem-
bris interiori-
bus, ut $\left\{ \begin{array}{l} \text{Liene.} \\ \text{Corde.} \\ \text{Cysti fellis \& iccore.} \end{array} \right\}$

7. Cum conuersionib. mundi. Sicut enim sex annorum millibus mundi elemētariis conuersionem ex Eliæ Rabbini coniectura fore aiunt: ita quoq; duobus annorū millibus homines religione ac sapientia præstiterunt: siderumq; cœlestiū motus ac naturæ uim uniuersam magno studio conquieserunt: duobus item annorum millibus in constituendis ciuitatibus, in legibus sancientiis, in coloniis deducendis occupati fuerunt. Quibus temporibus à Saturno ad Iouem, ab australibus ad mediæ regionis homines imperia sunt delata. Consequētibus annorum millibus: id est, à Christi morte, uariæ artes antea incognitæ & opificia in lucem uenerunt: tum etiam bel-
lorum

lōrum motus ingentes, idq; toto terrarum orbē, cū superstītio Iouis atq; imperia abrogata & ad Scythas Martis alumnos trās lata fuerunt. Atq; hinc repentē legiones Gothorum, Burgundionum, Herulorum, Francorū, Longobardorum, Anglorum, Britānorum, Hunnorum, Vandīlorum, Gepidarum, Normanorum, Turcarum, Tartarorum, Moscouitarum, Europam & Asiam impleuerunt.

XII. Leuitas & constantia. Quodd si uitia sunt extremorum, consequens est, ut si pertinax Australis: Scythia leuis sit, intermedius constans. Certē barbari & qui minus habent rationis, ad beluarum similitudinem propius accedunt, quę ut facīlē irritantur: ita facīlē placentur, & paulo momēto huc illuc sine ratione feruntur. Consimiliter pueri ac scēminæ amicitias contrahunt ac deponunt, homīnes consilij participes non item: & in hominum genere quō quisq; plus ingenio ualet, eō minus ad amicitias, uel odia, uel opiniorum nouitatem trahi solet: eō tamen pertractus ægrē diuellitur. Ac rectē intuenti, australes, intermedij & Scythæ, senum, uirorū & adolescentium mores & humores habere uidentur. Scythæ quidem humidi & calidi adolescentium in modum: australes frigidi & sicci, quod senibus congruit: qui mediā ætatem attingerunt, temperiem optimā consequuntur. Adolescen-

lescentes cupiditatibus & ἐπιθυμίᾳ intemperanter laborant, quod epatis & uulgi proprium est. ὑματάβολοι δὲ καὶ ἀψήκοροι πρὸς τὰς ἐπιθυμίας καὶ σφόδρα μὲν ἐπιθυμοῦσι, ταχὺ δὲ παύονται: id est, cum sint leues ac mutabiles, eos repente fastidium ac desiderium capit nouarum cupiditatum. Repentinæ eorum uoluntates, nec tamen diuturnæ. Ambitiosi, audaces, iracundi, faceti, prodigi, non improbi, sed ὑπερῆς ac simplices, ἧς τὸ μὴ τιθεῖσθαι νόμον πονηρίας: id quod ignorantia tribuitur, non uirtuti: sed etiam ualde creduli sunt & inani spe pascuntur. Series contra. Qui uerò mediam ætatem tenent, omnia sunt mediocriter consecuti.

XIII. Sobrietas, ebrietas. Australes propter caloris inopiam, cibo ac potu statim obruuntur: Scythæ uerò si uelint, se cohibere nō possunt facile, cum urgeantur ab interiori calore, & ingenij uiribus deferantur.

XIIII. Luxus, sordes. Scytharum sordes in conuiujs olim parum admodum differebant à pastu bestiarum. Tacitus de ueteribus Germanis: sine apparatu, inquit, ac sine blandimentis expellunt famem: in omni domo nudi ac sordidi: in hos artus, in hæc membra, quæ miramur, excrescunt: inter eadem pecora, in eadem domo degunt. Scythæ uerò ubi fames ingruit, equorum secta uena sub auriculis sanguinem fugunt, & car-nibus

nibus equorum epulantur, ut de Tamerlanis exercitu proditum est. At australes mundi sunt ac nitidi, nec sordes ferre possunt, idque facile intelligitur ex illis quibus utuntur lauacris ac balneis, non tantum in sacris, sed etiam in priuatis rebus: neque solum ex ueteribus & Xenophonte, uerum etiam ex Aluarefio planum fit, quorum alter apud Persas quoquo modo spueretur turpe: alter apud Abyssinos uel mucorem, uel sputum excreare in templis, pro insigni flagitio haberi scribit. Athenæus uero Asiaticorum & Aegyptiorum delicias incredibiles tradit: in quo genere cum M. Antonius nobilis decoctor à Cleopatra facile uinceretur, Romanos uelut ineptos ac barbaros, seque ipsum irrisit. Omitto Persarum præmia lege tributa his, qui nouas uoluptates inuenissent.

XV. Gestus, actio, uox. Scythæ suauitatem orationis ac Veneres dicendi respuunt, ut ex eorum sermone & literis sine uocalibus asperrimè collisis intelligitur, nec Lydium modum ferre possunt: sed uocis asperitatem affectant, ut scribit Tacitus, barritumque accendunt animos fracto murmure obiectis ad os scutis, quò uox plenior & grauior intumescat: tubas & tympana libenter audiunt, si des negligunt. At australes suauis contentus & Lydios modos fidibus consecretantur.

XVI. Con-

XVI. Conuictus. Amant Scythæ mirrū in modum societates, & cœtus hominum inter ipsos: hinc Nomades à ueteribus dicti, & his quoq; temporibus Hordæ, ut Tartari uocant, cum infinita multitudine uagantur in agris. Australes solitudinem quærunt & in syluis delitescere, quàm in luce populi uersari malunt.

XVII. Musica. Scythæ Phrygio modo sæpius utuntur: Australes Lydio. Medij Dorio ferociores fiunt, & Martem, ut ait poëta, cantu accendunt. Lydii australes etiam molliores reddit. Dorius naturæ congruens, motus animorum ad uirtutem & honestatem dirigit. Lacedæmonij tibia: Cretenses cithara utebantur in bellis: non ad cohibendam iram, ut Thucydides & Plutarchus scripserunt (est enim iudicio Platonis & Aristotelis, utiliter hominibus ad ultionem tributa) sed cum nulli sint Cretensibus & Lacedæmonijs australiores in Europa, suæ naturæ inserviiebant. Et ut in summa de Septentrionalibus, medijs & australibus concludamus, contrariorum est contraria disciplina. Igitur si australis ater est, septentrionalis candidus: si magnus hic, ille paruus: hic robustus, ille debilis: hic calidus, humidus, ille frigidus, siccus, hic pilosus, ille glaber: huic rauca uox, illi clara: hic calorē meruit, ille frigus: hic letus, ille tristis: hic sociabilis,

lis, ille solitarius: hic audax, ille timidus: hic uinofus, ille sobrius: hic sui & alieni negligens, ille circumfpectus & cerimonijs deditus: hic rusticè arrogans, ille animo elatus: hic prodigus, ille parcus: hic minimè salax, ille salacissimus: hic sordidus, ille nitidus: hic simplex, ille uersutus: hic miles, ille sacerdos: hic opifex, ille philosophus: hic manibus utitur, ille mentes: hic terræ uenas, ille coelestes inquit.

II. DE NATURA ORIENTALIS
lium & occidentalium.

De ortu & occasu in locis planis & æqualibus iudicare difficile est, cum reuera nihil oritur, nihil occidat: sed in locis inæqualibus magnum utriusq; discrimen esse, non modò medici, sed etiam rustici & architecti maximis argumentis depræhenderunt. Vt ager Taurinus orientalis est, quòd Alpes ad occasum positas habet: Palæstinus occidentalis, quòd Hermon & Libanum spectat ab ortu: tametsi Sol in æquatore citius oritur Palæstinis, quàm Taurinis hora ferè ac dimidia. At cū lux oriens maleficā & crassam aëris obscuritatem moderato calore perpurgat, efficit regionem multò temperatiorem: cum autē maximis ardoribus flagrat Sol: id est, post meridiē, orientali regioni occidit & oritur occidentali. Hinc magnum discrimen inter Allobro-

ges & Taurinos, qui sunt in eadem latitudine ac longitudine. Hoc quidem rationi congruit, sed in locis æqualibus certa ratio nulla uidetur cur Galatia minoris Asiæ, ab Italiæ Cæpania differat, cum in eadem latitudine sint. Est tamen Hebræorum, Græcorum & Latinorum summo consensu (quem experientia diuturna comprobauit) temperatior ac melior situs orientis quàm obitus. Hinc Ezechiel de electis facie ad orientem conuersa adorasse scribit: & Esaias iustitiam ab oriente proficisci. His enim testibus libenter utor, quòd rerum naturalium ac diuinarū uerissimi interpretes sunt.

I. Pestis. Plinius lib. 7. scribit obseruatione diuturna compertum esse pestem ab ortu ad occasum ferri: ut si contra fiat, pestem ubiq; grassaturam ominentur. Ammianus scribit Seleucia direpta & aperto templi adyto quodam Chaldæorum arcanis concluso, labem exiuisse incurabilium morborum, qui Marci ac Veri temporibus, ab ipsis Persarum finibus, ad Rhenum usq; & Gallias cuncta contagione ac multitudine morientium fœdarunt. Non multò post ab Aethiopia uersus septentriones pestis uniuersum penè terrarum orbē populata dicitur. Huius quidem perspicua ratio est, cum Auster humiditas septentrionis regiones affluit, calore putredinem augente.

Est

Est igitur causa proxima in uentorum uarietate. Nam uenti ab austro spirantes calidi humidi: à septentrione frigidi sicci. Sed quia uenti à cardinibus & decumanis spirantes, leniter flare consueuerunt: non efficiunt illam aëris uarietatem, quam qui à laterib. oriuntur: quia cum Sol à cardinibus lōgissimè absit, exaltationes uehementes cōmouere nequit: in decumanis uero calor Solis uiolentior uētum excitat, sed eius uim cohibet. Quæ ratio facit ut uere & autumnio uentorum uis multo maior sit, quàm hyeme ac æstate. Causa uero remotior & occulta cui oriens locus occidente melior sit, cum nihil propriè oriatur aut occidat, planè me later: sed quæ consequuntur effectiones perspicuæ sunt & admirabiles.

II. Terminus: Nam terminus orientis est in insulis Moluccarum: obitus uero in insulis Hesperidum. Est enim pars orbis uniuersi dimidia. Nam meridiani harum insularum 180. gradibus à se inuicem absunt. Restat altera pars orbis in qua sita est America infinito maris spacio ab utroq; termino diuisa, ut oriētis & occidentis rationem habere uideatur. Ommitto quàm multa magi de natura dæmonū utriusq; regionis disputant.

III. Vires & ingenium. Aristoteles, Hippocrates, Galenus, Ctesias ubiq; confirmant propositis exēplis omnia pulchriora ac me-

lora in Asia quàm in Europa nasci. Ac tametsi propter ignotas regionum latitudines sæpè labuntur, nihilominus tamen ijs nostra ætate planè cognitis compertum est in eodem cœli tractu populos ad occasum corporis viribus longè præstare, orientales ingenio. Nā Celtæ innumerabiles sæpè copias in Italiam, Græciam, Asiam duxerunt: Itali uerò nō prius in Galliam penetrare ausi sunt, quàm imperium ad summum perduxissent & quidem Cæsare duce, belloq; intestino flagrantē Gallia. Hinc laudes Ciceronis & Agrippæ in Cæsarem, quod eas gentes domuisset, quarum impetus Romani sustinere uix possent, laceßere non auderent. At Itali Græcos ita subegerūt, ut nullas acceperint offensiones. Græci uerò qui suis armis intimos Asiæ recessus aperuerunt, uix unquā in Italiam præterquam Pyrrho rege uenerunt, qui tamen uictus, fuga turpi sibi salutem quæsiuit: ut & Xerxes. Hinc illud Iuliani Imp. Celtæ & Germani audaces, Græci ac Romæ tum bellicosi, tum urbani: Aegyptij magis industrii & sagaces, quam uis imbelles ac molles: Syri cum alacritate & facilitate animi ad disciplinas apti. Quid commemorem quàm cupidi libertatis & seruitutis impatientes sint Germani: quàm tractabiles & quieti Syri, Persæ, Parthi, ac denique populi omnes ad ortum & austrum: Hæc ille in

libris aduersus Christianos: ubi uim ortus & occasus aperte demonstrat. Tacitus uero scribit, Batauos qui ad occasum extrema Germaniæ tenent, omnium ferocissimos ac uirtute præcipuos fuisse, quod Plutarchus in Mario confirmat. Magnitudine quidem præstant, ut omnes qui loca palustria & frigida incolunt. Ita quoque bellicosissimi totius Galliæ putantur qui magis occidui sunt: quod Cæsar ipse primus animaduertit: optimi generis homines, inquit, ex Aquitanis & Rhutenis. Omnium autem Europæ populorum maxime occidui Britanni & Hispani, strenuissimi sunt. Habet igitur occasus cum septentrione, ortus cum austro magnam affinitatem: quod non solum uidere est in animantibus naturis, uerum etiam in stirpibus, lapidibus ac metallis, ut uidebimus.

IIII. Metalla. Fama constans est aurum optimum ac gemmas preciosissimas ad ortum & meridiem nasci: cætera uero metalla optima uersus occasum & septentrionem: quod quidem Cardanus cum scripsisset, repræhensus est à Scaligero, sed nulla ratione: id enim artis metallicæ magister Agricola grauissimo testimonio prius comprobat, quam Cardanus scripsisset. Aurum, inquit, totius Europæ laudatissimum affert Hispania Bætica, quæ totius Europæ maxime australis est: Africa ue-

rò Aethiopia. Idem paulò pòst: Oriēs, inquit, & Africa tota caret minio & argēto uiuo: ferrum quoque rarissimum in Africa, frequens in Cantabria (quæ totius Hispaniæ maximè septentrionalis est & Europæ maximè occidua) in Gallia, in Germania. Idem: Ferrum omnium præstantissimum apud Suecos & Ostrogothos, quod Osemuthum appellant.

Quinetiam in Ligijs ad Sagam oppidum in pratis ferrum erui scribit ad altitudinem duorum pedum & decennio renatum fodi, nec altius propter aquas penetrari. Sulphuris uerò nusquam terrarum maior copia quàm in insula Thule, quæ Islandia dicitur: unde in uniuersam Europam aduehitur. Idem tradit nusquam in Germania inueniri, præterquam in Goldgranacho & Carpatho monte, qui cum metallis omnibus abundat, tum uerò Germaniæ terminus est ad ortum, & ad meridiē uergit. At ex Siderocapsa Turcæ quotannis ducenta aureorum millia eruere dicuntur: ferrum tamen difficilius inuenitur. Itaq; Turcæ in urbium direptionibus ferrum multò magis expetunt, quàm es aut stannum: & quemadmodum ferrum ad septentrionem penè in ipsa superficie terræ: ita aurum ad meridiem in agris & arena pura reperitur. Tradunt enim in regno Damuti iuxta montes Bet ultra Capricornum, aurum post imbrium copiam detegi.

gi. Et ut cætera metalla ignea ui coquuntur ad septentrionem in montibus Pyrenæis, Iurasso, Cemenio, Alpibus, Carpatho, Rhodope, Pangæo, Laurio, Tmolo, Caucaſo: ita quoq; ad meridiem, aurum non igneo calore, ſed ſyderum cœleſtium ui & ardore Solis, uelut in ſuperficie terræ & arena, conflatur. Non aliter australes & orientales homines cœleſti calore ac ſyderum ui ſuſtinentur: occidui uerò & ſeptentrionales ignea flamma intus concepta. Quare cum à ſingulis ad uniuerſa relabor, tum intelligo in ſeptentrionibus interiora calida humida, exteriora frigida ſicca: aſtri uerò interiora frigida ſicca, exteriora calida humida: ortum uerò & obitum temperatiora. Patet hoc in purioribus naturis & elementis, quò magis ſunt à concretione libera. Nam cū ær ſurſum ac deorſum æſtate incaluit, tantum frigus in media regione cogitur, ut grandines, quæ hyeme non poſſunt, eo tempore maximo pondere concreſcant. Sic terra Solis ardoribus uſta, frigus cohibet: quæ tamen cum omnia gelu obriguere, intus calorem coërcet: idq; uidere eſt in puteis, qui calorem conceptum hyeme exhalant, æſtate frigidiffimi ſentiuntur. Cum igitur in ſeptentrionibus perpetuum quodammodo frigus: ita perpetuus calor occupat interiora, non modò terræ ipſius, uerum etiam animantium & plantarum,

ut (quod ait Empedocles) calidum in frigida , frigidum in calido natura collocasse uideatur.

V. Sylvarum & arbores Iam uerò cum stirpium & animantium alimēta sint à calore & humore: ita sylvarum & animantium magna copia est in septentrionibus. Hinc Plinius Germaniam sylvarum altissimarum miraculo plenā esse tradit. Quin etiā Vitruuius altissimas arbores in Apennino, quā septentrionem spectat, nasci scribit: & ea quæ sub polo esse dicuntur Gronlandia, nomen habet à uiriditate ac multitudine sylvarum. In Africa nullæ sylvarum, præterquam in montibus, quæ naturam habent septentrionis: & paulatim arbores proceræ æquæ ac homines meridiem uersus eunt minores uidentur. Sunt enim in Gallia Narbonensi quercus bipedales, quæ fructum ferunt, nec altius excreſcunt. Conſimiliter metallorum omnium, præterquā auri, uis in septentrione maxima: nulla ferè in austro, nisi in montibus altissimis.

VI. Eruptiones ignium. Versus septentrionem eruptiones ignium & incendia maxima feruntur. Nam Chimera, Gazeuale, Vesuuſus, Aetna, Picus, Carpathus, ipsaq; terrarum ultima Thule (est enim in 70 gradu sita ac penè tota maximis incēdijs ardet) tum pleraq; loca quæ Olaus in Gothiæ descriptione
nota.

notauit, perpetuis ignibus flagrant: & Pyrenæi ab incendijs nomen habuerunt. Ultra 30. ab æquatore gradum nullæ memorantur: nec aquarum calidarum balnea, cuiusmodi sunt in Italia, Gallia, Germania & extrema Gothia. Illud est opinor quod Pîcus Mirandula obscure admodum significat, his uerbis: Qui cognouerit proprietatem Aquilonis, intelliget cur Deus mundum iudicabit per ignem. Atq; hæc uetus est non modò Pîci, sed etiã Heracliti, ut ait Plutarchus, & Hebræorum opinio, qui mundum aliquando deflagaturum, ignesq; non è cœlo delapsuros (ut putat Magianus) sed ex intîmis terræ uisceribus erupturos confirmant. Hoc autem incendium ad septentrionem non ad austrum fieri necesse est, cùm hic aquæ, illi c terræ globus promineat, qui conceptos ignes alit.

VII. Aestatis calor. Ad septentrionem (ut Aristoteles ait) febres acutiores sunt & caloris uis æstate, quàm ad austrum maior. De febris ratio est in promptu, quæ coactis meatibus, facit ut etiã hyeme ubiq; acuti morbi grauiores sint quàm æstate. Sed absurdum uideri possit, in Europa homines, magis æstate calere quàm in Africa: illud tamen quasi cognitum ponit Aristoteles: & quidem Aluarefius scribit Abîssinum Aethiopem, quo die Lusitaniam appulerat cum Legato Præteia

nis, calore extinctum fuisse. Iam uerò Hispani, queruntur in Gallia se maiores æstate, quàm in Hispania sentire calores. Quinetiam fertur ardenti æstate maiores esse calores in agro Dāriscano: id est, ad mare Balticum, quàm in locis magis australibus. Et à Nicolao Seuerino Dano accepi in Suecia templum esse, cuius latus austrinum Soli obuersum calore eiusdē denigratum sit. Quæ ratio fecit, ut opinor, ut Germani (Tacito autore) hyeme, uere æstate annum definiant: autumnī bona perinde ac nomen ignorent. Danī uerò hyeme & æstate, ut Pœni, qui ueris & autumnī rationem non habent, ut Leo Afer scribīt. Causam caloris septentrionalis ad aëris inertiam & crassitē referemus. Est enim Europa & Scythia plena fluminibus, qui ex humore interno fluentes, efficiunt limosa & palustria loca: hinc uapor densus æstate sursum euehitur, qui cōcepto calore ardentius urit, quàm aër Africæ tenuis propter fluminum inopiam. Vt igitur ignis ardentius urit in metallo conceptus quàm in ligno, & in hoc quàm in culmo: sic in aëre crasso uehementius flagrat, quàm in tenui. Quare ij, qui thermas sumptu minore calefieri uolunt, solum aspergunt aqua, ut uapor elatus & aër crassior factus, calorem sustinere possit. Argumento est etiam illud, quod æstate pluuio cœlo, sudore & calore multo magis

magis diffluimus ac lāguemus quàm aëre sereno : neq; tamen propterea dicemus, exteriora septentrionis australibus calidiora, quæ suapte natura sunt frigida sicca : sed flantibus austris, elatisq; uaporibus, aër calorem melius concipit ac tuetur. Africæ uerò terra, lapides, aquæ calefactæ multò uehementius uirunt, quàm in Scythia propter radiorum acumen. Commodius itaq; ab Aristotele dici potuit, maiores aëris inflammationes æstate fieri ad septentrionem, quàm ad austrum. Atque hæc in uniuersum de moribus populorum, qui regiones planas & equabiles colunt. Nūc singularium discrimen in locis montanis, palustribus, aridis, uentosis, tranquillis uideamus.

LOCA MONTANA.

Hoc inter plana & montana interest in hominum naturis, quod inter austrū & septentrionem : & eadem fermè temperatura, si loca plana non fuerint palustria. Vt enim maximū frigus ad septentrionem, æquabiliter fusum est in planis : sic ad austrum in mōtanis & media regione aëris, tanta uis est frigoris ex antiperistasi caloris, ut non magis Hyperborei (si tamen ulli sunt) quàm Lunæ montes aut Picus in insula Tenarife mōs omnium altissimus, gelu cōcrescant. Id faciliè colligitur æstatis

eis habita ratione, quatum maximè grando
 in media regione aëris cogitur, quod hyeme
 uix unquam contingere uidemus: quia frigus
 ubiq; dispersum, minorem uim habet. Falsum
 est igitur quod putat Auerroës, qui plantas &
 animantia uegetiora esse putat in montibus,
 quòd cœlo propiora sint. Sic enim diuinio-
 res essent mōtani homines ac magis ingenio-
 si: qui tamen ualde rudes ac barbari ab omni-
 bus appellantur. Falsum etiam quod Hippo-
 crates scribit, mutationes temporum in mon-
 tibus efficere hominum feritatem ac proceri-
 tatem. Cum autem planæ regiones septētrio-
 nis ferè aquis immersæ sint, montes nō item:
 necesse est montanos duriores, robustiores, ac
 uitæ longioris esse, eoq; meliore habitu, quò
 montanæ aues & pecora palustribus, & mon-
 tanæ arbores reliquis præstant. Et quoniam
 nulla ferè iuga, sed latera montium coluntur:
 tēperatior est ac magis salutaris ea pars, quæ
 ad septentrionem conuertitur, ultra quintum
 & quadagesimum à polo gradum: citra uerò
 salubrior quæ ad austrum. Est enim magnum
 utriusque discrimen: quod satis intelligunt n̄
 qui uel in montibus iter habuerūt. Quod igitur
 de media regione ac populorum moribus
 diximus, non pertinet ad eos, qui in Alpibus,
 Pyrenæis, Cemenò, Acroceraunijs, Hæmo,
 Carpatho, Olympo, Tauro, Stella, Caucaſo,
 Imao,

Imao, & Aruernię montibus siti sunt, tametsi
 cœli tractus est omnium temperatissimus. Ab
 australibus etiam excipiendi sunt accolæ At-
 lantis, Arabiæ montanæ, Berhæ, Angeli, Pici,
 Serraleonæ (qui mons ὄχυμα θιῶν à Plinio uo-
 catur) sunt enim montani duri, agrestes, belli-
 cosi, laboris patientes, minimeq; ingeniosi:
 ideoq; non tantum in montibus septentrio-
 nis, sed etiā in ipsa Atlante, qui Tropico pro-
 ximus est, magni ac robusti homines nasci di-
 cuntur: unde legiones conscribunt Maurita-
 niæ ac Numidiæ reguli. Illud certè admi-
 ratione dignum est, quòd qui montes Arabiæ
 tenent, nunquā feritatem & animi robur de-
 ponere potuerunt: sed aut naturę uiribus, aut
 locorū præsidio freti, in summa libertate sem-
 per uixerūt. Quinetiam Turcarum princeps
 sexaginta millia aureorum illis tribuere dici-
 tur, ut agro Palæstino ac Damasceno liberè
 fruatur. Iam uerò Marfi, ueteres Apennini ac-
 colæ, omnium Italiæ populorum ferocissimi
 fuisse feruntur: uulgatum est illud: Sine Mar-
 sis triumphasse neminem. Vnde uerò Gosta-
 uus legiones conscripsit, ut Sueciæ regnum
 inuaderet, nisi ex Dalecarliis, qui Sueciæ mon-
 tes occupant: Ex quo intelligitur id quod ait
 Cícero: Ligures montanos, suapte natura du-
 ros & agrestes: maritimos uersutos esse. Omit-
 to quàm diuturna bella montani Cilices &

Acro-

Acroceraunij cum Turcis gesserūt: quam diu potentiam eorum ducibus Caramanis sustinuerunt ac repulerunt.

LOCI PALVSTRES.

Montanis omnino repugnat eorum natura, qui in locis palustribus uersantur, qui propter humoris copiam maiores sunt in eadem latitudine: ut Bataui & Phrysi, qui Rheni ostia tenent, maiores sunt reliquis in eodem tractu Germanis: & Belgæ propter paludes & locorum planiciem, longiores sunt Britannis, quorum regio plana fertur, minimeq; palustris, sed arenosa. Pessimè qui in locis palustribus & calidis uersantur: ut in Aegypto & in Gallia Narbonensi, quâ paludibus est immer-
sa, illic pestes, hydrocele, uiriligo, lepra perpetuo grassantur: illic quoq; uidere est languentes homines & foedos pallore uultus. Est enim floridus color præcipuum temperatę regionis argumentum.

LOCI ARIDI.

Aridę regiones, quantum uis caleant, salubres tamen sunt. Nam Hispania, Numidia, Persia, Chaldæa, Arabia foelix, homines habent alacres, duros, ac cæteris in eodem tractu robustiores. Cum enim Aegyptus, Cyrenai-
ca, Mauritania, Gallia Narbonensis, alba le-
pra

pra infectæ sint : rarissimi tamen sunt in Hispania & Numidia leprosi, ut Leo Afer describit. Facit etiam unius interdum fluminis discrimen, naturas hominum discrepantes cum in longitudinem fluit (ut Danubius, Niger, Eridanus, Tagus, Asopus) quia septentrionales ab australibus diuidit, ne tam facile societatibus & commercijs utantur : quò fit ut capitalibus odijs sæpè dissideant. Australes enim qui Nigrum fl. accolunt, parui, debiles, subcineriti : qui ad septentrionem ex altera parte, maiores ac robustiores sunt ac penitus atri. Nec mirū si Plato Dijs gratias egit quòd Atheniensis esset, non Thebanus: Athenæ tamen ac Thebæ Asopo fl. duntaxat ac 20. circiter miliaribus diuiduntur : sed Athenienses ad austrum, Thebani ad septentrionem conuersi sunt.

LOCI CONCAVI.

Qui sunt in conuallibus ad meridiem maiori calore urgentur, quàm qui in eodem tractu septentrionem spectant : ita ut hi ad Scytharum, illi ad australium naturam magis accedant. Inde fit ut qui Carpatho adiacent, meridiem uersus retorridi sint : ex aduersa parte candidi. Eandem ob causam Galenus homines tabidos in agrum Tabianū mittebat inter Surrentum & Neapolim, ubi uallis ad austrum

strum hyeme quoque Veris temperiem habet. Inde quoque morum dissimilitudines ac discrepantes eorum naturæ, qui Rhetiam, Carinthiam & Croatiam incolunt, ab Istris & Illyricis: & Insubrum à Liguribus & Hetruscis. Sunt etiam qui conuallibus undique ambiuntur, qui maximis caloribus uruntur ultra 45 à polo gradum, propter mutuum radiorum concursum & conclusa undique loca. Cum autem è montibus fontes & imbres limosi fluant, necesse est fertilitatem maximam ingenerari. Neque enim fabulosa mihi uidentur, quæ ueteres de Mauritania & conuallibus utriusque Atlantis prodiderunt, centesimam colligi messem: cum his quoque temporibus Leo Afer quinquagesimam se uidisse fateatur. Certè Plinius scribit, Mauritaniæ procuratorem Augusto tritici granum misisse, quod 400 germina, paucis minus, haberet. Magis incredibile est illud Strabonis de uallibus Tauri montis, racemos duorum cubitorum nasci, & ex una ficu modios colligi 70. eadem ferè de agro Damasceno, in conuallibus Libani montis. Nota est Aruernorum Limonia, Taurinus ager, aurea uallis Pyreneorum, Thessala Tempe, uallis Sedunensis & Carpathi conualles: quæ tanta fertilitate luxuriât, ut montium sterilitatem, conuallium ubertas abundè compensare possit. In hac igitur

gitur frugum copia, necesse est agriculturę deditos esse incolas, rem militarem negligere, otium colere, delitijs diffluere. Id quod Athenæus lib. 12. scribit de Lydis & Vmbris. Vtraque enim regio sita est in locis planis & humilibus. Hinc Propertius Meuaniam sitam loco plano & cauo dixit. Talis etiam fuisse dicitur Sibaritarum, qui neq; orientem, neq; occidentem solem uidebant: quorum delicias & luxū descripsit Athenæus: sed ridiculè Alciatus, qui apud Plautum & Catullum, qui porcos Vmbros appellant, parcos legit. Multo etiam absurdius, quod apud Plutarchum lib. 2. cap. 10. symposiacôn, ὀμβρινὰς δαίτας ad Vmbros pertinere putauit, cum de feris illic agatur. Sic enim ὀμβρίνα & ὀμβρίνανα Aeliano & Aeschilo dicuntur catuli ferarum: & qui ex oue & musimone fero animali nascuntur, Vmbriæ Latinis dicti sunt. Sunt igitur luxui dediti, qui fertiles eiusmodi conualles habitant: contra quam accidit. ijs, qui loca sterilia colunt. Sunt enim in bello strenui milites, in pace ingeniosi opifices, aut diligenter mercaturam exercent. Eam ob rem Atticus ager sterilis, Athenienses habuit artium inuentores (apud quos otium capitale fuisse memoratur) ut Genueses apud Italos, Lemouices apud Gallos, Noribergenses apud Germanos. Beatiores igitur illi copia: hi uero ingenio.

STRVMA. Quoniam aquæ gelidæ ex ni-
uibus coactæ in ualles deriuantur : fit sæpissi-
mè ut struma, uel hydrocele capiantur : præfer-
tem si uallis ad occasum & septentrionem cō-
uertatur. Nam qui Valledocam agri Taurini
uallem incolunt, omnes strumas habent & gu-
læ tumores aut tonsillas : amentes quoq; sunt
& inepti ad loquendum, ut in Aquitania Lab-
dani populī Labdacismo balbutiunt. Atq; hi
morbi ab aquis ad corpora deriuantur, ab his
ad animum transferuntur. Quanta sit aquis
ad mores immutādos uis ac potestas, ex Hip-
pocrate satis intelligitur, nec pluribus opus
est illud tamē animaduersione dignum quod
scribit Plinius: Haliacone fl. Græciæ oues
fieri candidas, Axio nigras, Xantho flauas:
hoc etiam Vitruuius confirmat.

LOCI VENTOSI ET
tranquilli.

Ab aëre uerò, quo maximè uiuimus, uitia
non minora : interdum etiam maiora oriun-
tur. Singulare autem est quòd uentosa loca fe-
rociores homines ac mobiliiores reddūt: quie-
ta uerò humaniores & constantiores. Neque
enim tranquilla mēs potest esse in eo, qui huc
illuc iactatur. Cuius rei argumento est, quòd
in motu ac tumultu cōtemplari nemo potest,
sed purgata mente ac perturbatione uacua, tū
etiam

etiam immoto corpore id fiat oportet: & quod quisque magis sapit, eò tardiores habet corporis & animorum motus: qui uerò insaniunt, perpetuo corpore æquè atque animo iactantur. Itaque nautas, opinor, aquarum & uentorum perpetua iactatio, barbaros & inhumanos reddit. Vt ut sit, compertū est, Thraciam, Galliam, Britanniam, Circassiam, Lybiam desertam, Lusitaniam, Persiam, Noruegiam, Noricum & Pannonias (quæ uentorum impetu magis agitari dicuntur) populos habere mobiliiores ac ferociiores, quàm quæ regiones eodem cœli tractu quietæ sunt, ut Assyria, minor Asia, Italia (præter Liguriam) Aegyptus, ubi cœlum aureum esse fertur. Nam Circassij, qui Tauricam Chersonesum incolunt, cœli tractum ualdè temperatum habent: mirum tamen in modum feroces, perfidi & crudeles esse dicuntur: at nusquam uetorum maior uis est. Constat enim nullos esse populos in Gallia, Narbonensibus, Aquitanis & Prouinciabilibus ferociiores, qui tamen alijs australiores sunt: ut putem partim ab Altanis (sic enim uulgo & Plinio uocatur Vulturius, qui Galliam Narbonensem perpetuo infestat) partim etiam à Coro siue Circio, (qui ab incolis Serra dicitur & omnium uiolentissimè spirat) hanc feritatem & irrequietam animi agitationem ingenerari.

CONFUSIO POPULORVM.

Non parum etiam mores hominum & naturam immutant confusiones populorum. Neque enim uerum est ab eadem coeli temperie Scythas omnes sui similes esse, ut putauit Hippocrates: cum ubique terrarum sua sit propria quædam temperatio. Verior esset Empedoclis & Stoicorum opinio, qui (ut refert Plutarchus) dissimilitudines oris ab imagine animo concepta fieri putant. Nam beluarum similes sunt partus, quod nullis cogitationibus (ut est apud Plinium) sed solo sensu mouentur: ita Scythæ, qui puras & naturæ congruentes amant uoluptates, minusque cogitationum uarietate distrahuntur: similiores parentibus liberos procreare solent. Alia tamen ratione ducor. Nam in Aethiopia, ubi hominum genus acutissimum & salacissimum esse diximus, nemo tam sui similis est, quam omnes omnium. Sunt autem parui, crispî, atrî, simi, labeones, glabri, albissimis dentibus, nigris oculis. Scytharum nullam esse dissimilitudinem, tum Hippocrates ipse, tum etiam Tacitus de Germanis scribit: & re ipsa compertum est, quod longius à medio disceditur, eò sibi similiores esse uultus: in regione media uidemus infinitam hominum dissimilitudinem. Cum enim in illa regione omnium oculi flauescere

uescere debeant (nam ex atro, cæruleo, & flauo, omnis illa uarietas oculorum conflatur) uideamus tamen præter flauos, glaucos, cæsius, nigros, rauos & ex his infinitam confusionē. Sunt nasuti, simi, crispī, nigri, candidi, rufi, cænobarbi, punicei, pallentes, nani, gigantes. Hoc igitur tribuendum est hominum confusione, qui ab extremis ad media, uelut ad optimam temperiem, confluere solent. Nam illæ Scytharum, Gothorum, Turcarum, & Tartarorum innumerabiles exercitus in media regione constitērunt. Nulli, præter Vandalos, in Africam traiecerunt: ex qua paulò post eiecti sunt: & cum Arabes ac Poenī (quos Saracenos ueteres appellarunt) ex Africa in Europam & Asiam colonias deduxissent, in media regione conquieuerunt, nulli in Scythiam penetrarunt. Cum enim Hispaniam, Italiam & Græciam inuasissent, in Gallia cæsi & prostrati fuerunt: post etiam Galli Italiam & Hispaniæ magnam partem seruitute liberarunt. Similiter Celtarum ac Romanorum coloniæ ueteres, in media regione sedes quæsierunt: nullæ in Scythiam aut Aethiopiam deductæ. Quemadmodum igitur uidemus ex animantium & stirpium diuersis generibus diuersas nasci formas: ut in mulo, pardo, crocuta, lycisca, camelopardale, quæ parentibus dissimiles sunt: ita quoque iudicandum est in hominū

uarietate. Nihil ferè lycisca ex lupo concepta differt à cane: quia lupo nihil aliud est quàm canis sylueſter ipſi Varroni. Sed mulus ab equo & aſina, camelopardalis à camelo & panthera maximè differt: ita ſi miſceantur Scythæ cum Aethiopibus, dubium non eſt quin hominum genus uarium ac diſſimile ſint edituri. Scribit Athenæus, Ptolemæum Philadelphum hominem in ſcena exhibuiſſe, qui ore ac toto corpore bicolor eſſet: uno quidem latere niger, dextro candidus. Vt autem ſtirpes aliò translatae, non citò uim amittunt: ſolū ue, unde alimenta trahunt, naturam induunt: ita quoque homines, inſitam ſuæ naturæ uim facile mutant, ſed longa temporis diuturnitate. Et rectè Cyrus apud Herodotum in fine libri ultimi dixit, molles molli cœlo natos: *Φιλῆαν ἐκ τῆ μαλακῶν χώρων, μαλακὸς γίνεσθαι. ὃ γὰρ τοι τῆς αὐτῆς γῆς εἶναι καρπὸν τε θωυμασθὲν φύει καὶ ἄνδρας ἀγαθὸς τὰ πολεμικά.* Et quidem Turcæ Scytharum animi ferociam paulatim deponunt, ac niſi militarem diſciplinam magno ſtudio colerent, facile Moſcouitarum & Sarmatarum uiribus frangerentur. Atq; hæc hæcenus de corporibus ſimplicibus: ſequitur ut de compositis ſeu mixtis agamus.

LIBER XXV. DE
METEOROLOGIA.*Quid est corpus mixtum?*

QVOD ex elementis compositum est. Forma autem compositi corporis suos quoque effectus habet, Ortum, Interitum, Accretionem, Diminutionem, Alterationem, Locum mutationem: qui per singulas species melius specialiter intelligentur, quomodo generetur, corrumpantur, augeantur, minuatur, alterentur, loco moueantur mixta corpora, stirpes, animantes, denique res naturales omnes. In corpore autem mixto, duo consideranda sunt. Mixtio ipsa & Mixtorum species.

QVID EST MIXTIO?

Est elementorum diuersorum in idem & unum concretio & continuatio. Ita autem iunguntur elementa, ut non solum fiat alteratio, sed etiam partium corruptio & nouae species ex illis generatio: ut ex uino, pane & alijs cibis generatur sanguis. Hic primo partes concisae iunguntur: fit & alteratio, cum calor naturalis eas transmutat: & fit adeo uehemens alteratio, ut mutatis prioribus formis, alia species

Rr 4 . cies

cies inde existat. Atq; hinc oriuntur qualitates, quæ uocantur uirtuales seu specificæ: seu, ut Græci loquuntur, *δυναμεις*: id est, efficaciæ quædam: quæ quidem in elementis nō sunt: sed primæ & à primis ortæ, de quibus suprà. At in mixtis ille uirtuales qualitates insunt. Vt in magnete *δυναμεις* est ferrum attrahendi. Fœniculum oculis peculiariter mederi constat. Asplenum exundanti spleni prodesse etiam asini norunt, qui (ut abundant atra bile) cum sentiunt exundare splenē, quærunt eam herbam medicātem spleni expulsionē & consumptionē atræ bilis. Nomen dicunt factum esse Teucrio, quod Teucer exul cum in Cyprum uenisset, sacrificās uidisset splenem absumi ab imposita herba, cui postea, cum ipse ea usus esset contra splenis dolores à mœstitia ortos, nomen indidit Teucrion. Multiplex usus est rutæ contra uenena. Ac scribit Athenæus Ponticum tyrannum solitum ad se uocare primarios ciues, quos præcipuè oderat, eisq; cicutam bibendam præbere. Hoc modo cum aliqui perñssent: cæteri moniti, priusquā ad tyrannum accedebant, ruta uestiebantur: quo remedio usis, non potuit nocere cicuta: & usitatum est tempore pestis ruta, fico & nucē iuglande in aceto manē uti. Narrat quoq; Athenæus, Alexandria duos reos capitalis supplicij ductos esse ad aspides: ac in uia alteri si-

ri sitienti à muliercula forte ibi uendenti mala citrina, datum esse citrinū, quo gustato perrexit ad aspides: ubi morfu aspidis alter, ut sit, statim necatus est: huic uero, qui citrinum gustauerat, nihil nocuit aspidis morsus. Spectatores hoc miraculo moti, primū suspicātur diuinitus eum propter innocentiam seruari. Postea re inquisita, compertum est citrino repressam & languēfactam esse uim ueneni: & in alijs experimentum deinde confirmatum est. Pæonia medetur epilepticis. Sed immensum sit omnia exempla persequi.

Vnde sunt illæ uirtuales proprietates?

Aliquarum uirium causæ demonstrari possunt in temperamento qualitatū: sed non possunt hæ specificæ uirtutes in omnibus reuocari ad qualitates primas. Sic causa quæri in primis qualitatib. potest, cur amaræ amygdalæ prohibeāt ebrietatem. Vt de Drusi medico narrant Plutarchus & Athenæus plus bibere solitum sine temulentia uel sine perturbatione cerebri, quàm quisquam Germanorum, cum quibus certabat. Sed medicus ante certamen aliquot amaras amygdalas comederat. Athenæi uerba sunt libro 2: Πλάταρχος ὁ χαίρωνις φησὶ, παρὰ Δρούσου τῷ τιβείῳ καίσαρι ὃν ἰσχυρόν τινα πειρῶντα πάντας ἐν τῷ πίνειν, φεραθῆναι πρὸ τοῦ ποτοῦ προεθίοντα μικρὰς ἀμυγδαλάς πίνε-

τις ἔξ' ἀσπίρ κωλυθῆς προσενέγκασθαι, ἢ δὲ πρὸς τὸ μικρότατον ἀντίσχει τὸ ποτὲ, αὐτὶς δ' ἢ ἢ τῆς πυκρότητος δυνάμεις ξηραντικὴ καὶ λάπαν' ὑγρῶν οὖσα. Hic in primis qualitatibus causa monstrari potest. Nam amaritudo consumit humiditates & uellicat meatus & astringit. Citius igitur deficcati meatus & uellicati tanquam sitientes imbunt uinum, & propter astrictionem minus est halituum. Amaræ quoque amygdalæ per sese propter siccitatem minus sunt halituosæ, & propter amaritudinem attenuant halitus: pellunt enim urinam.

Sed cur uulpes gustatis amaris amygdalis moriatur, causa in primis aut secundis qualitatibus non facile ostendi potest: sicut nec in alijs multis, ut plantis, cur aliæ alijs membris propriè conducant. Non potest causa monstrari, cur Magnes ferrum trahat, cur Agaricū phlegma trahat, Rhabarbarum utranque bilem. Cæterum ubi effectus cum primis qualitatibus consentiunt, causa inueniri potest: ut Galenus eruditè & prudenter discernit genera, Μαλακτικά: id est, mollientia dicit esse calida & leniter sicca, ut melilotum: aut calida & humida, ut butyrum: aut leniter frigida & humida, ut malua. Econtrà figunt frigida & sicca.

Quomodo sunt elementa in mixtis?

Formaliter seu κατὰ σώματα, sed formis re-
missis

missis & facta tanta alteratione, quæ cōgruit formæ mixti. Scripserunt Auerrois, Albertus & alij: à quibus dissentiunt multi, qui dicunt elementa & semina in mixtis esse uirtualiter, non formaliter, seu uti Galenus recitat Aristotelis sententiam *κατὰ ποιότητα, ἢ κατὰ σῶμα*. Sed horum opinio inde nata est quòd somnium illud retinent, formas elementorum aut seminum non recipere magis & minus.

*Possunt'ne contrariæ qualitates in eodem
subiecto esse*

Possunt in gradibus remissis. Mira enim est naturæ harmonia quòd ex rerum dissimilium aut etiam pugnantium temperamento fit una quædam natura: sicut ex dissimilibus sonis una quædam concinna harmonia. Tūc autem contrariæ qualitates inter se pugnant, quando intensis gradibus alterius actio adeo fortis fit, ut alteram expellere incipiat. Vide Fernel. libro 3. cap. 2. Vfus autem huius doctrinæ illustris est in omnium mixtorum cōsideratione, ubi quærimus quæ res iungi aut misceri possint, quod in artificialibus clarius apparet. Ut enim uidemus arte lapides coctos fieri, sumpta uiscosa terra & madefacta per aquam ac agitata, ut aqua terræ undiq; misceatur (Nam humor est coagulum sine quo siccae partes non coherent) postea uerò accedit assa-

tio,

tio, qua moles illa duratur: ita & in terra, & in ipsis hominū renibus nascuntur lapides: quia pinguis & biliosa superfluitas nutrimenti in renibus subsidit, & propter debilitatem nativi caloris (qui, si fortior esset, dissiparet eam materiam & expelleret) paulatim coit & coagulatur illa moles. Deinde accedit assatio, quæ fit à calore præternaturali. Ut enim calefiunt etiam in hyeme canales: quia halitus efflari non possunt: ita in senili corpore propter obstructions, calor ille præternaturalis crescit aut accenditur motu: quo calore præternaturali materia uiscosa in cauis locis assatur. Vides igitur quarū materiārum fiat mixtio: scilicet in nutrimento partium siccarum & humidarum, quæ sunt in superfluitate uiscosa & tenaci. Vides & efficientes causas concurrere, sed diuerso modo: frigus & calorem alienum. Et facilius gignuntur calculi in renibus natura nimium calentibus. Quia cum proprium caloris sit (præsertim immoderati) attrahere: renes in talibus plus materiæ attrahunt, & magis inflāmantur motu. Et hæc causa est, cur hic morbus in natos propagetur: quia renum natura similis (id est calidior) plerumq; propagatur. Materia igitur lapidis est pinguis & biliosa superfluitas. Causa efficiēs est calor alienus, qui durat hanc molem, ut fit in coctilibus lapidib. Accedit & defectus caloris

loris natiui: sic enim iacet materia immota & coit: quia nō expellitur. Atq; hæc de mixtione: sequuntur species mixtorum.

Quottuplex est Mixtum?

Corpus mixtum iuxta transmutationem imperfectam aut perfectam, est Imperfectum aut Perfectum.

Quid est Imperfectè mixtum?

Est corpus quod ui stellarū ex fumo in aëre gignitur. Diciturq; imperfectè mixtū: quia non constat ex omnib. elemētis: & in eius mixtione non acquiritur perfecta forma, nec fit magna alteratio partium, aut unum quiddā specie: sed partes leuiter alteratorum inter se confunduntur. Quare imperfectè mixta facile dissiliunt, ac immediatè in elementa resoluntur, ut ex elementis immediatè confluerunt nulla perfecta trāsmutatione facta. Quia autem imperfectè mixta plerunq; in sublimi generantur, Græcè *μετέωρα* & pars physicæ, quæ de ijs tractat, meteorologia dicitur. In his confid. sunt duo, Causa & Species.

Quæ nam sunt cause meteororum?

I. Efficiens uniuersalis est coelum seu lumen Solis & stellarum, quod uirtute & influu suo preparat & leuat materiam ex inferioribus elemētis: illamq; ad huiusmodi motus & for-

& formam recipiendam aptam reddit. Nam planetarum in alijs atq; alijs locis situs, habitudines & coniunctiones, hæc & similia operantur: & impressu suo conformant: unde & impressiones dicuntur.

II. Materialis, est Fumus: qui est duplex, Exhalatio & Vapor. Exhalatio est fumus calidus & siccus ex locis aridis uel radiorum solarium extractus. Vapor est fumus calidus & humidus: similis halitui animantis & ei qui ab aqua feruente emittitur. Sic enim ait Aristoteles: *ἔστι γὰρ ἀτμίδις φύσιν ὑγρὸν καὶ θερμὸν: ἀναθυμιάσεως δὲ θερμὸν καὶ ξηρὸν: καὶ ἔστιν ἀτμὶς μὲν δυνάμει οἶον ὕδωρ, ἀναθυμιάσις δὲ δυνάμει, οἶον πῦρ.*

III. Formalis est quæ istos fumos alijs atque alijs formis ornat & uestit, pro diuersitate motus & loci. Sunt enim dissimiles & diuersæ species seu formæ horum fumorum.

IIII. Finalis. Nam cum omnia in hac natura destinata sint ad certos fines, necesse est hæc meteora seu impressiones in aëre non casu & temerè confluere. Sed aliter de fine disputat Physicus, aliter Astrologus. Physicus enim quia tantum causas in materia quærit, fines etiam tantum circa materiam quærit, nimirum omnes istas impressiones significare aliquam aëris mutationem uel serenitatem uel tempestatem. Astrologi autem & Poëtæ hæc inter signa collocant: sicut & experientia testa-

testatur hæc signa esse. Tametsi autem obscuriores significationes habent quàm stellæ (sic enim inquit Ptol. Traiectiones & Crinitæ secundas partes habent in iudicijs) tamē ab hominibus prudentibus etiam earum significationes aliquo modo & sobriè animaduerti possunt.

Quot sunt species Meteororum?

Distinguuntur uulgò secundum subiectas aëris regiones: quædam enim in aëre summo, quædam in medio & infimo generantur. Meteora, quæ in aëre summo generantur, sunt igneæ naturæ, ut Cometæ & Phasmata.

DE COMETIS.

Quid est Cometa?

Est meteoron quod motu & radijs siderum in summo aëre accenditur & siderum more mouetur. Nam quia summa aëris regio radijs siderum circa elemēta meantium impellitur, ipsi Cometæ unà cum ipsa circumaguntur. Hic confid. sunt 4. causæ, Efficiens, Materia, Forma, Finis.

I. EFFICIENS.

I. Physica seu Astrologica, est lumen cœleste attrahens magnā fumi copiam & inflammans : ortum ab aliquo certo stellarum positu: id

tu: id est, infausta superiorum planetarū conjunctione & eclipsi, præcipue uerò cum concurrunt. Vt cum Saturnus, Mars & Mercurius Solem aut Lunam infaustis aspectibus in eclipsi intuentur: præsertim cum præcessit etiam aliqua infausta superiorum cōiunctio. Atq; ex his causis uenturum Cometen anno 1531. prædixit Apianus. Nam hæ coniunctiones efficiunt in aëre & elementis cæteris longas & durabiles mutationes: & cum concurrunt multæ causæ cōgruentes, magis respondent effectus. Quòd autem materia ui stellarum excitetur, & a stellis temperamentū accipiat, non leuis coniectura est, quòd plerunq; rapi Cometas peculiari motu ab aliquo planeta animaduertitur. Nam materia nō spontè aut casu sequitur, sed propter cognatam aliquā qualitatem ortā ab ea stella cui obtēperat.

II. Arcana. Nam etsi physicas causas efficientes esse, eruditorum obseruatio & quædā physica ratio testatur: tamen cum uniuersa natura mirabili consilio ordinata sit: non est absurdum ad physicas causas adiungere maiorem uim & arcanam. Nam etsi Cometæ tum existunt, cum sunt aliqui insignes & atroces siderum positus: tamen cū ipsi diuinitus aliquid portendant, consentaneum est diuina quadā uī etiam congruentes tunc significationes in materia & elementis excitari.

II. MATERIA.

Materia Cometæ sunt fumi: id est, uiscoli & lentī halitus commixti, qui tandem motu & siderum radijs incenduntur. Interdum autem tanta copia fumi attrahitur, ut moles mōtem unius aut alterius miliarij æquans, multorum dierum incendio sufficiat, & flammā aliquot climatibus conspiciendam præbeat. Huc pertinet quæstio, an Cometæ sint stellæ. Non autem esse stellæ, cōfirmat primò autoritas eruditorum physicorū. Nam & Seneca citat autorem Epigenem, qui ait Chaldæos affirmare, quod Cometæ non sint stellæ. Secundo accedunt argumenta certa ex materiæ proprietate & speciebus stellarum. *Nam:*

Stellæ non consumuntur.

At Cometæ consumuntur: ut ostendit experientia: & Aristoteles ait omnes Cometas suo tempore conspectos, extinctos esse sine occasu: id est, supra horizontem.

Cometæ igitur non sunt stellæ. *Item:*

Si planetæ stellæ sunt: sunt aut fixæ aut erraticæ;

At neq; fixæ, neq; erraticæ sunt.

Cometæ igitur non sunt stellæ.

Non sunt stellæ fixæ.

Stellæ oriuntur & conspiciuntur statis temporibus.

Cometæ non apparent ullis statis temporibus,

SS

& cūm

& cùm fulgent diffimillimos motus habent.

Cometæ igitur non sunt stellæ. *Item:*

Stellæ feruntur regulari & certo motu.

At Cometæ non feruntur regulari motu. Non enim solum non consistunt in uno loco, sed etiam mirabili celeritate mouentur, quàm sensus iudicare potest.

Cometæ igitur non sunt stellæ fixæ.

Non sunt stellæ erraticæ.

Planetæ nunquam discedunt à Zodiaco.

At Cometæ euagantur procul à Zodiaco: multi etiam nascuntur alibi extra Zodiacum.

Cometæ igitur non sunt planetæ.

Obiectiones.

I.

Si Cometæ essent fumi incensi, non mouerentur motu stellarum regulari.

At mouentur instar stellarum duplici motu: uno secundum ordinem signorum & proprio: altero primi mobilis.

Cometæ igitur non sunt fumi incensi.

Respons.

Antecedens non est perpetuo uerum: sæpè enim prorsus irregulari motu uagantur extra Zodiacum. Deinde etiam cùm uehuntur iuxta signorum ordinem, id fit prorsus per accidens: rapitur enim materia alicuius planetæ uiribus

uiribus à quo inflammata est. Habet & alterum motum per accidens, quod oritur & occidit motu diurno: quia ille aër in summa regione unà cum cœlo in gyrum circumagitur: in hoc aëre materia Cometæ unà circumuoluitur.

I I.

Cometæ magnitudine, lumine, loco conueniunt cum stellis.

Cometæ igitur non sunt halitus.

Respons.

Antecedēs nō est ue- rum. Dif- ferunt e- nim à stel- lis	{	<p>Magnitudine. Nam stellæ nec crescūt, nec decrescunt, ut Cometæ.</p> <p>Lumine: est enim figura luminis flammæ magis similis, quàm stellarum luci.</p> <p>Loco: quod machinæ geometricæ ostendunt.</p>
---	---	--

I I I.

Si Cometæ existerent in aëre: mouerentur motu aëris sursum & deorsum.

Non autem mouentur sursum aut deorsum: sed ab ortu in occasum & alio motu iuxta ordinem signorum.

Non igitur existunt in aëre.

Respons.

Suprema regio aëris rapitur & circumuol-

uitur.

uitur unà cum cœlo. Quare Cometæ unà circumaguntur: quia in illam regionem fumi isti exhalarunt, ibi que commixti inflammati sunt.

III. F O R M A.

Forma Cometarum est ipsa flamma ardentis halitus, quæ procul sparsa, efficit comæ speciem: & quoniam dissimiliter spargitur, uariæ figuræ annotatæ sunt. Apud Aristotelem duæ tantum sunt species, Crinita & Barbata: κομήτης καὶ παγωνίας. Crinita est, cum flamma æqualiter spargitur circa corpus: Barbata cum flamma in lōgum exprorecta est. Ad has duas species, aliæ accommodari possunt: longiores ad παγωνίας, cæteræ ad crinitam. Sed apud Pliniū lib. 2. sunt hæ appellationes:

Κομήτης, Crinita: horrens crine sanguineo & comarum modo in uertice hispida.

Παγωνίας, Barbata: cui ex inferiore parte in speciem longæ barbæ iuba promittitur.

Βροντίας, quæ iaculi modo uibratur.

Σιφίας, uicina prior: breuior tamen & in mucronem fastigiata: omnium pallidissima & quodam gladii nitore ac sine ullis radijs.

Δισκός, à disci rotunda figura: colore similis electo, radios raros è margine emittit.

Πιθέτης, doliorum figura, in concauo fumidæ lucis.

Kiparias, cornuta: qualis fuit cum Græcia
apud Salamina depugnauit.

Λαμπάδιαι, ardentes faces imitata.

ἱππῆες, imitata equinas iugas.

I I I I . F I N E S .

Finis Cometarum est significatio, quæ potissimum mouet animos, & admirationem Cometis præcipue peperit. Ideo enim perterrefacti & attoniti spectamus Cometas: quia tot seculorum obseruatio testatur, magnas clades orbi terrarum, excidia ciuitatum, regnorum mutationes & alias publicas calamitates per eos denūciari. Duplex igitur est Cometarum significatio, Physica & Prodigiōsa. Physica est, qua significant tempestates, ut uehementiores flatus uentorum & siccitates inusitatas; aut uitia aëris, pestiferasq; qualitates, quas sequitur frugum corruptio & animantium interitus. Hæc autem non significant tantum, sed & efficiunt. Nam fumi illi post incendium dissipati, uentos augent: & cum sint siccici & uenenati, siccitates afferunt & aërem inficiunt. Prodigiōsa uerò & arcana significatio est, quod portendunt clades populorum, mutationes imperiorum & regum interitus: deniq; euentus in hominum negotiis. Astrologi itaq; significationem & causas ad eas stellas referunt, quarum uel excitatur Cometa: &


in genere monent Cometas imitari naturam Martis & Mercurij: ideoq; significare bella, æstus & tumultus. Vide Ptolem. in 2. Quadripart. lubent etiam considerare stellas, quæ excitant materiam, aut eam suo motu trahunt: & sub quo Zodiaci signo inflammantur. Tempus durationis ait Plinius brevissimum septem dierum, annotatum: longissimum octoginta. De his Camerarius:

Ὅνδ' αὖς κομήτης ὄσις ὃ λαχὼν φέρει.

DE PHASMATIS.

Quid sunt Phasmata?

Sunt ignes in aëre uel ascendentes, uel descendentes: qui differunt à Cometis motu, forma, duratione. Minus enim Cometis durabiles: subito enim conflagent: sed ipsi dem crebriores sunt. Eorum causa efficiens eadem est. Formæ autem dissimilitudine differunt secundum diuersitatem materiæ, in caliditate & siccitate, raritate & densitate, grauitate & leuitate, multitudine & paucitate: & propter diuersos motus, distractiones, inclinationes, agitationes & impulsiones earum uel à Ventis, uel à sua natura factis, ut scribit Aristoteles.



Lampades, in quarum superiore parte exiguus ignis splendescit: unde etiam nomē lanceæ candelæ, torris, pyramidis, ignis perpendicularis sortitur. Materia enim est inæqualis, sed tamen cohærens; infra enim habet partes crassiores, suprâ tenuiores. Id enim quod leue est, eleuatur: residente graui terrestri.

Bolides à iaculi forma dictæ, igneum in aëre sulcum trahunt & longiorem: fiunt autem ex materia rara, & non benè compacta: longa quidem, sed parùm lata: quæ in una parte incensa, facilè in omnes transmittit ignem: quæ uidetur, uelut iaculum ab una parte in aliam transcurrere. Quod si ueluti scintillas despuant, interimq; ardeant: ac minutatim & prior parte ignem obiter excipiant, Capræ saltantes dicuntur, à forma quam referunt.

Trabes, δονοί, à forma, quæ alicubi est crassior aut densior, alicubi rarior ac leuior & ta-

men inflammabilis. Hæ etiam interdū conspicuntur.

Traiectiones sunt scintillæ per aërē discurrentes, uulgò discursus stellarum, Ptolemæo *ἀστέρων*. Celeriter enim transcurrunt ac quasi præteruolant. Fiunt autem quando exhalatio non est continua: sed paruis interstitiis interrupta, quæ cum concepit ignem, perinde flagrat ac si quis torrem aut candētem carbonem in cumulum palearum coniecerit. Ignem enim in diuersas partes spargit: tum quod partes non simul incenduntur: singulæ enim seorsim inflammantur: unde una post alteram deuolat: tum quod materia irritatur à nube circumstante, quæ contrariā qualitātē continet.

Chasma seu hiatus aut uorago cum ignis uelut ex disrupto cœlo decidere uidetur. In eo confid. sunt 4 causæ.

I. Efficiens est radius Solaris & reliquarū stellarum attrahentiū per aërem hunc leuem & rarum fumum.

II. Materia est fumus siccus, qui leui aliqua occasione fumū concipit, & propter suā tenuitatem atque raritatem citò deflagrat, ut puluis ex sulphure & nitro.

III. Forma est agitatio fumi in aëre, quæ ipsum incendit. Cum enim hic fumus suapte natura caleat, tum magis calet, quando ad supremam aëris regionem euolat: istic enim facill-

cillimè incenditur. Pro diuersitate autem loci formas uarias & colores hoc incendium concipit. Nam si hoc lumen per densam & nigrā nubem decidit: tum fit recessus similis effossæ in orbem speluncæ (Interuentus enim nubis densæ, quæ fulgorē uelut atra specie circumdat, efficit ut aliqua in igne uideatur inesse profunditas) Flamma quoque apparet rubicundior. Atrum enim cādido permissum, ceu flamma fumo, color gignitur rubicūdior. Sicut sol & stellæ si per æstum aut fumum spectentur, rubeæ apparent. Si uerò lumen per clarum aërem spectetur, albicans apparet: & appellatur *σέλας*. Chasmatum autem proprii colores sunt puniceus & purpureus, quē Plinius sanguinolentum uocat.

III I. Finis est (ut Plinius ait) ut sit prænuncium ingentium malorum, non propter aliquas eius causas materiales, sed eius aliquā occultam rationem. Ait enim ea mala accidere, non quia hæ ut causæ præcedant, sed ideo præcedere: quia hæc mala euentura sint. Vnde non solum à Poëtis, sed etiam ab Astrologis inter signa collocantur. Etsi Astrologi has significationes obscuriores esse cēsent, quàm stellarum. Physici autem harum impressiōnū causas quærunt, non ut signorum, sed ut causas mutationum aëris esse doceant. Virgilius enumerat Chasma inter prodigia significan-

tia Turni mortem,

—*uideo medium discedere cœlum.*

Atq; hæc de Meteoris quæ in aëre summo generantur: sequuntur ea, quæ in media aëris parte accidunt, quæ Tempestates fortuitæ dicuntur: & sunt naturæ partim igneæ, ut fulmen: partim aëreæ, ut uenti: partim aquææ, ut nubes & pluuiæ.

DE FULMINE.

Quid est Fulmen?

Est meteoron igneum ex exhalatione coniuncta cum uapore, mediæ regionis frigore condensatum, quod *ἀντιμεταβολή* rerum contrariarum instar stuppæ incensum, exitum sibi quærit. In eo confid. Causæ, Species, Effectus, Tempus, Observationes, Res quæ non feruntur fulmine.

I. C A U S A E,

1. Efficiens est constitutio uel configuratio aliqua calidarum stellarum in calidis signis: & in primis si Iupiter aliqua uirtute Marti coniunctus fuerit. Præparat enim & subleuat materiam ex qua hæc impressiones gignuntur.

2. Materialis est uapor compositus: id est, exhalatio calida & sicca, coniuncta cum uapore humido.

3. Formalis seu generatio. Quando uapor uir-

uirtute Solis & stellarum perfertur usq; ad superiorem partem mediæ regionis aëris: tum frigore loci uapor aqueus condensatur & in nubem spissam cogitur: sed hoc modo in nube inclusus se non amplius dilatare atque extendere potest. Nam ab humido undiq; circumcluditur atq; ambitur, & includitur uelut in utrem. Hæc exhalatio hoc modo in nubem inclusa, extimulatur frigore tã nubis circumdantis, quàm etiam loci: itaq; agitatur in nube exitum quærens. Postremo hac agitatione & ἀντιπρὸς ἀντιπρὸς: id est, circumstantia rerum contrariarum instar stuppæ incenditur, lateraq; nubis magnis ictibus concussa perrumpit.

Itaq; fumidus in nube uortex, aut

Rixatur & luctatur cum nube: unde Tonitru: quod nihil aliud est, nisi impactorū ignium plaga: ideoq; protinus coruscāt ignez nubium rimæ.

Findit: unde Fulgur seu fulgetrum seu coruscatio: quæ est ignea nubis rima, ex lucta uaporis inclusi orta.

Nubem } Perrumpit: unde Fulmē: quod cum erumpit, fragorem edit: ut in membrana spiritu intentata: uel castanea, ligno quæ uiridi.

4. Finalis est, uel physica, uel significatio quædam.

dam. Portendunt enim aliquid uel propter materiam, uel propter aliquam latentem ac diuinam causam. Vnde fulmina, quæ nihil significant, uana uocantur aut bruta: significantia uerò dicuntur fatidica. Cícero lib. de diuinat. prudentissimè colligit hanc diuinationis speciem, quæ ex fulgurum obseruationibus sumitur, esse uanam & inanem: quam tamen Thusci studiosè profitebantur.

II. SPECIES.

1. Apud ueteres fulmina alia dicuntur fatidica, quæ aliquid significant, uel propter materiam, uel aliquam latentem ac diuinam causam. Alia bruta seu uana, quæ nihil significant: ut quæ nulla ueniant ratione naturæ. His percutiuntur montes, maria, & omnes alij irriti iactus.

2. Alia sunt	Vrétia: quæ & Terebrátia.		Plinius uocat	Clara,	
	Non urétia	Infuscátia.		Humida.	
		Dissipátia.		Sicca.	

Suid. *ἡ ἑραυνὸς ἐξ αἰθρῆς σφοδρὰ μετὰ πομπῆς βίας πίπτει
ἐπὶ γῆς, νεφῶν παρατειβομένων ἢ ῥυγυνομένων. οἱ δὲ συσπρον
φῇ πυρώδεις αἶρ' ἐβιάως κατὰ φερομένη. τῶν δὲ ἑραυνῶν
οἱ μὲν καταβάται. οἱ δὲ πολόεντες οἱ τῇ ψαύσει ὀπιυότες. οἱ δὲ,
ἀργῆτες καλῶνται.*

Vrentia labuntur per corpora raria: si ue-
rò in

riò in densiora & solidiora (quæ ἀντιτυπίσματα
Græci uocant; id est, ea quæ resistunt, ut ferrū,
saxa, &c.) impegerint, ea statim adurūt & dis-
soluunt. Eorum mira adeo opera sunt (ait Se-
neca) ut diuina illis inesse uideatur potentia.
Loculis integris & illæsis conflatur argētum:
manente uagina gladius liquescit, & inuiola-
to ligno circa pila ferrum omne distillat: stat
dolio fracto uinum, nec ultra triduum rigor il-
le durat. Vocatur hoc genus ἀργύς.

Infuscantia, propter nimiam subtilitatem
atque raritatem, qua antè penetrant atq; euo-
lant per corpora, quàm ut adurere illa ualeāt,
mora tamen facta infuscant. Vocatur ψολόας
ab Aristotele.

Dissipantia seu scindentia, dissipant tan-
tū: cuius rei causa est ingens materiæ sicci-
tas, quæ trahit secum magnam uim spiritū
seu uentorum, qui impacti in corpora poro-
sa, conuellunt & discutiunt ea, priusquam ful-
mine adurantur. Spiritus enim fulmine ue-
locior est.

III. EFFECTVS.

De effectis fulminis, inter urentia diximus.
Vide Senecam & Plinium lib. 2. cap. 51.

IIII. TEMPVS.

Hyeme & æstate rariora sunt fulmina. Nam
hyeme

hyeme exhalatio coacta in nubem, exiguum calorem continet. Vi enim frigoris calor subito extinguitur: Quæ ratio immunem Scythiâ à fulminum casu præstat. In æstate uerò uapor est râtum calidus & siccus, qui in nullas eiusmodi nubes densari potest: quæ ratio nimij ardoris Aegyptû à fulminibus defendit. Medijs uerò temporibus, uere scilicet & autumno, crebriora fiunt fulmina. Horû enim temporum constitutio plurimam materiam tam siccam, quàm humidam præbet. Quæ ratione crebriora in Italia fulmina: quia mobilia ær mitiore hyeme & æstate nimbofa, semp quodammodo uernat & autumat.

OBSERVATIONES.

Fulminum obseruationes sunt uel superstitiosæ uel physicæ. Superstitiosæ sunt uel circa Deos, uel circa tempus, uel circa euocationem. Nam primò ethnici Deos *καταινοβόους* habebant: sic enim Thuscorum literæ nouem Deos emittere fulmina existimant, eaq; esse undecim generum. Iouem enim trina iaculari. Romani duo tantum ex ijs seruarunt, diurna attribuētes Ioui, nocturna Summano. Secundo quoad tempus: existimant priuata fulmina non portēdere ultra decem annos: præterquā aut matrimonio primo, aut natali die facta. Publica uerò non ultra tricesimum annum;

num : præterquam in deductione oppidorum. Tertiò quoad euocationem fulminum: Romani sacris quibusdam & precationibus uel cogi fulmina uel impetrari putabant. Vetus fama est, euocatum à Porfena rege, & ante eum à Numa sæpiùs hoc factitatum: quod parum ritè imitatus Tullus Hostilius, fulmine ictus est. Habuerunt Romani & lucos, aras, sacra: & Ioues Tonantes ac Elícios, ab elíciedo fulmine.

Phyficæ obseruationes apud Plinium uariæ sunt.

1. Etsi fulgur & tonitru simul edantur: fulgur tamen priùs cernitur, quàm tonitru audiatur. Lux enim sonitu uelocior est: uisus enim propter subtilitatem spirituum, celerius obiecta percipit quàm auditus. Optici aiunt, species uisibiles non reales, sed intentionales esse: unde non per motum, sed subito diffunduntur per uniuersum medium. Itaq; æquè celeriter remotus lumen Solis percipit atque propinquus. Pontanus in meteoris utitur exempla à secante ligna, & Aristoteles de remis incussis in aquam, ubi semper uisus præcurrit auditū. Simile ferè est in uulnere, ubi priùs sanguis apparet quàm plaga.

2. Sonitus perfecti fulminis est, non illati.

3. Spiritus ocyor est fulmine: ideo concutitur

titur prius & afflatur omne quàm percutiatur: nec quisquā tangitur, qui prior uidit fulmen aut tonitru audiuit.

4. Noctu magis quàm interdiu sine tonitribus fulgurat. Noctu enim debiles coruscationes magis cernuntur, quàm interdiu. Item quando hæc materia exhalat, frigore nocturno per ἀντιπνεῖσαι incenditur.

5. Vnum animal hominē non semper extinguit: cætera ilicò: hunc natura tribuente honorem, cum tot beluæ uiribus præstent.

6. Omnia icta contrarias incubant in partes. Supernè icta confidunt.

7. Homo, nisi cōuertatur, uī percussus nō expirat.

8. Vigilans ictus, conuiuentibus oculis: dormiens, patentibus reperitur.

9. Nullum animal, nisi exanimatum, fulmine accenditur.

10. Vulnera fulminatorum frigidiora reliqua corpore sunt.

11. Fulmen nunquam quinq; pedibus altius descendit in terram. Ideò pauidi altiores specus tutissimos putant.

VI. RES QUÆ FULMINE
non feriuntur.

Fulminē
nō tan-
guntur
ex

Arboribus, lauri frutex.

Marinis, uitulus marinus. Ideò pauidita-
bernacula è pellibus harum beluarum
faciunt: & Suetonius scribit Augustum
tonitrua & fulgura infirmius expauisse,
ita ut semper & ubiq; pellem uituli ma-
rini circumferret pro remedio: atq; ad
omnem maioris tempestatis suspicio-
nem in abditum & concameratum lo-
cum se reciperet. Vide Senecam lib. 2.
Nat. quæst.

Volacribus, Aquila, quæ ob hoc armigera
huius teli fingitur.

DE VENTIS SEV DE ANEMO-
graphia & Acolia.

Quid est Ventus?

Est exhalatio sicca, aërem oblique agitans.
Qui si leuior sit, Aura dicitur: est enim aura ni-
hil aliud quàm leuiter mala exhalatio, quæ
aërem leuiter mouet, quasi flabello. Itaque à
uento quantitate & qualitate differt. Vētum
enim non aliquis tractus, uerùm uniuersæ ter-
ræ sentiunt. Excitātur autem auræ in magnis
æstibus, in saltuosis locis aut ad fluminum ri-
pas: idq; uī Solis, qui exhalationes spissiores

Tt

& fri-

& frigidiores in aëre dissoluit. Sunt autem & auræ artificiales, quæ in domibus conceptaculis manufactis existunt. In Ventis uerò cōsiderandæ sunt, Causæ, & Species.

I. CAUSÆ VENTORVM.

1. Efficiens in genere est uirtus radiorum solarium & aliorum astrorum: quæ leuant ex terra materiam uentorum, & lumine suo flagellant, percutiuntq; aërem ut in latus cedat. Præcipua tamen causa habetur Sol, qui flatus auget exoriens, occidensq; comprimit autem meridianus æstiuis temporibus. Itaq; medio diei aut noctis plerunq; sopiuntur: quia aut nimio frigore, aut æstu soluuntur. In specie autem causa efficiens est frigus mediæ regionis aëris. Et quanquam tota disputatio de uentis (sicut de alijs meteoris) plena sit mirabilium operum Dei, quorum nullæ firmæ & sufficientes in natura causæ afferri possunt: tamē prodest uidere quousque ratio humana progredi possit. Sacræ quidem literæ dicūt: Deū producere uētos de thesauris suis, unde ipsorum flatum quidem audimus: sed unde ueniant, aut quò uadant, nescimus.


2. Materia est halitus calidus & siccus, nihil habens pingue quod accendi possit: aut quod in nebulam densetur, aut crassescat in nubes. Quòd si halitus è terra confurgat, uentos generat, quos Altanos uocat Plinius: si uero ex

ro ex aquis expiret: generat Tropæos & Apogæos, qui è mari redeunt aut pergunt.

3. Forma est fluctus aëris. Nam ficcus halitus usq; ad mediam aëris regionem sublatus, cum frigore loci depellitur, rursus ipse propter suam leuitatem subuolat, iterumq; deñcitur. Hæc rixa & pugna halitus calidi & frigoris, impellit & mouet aërem, qui motus uocatur Ventus. Neq; probanda est Senecæ definitio, quòd uentus tantum sit motus aër sine materia: exhalatio enim semper cum uento cõiuncta est. Materia autem uenti uel cognata est cum pluuiâ, uel eidem repugnans. Alij enim cient pluuias, alij serenitatem efficiunt: quidam etiam non magno imbre compressi confident: unde Gallicum prouerbiũ: *Vng peu de pluye abbat grand vent*: ita ut uento definẽte imber gignatur, & contra imbre cessante uenti spirent. Vnde nec in æstu, nec in magno frigore spirant: quia in æstu consumitur eorum materia & in frigore terra constricta gelu, nõ potest exhalare uapores. Vehuntur autem obliquo cursu: uel quia (ut Aristoteles ait) aër circulariter mouetur raptus à motu corporum cœlestium: uel quia uapor calidus & ficcus sua leuitate ascẽdens, frigore mediæ regionis & nubibus obstantib. rursus deñcitur: cumque recta non queat deferri, per transuersum uehitur.

4. Finis. Nam summus ille mundi opifex uentos dedit, ut sua uentilatione purgarent aërem: custodirent coeli, terrarumq; temperiem: euocarent & supprimerent aquas: alerent fata & arborum fructus: congregarent & dissoluerent etiam nubes: pluuiam & serenitatem efficerent.

II. SPECIES VENTORVM.

*Venti miraculosi.*


Venti miraculosi sunt, quorum nulla causa in natura reddi potest. Nam quidam specus sine fine uentos generant; ait Plinius: qualis est in Dalmatiæ ora, uasto hiatus præceps: in quem deiecto leui pondere, quamuis tràquillo die, procella turbini similis emicat. Quin & in Cyrenaica prouincia rupes quædam austro sacra traditur, quam profanum sit attrectari hominis

nis manu, confestim austro uolente arenas.

Venti naturales sunt, quorum causa uerisimilis in natura reddi potest: suntque uel Stati, uel Repentini. Stati sunt, qui statis & certis temporib. flare incipiunt & desinunt. Suntque uel Generales: uel Particulares.

DE VENTIS GENERALIBVS.

Venti generales sunt qui spirant à quatuor angulis seu cardinibus mundi: in his 4. consideranda sunt.



I. Locus seu regiones unde spirant: scilicet 4 anguli seu cardines mundi: qui cunctis

Te 3 homi-

662 DE ANEMOGRAPHIA SEV ÆOLIA,
hominibus sensu ac experientia noti sunt. Ratio autē cognoscendi uenti hæc est. Pinge uentos in plano, & in eius medio erige stylum, a quo dependeat filum aut quippiā aliud, quod uento agitari queat. Id tamen cura, ut dimetiens illa, cui inscripti sunt Notus & Boreas, lineam meridianam repræsentet, quod horoscopo (*compass*) facilè inuenitur. Vide Vitruuium lib. 1. cap. 6.

II. Numerus. Sunt enim XII. uenti: ex quibus quatuor sunt principales seu cardinales: reliqui octo dicuntur minus principales: ita ut terni sint in singulis cardinibus. Poëtæ 4. duntaxat uentos principales agnoscunt, sicut & Germani. Eurum ab ortu, Ost: Zephyrum ab occasu, West: Boream à septentrione, Nort: Austrum à meridie, Sud. De his Manilius libro 4.

Affer ab axe ruit Boreas, uenit Eurum ab ortu:

Auster amat medium solem, Zephyrusq; cadentem.

Et Ouid. lib. 1. Metamorph.

Eurus ad auroram, Nabathæaq; regna recessit,

Persidaq; & radijs iuga subdita matutinis.

Vesper & occiduo quæ littora sole tepescunt,

Proxima sunt Zephyro. Scythiam septemq; triones.

Horriser inuasit Boreas. Contraria tellus

Nubibus assiduis, pluuiosq; madescit ab austro.

Flat ab	Ortu	{	Aequinoctiali, Subsolanus, ἀ- πυλιότης, quasi à uia media Solis seu æquinoctiali spirās.
			Brumali, Vulturinus à uolando: ἄυρ ☉ ab aurora.
			Aestiuo, Helleſpontius seu Γρα- cias.
	Occasu	{	Aequinoctiali, Fauonius, ἑ- φορ ☉.
			Brumali, Africus, λίψ, à loco dis- ctus.
			Solstitiali, Corus, ἀργέτης, à ful- mine.
	Septentri- one.	{	Septentrio, ἀπαρχτίας, ab urſa.
			Aquilo, βοείας, ab ortu solsti- tiali.
			Circius, θρασείας ab occasu sol- stitiali.
	Meridie	{	Auster, ab hauriendis aquis, νόσ- τ ☉ ab humore.
			Euro auster, ἐυρόνοτ ☉, Phoenix: ab ortu hyemali.
			Astroafricus, λιθόνοτ ☉: ab oc- casu hyemali.

III. Tempus. Nam tempora uentorum partim uaga sunt, partim certa. Sicut enim exhalatio calida & sicca (quæ est materia uentorum) uaga est & fluxa: ita & ipse effectus est incertus. Spirant autem plurimi Vere & Autumno: quia exhalationes tunc plurimæ sunt, propter apertos meatus terræ & debilitatem radiorum solarium. Aestate autem & hyeme pauci sunt: quia exhalatio à frigore extinguatur in hyeme: calore autem Solis dissoluitur in æstate. Certa autem tempora sunt & ueluti statim dies, quibus certi uenti flare incipiant & desinant. Quia enim efficientes causæ sunt statæ, ac certis uicibus quotannis recurrunt: effectum aliquo modo certum ac statum producant in materia habili & sequaci. Sol enim principaliter excitat & rursus dissipat uentorum materiam: sicut Aristotel. lib. 2. Me-

teorôn ait: ὁ ἥλιος καὶ πάντα καὶ σίω-

ξορματὰ πνεύματα

78.

7876

Vere (quod
nauigan-
tibus ma-
ria ape-
rit) spirāt

I. Fauonij, qui in principio ueris hybernæ
cælum molliūt, circa diem 7. Februarij,
sole existente in 25 gradu Aquarij: in an-
no aut biffextili uno die anticipant pro-
pter intercalarem diem: lustre sequenti
ordinem seruantes. Nam Eudoxus om-
nium quidem uentorū (si minimos ama-
bitus obseruare libet) uices easdē redi-
re quadriennio exacto putat.

II. Ornithiæ seu Chelidoniæ uno & septu-
agesimo die post brumā spirans, nimirū
7. Cal. Mart. dicti ab hirūdinis uisu & ad-
uentu aujum: flant per dies nouē. Erran-
tū sunt Etesię imbecilliores, ait Aristot.
Colum. ait 12. Cal. Mart. per 30. dies flare
& septentrionales esse uentos.

III. Subsolanus, Fauonio cōtrarius, circa
exortum Virgiliarum, quæ cum 26 gra-
du Tauri oriuntur: sex diebus ante idus
Maij, quod tempus austrinum est.

Ardentissimo
æstatis tēpo-
re exoritur Ca-
miculæ sydus,
Sole primā par-
tē Leōis ingre-
diente, 15. Cal.
Augusti. Huius
exortum,

Antecedunt octo fermè diebus Aquil-
lones, quos Prodomos appellant:
quia Etesias præcurrunt.

Sequuntur

Etesia biduo post: de quib. mox
plura.

Austri post Etesias frequētes usq;
ad sydus Arcturi: quod exori-
tur undecim diebus ante æqui-
noctium autumnii.

Tt 5

Acqui-

666 DE ANEMOGRAPHIA SEV. ÆOLIA,
Æquinoctio Autumni Corus incipit: Co-
rus autumnat: cui contrarius est Vulturnus.

Hyemem inchoat oc-
casus Vergiliarum,
post æquinoctium au-
tumnale diebus ferè
44. quod tempus in
3. Idus Nouemb. in-
cidere cōsuevit: idq;

Comitatur Aquilo hybernus,
æstiuo illi multum diffimi-
lis: cuius ex aduerso est A-
fricus.

Sequuntur

Dies Halcyonij.
Nā ante bru-
mam septem
diebus, toti-
demq; postea,
sternitur ma-
re halcyonum
fœturæ.

Hyems. Reliquū
tempus hyc-
mat,

DE ETESIIS.

Etesix sunt uenti Aquilonares ut prodro-
mi, sed constantius perflant diebus 40. nec u-
nius tantum cardinis sunt, sed ferè totius he-
misphærii, quod est inter Fauonium & Ze-
phyrum. Quando enim æstatis tempore sole
in Leone existente ex hoc hemisphærio frigi-
diores flatus excitantur: Etesix uocantur: id
est, anniuersarij: quia certo & stato anni tem-
pore

pore recurrunt, scilicet biduo post exortum caniculæ: nec ulli uentorum magis statim sunt. In his considerandæ Causæ, Initium, Duratio, Cursus. Quod ad causas attinet, quidam dicunt causam istorum uentorum esse niues, quæ in frigidis septentrionis regionibus tum liquecant, & materiam uberem durabilibus uentis suppeditet. Plinius ait uaporem Solis (geminatum ardore sideris: id est, Caniculæ) molliri seu mitigari his uentis. Sunt enim saluberrimi. Et Cicero lib. 2. de Nat. deor. Etesiarum flatu nimij temperantur calores. Vnde Ptolem. ait illos cieri à Ioue, sicut enim ipse auctor est fecunditatis & spirituum fecundorum: ita etiam hi uenti fecundiores & salubriores reliquis existunt. Cōsentit & Aristot. ὁ μὲν βορέας, αἰτ, ἀπὸ τῶν ἐπὶ τὸν ἄρκτον πνεύματα τόπων, οἱ πηγεῖς ὑδατῶν καὶ χιόνων αἰοὶ ποταμῶν: ὧν τηκομένην ἐκ τῆς ἡλίου, μετὰ τὰς θερινὰς προπὰς μάλιστα, ἢ ἐπ' αὐταῖς, πνέουσιν οἱ Ἑτησίαι. Et Suidas: Ἑτησίαι, οἱ ἄνεμοι οἱ κατ' ἔτη πνέοντες, πνέουσι δ' ἐν ἀκμῇ τῆς θερος. διότι ὁ ἡλιος μετεωρότερος καὶ ἀπὸ τῶν μισιμβειῶν τόπων ἀρκτικώτερος γινώμενος, λύει τὰ ὑγρὰ τὰ ἐν τοῖς ἄρτοις, λύόμενα δὲ ταῦτα, ἐξαίρετα καὶ πνευματίζονται: καὶ ἐν τέτῳ γίνονται οἱ Ἑτησίαι: καὶ ἀπὸ τῶν ἀρκτικῶν τόπων φέρονται ἐπὶ τὸς μισιμβεινούς. ἃ προσπίπτει τοῖς ὑψηλοτέροις ὄρεσι τῆς αἰθιοπίας, καὶ ποταμῶν, καὶ ἀθρόα γινώμενα, ἀπεργάζονται ὑγρῶς: καὶ ἐκ τῆς ὑγρῆς τῶν πλεθροῦται ὁ Νεῖλος τῆς θερος ἀπὸ τῶν μισιμβειῶν καὶ ξηρῶν τόπων ῥέων. Quod autē Suidas de Nili incremento narrat, id ab alijs quoque cre-

668 DE ANEMOGRAPHIA SEV ÆOLIA,
 creditum, Plinius indicat, ubi de Nili ortu
 sententias diuerſas commemorat libro quin-
 to, capite nono. Cauſas, inquit, incrementi
 Nili uarias prodidēre, ſed maximè probabi-
 les, Eteſiarum eo tempore ex aduerſo flantiū
 repercuſſum, ultrò in ora actò mari: aut im-
 bres Aethiopix æſtiuos, iſdem Eteſijs nubi-
 la illò ferētibus è reliquo orbe. Et Ammianus
 lib. 22. Opinio celebrior eſt, quòd ſpirantibus
 Prodromis, perq; dies 4; Eteſiarum cōtinuis
 flatibus repellentibus, eius meatus, uelocita-
 te cohibita, ſuperfluis fluctibus intumeſcunt
 & reluctantè ſpiritu controuerſo adoleſcens
 in maius, hinc ui reuerberante uentorum, in-
 de urgente curſu uenarum perēnium progre-
 diens in ſublīme regit omnia. Quas autem de
 Nili incremento opiniones Ammianus, Pli-
 nius & Suidas in ſuos libros retulerūt, eas ui-
 dentur accepiſſe à Calliſthene & Democrito,
 quorum ipſi nomina omiſerunt.

Initium ſpirandi Eteſiæ ſumunt poſt ſolſti-
 tium & canis ortum, ut ait Ariſtotel. libro 2.
 μεταρρῶν, ἐτῆσίᾳ, inquit, πνέουσι μετὰ τροπᾶς ἢ κινῶς ἐπι-
 τολῶν, καὶ ὅτι τλιωικαὐτὰ ὅτι πλησίον ἔσται ἡ μέγιστος ὁ ἥλιος, ὅτι
 ὅτι πόρρω καὶ τὰς μὲν ἡμέρας πνέουσι, τὰς δὲ νύκτας παύονται.
 Plinius Eteſias flare ait biſ duo poſt Caniculæ
 exortum, Leone iam ſolem ingreſſo. At Co-
 lumella libro 11. capite 2. ait Calendis Auguſti
 incipere; deſinere uerò 3. Calend. Septemb.

Du-

Durant 40 dies secundum Plinium. A tertia diei hora oriuntur: noctu desinunt. Interdiu autem tantum spirant: quia Sol interdiu fumose terra eleuat, noctu autem uentos materia deficit: tunc enim congelata omnia liquefieri cessant propter nocturnum frigus. Cum tardius mane prodeunt, uocantur à nautis somniculosi ac delicati, ait Seneca.

Cursus Etesiarum est à septentrione in occidentem, inde in orientem, ut scribit Aristot. Οἱ Εἰθησία πλείσαντα τοῖς μὲν περὶ δυσμὰς οἰκοῦσιν, ἐκ τῶν ἀπαρκτίων εἰς θρασείας, ἀργέας καὶ ζεφύρους: ἀρχοὶ μὲν οὖν ἀπὸ τῆς ἀρκτῆς, τελευταῖντες δὲ εἰς τὸς πόρους: τοῖς δὲ πρὸς ἑω, πλείσανται μέχρι τῷ ἀπηλιώτι, Sententiam Aristotelis comprobant uerba Ciceronis epistol. 15. lib. 11. ad Coelum. Ego, inquit, nisi quid me Etesiae morabuntur, celeriter, ut spero, uos uidebo. Nam è Cilicia Italiam uersus: id est, ab orientis partibus ad occasum nauigaturus, ne impediretur Etesijs timebat, non à septentrione: id est, dextro latere incurrentibus, sed ab occasu: id est, à fronte, reflantibus: cum ab occidente ad ortum referuntur. Quod etiam clarius demonstrat epistol. 7. & 8. lib. 6. ad Atticum: & in epistol. ad Cornificium. Cum igitur Aristotelis & Ciceronis autoritate constet Etesias ab occidente in ortum ferri, mirum est cur Plinius lib. 2. scripserit ab oriente, meridiemque eorum flatum esse. In
eodem

670 DE ANIMOGRAPHIA SEV AEOLIA,
eodem errore est Gellius libro 2. cap. 22. qui ta-
men se fluctuare ibidem indicat.

Qualitates. Et si autem omnes uenti natu-
raliter calidi & sicci sunt: (Est enim uetus ni-
hil aliud, nisi exhalatio calida & sicca) per ac-
cidens tamen alij humidi, alij frigidi fiunt. Nā
cum loca calida aut frigida, arida aut sicca, foe-
rida aut amoena perflant: easdem qualitates
tanquam proprias recipiunt. Vide Pontanū
lib. 1. de reb. coelest cap 37. & Ptolem lib. 1. ca-
pite 8. Quadrip. Omnium uehementissimi
sunt Africus & Corus: deinde his oppositi
Vulturnus & Aquilo. Corus quidem frigi-
dus & humidissimus: Vulturnus calidus, sic-
cissimus: Africus, humidus, calidus: Aquilo
ficcus, frigidus: à cardinibus frigidissimi & ca-
lidissimi percipiuntur: duo sunt in decuma-
nis tēperatissimi, ab occasu recto Fauonius,
sed lenissimè ac rarò spirat, nec ferè nisi Sole
occidēte. Subsolanus ab ortu ualde salutaris
& aliquanto uehementior Fauonio,
præsertim cum Sol ab æqua-
tore discessit.

Frigidissimi sunt, quos à septentrione spirare diximus, & uicinus ijs Corus: ij & reliquos compescunt & nubes abigunt.

Humidi sunt Africus, & præcipuè Auster Italia. Narrant & in Pōto Cæciam ad se trahere nubes. Vnde & Prouerbiū: Mala ad se trahens ut Cæcias nubes.

Primò { Sicci Corus & Vulturnus, præterquam defiscentes: & in totum omnes à septentrione & occidente sicciores, quàm à meridie & oriente.

Æstuosus est Auster: Tepidi Vulturnus & Favonius seu Zephyrus (qui etiam pruinas soluit & frigus: unde quasi *ἰσηφόρ* & dicitur) iidem Subsolano sicciores sunt,

Secundò { Niuales sunt Aquilo & Septentrio.
Grandines important, Septentrio & Corus.

Tonitruosus præ cunctis Boreas: quanquā & Circius & Corus: hi etiam fulminosi sunt.

Tertiò { Saluberrimus omnium est Boreas (*schind den hengst*) quia siccus & frigidus: item Subsolanus.
Pestiferi & noxij Auster & Corus: quia magis humidi. Austro spirante minus esurire creduntur animantes.

Propter

Propter sicum duo naturā mutant. Auster enim Africæ serenus est: nubilus aquilo.

Contrarij uenti dicuntur secundum diametrum horizōtis, ut Zephyrus sub solano contrarius est: septentrio austro. Nomina etiam uentis sæpè imponuntur à contrarijs terris. Sic Græci Cæciam uocarunt Hellespōtium, quòd ab Helleponto in Græciam deferretur. Et Horatius Corum uocat Iapyga (ut & Ptolemæus) quòd ab Iapygio Italiæ promontorio euntes in Aegyptum sequatur: ut in Ode 3. Eadem ratione Latini Circiū uocant Gallicum, quod à Gallia spiraret: Francicorum siue Thraſciam uocant Anglum.

DE PARTICVLARIBVS

uentis.

Particulares uenti sunt prouinciales uenti, qui non perflant, sed quibusdam tantum gentibus peculiare sunt, nec ultra certum tractum progrediuntur: aut sunt particulæ cardinalium uentorum à quibus abscisse sunt calore aut frigore loci aut etiam montium altitudine, uallium'ue profunditate. Sic iuxta Corinthum Aquilo tortuose spirat propter reuerberationem montium. Sic Sciron loca circa Athenas infestat. Sic Narbonensibus peculiaris est Circius, Atabulus Apuliæ, Iapyx Calabriæ.

DE REPENTINIS VENTIS.

Repentini uenti sunt sicci spiritus nubi alicui inuoluti, qui cum luctantur sursum, à nube deprimuntur. Subito autem magno fragore oriuntur & subito etiam concidunt. Horum alij sunt uagi & ruentes torrentium modo, & dicuntur Fragores. Alij sunt impetuosiores, qui discissa & fracta nube erumpunt: quorū tres species sunt: *Ενεφίας, τυφών*, & Turbo. *Ενεφίας*, Latine Procella, est tumultuosus & acer uentus ex subtiliore materia, qui latius & altius uagatur continue absq; diuulsione, *Ein Sturmwind*. Typhon, Latine Vortex, est uentus ex spissiore materia à uehementi impulsione incensus & instar ardētis rotę in gyrum agitatus: arbores & nauigia comprehensa frangens. Humilius autem & angustius rotatur & discontinuē. Tenui autem aceti remedio (cui frigidissima est natura) in aduenientem effusi, mitigatur tempestas. Non fit autē Aquilonius Typhon, nec niue iacente *Ενεφίας*, propterea quod hæc omnia flatus existunt: id est, exhalatio calida & sicca. Gelu itaque & frigus cum uincūt, principium ipsum cum adhuc fit, statim extinguunt. Turbo est cum duo uenti ex oppositis nubibus egressi concurrunt, magnoq; impetu coluctantur,

Ein mindtsbraut. Hinc incensus, dicitur πυρὶς: id est, igneus turbo.

PROVERBIA A' VENTIS

sumpta.

Mala attrahens, ut Coecias nubes.

Ventorum stationes norunt indigenæ. ἀνέμοι
μωρὰς αἰῶνας γινώσκουσιν οἱ ἐγχῶνιοι.

Venti campus, ἀνέμω πεδίοι. Homerus uana
uocat ἀνιμάλια: & ἀπηνέμια, quæ solida non sunt,
sed subuentanea.

Ventis tradere.

Vento loqueris, ἀνέμῳ διαλέγῃ.

Ventos colis, ἀνέμοις γεωργοῖς.

Vento uiuere in Cod. lib. 5. tit. De alimen.
pupil. præst.

Perendinum uentum prædicere: τὸν τριτῶν
ἀνέμων προγινώσκων.

Ventus neque manere finit, neque nauigare,
ἀνέμῳ ὅτι μὲν ἀνέμῳ, ὅτι πλεῖν.

Quocunque uentus tulerit, ὅπου περ ἂν τὸ πνεῦμα
μαρτύρηται.

DE NUBIBVS.

Nubes est uapor humidus, frigore medi
aëris concretus & densatus. In ea confid. Spe
cies & Adiuncta.

Species

Sterilis, ut Nebula : quæ ueluti nubes infœcunda & semine exhausta, serenos dies potius, quàm pluuios portendit: quæ nec æstatē, nec maximo frigore existit.

Species nubis duæ sunt. Est enim uel

Fœcunda quæ frigore condensata uel

Stillat, & dicitur Pluuia, uel


Congelascit

Impetuosior, ἁλ-
βροτέρα: quæ dicitur Imber seu Nymbus.

Remissior, quæ guttatim delabitur : & dicitur Stilla.

Priusquam in aquam conuertatur : & sit Nix: Fit enim humore mollius coacto.

Postquam in aqua resoluta est : & dicitur Grando. Gignitur enim congelatiato imbre : & interdum sæpius quàm nouis : & multò celerius resoluitur quàm nix.



DE PARELIIS ET PA- raselenis.

Parelius nihil aliud est, quā reflexio ra-
diorū Solis in nube densa & æquabili, quæ ad
latus Solis existit & tanquā speculum, Solis
radios recipit, coloremq; eius inde refert. Vn-
de plures Soles fulgere existimantur in ortu,
aut occasu. Eadem ferè est Paraselenarum de-
scriptio. Vulgò uocātur plures Soles aut plu-
res Lunę. Vna enim tantū est uera Luna: reli-
quæ sunt tantū *ἑδωρον* & imagines Lunę ex
refractione radiorū Lunarium in nube ortæ.

Effi-

Efficiens horū causa est uis cœlestis, attrahens materiam nubis, illamq; præparans ad huiusmodi formam recipiendam.

Materialis est nubes densa, æquabilis & regularis, quæ ex obliquo Solis collocata est.

Formalis est refractio radiorum solarium in nube ad latus Solis existente, quæ omnino uelut speculum radium recipit, caloremq; qui in Sole est apparere perinde facit, ut quādo ab aëre leui ob eius densitatem aspectus frangitur. Vnde fit ut hæc meteora fiant tantum ad latus, non è regione Solis ut Iris, nec sub Sole, ut halo.

Finalis causa est significatio pluuiæ. Significat enim aërem plurimum materiæ imbrisum continere: & magis id significant eum in austria cœli regione constiterint, quàm cum in Aquilonia: quoniam austrinus aër melius, quàm septentrionalis in aquam mutari solet. Vt autem ferè omnes impressiones in natura abditam quandam aut secretam significationem habent: ita pærelj semper aliquid singulare diuinitus portendunt.

DE HALONE.

Halo (Latinis area aut corona, *ein Hoff*) est refractio luminis facta secundum circulum in humido uapore, inter uisum & corpus luminosum posito.

Causa efficiens & formalis est refractionis luminis in hoc uapore secundum circulum ad uisum. Lumen enim secundum æquales angulos refringitur ad uisum. Videtur igitur circulare propter æqualem refractionem luminis aggregati ad uisum.

Materia est uapor humidus inter aspectum nostrum & corpus luminosum interpositus.

Finalis est quoddam ut plurimum uentos significat. Nam si uno loco rumpitur, ea parte uentus accidet. Hæc enim uaporis diductio fit à flatu, qui quidem iam cœpit, nondum tamen sentitur in terris: si uero pluribus locis frangitur, tempestas ingruet: si æqualiter dilabitur, auræ tranquillitas erit. Vide Aratum, & Ptolem. lib. 2. cap. fin.

DE IRIDE SEV ARCV

cœlesti.

Iris est arcus, habens uarios aduerso Sole colores, in nube rorida, rara, concaua & inæquali, ex radiorum Solis oppositi reflexione ad nostrum uisum apparens. Ut enim paretur ad latus Solis, halones sub Sole: ita iris è regione Solis gignitur in nube, quæ iam incipit in guttas dissolui: unde istæ particulæ fiunt quasi specula, in quas radii incidentes, refractione sua pingunt nubem, Iris Græcis dicitur ab ἑρως, prædicat enim & significat pluuiam. In ea cōsid. causæ & adiuncta.

CAVSA IRIDIS.

1. Efficiens est lumen seu radius Solis aut Lunæ, seu ut Optici dicunt, formæ radiantes. Generatur enim Iris ex reflexione radiorum corporis luminosi ad uisum. Reflectuntur autem radij ab omni corpore diaphano inspissato, ut sunt uapor, nubes, aqua, uitrum, crystalus, aër densatus. Quando igitur uapor roridus seu nubes rorida opponitur Soli, tum radius solaris in illam incidens reflectitur. Aristoteles ait arcum esse refractionem uisionis in Solem, ἀνακλασις ἢ ἰρις ὀψίας πρὸς τὸν ἥλιον. Alij dicunt arcum esse reflexionem luminis in nube opposita. Verum si res diligenter consideretur, utroq; modo id accidit. Refractio enim radij pingit nubem, atque intendit lumen, ut magis fiat uisibile propter radij duplicationem. Verum hoc lumen ad uisum per reflexionem delatum, primum informat arcum, id quod experientia ostendit. Mutatur enim Iris secundum mutationem uidentis: unde opticum illud iridis mirabile quod insequentes fugiat & fugientes insequatur: unde illud nostrum:

Si fugio sequitur, sed me fugit illa sequentem:

Res uaria & mira est, dic mihi quæso quid est:

Ad quodcunq; etiam latus mouetur is qui aspicit iridem, ad idem inclinatur & iris. Viden-

tur enim semper talia, ut Optici probant, in concursu lineæ reflexionis ad uisum progredientis, cum perpendiculari ducta à puncto rei uisæ super superficiem corporis à quo fit reflexio formæ uisæ. Id autem fit propter diuersas reflexiones, quæ fiunt ad uisum à diuersis partibus materiæ iridis, scilicet secundum quod uisus mutat pūcta sua in materiā. Nunquam enim fieret iris, nisi multi radij congregati uniformiter ad uisum reflecterentur.

2. Materia est uapor roridus, qui est ferè medius inter uaporem aqueum & aquam seu guttas quæ delabuntur. Quando enim frigus aut aliud agens, condensare incipit hunc uaporem in propriam formam: id est, reducere in aquam: tum delabitur, atq; Iris simul euanesceat. Suspēsus autem est roridus uapor partim uirtute generantis & alterātis ipsum, quæ ab ipsa nōdum separata est: partim uerò propria leuitate. Quia enim nondum in aquā est liquefactus, multum aëreæ leuitatis adhuc continet.

3. Forma est illa ipsa refractio seu reuerberatio & tortuosus incessus radiorum luminis in uapore rorido: qui quando incipit dissolui in guttas: istæ particulæ fiūt quasi specula, in quibus singulis radij incidentes diuersimodè reflectuntur. Non possunt enim illa transire: itaq; necesse est ut reflectantur; delati autē ad uisum,

uifum, formam arcus reddunt. Quemadmodum enim aqua fparfa ore urinantium, manu uel remo, formam iridis refert propter reflexionem diuerfimodam radiorū in iſtis guttulis: ita quoq; in nube eodem modo difpofita accidit.

4. Finis eſt ſignificatio partim phyſica: quia ſignificat pluuiā: partim promiſſionis. Nam 9. Genef. deſtinata eſt in ſignum fœderis ſeu promiſſionis, qua Deus Noë pollicitus eſt ſe nolle deinceps mundum uniuerſali diluuiio delere. Vnde dicitur:

Ne timeant imbres, datus eſt in nubibus obſes.

Atq; hæc de cauſis iridis: ſequuntur adiuncta duo, Color & Figura.

COLORES IRIDIS.

1. Generaliter lumen ſemper immiſcet ſe coloribus rerum ad quas reflectitur: ſecundum regulam uulgarē: Lucem res coloratas tranſeuntem, illarum coloribus colorari. Vnde lumen reflexum ſecum deferret colorem rei, a qua reflectitur, ad uifum: quemadmodum radius tranſiens uitrum coloratum, pingitur colore uitri. Cum itaq; lumen naturaliter lucidum, recipitur in nube non æquabili atque uniformi, ſed in plurimas, eaſq; minimas guttulas diſſoluta: necesse eſt illud diuerſimodè colorari,

V u s rari,

rari, prout lumen miscetur cum umbra huius uel alterius corporis. Præterea alia nubes circumfusa atq; circumstans hanc roridam, adiuuat etiam colorum dissimilitudinem.

2. Specialiter differentiæ colorum in iride pro diuersa positione uaporis roridi, diuersimodè miscentur: ut in collo anatum, pauonum, & columbarū accidit: inæqualitas enim pennarum aliàs in hanc, aliàs in illam partem umbras proijcit, quæ permixtæ lumini, diuersos utrinq; gignūt colores. Sic & in uestimentis uidemus mirabilem mixturam colorum gigni, in quibus duo, aut tres præcipui colores inter se transponuntur. Non enim idem est color purpuræ collocatæ ad album & nigrum: claritas enim aut obscuritas uicini coloris, illam aut intendūt, aut remittūt. Hinc potest intelligi causa cur Virgilius dixerit: Mil-le trahit uarios aduerso Sole colores. Transponuntur enim & miscentur colores tum ratione materiæ & umbrarū, tum etiam lucis. Sed Aristoteles tres principales ponit, Puniceū, Viridem, Cœruleum.

Puniceus cōsistit in exteriori arcus circumferentia, propter lumen quod miscetur cum superiore nubis parte, quæ plurimum aquæ cōtinet, unde etiam spissior & nigrior existit. Cum enim tota nubes sit luminosa & lumē semper secundum æquales angulos reflexum

à di-

à diuersis superficiebus in profundo nubis æqui distantibus basi pyramidis primæ illuminationis, ad eundem reflectitur uisum per superficiem prioris pyramidis uicinioris uisui. Cernitur itaq; lumen in nube densiori: quod quia est refractū debilius propter distantiam longiorem (remotio enim uisibilis à uisu est causa debilitatis uisus) & admixtū colori nubis nigro: apparet puniceum. Cū enim uapor remotior à luminoso corpore sit spissior & nigrior: nigredo uaporis permixta luminī debiliori, ipsum denigrat & magis obfuscatum uisui refert. Nota est regula: Albū, uisum per atrum, apparet puniceum.

Viridis Græcis ἀσιν ^α, gignitur prout lumen magis uaporis nigredini miscetur, minusq; refrangitur & sub maiori quoq; angulo reflectitur & cernitur, & in minori distantia locatum, & in materia spissiori radiatum, & umbris pluribus permiscetur. Illud enim lumen hoc modo temperatum & in tali materia reflexum, cernitur uiride.

Cœruleus, qui ex uaporis multitudine atque pluribus umbris magis miscetur.

Addunt alij quartum colorem, Flauū, qui non est color ab alijs distinctus, sed incurrit in uisum ex collatione punicei & uiridis. Puniceus enim collocatus ad uiridem, flauus apparet. Vnde etiam in Iride existente in nigerima

rima nube, color superior non apparet puncticeus, sed flauus.

Aiunt etiam quidā se iridem totam albam uidisse: cuius causa est uaporis uel raritas, & luminis magnus fulgor: uel densitas nimia, in quo lumen penetrare non potuit: unde in ipsius superficie facta est reflexio: unde lumen non potuit recipere colorem à corpore permixto. Potest autē & causa esse uisus in optima dispositione in sese, & in distantia ad rem uisam proportionata.

Colorum pictura exemplis quibusdā exprimi potest. Sic enim aqua defluens ex fistula obuersa Soli, arcum diuersi colorem reddit: & flante austro circa lucernas in hyeme fiunt irides, quæ maxime ab illis cōspiciuntur, qui natura habent humidiores oculos. Eorum enim aspectus propter imbecillitatem celeriter in medio densiore refringitur. Idē accidit in uitrīs, aranearum telis, columbarum collo.

FIGURA IRIDIS INSTAR
arcus.

1. Cur hæc reflexio figuram arcus exprimat: id est, propter quas causas iris uideatur circularis cōcaua. Tamen si enim totus uapor oppositus Soli pingatur ipsius radijs: tamen iris tantum uidetur circularis: quia de isto lumine tantum illud cernitur, quod de ipso secundum

cundum æquales angulos ad unum punctum axis pyramidis radialis est reflexum. Neque enim exteriores neque interiores radij incidentes superficie totius roridæ nubis in eodem puncto cōcurrunt ad uisum, unde uisus partes uaporis reliquas iudicat lumine carere. Eius rei hæc similitudo est: idē enim accidit in superficie plana aquæ: in qua in quolibet pūcto, est forma Solis uel Lunæ, uel stellarum: non tamen uidentur, nisi in uno aliquo loco, à quo fit reuerberatio ad uisum. Mutato uerò illo loco rursus alia forma corporis luminosi cernitur, à quo iusta est ad uisum reflexio. *Απόδειξις* eius hæc est: Si tres uel plures lineæ ducantur orthogonaliter à punctis reflexionis ad lineam ipsi totali consistentiæ uaporis à centro luminosi corporis perpendiculariter incidētem: illæ erunt in eadem superficie per 5. p. 11. eruntq; æquales per 32. & 26. p. 1. Ergo in puncto concursus earum in axe, est centrum circuli per 9. p. 3. & quia totius radij partes non ad æquales angulos reflectuntur, non uidetur integer circulus, tametsi per uniuersam nubē lumen sparsum sit. Nam radij qui reflectūtur ad angulos maiores quàm sint anguli radiorum ad uisum reflexorum, ultra punctum uisus ad alium locum axis reflectuntur: minores uerò eis, qui ad uisum perueniunt, ad locum alium axis infra centrum uisus

sus concurrunt. Et sic neutri uidentur, nisi forte ab alijs in locis horum concursuum consistentibus. Vnde fit quòd subinde aliæ atque aliæ irides conspiciuntur, prout aliquis ab uno loco in alium mouetur. Visus enim progredientis uel regredientis semper incidit in puncta aggregationis diuersorum radiorum.

2. Cur tantum fiat arcus & non integer circulus, sicut in halone. Et causa est: quia iris fit ex aduerso Sole, ita ut centrum Solis, uisus & iridis semper in eadem linea recta consistent, quæ est axis pyramidis illuminationis uaporis roridi. Ergo necesse est semper supra horizontem extare, uel semicirculum: cum scilicet Sol in occasu aut ortu existit in horizonte, propter centrorum ex diametro oppositionem: uel arcum minorem semicirculo, cū centrum Solis supra horizontem est eleuatum: tum enim centrum circuli basis pyramidis irradiationis deprimetur sub horizontem. Cū ergo centrum Solis eleuatur, centrum circuli deprimitur. Ergo necesse est minus semicirculo conspici, & tantò minus, quanto centrum Solis altius supra horizontem eleuatur. Vnde Sole in meridiano existente, minimus arcus existit. Sequitur autem ex his, quòd corpus luminosum tempore apparitionis iridis, aut est in horizonte aut supra horizontem. Ergo nunquam integer circulus cōspici potest, nisi fortasse

tasse ex reuerberatione luminis solaris à nube ad terram, uel ad aliam nubem, ubi sit uapor roridus in medio, & uisus inter uaporem & nubem à qua fit reuerberatio.

3. Cur non conspiciatur in iride imago seu *ἄλσλον* Solis, sicut in paelijs aut speculo. Quia non potest figura rei uisæ peruenire ad uisum propter refractionem multitudinem & raritatem nubis, quæ receptam formam continere nequit. In paelijs autem imago Solis conspicitur, sicut in speculo, propter leuitatem & nubis continuitatem.

DE METEORIS IN aëre imo.

Corpora imperfecta quæ in infima aëris regione generantur, sunt naturæ partim igneæ, ut ignis fatuus: partim aëreæ, ut terræ motus: partim aquæ, ut ros, pruina.

DE IGNE FATUO.

Ignis fatuus est meteoron ex fumo pingui unctuososo & inflammabili, qui frigidityte aëris nocturni cogitur & condēfatur, donec incendatur. Dicitur autem etiam ignis præcedens & sequens quod sæpè nauigantibus, aut iter facientibus apparet, & aut præcedit, aut sequitur: qui tamen aliquando non fertur, sed sedet.

Causa materialis est fumus pinguis, unctuosus & inflammabilis.

Formalis est concursus duarum contrariarum qualitatum, quæ inter se pugnant. Vapor enim calidus est : & aër nocturnus frigidus. Concurrunt autem tantisper donec hac agitatione uapor incendatur.

Finalis est , ut significet tempestatem frangi & desinere uentos: ut Seneca ait.

Eius duæ species sunt: est enim uel solitarius, & dicitur Helena: uel geminus, & dicitur Castor & Pollux, *καρυδδενης*. Ille exitialis est habitus: significat enim eam regionem abundare materia, ex qua tempestates generantur. Hic salutaris: quia significat hoc incendio omnium tempestatum materiam absumi. Addent aliqui & tertiam speciem ignis lambentis capita, cuius meminit Liuius lib. 1. de Seruio Tullo, & Virgilius Aen. 2. Hoc meteoron plane est prodigium : non enim habet sufficientes causas physicas: itaque nec effectus certos & regulares: sed aut diuinitus proponitur, aut maligni genij præstigiæ sunt.

DE TERRÆ MOTU.

Terræmotus fit quando terra concutitur a uentis siccis in eam conclusis : qui quando uirtute sua attolluntur atque exitum quærunt, neque usquam illis patet propter obstructos terræ

terræ meatus, tum retrò feruntur, atque in se se reuoluuntur. Hac rixa spiritus reciprocantis siue interclusi, siue per angustum elisi, mouetur atque concutitur terra. Hic consider. Causæ, Species, Adiuncta, Remedia contraria, Duratio.

I. CAUSÆ.

Efficiens est calor Solis & ut Plinius ex Babyloniorum placitis ait, horum trium siderũ, quibus etiã fulmina assignantur, scilicet Martis, Iouis, & Saturni.

Materia est exhalatio seu uetus in terra uel natus, uel aliunde immissus. Constat autem tales spiritus in terra gigni. Terra enim per se existit arida: imbribus uerò humectata & calore Solis calefacta, plurimũ spirituum extra, intraq; gignit.

Forma, est ipsa agitatio. Quod enim in nubibus tonitrua & super terram uentos excitat: idem in terrę meatibus tremorem seu terræ motum generat.

Finalis est significatio alicuius futuri euentus. Plinius ait nunquam Romam tremuisse, ut non futuri euentus alicuius id prænunciũ esset. Sicut etiam 2. Reg 22. dicitur: Commota est & contremuit terra: quoniam iratus est eis Dominus.

II. SPECIES.

Aristoteles duas species facit, Tremorem
Xx &

& pulsum, *τρόμος καὶ σφυγμός*. Plinius quatuor ponit, ut sunt: I. Ruina seu casus: Seneca inclinationem uocat, quando in unam partem totus se motus impellit. Fit autem quando multus & copiosus spiritus in unum aliquem locum magna ui incumbit, quem etiam euertit, nisi celeriter ex altera parte occurrat motus, qui inclinata restituat. Hac specie motus Basilea concussa corruit anno domini 1356: die 18 Octob. Meminit etiam Liuius huius speciei lib. 2. decad. 3.

I I. Hiatus, quando terra profundo hiatu dehiscit: & fit quādo spiritus magna ui erumpit extra terram. Aristoteles ait hac specie Sipyllum & regionē Ligusticam euersam esse.

I I I. Agitatio, tremor uel succussio: Aristoteles pulsum uocat: & fit, quando terra assurgit ueluti intumescēs atq; iterum residet. Hac specie tremuit Friburgum Brisgoicum anno domini 1509. Calend. Nouemb. Erant autem duo horribiles motus: unus nocturnus, qui tecta in altum subleuabat & rursus demittebat, ita ut uelut alternis assurgerent atq; residerent. Alter uerò sequenti die circa uesperū: qui uerius fuit sonus quidam & horribilis sibilus, quā concussio aut tremor.

I I I I. Quando magna moles instar montis extra terram egeritur, aut quando aliqua terrę pars subsidet, ex qua aut flumina, aut ignes

nes erumpunt. Sic ait Aristoteles circa Hera-
cleam Ponti & Hieram insulā accidisse. Scri-
bit enim Albertus Magnus fluuium Sueuiæ
Neccarum absorptum esse terremoto, ut uno
die per integrū milliāre auersus nusquā com-
paruerit. Causa aut cur cū terremotib. magna
aquarū uis erūpat, est exhalatio, magna ui eie-
cta, quæ simul expellit quicquid est aquarū.

III. ADIVNCTA.

I. Sonus. Nam spiritus agitati in subter-
raneis specubus, sonos efficiunt: in primis ue-
rò quando ferūtur aduersus solida, cauaq; cor-
pora subterranea, adeo ut nonnunquam ter-
ra uelut mugitum edere uideatur. Edūtur ta-
men aliquando soni sub terra sine concussio-
ne, cū uapores non sunt satis multi, ut terrā
tremefacere queant.

Aequinoctialibus temporibus ut plurimū fi-
unt: quòd illa tempora sunt flatuosissima.

Aestate & in locis calidioribus sunt rariores
propter calorem, qui poros terræ aperit, unde
exhalat quicquid est uentorum aut spiri-
tuum collectum sub terra.

II. Tē-
pus. Nā

Hyeme rariores sunt propter debilitatem ca-
loris, qui gignit & producit spiritus: eadem
de causā noctu sæpius fiunt quā interdiu:
quia calor diurnus dissoluit materiam, frigus
nocturnum constringit.

In Solis & Lunæ defectu sæpè fiunt.

III. Signa motus futuri apud Plinium sunt. I. Cōmotio seu agitatio maris, nullis uentis spirantibus & magna aëris tranquillitate existente. II. Crepitus siue fragores in specubus subterraneis. III. Cū uolucres pauent. Auiculæ enim propter raram & subtilem constitutionem corporis, facillimè uel leuissimas alterationes aëris præsentiant. IIII. Nubecula tenuis & uelut linea post occasum Solis sereno tempore cōspicitur in nube, per longum porrecta spaciū. Causam affert Aristoteles. V. Aqua in puteis turbatur atque eius odor inficitur.

IIII. REMEDIA CONTRA

Terræmotum.

I. Specus per quos spiritus subterraneus diffatur ac egreditur: apertio enim siue naturalis sit, siue manufacta, prohibet illum sæuum motum.

II. Figura loci. Loca enim pendentia minus infestantur quàm solida. Spiritus enim nō habet tam firmum obstaculum in quo repercutiatur, ac deinde fortior insurgat.

III. Fornices.

IIII. Parietes ex latere terreno facti, nō ex solidioribus saxis aut lapidibus.

V. DURATIO.

Cessat terra moueri, quādo materia seu uentus est

tus est exhaustus. Et motus facti à spiritibus raris & tenuioribus, statim desinunt: à crassis autem, qui in meatibus ac cauernis hærent, durant diu. Sic ferunt terræmotum quo Basilea corruit, integro anno durasse: post annum uerò loca uicina affligere cepisse. Argentinæ enim aliquoties est concursus ad tentoria extra urbem ob metum futuri motus.

DE RORE ET PRUINA.

Vapor
humis-
dus in
regione
aëris in-
fima uel

Congelatur, & fit Pruina.
Non cōgelatur, sed stillat
& fit Ros: quasi super gra-
mina & res humētes ce-
ciderit, guttatim collis-
gitur; si uerò super ter-
ram, à terra arida & sicca
imbibitur. Ros neq; ges-
lu, neq; ardoribus fit.

Fiūt autem am-
bo nō nisi se-
rena nocte &
à uentis silen-
te: quia nihil
attollitur nisi
cœlo sereno:
nihilq; uentis
spirantibus
consistere po-
test. Ideo quæ
pruina in mō-
tibus altiori-
bus non gi-
gnitur.

LIBER XXVI.

DE METALLIS.



Tq̃ hætenus de naturis imperfe-
ctis. Perfecta corpora sunt, quæ ex
quatuor elementis constant, ita ut
elementa mediâtè: id est, median-
te magna alteratione, concurrant. Imò & præ-
cedere uel perfectè uel imperfectè mixta oportet: ut lapides ex halitibus & terra fiunt. La-
pis enim non gignitur ex sola terra: sicca enim
non possunt coagulari sine humore: ideoque
necessarius est humor in qualibet genera-
tione.

Generantur igitur lapides ex uaporibus &
exhalationibus, cum multo luto humido &
uiscofo iunguntur: sunt autem exhalationes
naturæ aëreæ & igneæ, quibus alteratur & co-
agulatur uiscosum lutum, ut fiat lapis. Osten-
dit autem Aristoteles in mixtis perfectis 4. e-
lementa concurrere.

I. Perfectè mixta sunt circa terram, ut lapi-
des, metalla, animantia. Constât igitur ex ter-
ra. Ideo enim appetunt terram ueluti locum:
quia habent aliquam terræ naturam.

II. Constât ex terra: Ergo & ex aqua: quia
sicca non possunt sine humido concreescere &
coagu-

coagulari: sicut neque humida terminari possunt sine sicco.

III. Constant ex terra & aqua. Ergo & ex reliquis elementis. Non enim potest fieri transmutatio, nisi per contraria, & quidem sine calore non fit conuersio frigidorum elementorum: quia calor est actiua qualitas & coniungit homogenea. Ideo necesse est ignis & aëris naturam accedere. Idem confirmat hoc syllogismo:

Ex quibus nutriuntur mixta, ex iisdem etiam nascuntur & sunt: *ἀπαντα τρέφεται τοῖς αὐτοῖς ἔξ ὧν, καὶ ἐκ τῶν αὐτῶν.*

At mixta nutriuntur ex elementis quatuor: id quod ostendit experientia. Plantę & animalia nutriuntur terra, aqua & aëre: & sine calore nec conuersio nutrimenti in substantiam nutriti fieri potest, nec actio ulla est frigidarum partium. Concurrent igitur 4. elementa in nutritione.

Mixtorum igitur substantia est ex 4. elementis.

SPECIES MIXTORVM.

Perfecta corpora sunt uel inanima & bruta, quasi terra obruta: uel animata & uiua. Inanima sunt uel Fossilia uel Liquida. Fossilia sunt Metalla & Lapides. Metallum est natura inanima ex sulphure & argento uiuo, in terrę uenis ac meatibus consistens. Dictum quasi *ἀν-*

πο μὴ ἄλλο quòd aliud post aliud inueniatur: natura enim eius est ut ubi una uena appareat, ibi spes sit alterius inueniendæ. Vel dicitur ἀνταναλίσσειν: id est, scrutando: quod uarijs modis torretur, uritur, tunditur, molitur, lauatur. In eo 4. considerata, Causæ, Subiectum, Adiuncta, Species.

CAUSÆ METALLORVM.

Efficiens est uis luminis cœlestis, quod materiam metallorum fouet & magis, uel minus purā efficit. Vt aurum attribuitur Soli: in argento Luna & Iupiter dominantur.

Materia est sulphur & argentum uiuum.

Forma est ex puritate & impuritate sulphuris & argenti uiui: tanquam propinquis causis diuersitatis.

DE SVLPHVRE.

Sulphur est materia metallaris ex terra purissima, aërea & unctiosa seu pingui, calore coctum & coagulatum. Semper autem male olet ac facilè exardescit: itaq; uis eius in aquis feruentibus sentitur. Resistit aquis ita ut illis immersum, multis seculis duret, tutius ab inimica aqua, quàm ab amico igne. Calefacit, discutit, & celeriter concoquit: sine ipso pyrius puluis fieri nequit. Suffitus eius & illitus serpentes, formicas & culices necat, prohibet, fugat.

gat. Illitum scabies, lepras & Gallicum morbum tollit. Nascitur in insulis Aeolijs inter Siciliam & Italiam, quas ardere dicunt. Inuenitur & in alijs locis effossum. Est autem duplex: Viuum seu fossile, quod è terre uenis effoditur, quod globosum est & solidum: & Fustum seu mortuum, quod factitium est, ignis nempe coctura liquefactum. Plinius eius 4 genera facit. I. Viuum, quod foditur translucet & uiret: quo solo ex omnibus medici utantur. Alterum quod appellant glebam, usibus tantum fullonum familiare. Tertium liquor est, cuius usus ad lanas suffiendas: quia candorem, mollitiemque praestat. Quartum ad ellychnia conficienda. Sulphuris tanta uis est ut morbos comitiales depræhendat nidore, impostum igni. Lusit & Anaxilaus eo, candens in calice nouo, prunaeque subdita circumferens, exardescantis percussu pallorem dirum uelut defunctorum offundente conuiujs.

DE ARGENTO VIVO.

Argentum uiuum, uulgò Mercurius, est materia metallaris ex aqua, cum aliquantulo terræ purissimæ & unctuosæ, per calorem sulphuris decoctum & coagulatum. Est enim substantia aquea, mixta terre subtili, cum uapor subtilis aëreo halitus uirtute Solis longa coagulatione iungitur. Vnde grauissimum, frigidissimum,

mum, splendidum & liquidum efficitur. Gra-
 uitatem, & quod malè cohæret & in guttas di-
 spargitur, à terra habet: frigus, claritatem, mo-
 bilitatem & liquorem ab aqua. Vnde Græcis
 ὑδάργυρον dictum & Latinis uiuum: quia per-
 petuò mouetur: nullum enim certius uitæ ar-
 gumētum quàm motus, & reuera nihil aliud
 est, quàm metallum nondum concretum. Au-
 rum solum in eo mergitur ac descendit, cum
 cætera supernatent. Cum aurum combiberit,
 imo etiam per se, corium ceruinū (quod cras-
 sissimum est) penetrat. Hoc enim modo aurū
 è fragmentis secernitur: calefit argentum ui-
 uum, eiq; imponuntur fragmenta inaurata:
 breuī itaq; aurum ipsum ab argento uiuo ab-
 sorbetur: inde exprimitur argentum uiuum
 corio, manet aurum in imo, quod modico ig-
 ne colliquatum concreuit. Erodit autem &
 perforat: seu, ut Plinius loquitur, exest & per-
 rumpit omnia metallica uasa, æs, argentum,
 plumbum: itaque ligneis aut uitreis uasis tu-
 tius committitur. Aurum quoq; argento ui-
 uo illitum, fragilius oui putamine euadit: &
 cemēto mollissimo simile fit. Postquam igne
 euanuerit, hæret tectis & laquearibus. Tena-
 citate sua aurum & reliqua metalla foedat, aut
 saltem dealbat. Firmatur & cogitur ab omni-
 bus quæ humiditatē ipsius absumunt, ut sul-
 phur. Sistitur ab æquè tenacibus, ut à salina
 Arbo-

Arboribus immissum, ob immensum frigus & pondus, & erodēdi uim: eas enecat, & quidem celerrimè si ad medullā peruenerit. Muscas quoq; , pulices, cimices, insecta q; omnia perimit, maximè cum sapone nigro. Vitreo uase uel lapideo cōclusum & uehementius calefactum, si non possit respirare, non secus ac pyrius puluis uas rumpit. Si super sextarium argenti uiui, centenarium saxum ponas: oneri statim resistit: sin uerò auri scrupulum, leuitatem eius raptim sinu suo recipit: ex quo intelligitur, non pondus, sed naturam esse cui cedit. Potum uim pernicipalem habet: suo enim pondere intestina erodit. Remedio est lac multum subinde potum & uomitu reiectum, aut uinum cum absinthio, aut auri ramenta epota. Argentum uiuum, quod ē minio secundo fit, Chymistis dicit *ἀπὸ σπερματισμοῦ δράκοντος*: ē stāno, fel draconis: ex auro, discus Solis.

SVBIECTVM METALLORVM.

Generantur metalla in montibus. Vnde Germanis secturæ metallicæ *Bergwerck* dicuntur: mōtium enim uires ligonibus, rastris, aratro non exhauriuntur: nec ullo modo hominum industria perspirare coguntur. Accedit quod montium solidior substantia est: unde calor ille melius cōtinetur, qui in agris ob terræ molliciem difflatur. Sunt etiam in montibus

bus niues & diuturna glacies, quę calorem in imo recondunt, & læta omnia ob id faciunt: cum in agris calor dissoluatur ab aëris externo calore. Nascuntur autem in montibus nō secus ac arbores, patulis nimirum ramis, radicibus, truncis ac ueluti floribus & fructibus: ut metallum nihil sit aliud quàm plāta sepulta ac tota sub terra nascens.

ADIUNCTA METALLORVM

signa uel indicia.

Metallorū abundantia multis indicijis deprehenditur: ut si prouincia ferax sit: si mons altior sit: si eius cacumen ad meridiem, radix ad Boream spectet (nam tam arbores quàm metalla aspectu Boreæ gaudent) si sterilis mōs sit: si color montis, lapidum, & terræ conueniat (Viridis enim est ab ære, niger ab argento & auro, liuidus à plumbo & ferro, cinereus à sulphure) si odor sulphuris, ex attritu duorum lapidum eiusdem montis, redditur si terra aut lapides grauiores sint, quàm pro ratione: si aquæ e monte fluētes odorem aut colorem alienum præ se ferant: si in fundo alui pars metalli inueniatur: si mons rimosus est propter halitus acres: si plantæ, metallorum societate gaudentes, adsint, quales sunt quæ fructum aut nullum, aut exiguum edunt: ut iuniperus, hederā, caprificus, pinaſter & aculea.


leatarum pleraq; si folia arborū aut pallida,
aut decidua & trunci exiles sunt.

ADIVNCTI SAPORES

Metallorum.

Omnia ferè metalla mali saporis esse neces-
se est. Aes amarum est ac pessimi saporis: fer-
rum subamarum: hinc plumbum albū, quod
stannum dicimus. Astringit cum amaritudi-
ne alumen & calchanthum, quod magis ama-
rum est: cum reliqua ut sulphur, bitumen. Ar-
gentum iucundum & subdulcem præbet sa-
porem, & longè meliorem aurum. Sol-
uuntur uerò metalla omnia igne,
exceptis succis, qui humi-
do soluuntur.

SPECIES METALLORVM.



DE AVRO.

Aurum est metallū ex puro & claro argen-
to uiuo & sulphure mundissimo rubeoq; nō
adurente. Dicitur ab aura: id est, splēdore, qui
illi metallo præcipuus est: Vnde Pindarus i.
oda Olymp.

ἄειστον μὲν ὕδαρ: ὁ δὲ

ἡνσὸς, ἀθόμνητον αὐτῷ

ἄτι δὲ πρὶν αὖ—

πρὶ μὲν αὖτορ ὅ ἐξοχα πλεόντε.

In oriente perfectissimum inuenitur: quia is est calidior & humidior. Purū aurū splendissimum est & fului coloris, molle itē ac maxime tractabile. Tertia pars grani unius, filū 134. pedum circumambit: dum malleo super argenti bractēas extēditur, uncia auri, octo argenti pondo tegit: cū uerò in folia transferint, nequeas utrū sit tenuius cognoscere, aurū ne an argentum: itaq; incompræhensibili argenti tenuitate aurum centuplo tenuius esse necesse est: ita fit ut auri uncia plusquam decem terræ iugera tegere possit, ut scribit Cardanus. Horum omnium causa est auri tenuitas maxima, quæ illi est pro priuilegio. Tria enim sunt auro peculiarīa, quòd est tenuissimum: quòd igne non consumitur: quòd non tingit. Nam etiam diebus XX. in igne liquatum non minuitur tanta parte, ut sensui sit manifesta. Certum enim auri argumentum & experimentum est ignis. Vnde per prouerbiū: Aurum igni probatum, χρυσὸς δὲ πρὶ δοκιμασθῆς dicitur is cuius fides rebus aduersis explorata est: & Pindarus oda 4. Nemeorum: ὁ χρυσὸς ἐψῶσεν ὅ αὐγὰς εἰδάζειν ἀπάσας. D. Petrus in epistola priore ad eiusdem naturam alludit: πολλὴ τιμιότηρον χρυσὸν τῷ ἀποθυμῆς, δὲ πρὸς δὲ δοκιμασθῆς. Hinc illud Poëtæ Latini:

Scilicet ut fuluum spectatur in ignibus aurum.

Tempore sic duro est inspicienda fides.

Item illud Græci parum dissimile:

Εἰν πυρὶ μὲν χρυσὸν τε καὶ ἄργυρον ἰδρὶς ἄνδρες

Γινώσκουσ' ἄνδρὸς δ' οἶν' ἔειδεν νοόν.

Est enim illud auro nō citra miraculum peculiare, ut igni non solum non fiat deterius, sed magis ac magis enitescat. Vnde Plinius libro 33. scribit ob eam præcipuè causam aurum omnibus metallis prælatum, quòd unī rerum nihil igni depereat, tutò etiam in incendijs durante materia. Quinimò quò sæpius arserit, hoc magis proficit ad bonitatem: idq; argumentum est probi auri, si similiter rubeat ut ignis, atq; id ipsum obryzum appellatur. Exploratur autē & indice seu Lydió lapide. Vnde Pindarus oda 10 Pythiorum: παρῶντι δὲ χρυσὸς ἐν βασάνῳ πρίπει καὶ νότ' ὀρθός, & Theognis:

ἑνρήσας δὲ μὲ πᾶσιρ' ἐπ' ἔργμασιρ, ὥσπερ ἄπειθορ

Χρυσόν, ἐρυθρόν ἰδῆρ, τριβόμενον βασάνῳ.

Idem alibi:

εἰς βάσανον δ' ἔλθων παρατριβόμενός τε μολιβόδῳ

Χρυσὸς ἄπειθ' ἔων, καλὸς ἅπας ἂν ἔη.

Inter Chilonis quoq; sententias est & illa: ἐν πλινθίναις ἀκόναις ὁ χρυσὸς ἐξετάζεται, διδὸς βάσανον φανεράν: ἐν δὲ χρυσῷ ἀνδρῶν ἀγαθῶν τε κακῶν τινὲς ἐδοκερ ἔλεγχον. Vnde prouerb. Aurum index homini. Præcipua autem auri uis est, quòd (ut in prouerbio est) auro loquēte, nihil pollet quæuis oratio:

Χρυσὸς

Χρυσὸν λαλῶντι ὅτι πᾶς ἀπρακτεῖται λόγῳ,
πάθειν γὰρ οἶδεν καὶ πέφυκε μὴ λίσσασθαι.

Analogia autem auri ad argentum qualis sit, difficile dictu est. Pendet autem utriusque æstimatio à principum edicto, penuria aut abundantia earum rerum nonnunquam ita cogente, quod quidem nulla non ætate variè fieri uidemus. Fuit enim tempus cum Romæ auri uncia uix octo argenti uncis ualeret: fuit igitur octupla ratio. Fuit item tempus cum decem ualeret quod ex Licio libro octauo, decad. 4. apparet: ubi Cos. Rom. postulat ab Aetolis unum aureum pro decem argenteis. Verba Licij sunt: Pro argento si aurum dare mallerent: tum pro argenteis decem aureus unus ualeret. Apparet idem ex Suetonij Iulio capite 54. In Gallia, ait fana, templaque Deum donis referta expilauit, urbes diruit, sæpius ob prædam quam ob delictum. Vnde factum ut auro abundaret, ternis'que millibus numum in libras promercale per prouincias, Italiamque diuenderet. Hec Sueton. Prius autem libra una auri ualebat quaternis millibus numum: id est, centum coronatis: ut fuerit proportio decupla ad unam libram argenti, quæ ualebat decem Coronatis. Sed sub Cæsare, libra auri quarta parte minuta est, proque 75 Coronatis uendita. Tandem proportio duodecupla inualuit: nam

ad duodecim & semis peruentum est, cum aureus Rom. didrachmus ualeret 100 sester-
tius, qui faciunt 25 drachmas. At 25 drachmæ
ad duas drachmas proportionē faciunt duo-
decuplam ac sesquialterā siue fescuplam. Por-
rò deinde iniquitate uel temporum, uel men-
sariorum, aut principum auaritia, ad 15 usque
peruentum est: id est, ut una libra auri ualeret
quindecim argenteis. Sed duodenaria ratio
plurimū euicit priscis temporibus, ac hodie
quoque in usu est, ut una uncia auri æquet
duodecim argenti uncias: id est, libram: item
libra auri, duodecim argenti libras. Nam pri-
mò, nouem Coronati solares pondere æquāt
unciam auri. Nam argenti puri octonaria li-
bra (quam Marcam publicè uocant) aureis
nouem æstimatur. Bini autem Coronati tri-
bus ualent aureis quinūm denūm urforum.
Ita sex solares, æquant nouem illos aureos: id
est, Marcam: & sic in libram Roman. duode-
nūm unciarum argenteam, ueniunt 9 solares,
qui sunt in auri uncia, proportionē duodecu-
pla. Secundò Coronatus solaris ualet 24 ur-
sis: id est, sesquiurso plus quàm sesqui aureus.
Sic quinque Coronati solares æquant octo
illos monetæ aureos quinūm denūm urso-
rum. Ita ut hoc pacto de Marca: id est, sex co-
ronatis, unus coronatus restans, sesqui aureū
sesquiurso excedens, augeat priorem nouem
aureo-

aureorum æstimationem dimidió plus aureo. Vt igitur nouem Coronati solares faciunt unciam auri: ita ijdem argenti libram duodenariam. Manet ergo etiamnum hac ætate auri ad argētum ratio duodecupla. Sed hīc consideranda est indicatura seu æstimatio & ualor auri inæqualis. Ea enim facit ut uncia melioris auri (ut Vngarici) plures uncias argenti in æstimatione ac comparatione postulet. Sic Coronatus solaris ualet 24 urfis: aureus autem Rhenensis 18. cum tamen solatus ternis duntaxat granis pondere hunc superet. Pendit enim Rhenensis 61, solaris 64 grana. Valor autem Coronati, sex urfis uincit Rhenensem: qua ratione unum granum binos pareret urfos, quod alioqui dimidium ursum non æquat. Sanè ut nouem Coronati auri unciam pendunt: & seruata duodecupla proportionē libram argēti æquant: ita 12 Rhenenses aurei, libram eandem argenti ualent quidem, at pondere longè superant 9 Coronatos. Trapezitæ & numularij consuetudinē habent defalcandi quippiam de numismatis iusto leuioribus, nempe de singulis granis dimidiatum ursum, magna hominum iniuriā. Nam cum Coronatus solaris habeat 64 grana: si dederimus singulis granis dimidiatos urfos, erit Coronatus 32 urforum. Plus adhuc lucri faciunt in aureo Rhe-

nenſi, qui pendit 61 grana : ualet autem de-
nis nouenis urſis. Aiunt quidam Coronatis
ſolares ex Rhenanis aureis fieri, adiecto me-
liore auro. Cuius opinionis ſunt argumen-
ta non leuia. Primum quòd in Gallia nullæ
ſunt aurifodinæ. Alterum quòd Galli nul-
lum Rhenenſe aurum Lugduni exportari ſi-
nunt. Tertium quòd è Germania aliquot
mercatores ſingulis annis multa millia Rhe-
nenſium aureorum in Galliam portare dicun-
tur, qui tamen raro ibi, & non niſi in confini-
bus uidentur. Vnde fama eſt eos coctos ac-
cum alio meliore auro tinctos, rursus nouos
prodire ſub ſcuto regio. Quòd autem tam
triti ſunt, non eſt ob nobilitatem indicaturæ,
ſed ob commercium nationum magnæ par-
tis Europæ, cum Gallis in medio omnium ia-
centibus. Quatuor enim maximæ nationes,
Hiſpania, Italia, Germania ac Anglia, neces-
ſitudine illis ſunt deuinctæ obſitus commo-
ditatem & regionis foelicitatem. Sed ſit hæc
coniectura, quam puro inde natam, quòd in
Germania plures ſint quàm 60 urbes & regu-
li, qui Rhenenſes aureos excudunt: pro tan-
ta tamen frequentia rari uiſuntur, imò exterū
aurū multò in Germania frequētius eſt. Vt au-
tē nouē ſolati pendunt uncia pponderū Ro. ita
nouem Rhenenſes pendunt unciam ponde-
rum Germanicorū, dūtaxat apud aurifabros.

DE ARGENTO.

Argentum est metallum ex argento uiuo mundo & candidiore : & ex sulphure mundo ac albicante, non adurente . Et si autem æs colore, plumbum pondere, auro proximiora sunt : argentum tamen tenuitate substantiæ & puritate & firmitate, auro simile adeo est, ut optimum argentum sit aurum substantia imperfectum & colore deficiens : ob idq; longis temporum periodis, si purum sit argentum, aliqua ex parte commutatur in aurum : ut etiam plumbum in argentum . Inde etiam metallorum amicitia est . Nam aurum & argentum plumbum diligunt, & cum liquantur, immiscentur plumbo : æs autem refugit plumbum : & tam aurum quam argentum odit stannum . Itaque cum stannum liquatur, plumbo & argento supernatat crispante unda in fornacibus : atq; sic baculis ferreis solet extrahi.

DE PLUMBO.

Plumbum est metallum ex argento uiuo impuro, feculento, crasso : & sulphure impuro . Est que duplex, Nigrum & Candidum : hoc ex argento uiuo impuro : illud ex impuriore : hoc Germanis Zinn, illud bley : hoc Græcis *καθίτις* Ⓞ, illud *μόλυβδος* Ⓞ dicitur . Ad plumbum nigrum proportionē habet plumbum

cinereum, uulgo *Weismüt* oder *Conterfein*: ut stannum & candidum plumbum, de quo postea. Crescit omne plumbum spontè: ideoque etiam labefactare sua grauitate creditur. Galenus scribit sepultum humidis locis sub terra augeri magnitudine & pondere. Albū plumbum per se oritur, stannum cum argento semper est: estq; stannum quasi plumbum argento dealbatum. Odit metalla omnia plumbum album: auróque & argento uel ex centesimo additum fragilia ea reddit. Plumbum nigrum argento, dum fusum est, supernatat quamuis grauius. Plumbi materiam cōtinet plumbago, *μολύβδαινα*, Plinio galena. Germanis *bleyert* & *glantz*, uel à galeno uel à splendore. Secundum Vitruuium libro octauo, capite septimo, aquæductus plumbi sunt insalubres: quòd ex plumbo cerussa nascitur, quæ dicitur nocens esse corporibus humanis. Ita si, quod ex eo procreatur, est uitiosum, non est dubium quin ipsum quoque sit insalubre. Exemplum ab artificibus plumbarijs sumere possumus, quòd palloribus occupatos habent corporis colores: Nam cum fundendo plumbum flatur, uapor ex eo insidens corporis artus & indies exurens, eripit ex membris eorum sanguinis uirtutes. Itaque minime fistulis plumbeis aqua duci debet, si uolumus eam habere salubrem. Columella quoq;
dum

dum pro gallinarum potu & cibo uasorum fabricandorum rationem tradit, lignea aut fistilia plumbeis præfert, quod utiliora esse compertum sit. Post hos uero Galenus libro septimo, de Medic. comp. cum in componendo ex papauerum capitibus medicamento aquam pluuiam puram & omni mixtione carentem commendasset, subiungit: ὥστε δὲ τὸτο καὶ τὸ δὲ τῶν μόλυβδίνων σφαλίων ὀχετινόμενον φυντερον, ἑλύματα γάρ τινα τῷ μόλυβδῷ λατὰ τὸτο περιέχεται, διὸ καὶ οἱ πίνοντες ὑποσθμῶ τῷ τοιούτῳ ὕδατι, δυσσπαστικοὶ γίνονται. Ex quibus omnibus perspectum est, aquas per plumbum ductas nō immeritō semper tanquam perniciosas esse damnatas: & idēo medicos quoque perperam facere, qui aquas, succos & olea uel ignis per plumbum extracta, medicamentis per os assumendis immiscere non uerentur. Si enim Galenus in primo de Antidotis pro medicamentorum cōseruatione uasa stannea fugiebat, quod sciret stannum plumbo adulterari, ab eoque uim aliquam perniciosam immitti formidaret: cur etiam medici non timeant plumbum in eorum usum adhibere, quæ ab ipsis pro sanitatis cōseruatione, aut reparatione ægrotis exhibenda sunt? Ex ijs etiam quæ supersunt Romæ uetustorum aquæductuum uestigijs apparet, maiores quantum fieri poterat fistulas plumbeas effugisse ac tubulis

ut plurimum usos fuisse, in illis præsertim aquis ducendis, quæ non tantum lotionibus, sed potibus, cibisq; inseruire debebant. Quanquam non facillè credo eas, quæ ex Tyburtinis montibus Romam ducebantur, multum pro cibo, potu'ue in usu fuisse: propterea quod Galenus omnium Romæ conditionum diligentissimus obseruator, in 4. epidem illas omnes crudas & coquendis edulj's ineptas extitisse asseuerat: addens eam urbem, ut alias excellentissimas dotes, sic & plurimos, & pulcherrimos habuisse fontes, ex quibus ægrinè dum sani potarèt. Vt enim alios plures omit- tam, autor est Velleius Paterculus, Syllam aquas salubritate, medendisq; corporibus nobiles ad agros omnes duxisse circa Capuam, ubi adhuc Sinuessanæ aquæ supersunt. Vide prouerb. Plumbeo iugulare gladio.

DE ÆRE.

Æs æternam habet in constructionibus perseverantiam: non enim tangitur rubigine ut ferrum aut chalybs: est enim sine humore: quia plus æquo exustum est. Itaq; tutum est, siue sub diis, siue aquis immersum, siue in terra sepultum sit. Ob quam causam olim in precio fuit magis quàm ferrum, quod non atteretur æuo aut usu. Itaq; antiquis non solum ad arma & clypeus, sed etiam ad lanceas utile fuit,

fuit, ut apud Homerum uidere est. Hodie ferro loco æris utimur. Aes propriè tubis conuenit, ut Doricam musam alacri & maximo strepitu exciter, atque ob id homines ad prælium accendat. Eius usus olim fuit in simulachris, in uasis, in ædificiorum structuris: & ad perpetuitatem monumentorum etiam publicæ constitutiones in eo scriptæ sunt. In ære 3 considerata sunt: Origo, Purgamenta, Species. Origo æris est Cadmia & Chalcitis. Cadmia est lapis è quo æs fit, medicinæ utilis: lapis ærosus Plinio, non ita multum à Pyrite lapide diuersus. *Cobalt* Germanis: in officinis lapis calaminaris, *calmei*. Chalcitis lapis est, ex quo & ipso æs coquitur, mollis natura ut uideatur lanugo concreta: creditur uitriolum rubrum esse, siue atramentum citrinum. Purgamenta æris sunt Cadmia, ærugo & flos æris: de quibus paulò inferius. Species æris variæ sunt. Nam primo¹ est uel Fusile uel Ductile. Fusile quod funditur, tantum malleis fragile: quod & caldarium dicitur: *Kupfer*, *Glockenspeis*. Ductile quod malleo in laminas producitur, Plinio regulare, quale omne Cyprium est: & æs diligentius purgatis igne uitæ & excoctis. Coronarium æs ex ductili ære tenuatur in laminas, taurorumq; felle tinctum, speciem auri in coronis histrionū præbet, unde & appellatum. Secundo² est Cyprium, Campanum,

Yy s Corin.

Corinthium. Aes Cyprium est metallum ex argento uiuo, non prorsus mundo, & sulphure rubeo, crassoq;. Quod cum sit in Cypro insula uel primum, uel nobilissimum inuentū, appellatur Cyprium, à nobis cuprum. Huic si addatur plumbum, colorē purpureum nanciscitur. Campano æri. Plinius palmam tribuit, quod à Campania regione dictum est, uasis omnibus probatissimum: ex eo enim ollæ & lebetes ænei conflantur. Aes Corinthium preciosissimæ notæ æs fuit: quod casus miscuit, ut Plinius ait, cum incendio eius urbis, æris, auri, argentiq; uenæ in commune fluxissent, teste Floro: idem Plutarchus scribit: *ἡσείνθη ὁ χαλκὸς, ὁ σωτυρία λαβὼν τὸ ἀξίωμα, συγχύτων ἢ σωτακρύτων χρυσῶτε ἢ ἀργύρε ἢ πλείεσ χαλκῷ.* Huius tria sunt genera: Vnum candidum, ad argenti nitorem accedens: alterum, in quo ipsius auri fulua natura est: tertium, in quo æqualis cunctorum temperies.

DE FERRO.

Ferrum est metallum ex argento uiuo immodico & impuro, & ex sulphure densiore, impuro & adurente. In occidente perfectissimum, ut aurum in oriēte. Mollescit succo corticum fabæ aut maluæ, si in his extinguatur. Ut uerò, cum foditur, ductile fiant: torretur gleba, & sub dio exponitur imbribus mollescit

scit quod terreum est: sole colliquatur quod humidum est: ignibus acrior pars absumitur. Ita dū sæpius torretur & dio exponitur, molle fit & quantumuis tractabile. Fila etiam ferrea, si ignita per se refrigerari permittuntur, adeo ductilia euadunt, ut uice lini ad uinciendū uti possis. Molle itaq; ferrum hoc modo celatur & pingitur: Quod fingere cupis in ferro, ex aduerso pila plumbea subiicitur, inde malleolo tūditur pars, quam impressam cupis. Si uerò aqua frigida ferrum, dum candet, extinguatur: & durum & minimè ductile & fragile euadit.

Nullum autem corpus tam densis inter se cohærentibus & implicitis elementis quam ferrum: unde inest illi duritia cum frigore.

Differentia ferri plurima iuxta terre genus. Nam aliud molle, plumboq; uicinum, rotarū & clauorum usibus aptum: aliud fragile & erosum, culturæ terræ conueniens.

Stricturæ ferri, sunt scintillæ e candente ferro emicantes cum massa malleis cuditur: ita dictæ, quod strictius emittantur, uel quod oculos fulgore præstringant: quod in alijs metallis non est.

In acuendo ferro, oleo delicatior fit acies. Cum ferro magnes lapis concordiam habet: sola enim hæc materia uim ab hoc lapide accipit, retinetq; longo tempore. Hinc ferrum
uiuum

uiuum dicitur Plinio, quod magnete extritū, ferrum attrahit, retinetq; ac catenat quodammodo, immigrante in proxima quæque eadem ui.

Purgamenta ferri sunt rubigo & scoria. Rubigo est uitium rodens ferrum ipsum: quasi rodigo. Scoria sunt sordes, quæ igne excoquuntur. Rubigine ferrum non uitatur, si cerussa & gypso, & liquida pice perungitur.

A ferro prouerbia sumuntur. Ferreus (ut a heneus) pro solido & firmo. Ferrum natare docet: σίδηρον πλεῖν διδ' ἄσκησ: de re impossibili. Nūc tuum ferrum in igni est: id est, tua res agitur.

DE ELECTRO.

Electrum est metallum inter aurum & argentum medium. Constat enim ex auro & argenti parte quinta, ut Plinius uult: cui subscribit Pausanias: ἤλεκτρον ἀναμιμνήμενός ἐστι ἀργύρου χρευσός. Eius duo genera: Vnum quod naturaliter inuenitur & in precio habetur. Alterum factitium est. Hodie ramen electrum fossile nullum habetur, dum aurum ab argento auaritiæ causa separatur. Electri naturalis eiusmodi natura est, ut in conuiuio & ad lumina clarius cunctis metallis refulgeat: unde res magno-perè dilucida, electro lucidior dicitur prouerbio. Idem uenena prodit. Nam si in id uinum infundas,

infundas, stridorem edit & colores uarios, in modum arcus cœlestis, emittit. Atq; hæc de naturalibus metallis: sequuntur factitia.

DE CHALYBE.

Chalybs est ferrum ignibus multis purgatum & in aqua restinctum, durissimus est: ideoq; ferro fragilior: & ab Hesiodo in clypeo Herculis uocatur ἄδαμας ab inuicta duritia. Optimus est, qui minutissimis granis & nitētibus lucet, ferrugine nulla, nullis rimis & ferro leuior. Extinctus succo raphani & aqua terrestrium uermium, pari mensura: ferrum ut plumbum scindit. Plinius nucleum ferri uocat: Græci σόμαμα.

DE STANNO.

Stannum primus liquor est, qui ē fornacibus fluīt, ut Plinius definit: proportionem habet: ad candidum plumbum. Encelius enim putat parū distare ab eo genere plumbi candidi, quod (ut imperfectius) Germani *halbwerck* nuncupant, quasi dimidiatum opus dicas, ē quo cantharos & sextarios conficere solent. Quod nobilīus est, in stanni naturalis seu albi plumbi pondo 25, recipit unum pondo plumbi nigri. Si uerō in pondo nouem plumbi albi, pondo unum nigri misceatur, durum euadit & ad uasa optimum. Crescit enim durities

ricies in stanno: quia plumbum nigrum durius euadit ob album: album uero minus obnoxium timis & fracturæ ob nigri molliciem ac substantiam à qua repletur.

DE AVRICHALCO.

Aurichalcum est cuprum colatum, *messing*: idem quod æs coronarium: dicitur & orichalcum: ἀπο τῶ ὄρους à monte, quod in montosis locis inueniatur: aurichalcū uero quod splendorem auri & duritiam æris possideat. Olim natium, quod sua ætate desisse testatur Plinius. Atq; hæc de metallis ductilibus: sequuntur friabilia, quæ in particulas minimas & puluerem redigi possunt:

Friabilia metalli sunt	{	Terra metallaris.
		Succi in terra concreti.
		Metallica.
		Colores.

I. DE TERRIS METALLARIBUS.

1. Marga Britannica, terra candida, cretae instar, effodiebatur è puteis non minus centum passibus profundis: ex qua postquam argentum detractum erat, inspersi agri adeo fecundi reddebantur, ut semel in uita inspersisse sufficeret.

2. Argilla terra est ex qua fiunt figlina uasa: quorum quinque laudes sunt, ut sint leuissima

ma, ut non sorbeant liquores, ut non exudēt, ut non facile frangantur, ut ignibus resistent: dicitur autem argilla Columellæ terra figularis, & sigillaria, quod ad sigilla & imagunculas eius sit usus. *Leim, Than.*

3. Terra Lemnia, seu rubrica Lemnia, minij gleba Celso. *σφραγίς* Galeno, quod Dianæ sacerdotis sigillo obsignaretur ad euitandum fucum. Officinis terra sigillata. Nunc Turcici sigilli fide munita ostenditur. Pallidior dilutiorque est non ob altiores quam olim fodinas (ut quidam putant) aut terræ dilutiorem colorem: sed quod is ritus desierit obseruari quem Galenus indicat, quo mactata Dianæ capra uotiuæ, sanguis eius terræ obsignandi permisceri solebat, cuius miscellæ modum, ut oculata fide obseruaret Galenus, Lemnum adiit. Vtilis autem est terra Lemnia eruentis fluxibus & ulceribus, sed magis contra uenena.

4. Terra Armenia, seu bolus Armenus, rubra est & egregie siccatur, ob id pestilentibus morbis & tabi, quæ ex pulmonis ulcere prouenit, salutaris: item uenenis erodentibus, ut cantharidibus: & putrefacientibus, ut lepori marino.

5. Terra Pharmacitis & Ampelitis Plinio, est fossitia nigra & assulosa, bitumini similis. Sunt qui fossitios carbones assulosos, qui è terræ uisceribus eruuntur, nigros, bituminis modo

modo ardentes, esse uolunt quos saxeos carbones, uulgò *steinkolen*, uocant.

6. Terra Pnigitis uulgò creta nigra.

7. Terra Samia, à Samo insula: glutinosa & candida: medicamentis & uasculis utilis.

8. Creta, terra candida: ab insula Creta, ubi optima. Eius tria genera, Cimolia, Argentaria & Vilissima. Cimolia duplex est, una uera à Címolo una Cycladum insula, unde deferebatur, sic nominata. Altera per similitudinem ita nuncupata: atq; huius plures species fuerunt. Aliæ nanq; ad medicos pertinebant, ueluti Thessalica atq; Lycia: aliæ in uestibus usurpabātur, sicuti Sarda, Vmbrica & Saxum uocata. Sarda aquæ commixta & eliquata uestes abluebantur, mox sulphure suffitæ, Cimolia uera leuigabantur: cumq; uilissima esset, togis candidatorum dealbandis eam minime adhibitam puto. Vmbrica, quæ preciosior habebatur, poliendis uestibus in usu erat: modò enim eliquata, modò ipsis affricata nitorem quendam gratum cæteris uestium coloribus præstabat: non enim solis candidis ut Sarda, sed etiam uersicoloribus inseruiebat. Saxum pumicis instar & ipsum candidis uestibus sulphure suffitis affricatum, non modò albedinē augebat, uerùm etiā nitorem & lumen quoddam atq; soliditatem conciliabat: quo pacto mulieres hodie amylo uel oryzæ decocto ad dealban-

dealbandas, solidandas'ue mappas & uela utuntur. Hac ueteres etiam togis candorem, soliditatem ac nitorem, nec non fascijs caligarũ atq; mappis comparare consueuerunt : unde Cicero 2. epist. ad Atticum 18. fascias cretatas dixit, & Martialis lib. 12.

*Cretatam prætor uellet cum mittere mappam,
Prætori mappam surripit Hermogenes.*

Hac eadem etiam hostias mactandas dealbari solitas, indicat Iuuenal. Sat. 9.

*Ignem domi lauros, duc in Capitolia magnum
Cretatumq; bouem.*

Cretenses tamen calceos ab Hippocrate 4. de Articulis monstratos, quibus monticolæ in Asia & uenatores utebantur, diuersos à cretatis extitisse notum est. Cimolia uero nullo modo candorem tradebat : sed alios colores preciosos & ueros emolliebat, nec non sulphure contristatos quodam nitore exhilarabat, perinde ac hodie faciunt sericarum telarum textores, ubi uarijs tincturis nitorem ipsis conciliant, illustant'ue. De hac locutum credo Galenum (ait Mercurialis) quando de nigrandis capillis cimoliam cum alijs rebus commendat. Alias namq; cimoliæ species eũ aut non nominasse, aut uno Cimoliæ uocabulo in 9. de simpl. med. cõprehendisse constat.

Totigitur Cimolix, sunt quæ primum cretæ genus faciunt. Secundum genus est Argentaria, quam Galenus dicto loco *ἡ ἀργενταρία* appellat, ubi eam abstergendi potestatem habere, & idcirco ad splendorem uasis argenteis sordidis reddendum usurpari memorat: & sic Aëtius lib. 2. scribit Creticam terram *τὴν ἀργενταρίαν*, quod Cornarius non rectè, ipsam argentum exterere ac depurare, uertit. Tertium genus est Vilissimæ, qua uictores circulos domibus uel earum uestibulis præducebant, ut essent spectatoribus uictoriæ signa, quæq; seruorum uenaliū pedes tingeant, ut ab omnibus uenales intelligerentur: unde Iuuenalis de eo, qui pro seruo uenditus erat, ait:

Nuper in hanc urbem pedibus qui uenerat albis.

& ante ipsum Tibullus:

Barbara gypsatos ferre calata pedes.

9. Calx uiua dicta: quia cū sit tactu frigida, intus occultum ignem cōtinet: unde perfusa aqua statim latēs ignis erumpit: calci hoc proprium est, ut postquam arserit, aquis incendatur, quibus solet ignis extinguī: oleo extinguitur, quo solet ignis accendi: usus eius in structuris fabricæ necessarius. Nam lapis lapidi non potest adhærere fortius, nisi calce coniunctus.

10. Gypsum

10. Gypsum calci cognatum est. Plura eius genera sunt. Nam & è lapide coquitur; & è terra foditur. Qui coquitur lapis, non dissimilis alabastritæ debet esse aut marmoroso. In Syria durissimos ad id deligunt, coquunt'que fimo bubulo, ut celerius urantur. Omnium autem optimum fit è lapide speculari, squamam'ue talem habente. Gypso madido statim utendum est: quoniam celerrimè coit ac siccatur: tamen rursus tundi & in farinam se resolui patitur. Usus gypsi in albarijs, sigillis ædificiorum & coronis gratissimus. Gypsi species est quod Tymphaicū dicitur. Theophrastus in lib. περί λίθων terras alias arte fieri, alias spontè nasci scribit de postremis sic ait: εἰ δὲ αὐτοφύεις καὶ ἄρα ὧς πλείω τὸ χησιμορ ἴσχεσαι, σχεδὸν τρεῖς εἰσι καὶ τέτταρες: ἥτις μὴλιά, καὶ ἡ κιμωνία καὶ ἡ σάμια καὶ ἡ τυμφαϊκὴ, καὶ ἡ τετάρτη τούτων ἐστὶ γύψος, κρῶνται δὲ οἱ γραφεῖς τῇ μὴλίᾳ δὴ μόνον: τῇ κιμωνίᾳ δὲ ὃ, καὶ περὶ ὅσα λαλῇ δὲ τὸ λίπος ἔχει καὶ πυκνότητα καὶ λερότητα. τὸ γὰρ ἄρα ὀν καὶ τραχὺ δὲ καὶ ἀλιπὲς ἐπὶ τῆς γραφῆς ἀρμόττει μάλλον. ὅπερ ἡ μὴλιά ἔχει ὧς φάει δὲ. εἰ δὲ καὶ ἐν μύλῳ καὶ ἐν τῇ σάμῳ διαφοραὶ τῆς γῆς πλείες: ὁρῶντες οὖν ἐκ εἰσιν ὁρθὸν εὖσαι ἐν τοῖς ἐν σάμῳ, ὅτι ἀναγκασθὲν ἢ ὑπὲρ ἢ πλάγιον. ἡ δὲ φάει ἐπὶ πολὺ διατείνει. Et paulò post: κρῶνται δὲ τῇ τυμφαϊκῇ πρὸς τὰ ἱμάτια, καὶ λαλοῦσι γύψον οἱ περὶ τυμφιτόν τε καὶ τὸς τόπους καένους. ἡ δὲ γύψος γίνεται πλείη καὶ ἐν λυγρῷ καὶ περὶ φανερῇ: μικρὸν γὰρ ἀφανῶσαι τῆς γῆς

ὁρύττοντες . ἐν φοινίκῃ δὲ καὶ ἐν συείᾳ καίοντες τὰς λίθους
 ποιεῖσιρ. ἔπατα δ' ἐν θαλείοις: καὶ γὰρ καὶ γίνεται πολλὴ τρίτη δ'
 ἢ περὶ τυμφαίαν καὶ περὶ ραβίαν καὶ κατ' ἄλλους τόπους.

II. DE SVCCIS E' TER- ra concretis.

Succi aquea constant substantia, ut alumē,
 bitumen, salnitrum, chalcanthum.

1. Aluminis uaria genera: quorum primū
 liquidum, quod dicitur alumen Rochæ, quasi
 dicas Rupeum: cui charta immersa & siccata,
 atramentum optimè retinet, nec perfluere si-
 nit: etiā si pessima fuerit. Indicium est alumē
 chartam imbibisse, cum splendet.

Secundū genus est alumē scissile seu scis-
 sum, quod Plinius ait in capillamenta quæ-
 dam canescentia dehiscere: quod falsò alumen
 plumeum nominatur: rectiùs Amiantus di-
 ceretur: adulterio enim scissi lapidis corrup-
 pitur, plumosiq; nomen acquirit. Vulgò dici-
 tur alumen Scaiolæ. Quod si tritum lecto in-
 spergatur, pruritus commouet assiduū. Ter-
 tium est factitium ex saccaro, quod à simi-
 litudine metæ saccari, Rotun-
 dum uocant.

		{ Liquidum, Rupeum.	
Alumen	{ Naturale	{ Spissum, Scissile.	
			{ Factitium, Rotundum.

2. Bitumen omne ardet: Duplex est: Vnū liquidum, fontibus innatans: quod quia pingue, liquorisq; oleaci, utuntur ea ad lumina olei uice. Alterum concretum est & durum. Sequax bituminum & lenta est natura,

		{ Iudicum, Asphaltus.	
Bitumen	{ Spissum	{ Pissasphaltus.	
			{ Liquidum, Naphtha.

Asphaltus limus est seu succus tenax & lentus, picis persimilis: talis in lacu Iudææ qui uocatur Asphaltites, certo anni tempore supernatat: nequit sibi auelli, ad omnem cōtactum adhærens, præterquam filo quod menstruum infecerit.

Pissasphaltus est Serapionis Arabis mumia, diuersa à mumia Rhazis, quæ sanies est humani cadaueris, aloë, myrrha, & bitumine conditi. Pissasphaltus apud Dioscoridem Ceraunijs montibus deuoluta, impetu fluminis rapitur, æstuq; in littus eijcitur, ubi coacta in glebas, mistam bitumini picem redolet.

Naphtha bitumen liquidum est, siue colamentum bituminis, olei lentore ac crassitie.

Huic magna cognatio cum igni: trāsilīit enim ignis protinūs in eam undecunq; uisam. Ita ferūtā Medea pellicem crematam, postquā sacrificatura ad aras accesserat, corona igne rapta. Hoc nihil aliud esse quā quod uulgo Petroleum dicitur, contendunt. Huic cognata est Maltha: id est, flagrās limus, quē stagnum in Comagenes urbe Samosata emittit ut scribit Plinius. Est autem etiam Maltha permixtio picis liquidæ, cum unguine seu axungia seu seuo & calce ad strigmenti crassitiem, qua in cisternis, piscinis & puteis rimas & lacunas obturant. Kit. Est & aliud eius genus ē calce recentī: gleba uino restincta, mox cum adipe suillo & oleo linitur. Quæ res omnium tenacissima, cum ignem semel concepit, retinet illum tenacissime: & cum aliquid solidi attingit, ita adhæret ut neq; reuelli, neque ulla arte restingui possit, nisi operiatur terra & suffocetur. Vide Ammianum Marcell. lib. 23.

De bitumine in agro Babylonico nascente uide Strabonem lib. 16. & Dioscoridem lib. 1. cap. 83.

Est & aliud liquidum bitumē ex terra profluens, quod ex Gothia uenit, uulgo Theer. Aliud etiam ex piceī generis arboribus excoquitur: Succinum dicitur Plinio: id est, lacryma uel resina arborum odoratarum, præsertim pini & pinastrī: cui rei indicio est odor similis,

millis, cum accenditur aut atteritur: dicitur & electrum & gleffum & lyncurium. Electrum quidem & gleffum à translucida uitri in modum specie. Lyncurium autem quòd (ut Strabo lib. 4.) è lyncis lotio nascatur, quod aggesta terra obruit illud animal, quasi humano usui id inuideat. Duplex est: Vnum aureum seu flauum & pellucidius: quod Theophrastus foeminam uocat; Gleffum & Glastum Germani dixerunt, hodie *Agstein*. Alterum candidum & obscurum: quod spurium uocāt Germani. Succinum attritum uic caloris concepta trahit omnia leuia, ut paleas, plumas, festucas,amenta tenuia metallorum; unde & ἀραιὰ & πλεονόροπον dicitur. Theophrastus ait lyncurium trahere ad modum electri non paleas modo, sed bracteas etiam metalli ita ut discrimen inter ea manifestum ponat. Parum redolet succinum per se; sed cum uritur, myrrhæ odorem emittit. Fit ex eo suffitus contra pestē.

Gagates item species bituminis est, ut uult Cardanus: ardet enim. Nigri coloris est & trahit paleas, & excitat comitiales, ut succinum. Vulgus uocat nigram ambrā: fiunt inde globuli precatorij. Splendet & lucet, adeo ut à multis inter lapides numeretur. Vfus, sulphureum Plinio, uel bituminosum odorem. Orpheo & Dioscoridi uomit. Eius species est Thracius lapis apud Nicandrum, quem aqua

accendit, oleum restinguit: nigri coloris: uulgo *schwarzer agstein*.

Ambra etiam bituminis species est, sed succino fragrantior: nascitur in Arabia. Mira illius uis ad cerebrum.

3. SAL. Optimum condimentum post famem: dictus autem est sal, à saliendo, quòd in igne exiliat. Fugit enim ignē cū sit igneus, sed naturam sequitur: quia ignis & aqua semper inter se inimica sunt. Alij salem à salo & sole uocatum existimant. Nā aquis maris spontè gignitur, spuma in extremis litoribus uel scopulis derelicta & sole decocta. Sunt & lacus & flumina, & putei è quibus hauritur. De hinc in salinis ingestus sole siccatur. In Cyrenaica Ammoniacus sub arenis inuenitur: id eoq; amarissimus, quia sub arena ardentissima eruitur. Sunt & montes natiui salis, in quibus ferro ceditur: tantæ alicubi duritiæ, ut muros domos'que è massis salis faciant, ut in Arabia.

Sal {	Marinus, à sole ex aqua marina coagulatus.
	Stagnalis, ex stagnis.
	Fontanus è fontibus salinarijs igni decoctus.
	Ammoniacus, amarissimus.
	Metallaris seu fossilis, hodie Sal gemmæ instar crysalli pellucidus.

In na-

In natura salis, differentiae sunt. Nam alibi suavis, alibi falsissimus: communis sal in igne crepitat: excepto Tragafæo & Agrigentino.

Sunt & colorum differentiae. Memphiticus rufus est: in parte quadam Siciliae purpureus, ubi Aetna mons est. Idem in eadem Sicilia in Pachyno adeo splendidus & lucidus, ut imagines reddat. In Cappadocia croceus, effoditur: qui non credit, periclitetur.

Salis natura est necessaria ad omnem cibum. Pulmentis enim saporem dat: excitat aviditatem, & appetitum in omnibus cibis facit. Ex eo quippe omnis victus, delectatio & summa hilaritas. Hinc & salis nomen accepisse putatur. Nihil enim utilius sale & sole. Denique cornea videmus corpora nautarum. Quinetiam pecudes, armenta & iumenta sale maxime prouocantur ad pastum: multum largiores lacte, multoque gratiores casei dote. Corpora etiam sal astringit, siccatur & alligat. Defuncta etiam a putrescendi labe vindicat, ut durent. Hinc ταχιύματα Aegyptiorum. Nam cum plures illa gens modos haberet, quibus mortuos a putredine seruaret: frequentior tamen & primus a populo usurpatus fuit, qui constabat ex solo sale: unde corpora condire dicebant ταχιύματα: id est, salire: & condita uocabant τιαχιυμένα.

Plutarchus in Quaestionibus naturalibus,

de salitis carnibus, probare nititur, salem & falsa ad pinguefaciendâ corpora maximè ualere. Cui sententiæ non facile accedo, ait Mercurialis: quando quidem extenuandi potius, quàm crassefaciendi facultatem inesse sali cõpertum est: nisi corpora nimia humiditate luxuriantia & uelutî constipata tabescunt. Sic enim existimandum est Apollonium Herophilî discipulum in ijs, quos crassos reddere uolebat, halicam & dulcia respuisse: salis autem esse usum, ut siccantia, tenuitateq; aperientia alimentum ad partes nutriendas perferrent. Nam ὀχρημα potius quàm πικρωμα in eo loco Plutarchi, censet Mercurialis legendum.

Aristoteles, quamuis alioqui perspicacissimus, libro quarto, Meteor. oscitauit, dum exponens quibus de causis indurata dissoluantur, de sale & nitro hæc dixit: *νιτρον δὲ καὶ αἰνιτὰ ὑγρῶν ἔσται, ἀλλὰ ψυχρῶν*. Nam ea non solo humido frigido, sed etiam calido dissoluantur. Etsi enim uinum & aqua calefacta (à quibus clarè sales & nitrum soluuntur, possint quodammodo frigida humida appellari: cum sint sub genere aquæ, ac illius propriam qualitatem (nempe frigiditatem) quantumuis mutata, nunquam penitus amittant: de oleo tamen calido id affirmare non possumus: nempe quod ipsemet Aristoteles in eodem libro, non sub genere humidi

midia aquei, sed aërei (cui perpetuò iuncta est caliditas) aperte collocavit, ab illoque iam naturæ suæ vi potius quam igne calefacto saltem liquefieri, experientia quotidie cōprobatur. Quare melius erit sic de duratarū rerum dissolutione statuere: ut sequitur:

Concreta à sicco

Frigido

Moderato, ut glacies, uina, serum & urina: soluuntur à calido sicco, & calido humido.

Immoderato: aut simpliciter insolubilia sunt, ut adamas & aliæ gemæ: aut non nisi à uehementissimo calore solvuntur: ut plurima metalla & cornua.

Calido

Moderato: soluuntur à calido humido, & frigido humido ut sales, manna, & nitra quæ ab aqua calida actu, & uino calido potestate, nec non ab oleo calido solvuntur.

Immoderato, ut lateres, fictilia: aut non soluuntur aut solum ab ijs humoribus, qui maximè penetrant: ut sunt succus citri, acetum acerrimum, aqua uitæ & similia, quæ aliquos lapides, lateresq; solvunt.

Hoc

Hoc forsā Aristoteli ignotū fuit, quamvis ex ipso ratio huius habeatur. Nam cum neget ipse fictiles liquari, propter ea quod aqua eius, meatus (per quos spiritus exiuit) penetrare non potest: manifestum est quod ex eius sententia poterunt liquari, si aliquis humor adeo subtilis inueniatur, ut eos ingredi queat. Inueniuntur autem faciliē hisce temporibus: quibus ars chymica, Aristotelis tempore ignorata (cuius opera subtilissimi ac maximē penetrabiles humores efficiuntur) in facilem usum tracta, quasiq; perfecta est.

Prouerbia à sale multa sunt: ut Sale emptū mancipium: Sale & aceto. Sale defricare: Salem apponito: Sal & faba: Salem & fabam: Salem & caseum edere: Salē & mensam ne prætereas: Salem & oleum oportet emere: Salemingere: Sale nihil utilius: Salem uehens dormis: Multos modios salis cum aliquo consumere: de quibus uide Chiliades.

4. Nitrum, quod & sal petræ nonnullis, in uenis terræ nascitur & condensatur: item in maritimis & litoralibus promonteriorum rupibus & saxis, ab aspergine aquarum assidua collectum, uentis tandem & calore decoquitur & in formam salis induratur. Sic etiam in subterraneis aut alioqui udis & fumidis cellis, præcipuē lapide cameratis, induratum, instar stiriacæ salsæ dependet, aut instar frigoris conge-

congelati in parietibus nitet. A loco sum-
psit uocabulum: nascitur enim in oppido uel
regione Aegypti Nitria. Eius natura nō mul-
tum à sale distat: sed nihil habet gelidi rigo-
ris, nihil falsi saporis: solet tamen iuxta natu-
ram salis durare caliditate, & nubiloso aëre li-
quescere.

Nitri species est Borax non excocta, quam
quidam pro nitro fossili habent.


Nitratus puluis uocari potest pyrius seu
tormentarius puluis, quo tormēta explodun-
tur. Is enim ex carbone tiliae, nitro & sulphu-
re fit. Carbo enim tilie subiectum est: est enim
crassior pars sustinens duo contraria, quæ
huic quasi aluo inseruntur, sulphur & nitrum.
Ferunt enim tiliam omnium arborum calidif-
simam esse: deinde sulphur naturæ uiscosæ,
aëreæ & terrestris, facillimè inflammatur &
concipit ignem. Nitrum uero (ut sal) acerrimè
repugnat igni, quanquam ipsum etiam
calidum est: & uim habet pellendi singularem.

Halonitrum medium est inter salem & ni-
trum. Aphronitrum: id est, spuma nitri, est
candidior nitri pars & laxa, quæ in speluncis
stiriarum instar pendet. Optimum putatur si
minimè sit ponderosum & maximè friabile:
colore penè purpureo.

5. Chalcanthum, Plinio & Celso atramen-
tum sutorium dicitur, quòd eo ueteres coria-
rum sua

rii sua coria tingebant, quibus tamen hodie aliud in usu est. Vulgò dicitur Vitriolum à perspicuitate uitrea. Denigrat adeò ut ex ipso fiat atramētum quo scribimus. Puluis eius est cinerei coloris postquam triueris: isq; immisus uino uel aquæ, ilico nigerrimam efficit. Plinio geminum est fossile seu natium, & factitium. Natium etiam stiriarum modo è cauernis dependet. Quod arte factum concreuit, in officinis Romanum uitriolum uocatur & Misy, Chalcanti fumus adeò grauis est, ut etiam arbores enecet, & syluas deformet: splendet autem quandoque & aureis quasi guttulis scintillat. Sudor autē Chalcanti in spumam congelatus, Chalcitis dicitur seu uitriolum ustum. Atque hæc de succis in terra concretis. Sequuntur ea quæ diximus metallica, quorum quædam sunt naturalia, quædam factitia.

III. DE METALLICIS.



1. Stibium (quod & Antimonium) coloris plumbei, squamosum, fulgidum, & splendens.

dens. Oleum ex eo elicitur rubrum, ualdeque acutum, quod sulphur olet.

2. Cadmia fornacaria (nam de fossili supra) colligitur ex metallo in fornacibus accenso, fuligine egesta flatu & adhærente parietibus, fornicumque cameris, ut botrus.

3. Auripigmentum, trium generum est, secundum Cardanum: Candidum, quod uocant Arsenicum: Croceum, quod nomine generis auripigmentum dicitur: Luridum, uulgo Rosogallum. Omnia hæc uenena sunt presentanea tam plantis quam animantibus. Suffitæ plantæ pereunt: quin & mures & lupi, si ex eo ederint, nec aquam inuenerint: & aurum, argentumque absumit, si cum his liquetur, contraria ratione quam plumbum illis est salutare.

4. Chrysocola: id est, auri glutinum, est succus aurum continens, quo aurifices utuntur agglutinando, ferruminandoque auro & eius frustis iungendis: unde & nomen. Natia est & factitia. Metallica & fossilis in ærarijs metallis, argentarijs & plumbarijs inuenitur: estque humor per auri uenam defluens, crassescente limo rigoribus hybernis in pumicis duriciem. Per se plerunque arenæ similis reperitur, uel metallicæ materiæ adhæret. Hæc lutea uocatur. Factitia (quam inter ærugines quidam recensent) fit ex ære cyprio & im-

& impuberis pueri urina, quam santernā uocat Plinius. Fit & ex nitro fossili. In officinis uocatur Borax.

s. Sandaracha est duplex: Fossitia, colore cinnabaris, uulgo rubrum arsenicum: & Factitia: id est, cerussa in fornace cremata, quæ & sandyx dicitur, coloris rubri & ardentis. Hoc ueneno perit equus & quoduis iumentum. Arabes & eorum interpretes falso Vernicem putant, cum is sit iuniperi gummi. Atq; hæc de Metallcis naturalibus: sequuntur factitia, inter quæ & argentum uiuum sublimatum à quibusdam ponitur, quod & præcipitatum & concrematum dicitur.

Smaltum, nitri genus est, quo aureæ cavitates implentur uariato colore: colores omnis generis recipit.

Nil duplex est: Album & Griseum: utrumque oculis utile: unde Germanicum prouerbiū: *Nichts ist den augen gut*. Album Pompholyx uocatur, quæ est fauilla uel æris uel Cadmiæ: reperitur enim in ærarijs candida, leuissimæq; , pollinis modo itaque *πομφόλυξ* dicitur à bullæ simili leuitate, qua per aërem euolat. Serapio uocauit Tuciam, quæ tamen non est Pompholyx, sed species Cadmiæ racemosa. Nil griseum uocatur Spodos seu Spodion, quod genere & materia non differt à Pompholyge: in æris enim fusura & uestione Cad-

AA miæ,

miæ, Pompholyx pollinis instar & fauillæ modo sursum euolat, & fornacium cameris adhærescit: Spodium autem uelut cinis ex parietibus deraditur, uel subsidēs ex fundo conueritur.

Squama { Aëris, ab ære decedit dum malleis tunditur.
Ferri, quod à ferro excidit cùm percutitur.
Stomomatis, quod à chalybe excidit.

Scoria est fex seu recrementum metallorū uulgò spuma { Auri, *αὐροῦρα*.
Argenti, *ἀργύρεα*.
Ferri.
Plumbi candidi, nigri, cinerei.
Aëris.

Rubigo { Aëris: Plinio ærugo: quæ est rubigo in ære cùm uirescit: Dicitur & Eruca, *spangrün*, *kupffergrün* & *spanischgrün*, quod primò ab Hispanis ad Germanos sit allata: barbari nominant uiride æris. Fit laminis æneis supra acetum suspensis in cadis ne attingat, post decem dies rasis.
Ferri, Ferrugo Plinio: colligitur ex ferro ut ærugo ex ære.

Flos æris fit aqua super æs ignitum effusa, dum enim cogitur, expuit grana quædam æri similia.

Lithargyros, spuma argenti uocatur, sed improprie secundum Cardanum: non enim est spuma argenti, sed admisti plumbi. Trium generum est, Chrystitis, aurigo, quæ flauo colore est, & ex ipsa uena fit: Molybditis, plumbago, quæ ex ipsius plumbi fusura: Argyrītis, quæ ex argento fit. Habetur inter uenenata.

Vitrum tale opus artis est, quale naturæ gemmæ: dictum quod uisui transluceat sua perspicuitate. In alijs enim metallis quicquid intrinsecus continetur, absconditur: in uitro uerò quilibet liquor uel species qualis est interius, talis exterius apparet & quodammodo clausus patet. Cuius origo hæc fuit. In parte Syriæ, quæ Phœnice uocatur finitima Iudææ, circa radicem montis Carmeli palus est: ex qua nascitur Belus amnis, in mare fluens iuxta Ptolemaida. Hic fama est appulsa naue mercatorum nitri, cum sparsim per litora epulas pararent, nec essent pro attollendis uasis lapides, glebas nitri ex naue subdiderunt: quibus accensis permixta arena litoris, translucens noui liquoris fluxisse riuos, & hanc fuisse originem uitri. Mox ut est ingeniosa solertia, non fuit contenta solo nitro, sed & alijs mixturis hanc artem perficere studuit. Leuius enim, aridis que lignis coquitur, adiecto cupro & nitro, continuis que fornacibus,

ut æs, liquatur, massæ'que fiunt. Postea ex massis rursus funditur in officinis: & aliud flatu figuratur, aliud torno teritur, aliud argenti modo celatur. Tingitur multis modis, ita ut hyacinthos, saphiros, & uirides imitetur & onyches & aliarum gemmarum colores: neque est alia speculis aptior materia, uel picturæ accommodatior. Ad potandum quoque ita expetitur ut argenti & auri metalla pepulerit. Ferunt sub Tiberio Cæsare quendam artificem excogitasse uitri temperamentum, ut flexibile esset & ductile. Qui cum ad Cæsarem esset, & phialam porrexisset, Cæsar indignatus, in pauimentum eam abiiecit. Artifex autem phialam, ex collisione complicatam tollens, malleo e sinu prolato correxit. Quo facto Cæsar interrogauit artificem, numquid alius præterea illud artificium teneret: cum'que is negaret, iussit eum Cæsar decollari: ne si hæc ars publicaretur, aurum uilius fieret. Reuera enim si uasa uitrea non frangerentur, meliora essent quam aurum & argentum. Sed propter fragilitatem unicū fragilitatis humanæ exemplum est. Muranæ Venetorum officinæ silice fluuiatili candido & pellucido e Ticino fl. comportato, uitrum crystallinum conficiunt.

IIII. DE COLORIBVS.

Colores alij natiui sunt, qui fodiuntur: alij facti-

factitij, qui mixtura & arte fiunt.

NATIVI.

OCHRA terra est lutei coloris & pallidi: Sil Plinio: è qua combusta fit rubrica, teste Theophrasto.

AVRIPIGMENTVM: de quo modo diximus.

RVBRICA fabrilis *Rötelstein*. Fit etiam ex ochra exusta in ollis novis luto circumlitis.

CINNABARI duplex est. Primum lapidosum, metallicum, naturale, verumque minimum, cuius uomica est argentum vivum, & eius gleba anthrax dicitur Vitruvius: hoc & *μίντρον* Græci vocant, ut *ἀρμιορ* eius speciem artificialem ex arenis, cocci colore. Est autem minij aliud quoque genus in omnibus fere argentarijs, plumbarijsque metallis, quod fit exusto lapide venis permixto. Hæc omnia genera lethalia intus assumpta, ut & seplasia-rium cinnabrium, quod fit ex argento vivo & sulphure per sublimationem, ut vocant.

Cinnabari ergo primum est minium, quo ceras tinctas, miniatulas cerulas vocavit Cicero: Vitruvius vero ceras ex milto: & vocatur Cinnabari Theophrasti vel Galeni. Alterum Cinnabari, quod Dioscoridis insulæ dicitur, est Plinij Cinnabaris Indica, seu sanguis draconis in officinis. Non est autem sanguis draconis, sed lacryma arboris Indicæ concreta,

rubra sanguinis floridi modo. Refertur inter
 ἱσχάμα, ut hæmatites lapis: & contra sangui-
 nis refectiones innoxie intra corpus assumi-
 tur. Sanguinem draconis à colore dictum pu-
 to, non quòd tabum sit elisi ab elephanto dra-
 conis, ut Solinus & Plinius somniant. Arria-
 nus meminit eius in lustratione maris rubri;
 κιννάβαει inquit, τὸ λεγόμενον ἰνδιχόν, ἀπὸ τῶν δεινύων
 εἰς δάκρυ σωκρόμενον. Meminit eius Amatus Lu-
 sitanus, & Aloisius Mustus Venetus in suis
 in Africam nauigationibus. Vide etiam Bro-
 dæum lib. 3. miscel. cap. 1. Quomodo autem
 argentum uiuum ex cinnabari quoque fiat, in-
 dicat Theophrastus in lib. περὶ λίθων. γίνεται δὲ τὸ
 μὲν ὑφιστάμενον κιννάβαει, τὸ δὲ ἐπάνω καὶ πλεον, πλε-
 ομα. καταδᾶσαι δὲ φασὶ καὶ ἐν ἑᾷ τῶν ἐργασίαν Κακίαν τι-
 νὰ Ἀθλωῶν ἐκ τῶν ἀργυρέων, ὅς οἱ ὀρέμενος ἔχει τὴν ἄμμορον
 χρυσοῖον δὲ τὸ λαμπρὸν ἔχει, ἐπραγματίζεται καὶ σωέλινον. ἐπεὶ
 δὲ ἤσθαι τοῦτο οὐκ ἔχει, τὸ δὲ τῆς ἄμμου κιννάβαει ὁ θεὸς μαζὶ δὲ τὴν
 χροῶν, ὅπως ἐπὶ τῶν ἐργασίαν ἦλθε ταύτην. οὐ παλαιὸν δὲ
 εἴσιν, ἀλλὰ περὶ ἐτὴ ἐννεήκοντα εἰς ἄρχοντα Πραξιόβολον ἀ-
 θλώησι. Φανερὸν δὲ ἐκ τούτων, ὅτι τὰ μὲν μιμᾶται τὴν φύσιν καὶ
 σέλην, τὰ δὲ ἰδίᾳ ποιεῖ, καὶ τούτων τὰ μὲν χρήσιμος χάλκον, τὰ δὲ μέ-
 νον φαντασίας, ὥσπερ τὰς ἄλλας: ἐνία δὲ ἴσως ἀμφοῖν, ὥσπερ
 καὶ τὸν ἄργυρον. εἴσι γὰρ τινες χρῆσιν καὶ τούτου ποιεῖται δὲ ὅταν τὸ
 κιννάβαει τρυφθῇ μετ' ὀξέος ἐν ἀγνέῳ χαλκῷ καὶ δολιχῇ χαλ-
 κῷ. Significat igitur Theophrastus nonagesi-
 mo anno ante se natum minio demonstrato,
 factitium argentum uiuum ætate sua compos-
 ni co-

ni cepisse: & propterea nondum aliud nomen illi indiderat, sed eodem, quo natium, appellauit. Posterius uero cum factitium magis innotesceret, hydrargyrum nominatum est: donec Dioscorides, parum sermonis puri obseruator, uocem ἀργύρεον dimittens, ὑδραργύρεον uoce in ambobus generibus usus est. Prisci igitur Græci factitium argentum uiuum non cognouerunt: id enim posterius factitari ceptum est ex minio, quod 249, urbis conditæ anno repertum est. Mirabile autem est quod Ausonius scribit argento uiuo toxici uenenū debellari, si post ipsum bibatur: quam rem exemplo uxoris, maritum ueneno tollere cupientis demonstrat:

*Toxica Zelotypo dedit uxor mœcha marito,
 Nec satis ad mortem credidit esse datum.
 Miscuit argenti lethalia pondera uiui,
 Cogeret ut celerem uis geminata necem.
 Diuidat hæc si quis, faciunt discreta uenenum,
 Antidotum sumet qui sociata bibet.
 Ergo inter se dum noxia pocula certant,
 Cessit lethalis noxa salutifera.
 Protinus & uacuos alui petiere recessus,
 Lubrica deiectis qua uia nota cibus.
 Quam pia cura Deum prodest crudelior uxor,
 Et cum fata uolunt, bina uenena iuuant.*

CYANEVS lapis, est coloris cærulei, qui inuenitur in aurarijs, ærarijsq; metallis, quem **Lazuli** lapidem uocant officinæ. **Cyanon** seu **lazorion**.

FACTITII.

PSYMMITHIVM seu cerussa fit ramētis plūbi tenuissimis super uas aceti asperrimi positis, atque ita distillantibus: quod ex eo cecidit in acetum, arefactū mollitur & cribratur: iterumq; aceto mixto in pastillos diuiditur & in sole siccatur æstate.

PVRPVRISVM factitius color est ex creta argentaria cum purpuris pariter tincta: bibic enim colorem eum celerius lanis.

OSTRVM sanies uiolacea, quæ ex ostreis seu conchylis seu murice, seu purpura pisce confusa eximitur, *purpuræ* arb.

Atramentum

Scriptorium seu librarium.

Fuligineum, quod fit fuligine, super ardentem tedam resina adiecta: eo utuntur typographi in imprimendis libris.

Tectorium, pictoribus in usu est.


Sutorium, Chalcantum.

Atque hætenus de Metallis: sequuntur **Lapides**.

DE LAPIDIBVS ET

Gemmis.

LAPIDVM substātia quò durior est, còpre-
 ciosior est, ait Cardanus, ut metallorum pre-
 ciosissimū est, quod maxime ductile est. Hinc
 prouerbio locus factus est: Lapidem elixas.
 Lapides autem non tantum in terra, sed & in
 animantibus nasci certum est. Sic enim in in-
 testinis hominum perinde atque in uescis to-
 phacea materia reperitur: imò Hippocrates in
 5. Epidem. refert famulæ Dyseridis in matrice
 lapidem enatum. Quod nulla admiratione di-
 gnū est, si quibus causis renes & uesica hu-
 mores in lapideam compagem uertunt, alunt
 & augent: n̄sdem alias quoque partes illud ef-
 ficere cōsideremus. Lapides uerò & Gemmas
 iureconsultus in l. & si non sunt. §. fin. De aur.
 & argent. leg. sic distinguit: Gemmæ sunt pel-
 lucidæ materiæ, ut Smaragdī, Chrysolithi &
 Amethysti. Lapilli autem contrarię superiori-
 bus naturæ, ut Obsidiani, Veientani. Marga-
 ritæ autem nec gemmis, nec lapillis continen-
 tur: quia concha apud rubrum ma-
 re & crescit & coa-
 lescit.



DE LAPIDIBVS VVLGARIBVS.

SILEX lapis durus est, dictus quòd exiliat ex eo ignis: ferramenti enim incussu ignis scintillas edit: Pauluntur eo sola & sternuntur uig. Rem durissimam filice duriozem dicimus.

PYRITES, uulgo Marchasita, & lapis luminis, quòd ignem ex tritu reddat. Nam chalybe percussus scintillas edit, quæ exceptæ fungis & sulphuratis, dicto celerius ignem trahunt.

COS lapis est, marmorì proximus, cuius in acuendo ferro usus est: unde Horatius:

— *Fungar uice cotis, acutum*

Reddere quæ ferrum ualet, exors ipsa secandi.

Variae eius species sunt, Aquaria seu rotaria, quæ in gyrum agitur. Cretica seu olearia, quæ oleo indiget in acuendo. Olearia enim lenem, aquaria acerrimam aciem reddit. Olearia scalptores scalptra & coela acuunt: qualis etiam saliuaria est, quæ salua oris humectat.

nectatur. Coticula est lapis index, quo auri, argentiq; experimentum fit. Mira enim subtilitate metallorum colores refert. Tenuitate sua detrimentum non affert, ut liceat millies experiri, uel sine unius grani iactura. Vnde prouerbio dicitur cotem alere de hominibus edacibus & plurimi cibi, qui nihilo tamen habitiores inde reddantur. Dicitur & Heraclius aut Lydius lapis: ab Heraclea Lydiæ ciuitate, in quem Battus ille pastor apud Ouidium transfiguratus est, manente nimirum etiamnum in lapide prodendi studio. Sunt modici, quaternas uncias longitudinis, binas que altitudinis non excedentes. Iis coticulis periti, cum è uiua lima rapuerint experimētum, protinus dicunt, quantum auri sit in ea, quantum argenti uel æris, scrupulari differentia, mirabili ratione non fallente. Hinc Theocritus in Aita:

*Λυδὶς ἴσον ἔχει πύργῳ σώμα, Χρυσὸν δ' ποῖς
πύθονται μὴ φάλλον ἑτάτυμον ἀργυράμοι σοοί.*

Vide prouerb. Lydius lapis.

Saxum est uel	{	Arenarium.
		Molare.
		Fissile, <i>schifferstein</i> .
		Calcarium.

GLARE A terra scruposa, qualem litus & ripæ habent: uel calculi ipsi, quibus riui abundant.

dant. Hinc Glareanus, cuius familia Steina-ckera dicta fuit.

TOPHVS lapis arenarius facile friabilis: alioqui asper & inæqualis: cuius generis est & Ostracites, quòd similitudinem testæ habeat: usus eius uice pumicis est.

PVMEX, lapis bibulus, spongiæ modo fistulosus, erosusq; leuigandis corporibus ac libris expetitus. Græcis *λιθόηρις*, quòd ueluti à uermiculis, qui *λίς* dicuntur, sit exesus *ἀλλανότιον*, Theophrasto uocari putant, quòd è marina spuma coactus sit.

LAPIDE Scæfos in Gallia & Asia renasci, ait. I. C. in l. fructus. 7. §. si fundum. Soluta matrimonio.

TERRA mobilis & solubilis, paulatim confusa, longissimo æuo in lapides durescit, diuersarumque rerum species intra lapidum uiscera unum corpus efficiuntur: simulque in omni æternitate condensantur, ac diuersas facies quotidie artifex natura molitur. Quare diuersi coloris marmora, in quibus misturas inexplicabiles in uno corpore concretas inspicimus, quandoque disiuncta & separata, multiplicium corporum fuisse facile creditu est: quæ quidem res illius primæ originis & coaceruationis indubia argumenta præbet: siue diuersis cardinibus inductis aquis, uel mari sedibus suis excito, seu nim-
bis

bis effusis, diluuió quondam inundârit mundus : postea cum fluentibus & mari omnia miscerentur, desitis tempestatibus & terræ situ defecato, post tor aquarum moles & agitationes fluctuum, solidas apparuisse terras : propterea in montibus, quamuis longè à mari, ea quæ in litoralibus uadis cernuntur, nunc inueniri : & quamuis mediterranea, specie tamen litorali apparere. Sic Alexander ab Alexandro refert se lapidem duri marmoris, non unius coloris uidisse in montibus Calabris, longo à mari recessu, in quo multiplices conchæ maris congestæ & simul concretæ cum ipso marmore, in unum corpus coaluerint : quæ quidem ossæ, non lapideæ fuerint, & quales in litoralibus uadis inspicîuntur. Quod profectò multum præstat argumenti, dissimilia corpora disiuncta priùs, postea colluuióne rerum mista, & longo euo coaceruata coaluisse. Quod genus marmoris, in quo conchylia uidentur plurima, in Thessalia & Aemonia præcipuè apparere auctores memorât. Atq; in Aegypto falsedinem exudare Herodotus tradit, ita ut in collib. editioribus ea, quæ mari incito expuuntur, facile cõspiciantur. Apud Megarenses quoq; & omnem Macedoniã, ex rupiũ præruptis saxis lapides excuari testantur, in quibus plerique specie litorali appareant, multaq; ædificia &

magnas

magnas moles ex illis cōstrui. Iouianus Pontanus dixit se in promōtorio Pausilypi iuxta Neapolim ui tēpestatis ingenti lapsu prurpto mōte, uidisse in medio abscissi collistrabē ligneā, undiq; latere montis duro lapide cinctā cum dorso mōtis concreuisse & in unum corpus coaluisse: & hāc rem mirificā (quæ nō minore miraculo fuit, q̃ conchylia in montibus) nō unī tantūm spectaculo fuisse. Scribit etiā Alexander cū Neapolī marmora ædificij causa discīderentur, adamantē mirē splendīdum, nō natiua uena aut rudi & informi, sed absoluta artificis manu cōfectū & perpolitū, mira celatura & arte, in medio marmoris concretū fabros inuenisse, eumq; p miraculo regi dono datū, inter cubiculī arcana conspicuū fuisse. Palamedes amicus Alexandri, calcarīæ fornacis præcipuus artifex, dixit se dum marmore discīderet, in medio filicis, quæ nisi ut malleorū dirumpi haud facīlè poterat, oleū, quasi in uase cōclusum inuenisse, odoris immensi & aspectu iucūdo, cui medica uis fuisse dicebatur: quo effuso, manus sibi diu mīro odore fragrarint. Quod quo pacto, stantē semper solida illa materia, illic coagulari aut occludi potuerit, non equidem scio. Nos etiam apud autores legimus, in Chiorū lapidicinīs diffisso saxo, caput effictū Panisci apparuisse: & ad Bætīm Hispaniæ, lapides nasci, quibus

scissis;

scissis, ex puro auro frustra & lapillos uideant:
 & ab Europa Elim usq; quicquid oræ mari-
 timæ mari abluitur, in saxa mutari: aut quod
 de puluere Puteolano traditur, qui marinis
 aquis tactis, durefcit in saxum: & in mari ru-
 bro syluas uiuere, oleamq; & laurū, in quibus
 fungi enascantur, qui mox Sole tacti, cōuertan-
 tur in pumicē. Atq; in Lucania, Cappadocia
 & Hierapoli Mysiæ, nōnullas esse aquas, qui-
 bus uirgulta & ligna iniecta, breui post lapi-
 descunt. Quod si aquis hoc datum est, siue le-
 ge factorum, siue consilio Dei, qui reliqua mū-
 di opera æterni constitutione molitur, ut are-
 nas & glaream, aliasq; similes species consoli-
 det & induret: quanto probabilius est, paren-
 tem rerum naturam, longissimo æuo ea quæ
 disiuncta fuerant, physica ui & ratione conso-
 lidare potuisse? cum præsertim montes, lapi-
 desq; adolescere in dies, exhaustaq; effossio-
 nib. loca, sua ui rursus repleri, aliaq; attenuari
 & imminui, ac maria quæ sempiterna agitatio-
 ne mouentur, alia recedere, pleraq; inundare ac
 locorū facies mutari quotidie spectemus.

DE LAPIDIBVS INSIGNIORIBVS.

MAGNES lapis à Magnetibus populis, a-
 pud quos effoditur, dictus, ut Lucretio pla-
 cet. Siderites Plinio dicitur quod ferrum tra-
 hat: dicitur & Herculeus. Trahit ferrum & fer-

ro illitus, id ipsum ad Boream dirigit. Nam in æquilibrio positum ferrum circumagit & stellam in cauda Cynosuræ respicit. Vnde pyxidibus nauticæ usus enatus est: utuntur & eo illi qui pseudoprophetæ Mahometi sepulchrum inuisunt: eius enim indicio per Lybiæ deserta arenasq; iter dirigunt, ut scribit Chalcond. libro 3. Fuit autem in India primum repertus: cum clavis crepidarum, baculiq; cuspe hærens armenta Magnes quidam pasceret. Est autem colore ferrugineus, sed probatur cum ferro adiunctus eius fecerit raptum. Nā adeo apprehendit ferrum, ut catenam faciat annulorum. Vnde & eum vulgus ferrum uiuū appellat. Sunt q; hac arte Mahometi sepulchrū in aëre suspensum ferant. Suidas: μαγνήτις λίθος, αἶτ', ἔχδ' φυσικὸν ἐνέργειον, ἔλκερ' πρὸς ἑαυτὸν τὸν σίδηρον. ὡς ἔν' ἀλεξανδρείᾳ τῆς αἰγυπτοῦ ἐν τῷ σαραπίῳ πλάνης ἢ κακουργίας τοιούτου τι μηχανήμα. ξόανον κατασκευάσαντες ἐκ χαλκοῦ, ἢ ἐν τῇ κεφαλῇ σίδηρον ἐνδύον καθηλώσαντες. τὸν λίθον τούτον ἐν τοῖς φατνώμασιν ἄνωθεν τ' εἰσὶν ἐπιξάν ἀπ' ἀμείνων. τὸ δ' ὑπὸ τ' βίας ἐλκόμενον τ' λίθος, μετέωρον γὰρ ἐκρέματο, ὅτε ποτὶν μηχανὴν ἢ τέχνην, ἐκράϊτο μέσον ἰδέσθης ἢ ὁρόφης, θαυμαζόμενον ἢ μὴ παντιπῶς κατασπώμενον. Plinius Magnetis miracula admirans: Quid lapidis rigore pigrius: ait: ecce sensus manus, quæ tribuit illi. Quid ferri duricia pugnacius: Sed cedit, & patitur mores, trahiturq; à Magnete lapide: domitrixq; illa rerum omnium materia,

materia, ad inane nescio quid currit, atq; ut p-
pius uenit, assistit, teneturq; & cōplexu heret.
Huius igitur lapidis tam prodigiosa uis pro-
uerbio locum fecit: Magnetis more attrahere.
De eo scripsit Maurolycus. Vide etiam Clau-
dianum Poëtam.

PHENGITES lapis duritia marmoris, candi-
dus atq; trāslucēs, sub Nerone in Cappadocia
reperitus. Plin. lib. 36. cap. 22. Ex eo lapide Do-
mitianus parietes porticuū in quibus spacia-
ri consueuerat, distinxit: ē cuius splendore per
imagines quicquid a tergo fieret, prouideret.
Sueton. in eius uita cap. 14.

SMIRIS, lapis quo uitrum finditur. *Smirgel.*

CORALIVM, lapis colore rubēs, rotūdus in
morē tuberis, in mari nascēs, calami Indici in-
star, ut a Theophrasto proditū est. Plinio Gor-
gonia a fabula Gorgonei capitis, uisa omnia
in lapides conuertentis: eo quod Corallus a-
lioquī mollis ac uitilium modo lentus in ma-
ri, duritiem assumat exemptus.

CRYSTALLVS uel crystallū lapis uehemen-
tia frigoris cōcretus, quasi *ἡ κρύει σκληρόν ὕδωρ*,
quod sit aqua gela contracta, coacta q; uel po-
tius *κρύει σκληρόν*. A' glacie eum con crescere,
indicat nomē. Nascitur aut hexagona figura:
id est, sex superficierū, sicut apū faui. Quod cū
P. Ramus apud Plin. legisset, credere tamē nol-
let, nisi certiora ex nostrę etatis hominib. com-

perisset: in illa Germanica sua peregrinatione hexagonā illā crystalli geniturā ab hominib. circa cryсталlos uersantibus certius cognouit: idq; eū expertum meminimus. Duodecim autem superficierū pangonius dicitur. Crystalli prisma multas speculorum uires habet, multas enim formas refert, tum inuersas, tū multicolores. Si Soli exposueris, in aduerso pariete colores iridis refert, quin etiā res subiectas incendit. Duæ crystalli sæpè cinnabari tinctæ conglutinantur, ait Cardanus.

SPECVLARIS lapis in quantumlibet exiles crustas potest findi, dictus sic quòd uitri more transluceat. Eo antiquitas uitrearum fenestrarum loco usa uidetur. Vocatur à quibusdam Selenites siue lunaris lapis, fortassis ab hebetè in modum Lunæ splendore.

AMIANTVS alumini scissili similis lapis, è quo ellychnia fiunt inextincta dum superest oleum. Texuntur inde & mantilia, quæ igni iniecta, absumptis sordibus nitidiora exeunt: atq; inde illi nomen ἀμιάντης, uelut impolluti. Hinc & linum uiuum Plinio uocatur, ut ἀσβεστον. Vide Mercurialem lib. 2. uar. lect. cap. 27.

HAEMATITES lapis est qui rubet sanguinis instar: unde & nomen habet: uel quia sanguinem sistat. Est enim ἱσχαιμῶς. Vfus minū colorem imitatur. Schistos eandem uim cum hæmatite habet.

SARCOPHAGVS lapis est è quo conditoria mortuorum olim fiebant: sic dictus quòd corpora defunctorum in eo condita intra 40. dies consumerentur. Nascitur in Troade, filifiliq; uena scinditur. Sunt & eius generis in oriente saxa, quę etiam uiuentium carnes erodunt alligata.

DE MARMORIBVS.

Post lapidum genera ueniemus ad marmora: inter quę differentia est. Nam marmora dicuntur eximij lapides, qui maculis & coloribus commendantur. Proxima autem & gemmis marmorum gloria, pulchritudo & gratia est: quę singularia nomina ferè non habent, sed uel ex coloribus, uel ex regionibus nominantur.

OPHITES serpentium maculis simile marmor est: duo eius genera, molle & durum, illud candidum, hoc nigrum.

PORPHYRITES rubēs est purpurę in modum. Nominis eius ratio quòd rubeat ut purpura. Antoninus Pius Imp. ingressus in domum amici Omuli, cùm ibi uidisset porphyreticas columnas, interrogauit unde allatę essent: respondit Omulus, in aliena domo surdum & mutum esse decet. Iul. Capitol. Eius species est Leucostictos, candidis punctis interuenientibus distinctus.

PARIVM marmor in insula Paro nascitur. Magnitudo eius lances, crateresq; non excedit: Vnguentis aptum.

ALABASTRVM marmor è quo pyxides pro odoratis unguentis fiunt: ad sigillaria opera expetitus.

DE GEMMIS.

GEMMAE sunt lapilli rari, preciosi & ut plurimum pellucidi. Vnde & gemmæ dictæ quòd instar gummi transluceant, ut vult Isidor. Preciosi autem lapides dicuntur: quia carè ualēt. Auro magnum decus tribuunt uenustate colorum. Primordia earum à rupe Caucaſi. Ferunt enim Prometheum primum saxi eius fragmentum inclusisse ferro ac digito circumdedisse, h̄sq; init̄is cepisse annulum & gemmas. Vulgò autem gemmæ coloribus distinguuntur.

ADAMAS durissimus lapis est, ut nomen indicat. Tanta enim duritie est, ut alias gemmas scindat: itaq; celaturæ non tantum commodus est, sed & necessarius: non alio fermè quàm à sua scobe atteritur. Sanguine hirci mollitur. Ignibus resistit, adeò ut ad nonum usq; diem illæsus permaneat. Trahit & festucas si incalescat & ferrum. Brachio sinistro adhibitus, ut carnem tangat, nocturnos timores pellit. Vide prouerb, Adamantinus.

CERAVNIOS, cui est stella coruscans radijs Solis icta.

PAEDEROS uelut purpura coronatus.

ACHATES à fluuio Siciliæ dicitur, ubi primum inuenta. Celeberrimus in historijs est Achates Pyrrhi regis, nouem Musas cum Apolline in medio citharam pulsante referens.

ASTERIA inclusam lucem glenæ seu pupillæ modo quandam continet & transfundit cum inclinatione, uelut intus ambulante: eadem aduersa Soli, regerit radios, unde & nomen, difficilis ad celandum.

ASTROITES in cuius medio uelut luna plena conspicitur.

CARBUNCVLVS specie carbonis igniti: omnium ardētium gemmarum principatum habet: cuius fulgor nec nocte uincitur. Lucet enim in tenebris. Genera eius multa:

Carbunculus	{	Amethystizon seu lychnites, rubin: pyropus.
		Candidus, ballas.
		Ruber & paruus, <i>spinel.</i>
		Carchedonius, <i>granat.</i>
		Alabandicus, <i>almandin.</i>
	{	Træzenius, <i>Amandin.</i>

AMETHYSTVS purpureus est permixto uiolaceo colore, & quasi rosæ nitor. Causa nominis est quod uini colorem habet, non in to-

tum igneus. Plutarchus ostendit eos hallucinari qui nomen inditum putant à præsidio profligandæ temulentiae.

HYACINTHVS & amethystus eodem fere colore sunt, nisi quod emicans in hoc fulgor purpureus: in illo languidior & dilutior.

SARDA uel Sardius ligneo seu carneo colore rubet: unde & Carneolus dicitur. Scribitur primū Sardib. reperta esse & inde nomē accepisse. Cū gēmarū omnia prodemodū genera sculpturę cōtumaciter resistent, partemq; cere in signo teneant, sola propè omnium ex facili sculpiuntur & sculpta ceram non aufert.

ONYX ē fusco & albo cōpositus ad ectypas sculpturas quæsitus. Inde dicitur quod candorē præfert unguis humani similitudine. Est in hoc genere lapis Chalcedonius.

SARDONYX ē Sarda & Onyche nomen habet.

CHRYSOLITHVS rutilo dilutior est, ut auricolor, præsertim Rhenani, uulgo falsò *ein Iacynth*: in Aethiopia inuenitur.

OPALVS tenuiore igni est q̃ carbunculus.

SMARAGDVS omniū uirētū gēmarū principatū habet: itaq; à summa & lucētī uiriditate nomē habet: quia nihil uiridius illi cōparatū uiret. Etymologicon magnū deriuat à *μαίρω*: id est, luceo, seu *σμάρω*, sicut *σμιρὸς* pro *μικρὸς*, futurum *μαρῶ*: inde *μαράδω* & *σμάραγος* & inter-

terpōsito *α, σμάραγδ*. In annulo gestata, uel collo appensa, aut sub lingua retēta, rei futuræ opinionem confirmat nō futuræ, delet ex animo. Est omnium gemmarū maximē fragilis: epota uenenis maximē resistit.

TOPAZIUM uiridi colore, quod Troglo-dytæ *τοπάζουρις*: id est, quærentes primum inuenisse dicuntur. Sola limam sentit.

HELIOTROPIMUM uiridi colore, in delis quio subeuntē lunā, & deliquiū Solis ostēdit.

IASPIS summo in precio antiquis fuit. Multa eius genera sunt & uarij coloris, sed in his probatissimi sunt & cæteris antecellunt, qui purpurei & uirides sunt. Quam uerò Boream & *ἀρείβοαν* Græci nominant, nostri Turcesiam appellant, Cardanus Eranum. Ferunt si annulo gestetur, hominis cadentis ictū excipere & frangi in frustra, seruato homine: quod credere Isidorus nō fidei, sed superstitionis ait esse.

CHRYSOPRASVS porri succū colore imitatur, sed paulum declinat in auri pallorem.

BERYLLVS inter smaragdorū genera recensetur: politur sexangula figura: quoniam hebescit, nisi color surdus angulorum percussu excitetur. Probatissimus est qui uiriditatem puri maris imitatur.

SAPPHYRVS cærulei coloris, nonnunquā & aureis punctis collucet: proximus est adamanti duricie: recreat hominē, & epotus bili

nigræ & melancholiæ medetur & scorpionū
ictibus: anthraces solo contractu curat.

Gemmæ ergo præcipuæ sunt smaragdus,
opalus, carbunculus, adamas, sapphirus, chry-
solithus. Precia etiam eo ordine se ferè habēt.
Sua quoq; cuique propria laus. Smaragdus
pulchritudine præstat, adamas duriciæ & so-
liditate, sapphirus gratia, alacritate carbuncu-
lus, splendore & uarietate opalus, nitore chry-
solithus. Smaragdus & sapphirus præcipuè
oculis iucundi sunt. Atq; hætenus de naturis
fossilibus, ut metallis & lapidibus. Sequun-
tur naturæ liquidæ.

DE LIQVORIBVS.

Naturæ liquidæ, in terræ uisceribus con-
tentæ: aut medicatæ, sunt aut potabiles. Me-
dicati liquores uires suas à metallis, per quæ
fluunt, trahunt: sunt que partim calidi, quæ
ideò Thermæ Græcis dicuntur: partim frigi-
di. Potabiles aquæ sunt fontes, uel putei. Fon-
tium alij sunt magni & magnorum flumi-
num scaturigines, Græcè πηγαι;
alij parui & salientes,
Græcè κρήναι

vox.

LIBER XXVII.

DE PSYCHOLOGIA.



ACTENVS de essentijs inanimatis : sequuntur animatae & uiuæ naturæ. Est autem Anima nihil aliud, quàm principium uitæ in corpore naturali. Vita autem alia sine sensu est, alia cum sensu coniuncta. Nam corporum alia solius naturæ beneficio uiuunt : alia sentiunt : alia ratione & intelligētia prædita sunt : quibus respondent hæc uiuentium genera : *φυτόν* (id est, terra editum seu Planta & Stirps) Brutum, & Homo. Vnde tres uiuentium differentiæ, naturalis, sentiens, intelligens : & tres animæ species iisdem nominibus insignitæ, Naturalis, Sentiens, Intelligens. Priusquam igitur ad species rerum animatarum descendamus, animæ triplicem naturam explicabimus : & in quolibet genere quinque considerabimus, facultatem, functionem, subiectum, organum, sedem seu ductum.

DE NATURALI

anima.

Naturalis anima est omnium prima, om-

BB

5

numq;

niumq; uiuentium communis : quæ & Vegetatrix dicitur. Ea sola stirpes & sata regit & moderatur : unde & stirpes animatas dicimus licet nondum animalia. Itaque etsi unica tantum in plantis sit, diuersas tamen functiones obit : ea enim generat, nutrit & auget. Generat ad cōseruationē speciei : nutrit ad sui sustentationem, partim attrahendo per radicem & medullam, partim expellēdo, partim attrahendo, partim concoquendo. Hic igitur quinque illa considerabimus :

I. Facultates & potestates quas anima naturalis tanquam e sinu promit & ad munus functiones profert, quæ ipsæ adiuncta animæ sunt, sed intima & intestina. In naturali igitur anima triplex est facultas, Procreatrix, Altrix, Auctrix. Procreatricis munus est partes singulas, ipsumque foetum exprimere : sub qua sunt Immutatrix & Conformatrix, non quidem ut duæ species, sed utique partes, quibus illa absolutè completur. Nam immutatrix partis uniuscuiusque substantiam, qualem cernimus, ex semine, uel ex sanguine producit. Conformatrix uero figuram, compagemq; & situm proprijs uisibus idoneum confert. Altrix autem seu nutritrix facultas, adiectum alimentum in corporis substantiam conuertit, eiq; assimilat. Eius munus est nonnihil substantiæ pro disperdi-
ta re-

et refarcire, quod quidem ei quod effluxit, est uel par, uel parcius, uel uberius: Eius tanquā auxiliares & administræ sunt. Attractrix (ἐλκτική, quæ quod familiare est & conueniens, priuata benignitate allicit.) Expultrix (qua, quod inutile est & superuacaneum, depellit) Retentrix & Concoctrix seu alterans, ἀμοιωτική. Auctrix demum corpus quoquo uersum porrigit atq; profert.

II. Functiones. Nam facultatibus cognitione tanta suæ functiones cohærent, & annexantur, ut aliarum ex alijs cognitio capi debeat. Nam animæ facultatum gestiones, uti & opera, cernimus in omni tūm stirpium, tum animantium genere, quæ defecta nō sunt, aut oblesæ. Naturalis igitur facultatis functiones sunt tres, Procreatio, Nutritio, Acretio. Procreatio est motio quæ ad nouam substantiam perducit: ualetq; ad conseruationem speciei. Substantia autem absoluitur duobus, nimirum sui cōmutatione & conformatione. Cōmutatione sui, propriæ substantiæ commutationem & cōuersionem necessario subit, alioqui enim eadem substantia maneret: ut semen in radicem, aut os, aut cartilaginem, aut neruū abit. Nutritio est adiecti alimenti in corporis substantiam conuersio & assimilatio: quæ triplex est. Nam una priorem corporis habitum conseruat: altera extenuat: tertia saginat & ampli-

plificat. Eius autem ministræ sunt Attractio, Depulsio, Retentio, Coctio, quæ est in propriam & peculiarem eius quod alitur, qualitatem conuersio. Accretio, corporis est quoquo uersum porrectio atq; prolatio.

III. Obiecta & opera. Nam procreationis opus est stirps surgens semine, aut foetus seu infans qui utero geritur. Nutritionis materia tota est in alimento, in quam penitus incumbit & in corporis substantiam conuertit: cuius multiplex antecedit. Concoctio: de qua plura inferius in Anthropologia. Accretio non ut Nutritio circa alimentum negotiatur, sed circa corporis partes solidas. Has enim quoad sinunt in omnes partes efferre & dilatare proprium est illius munus: his diffusis, tum altrix facultas adnititur alimentum apponere, affigere & assimilare, non modo quantum effluxit, sed & largius ac fusius, quo laxiores factas capacitates assatim impleat, conseruetq; pristinam earum soliditatem ac robur.

IIII. Organum. Habet enim unaquæq; facultas suum instrumentum cuius opera communem toti corpori actionem edere potest: sic Naturalis animæ instrumentum est totum corpus: sed generatricis facultatis instrumentum est pars genitalis. Nutricis est epar in animalibus: in plantis radix & medulla.

V. Sedes altricis & naturalis est in iecore
in ani.

in animalibus: eius ductus & proprii canales, sunt uenæ.

DE SENTIENTE ANIMA.

Sentiens anima est quæ beluis præest: unde non animatas modo, sed & animalia illas efficit, dicitur quæ facultas animalis: quæ tota quidem simplici essentia cohæret, suiq; tota persimilis est, neq; ut corpus, partibus concreta disparibus. In ea consid.:

I. Facultates. Nam in sentiente anima duplex uis est, Vna Cognoscendi, altera Mouendi. Vis cognoscendi est exterior, aut interior. In exteriore est facultas uidendi, audiendi, odorandi, gustandi, tãgendi. In interiori est uis discernendi, fictrix & conseruatrix. Vis enim discernendi sensuum subiectam materiam & uarias illarum imagines complectitur: & similia discrepantiaq; iudicat. Fictrix obiecta spectra apprehendit & concipit: ex quibus permistis plerunque multa fingendo inducit & profert, quæ sub sensum non uenerant. Conseruatrix impressiones & uestigia sensu excipit, continet & recondit. Vis mouendi duplex quoq; est: Interna & Externa, in illa uis est Appetendi & Vitalis: in hac uis ad locum progrediendi, nandi, serpendi, uolandi.

II. Functiones. Nam sentientis animæ duę sunt functiones, Cognitio seu Apprehensio, & Mo:

& Motus. Cognitio cōpletur sensibus exter-
nis & internis. Ex externis alij mediū cuiusdā
corporis interpositu sentiunt: ut uisus, audi-
tus, olfactus. Corpus autem id mediū inter-
cedens est aut aër, aut aqua, utrumq; enim ele-
mentum ad inuentionem eorum quæ senti-
untur, idoneum est. Nam colores & sonos per
aërem percipiunt terrenæ animantes quęcun-
que aut gradiuntur, aut serpūt: per aquam ue-
rò aquatiles. Alij sensus contrectando suo mu-
nere funguntur, ut gustus & tactus, qui non
nisi sibi coniuncta sentiunt. Interiores sensus
sunt Discretio, Fictio, Memoria. Discretio
(quæ & sensus communis) simplicia & indiui-
dua simulachra discernit. Fictio (quæ & ima-
ginatio, Græcis φαντασία) simulachra illa ob-
uertit, alias quidem simplicia & qualia fue-
rant insculpta, alias commista & confusa: ne-
que hoc tantum, sed ex illis quoq; nouas for-
mas effingit, quæ rerum natura & uniuersi or-
do non admiserit. Memoria, suscepta è sensi-
bus simulachra amplectitur & continet: eaq;
duplex fit, efficiens & patiens. Atq; hæc de ap-
prehensione. Motus itidem est interior aut
exterior: Interior rursus uel Animalis, uel Vi-
talis. Animalis (Græcis ὁρμή seu appetitio) est
motus & interior agitatio, quā quod bonum
& utile est, quæritur. Appetitus enim triplex
est, Naturalis, Sentiens, Rationalis. Naturalis
cunctis

cunctis rebus ingenitus est. Sentiens seu animalis est, qui aut ab ijs quæ extrinsecus irruunt, impellitur: aut ab ijs rebus quæ intus sūt. Rationalis nihil aliud est, quàm uolūtatis appetitus. Sed animalis (de quo propriè hīc loquimur) triplex est: Cupiditas (sub qua sunt libido & cupedia, quæ comprehendit famem & sitim) ira seu θυμωσις: id est, uis animosa: & desyderium eorum quæ sensus denunciauerit. Vitalis motus est cum in cordis inspiratione & expiratione: tum in arteriarum pulsu. Exterior motus est progressus, natatio, reptatio, uolatus.

III. Obiecta. Nam sentientis partis obiecta sunt res externæ, quæ circumiectæ sunt nobis: quarum aliæ mouent uisum, ut lux & colores, qui corporibus per summa insident. Vis enim uidendi in oculo sita colores citra materiam, per medium reipsa conspicuum excipit: aliæ auditum, ut sonus: aliæ olfactum, ut odores: aliæ gustum, ut sapes: aliæ tactum, ut qualitates primæ & secundæ: aliæ sensum communem, ut eadem illæ formæ sensuum instrumentis acceptæ, quæ mox per neruorum capacitates ac ductus uehente spiritu in cerebrum cōmeant: item sensilia communia: aliæ imaginationem, ut simulachra φαντάσματα, inusta & insculpta cerebro per memoriam: aliæ cupiditatem, ut corporis bona: alia

aliæ iram, ut fortunæ bona: aliæ motum rationalem seu uoluntatem, ut animi bona: aliæ denique motum progressiuium, ut triste aut iucundum.

IIII. Organa. Sic uisus organum est humor crySTALLINUS: auditus, *μυσίξ*: olfactus, narium ductus & cerebri papillæ: gustus, lingua. Tactus nullum proprium organum habet, sed cum ad animantis uitam maxime uideretur necessarius: toto corpore æquabiliter fusus est: in his autem neruis potissimum collocatur, qui duriores dicuntur. Sed sensus communis organum est anterior uentriculus cerebri: imaginationis, medius: memoriæ, postremus. Cupiditatis organum est iecur: Iræ, cor, motus, musculi & nerui exquisitè duri, moti cum spiritu uectore, à cerebro fluente: tum uoluntate.

V. Sedes sentientis facultatis est in cerebro: eiusque proprii canales & ductus sunt nerui & arteriæ. Nam ut uenæ naturali: ita nerui animali, arteriæ uitali functioni subsidio ueniunt. Vitalis spiritus ex corde per carotides arterias in contextum admirabilem & in cerebri uentriculos effertur, ibique in choroide ui ambientis cerebri in animalem conuertitur, qui priores uentriculos prorsus implet: ex his in sensus & musculos distribuitur.

DE INTELLIGENTE

anima.

Intelligens anima est, qua homo præditus unus cæteris antecellit animantibus. In ea consid. 4.

I. Facultates. Nam in intelligente anima est uis. I. Accipiendi seu patibilis, qua mens singulas & indiuiduas rerum imagines & notiones materia liberas excipit. II. Agendi qua mens imagines tractans, apprehendit: atque primum singulas, mox uniuersas ex illis formas elicit. III. Componendi, qua agens intelligentia multas notiones in unam componit: hincq; alia affirmat, alia inficiatur. IIII. Iudicandi, quæ enunciatione composita, tum deinde iudicat & decernit, quid uerò falsum ue sit, quid bonum & honestum, quid ue perniciosum. V. Ratiocinatrix, quæ ex alijs alia nectens, quam plurima complexione concludit, sicq; inductione aut ratiocinatione scientiam aut opinionem comparat. VI. Contemplandi, quæ sapientiæ, rerum que æternarum studio tenetur: ultra quam mens non progreditur, sed infixa in eorum contemplationem, quæ progressionem consecuta fuerit: illic tanquam in extremo consistit, quid in illis uerum, falsum ue sit

perspiciens, his saturata bonarum cogitationum epulis. VII. Practica seu agens, quæ uice contemplationis, facultatem actionis sibi adhibet, omneque studium ad humanos refert usus. Si quid autem rectè factura est, adiungit sibi primò uim Consultandi seu deliberandi, quæ de ijs consilium captat ac deliberat, quæ sunt commutabilia & opinione dubia. Deinde prudentiam. Stipata enim prudentiæ facultate, præstantiora illa tractat & in hominum commoda, fructusq; refert. Tertiò uoluntatem. Nam cum mens prudentiæ bona consultatione hoc illud ue agendum esse deliberauerit: quia bonum aut utile: tum rationis participem appetitum mouet, allicitq;. Denique adiungit sibi electionem, quæ id demum. quicquid bonum existimatum, quodq; bono consilio & deliberatione confirmatum est, eligit.

II. Functiones. Intelligentis functiones omnes intus abditæ delitescent, ut nunquam forâs & in apertum sedent: sunt autem hæ:

1. Apprehensio notionum tum singularum, tum uniuersalium, in quibus ueritas nulla uersatur, nec falsitas. Ea duplex habet mentis seu intelligentiæ officium, agentis & patientis.

2. Compositio, qua plurima aptè componit, in quibus ueritas aut falsitas iam est.

3. Exe

3. Existimatio seu iudicium, quod de compositis planum iudicium profert.

4. Ratiocinatio: quæ ex illis plurima admirabili, eoque libero contextu complectitur & colligit aut inductione, qua ex singulis primum tanquam ex quibusdam exemplis universalia inducit theoremata: aut argumentatione, qua plurima comparat, de quibus habetur uel sciëntia, cum ex necessarijs principijs atque theorematis argumentum concluditur: uel opinio, cum ex probabilibus.

5. Contemplatio seu studium sapientiæ.

6. Actio *πράξις*: cuius sunt consultatio, prudentia, uoluntas, *πορεία*.

7. Memoria & recordatio: sed hæ non per se insunt menti aut intelligentiæ, sed principis sensus interuētu atque auxilio: in quo (ut inquit Aristot. in lib. de memoria,) memoria per se & primo inest: non sic autem in mente.

III. Subiecta. Nam intelligentis animæ subiecta sunt ea rerū simulachra, quæ in principe sensu conseruantur, ut scibile & bonum malumque.


IIII. Organum intelligentis animæ nullum est, nec interius, nec exterius. Atque hæc de triplici natura animæ: sequitur ut dicamus de speciebus rerum animatarum.

LIBER XXVIII. DE DENDROGRAPHIA ET ARBORIBVS.



Lantæ seu stirpes sine sensu uiuunt, anima, ut diximus, uegetatrice. In his duo consideranda sunt, Partes, & Species.

PARTES PLANTARVM.



PARTES SICCAE

Nerui sunt partes plantarum oblongæ, continuæ, fissiles, infociabiles, & infœcundæ.

Venę sunt partes plantarum cætera nervis similes, sed maiores, crassioresq: & ramos, & humorem habent.

Caro diuidi omnibus dimensionibus potest ut terra, quæq; terra constant: estq; inter nervos & uenas media.

PARTES LIQUIDÆ.


Liquores, ὀποὶ, sunt crassi & lenti, qui uel ex incisa radice, uel caule secto, terebrato aut castrato effluunt spontè.

Succi, χυμοὶ, colliguntur ex plantis totis aut earum partibus concisis, tuis, & torculari, manu uel aliter expressis: aqua, uino aut alio liquore asperfo.

Lacrymæ, δάκρυα, sunt humores, qui ex plantis nec incisis, nec contusis, compressisue, sua sponte exudant ac destillant, uel Solis calore educti, uel copia expressi, uel ab ipsis arboribus aliqua occasione dehiscantibus expulsi. Sunt que uel ὑδαρῆς: id est, aqueæ, ut quæ in gummi concresecunt: uel πικρῶδες: id est, piceæ, quæ in ῥητίνῳ; id est, resinam coeunt.

PARTES ANNUE.

Partes annuæ sunt quæ annuatim renascuntur, ut folia, pediculi, flores, fructus, semina : quæ partes in quibusdam plantis defluunt ac pereunt omnes : in quibusdam uerò quædam etiam permanent & perennant.



Pediculi seu petioli sunt partes, quibus ex ramulis dependent folia, fructus aut flores.

Flores arborum & herbarum Germani duobus peculiaribus uocibus distinguunt : illos enim *bluet*, hos *blumen* uocant.

Fructus, uel poma sunt, uel nuces. Poma, quæ pulpa tota molli & ad esum idonea constant, ut mala, pyra, pruna. Nuces sunt quæ duro putamine foris teguntur, intus habent, quod

quod esui est, ut iuglandes, auellanae, castanae. Fructus autem uel totum dicitur, quod pulpa, nucleo & semine constat: uel proprie in arborum fructibus minutum illud nucleo inclusum, quod cum maturuit, terrae insitum plantulam arbori suae similem procreare potest: *der Kern*: Graecis καρπός: at pulpa uocatur, *ωεικάρπιον*. Differt itaque *ωειπανσις τῷ καρπῷ καὶ ωεικαρπία*. Nam ut Theophrastus ait, *κοῖfert ἡ ωειψις τῷ ωεικαρπίῳ πρὸς τὰς ἡμετέρας προφὰς, ἡ δὲ τῷ καρπῷ πρὸς γέννησιν καὶ σφαιμονίᾳ τῶν δένδρων*

Semina leguminum,
frugum, & minorum
fructuum, proprie
dicuntur grana:
quædam autem se-
mina includuntur.

Siliquis ut leguminum: qualia
sunt, pisa, orobi, fabæ, lentes.

Vasculis, ut sesamum.

Spica ut fruges: & muniuntur ac-
ristis: ut hordeum, triticum, es-
lyra.

PARTES PERENNES.

Partes perennes sunt, quæ longo tempore
cum plantis durant.

Radix est pars plantæ, qua alimentum at-
trahit & terræ coheret. Radicum aliæ sunt e-
sui, ut rapum, rapunculi, napus, pastinaca uel

staphilinum, raphanus seu radícula, amoracia
aliæ medicamentis congruunt, ut agallochus
uel lignum aloës, rheon barbarum: item Zin-
giber, quæ est radix plantæ harundinacæ.

Caulis est pars plantæ supra terram simpli-
citer assurgens, in quam alimentum defertur.
In arboribus stipes, caudex, truncus uocatur:
caulis uocabulum herbis inhæsit, qui & sca-
pus dicitur. Striæ sunt eminentes & oblonge
linæ in caule, secundum eius rectitudinem
exporrectæ.

Rami sunt partes plantæ, quæ caudice ue-
lut fisso in omnes partes multiplices spargun-
tur: quanquam diligenter consideranti appa-
rebit quomodo hic quoque naturam διχοτο-
μίαρ molitur: termites autem sunt rami cum
fructibus auulsi: frondes, rami cum folijs uel
floribus decerpti.

Surculi sunt partes ramorum simplices &
indiuidualæ. Stolones sunt inutiles surculi ex
radice, trunco, uel ramis prodeuntes. Nodi
sunt articuli ramorum. Nodusq; est in arbori-
bus, gemma in uitibus, geniculum in arundi-
nibus, cræde in ulmo & robore. Theophra-
stus: ὡς ὁ ὄψις ἐν τοῖς ἀκροῖς, ἔτω ὁ ὀφθαλμὸς ἐν ἀμπέλῳ ἢ
ἐν καλὰ μὲν γόνυ.

Matrix seu medulla in medio ligni residet
& tertium à cortice continetur: constat carne
& humore.


Lignum

Lignum neruo constat & humore, interdum & carne.

Cortex est pars extrema à subiecto corpore separabilis, uelut quædam crusta ad tegendum data: constat neruo, humore & carne. Exterior pars corticis, tunica dicitur: interior, liber.

Atq; hæc de partibus plantarum: sequuntur species.

SPECIES PLANTARVM.



Marina planta est Corallus, quæ arbuti instar in imo maris inter lapides & saxa oritur. Concrescit & duratur aëre postquam è mari extracta fuerit. Cor & cerebrum confirmat: &

morbo comitiali aduersatur. Vide Plinium lib.32.cap.2.De eo Ouid.15.Metam.

*Sic et Corallium quo primum contigit auras
Tempore, durefcit:mollis fuit herba sub undis.*

Terrestris planta est uel Arbor uel Herba. Arbor est planta, quæ à radice per caudicem affurgit. Estq; duplex, Vera & Frutex. Vera arbor est planta à radice per caudicem simplicem, ramosa & furculosa affurgens. Nam:

Planta surgit à radice uel	{	Cum caudice	{	Simplici, ut Arbor.
				Multiplici, ut Frutex.
			Sine caudice, ut Herba.	

Generantur autem arbores naturaliter tribus modis : aut enim sua sponte nascuntur, aut ex seminibus fortuito iacētibus surgunt, aut ex radicibus pullulant. Nam cætera usus inuenit, fauente natura.

DE PEREGRINIS

arboribus.

Arborum aliæ sunt peregrinæ, aliæ domesticæ. Peregrinarum plæræquæ sunt aromaticæ & odoriferæ. Aroma autem à roborando nomen.

pomen habet: *ῥόσμον* enim est confirmo & roboro. Tribuitur illis plantis, quæ saporis & odoris peculiari aliqua uí recreant & roborant spiritus & præcipua corporis membra. Isidorus dicta aromata existimat, quod aris imposita in sacrificijs fuerint: seu quod lese aëri misceant. Quid enim est odor, nisi aër contactus?

MALVS Medica seu Assyria seu Citria, quæ & Citrus: quam describit Virgil. 2. Georgic. Pomum fert malum citrium seu medicum, *pomerantzen*. Olim Mediæ solius. Citria dicitur, quod pomum eius & folia cedri odorem referant. Omni penè tempore plena est pomis, quæ in ea partim acerba: partim matura, partim adhuc in flore sunt. quod in cæteris arboribus rarum est.

EBENVS arbor est, quæ cæsa durescit in lapidem. Vnde uidetur uox Hebræa esse, quasi lignum lapideum, *eben* ex. Eius enim lignum nigrum est, solidum, spissum & graue, ut & buxus: neutra in aquis non fluitat. Ebenum Virgilius & Theophrastus in India tantum nasci crediderunt, cum eam etiam in Arabia, Aethiopia & alijs uarijs locis nasci, ex Dioscoride, Plinio, Mela constet. Ebeni species est lignum Guaiacū, uulgo *Frantzosenholz*, quod in tribus potissimum insulis nasci tradunt, nimirum S. Crucis, S. Ioannis, S. Dominici.

minici. Trunci magni illius ligni ab Arriano & Plinio uocantur Phalanges. Tradunt enim phalangas Ebeninas, Sesaminas & Acanthinas (quæ tria primæ nobilitatis ligna exportat India) in exteras oras deferri olim solere: qui mos & nostra ætate durat. Siquidem & Ebeni & Bresilij truncos de nauigijs & camelorum uectabulis in mercimoniorum usum conuehi scimus.

BRESILIVM lignum ex arbore eiusdem nominis, teres & enode, tenui uestitum cortice, subter materie dilutiore purpura rutilante.

CERATONIA arbor fert dulces filiquas, quæ semen continent, quod nec ligneum est, nec carneū, nec cartilagineum. *Sant Iohans brot.* Græcè κεράτιον.

PIPERIS arbor nascitur in India, folijs ad iuniperi similitudinem: Triplex est, longum, album, nigrum. Nam quod immaturum est piper longum uocatur: quod incorruptum ab igne est, album: quod uerò cute rugosa & horrida est, ex calore ignis colorem & nomen trahit. Negāt hoc qui piperis regiones adierunt, & singula genera in suis nasci arboribus affirmant. Piper si leue est, uetustum est: si graue, recens. Cauenda autem fraus. Solent enim uetustissimo piperi humecto, argenti spumam aspergere aut plumbum, ut ponderosum fiat.

MACIR in India crescit: eius fructus nux myristica, uulgò *muscatnuss*: cuius exterior cortex, macis dicitur, uulgò *muscatblue*.

MALVS Punica, mala fert uulgò Granata dicta, quòd numerosis granorum acinis intus farcta sit, quàm color ex rubore purpurascēs, pellucidus & gradus admodum.

THVS arbor est Arabiæ immensa & ramosa longissimi corticis, ramis ad aceris qualitatem. Garzias ait thuris arborē humilem esse & folia lentisco similia habere. Eius lacryma thus quoq; dicitur: candicans est & substantiæ resinosa ac pinguis: masticatione uelut in puluerem resoluitur. Adulteratur admixta resina siue gummi: sed dinoscitur sua proprietate. Nam thus igni impositum ardescit: resina fumescit: gummi uerò liquefcit. Alij à tundendo dictum uolunt: quia glebæ (cum quibus de arbore fluens concrefcit) tunduntur: indeq; thus manibus legitur. Alij δὲ τὸ θύαρ: thuris enim olim maximus in sacrificijs usus fuit.

MYRRHA arbor itidem Indiæ est, ex qua lacryma eiusdem nominis destillat & concrefcit, calida, sicca, & amara: ideò mortuorum cadauera, myrrha ungi & repleri solebant. Habet enim uim abstergendī & desiccandi humores uitiosos, qui putrefactionem cient: & glutinandi ac digerendi sine ulla tamen arro-
sione

sione aut exasperatione. Electa ad nos aduehitur myrrha, quæ & legitima, & probatissima esse censetur: uerum ea tam rara est, ut non nisi ad ostentationem asseruetur & ad aliarum dinoscendarum regulam. Langio epistola 63. myrrha electa uidetur esse Belzoïn officinarum, ab alijs Ben Iudæum dicta. Stacte est pinguedo recentis myrrhæ cum exigua aqua tusæ ac postea prælo expressæ, quæ hodie omnium Serapionem imitantium sententia, est storax liquida uulgo dicta, odoratissima, pretiosissima, que ad paranda poma odorata & sufficus.

BALSAMVM, eius que arbor unī Iudææ concussa sunt. Inciditur uetro, lapide, ossis uel cultellis, ferro læsum ernoritur. Stirpe similis est uiti, folijs rutæ, sed cādidioribus & sempermanentibus. Arbor autem balsamum: lignum eius xylobalsamum: fructus siue semen carpobalsamum: succus opobalsamum dicitur. Adulteratur admixto Cyprino oleo uel melle. Sincera à melle deprehenditur, si cum lacte coagulauerit: ab oleo, si instillata aut admixta aqua facile fuerit resoluta: præterea si lanæ uestes ex ipso pollutæ non maculantur. Adulteratum quidem neque cum lacte coagulatur & ut oleum in aqua supernat & uestem maculat. Balsama si pura fuerint, tantam uim habent, ut si Sol incāduerit, sustia

sustineri manu non possint.

PALMIS quoque inclyta est Iudæa. Est autem palma arbor *ἡμυρόφυτον* & procera & recta stirpe ac ramis in altum tendentibus, ex quibus folia semper uirentia & hyeme etiam non decidentia & aculeata nascuntur. Fructus eius dicuntur palmulæ, Græcè *στάκτυνοι*, qui non inter folia, sed in summo palmitum fastigio racematim cohærent, oblongi & dulcissimi ex quibus & panis, & uinum, & mel conficitur. Ut autem commodius ascendi in fastigium excelsæ arboris possit, natura corticem trunci uelut gradibus orbiculatis distinxit. Laudatissimæ palmulæ in Phœnicia (quæ nomen inde accepit) & in Iudææ campis, urbi Iericho uicinis. Eæ quæ ad nos afferuntur, Aegyptiæ sunt. Ideo autem in triumphis, inter uictoriæ signa rami palmarum usurpati sunt: quia perpetuo uirent, & pondere aliquo imposito contra nituntur & rectius assurgunt. Plut. lib. quarto Sympos. *Φοίνικ' ἡ φύλον, ἃν ἄνθρωποι πινὲς βαρυντὶς, ἢ καταβλῆς βόμβρον ἐν δίδωσιν, ἀπὸ λυρτοῦτα πρὸς τοὺνναντίον, ὥστε ἀντισέμνον ὡς βιαζομένον.* Vide Gell. lib. 3. cap. 6. Prouerb. Palmam ferre. Mercurialem lib. 1. Var. lect. cap. 3.

THYA arbor circa templum Iouis Hammonis & in Cyrenaicæ regionis parte interiore nasci & in contignationibus domuum

aut templorum, contra omnia uitia incorrupta & immortalis manere fertur. Ligni Thyini mentio est Apocal. 18.

LOTOS arbor Africae & Italiae nota, fructu prædulci: qui ab obliuione prouerbio locum fecit. Vide Homer. Odyss. 9. Plin. lib. 13. Prouerb. Lotum gustauit.

STYRAX arbor Arabiae, similis malo Cydoniae: eius lacryma styrax quoque & uulgo Storax calamita dicitur. Ex styrace olim suffitus fiebant, ait Plinius, ad myrrhæ atq; thuris nidorem molestum sanandum.

LENTISCUS arbor est cuius lacryma est mastix: quæ adulteratur interdum resina uel thure. Ex lentisco autem dentifricium fieri consuevit. Hic est puluisculus quidam candidandis dentibus comparatus. Fiebant & dentiscalpia ex lentisco: id est, cuspides quædam purgandis dentibus accommodæ. Vnde prouerb. Lentiscum mandere & σχισοπῶγες.

CAPPARIS arbor fructum rotundum cognominem fert, similem baccis olearum, quibus fathiscētibus flos emicat. Hic postquam decidit excussis, glans extuberat oblonga, semine acinoso plena. Condiuntur sale (quod Græcis est ταρχύαρ) ut asseruari possint: & condita hoc modo ἑλμαίαις Græci, Latini salgamata uocant.

DE FRUCTIFERIS ARBORIBUS.

Domesticæ & nostrates arbores, aliæ Fructiferæ sunt, aliæ Steriles: quarum plerasque Ouid. 10. Metamor. nominavit:

— non Chaonis absuit arbor,
 Non nemus Heliadum, non frondibus æsculus altis,
 Non tilie molles, nec fagus & innuba laurus,
 Et coryli fragiles, & fraxinus utilis hastis,
 Enodisq; abies, curuataq; glandibus ilex,
 Et platanus genialis, acerq; coloribus impar,
 Amnicolæq; simul salices, & aquatica lotos,
 Perpetuoq; uirens buxus, tenuesq; myricæ,
 Et bicolor myrtus, & baccis cærulea ficus,
 Vos quoq; flexibiles hederæ uenistis, & unâ
 Pampineæ uites, & amictæ uitibus ulmi,
 Orniq; & piceæ, pomoq; onerata rubenti
 Arbutus, & lentæ uictoris præmia palmæ,
 Et succincta comas, hirsutaq; uertice pinus,
 Affuit huic turbæ metas imitata cupressus.

Fructiferæ arbores ferunt fructum tegumento uel molli, uel duro. Fructus molli tegumento est aut pomum aut bacca. Quæ arbores pomum ferunt, Pomiferæ dicantur: quæ baccam Bacciferæ. Poma sunt Mala, Pyra,

Cerasa, Pruna, Cotonea, Persica, Vnedo, Ficus, Mespila, Sorba, Oliua.

MALVS arbor fert mala, quibus ceu propria inest rotunditas, & eorum uariæ species sunt: Mustea, curtispēdia, orbiculata, syluestria, præcocia, &c.

PYRVS arbor fert pyra, quibus figura turbinatiore est. Vnde pyrum dictum uidetur I. sidoro, quod in ignis speciem formatum sit. Nam hoc genus pomi ab amplo incipit & in angustum finit ut ignis: eorum quoque uaria genera: Crustumina gratissima sunt & ex parte rubent. Volema Virgilio quæ uolam implent, Catoni fumentina & mustea. Falerna seu lactea, quæ largo succo abundant. Mespilacea, quæ duros intus nucleos habent mespilorum instar. Præcocia, Turbinata. Syluestria. Serotina, Mammosa, Dolabellina.

CERASVS arbor fert cerasa seu cerasia: à Cerasunte urbe Ponti dicta. Primus enim Lucullus Mithridate debellato & Ceraso urbe deleta, hoc genus pomi in Italiam detulit. Genera eorum plura: alba, nigra, rubra, dulcia, austera.

PRVNVS fert pruna: quæ uarij generis sunt: Damascena, Iberica, cerea, cerulea.

COTONEA malus fert cotonea seu cydonia mala, dicta à Cydone Cretę oppido, unde primum aduecta.

M A L V S persica fert mala persica, quibus brevis admodum vita est concessa. Sunt que duorum generum, rubra & cerea. Ferunt hoc pomum in Persia lethale fuisse, ideo que Persas id in Græciam inuexisse ad pestem eorum quibuscum bellum gerebant: unde Martialis lib. 13.

*Vilia maternis fueramus præcoqua ramis,
Nunc in adoptivis Persica chara sumus.*

ARBUTVS in Germania non nascitur: eius pomum arbutum & unedo dicitur, pruni magnitudine figura fragis simile: intus habes paleacea grana, sed gustu iniucunda: unde quod unum edatur, appellatio eius.

FICVS arbor Isidoro à fecunditate dicitur. Feracior enim est cæteris arboribus. Nam ter quaterque per singulos annos generat fructum, atque altero maturesciente alter obruitur. Ficus aliæ domesticæ sunt, aliæ syluestres, quas fert caprificus: quæ parietes, quibus innascitur, rumpit. Arborum quoque ipsarum multiplex est differentia. Aliæ enim olynthos ferunt seu grossos, aliæ solas ficus: & harum quædam biferæ sunt: bis enim pariunt in anno: primo namque vere præcoces ficus, mox reliquas edunt. A senibus comesæ sæpius ficus, rugas eorum feruntur distendere. Tauros quoque ferocissimos

ad fici arborem alligatos repente mansuescere dicunt. Lignum ficulnum fragile atque ad omnia ferme inutile est. Inde prouerbium ficulnus gladius, ficulnum auxilium, ficulna mens. Iuxta Scyllam sata ficus lætiùs prouenit &ocyùs augetur: fici uerò umbra, ruta delectatur atq; sub ea insita, incrementum maius sumit.

SYCOMORVS, ficus Aegyptia est: fructus eius uocatur Sycomorea, qui nō maturescit, nisi ferro scalpatur aut ungue.

MESPILVS arbor spinosa: eius tria genera. Vna Satanea, cuius pomum grandius, candidius & molliore intus acinorum ligno: Reliquorum duorum generum fructus sunt minores. Vna uocatur ἀνθηδάρι: altera ἀνθλωανδύς.

SOBRVS fert sorba, quorum plura genera: quibusdam enim mali rotunditas inest, alijs turbinatio pyri, alijs ouata species.

OLEA arbor oliuas fert: Olea itaque ipsa arbor est, oliua fructus, succus oleum. Est autem arbor pacis insigne. Oliuæ constant oleo, nucleo, carne, amurca. Oleum nitorem ac lucem addit rebus omnibus. Vnde prouerb. Oleo nitidius Nihil etiam magis tacitum, nihil lenius est oleo, adeo ut mare quoque rem omnium sæuissimam tranquillet, atque ob id urinantes aiunt oleum ore spargere, quod mīti-

mitiget elementi naturam asperam, lucem-
que deportet. Itaque Plutarchus decade 6.
conuiuialium quæst. causam afferens cur Ho-
merus inter tot liquores, oleum duntaxat ap-
pellarit *ὕρον*: id est, humidum siue liquidum,
ostendit oleo nihil inesse asperum, sed undi-
que lene esse & ob id maximè reddere imagi-
nes more speculorum. Præterea nec motum
aut percussum strepit, ut humores reliqui, nec
luctatur cum igni, sed tacitè pascit. Denique
non est alius liquor, qui tam latè diffundatur,
cū inungitur corpori, aut serius siccescat, aut
æquè molliat ac leniat. Vide prouerb. Oleo
tranquillior. Gladiatores quoque & palæ-
stritæ certaturi olim, unguentis quibusdam
(quæ ceromata dicebantur) ungi solebant:
ea conficiebantur ex oleo, certis'que terræ ge-
neribus. Vnde prouerbum: Oleum & ope-
ram perdere. Sal mordet ac ficit, oleum le-
nit ac humectat: sic medici oleum addunt sa-
li, ne plus satis erodat: & qui sapiunt, admoni-
tionis acrimoniam bonis uerbis leniunt. Vn-
de prouerb. Oleum & salem oportet emere.
Nonnunquam enim contrarijs remedijs o-
pus est, nunc acrimonia, nunc lenitate. Quo-
niam autem igni nutritur, prouerbio dicitur
Oleum camino addere: qui ignem aut iram
non extinguit, sed auget. Amurca olei pars
est aquosa, & sordes præcedentes; nam se-

quentes dicuntur fæcēs. Oliuæ trium generum sunt, Albæ, Virides & Maturæ. Albæ mediæ sunt inter uirides & maturas. Virides enim acerbæ nimis sunt & cruditate sua minimè conueniunt: maturæ (quæ & nigræ sunt) sua pinguedine stomachum relaxant. Albæ autem utroque excessu carent, cum neque incoctæ prorsus sint & adstrictoria facultate non priuentur. Vide Mercurialem libro primo Var. lect. capite tertio. Coquos autem antequam uel pisces, uel carnes assarent, oleo inungere solitos, refert Galenus: ne scilicet exteriores partes ui ignis exustæ consumerentur, interiorumque coctionem impedirent. Mercurialis ideo id factum putat, ne carniū & piscium intestinus & proprius humor efflueret, sed intus cohibitus & coctus, iucundiorrem cibum palato redderet. Oleum enim occludere extimos corporum, meatus quò minus quicquam effluere queat, & Galenus fateretur & Alexander, qui in Probl. ea ratione animalia insecta ab oleo enecari disputat, prohibita ex olei constipatione natua eorum spiratione. Atque hæc de Pomiferis arboribus.

MORUS baccifera arbor est, quæ nouissimè germinat, & cum postremis folia amittit. Itaque per antiphrasin morus dicitur stulta, quasi minimè stulta: unde Alciatus:

*Scior at morus nunquam nisi frigore lapso
Germinat: & sapiens, nomina stulta gerit.*

Fru&um primò maturat, non omnem simul, sed alium atque alium subinde, quæ mora dicuntur. Succus eorum uariat. Nam ab ortu statim acerbus est & aquosus, pubescentibus nitescit & rubescit. Exactè maturis uinosus est, & nigricans sanguineo colore manus inficit. Nicephorus Callistus libro 15. capite 14. urbem Constantinopolitanam continuè incolentes sæpè uexari podagra scribit. Hege-
sander certè ex Pythermo tradit apud Athenæum, illius temporibus per 20. annos fructum nullum moros protulisse, atque tantam podagræ contagionem omnes inuasisse, ut non homines solùm, sed & pueri, puellæ, eunuchi & mulieres eo morbo tentarentur: quæ item caprarum greges ita grauiter sollicitarit, ut uix tertiâ earum pars libera esset. An uerò id euenerit, quia mororum fructus podagram arcere queant, in cōtrouersiam uenire potest. Apud Hippocratem sanè & Galenum legitur, mora quæ satis maturuerint, uetrem subducere, stomachumq; squalidum ac æstuosum consolari: præsertim si frigida, nec cum cæteris cibis, sed paulò antè sumantur, moxq; per pauimentum deambuletur. Vnde Horatius non immeritò cecinit:

—ille *saubres*

*Aestates peraget, qui nigris prandia moris
Finiet, ante gravem quæ legerit arbore solem.*

Ea uerò priuata ulla facultate podagricis auxiliari, quo minus infestentur, apud neminem adhuc obseruatum est. Fieri tamen potuit, ut mora Pythermi ætate frequenter ab omnibus ferè esitata, stomachis recreatis, aliis'que liquatis, eorum humorum prouentum interciperent, qui in articulos decumbentes podagram gignere consueuerunt: eò magis quòd Galenus scribit, aluos adstrictas habentes podagræ esse obnoxios. Sed consideranti mihi capras (quæ mororum fructus non attingunt) ab ea lue non fuisse immunes: potius aëris inclementiam (quæ moris inimica extitit) etiam pedum morbos produxisse existimo: quando uarijs aëris constitutionibus uarias ægritudines peruagatas non raro à maioribus nostris obseruatum fuit. Cum enim morus idcirco sit prudentissima uocata (ut ait Theophrastus) quòd nouissima omnium germinet: ea si quando pruina læditur (ut lædi proditum est. Psal. 77. & apud Plinium libro 16. capite 26.) iam coeli intemperiem maximam esse constat, quam etiam ad pedes deducere defluxiones, non est à ratione alienum. Dixi mora stomachos æstuan-

tes reficere, cum Diphilus medicus apud Athenæum & Galenus post ipsum, eadem stomacho conferre scripserint. Quanquam Dioscorides & ipsum secutus Auicenna, mora non *ὀσόμαχα* (ut illi) sed *λεπτοσόμαχα* fecerit.

Quare autem de moris albis à nullo ferè antiquorum mentio facta habeatur (excepto Ouidio in fabula Pyrami & Thysbes, ubi eorum sanguine mora alba rubrum colorem contraxisse canens, uidetur potius ulla candida inueniri negasse) facile est illis intelligere, qui sciunt id arboris genus ex insitione super albam populum facta emanasse: quæ cum in Europa ac sub Romani imperij ditio-
ne serò apparuerit, sicuti complures aliæ insitiones: non est mirum si pauca de ipsis ab autoribus memoriæ tradita leguntur. Quæ fortè etiam causa fuit, quòd sericum usque ad Galeni tempora rarum esset, qui in 13 Methodi scribit, id in urbibus Romanorum magnis tantum, atque ibi penes opulentas mulieres extitisse. Ea enim animalcula, quæ serica fila nobis diuina quadam arte fabricant, quòd potissimum folijs mori nutriantur, eis que pinguefacta fœcundiora euadant, omnes sciunt: ut hac una ratione conijcere ualeamus, quo tempore huiusmodi arbores copiosæ non erant, eodem nullum aut saltem paucissimum illorum animalculorum, & proinde

quoque serici fuisse prouentum. Auctorem enim est in uita Iustiniani Zonaras, eius Imp. tempestate sericam telam à Romanis texti coeptā, quæ prius à Persicis mercatoribus aduehebatur, & quomodo ex uermiū filis fieret, ignorabatur. Nam duo monachi ex India Byzantium profecti, originem illius declararunt: & ut ex perexiguīs ouīs perfotum uermes illi educerentur, educti folijs mori alerentur: dein de ipsis natura magistra filum reddentibus sericum texeretur, non sine multis muneribus docuerunt. Atque hæc de arboribus quæ fructum molli tegumento ferunt. Fructus autem duro putamine, aut in totum teguntur, aut ex parte. In totum teguntur aut calyce uiridi cum ligno, aut echino cū membrana. Calyce teguntur integro & lenticulari amygdalæ: bifido & rotundo nuces.

AMYGDALVS arbor amygdala fert, quæ post uiride putamen sacrificatus plurimos ostendunt & ceu in rimas dehiscunt. Vnde & Græcum nomen sumptum est, παρὰ τὸ ἐν τῷ μύτῳ τὸ χλωρὸν ὡσπερὲς ἀμυγὰς ἔχειν πικράς. Earum aliæ dulces, aliæ amaræ. De amaris amygdalis dixi supra libro 25. ἀμύγδαλα πικρά, νηφάλια. Arbor ipsa floret, antequā germinet. Cunctis arboribus prior se florē uestit & ad ferenda poma, arbuta sequentia præuenit.

NUCES post uiride putamen, carinam
bifi-

bifidam ostendunt, quæ nucleum quadripartita distinctione continet, lignea intercurrente membrana, quæ est Latinis nauci. Duo sunt earum genera: unum putamine fragili, quod Molluscas uocant: alterum durum, quod Moracias & Moracillas. Arbor ipsa nux quodque dicitur & iuglans: Nux à nocendo: quod umbra uel stillicidium eius proximis arboribus noceat. Iuglans aut, uel quasi Iouis glans, uel quia iugulat glandes iuxta se positas. Dicuntur & persicæ nuces & regicæ: Græcis *κάρυα* quod grauant cerebrum. Sunt enim *κάρυα* *ααλγὴ* omnia & maximè cum ex uetustate rantorem contraxerunt. A nuce prouerbia quoque sunt, ut Nauci non facio, Vitiosa nuce non emam. Qui è nuce nucleum esse uult, frangat necesse est, Nil intra est oleam, nil extra est in nuce duri, Nuces relinquere, Nucleum amisi, reliquit pignori putamina. Nuces iuglandes nuptialium Fescēnorum comites: quibus honor nature peculiaris, gemino protecte operimento: puluinati primo calicis, mox lignei putaminis: quæ causa eas nuptiis religiosas facit tot modis foetu munito.

Echino reguntur castaneæ: quæ Græcis *κλῖος βάλανος*: id est, Iouis glandes & *λόπιμα* dicuntur. Castanea arbor semel excisa, tanquam sylua expullulare consuevit.

GLANDES ex parte teguntur Germanis *Eckelrit*, *Eicheln*: quarum differentiarum plures, ut & arborum glandiferarum: Glandem enim ferunt quercus, robur, cerrus, esculus, fagus, ilex, suber.

QUERCUS cæteris breuior est & in orbem comosa, alisque ramorum crebro cauata. Sic dicta quod ea soliti erant Dii gentium querentibus responsa dare. Arbor annosa est, sicut legitur de quercu Mamre, sub qua habitauit Abraham, quæ fertur usque ad Constantis regis imperium per multa secula durasse. Glans huic optima & maxima, quæ glans querna uocatur: qua ante inuentas fruges homines olim uescebantur: ut innuit poeta:

Et discat querna pellere glande famem.

ROBUR durissima quercus est, unde per metaphoram robur dicimus pro materia quauis fortissima. Huic glans parua est.

CERRUS excelsissima & incultis amica. Glans ei tristis & horrida echinato calyce, ut castaneæ, quæ glans cerrina dicitur.

ESCVLVUS Theophrasto *πλατύφυλλον*: id est, latifolia dicitur: esculus autem nominata est ab esca, sicut fagus *ἀπὸ τοῦ φαγῆν*, quod harum fructibus olim homines uixerunt.

FAGUS glandem fert dulcissimam, nucleo non absimile, triangula cute inclusam & parte po-

te postrema utrinque lapidescentem. Duo eius genera: Vnum campestre nigrum, quod minus & breuius: alterum montanum, excelsius materie candida. Glans fagina bucheckerit. Glande fagina obsessos etiam homines durasse in oppido Chio tradit Cornelius Alexander.

ILEX duorum generum est: quorum unum arboreescens, alterum fruticescens. Arboreescens etiam glandiferum est, folijs aculeatis, materie solida & dura, fructu glande minori, cætera simili. Fert autem præter glandem, granum puniceum, tanquam sua: & ut aliena uiscum ac hyphear. Sic enim inquit Theophrastus: φέρει παρὰ τὸν βάλανον κόκκον τίναν φοινικοῦν. ἴσχει δὲ καὶ ἱξίαν καὶ ὑφέαρ· ὅσαι ἐνίοτε συμβαίνειν τέταρτας ἅμα καρπὸς ἔχουσιν αὐτὸν: διὸ καὶ τὰς ἑαυτῆς, διὸ δ' ἄλλας, τὴν τε τῆς ἱξίας καὶ τὸν τοῦ ὑφέαρ Θ': καὶ πλὴν μὲν ἱξίαν φέρει πρὸς τῶν ἐκ βορρᾶν, τὸ δ' ὑφέαρ ἐκ τῶν πρὸς μεσημβρίαν. Glans iligna Homero ἄκνυτον dicitur. Fruticescens ilex coccifera est: cuius etiam duo genera. Vnum minus: alterum maius. Minus uocatur ilex Aquifolia à Plinio, Græcis κόκκον Poloni (apud quos copiosè nascitur) Tschermitz uocant à rubente grano. Grano enim eius puniceo lanæ tinguntur, ex quibus Charmesinum texitur & Scharlacum. Plinius uocat Quisquilium, uel ut aliqui legunt Cusculium: Græci κόκκον βαφικόν; uulgo gra-

granum tinctorum. Quoddam eius genus cellerrimè sese in uermem mutans *σκωληκίον* uocatur. Inde pannus quisquiliatus uel coccineus, *ein scharlach*: & sericum coccineū, *roter charmesin*, à *Chermes*, qua appellatione Arabes granum tinctorum indicant. Pausanias in Phocicis Coccum sic describit: *Κόκκx καρπὸς ὅμοιος τῷ καρπῷ τῆς εὐρύχνης: μέγιστος μὲν ἐστὶ κατὰ ὄρορον: γίνεται δὲ τοιῖον τῷ καρπῷ τῆς κόκκx βράχυν ἥωον. τὸ τό ἐξ αὐτοῦ καὶ τὸ ἐς τὸν αἶρα, πεπανθύνει τὸν καρπὸν, πένεται αὐτὴν, καὶ ἰοικὸς κῶνωπι φαίνεται αὐτῇ. νύκτι δὲ πρότερον περὶ τὸ ἥωον κυθῶσαι, συνέχουσι τῆς κόκκx τὸν καρπόν. καὶ ἐστὶ τοῖς ἰεῖοις ἢ βαφὴ τὸ αἶμα τῷ ἥωον.* Maius autem uulgò nascitur, folio, ut illud, querno, sed minore & aculeato ac perpetuò uirente, grano puniceo maiore. Quandoq; ad iustæ arboris magnitudinem excrescit, quandoq; uix fruticum assequitur altitudinem.

SVBER folio ilicis nascitur, coma perpetuò uiridí: cortex eius à sutoribus expetitur ad crepidas. *Past, Pantoffelholz*. Suberis lignum cauernosum est, quod in aqua non fidit, uerum etiam retibus & natantibus alligatur, ne possint fidere. Vnde Pindarus hymno 2. *Pythag.* *Φερόν ἀβάπτισον* uocat, quòd suber tingi nequeat. Et hinc prouerb. Subere leuior. *Φελαδοθύον* scæminam ilicum faciunt, media roboris & suberis natura. Folio suberi, materia & cortice cerro cognata est.

Glandiferæ omnes etiam Gallas & uiscum ferunt. Gallarum duo sunt genera, Solidæ & Perforatæ. Illæ parvæ sunt, nodosæ, ponderosæ, nullo foramine peruiæ. *Türkisch Galapfel*. Afferuntur ex Asia & præstant cæteris. Hæ grandiores sunt, rotundæ, raræ, leues. *Vnsere galapfel*. Erumpunt Sole de geminis exeunte. Viscum nunquam in terra nascitur, semper in arbore, ut quercu, ilice, robore etiam in malo, pyroq; sylvestribus, & betula, abiete, larice. Sed quernum omnibus præstat. *Eichener mistel*. Vide Plinium lib. 16. cap. ult. & Ramum in libro de Moribus uet. Gall. Atque hæc de arboribus fructiferis.

DE STERILIBVS ARBORIBVS
quibusdam.

Arbores steriles pleræque materiariæ sunt.

FRAXINVS dicta est, quod in asperis locis, montanis & confragosis nascatur. Duo eius genera. Vna procera, enodis teres, quam montanam uocant, *Buchaschen*. Altera brevis, durior & fuscior, *Steinaschen*, quam campestrem uocant. Fiunt ex fraxino hastæ prælongæ. Vnde Ouidius:

— & fraxinus utilis hastis.

Quare

Quare & Homeri præconio & Achillis hæc nobilitata est. Mirabiliter serpentibus inimico est, adeo ut eius umbras neque matutinas, neque occidentes attingere audeant: quin si fronde fraxini gyro claudatur & ignis & serpens: in ignem potius, quam in fraxinum serpens fugiet.

TILIA umbrę gratia expetitur & in ramos dilatatur. Materies eius putredinem non sentit, proceritate modica, uerum utilis imò ad mille usus petenda. Eadem scutis faciendis aptissima.

ACER arbor est, ut Ouidius definit, coloribus impar: Eius genera tria, Montanum, Campestre & Carpinum. Montanum durius est, & crispo uenarum, macularumque discursu elegans: *Ahorn*. Campestre candidum est, non crispum, Plinius Gallicum uocat: *Masholter*. Carpinum uulgò etiam *Ahorn* dicitur: à quibusdā *breitlöbern*. Aceris tubera sunt & bruscum & molluscum: *flader von ahorn*. Bruscum intortius crispum, Molluscū simplicius sparsum est.

V L M V S arbor ab uligine dicta est, quod uliginosis locis & humidis melius proueniat. Nam in montanis & asperis minus lata est. Duūm generū est, Mōtana *Ilmenbaum*, & Campestris, *Rustbaum*. Illa amplior & procerior est, hæc fruticosior.

POPVLVS dicta quod ex eius calce multitudo nascatur: tria eius genera. Alba *Weissalberbaum*; quia folia eius parte inferiore sunt alba, altera uiridia. Bicolor igitur est, habens quasi noctis & diei notas: dicitur'que *ἄχρηστis* Homero, quod Hercules ab inferis redux, populi in Acherontis ripa nascentis ramo coronatus, emerferit. Altera nigra dicitur uulgo *alberbaum* absolutè. Tertia Libyca, *espin*. Populi folia post solstitium circumaguntur, nec alio argumento certius intelligitur sydus confectum.

ALNVS dicta quod alatur amne, *erlenbaum*. Proximè enim aquæ nascitur, nec facilè extra undas uiuit. Hinc tenera & mollis: quia in humecto loco nutritur. Alni sepibus muniunt, contra'que erumpentium omnium impetus, riparum muro in tutela ruris excubant in aqua sata, cæsæ'que densius innumero hæredi profunt. Umbra uerò pinguis alno, sed pascens sata. Quin & folia ei crassissima. Lintribus eius materia & nauibus apta est.

BETVLA, Germanis *Bircke*. Caudicem eius primo uere rustici terebro perforant, ut liquorem inde eliciant, quem copiosum fundit. Affirmant enim liquorem illum magni calculos renum & uesicæ comminuere, ac

EE maculas

maculas faciei & corporis emendare atq; extergere.

TAMARIX, quæ & myrice satiua tantum gallæ similem fructum fert. *Tamariscen*. Ex eius ligno fiunt pocula.

SALICES uiminibus utiles sunt, nec nisi aquosis locis proueniunt: dicuntur salices, à saliendo, quod celeriter exiliant & crescant: earum semen hanc habet naturam, ut liberis careat, qui id in poculo hauserit: sed & foeminas infœcundas efficit. Homerus uocat salices ὄλκισκάρπες frugisperdas. Salicum differentiarum plures. Amerinæ (*salweiden, werben*) cortice & folio cano ac subcinericio, uirgas emittunt sequaces ad texturas sepium, lenticiarum & uincturas. Primo uere gemmas protrudunt cana lanugine molles. Græcæ seu uiminæ (*rotweiden*) cortice purpurascente, uirgas emittunt prætenues, flexibiles, & uinciendis rebus alijs texendis que uiminibus spectabili subtilitate. Vitellinæ, (*gelbweiden*) cortice flauescente ad ripas aquarum nascuntur. Amerinæ (*weiße Weiden*) cortice albescente uirgas edunt fragiles.

B V X V S, à Græco πύξος, arbor semper uiuens: ob leuiorem materiæ, elementorum figuris apta. Solidum lignum habet, spissum & graue, quod in aquis non fluitat. Inter reliqua

liqua magici criminis argumenta, obiectum fuerat Apuleio, quod Mercurij sigillum scalpendum curasset ligno buxi. Fortassis buxus ad id potissimum deligebatur, uel quod hominis pallorem præ se ferat, uel quod materies sit omnium maximè æterna. Nam & aduersus ignem quoque ferri rigorem obtinet auctore Plinio. Vide prouerb. Non è quouis ligno Mercurius fit.

CEDRVS arbor parua & spinosa, cariem & uetustatem non sentit. Vnde ex ea arbore olim Deorum simulachra fiebant. Ex eius etiam oleo libri liniebantur, ne à tineis corroderentur, quod de Numæ Pompilij libris post 535. annum repertis affirmat Plinius. Ouidius:

Nec titulus minio, nec cedro charta notetur.

Lignum eius iucundi odoris est. Vide prouerb. Cedro digna.

CYPRESSVS, ut & cedrus, ædificando utilis est. Lignum sanè cedro penè proximam habet uirtutem. Cariem enim non sentiunt: nec rimam aut fissuram capiunt. Cypressus dicitur ἐπι κρη μαρίων, quod ex æquo ramos & fructus procreat. Fructus cupressi galbulus dicitur, uel potius globulus, Græ-

cis *εφαιον*: cui tenue & exile semen laricis fructui simile innascitur. Trunci cupressorum in perticas & asseres finduntur. Templorum trabibus apta eius materia est: impenetrabili enim soliditate nunquam oneri cedit: sed ea qua principio fuerit, firmitate perseverat. Plinius libro decimosexto, scribit natu morosam arborem esse, fructu superuacua, baccis toruam, folijs amaram, odore uiolentam, ac ne umbra quidem gratiosa. Arque huiusmodi cum sit, tamen proceritate (unde & conifera uocatur à poëtis) ac perpetuo uiore, neque non nascendi difficultate, nouum aliquem fructum polliceri uidetur. Vnde proverb. Cyparissi fructus de uerbis dictu magnificis, sed inutilibus. Theophrastus libro primo, de causis plantarum, scribit semen cupressi adeo esse minutum, ut uix oculis percipi possit. Neque enim huius esse fructum totum id quod pilæ speciem gerit, sed quod cono innascitur, perquam tenue & exile, laricis semini proximum, quod pilula sua dehiscēte dilabitur, nec legi, nisi ab experto potest.

Arbores quædam *ερβιαν* ferunt: hoc est, ligneum putamen squamatim compactum & subtus excauatum, quod nuces continet, quæ nuces pinæ & Cybeles poma uocantur: magnitudine & figura ponticis nucibus
similes,

similes, sed longiores. Arborum autem cognatarum *spobius* ferentium, multa sunt genera.

PINVS arbor est.

His quæ sub ea sunt, prodest: si aut nox nocet omnibus. Ea caremus in Germania, Piceam uocamus *Zirbelbaum*: differunt.

Coma: quæ piceæ longior est, (ramis etiam dependentibus) pino breuior.

Nucibus: quæ pino maiores sunt, piceæ minores.

Cono: qui piceæ longitudine deorantem, crassitie manum æquat: pino breuior, compactior & amplior est.

Squamis: quæ piceæ tenues sunt & hiscentes: pino crassiores, duriores & compactæ.

PINASTER syluestris est pinus: caremus & hac. Picea syluestris conum piceæ similem gignit, in quo eo minutum & alatum fructum, *in fichten*.

ABIES conos habet piceæ syluestr. similes. Duo eius genera. Fœmina prolixior, eiusque materia mollior, utilior & rotundior: folia pinnata, densaque, *Rothannen*. Mas de-

EE ; terior,

terior, *Weiß thannen*. Expetitur malis, nauigis, trabibus. Pars eius inferior & enodis, *sapinus*: superior nodosa & durior, *susterna* dicitur.

T A X V S uenenata arbor: unde & toxica uenena dicta: Baccas fert, cum reliqua genera nucamenta squamatim compacta, & è ramis paniculorum modo dependentia procreant. Fiunt ex taxo arcus & scorpiones. *Eiben*. Vide Cæs. lib. 6.

T A E D A arbor flammis grata, *Kienbaum*. Pinguissima eius materia etiam tæda dicitur, *Kien*. In Europa sex genera sunt arborum resinam ferentium: pinus, pinafter, picea, abies, larix, tæda propriè dicta, abundans succo, liquidior quàm picea, flammis grata. Impropriè autem quæuis ligna tædas appellamus, quæ flamma olei uel picis illitu concepta, faculæ modo luceant. Ex resiniferis arboribus destillat sine uestione, resina: ex earum uerò tæda accensa pix.

L A R I X nomen à castello Laricino habet: ex qua tabulæ tegulis affixæ flammam repellunt. Plinius enim eam nec ardere, nec carbonem facere, nec alio modo ui ignium consumi tradit. Exudat liquorem melleo colore, lentum, nunquam durescentem, quo utimur

pro

pro resina terebīnchina. Resina laricea, *terpen-
thin. Larix, lerch.*

PLATANVS à latitudine foliorū, uel quòd
ipsa arbor sit patula & ampla. Est tenerrimis
folijs & uītium similis: umbræ solius gratia
expetita.

LAURVS *ἀθανάσις* est: Græcis *δάφνη* quod
in igne posita crepet. Sacra Apollini: quia
uaticinij Deus habitus, & quòd uaticinantes
lauro uestebantur, unde *δάφνη φάροι* dicti. Vi-
de prouerb. Clamofior lauro ardente. Laureā
folium est lauri: *δάφνις*, bacca lauri: Triumphā-
lis arbor fuit: unde Ouid. i. Metam. sub perso-
na Apollinis:

*Arbor eris certē (dixit) mea: semper habebunt
Te coma, & citharæ, te nostræ Laure pharetræ.*

*Tu ducibus lætis aderis, cū læta triumphum
Vox canet, & longas uisent Capitolia pompas.*

Postibus Augustis eadem fidiſſima custos

Ante fores stabis, mediamq; tuebere quercum.

Viq; meum intonsis caput est iuuenile capillis,

Tu quoq; perpetuos semper gere frondis honores.

Erat enim ornamentum ædium principa-
lium ac pontificiarum. Quin & laureata epi-
stola Imperatores suam uictoriam senatui, po-
pulōque Rōm. nunciare solebant. Vide pro-
uerb. Laureolam in mustacijs quærere. Cre-
dita autem est & aduersus uenena remedium

habere laurus. Plinius lib. 25. demonstrat eam
 illustrationibus adhiberi solitam. Videtur &
 aduersus fulmen eius uis tueri, quandoqui-
 dem arbor una non icitur fulmine. Itaq; Tibe-
 rius Cæsar semper gestabat capite coronam
 lauream, ut in ipsius uita scribit Suetonius.
 Vide prouerb. Laureum baculum gesto, &
 Brodæum lib. 3. miscell. cap. 2.

MYRTUS arbor litorea est. Vnde Virgi-
 lius:

Litora myrtetis latissima.

Arbor Veneri sacra est: quia plurima na-
 scitur in litore maris, è cuius spuma Venus
 nata fingitur: uel quia muliebribus Venerea-
 rum partiū morbis medetur: quantiū quon-
 dam & triumphantium corona. Eius fructus
 myrta *Heidelbeer*: Hippocrates myrtidanū uo-
 cauit, sic' que piper ab alijs uocatum scripsit:
 unde error Plinij, qui libro decimoquinto, ca-
 pite tricesimo primo, scribit ueteres, antequā
 piperis usum haberent, loco eius baccas myr-
 ti usurpasse. Quod nusquam apud autores re-
 latum est.

Arboribus adnascuntur fungi *schwem*: quo-
 rum duo genera. Nam alij edules sunt, alij ue-
 nenati: & utriusque generis multæ species. E-
 sui sunt fungi, quibus piperis sapor & succus
 lacteus,

lacteus, pifferling, item boletibulæ. Venenati sunt fungi betulacei, qui sub betulis nascuntur. Prouerbialiter dicitur fungus, qui est stupidus & impensè credulus. Nam fungus per se insipida res est, mollis ac fragilis: & quæ subito prorumpat.

FRUTICES PEREGRINI.

CINAMOMVM frutex brevis est, qui in Indiæ regionibus gignitur. Duorum est tantum cubitorum, colore subnigro uel cinereo: tenuissimarum uirgularum. Nam quod in crassitudinem extenditur, despectui est: quod uerò gracilius prouenerit, eximium. Quod cum frangitur uisibile spiramentum emittit ad imaginem nebulæ uel pulueris. Putant aliqui nos cinamomo carere, & cinamomum nostrum esse cassiam ueterum. Strabo, Ptolemæus, Plinius, cinamomum, cassiam, myrrham, aliæque huiusmodi aromata in Troglodytica & Aethiopia nasci scripserunt, unde illa regio cinamomifera illis dicta est: At hodie nulla ibi nasci Portugalenses illarum regionum assidui lustratores testantur.

CASSIA nascitur in Arabia, uirga robusti corticis, & purpureis folijs, ut piperis. Est autem uirtutis cinamomi similis, sed potentia

inferior: unde pro cinamomi uice duplex eius pondus in medicamentis miscetur. Dicitur & cassia fistula: cuius pulpa, cassia fistularis dicitur & Aegyptia siliqua, & cassiæ atramentum à nigrore. Vide Herod. lib. 3.

A M O M V M exiguè frutificat, ex ligno se conuoluens in racemi modum, flore ceu candidæ niolæ paruo, folijs uitis albæ similibus: officinæ uocant rosam Hiericontis. Lignum est ualde odoratum: in Armenia, Media & Ponto nascitur.

CALAMVS aromaticus, Acorus etiam dicitur. Gignitur in India multis nodis geniculatus, fuluus, fragrans suauitate spiritus. Qui cum frangitur, in multas fit partes scissilis, simulans gustu cassiam cum leui acrimonia remordente.

DE VITE.

In Vite tria consideranda sunt: Partes, Species, Cultura.

Partes uitis sunt	{	Sarmenta.
		Palmes.
		Flagellum.
		Claui culæ.
		Pampini.
		Gemma.
	{	Vua.

Sarmenta *φρύγανα* sunt prælongæ uitium uirgæ, in quas uitis luxurians spargitur.


Palmites *κλήματα*, in uite uocantur, qui in arboribus furculi, quotannis emergunt ex stirpe & in gemmas abeunt: quæ deinde in modum palmarum humanarum uirgulas quasi digitos expromunt. Palmitum uaria genera sunt: Pampinariûs, qui ex duro prouenit & primo anno plerunque frondem sine fructu affert. Fructuariûs seu racemariûs, qui ex anniculo palmite procreatur, fructuque protinus induitur: cui contrariûs est orbus, qui nihil parit. Focaneus, qui in bifurco medius profilit. Malleolus, nouellus palmes, plātationi idoneus. Subsidiariûs, seu refex, est sarmentum annotinum, quod putatur ad fructificandum.

Flagellum est uitis maior, summa palmitis pars & cyma.

Clauiçulæ, seu capreoli, *ελκεις*, sunt coliculi, quibus quasi manibus proreptans uitis, adminicula apprehendit.

Pampini sunt folia uitis, quibus uestitur.

Gemmæ, *οφθαλμοί*, in ipsis uelut sarmentorum articulis relictæ, uiam orientem ostendunt. Guttræ ex gemmis extillantes, lacrymæ dicuntur.



Scapus seu racemus est ramulus acinos uuarum pendentes sustinens: qui & botrus & botryo dicitur, *δραπ*.

Acini sunt baccæ uuarum ex racemō pendentes, *ἀκίνη*.

Vinacea sunt grana acini, *γίναρτα*.

Folliculus est corium seu tunica uuae. *σύνφυλον*.

SPECIES VVARVM.

A' Coloribus aliæ sunt albæ, aliæ nigræ.
 A' sapore, aliæ acidæ, aliæ austeræ, aliæ dulces, aliæ uinosæ, quæ medium inter reliquas temperamentum habent: cum dulces calore, acidæ & austeræ frigore excedant. Immaturæ uul-

uulgò agrestes dicuntur, Græcis ἑμφάνης: quarum succus dicitur ἑμφάνιον.

VINI SPECIES.

Vinum ex causis est nativum aut factitium: utriusque variae species. Αἰγιόκητος mustum quod non deferbuit. Passum, ex uvis Sole ficcatis in area, aut in sarmento torrefactis, expressum.

Protropum, quod spontè ex uvis in lacum fluxit priusquam prælo exprimeretur. Sapa, uinum è musto ad tertiam partem decocto: defrutum, ad dimidiā. Lorca fit post expressionem musti dilutis & maceratis aqua uinaeis: Germanis leyren, uel lauren. Vide Mercurialem lib. 5. uar. lect. cap. 1. Vinum igni eliquatum, uulgò ustum.

Ex coloribus uinum aut rubrū, aut album, aut medium seu heluolum est: nigrum, rubrigiluum, albi satietas dici poterit.

SPECIES VITIS.

Vitis aut uinifera est ἀμπὴ & οἰνοφόρος: aut agrestis, ut labrusca, ἀμπὴ & ἀγρία: eius flos est οἰνάρθη, cuius fructus non maturescit. Dicitur labrusca: quia in labris terræ nascatur.

CULTURA VITIVM.

De cultura vitium, post electionem soli vineatici, Virgilius duodecim præcepta proposuit lib. 2. Georg.

I. De pastinatione nouelleti: id est, vinei ubi nouellæ conserendæ sint. Columella iubet anno scrobē prius fieri: ita Sole pluuijsq; macerabitur, & quod positum est citò, comprehendit: minimum uerò duos menses intercedere iubet. Vites autem pastinadæ sunt, non hyberno tempore, sed uerno uel autumnali. Vere enim concipiunt plantæ, aues, pecudes, fruges, uites.

II. De translatione: in quâ consideranda duo, seminarium & plaga coeli. Seminarium Soli simile esse debet, ne uiuiradices degenerent. Plaga quoque in translatis similis est retinenda. Sic Columella ait: Omnes arbusculas, priusquam transferantur, rubrica notare conuenit, ut cum ferentur, easdem coeli partes accipiant, quas etiam in seminario conspexerant: alioqui frigore uel calore laborabunt ab ijs partibus, quas præter consuetudinem sub alio tractu expositas habuerint. De situ autem vitium quæritur, quas in oras spectare debeant. Alij in occasu, alij in orâ

in ortu, alij uersus meridiem feri debere existimarunt. Sed in hoc nihil perpetuum præcipi posse arbitror. Ad Soli naturam, ad loci ingenium, ad cœli cuiusque mores dirigenda solertia est.

III. De satione: in qua consider. Ratio & Tempus. Ratio seu ordo non tantum uoluptatis gratia petitur, sed utilitatis. Plinio in disponendis arboribus arbustisq; ac uineis, quincuncialis ordinis ratio uulgata & necessaria uidetur, non modo perflatu uitis, uerum etiam & aspectu grata, quocunque modo intueare, in ordinem se porrigente uersu. Dicuntur autem arbores in quincuncem digestæ, quando secundi ordinis arbores ad primas paribus interuallis sic disponuntur, ut figuram quincuncialem seruare ad inuicem uideantur: quod fieri nequit, nisi æqualium laterum trianguli seruata ratione, hoc modo:



Quod autem ad tempus sationis attinet: considerandæ uinæ sunt, uel uere, uel autumnæ.

IIII. De

III. De contrariorum defensione. Præcipit itaque Virgilius, ne interferatur corylus & oleaster. Vitis enim odit raphanum, laurum, caulem, corylum: ni procul absint, tristis atque ægra: nitrum quidem & alumen, marina aqua calida, & fabæ putamina uel erui, ultima uenena sunt. In oleastri uerò damnatione uideatur Virgilius secutus Theophrastum, qui ait molestissimas esse uitificum & oleam: multum enim attrahunt alimentum & umbram faciunt amplam. Præcipit autem Virgilius etiam ut sepiantur uites aduersus pecoris morsus. Nam Plinius ait gemman- te uite arcendum procul esse pecus, sed maximè lanatum: quoniam facillimè auferat gemmas.

V. De uitis electione, ne malleoli uel taleæ è nouissima surculi parte sumantur, quam rustici (ait Columella) sagitram uocant: siue quia longius recessit à matre, & quasi micuit atque profiluit: seu quia cacumine attenuato prædicti teli speciem gerit: quam ait idem à ueteribus repudiatam, & probatam eam partem, quæ iuncta esset cum uetere sarmento. Optima semina habentur à lumbis: secunda ab humeris: tertia in summa uite lecta, quæ celerrimè comprehendunt & sunt feraciora, sed quæ celerrimè senescunt.

VI. De putatione uitis . Falce leni putetur, ait Plin. Putatio non fiat ante aquilæ exortum . In latifundijs uerò legitima naturæ festinatio : quò maturius putantur aptis diebus, eò plus materiæ fundunt : quò serius, eò fructum uberiolem. Quare macras prius conuenit putare, ualidas nouissimè.

VII. De foecundandis seminibus uinea-
ticis tum stercore seu fimo: tum lapide arena-
rio seu bibulo: tum saxo. Quascunque enim
taleas, malleolos seu uiuiradices in Scrobem
desiges, fimo pingui sparges & terra benè oc-
cules. Apud Columellam Pœnus probat ui-
nacea permista stercore, quod illa prouocent
& eliciant nouas radículas: hoc per hyemem
frigidam & humidam inferat calorem tem-
pestiuum, ac per æstatem uirentibus alimen-
tum & humorem præbeat . Aptissima au-
tem uitibus terra est arenosa , sub qua consi-
stet dulcis humor: probus consimilis ager, cui
subest tophus : Pauci quoque lapides dispo-
siti, uidentur & aquas hyemis & uapores æsta-
tis propulsare radicibus.

VIII. De repastinatione & puluatione,
quæ fit uel bidentibus seu bipalijs & pastinis:
uel uomere, si arbuſtiuæ sint uites. Crebrò fo-
dito, ait Plinius : capita uitium putata circū-
fodito . Ait enim fossione puluerem excitatū
contra soles, nebulasq; prodesse.

IX. De pedatione uitium. Fit autem iugum pertica aut arundine, aut crine funiculo. Deputantur autem his pedamentis à Plinio salix, arundo, populus alba, castanea, esculus, fraxinus, laurus, persica, corylus, malus, sambucus.

X. De pampinatione & frondatione: quæ manu, non ferro facienda est. Plinius: cum pampini quatuor digitos longitudine expleverint, tum pampinandi tempus est.

XI. De pampinatione iteranda.

XII. De ablaqueatione, quæ fit cum radices summæ & soboles circumfossa terra amputantur, posteaq; truncus terra obruitur. Fit autem post uindemiam, ablaqueatio & ante brumam.

Cicero in Catone: Quid ego uitium satius, ortus, incrementa commemorem? satiari delectatione non possum.

Omitto enim uim ipsam omnium quæ generantur è terra: quæ ex fici tantulo grano, aut ex acino uinaceo, aut ex cæterarum frugum aut stirpium minutissimis seminibus tantos truncos, ramosq; procreet: malleoli, plantæ, sarmenta, uiuiradices, propagines non ne ea efficiunt, ut quemuis admiratione delectent? Vitis quidem quæ natura caduca est, & nisi fulta sit, ad terram fertur, eadem ut se erigat clauiculis suis quasi manibus, quicquid est natura,

ta, complectitur: quam serpentem multipli-
ci lapsu & erratico, ferro amputans coërcet ars
agricolarum, ne syluescat sarmentis & in om-
nes partes nimia fundatur. Itaque ineunte ue-
re in hīs quæ relictæ sunt, existit tanquam ad ar-
ticulos sarmentorum ea, quæ gemma dicitur:
à qua oriens uua sese ostendit: quæ & succo ter-
ræ & calore Solis augescēs, primò est peracer-
ba gustui: deinde maturata dulcescit, uestitaq;
pampinīs, nec modico tepore caret, & nimios
solis defendit ardores: qua quid potest esse tū
fructu lætius, tum aspectu pulchrius? cuius
quidem nō utilitas solum, sed etiam cultura,
& ipsa natura delectat: adminiculorum ordi-
nes, capitum coniugatio & religatio, & pro-
pagatio uitium, sarmentorum ea, quam dixi
aliorum amputatio, & aliorum immissio.

DE BACCIFERIS QVI-
busdam.

IVNIPERVS arbuscula in locis arenosis
perpetua coma uirens, unde topiario operi-
donea: cariosam senectam non sentit. Conce-
ptum ignem diu continet, adeo ut si prunæ ex
eius cinere fuerint opertæ, ait Isidorus, usque
ad annum perueniant. Duo eius genera: Pu-
mila iuniperus, Wacholterstauden: & Arboref-
cens iuniperus, Wacholterbaum. Eius baccæ uo-
cantur Græcis *ἀμυρίδις*. Liqueor ex ea extil-
lans

lans uocatur uernix. colore, odore'q; emulans
thus, qui calore duratus coit in gummi.

DIOSPYROS, baccas fert primò uirides, &
state rubentes, autumnò nigrans. *Kalintbeer.*

EVONYMVS, *spindelbaum.* Florem fert albæ
uiolæ, luteum: in siliquis purpureis & fastigi-
atis in angulos quatuor, grana solita, crocea
membrana uestita, fert. Baccæ uocantur *hans-
hódlin.*

RVBVS fruticosi generis est & mora fert,
brombeer. Est & alio genere, qui fert similitudi-
nem rosæ, qui uocatur *λιώσαρ*: aculeatus, o-
doratus, album fert florem: baccas uirides pri-
mò, maturitate rubescentes, *rote beerlin vom ha-
gendorn.* Columella uocat sentem canis. Terti-
um genus uocatur rubus *Idæus* a loco: eius
mora uocantur *himbeer.* Specie fragis similia
sunt, & rubent colore, sapore imitantur uinū.

Contra *λιθίασην* remedium *λυπόεισον* aiunt po-
ma cynosbati. Nam ea contusa & in lacte ca-
prino calefacta, loco doloris imponenda di-
cunt: subito enim sedari cruciatum & pelli cal-
culum. Rubi sese multiplicantes, propagandi
rationem docuerunt. Curuati enim gracilita-
te simul & proceritate nimia, defigunt rursus
in terram capita, iterum'q; nascuntur ex sese,
repleturi omnia nī resistat cultura, prorsus ut
possint uideri homines terræ causa geniti. Ita
pessima & execranda res, propaginem tamen
docuit

docuit ac uiuiradicem.

ROSA CANINA, *κυνόρροδος* fructum fert baccas rubentes intus lapideis nucleis & lanuginosis plenas, *hagenbutten*.

RHAMNVS genus rubi, baccas fert myrtis similes, foris nigras, intus uirides, *treutbeer*. Ex illis pigmentum parant pictores uiride, *safftegrün*.

OXYACANTHA, *saurdorn*; baccæ uocantur *erbsesen*: officinis berberes,

OPVLVS baccas gignit racematim dependentes, primò uirides in maturitate purpurascentes, maleq; olentes, *Scheißbeer*.

PALIVRVS, frutex aculeatus, durus, baccis rubentibus & racematim cohærentibus, *Melbeer*. Francis est albus spicus.

SPINVS seu prunus syluestris, frutex aculeis acutis horret. *Schleendorn*: fructus eius sunt pruna syluestria *schlehen*, Virgilius:

— spinos iam pruna ferentes.

POTERION, *Kreüßelbeer*

RHVS PONTICVS: uulgò Ribes: eius fructus *κρόνυ ἄρκε*, *Sant Iohanns beerlin*: *Iohanns treüblin*. Rhus obsoniorum seu coriariorū uulgò Sumach & Rhus terginus seu tergorarius, quo tergora: id est, coria depellere mos est. Fructus eius sunt rubentes, acinīs uuarum similes, graciles, densi, confertiq; circa caulem.

FF 3 Folia

lia (quibus coriarij depſitores ad ſpiſſanda coria utuntur) ſunt oblonga, modicè, rutila, ſerratim in ambitu per oras incifa.

CYTISVS quoque frutex eſt ait Plinius pabulo ouium, ſuum, iumentorum, apum laudatus, nutricum etiam lactis inopia laborantium cibus.

HEDERA uiam fert, quæ Græcis corymbus dicitur, ex acinīs, denſè, confertimq; circa ſcapum in ſphæræ figurā conglobatis. Eius tria genera ſunt, candida, nigra, helix. Candida hedera, fructum fert candidum: nigra, nigrū aut croci æmulum. Helix fructum non gignit, ſed albas habet uiticulas & folia parua, anguloſa, & cōcinniora. Baccho ſacra fuit, unde κίτλοφόροι, qui in ludis Bacchanaliorum ferebant hederas. Hederæ natura eſt omnia ſuo complexu uincire: ſed complexu ſuo enecat arbores, quod idem amantibus faciunt laſciuæ puellæ: Vnde Romæ flamini Diali neſas erat tangere hederam, atq; adeo ne nominare quidem ſas erat: quo indicabatur puritatem & caſtitatem decere uiros ſacros. Vide prouerb. Hedera laſciuior. Bacchus ex India uictor & triumphans, hedera coronatus rediit, ea que poſtea plurimū uſus eſt, potiſſimum nigra: indidem. Alexander uictor exercitum hedera coronauit, ut triumphum Liberti patris imitaretur: poëtæ quoque hedera apud

apud veteres coronabantur; in cuius tutela se esse dicebant. Hedera satis omnibus est inimica, sepulchraque ac muros rumpēs, serpentium frigori gratissima, ut mirum sit illam in honore ullo habitam.

FERULA arbor est Plinio, alijs herba: ideoque Clearchus dixit esse lignum & non lignū: sceniculo similis folijs & caule, nisi quod caulem habent multo altiore & crassiore: profert enim sæpē ternū cubitorum: & folia ipsa asperiora & latiora. Nascitur locis calidis & transmarinis olim: olim magistri manus puerorum ferula cedebant, Mart. lib. 14.

*Inuisa nimium pueris, grataque magistris,
Clara prometheo munere ligna sumus.*

Græcis *νάρθηξ* dicitur, utilis ad fulciendos uacillantes ætate senes. Vnde & Baccho, Silenoque sacer ut uino titubātes fulciat, nec oneret tamen. Est enim ligno durissimo foris, licet intus lignum non habeat. Hac exceptum ignem coelestem poëte fingunt Prometheus deportasse in terras. Postremo hinc fiunt sceptrā pædagogorū, ut Martialis appellat, quo terreant magis quàm lædant. Vnde proverbio dicuntur manuum ferulæ subducere, qui desierunt in ludo literario uersari. Dioscoridis interpretes putat hodie prorsus esse incognitā: at uisitur in hortis Parisiensibus, qualis à Dioscoride describitur.

CORYLVS plano loco nascitur & nuptiarum facibus familiarissima olim. Fert nuces dictas auellanas, uel ab auellēdo, uel ab Auelano Campaniæ oppido, ubi abundant, ait Isidorus: dicuntur & nuces Ponticę, quod circa Pontum multę: item, Prænestinę & Heracloticę. Conditę ollis in terra seruantur uirides. Coryli furculo uel uirga serpētem icūt, obtorpescere, tandemq; emori obseruatum est. Columnę radices dicuntur uitibus nocere. Atq; hæc de arboribus & fruticibus: sequuntur
Herbæ,

LIBER

LIBER XXIX.

DE HERBIS ET BOTANOLOGIA.



ERBA est planta, quæ sine caudice à radice, foliata prouenit, semenq; caule fert. Est autem herba aut aromatica, aut uesca, aut non uesca.

HERBÆ AROMATICÆ.

NARDVS est herba spicosa: uulgò Spicardi, & nardus Indica seu Syriaca. Celtica uero nardus nascitur in alpibus Liguriæ, salunca patrio nomine dicta, prouenitq; in Istria & exigue fruticat & cum radicibus in manuales fasciculos componitur. Fuit autem nardi appellatio generalis Græcis, ut & *μύρων* ad unguenta, quæ uel foris inunxerunt corpori (unde *ἐπίχρισμα* dicta sunt) uel hauserunt, quæ *μισκὰ* uocata sunt à *μίσκος*: id est, potabilia. Inde *νάριον* in historia passionis Christi. Ph Ponticum, etiam nardus rustica dicitur, uulgò Valeriana.

HELENIVM, *Alantwurtz*: quòd ex Helenæ lacrymis extiterit: uulgò enula campana. Hæc

incocta uino, facit uinum quod Helenites & Nectarites est Plinio.

ANGELICA, contra pestem utilis.

ABSINTHIUM, *Wermuth*, inde uinū fit absinthites.

ROSMARINVS, λιβανῆς σηφανωματική.

HYSSOPVS, uox peregrina & Hebræa est.

AMARACVS, Maiorana, σάμψυχον, παρὰ τὸ σαί-
νειν τὴν ψυχὴν: reficit enim & recreat spiritus mi-
rifice suauitate temperati odoris. Prouerb.
Nihil cum amaricino sui.

DE HERBIS VESCIS SEV oleribus.

Plantas uescas Latini olera uocant, Græci
λάχανα: quæ coctæ aut crudæ comeduntur:
uel ad acetaria usurpantur aut adhibentur ci-
bis reliquis condimentorum gratia. Earum a-
liæ radicibus, aliæ coliculis & folijs, alię se-
minibus, aliæ bulbis, aliæ acredine
& mordacitate com-
mendantur.

RAPA

RAPA,

ρογγύλη

Græcis à

rotundi-

tate : est

uel

ῥαπα, 
 in qua
 confid.

Sylue
 fr̃is.

Satus. Nam densiore satumasculescunt, radice procurrente in longum. Rariore, effusminantur, radice in rotundum globata.

Semen: quod ferunt in filiquis quod expetitur olei causa.

Rapunculus. Huius recens è terra prodeuntis asparagi: id est, tenera ac summa ac paululam supra terram extantia cacumina, colliguntur primo uere ad acetaria.

Luteo flore in segetibus nascens.

NAPI duo genera. Vnum maius & rapo ac raphano simile, Græcis βενίαν. Alterum minus, βένιον, quod maiore melius est: utrumque Germanis dicitur *Stechtrueblin*.

RAPHANVS

ῥαπ τὸ ῥαπαί-
 ναρ. Tertio es

enim dic à sa-
 tu profilit &
 erūpit de terra

Horten
 sis ra-
 dice

Syluestris, uulgò Armoracia, *meerretich*. Nascitur in segetibus, rapo syluestri nō absimilis, sed multò minor

Lōga, Theophrastus uocat Syriacum & Boæticum.

Rotūda, Theophrastus uocat Algidentem.

PASTIL { Satiua $\chi\eta\pi\iota\upsilon\tau\omicron\varsigma$: cara radix, *pastiney*, gelbe
 NACA { *mören*.
 { Syluestris & erratica, *wild pastiney*.

SISER sativum est & erraticum, Geyerlin. Tiberij Cæsaris commendatione nobile est, qui omnibus annis id è Germania Romam aduehi curauit à Gelduba castello Rheno imposto.

RVMEX { I. { Hortense seu sativum.
 { Syluestre.
 seu lapathum est { II. { $\theta\acute{\xi}\nu\lambda\acute{\alpha}\pi\alpha\theta\omicron\rho$.
 { $\theta\acute{\xi}\alpha\lambda\iota\varsigma$. { $\theta\epsilon\omicron\lambda\acute{\alpha}\pi\alpha\theta\omicron\rho$.
 { $\iota\pi\omicron\lambda\acute{\alpha}\pi\alpha\theta\omicron\rho$. { $\upsilon\delta\omicron\lambda\acute{\alpha}\pi\alpha\theta\omicron\rho$.

RVMEX Germanis *Ampfer*, Græcis $\lambda\acute{\alpha}\pi\alpha\theta\omicron\rho$ dicitur ἀπὸ τοῦ λαπάτ[η]ρ, quod est exinanire. Decocta enim folia molliunt & deſciunt aluum. Lapathum hortense duum generum est. Vnum grandius, non diſſimile ſylueſtri, ſed mollius, pinguius, & delicatius. Alterum minus, quod miniatū dicere poſſumus à miniato ſucco & fibris pulchrè rubentibus. Sylueſtre uulgo *haſen ampfer* aut *butter ampfer*, quaſi butyraceū dicitur, quod butyrū recens folijs eius tegitur & obuoluitur, ne tepore liqueſcat & diffluat, aut molleſcat, uel à muſcis conſpuro.


spurcetur. Dicitur Germanis etiam *Grindwurtz*, quod linimentis miscetur, quæ scabiei extergendæ & extirpandæ adhibentur. Dicitur & *Ochsenzung*, à figura foliorum, linguam bouis referentium. *Oxylapathum*, uulgo *lapathum* acutū in officinis, dictū est ab acuta & mucronata foliorū effigie, *Spitzer ampfer*. *Oxalis* à sapore acido, & ἀναξυρίς à figura foliorū, soleas calceorū exprimentium, denominata. *Saurampfer*. Duūm generum est: Maior, in hortis & pratis: Minor, in aruis, præsertim in arenosis & aridiorib. prouenit. *Hippolapathū*: id est, grandelapathum, duūm generū est: Vnum mōtanum, quod quia à monachis serī in hortis primum & colī cœpit, *Rhabarbarum* monachorum uocatum est. Alterum in aquis nascitur, longitudine duorum cubitorū, *Wasserampfer*.

TRIFOLIUM *Macidum*, τριφυλλον ὀξύςσα, *saurflee*. Vulgo nascitur in umbrosis locis, gratum acorem habet & lenem: propterea ad acetaria mirificè expetitur: uulgo panis cuculi.

LAMPSANA ἄρ τὸ λάψα, quod folijs terram lambit, *Reintol*. Olus syluestre, Iulij Cæsaris carminibus, iocisq; militarib. præcipuè celebratum. Alternis quippe uersibus exprobrauere milites *Lampsana* se apud *Dyrrhachium* uisitasse, præmiorū parsimoniam cauillantes.

BLITVM, βλίτον, *Meyer*: olus insipidum & fastidium,

tuum, sine acrimonia. Vnde Græci βλίτης fa-
tuos uocant & stolidos.




MALVA, μαλάχη Græcis à molliendo dici-
tur, Pappeln. Malua hortēsis, cultura assurgit &
grandescit in arbore: uocatur'q; malua arbo-
rascens, δένδρομαλάχη. Flōs eius (quem aut can-
didum, aut ex candido purpurascensem, aut
purpureū, aut uermiculato rubore nitentem
profert, eum'q; aut simplicem, rarum'q; aut ex
pluribus dense confarctū folijs) Germanis uo-
catur *Ernrosen*, *erdtrosen*, oder *Herbstrosen*. Magnitu-
dine & uenustate rosas uincit, sed inodorus
est. Crispa malua, folia ampla, mollia, rotūda,
& in ambitu laciniata, ac plicato, sinuato'q; ui-
bratu & flexu eleganter crispata habet: uulgō
Krausspappeln: Malua syluestris maior, dicitur
rosappeln: minor *hasenpappeln*, & *gensspappeln*. Ome-
ne maluarum genus folia cum sole circumma-
git, eodem'que se inclinat, quò sydus fertur.
Αλθαία μαλάχης ἀγρίας εἰδός ἐστ, ait Dioscorides lib.
3. ἐν νόμασι δὲ δὴ τὸ πολυαλθὲς καὶ πολύχητον αὐτῆς. ποιεῖ
τὸ πρὸς ἐμφυσήματα, σωτῆρας νύκτων. *Althæa miri-
ficam*

ficam uim habet in molliendis tumoribus & nervorum contusionibus sanandis. . Nomen ei datū est ab utilitate in curationibus. Nam ἀλθαίνειν est curare seu molliter fouere. Est que malua agrestis : adhibetur q̃ etiam in pleuritide, ut & fœnum græcum, & similia mollificantia. Cum autem omnium maluarum multiplex sit utilitas: iustè uituperat Hesiodus inscitiam & negligētiam hominum, qui rerum communium, quæ ubiq̃ ad manum sunt, utilitatem nec inquirunt, nec uti frui his naturæ bonis discūt, cū inquit: Homines stultos esse, qui nō curent, quātum adiumenti sit in malua & asphodelo.

ὅστι' ὅσον ἐν μαλάχῃ καὶ ἀσφοδέλῳ μέγ' ὄνταρ.

A T R I P L E X ἀτράφαξις, ἀπ' τοῦ ἀτρός αὐξάνου, quod statim in altum adolefcit. Mox enim à satu profert se in emerfum, confestimq̃ incremento proficit: & ut ocylsimè crescit, sic mox quoque senescit & perit. Vocatur & χυρολάχανον à colore uiridi, in luteum languescente & auri gemulo, Melten, Zammelten. Huic cognatum olus, quod Spínachiam aliqui & Spinaceum olus, aliqui σπυθομάλαχον, aliqui atriplicem uiridem uocant, binsch. Atriplex syluestris, mistmelten: quod in fimo & locis, in quibus stercore coaceruantur, nascitur.



Brassica, Græcis *κραμβη* dicitur, ὅτι ἀντίβη λό-
ρο, quod crapulæ medetur: non quasi *κραμβη*,
παρὰ τὸ ἀμβλῦναι τὰς λόρας, quod hebetet
& obtundat pupillas oculorum. Medetur e-
nim caligantibus & cæcutientibus oculis.
Summo cibo sumpta, crapulā discutit & ui-
ni noxam comprimit. Sunt & pernicialia o-
dia brassicæ cum uitis. *Köl, Mangolt.* Recocta
adeo nauseam affert, ut Græcis in fastidiū pro-
uerbium abierit: *ἄς κραμβη θάνατος*, Crambe-
bis posita mors est. Sabellica Plinio dicitur,
quæ Germanis est *krauser, kabis*: folia habet cri-
spa & intus alba, tenera ac subdulcia conglome-
merata

merata in quandam capitis figuram. Sessilis, folia candida, leuia & cartilaginea exactè contrahit & concludit in orbem solidiorem; lacuturris etiam dicta & tritiana & propriè capitata, *Kapistraut*. Leuis brassicæ una species candida est, *breiter weisser Kôl*: altera, caule & foliorum cartilagineis fibris rubet obscure: folijsq; ex uiredine declinat ad cæruleum colorem nigricantem: *blauer Kôl*, *roter breyster Kôl*. Vtriusq; folia leuia & lata, neq; unquam in capitis rotunditatem coeunt. Apiana, Græcis *σινινοειδὺς ἢ σινινοειδής* à foliorum figura, incisuris ap̄i folia imitantium, *trauser kôl*. Syluestris uulgo in locis incultis nascitur. *Guter Heinrich*. Marina in pharimacopolijs dicitur Soldanella & Soldana.

BETA, *σῦτλον*, ἀπ̄ τῆ σινινοειδούς, quod mirifice ceu impulsa atq; incitata attollatur & crescat: olim fabrorum prandium, ut Martialis:

Vt sapiant fatuæ fabrorum prandia beta,
O quam sæpe petet uina piperq; coquus.

Duplex est: Nigra & Alba. Nigræ radices, calente cinere foras, ac maceratas donec mollescant, cortice detracta, in rotundas assulas secant. Post conditas anetho & raphano maiore tessellatim conciso, asperso quandoq; pipere, reponunt atq; asservant in usum acetarij. *Roteruben*. Beta alba uulgo dicitur *weiskôl*, *Römischer mangolt*.

PORTULACA, quòd portulas foliorum similitudine imitetur, Græcis ἀνθοῦλον & κίχλη βώτης, quòd κίχλαι: id est, turdi ea uescantur. Duplex est, Satiua & Syluestris. Satiua folijs pinguibus, à tergo candidis, sapore aliquatenus falso. Syluestris commutato nomine κηπάνα uocatur. *Purtzel*

ASPARAGVS (qui & corrua) est	{	Altilis seu satiuus.	{	Aridis, <i>ωιπῶς</i> .
		Syluestris: in locis		Palustribus, <i>ἐλα</i> .

Altilis asparagus seritur & educitur in hortis ex syluestrium semine, & cultura manfuescit ac tenerior euadit: *Garten spargen*. Syluestriū alius in aridis & arenosis collibus nascitur, uocatur *ωιπῶς* & Myacanthinus: alius in palustribus & humentibus locis, qui *ἐλα* dicitur: *Wildspargen*. Satiui radix à Plinio & Columella uocatur spongia. Syluestris etiam corrodago dicitur. Vocatur autē ἀσπάραξ quasi ὁ μὴ σπινθῆρας, quòd sponte etiam sine satione nascatur. Sunt quædam figuræ prouerbiales, quæ Octauio Augusto peculiariter arriserūt: inter quas hæc quoque refertur à Tranquillo, cum scribit eum ad exprimendum festinæ rei uelocitatem solere dicere: Citius quàm asparagi coquantur.

PLANTAGINIS tres species sunt, Minima quæ

quæ propriè ἀρνόγλαυθον dicitur ab agnæ lin-
guæ similitudine, quam referunt folia: & πρὸς
τάνυσσιν. Spitzer & Wegrich. Media cui folium latius
aliquanto & rotundius, molle, lanuginosum,
leuiter rufescens, odoratum: Richender & Wegrich.
Maxima, glabro & lato folio: ἀλάπηνος. breiter
oder roter Wegrich.

LAVER, bachpungen. Gaudet riuulis perennia-
bus, quorum fluentibus aquis quod alluitur
& lauatur, laueris nomen inuenit.

SISYM-
BRIUM.

{ Hortense, menta crispa. krause müntz.

{ Syluestre { Minus, nasturcium aquaticum:
καρδαμίνη.
Maius.

Sisymbrio hortensi seu mentæ crispæ, co-
gnata sunt duo genera mentæ aquaticæ, quas
balsamitas myropolæ uocant. Eorum unum
nobis Fischmüntz: alterum Bachmüntz. Sisymbria-
um minus uulgo nasturcium aquaticum, Brun-
tres. Maius Winterkres. Vtrumq; cum prodit, fo-
lio rotundo exit: utrumq; etiam perennare di-
citur. σισύμβειον dicitur παρὰ τὸ σίαν ὕμφορον ἢ οὐ-
ρον, à cienda urina. Omne enim sisymbrium
διουρητικόν est. Καρδαμίνη dicitur παρὰ τὸ κάρα δα-
μναν. Lædit enim caput halituum acredine.
Hinc Prouerb. ortum est: Ede nasturcium, in-
socordem, hebetem, stupidum: quod nastura

cio efficacia infit erucæ contraria. Vím enim & uigorem animi fuscitat, Venerem coërcet; cum illa è diuerso Venerem acuat, uim mentis hebetet. Nasturtium autem nomen accipit à narium tormento ait Plinius. Dioscorides tradit nasturtio uim similem erucæ & sinapi esse, quod attinet ad acrimoniam in nares erumpentem. Vide Mercurialem lib. 4. Var. lectionum cap. 8.

CRITHMVM, seu batis, Germanis *bacillen*, o. *der Meerfencel*. Myropolis creta marina. Nasctur in maritimis locis.

CORONOPVS dicta quòd folia (quæ ceu in acutos mucrones fissa & per terram strata habet) figuram exprimunt pedis cornicum, *traenfus*.

SONCHVS ὄχρ. τῆ

σῶον χῆαν, quòd succum, si tūdatur & exprimat, salubrē fundat, Latine cicerbita & lactucella. Duūm est genus,

Παρύφωμῆς

Aspera, serdistel, sermelct.

Leuis, Haasentöl.

Στρίφωμῆς

Aspera & in segetib. nascens colore uel

Ceruleo.

Luteo.

INTY.
BVM *σείεις*.Hortens
se{ Πλατύφυλλον , endiuiā uera,
zam oder garten endiuien.{ Στενόφυλλον , cætera priori si-
milis, Scariola quasi Seriola,
nomine ex Seride detorto,
zam Wegwart.Sylue-
stre{ Dens leonis & caput monachi
σείεις ἡδυσπνοίς.{ Cichorium , sic dictum quòd
flore[m] cum sole circumagit:
dicitur & *πίκεϊς* ab amaritu-
dine. Theophrasto amarago,
Latinè ambubeia, Germanis
Wegwart, Sonnenwirbel.

CONDRILLA,

dicta quòd is-
mis radicib.{ *χόνδρον*: id
est, callum o-
stendit; estq;
uel{ Πολύ-
κλον ☉{ Minor flore cæruleo, simi-
lis cichorio, *klein sonnen-*
wirbel.{ Maior, flore luteo, circum-
rosis folijs, *Flaschenstrauch*.{ Μονό-
κλον ☉{ Maior, *groß wild Weg-*
wart.{ Minor, *klein wild Weg-*
wart.

Omnia autem Sonchi, Intybi & Condril-
læ genera, turgent, & fracta, incisâq; manant
succo lacteo.

C V.
CVR.
BITA

à con-
curua
tu: *λο-
λόκω-
θαπα-
ρά τὸ
λόλον
λίαν.*
Est uel

Cameraria,
quæ sese
attollit,
reptanti-
bus scan-
dēs flagel-
lis. Eius
genera-
tria, nō na-
tura, sed fi-
gura di-
uerſa, quā
ex cultu
māgonio
acquirūt.

Plebeia, quæ humi repit.

Longa, in longum porrigitur
recto ductu ex seminibus,
quæ prope collum creuerūt
propagata, *langer runder
túrbs.*

Rotunda, globatur in orbem
ima parte atque intumescit,
suprema arctatur & cogitur
in angustum, deq; seminibus
à medio exemptis corpore
educitur. *Runder túrbs vnd
lenglicht.*

Sessilis, brevis est & crassa, a-
ptissima recipiendis & asser-
uandis liquoribus, *Runder di-
cter túrbs.*

Flos cucurbitæ Græcis dicitur *λεῖνον*: incer-
tum autem est utrum mox euaneſcat, an cu-
curbitam ſit pariturus. Vnde prouerb. Aut
cucurbitæ florem aut cucurbitam. Cucurbi-
ta non facile læditur aëris uitio, propter cru-
ſtam qua tegitur, uel quod ea uarijs remedijs
efficax eſſe perhibetur. Vndique turget inte-
gra, nec rimis hians, nec uermiculis obnoxia,
Vnde prouerb. Cucurbita ſanior.


CUCUMIS σίκυς ἢ σίκυς ὁ ἀπὸ τοῦ σίκυος ἢ λυαυ κατὰ ἀντιφρασίην, quòd minime cieat, sed cohibeat & extinguat Venerem. Viret perpetuò, longitudine cubitali & curua, specie hirsuta. Plāta syluestri similis est. Ex Cucumerum genere sunt quas Itali *angurias* uocant & aliqui cucumeres. Semen in aliquibus nigrū est, in alijs aut rubet, aut flauet, aut albicat, aut herbaceum colorem præ se fert: officinæ pro citruli semine habent: *Welsh gürcen*. Nomen enim *gürcen* ab anguriarum appellatione deductum est.

PEPONES dicti à maturitate, qua illis opus est, quasi *πέπωνος*. Hodie Hetruscis Citruli, quòd ubi maturitate in magnitudinē iustam excreuerunt, aureo citri colore flauescunt & à Longobardis cucumeres uocantur: *Gürcen, oder Plugern*. Seruntur in aliquibus locis ad uetigal, & dum uirent decerpti ante maturitatem iustam, & priusquam semina concipiant, sale condiuntur anethi semine asperso aut alio ad acetaria.

MELOPEPONES & Melones à pomi figura dicuntur, quasi pomosi. Horum duo genera uulgò: Vnum cortice subtiliore, quod Melones uocant, Germanicè *Melaunen*. Alterum crassiore & solidiore cortice, quod Pepones, Germanicè *pfeben*: sed à peponibus ueterū diuersum est. Vocemus ergo Melones Germanorū *Melaunen*, & Melopepones *pfeben*, Pepo-

nēs *Plutgen vnd Gurken*. Prouerbiali autem conuicio dicuntur *πίποντες* homines molles & effeminati, parumq; uiri. Vnde Homer. *Iliad. β.*

ὦ πίποντες, καὶ ἐνέγχε', ἀχαιοί, οὐκ ἐτ' ἀχαιοί.



Lactuca à lacteo succo, quem fundit, dicta est: Græcè *θείδαξ* ἢ *θειδακίνη* uel quia *τεῖσε* *λακνομήνη*, uel quia ἐν τῷ θέρει γίγνεται quasi *θειδακίνη*: uel simpliciter ἀπὸ τῆς θείεισθαι, quod metitur crebro: id est, decerpitur & colligitur ad acetaria; uel ἀπὸ τῆς θείει. Sessilis lactuca Græcè *ἰωβήχιον* & *ἄσηλις*, quod in caulem non assurgit, uel omni in folia assumpta, quæ eleganter crispata in formam capitis conglobat, sed non nisi transpiätetur, *Krauser lattich*, *Krauser salat*, der *Köpf gewint*. Ceciliana totis quidem folijs, in ambitu præsertim, sinuatim crenatis atq; crispatis nascitur: in globi tamē formam ea nunquam cōplicat, *gemeiner Krauser lattich*. Intybacea folijs intybi, latis, ex uiredine albescētibus, *zwelscher salat*.

salat. Querna, quercuum folijs in ambitu profundè incisus nascitur, *Gemeiner salat.* Hęc durior, agrestior & magis insipida. Illa mollior, & tenerior est. Vtraque candido semine, ut crispa utraq; nigro nascitur. Sylvestris lactuca, myropolarum falsa endiuia est; *Gensdistel.* De hac *Martialis:*

*Claudere quæ coenas lactuca solebat auorum,
Dic mihi cur nostras inchoat illa dapes?*

GINGIDIVM uel *χαυρίφυλλον*, *Creütztraut*, *Körfseltraut*, pastinacæ similis: sed foliorum plures minoresq; incisuras habet.

SCANDIX, Latinis *Acula*, Germanis *Nadeltraut*, quasi chærephyllum aciculatū: Scandix dicitur, quod in oblongis, gracilibus & acutè mucronatis siliquis semē fert. Inde mater Euripidis dicta *σκανδικοπώλις*.

CAVCALIS, *rauhe bibenel*. *Daucus gemeine bibenel.* *Daucus creticus*, *beermurtz*.

ERVCA ab erodendo dicta. Linguam enim gustata ac acredine urentis saporis uellicat: Græcis *ἔρωμ*, quod iura commendat, grato sapore imbuta: *Weissersenf*. Ouid. libro 2. de remedio amoris:

*Nec minus erucas aptum est uitare salaces,
Et quicquid Veneri corpora nostra parat.*

Vtilius sumes acuentes lumina rutæ,

Et quicquid Veneri corpora nostra negat.

RUTÆ usus est contra uenena.

ACONITVM radícula est graminí similis, á loco nomen sortita: Nam Theophrastus libro 9. de plantarum historia ait Aconitum dictum ab Aconís Mariandynorum pago ad Heracleam Ponti. Idē scribit Aelius Promotus in lib. περί ιοβολών η̄ δηλητηρίων φαρμάκων: τὸ ἀκόνιτον φύεται μὲν ἐν ἀκόναις, λόφος δὲ ἐστὶν ἐν ἡρακλείᾳ ἔτα λαλὲ μὲν ὁ ἀκόναι, ὡς ἰσορῆ Θιόπομπος. ὡς δὲ Εὐφορείων ἐν τῷ ξηρίῳ, ἐστὶ τὸ ἀκόνιτον ῥίζιον ἄγρωσι διεμφερίς, ὅτ' τὸ τόπος τὸτο ὄνομα λέκτεται, ὃ η̄ παρδάλια γλῆς τινὲς ὀνομάζουσι, ἀλλὰ τὸ τὰς παρδάλιας ἀπ' ἐνομήσας τέτε πινυμὸν ἐπομένην. Idē ferē Antigonus in collectaneis paradoxis: ubi hæc scribit: θιόπομπος ὁ ἰστογράφος τὸ κακὸν μὲν ἀκόνιτον γίνεσθαι μὲν περὶ ἡρακλείαν τὴν ἐν ταῖς ὀνομαζομένης ἀκόναις, ὅθεν καὶ τῆς προσηγείας τετυχηκῆσαι, διωαμικὸν δὲ ἐναργῶς ὅν, ἐκ ἐνεργείᾳ ὅθεν, ἅρ' πῃ τις πῆγανον ταύτῃ ἡμίεραν. ὡς Ἀγαθάρχης τὸ τυράννης ποτιδὲς ἀπ' ἐκτείναντος φαρμάκῳ, η̄ πρὸ αμῆνης λαμβάνειν: ὡς ἐγγύς οὐ συμφανὲς, ἵδ' ἐς πλείους ἡρακλείῳ τ' ἔμπροσθεν ἐξίγναι πρὸ τῆς φαγῆν πῆγανον. Quo modo uerò Agatharch⁹ Heracleotas aconito interficeret, Theopompus clarē nō expressit: conñci tamē potest occultū aliquem modum habuisse: quando ipse tanto tempore latuit, atq; Heracleotæ ut illæsi euaderēt, antequam è domibus proprijs exirent, rutam bibebant, quasi nulla uia aut arte alia se tueri ualerent.

Quo

Quo in casu id uenenum etiam extimarū partiū contactu forte iugulare potuit, quādo quidem Heracleotæ statim extra domos uenenū formidabant: ac Theophrastus & Plinius retulerūt, aconitum *θυλάφονον* genitalibus quadrupedum scœminarū solummodo inditum, eo die enecare: alijq; scripserunt, aconitū tam extrinsecus, quā intrinsecus hominī nocere. Idem Theophrastus lib. 6. de hist. plant. ca. 16. de aconito ait: petrosi locis maximè gaudet: eo nec oues, nec aliud animalis genus pascitur. Nec in uīno nec in mulso ad quæcunque alia propīnatum sentitur. Ita uerò componitur, ut quibusdam statis temporibus (ueluti duorum, trium, sex mensium, aut unius anni uel duorum spacio) tollat: atq; ij infelicissimè moriuntur, quibus longiori tempore corpus consumitur: felicius autem quibus citius. Nec ullum eius antidotum spontè nascentium inuenitur, sed quædam auxilia illis, qui acceperunt, sunt reperta: siquidem nonnulli melle & uīno, & similibus, sed rarò & cum labore, à morte reuocantur. Quod ex Antigono diximus, idem affirmat Athenæus libro 3. *Dipnos. ἐπεὶ δὲ ὁρ, αἰτ, πάντες ἔγνωσαν τὴν τῷ φαρμάκῳ φιλοτησίαν, ὃ προήκασαν τῶν οἰκιῶν, πρὶν φαγῆν πύχανον, ἔπειτα τοῦ τῆς προφαγόντας, μηδὲν πάσχαρ πίνοντας τὸ ἀκόνιτον: ὃ καλεῖσθαι φασὶ ὅτι τὸ φύδιον ἐν τόφῳ, ῥέοντι καλεμύδι ὄντι πρὶ τῷ ἱρακλίῳ.*

	[Citreum, à citri odore, gros
OCYMUM, <i>Basilien.</i> ἀπ	<i>Basilien.</i>
τοῦ ἀνὸς ὀσφρ quod	{ Simplificiter, <i>klein Basilien.</i>
subitò feriat nares.	{ <i>Cariophyllatum, welsch Ba-</i>
Est uel	{ <i>silien.</i>

OROBANCHE, quòd frumenta strangulat, dicta: unde Theodorus apud Theophrastum eruanginam interpretatus est, *Sommerrurth.*

TRAGOPOGON, barba hirci, *Bocksbart, gauchbrot.* Florem aut cæruleum, aut luteū edit. A' calyce, qui supra caulem exit, promissæ barbulae pendent, quales hircorum sunt.

TVERA colore distinguuntur candido, rufo, nigroq. Nascuntur quouis anni tempore, sed præferuntur cæteris uerna: Germanicè *morchen.* Carent medulla & uena, solo undique circumdata, nec fibris, aut capillamentis ullis nituntur, nec terræ cohærent. Vide *Mercurialem* lib. 4. Var. lect. cap. 7.

MEDICA, *vihellee, Burgundisch gras:* trifolij genus. Siliquas profert inflexas in cornicula, seu potius intortas & conuolutas *ἐνικνωδῶς* cochlearum instar in orbem, in quibus singulis semen lunatum corniculatæ lunæ specie. Tria eius genera sunt, magnitudine diuersa. A' Medis dicitur, quibus autoribus, Dario Græciam uastante, in Europam primum uenit. Herba equis quàm optima: cuius tanta dos est, ut

est, ut uno satu amplius quàm tricenis annis daret.

PORRVM { Capitatum, Aricinum, *Lauch*.
 Sectile, ἡθνησι: *prislauch, schnitlauch*.
 Vitigineum, ἀμπιλοπραῖσον: nascitur flore cæruleo non in uineis tantum, sed & pratis: *wilderlauch*.

Porri uis est calefacere, ciere urinam, irritare Venerem, mouere menses, & aluum inflare. Vide prouerb. Cupidinum crumena porri folio uincta est.

CEPA, Græcis κρίμνον, παρὰ τὸ κρίνω μέγας: quia acredine halitus infestat, mordicat & cōniuere oculorum pupillas cogit. Rubet alia, alia candicat: & penè sola inter plantas Luna fenescente reuirescit & germinat, augescente rursus uelut corrugatur & marcescit. Ascalonia cepa, *eschlauch*.

ALLIUM, σκόροδορον à fætoris grauitate { Hærtēse, ἡμερον ἢ κηπεύδον, *Knoblauch*: rusticorum theriaca.
 Syluestre, ὄφιοσκόροδον quasi anguinum allium: folijs cernitur lilij cōnualli: *rampen, ramfern*.

SCORODOPRASON medium inter alliū & porrum: *Feldknoblauch*.

SCILLA, meergwibel, σκιν Plutarcho. Vnde Pericles σκινόκτεφαλ & cōuitio dictus fuit, quod capite

capite prægradi Scillam præferret. Hinc Pro-
uerb. E' scilla non nascitur rosa: sic enim Theo-
gnis:

ἐπεὶ γὰρ ἐκ σκίλλης ῥόδον φθίται, ὅθ' ὑάκινθος,

ὃ δὲ ποικ' ἐκ δόλης τέκνον ἐκλυθείορ.

MELIOTVM, αἰφροσον, steintlee. Vide Mer-
curial. lib. 3. Var. lect. cap. 9. Inter coronarias
prima: unde & fertula campana dicitur.

SINAPI, νάπυ uel σίνυπι, ὅτι σίνιται τὸς ὤπας ἐν τῇ
ὀδμῇ. Odor enim naribus raptus, sternutamen-
tum ciet & oculos uellicans lachrymas elicit.
Hinc illud poëtæ:

Seq; laceffenti fletum factura sinapis.

NASTURCIUM à torquendis naribus, κάρ-
δαμορ ἀπ' τοῦ κάρα σπινναρ. Tentat enim caput i-
gnea ui seminum; Gartentres. Draba, nasturciū
orientale.

Minus; Klein deschel-
kraut.

THLASPI ἀπ' τῷ θλαῖν: se-

men enim lenticulæ effigiē
habet, sed infringitur: est uel

Maius, uel Sinapi Pers-
icum, aut nasturciū
album: Meerrettich,
Kren.

IRIO, ἐρυσιμορ ἀπ' τῷ ἐρεῖαν, quòd incisa & eru-
cæ modo laciniata folia habet: Wilder senff.

HYDROPIPER: Wasserpfeffer, flōkraut. Piperis
seu filiquastrum: Türclischer pfeffer. In filiquis
enim metę figura turbinatis, primo uiridibus
matu-

maturitate rubescentibus semen gignit albū,
tenuē,acredine piperis.

APIVM, σέλινον, duplex est: unum crispum,
uulgò petroselinum, *peterlin*: alterum latifoliū,
eppich, *gross peterlin*. Antiquitus extremus hortō
rum ambitus apio conferebatur, quem qui
nondū præterissent, uelut in horti limine ad-
huc esse uidebantur: unde proverb. Ne inter
apia quidem sunt. Porro morē apio coronan-
di putant iam olim ab Hercule inductū, post
interfectum Nemeæ leonem.

CARVM à Caria regione nomen traxit, *Kar-
be*, *zwiesentümmel*.

CVMINVM, *Kromtümmel*: frequentior eius
usus corpora pallore deformat: unde illud
Persij, Sat. 5.

— *pallentis grana cumini.*

& Horatij lib. 1. epist. penult.

*Decipit exemplar uitijis imitabile: quod si
Pallerem casu, biberent ex angue cuminum.*

Impendio parcus olim κυμινοπέσης: id est, cu-
mini sector dicebatur. Cuminum olim sereba-
tur à malè precantibus, atq; ita felicius proue-
nire creditum est.

SALVIA, ἐλελίσφακτος ἀπὸ τῶ ἐλελίσθαι ἀεὶ φακός
quod macrescit & syderatur, comminuiturq;
facile in puluerem. Salvia cum ruta faciunt ti-
bī pocula tuta.

FOENI-

FOENICVLVM, μάραθρον, oculis medetur.

ACANTHVS topiaria & urbana herba est, elato, longoq; folio, crepidines marginum, asurgentiumq; puluinorum thoros uestiens. Ea in Corinthijs & preciosis uestib. ideo exprimitur: brancam ursinam uel hircinam uulgo nominant, berentla:ν. Virgil. in 3. Ecloga, 4. Georg. & primo Aeneid. meminit, & Theocritus idyllio primo:

πάντα δ' ἀμφὶ δ' ἑπας περιπέπ[ι]αζαι ὑγρὸς ἄκανθῳ,
ἀπολικόν τι θάγμα —

BACCARIS seu baccar herba est radicis tantum odoratae.

COLOCASIA herba est Aegypti, cuius radix colocasion dicitur: ipsa est amaro odore, cibo tamen Aegyptijs gratissima, uel cruda, uel tosta uel elixa: & eius flos coronamentis apud Aegyptios dicatur.

THYMVS uel thymū herba hortensis odorata, quo tantum delectantur apes, ut eo large florente, prouentum speret apiarum: *Welscherquendel*.

CICUTA herba est uenenata & publica Atheniensium poena infamis: attamen caulis eius estur a plerisque & saepe altior est binis cubitis: *Wietrich*. Graecis κώνιον. Cicuta sturnos nutrire Galenus & alij notarunt: cuius rei causam is lib. 3. de Simpl. attulit, quod aues huiuscemodi angustos corporis meatus habentes, haud sinunt cicutae succum ad cor penetrare, sed eum in uen-

in uentriculo tamdiu retinent, quoad natiuo calore superatus, in nutrimentum conuertatur: cum hominibus secus eueniat, quibus nimirum ob uenarum amplitudinem cicuta in cor celerrimè perducta, natiuum calorem extinguat. Itaq; illud admiror, quomodo Lucretius hūc effectum non in sturnis, sed in capris apparere attestatur in lib. 5.

*Quippe uidere licet pinguescere sæpè cicuta
Barbigeras pecudes, homini, quæ est acre uenenu.*

Quod quando uerum esse experientia constaret, causam hanc assignarem, quod capræ (quas mirum in modum siccæ esse & perpetuò febrile Varro atque Plinius tradiderunt) cicutis feruorem ac squalorem temperēt: quo postmodum temperato nutrimentum melius conficitur, & in pinguedinem concrescit. Hoc enim pacto lactucā quoq; sanguinem augere putant medici: quando scilicet bilioso corpori exhibita, seu frigidityte efficit ut iecinoris calor remissus sanguinem & nō bilem faciat. Cicuta autem aconito lenius est uenenum & idcirco maiori mēsurā propinatur atq; interdum fallit: uinoq; hausta irremediabile malū inducit: si tamen post ipsam uinum bibatur, eius prauitatem ac uim castigat: sicut enim Plinius lib. 16. cap. 5. ait: sicut homini uenenum est cicuta, ita cicutæ uinum. Cuius rei hæc cau-

sa est, quod cicuta pauco uino hausta citius ad uitalia penetrat, nec ab illo sui uis heberatur: at si uinum longè bibatur, postquam ipsi per aliquod tempus cum natiuo calore pugna fuerit, uim eius in pugna iam retusam ab illo utpote calido penitus extinguere necesse est: & idcirco apud Platonem in Phædone uoluerunt satellites, ut Socrates hausta cicuta non moueretur: timentes ne calore motus ueneficum cicutæ frigus nimium retusum foret, sicq; mors uel impedita, uel saltem prorogata esset. Est apud Plutarchum in lib. *περί ἀδολοχίας* historia scitu digna de illis, qui templum depeculaturi, prius cicutam potarant, secumq; lagænam uino plenam attulerant, ut si capri fuissent, ueneno interirent: sin minus, uini potu sese à ueneno liberarent.

ISATIS herba satiuæ est, quæ Gallis (autore Cæsare lib. 1. de bell. Gall. & Plinio) glastum dicebatur, nunc Guadum & Pastellum uocatur. Insignibus uirore cauliculis notatur: succoq; inficit cæruleo: quam trusatilibus molis premunt, ut herbaceam saniem excludant: deinde exuctam digerunt in pastillos & tabulatis putrescere sinunt: post cortinis infectorij coquunt, & post tinctos pānos, ceruleam illam innatantem feruentibus cortinis exemptam, siccam pictorum usibus, Indum uocantes. Vulgo *Waid* uocatur. Philand. in lib. 7. Vi-truuij cap. 10.

SARDINIA herba uescentibus mentem adimit, & quadam neruorum distentione labia in rictum contrahit, ut risus speciem præbeant: à qua affectione de Sardonio risu adagiū in uulgus infauito omīne manauit.

VERBENA herba est, qua nulla plus Romanæ nobilitatis habet: quæ & ἡ ῥὴ βοτάνη & ἡ εὐφράσια dicitur. Auctores Rom. imperij & conditores immensum quiddam hinc sumpsere, quoniam non aliunde sagmina, in remedijs publicis fuere & in sacris legationibus quam uerbenæ: certè utroq; nomine idem significatur: hoc est, gramen ex arce cum sua terra euulsum: hac semper & legati cum ad hostes clarigatumq; mitterentur, usi: id est, res captas clare repetitum, unus utiq; uerbenarius uocabatur. Hac Iouis mensa uerrebatur, ædes purgabantur, lustrabanturq;: hac sortiebantur Galli & præcinebant responsa: sed magi utiq; circa hanc herbam insaniebant. Hac perunctos impetrare quod uelint, febres abigere, amicitias conciliare, nulliq; non morbo mederi: aiuntq; si aqua spargatur triclinium, quā maderit, lectiores conuictus fieri: aduersus serpentes conteritur ex uino.

CAREX herba acuta & durissima, sparto similis, ait Seruius ecloga 3. Virgilij. Ex ea (ait Ruellius) mollissimæ texuntur cathedræ, folio ferè arundinis, uliginoso & palustri loco

plurima. Quidam putant esse gladiolum. Solent in carectis latere lepores. Vulgo *schnitgras*, *schwertelkraut*.

PAPYRVS frutex in Nilo nascens, ex cuius libris seu corticibus folia leuigabant, in quibus scribebant: inde mansit nomen papyri & libri ac codicis, a corticibus papyri arboris, cum tamen nostræ chartæ, nunc non ex libris arborum, sed ex lodicibus confusis conficiantur. Ouidius:

Perq; papyriferi septemflua flumina Nili.

FLORES CORONARI,

ἀνθη στεφανωματικά.

Amaranthus, *παρὰ τὸ μὴ μαρμαίνεσθαι*: duum generum, unum purpureo flore uelut spica, *amaranthus purpureus*: *bluemlin der lieb*. Alterum citrino flore quod syluestre est, *Dioscoridi helichryson*, *Gazæ aurelia*, *Reinblümlin*.

	{ Hortensis, <i>tausentschön</i> .
Bellis	{ Syluestris, <i>weiss Mertzenblümlin</i> .

Ranunculi syluestres & hortenses, *Gelbe schmaltzblumen*, *hanenfüßlin*.

Cacaliæ *Meyenblümlin*: *lilium conuallium*.

Narcissi flores candidi aut lutei, *Gelbe vnnel weisse Mertzenblümlin*.

Vaccinium Latinis *floris* & plantę nomen est,

est, Græcis hyacinthus, blaume vnd braune Mertzen-
blümlin. Vaccinia autem apud Virgilium in E-
clogis (cū inquit: Alba ligustra cadunt, uac-
cinia nigra leguntur) sunt nigrae baccæ ligu-
stri, in quas candidus flos maturitate commu-
tatur, die schwarzzen beer an dem mundholtz oder bein-
holtz. Quanquam eo in loco Virgilij, magna
est controuersia inter uiros eruditos. Leoni-
cenus putat esse acinos ligustri, ut & Volater-
ranus: Massarius mauult esse mora agrestia:
quem & Fuchsius uidetur secutus. Seruius
uioles facit purpurei coloris: Ruellius Serui-
um secutus, idem cum hyacintho facit: putat-
que uacietum Gallicum esse. Ligustri sanè flo-
rem constāt esse candidissimum ex Martialis:

*Toto candidior puella cygno,
Argento, niue, lilio, ligustro.*

Violæ alia sunt	{	Alba, quæ primæ sunt florum uer nuncis antium.
		Purpureæ, blaue violen.
		Luteæ, gelbe violen.

Lychnis coronaria: negele, halb vnd voll. Othō-
næ, Indianische negelein.

Verbascula, φλομίδας, Himmelschlüssel.

Calthæ, ringelblumen.

Flores Teucrij. Vergifs mein nit.

Flores Echij palustris, ie lenger ie lieber.

Lychnitides & Thryallides, Sammatrosen, Damasctenrosen. Verbascula coronaria.

Rosarū multa genera. Vt nihil est rosa gratius, ita nihil minus diuturnum: unde prouerb. Rosam quæ præterierit ne quæras iterū. Anemona papaueris genus est, cuius flos specie quidem rosam imitatur, cæterum nulla odoris gratia. Passim nascitur in agris, cum olim rosæ summus sit habitus honos: unde prouerb. Rosam cum anemona confers. Vide prouerb. Rosas loqui.

DE FRUMENTIS.

Frugum species duæ sunt, Frumentum & Legumen: inter quæ Galenus illud discrimen ponit, quod ex illo panes cōficiuntur, ex hoc non item: quo indicat antiquos pane fabaceo non uictitasse, quo hodie apud uarios populos magna rusticorum pars uelcitur. Plinius lib. 18. cap. 12. significat sua quoque tempestate plerasq; gentes frumento fabam miscuisse in panis usum. In frumentis 4. consid. Partes, Species, Tritura, Panis.

PARTES FRUMENTORVM.

Quæcumq; altius emit-
tunt aristas, dicuntur
frumenta, ut triti-
cum, secale, horde-
um. Segetes proprie
dicuntur eorum se-
minum, unde fit pa-
nis, nondum tamen
demeſſæ. In segete est
ima pars stirps seu fi-
bra: cuius sunt

Spica, *aher*
sáxys,
quam cul-
mus extu-
lit: ea tria
continet

Culmus,
der halm.
calamus,
ävθπιξ.

Granum, *λόγ-
ρον Körnlein*.

Glumam: id est
grani thecam
seu folliculū:
dictam quod
deglubatur,
*heuſlin, hülſe-
lin*.

Aristā, *das spit-
lin an dem a-
her*: id est, api-
cē spicæ, quæ
ut acus tenu-
is eminet
gluma: dicta
quod areſcat
prima.

Geniculum, *γ-
νῦ, der knod-
am halm*.

Internodiū in-
ter genicula
medium.

Frit, quod in summa spica & iam matura
II 4 minus

minus est grano. Vruncum, quod in ima spica ad summum straminis culmum grano minus est.

Paleæ, ἀχυρά, gramina resecta cum spica.

Acus, σκούβαλον, sprem: purgamentū frumenti.

Metæ, θασμοί, manipuli in quos colliguntur demessæ segetes. Garben.

Granum a-	{	Solidum, intimum: Körnlin.	{	Summa, Frit.
		Non solidum, in spica		Infima, Vruncum.
				liud est

Cicero in lib. de Senectute: Cum terra gremio mollito ac subacto, semen sparsum excipit, primum id occatum continet: ex quo occatio, quæ hoc efficit, nominata est: deinde tepesfactum uapore & complexu suo diffundit & elicit herbescentem ex eo uiriditatem: quæ nixa fibris stirpium sensim adolescit, culmoq; erecta geniculato, uaginis iam quasi pubescens includitur: è quibus cum emerferit, fundit frugem spicæ ordine structam & contra auium minorum morsum munitur uallo aristarum.

SPECIES FRUMENTORVM.

TRITICVM, τριτὶς, Weitzen. Tritici species à Varrone recensentur, Siligo, Robus, & Sitanicū, quod & τρίμηνον: id est, trimestre dicitur.

Tritici

Triticī nomē significat idem quod tritum ex spinis. Virens triticum *χιδρία*. Tritico nihil est fertilius. Hoc enim natura ei tribuit: quoniā eo maximē alit hominem, cū ē modio, si sit aptum solum, centenī quinquagenī modij reddantur, Halica natiua *χόνδρ*, tritici genus est: errant qui eandem cum farre ueterum esse putāt: factitia halica ex Zea fiebat, ut Plinius refert. Amylum ex tritico trimestri fit: dictum quod sine mola paretur.

HORDEVM, *καυθή*, gersten. Huius unum genus est *ἐξάσσιχον* seu canterinum, *großgerstē*, sechs schichtig. Aliud *δισόσιχον* seu galatium, *kleine oder zweischichtig gersten*. Prisana *ἐκ τῷ πλίσσῳ*, quod hordeū (ex quo fiebat) tundendo deglubetur & suo cortice exutū, conderetur ad usum. Tundebatur enim non molebatur, donec deponeret glumam: hodie pro prisana utuntur hordeo mundato, *Gerstenmeel*. Crudum lomentum, *ὠμὴ λύσις*, seu farina hordeacea, ut Plinius interpretatur, fit ex crudo hordeo in farinam contrito. Polenta, fit ex hordeo aqua asperso nō nihil, siccatoq; & mediocriter frixo ac tandem uso uel commolito: Græcè *ἀλεπισον*. Zythum, quæ & cereuisia, coquitur ex hordeo uel solo, uel cum tritico mixto.

OLYRA, *Roeten*, Korn, olim arinca, quæ uox ex Germanica appellatione orta est: crassior est farre. Panes olyracei, *Roetenbrot*.

SPELTA, *Σπelta*, *Spelten*, *Dinctel*: duum generum est: una cui grana in singulis membranis gemina, *Ainou* & dicta: altera cui simplicia sunt.

ZEO PYRON, *ολυρα* præstat, mediam inter Zeam & triticum habet substantiam, quod nomen indicat. *Kern*.

BRIZA, quam in Thracia sic nominatam Galenus refert, deterior Zea: Plinio *secake*, *schwarzer Roeten*.

FAR, *adonion*, Italiae notum: *ολυρα* non dissimile, sed præstantius. Virgilius robusta farra uocat: quia ex omni genere frumentorum maximè corroborat.

TYPHA, *cerealis* seu *frumentacea*, tritico similis colore & densitate, *Staudentorn*.

TRAGOS, *Hammeltorn*: uulgò hordeum depilatum.

AVENA, *βρωμ*, qua pascuntur equi: conficitur ex ea & ptisana, *Habermeel*. Primum frumenti uitium est & hordeum in eam degenerat: sic ut ipsa frumenti sit instar, quippe cum Germaniæ populi eam edant, neq; alia pulte uiuant, ait Plinius.

IREO *cerealis* uel *erysimum cereale*, uulgo *frumētum Saracenicum*, *Heidnisch torn*. Quidā à triquetra figura trigonum appellant.

MILIVM, *μυλιν*, *hirs*, Semen gerit in longis & instar turbinis fastigiatis panniculis teres & pendulum. *Milium Indicum*, *Türkischer Weizen*.

Gen. E' milio panis multifariam conficitur, ait *Plin. lib. 18. cap. 7.* ubi ait suo tēpore ex India in Italiam milium allatū, nigrum colore, amplū grano, arundineum culmo: quod adolescit altitudine ad pedes septem prægrandibus culmis, Lobas uocant: omnium frugum fertilissimum: ex uno grano terni sextarij gignuntur. Idem ait *lib. 18. cap. 10.* Aethiopibus non aliā frugem quā milij & hordei esse: & *lib. 14. cap. 6* ait è milio uinum fieri.

PANICVM, *fenich, fuchschwantz.* Semina rubidis continet paniculis densè, cōfertimq; acruata, aliās purpurea, aliās rufa, aliās candida & nigra.

CRIMNON, crassior farina tritici & Zeæ, ex qua puls fit. *Griess.*

MELAMPYRON, *Wachtel weitzgen.*

LOLIVM, *αἶρα, ἰσάριον*, in hordeo *Tmalch*: in olyra threspe. Vitiat oculos, ut *Ouid. 1. Fast.* notauit;

Et careant lolijs oculos uitiantibus agri:

Vide prouerb. Lolio uictitare.

DE TRITVRA FRUMENTORVM.

Farinæ triticeę præstantia est ex tritura duplici, qua in molendino pinfitur.

PRIMA TRITVRA. Primo integrum triticum ex eminentiore cistella (circumactu lapidis molaris impulsu) per medium lapidis foramen in pauimentum decidens teritur ac
pins

pinfitur. Quod de cōminuto agitatione lapidis, attritoq; tritico in tenuissimū puluerē & uolatilem euolat, lapidīq; & parietibus adhaerescit, pollen est seu farina uolatilīs, Græcè *ῥῆς*, *Staubmeel*. Reliquū in incerniculum (quod per uocatam cistam extenditur longo, decliuīq; ductu, longioris sacci forma) pellitur impetu continuo : quo impetu de commolito tritico farina optima per incerniculum secernitur & excutitur. Pars grauior & præcipua ac nobilissima, sed tenerrima & delicatissima, pondere subsidens fundum petit: leuior efferitur & euolat, atq; ad latera cistæ sese applicat. Illa propriè uocatur Siligo, Græcè *σίλιγυς*, *das beste weisse meel*: ex qua fiebat panis *σίλιγυτης*, filigineus. Hæc flos filiginis est Plinio. Nondum extenuata pars tritici, quæ ob crassitiem angustos incerniculi poros non perrumpit, egesta motu eius per orificiū amplius in pauimentū excidit. Inde collecta crassiore cribro, trāsfunditur ac ceu collatur, purgaturq; à furfuribus crassioribus, quorū origo ē contritis est tritici folliculis, quæ glumæ Latinis, Græcis *λέμματα* dicuntur. Quod hoc modo detractis & cribro separatis furfuribus crassioribus colligitur, & similagine, crimno & furfuribus tenuioribus constat: usurpabatur à ueteribus ad panificia. Conficiebant enim ex eo panem *συνκόμισον* & *ἀρτόπυρον* & *ἀντοπνεῖτον* dictum quasi *ὅλθ' αὐτῷ*


τὸς ὁ πυρρός, quod tota tritici farina constaret, à qua nihil detractum erat, præter furfures crassiores σιγρόμις & dictus erat quod de omnibus coniunctis (similagine scilicet, crimno, & furfuribus tenuioribus) pararetur. Græci enim initio similaginem à filigine non separarunt, sed eam postea consuetudinē à Romanis acceperunt cum appellatione ipsa.

SECUNDA TRITVRA. Nam separatis furfuribus crassioribus, reliquum denuò immisum in molendinum, secundo molitur, excussumq; incerniculo remittit rursus tum farinā crassiorem decumbentē in cistæ fundum, quæ priori bonitate multū cedit, uocaturq; simila Latinè, Græcè σμιδαλῖς: tum tenuem pulvisculum euolantem, qui est flos similaginis Latinis, Græcis σαιπάλις. Sed Græci ueteres (qui, ut dixi, non tam acurata diligentia primam farinam ab altera separatā seorsum exceperunt, sed miscuerunt utramq;) σμιδαλῖς uocarunt generaliter farinam tritici utramq;, prima secundaq; tritura expressam: σαιπάλις florem farinæ utriusq; & filiginis, & similaginis. Recentiores Græci Romana consuetudine distinxerunt, uocaruntq; panē ex semidali (quæ filigine deterior erat) confectū, σμιδαλῖτις, ut Latini simillam & similaginē. Retinemus & nos Romana discrimina & filiginē uocamus, *das beste weisse meel: similaginē, das mittel meel. Similagi-*


milagine separata, dereliquo, quod in paui-
mētum eijcitur & crimno ac tenuioribus fur-
furibus constat, Græcis etiam aliquid farinæ
habebat, conficiebant Græci panem, qui *πιτυ-
είας*; id est, furfuraceus dicebatur, Kleyenbrot. Fur-
fures enim *πίτυρα*, nobis Kleyen. Sed plerunque
tenuiore illud ipsum cribro transfusum, de-
nuò perpurgabatur, ut hodie quoq;. Excide-
bat autem quod *λεῖμνον* uocabatur, Gries. Deti-
nebantur & hærebant in cribro furfures te-
nuiores : quorum in emplastris est usus, cū
crassiores ad saginandos porcos usurpentur.

DE PANIS PARTIBVS

& speciebus.



Species



I. Ex coctura. Furnarij panes seu testacei, *λεβανίται* in furnis mediocriter æstuantibus assantur. *ινίται* in minori furno coquantur: Vide Mercurialem lib. 1. Var. lect. cap. 12. *ἐκρύφια* in calidos cineres defodiuntur, donec percoquantur: sic dicti *ὡς ἀπὸ τοῦ κατὰ πλὴν τέφρα* *ἐκρύφια* *ἐκρύφια* *ἐκρύφια* quoque dici possunt panes Martij, qui infra, supra'que candentibus carbonibus ærea lamina interposita leuiter uelut indurantur, uulgò *Marcipan*, quasi maza-panea, *ἐσχαίεται* in craticula, aut foci pauimento assantur: ita ut totum exterius ceu indumentum induretur in crustam, interius molle, laxum'q; fiat, *pasteten*.

II. Ex materia simplici tritici, hordei, oly-ræ, panes sunt uel triticei, uel hordeacei, uel oleracei.

Ex materia mixta sunt placentæ, (quæ *πέμα* *ματα*

ματα Græcis dicuntur) & μελιμηίδης, melitoma-
mata'ue, honigtuchen, pfeffertuchen. Placentarum
uaria genera sunt: ut τηγανίται, Taganitæ à pa-
tella & sartagine denominati, pfantuchen: cum
maza (quæ φύραμα est paratum ex mixtis fari-
na, oleo, lacteue aut aqua, aromatis aspersis
quandoque aut condimentis alijs) frigitur in
oleo feruente, aut butyro, aliâue pinguedine.
Inde ὡὰ ταγλwisà, quæ frixa Latinis appellan-
tur.

Placentæ tortiles, uelut strijs & canaliculis
plicatæ: sprützentüchlin, σπειπταὶ ἢ σπειπτικιοί.

Crepides, αἰ κρηπίδες, Kreplin. Condiuntur
uariè eclegmatis. Maza enim extensa ac deli-
tata, & cum impositis condimentis complica-
ta, conficiuntur.

Εῤυχοί, Streublin. Fiunt pulricula liquida in-
fusoria transfusa in sartagine feruenti buty-
ro plenam, in quo mirabili ductuum imple-
xu conuoluuntur & crispantur.

Obeliæ, οἱ ὀβελίαί, Spistuchen, ὅτι ἐν ὀβελίσκοις ὀπ-
τῶνται: quia uelut carnes ad ignem assantur cir-
cumacto ueru, cui aut liquidior pulricula af-
funditur, donec calore durata inhærescat ac
percoquatur, aut maza allinitur & adigitur
manibus.

Οἱ ὀσρανίται, eyertese: coquuntur in testis.

ῥηρία, placentulæ ex melle & farina, hippen.

Rhyemata, ῥυήματα: fiunt liquida pulricula
ferreis

ferreis laminis & ignitis affusa, compressa^q & leuiter affata, *eisentuchen*. Vide Mercurialem lib. 1. Var. lect. cap. 11.

Α' μῆτισκοι, ex farina & lacte parantur.

Lagana *plintzē*, τυρολάγανᾶ caseo admixta fiūt. Βδλυτῖνοι, *fladen*, ut constat ex Athenæo.

Libi circi, *Kuchen*: placentæ in rotunditatem planam & circumatam expansæ, conspersæ^q ouis, caseo, butyro aut similibus.

Coctura multum differunt placentæ: aliæ enim friguntur, φρυκτοί: aliæ coquuntur, ἐφθοί: aliæ assantur, ὀπλοί: aliæ uelut ustulātur aut torrentur in craticula, ἐπανθρακίτοι πλανκύντες.

III. Forma. Panes alij figuram rhombi habent, ut βάρυλλοι, *brecken*: alij plocamorū instar plexi & rotundi sunt, ut κόμικς: *geflochtne Koltzschēn*: alij quadrangula figura ad similitudinē plexus plocamorum formati, ut κόμαβοι, *Zöpf*: alij spiræ formam habent, *pretzlen*: alij coronæ modo rotundi: atq; in medio perforati, ut σείφανοι & σείφη, *ringe*: alij ad cornuum similitudinem formati.

IIII. Ex adiunctis, panis aut fermentatus est, cui fermentum miscetur, ἄρτος ζυμῆτης uel ναῶν, *geseurt brot*: aut non fermentatus, ἄζυμος: ut placentæ sunt.

DE LEGVMINIBVS.

Legumen est omnis seges, quæ manu legitur,

tur, non autem secatur. Sic Varro lib. 1. cap. 32. Legumina alij, quidam legaria appellant: utraque dicta à legendo, quòd ea non secantur, sed uellendo leguntur. Græcè ὀσπεία, κείσποναι, *gemüefs.*

Oryza, *reis*: semina non spica, sed iuba continet, ut miliū Oryza minor, *himmelthau, schwaden.* Nascitur in humidis & aquosis locis, tenuior multò & minor milio: planta in qua nascitur, uidetur ea esse, quam recenset & describit Plinius inter gramina, nomine graminis aculeati.

Sesamum ex Aegypto affertur: semen gerit uasculis inclusum, ut papauer: minus aliquanto lini semine, candidum & pingue.

Fabæ, *bonen*, κύναις uel ὁπ κύναις ἄγριοις uel ὁπ τῶ κύναις δεινοί. Fœcunditatem enim efficere & Venereum extimulare creduntur, quòd flatulentæ sunt. Inter legumina maximus honor fabæ: eius multiplex usus, omnium quadrupedum generi, maximè hominì. Seritur ante Vergiliarum occasum, leguminum prima, ut antecedit hyemē. Virgilius eam per uer seri iubet, circūpadanæ Italiæ ritu: sed maior pars mauult fabaliæ maturæ satiationis, quàm trime streum fructum eius. Nam siliquæ, caulesq; gratissimi sunt pabulo pecori. Nascitur in plerisque locis sua sponte, sicut septentrionalis Oceani insulis, quas ob id Fabarias appellant.

Fit

Fit inde puls fabacea duplex: una liquidior & dilutior, *ἑτυπ* Ⓞ: altera crassior, *ἑπερμ* Ⓞ. Antiquitus in creādis magistratibus suffragia per fabas uice calculorum ferebantur. Vnde prouerb. A' fabis abstineto, quo significabatur a Reipub. muneribus tractandis abstinendum. Vide prouerb. Faba cudetur in me: Fabæ arrosor. Ne allia comedas & fabas. Fabæ Aegyptiæ pondus fuit duorum scrupulorum, ut docuit Soranus Ephesius 24. cap. suæ Isagoges. Quod autem Theophrastus in 5. de causis plantarum cap. 21. scribit, fabarum putamina radicibus aut germinibus plantarum nouellarum apposita earum uitam penitus tollere etiam a Clemente Alexandrino Strom. 3. & ab Apollonio in mirabilibus historijs citatum est.

Pisa fabis cognata sunt. Duo eorum genera: Vnum campestre, *felderbsen*: in aruis feritur, minus, caducum, humi repens, granis rotundis, siliqua cylindracea inclusis, flore circa umbilicum purpureo. Alterū hortense, *stengelerbsen*: quod affixis palis accubat, ipsæq; se implicās & annectens capreolis, quos exerit, in altum assurgit. Huius una species album florem, altera purpureum edit: illam *Klotzerbsen*, hanc *Römisch erbsen* uocant. Vtræq; campestria pisa magnitudine excedit.

	Candidum, rotundum & leue, arietino minus, uocatur columbinum: <i>Weiß Kichern.</i>
Ciceri <i>ῥέ-βινθ</i> <i>⊙</i> , <i>Kichern</i> : est uel	Rubeum, ab erui similitudine <i>ῥοβιάου</i> Græcis, Latinis Venereum, Columella punicum à mali punici colore: <i>Rot Kichern.</i>
	Nigrum, arietinum, <i>κεῖς</i> : quod arietino capiti simile sit: <i>Schwartz Kichern.</i>

Cicerculæ, *λάθυροι*: quaternis & inæqualibus angulis incisæ sunt, non rotundæ, sed compressæ in quadrangularem formam declinæ, *Eruen in Apotecten.*

Phaselus, fert flores candidos: semina uerò in oblongis siliquis foeni græci figura, candida: forma & magnitudine inter fabas & pisam media. *Feseln.* **Phasioli**, semina hortensis similis, renunculis similia, colore uaria, sed ex parte rufescentia: *Swelsche bonen.*

Eruum, *ῥοβ* *⊙*, *eruen*: exiguus frutex est, tenuis, angustis floribus candidis: uel in candido cæruleis, aut puniceis: seminib. in siliquis siue septo cylindraceis, ut pisa se inuicem tangentibus: coctum appositum boues saginat. Vere satum innoxium est. Vnum genus candidum, alterum rufum est.

Eruili, *ῥχοι* circa aluearia seruntur. Flore enim earum delectantur apes. Minus altè assurgunt quàm smilaces, quibus topiario opere came-

cameræ opacantur & pergulæ. Sed tamen clauicularum adminiculo mirificè scandūt & repunt, *Rouilien* Italîs.

Lentes *φάροι*, *linsen*: in *Pelusio*, *Aegypti* oppido, optimæ: *Martial.* in xenijs:

Accipe *Niliacam*, *Pelusia munera*, lentem.

Plinius ait se apud autores inuenisse æquanimitatem fieri uescentibus ea.

Lupini, *φάρμοι*, *seigbonen*: alij satiui sunt, alij syluestres: quorum differentiæ plurimæ, flore aut roseo rufescente, aut luteo, aut cæruleo. Amarissimum leguminis genus est: maceratum tamen calida aqua, homini cibo est: bouem autem unum singuli modij satiant. Circumagitur cum sole, horasq; agricolis etiam nubilo demonstrat. *Prouerb.* Quid distent æra lupinis.

Fœnum græcum, *τῆλιν*, *βένιρας*, *αὐρόνιρας*. Nomina habet à figura corniculorum, quam filiquæ (quibus semen includitur) repræsentant & præ se ferunt, *siebenzeit*, *zigenhorn*.

Linum, *lein*. *Linopsermon*, *leinsamen*: linum decorticatum *flachs*. Hinc *prouerb.* *Linum lino nectis*: pro infirma infirmis copulas, friuola friuolis. *Prouerb.* quoq; est: Candidum linum lucri causa ducis.

Linum xylinum, uulgò *Cotonum*, *baumwollen*. Nascitur in frutice peculiari, qui *Gossipion* & *Xylon* uocatur. Atq; hæc de Frumētis

& Leguminibus, circa quæ præcipua cura Agricultura est: de hac igitur etiam quædam ex Virgilio proponemus & alijs qui cum eo consentiunt.

LIBER XXX.

DE GEORGIA.



Eorgia: id est, agricultura, nihil aliud est, quam scientia agri colendi: hinc τὰ γεωργικά, documenta, agri colendi scientiam continentia, quæ ab Aristotele, Theophrasto, Catone, Varro, Columella, Plinio, Palladio proposita sunt. Causæ autem agriculturæ aliæ sunt communes, ut antecedentes partes physicæ, Deus, Cælum, Meteora: aliæ propriæ: ex quibus uel principales, uel adiuuantes. Principales sunt solum seu ager, & species rerum: adiuuantes sunt instrumenta. In solo seu agro præcipitur electio, aratio, alternatio, fecundatio, & iteratio.

DE ELECTIONE SOLI seu agri.

De agri delectu multa Columella lib. 1. capite 1. præcipit, ut libri ueterum legantur, ut experientia præsens comparetur: ubi tantam
cœli

coeli uarietatem ab Hipparcho repetit, ut tēpus futurum sit, quo mundi cardines moueantur. Vnde & Virgilius iubet nos uentos & coeli morem prædiscere, ac patrios cultus, habitusq; locorum. Nam in omni quidem parte culturæ, sed in hac quidem maxime ualet oraculum illud: Quid quæq; regio patiatur. Virgilius tantæ uarietatis causam refert ad naturam: id est, Deum, cuius sapiētia mundi partes uariæ uarijs dotibus ornatae sunt. Nam:

*Hic segetes, illic ueniunt foelicius uuae:
 Arborei foetus alibi, atq; iniussa uirescunt
 Gramina: nonne uides croceos ut Tmolus odores,
 India mittit ebur, molles sua thura Sabæi?
 At Chalybes nudi ferrum, utro saq; Pontus.
 Castorea: Eliadum palmas Epiros equarum.*

DE ARATIONE.

Aratio duplex est, Verna in agro fertilis: & Autumnalis in agro macro. Arationis uernæ causa est, ut herbæ noxiæ (ut carduus, lappæ, tribuli, lolium) exurantur, ut uult Virgilius: qui arationis primum tempus Vernum describit ex adiunctis temporis, cum nix & gleba resoluitur:

*Vere nouo gelidus canis cum montibus humor
 Liquitur, & Zephyro putris se gleba resoluit:*

Depresso incipiat iam tum mihi taurus aratro
Ingemere, & sulco atritus splendere uomer.

Varro initium ueris statuit 7. Idus Februa-
rii: id est, septimo, lib. 1. cap. 8. Hesiodus libro 2.
hoc tempus Pleiadū occasu describit & e uo-
ce gruis altē clangentis:

πληιάδων ἀτλαγνέων ἐπιτεκνοφάων,
ἄρχων ἀμύτης ἀρότοις δὲ δυσσομφάων.

Columella lib. 11. cap. 2. sic interpretatur. No-
ui ueris principium non sic obseruare rusticus
debet, quemadmodum Astrologus, ut expe-
ctet certum diem illum, qui ueris initium fa-
cere dicitur, sed aliquid etiam sumat de parte
hyemis: quoniam cōsumpta bruma iam inte-
pescit annus, permittitq; clementior dies ope-
ra moliri. Huic Columellæ interpretationi re-
spondet Plin. lib. 16. cap. 25. Hoc interuallum
temporis, ait, uegetissimum agricolis, maxi-
meq; operosum est, in quo præcipuè fallun-
tur: neq; enim eo die uocantur ad munia, quo
Fauonius flare debeat, sed quo cœpit. Hoc
acri intentione seruādum est. Illo mense signū
Deus habet obseruatione minimè fallaci, aut
dubia si quis attendat. Idem lib. 18. cap. 26. cum
Fauonius flare ceperit, terra in futurum pro-
scinditur, Virgilio maxime autore, ut glebas
sol coquat. Vtilior sententiā, quæ nō nisi tem-
peratū solum in medio uere arari iubet: quo-
niam

niam in pingui statim sulcos occupāt herbæ,
gracili insecuti æstus exiccant: tum namq; su-
cum futuris seminibus auferunt.

Terra sterilis aratio leuior est circa æquino-
ctium autumnale, sic enim Virgilius:

*At si non fuerit tellus fœcunda, sub ipsum
Arcturum tenui sat erit suspendere sulco.*

Eius rei causa est, ut natiuus humor cōserue-
tur, nec humus effœta sole peruratur.

DE ALTERNATIONE.

Alternatio duplex est, Arationis & Semi-
nis: quod ad arationem attinet Virgilius al-
ternis cessare arua suadet: & hoc si patiantur
spacia utilissimū proculdubio: quod si neget
conditio, far ferendum unde lupinum, aut ui-
cia, aut faba sublata fuerint, & quæ terram fa-
ciant lætiorem. Plin. lib. 18. cap. 21. Idem lib. 17.
cap. 5. Et in frugibus quidem ferendis eadem
terra utilior intelligitur, quoties intermissa
cultura quieuit. Nouale autem est quod alter-
nis annis seritur, ait Plinius lib. 18. cap. 19: uel
ager nouæ sementi relictus, ut Festus: uel quia
intermissus renouatur, à nouando noualis, ut
Varro. Iureconsultis etiam ager est, qui non
antea cultus fuerat, sed sylua, aut aliud quip-
piam fuerat. Quomodo etiam Plinius loqui-
tur lib. 17. cap. 51. cum de odore terræ loquitur:

Talis ferè est, ait, in noualibus cæsa uetere syl-
ua. Hesiodo *νέῃ ἀνεξιάρῃ*, noualis expellens di-
ras imprecationes, nēpe quæ propter fœcun-
ditatem ab agricolis imprecationes nullas
capiat.

Alternatio seminis est, ut unde legumina
(ut uicia, lupinum) lecta sunt: ibi far (species
frumenti optimi, ad oreū nempe) seratur. Se-
getem quippe stercorent fruges, lupinum, fa-
ba, uicia, ait Plin. lib. 17. cap. 9. Columella lib.
2. cap. 14. plenius ait, ex seminibus alijs agros
stercorari & iuuari, ut uicia, lupino, faba, e-
ruo, lente, cicerula, pīso: alijs peruri & emacia-
ri, ut cicere, lino, milio, panico. Ideo Virgilius
à lætis leguminibus diuidit linum, auenam,
papauer:

Vrit enim lini campum seges, writ auenæ:

Vrunt lethæo persusa papauera semino.

DE FŒCUNDATIONE.

Fœcundationis tres species à Virgilio ex-
ponuntur. I. Fimus: Fimum uerò terræ mi-
scere plurimū refert, Fauonio flante ac sitien-
te Luna, ait Plin. lib. 17. cap. 9. Theophrastus
libro 8. *περί φυτῶν ἰσχυρίας. Καὶ ἡ λόπρῃ μὲν ἀλλὰ βοῦν ἔσται,*
τῇ δὲ θερμαίνουσιν καὶ συμπτέσσουσιν. II. Cinis: Tran-
spadanis cineris usus adeo placet, ut antepo-
nant fimo iumentorum: quod quia leuissi-
mum est, ob id exurunt. Plinius libro 17. cap. 9.

ubi

ubi indicat cinerem, fimum esse iumentorum, sed incensum & redactum in cineres: quod fit fimo ad solem siccato & incenso. Et Palladius inter genera stercorū, cineres ait optimos esse lib. 1. cap. 33. Itaq; ne hīc marga Britannica, aut Gallica intelligatur, qua terræ aluntur: aut etiam Græca de qua Plin. libro 17. cap. 6. 7. & 8. Theophrastus lib. 5. *περὶ αἰτιῶν: ὡς περ καὶ τὸν τέφραν παρομνήσω, εἴτ' ἔρ' πρὸς τὸ μὴ σκοληκῶσαι τὰς ῥίζας, εἴτε καὶ πρὸς τὸ πρὶ φεῖδι ἄλμη.* III. Incensio stipularum, quam Plin. libro 17. cap. 30. ita proponit: Sunt qui accendunt in aruo & stipulas, magno Virgilij præconio: summa autem ratio, ut herbarum semen exurant. Quatuor autem causas Virgilius attingit, ut nouum pabulum concipiatur: ut uitiosus humor exuratur: ut uires aperiantur: ut uires astringantur.

DE ITERATIONE.

De secunda aratione ita Columella libro 11. cap. 2. Ab idibus Martij, eadem quæ supra utique peragenda sunt. Optimè autem uliginosa & pingua loca nunc demum proscinduntur, & quæ mense Ianuario uernacta fecimus: nunc ultima parte Martij sunt iteranda. Varro lib. 1. cap. 29. Cum primum terra aratur, dicitur proscindi: cum iterum, offringi: tertio cū aratur iacto semine, lirari. Plin. lib. 18. cap. 20

Ara-

Aratione per transuersum iterata, occatio sequitur (ubi res poscit) crate uel rastro, & sato semine iteratio. Atq; hæc de solo: sequuntur species rerū, ut semen & fruges, in semine considerata præparatio & satio.

DE SEMINVM PRÆPARATIONE.

Seminum præparatio & medicatio, ad naturæ imbecillitatem & infirmitatem tuendū & restaurandum, fit ex nitro, amurca, igne, selectione seminis. Plin. lib. 18. cap. 17. de medicatione hac ita loquitur. Vino semina perfusa minus ægrotare existimant. Virgilius & amurca perfundi iubet fabam, sic etiam grandescere promittit. Quædam uerò si triennio ante satum, urina & aqua macerentur, præcipuè adulescere putāt. Reliqua semina cupressi folijs tuis si misceantur, non esse uermiculis obnoxia, nec si interlunio serātur. Quin & armo talpæ cōtacta semina uberiora esse: felle aut esse bubulo attingi semina utilius putant. Hæc ille, & etiam plura de medicamentis frugum Theophrast. lib. 1. *περὶ φυτῶν ἰσότηας: βρῖξαντα λελεῦσαι καὶ νύκτωρ νυκτὶ τῇ ὑστεραίᾳ σπείρειν ἐν ξηρᾷ.* De selectione seminis Columella libro secundo, capite 9. Vbi mediocris est fructus, ait, optimam quamque spicam legere oportet, separatumq; ex ea semen reponere: cum rursus amplior

prior melsis prouenerit, quicquid exteretur, capisterio expurgandū erit: & semper quodq; propter magnitudinem ac pondus in imo subsederit, ad semen reseruandum. Nam id plurimum confert: quia quamuis cæteris locis humidis, tamen etiam siccis frumenta degenerant, nisi cura talis adhibeatur. Hoc præceptum Columella citat iterum lib. 2. cap. 10. & ad omnes rerum species attinere indicat, non ad sola frugum semina. Plin. lib. 18. capite 24. addit, semen optimum esse anniculum, bimum deterius, trimum pessimum, ultra sterile. Item optimum est granum, quod rubet & dentibus fractum, eundem habet colorem: deterius cui plus intus albi est. Varro libro 1. capite 40. Semina uidere, ne uetustate sint exfuncta, prodest: aut ne sint admista, aut ne propter similitudinem sint adulterina. Semen uetus tantum ualet in quibusdam rebus, ut naturam commutet. Nam ex semine brassicę uere nasci aiunt rapa, & contrà ex raporum, brassicam. Idem cap. 52. Quæ seges grandissima atq; optima fuerit, seorsum in aream secer ni oportet.

DE SEMINVM SATIONE.

Satio alia est uerna, alia autumnalis. Verna est fabæ, medicæ herbæ & milij. Inter legumina (ait Plinius libro 8. capite 12.) maximus honor

nor fabæ: eius multiplex usus omnium quadrupedum generi, maximè homini. Seritur ante Vergiliarum occasum, leguminum prima, ut antecedit hyemem. Virgilius eam per uer feri iubet, circumpadanæ Italiæ ritu: sed maior pars mauult fabalia maturæ sationis, quàm trimestrem fructum eius. Nam silique, caulesque gratissimi sunt pabulo pecori. Nasçitur in plerisque locis sua sponte, sicut in septentrionalis Oceani insulis, quas ob id Fabarias appellant. Medicæ herbæ tanta est, ut uno satu amplius, quàm tricenis annis duret. Milio sationem definit Columella lib. 11. cap. 2. circa idus Aprilis.

Satio autumnalis est frumentorum ut hordei (quod inter æquinoctium autumnii & brumam Vergilius feri iubet) farris, siliginis, tritici. Est etiam leguminum, ut lini, papaueris, uiciæ, faselis, lentis. Linum & papauer Plinius uere serendum monet libro 18. capite 24. Viciæ sationem idem lib. eodem capite decimoquinto tribus temporibus definit, circa occasum arcturi, ut Decembri mense pascatur, mense Ianuario & Martio. Faselum eodem libro, capite septimo, ab idibus Octobris in Calendas Nouembris serendum ait Theophrastus libro tertio: *περὶ φυτῶν αἰτιῶν*, σπέρειν οἱ μὲν κελύουσιν πλεῖσθ' . ξηρὰν γὰρ ἀνικμόν τε ὄσσαν δὲ φυλάττω τὸ σπέρμα πῶς γλυῖ. οἷδ' ἅμα πλεῖστοι θυομένης. ἐπιγίνε-
υιοθου

μεῖναι γὰρ ὕδατα, καὶ ποτὰ τῇ ἐβδόμῃ μετὰ τὴν δύσιν.
 & libro octauo, περὶ φυτῶν ἰσοείας. ὥραι δὲ σπόρων τῶν
 πλείων δύο πρώτη δὲ καὶ μάλιστα. ἢ περὶ πλειάδων δύσιν.
 ἢ καὶ ἡσίοδος ἡκολούθηκε, καὶ σχεδὸν οἱ πλείοι. διὸ καὶ κα-
 λῶσιν αὐτὴν τινες ἄροτον. Xenophon in Oecono-
 mico: ἐπαδ' αὖ ὁ μεταπωρεὺς χρόνος ἔλθῃ, πάντες πῃ οὖ
 ἄνθρωποι πρὸς τὸν ἀρθεὶον βλέπουσιν, ὅποτε βρέξας τὴν γῆν
 ἀφύσῃ αὐτοὺς σπείρειν. ἐγνώκασι δὲ καὶ τὸ μὲν ξηρὰ σπεί-
 ρειν ἐκόντες εἶναι πάντες ἄνθρωποι, δῆλον ὅτι ποταμῶς ἡ-
 μῖους παλαίσαντες οἱ πρὶν κελυνοῦνται ἀπὸ τοῦ θεοῦ σπείρον-
 τες. Atque hæc de semine; sequuntur frugum
 præcepta:

D E F R U G I B V S.

Genera frugum prima secundum Plinium
 libro decimo octauo, capite septimo, sunt
 duo: Legumina, ut faba, cicer & Frumenta, ut
 triticum, hordeum, &c. & horum itidem
 duo sunt genera, per tempora sata diuisa. Hy-
 berna enim sunt, quæ circa Vergiliarum oc-
 casum sata, terra per hyemem nutriuntur, ut
 triticum, far, hordeum. Aestiuæ uerò, quæ æ-
 state ante Vergiliarum exortum seruntur, ut
 milium, panicū, sesama, horminū, irrio. Atq;
 hæc Italiæ duntaxat ritu. Alioquin in Græcia &
 Asia omnia Vergiliarum occasu seruntur: ex
 his quædam & tertio, Veris scilicet. Aliqui
 appellant uerna, milium, panicum, lentem,
 cicer, aliam: Sementica, triticum, hordeum,
 fabam,

fabam, napum, rapam. In frugibus Virgilius proposuit uotum ad pluuiam æstatis, & siccitatem hyemis: Imber tamen in herba utilis tantum: florentibus autem frumento & hordeo nocet, leguminibus innocuus, præterquam ciceri. Maturescientia frumenta imbre læduntur & hordeum magis. Hæc Plinius libro 18. capite 17. Vnde Virgilij præceptum generale nō esse intelliges: Hyemem quidem Aquiloniam esse omnibus satis utilissimam ait Plin. libro 17. capite 12. Idem tamen libro 17. capite 2. uidetur iterum Virgilium nonnihil emendare: Ergo qui dixit serenas hyemes optandas, non pro arboribus uota fecit, nec per solstitia imbres uitibus conducunt: hyberno uerò puluere fieri messes lætiores, luxuriantis ingenij fertilitate dictum est, alioqui uota arborum communia sunt: frugumque nives diutinas sedere: causa, quia non solum animam terræ euanescentem exhalatione includunt & comprimunt, retroque agunt in uires frugum atque radices: uerum quod & liquorē sensim præbent, parū præterea leuissimumque, quando nix aquarū cœlestium spuma est. Ergo humor ex ijs non uniuersus ingurgitās, diluensque, sed quomodo fititur distillans uelut exubere alit omnia, quæ non inundat: tellus quoque illo modo fermētescit ac succi plena ac lactescentibus satis non effœta: cum tempus aperit,

aperit, tepidis arridet horis. Ita maximè frumenta pinguescunt, præterquàm ubi calidus semper aër est, ut in Aegypto. Hæc Plinius: Theophrast. libro quarto, περὶ αἰτιῶν: ἀλλὰ πάντων μέγιστος ὁ πλείων αἰὲρ πρὸς ἐνκομιῆς ὑδάτων καὶ βίαις χειμῶνων καὶ πνευμάτων. ὅποια γὰρ αἶρ ἢ ταῦτα, καὶ τὰ σπέρματα ὅτως ἐκτελεῖται: ὁ καὶ ἡ παροιμία καλῶς, ἔτ' φέρε, ὅχι ἄρδρα. Huc pertinet rusticum illud carmen, quod uulgò apud ueteres circumferebatur. Hiberno puluere, uerno luto, grandia farra Camille metes. Theophrast. libro tertio, περὶ αἰτιῶν: ὡς δ' ἀπλῶς εἶπέρ, ἢ ἀγεθὴ χῶρα καὶ χειμῶνων δᾷται ποτιῶν. αἶρ γὰρ ἐνδύει καὶ τὰ νότια ἐνισχύει, πελάγους ποιοῦσιν ὡς ἐπιπολὺ καὶ ἐρυσιδέας, ὁ δὲ χειμὼν πιλῶσας καὶ παρκινῶσας τὰς ῥίζας, σύμμιτρον εἰς τὸ ἔαρ ποιεῖ τὸ μέγιστον. In frugibus tria consideranda sunt: seminis liratio & irrigatio, uitiorum curatio & area.

DE LIRATIONE, ET
irrigatione.

Semen primo cooperiendum per lirationem, deinde irrigandum: unde Virgilius:

Quid dicam, iacto qui semine comminus arua
Insequitur, cumulosq; ruit malè pinguis arena?
Deinde satis fluvium inducit, riuosq; sequentes?
Et, cum exustus ager morientibus æstuat herbis,
Ecce supercilio cliuosi tramitis undam

Elicit: illa cadens raucum per lævia murmur
Saxa ciet, scatebrisq; arentia temperat arua.

DE VITIORVM CVRATIONE.

Vitia frugum multa sunt:

i. Luxuries, quæ curatur per depastionem
& desiccationem. Inter vitia segetum, luxuria
est, cum onerata fertilitate procumbunt: quæ
castigatur dente pecoris in herba duntaxat: &
depaste quidem uel sæpius nullam in spica lu-
xuriem sentiunt: retonsarum uerò etiam semel
omnino certum est granum longius fieri, sed
inane, quassumq; ac satum non nasci. Babylo-
nie tamen bis secant, tertio depascunt, alioquin
folia tantum fierent: sic quoq; cum quinquage-
simo scœnore messis reddit exilitas Soli: ue-
rùm diligentioribus cum ceteris quinquage-
simo. Plin. lib. 18. cap. 17. ubi considerabis
mirabilem naturæ largitatem centesimo &
quinquagesimo scœnore primam sortem re-
munerantis: Idem cap. 21. ait: Sunt genera ter-
ræ, quarum ubertas pectinari segetem in her-
ba cogat: cratis hoc genus dentate stylis fer-
reis: eadem & nihilominus depascuntur: quin
depasta, sarculo iterum excitari necessarium.

Theophrastus libro octauo, περὶ φυτῶν ἰσοείας:
ἐν τοῖς ἀγαθοῖς χάρις πρὸς τὸ μὴ φυτῶμαναρ ἐπινέμειναι
καὶ ἐπικέρειν τὸν σίτον, & paulo post: ἐν βαβυλωνίᾳ δὲ
ἀπὸ καὶ ἄσπερ τεταγμένως ἐπικέρειν μὲν δις, τὸ δὲ τρίτον

τὰ πρῶτα παρὰ τῶν ἱατρῶν. Huc etiam fortasse referendum sit, quod Plinius ait de aratione libro 18. capite 19. Non omitemus unam etiam humarandi rationem in Transalpina Italia, bellorum iniuria excitatam: Salassicum subiectos Alpibus depopularentur agros, panicum, miliumque iam extrescens tentauere: postquam respuebant natura, inararunt. At illæ menses duplicatæ docuerunt, quod nunc uocant artrare: id est, aratrare, ut credo tunc dictum: hoc fit uel incipiente calamo cum iam is bina, ternaue emiserit folia. Nec recens subtrahemus exemplum in Treuerico agro, tertio ante hunc annum compertum. Nam cum hyeme prægelida capite segetes essent, reseuerunt, resarrientes campos Mense Martio, uberri- masque menses habuerunt. Atque hæc de depasti- one. Desiccatio uero humidioris terræ fit are- na superiecta uel potius facto sulco, ait Columella lib. 2. cap. 9. Cui etiam contrarium re- medium in contraria terra ualebit: neque est cura difficilis quam diutissime aqua rigandi, ut præpinguis ac densa ubertas diluatur. Plin. lib. 18. cap. 17. Ex inundationis uitio uermiculi nascuntur in radice cum sementem imbribus secutis incluserit repentinus calor humorem: gignuntur & in grano cum spicæ calor infer- uescit. Est & cantharus dictus scarabæus paru- us, frumenta erodens. Plin. eod.

2. Aues: ut grues & improbus anser. Pullis anserum urtica contactu mortifera, nec minus auiditas nunc satietate nimia, nunc suametui, quando apprehensa radice morfu sæpè conantes auellere, ante colla sua abrumunt. Plin. lib. 10. ca. 19. Ergo improbus à Virgilio dicitur auidus, insatiabilis & de agresti anserè præcipuè id intelligitur, ait Seruius. Hesiodus:

διῶθ' ἔχθρ' μακίλῳ, πόνον δ' ὀρνίθεσσι τίθει.

3. Herbæ, ut amaris intuba fibris.

4. Umbra. Non fastidienda hæc quoque scientia, atq; non in ultimis ponenda, quando quibusq; satis umbra aut nutrix, aut nouerca est. Iuglandium quidem, pinorumq; & picearum & abietis quæcunq; attigere, non dubiè uenenum est, ait Plin. de umbris arborum lib. 17. cap. 12.

5. Rubigo propriè uitium est obscenæ libidinis, quod ulcus uocatur. Hîc uitium est frugum nullo minus noxium. Frequentissimum in roscido tractu, conuallibusq; ac perflatū non habentibus: è diuerso carent ea uentosa & excelsa. Plin. lib. 18. cap. 17. Niellam Galli uocant, qua nempe spicæ marcescunt & in puluerem foetidum confriantur: & rubiginosas segetes, niellatas uocant. De remedio rubiginis ibidem Plin. & cap. 29. Rubigo quidem maxima segetum pestis, lauri ramis in ar

uo defixis, transit in eorum folia ex aruis: & aduersus ea pestem Rubigalia Numa constituit anno regni sui undecimo, quæ nunc aguntur ad undecimum Calend. Maij: quoniam tunc ferè segetes rubigo occupat.

6. Carduus syluestris. Nam satius in magnis quondam mēsarum delicijs fuit. De his Plin. lib. 19. cap. 8. Portenta quoque terrarum in ganeam uertimus, etiam ea, quæ refugiunt quadrupedes consciæ: & cap. 4. prodigia uentris appellat. Virgilius carduum segnem uocat: id est, inutilem, infœcundum.

7. Lappa triplex est Canaria, quæ canibus: *κινάνθρωπον*, quæ hominibus adhæret: Personata, cuius folijs (quia ampla sunt) ad personas histriones utebantur.

8. Tribulus, spinę genus à semine triangulari dictum, uel quod cuspidatum trifariam feriat. Plin. lib. 20. cap. 16. lib. 22. cap. 10.

9. Lolium herba Græcis *σιζάνιον*: infelix Vergilio dictum. Vitiat oculos.

10. Avena.

DE AREA.

De Area ait Cato: Locum ubi facies aream cōfodito, postea amurca conspergito benè, finitoq; cōbibat: postea cōminuito glebas benè: deinde cōæquato & pauculis uerberato, postea denuò conspergito, finitoq; are scat: si

ita feceris, neq; formicæ nocebunt, neq; herbe
 nascentur. Varro lib.1. de Re rustica cap. 51. lo-
 co subtiliori aream describit, quã perfleret uen-
 tus, modicã pro magnitudine segetis, rotun-
 dam medio, paulè extumidã, ut si pluerit, non
 consistat aqua & quàm breuissimò itinere ex-
 tra aream defluere possit. Amurcam ex præ-
 cepto Catonis adhibet: quia sit herbarum ini-
 mica & formicarum, & talparum uenenũ. Ait
 etiam apud nonnullos rectas areas esse pro-
 pter pluuiam: ubi autẽ tectæ sunt & loca sunt
 calida, propè facienda umbracula, quò succe-
 dāt homines in æstu tempore meridiano. Co-
 lumella lib.2. cap. 20. aream in demessa faba &
 lecta statuit: quia dum à pecudibus legumina
 procuicantur, herbæ etiam ungulis atterun-
 tur: atque ita glabrescit & fit idonea trituri-
 area, & amurcã, quæ non acceperit, salem præ-
 cipit. Palladius lib.1. cap. 36. iubet aream non
 procul esse à uilla, ut fraus minor timeatur,
 domini uel procuratoris uicinitate suspecta:
 sit autem uel strata silice, uel saxo montis exci-
 sa, uel sub ipso trituræ tempore ungulis peco-
 rum & aque admistione solidata. Plinius ni-
 hil præterea præcipit, nisi forte quòd fimi bu-
 buli dilutionis irrigationem præcipit. Virgilius
 ait primò uertendam manu: tum solidandam
 cylindro: postremo æquandam, ne hiscat &
 ostia aperiat nitellæ (quæ Virgilio dicitur exi-
 guus

guus mus, & per diminutionē nitedula quoque dicitur) talpæ, bufoni, formicæ, curculioni, qui sic dicitur pro gurgulione: quia nihil ferè aliud sit quàm guttur: calendula uulgo dicitur: animal paruum est, frumēta corrodens. Atque hæc de agriculturæ causis principalibus: sequuntur adiuvantes in instrumentis.

DE INSTRUMENTIS AGRICOLARUM.

De instrumentis agricolæ Varro lib. 1. cap. 22. ut de corbillis, dolijs, fiscinis, tribulis, malileis, rastellis & apud Virgilium hæc sunt:

Plaustra, quib. demesse segetes cōuehūtur.

Tribula aut tribulū, tabula lapidibus, aut ferro asperata, qua fruges teruntur. Varro lib. 1. cap. 52.

Traha uel trahea genus uehiculi sine rotis.

Virgea supellex Celei, ut quali, corbes, uānus seu cribrum cereale, quo frumenta & legumina uannantur & uentilantur: unde Proverb. Celei supellex, pro uili & rusticana.

Aratri partes sunt 1. Buris, pars posterior aratri decuruata, quasi *βούρρα*. Ex ulmo eam uult Virgilius: quia rigorem ulmus diutissimè seruat. 2. Temo, ad quem boues iungūtur. 3. Aures duæ, quibus sulcus latior efficitur. 4. Dentale, lignum ad quod uomer includitur: dens etiam dicitur à Varrone. 5. Vomer,

aratri ferrum, quod uomat terram, ait Varro cuius genera Plin lib 18. cap. 18. tria facit: cultrum, quo terra secatur; alterū rostrati uectis: tertium exigua cuspide, nec toto dentali porrectum. 6. Iugum, quod Virgilius uult ētilia & fago. 7. Stiua, manica aratri, qua cursus aratri dirigitur. Hesiodo stiua fit ēlauro, uel ulmo. 8. Rotæ, quibus aratrum tanquam cursus uoluitur. Atque hæc de Plantis & earum cultura; sequuntur Animantia.

LIBER XXXI. DE INSECTIS ET ME- LITTURGIA.



ANIMANTIA sensum habēt & animam sensitiuā: cuius facultas est, quæ naturalis seu uegetatrix dicitur. Animal igitur est essentia corporea, plena uitæ & sensus. Est autem uel *ζῷον* uel uerum animal: *ζῳόφυτα* naturam habent plantis & animantibus cognatam. Nam & sentiunt & plantarum more nutriri uidentur: ut spongia, urtica marina. Aristoteles annumerat his echinos marinos, *ὀνοθίστρα*: id est, uertibula, callos & tubera. Verum animal est uel Irrationale & mutum, uel Rationale & loquens. Irrationale est uel Insectum
uel

uel Integrum: Insectum uel uolatile, uel aquatile, uel terrestre est. Omnia autem insecta Aristoteli *ἄνθημα* sunt.

DE INSECTIS VOLATILIBUS
seu pennatis.

Asylus seu Tabanus, Græcè *œstrum* *οἰστρος*: ab horrendo strepitu. Pungit & infestat in æstu. Prouerb. Oestro percitus.

Aureliæ, *χρυσανθίδης*, *goldwürmlin*. Fiunt ex erucis olerum, & oleribus insidunt. In raphani enim folijs primo uere ros calore Solis spissatus, cogitur in milij magnitudinem. Inde porrigitur uermiculus paruus & triduo mox eruca, quæ adiectis diebus accrescit, immobilis, duro cortice, ad tactum tantum mouetur aranei. Hæc deinde eruca, quam *χρυσανθίδα* appellant, rupto cortice uolat papilio.

Papiliones, *ψύχα*, *sommervögel*, *zweifalter*, *pfeifholter*. Differunt coloribus, qui alijs candidus est, alijs ex cæruleo candicans, alijs niger, alijs aureus, alijs uiridis, alijs & plerisque uariis. Hepiolus papilionum genus est, quod circa arduentes lychnos noctu uolitat & sæpè impetu flammam extinguit: *kleiner zweifalter*.

Pyrausta lucernis aduolat, atq; ita exustis alis concidit, peritq;: unde Prouerb. Pyraustæ interitus: & Pyraustæ gaudes gaudium: dicitur & Pyralis.

Scarabæus, Græcè *καρβας* ♂, alas habet crustacea uagina obtectas: imo totus ipse scarabæus nihil est nisi crustum. Nascitur in excrementis: id est, animantium stercoreibus, in quibusdem uiuit, uersatur, oblectatur, deliciatur. Vnde Germanis, *taat oder mistlefer* dicitur. Præcipuum huic studium pilas componere ceu pastillos, non ex odoribus, sed stercore, potissimum caprino: nam id illi, prorsus amaricinum olet. Eas miro conamine uoluit auersis pedibus posterioribus, quos habet longiores, superne iniectis, capite in terram prono. Quod si quando contingat, ut aduersus collem aliquem onus protrudant, elapsis subinde pilis ac deorsum recurrentibus, putes te Sisyphum uoluētem saxum uidere: nec defatigantur, aut cōquiescunt. Tantus operis ardor: donec in antrum suum deuexerint. In his pilis ut ipsi nati sunt, ita foetus etiam suos educant & teneros adhuc aduersus hyemis rigorem nidulantes fouent. Nec est eadem omnium species. Scarabæus pilularius dicitur quod ē stercore equino piluias uoluat: *rosstefer*, qui & *λοπεδερ* Hippocrati dicitur, à fimo, in quo nascitur. Hyeme in fimo quem uoluit, conditur examinis & uermes parit: quibus uerno sole fotis ac uiuificatis restituitur. Scarabæus uiridis & Galleruæ, *μυρολόουθης*, *grünlefer*. Scarabæus taurus uel Lucanus, *καρὰβ* ♂, *schrötter*: terrestris est: cornua

naa habet prælonga bifidis forcipibus dentata, quæ ad morsum in cacumine comprimit, ut cancri suas chelas & scorpj. Prouerb. Scarabæus aquilam quærit.

Cantharides, uiridis scarabæi genus luteo auri colore lucens, goldtáfer. Foetēt & cū uim habeant *disperτικὸν*, incautius sumptæ renes exulcerant. Cantharis rubea *vnser frauen töele*.

Buprestes, *βυπρέστης*, qualster: ē cantharidum genere, similimus scarabæo longipedi. Fallit inter herbas boues, deuoratusq; ita inflammat eos, ut rumpantur: unde & nomen inuenit.

Crabro insecti genus affine uespis, pertinacissimū, aculeoq; pestilētissimō. Refert enim Plin. lib. 11. cap. 21. crabronum ictus haud temerē sine febris esse. Additq; traditum à quibusdam, ter nouenis huius animātis punctis interfici hominem. Aristot. lib. 9. de partibus animalium tradit, cū in apum genere quædam aculeis careant, ut fuci & reges: uespæ quoq; nonnullæ sine aculeis inueniantur, nullos crabrones inueniri non armatos aculeo.

Quanquam de duce, num aculeatus sit, non nihil addubitat. Ducem enim eligūt, ut apes. Alij in cauernis & sub terra nidos faciunt: alij in arborū cauernis degunt, ferociiores multo & nocentiores priorib. Allusit huc is, qui scripsit epitaphium Archilochi poëtæ maledicti:

ἡμίρα δὲ παράμυθον ὁδοιπόροι, μήποτε τῷδε
 λιγύσης τὸ μὲν σφῆκας ἐφ' ἐσθμύνης

Vide prouerb. Crabrones irritare.

	Ficarij, ψῶς: generat hos caprificus suis fructibus.
Culices, <i>λίγες</i>	Vinarij, <i>λίονες</i> : oriuntur ex uermiculis, qui uini fece acescente gignuntur.
<i>schnocken</i> sunt uel	Muliones, <i>ἐμπίδες</i> : ex tipulis quas ascaris das Græci uocant, circa puteos & aquas nascuntur, <i>Wassermucken</i> .

Cicadæ mira quædā & prodigiosa loquacitas est, maximè efferuescēte sole. Plinius negat ijs uocem esse, sed stridorem cum tractu: eumq; sonum emitti non alis, quemadmodū muscæ, apes, culices. nam ijs stridor simul cum uolatu desinit: at cicadæ si presseris alas, uehementius etiam perstrepat: sed in pectore subesse ait duos specus, attrituq; membranæ, mobili accedente spirītu, per hos ē uisceribus sonum edi. Vide Prouerb. Cicadā ala corripuisti, *τίληα πτερὸ σωέλῃφας*. Rore autem duntaxat uiuens cicada, cantu potissimū delectatur. Et quosdam ita Musicæ deditos, ut neglecto cibo perituri fuerint inedia, in cicadas a Dñs mutatos, narrat apud Platonem Socrates in Phædro, Et Theocritus in Daphnide:

—τίληα ὅ' ἐπ' αὐτὸν φέρτερον ἄδεις

Apud Diogenē Laërtium refertur Timon

nis

nis carmen in Platonis eloquentiam:

τῶν πάντων δ' ἡγετο πλατύνει, ἀπ' ἀγορῆς
ἡδυνῆς τέλιξις ἰσόγραφος, οἷθ' ἐκαδ' ἡμῶν
δενδρεῖ' ἐφ' ἰσόμενοι ὅπα λειόεντα ἰῶσι.

Apud Athenæum lib. 6. parasitus quispiā seipsum depingens: καλῶν, inquit τέλιξις: id est, garrulitate cicada sum. Vide proverb. Cicada uocalior: &, Cicada cicadæ chara. Theocritus Idyll 9.

τέλιξις μὲν τέλιγι φίλῃ, μύρμακι δὲ μύρμαξ.

Antiquitus mos erat, capillorum cincinnis aureas cicadas addere. Vnde & τέλιγοφόροι dicti sunt, hoc indicio significantes αὐτόχθονας esse sese: id est, indigenas, quemadmodum & cicadæ non aliunde cōmigrant, sicut pleraque alia, sed inibi nascūtur ubi uiuunt. Vnde proverb. Cicadis pleni, de ijs qui obsoletis ac iam desitis utuntur. Cicadarum duo genera sunt. Minores, quæ primæ proueniunt & nouissimæ pereunt: sunt autem mutæ. Maiores uolatu rarę, ē quibus quæ canunt, vocātur αἰχέται: quæ uerò minores sunt, tetrγωνίαι: sed illæ magis canoræ. Mares canunt in utroque genere, foeminæ silent. Non nascuntur in raritate arborum, nec in campis, nec in frigidis, aut umbrosis nemoribus: Plinius. Differunt à locustis nostris, quæ in segetibus degunt. Auctor est Stephanus Byzātius, iuxta oppidum Aetoliæ Acanthū cicadas, alibi uocales, mu-
ras

tas esse: atq; hinc ortum adagium: *Acanthia cicada*. Plin. lib. 11. cap. 27. scribit in agro Rhegino cicadas omnes silere: ultra flumen in Locris canere. Idem testatur Pausanias lib. 2. rerū Eliacarū. Strabo lib. 6. Geograph. refert Rheginū agrum à Locrensi dirimi fluuio, cui nomen Alex. Cicadas autem, quæ in Locrensi uersantur ripa, sonantius stridere, cum in Rhegino sint mutæ. Huius rei hāc esse causam cōiicit, quod Rheginorum regio cū sit umbrosa atq; opaca, cicadarum pelliculas humore torpesciat. Easde in agro Locrensi, quod sit aprica, Solis estu arefactas, stridorem aptius emitte-
 re. Auget autem miraculum Rheginēsiū cicadarum, etiā fabulosē celebrata uocalitas uicinarū: de qua re uide Strab. & Prouerb. *Acanthia cicada*. Ore carent cicadæ secundū Pliniū, sed habēt in pectore fistuloso quiddam aculeatum linguis simile: eo rorem lambunt cum excitatæ subuolant, reddūt humorem, quod solum argumentum est illas rore pasci. Neq; enim ad excrementa corporis ullum forame est. Vide Prouerb. Rore pascitur. Non nisi æstiuīs mensibus apparent: unde & cicadas dictas putant, quod citò cadant.

Locustæ, ἀκρίδης, sic dictæ ὡς ἐπὶ τῶν ἀκρῶν ἀθροισμῶν τοῦ οἴου ἐκλάμπειν. Variæ sunt, differunt que magnitudine & coloribus. Germani una uoce *hemschrecken* uocant. Infirmis pennis alatum inse-

infectum est, ac proinde altius non euolat: dictum ab uredine locorum, quos attingit: *μά-
καξ*. Nicandro, quod culta segetum depopu-
letur. Sic tempore Gregorij M. Pontificis, cir-
ca annum Christi 594, cum locustæ omne ui-
ride ex terra nascens absumpsissent: horrenda
fames & pestis secuta est, quæ totam Italiã
biennio durissimè afflixit. Et postea Ludoui-
ci II. Imper. tempore, magnam Galliæ partem
locustæ uastarunt. Et anno 1542 longum Li-
tuanix, Poloniæ, Austriæ, Silesiæ & Misniæ
tractum depastæ sunt. Nam tam denso, cõfer-
toq; agmine uolabant, ut solè obumbrarent:
pennarũ uerò stridore tanto, ut alites esse cre-
derentur. Imensos tractus, alarum remigio
permeabant, & quacuncq; procūbebunt, mul-
ta tactu adurebant, omnia uerò morfu arro-
debant, ut demessa, attonsaq; uiderentur. Mo-
ses Leuit. II. quatuor facit species locustarum.
1. Arbeh: genus locustarum magna multitu-
dine & densis agminibus uolantium. Latina
uersio uertit Bruchum à *βρῦκον*, quod herbas
erodat. 2. Soleam. 3. Ophiomachus. Hebraicè
Chargol. Sunt autem Ophiomachi non *ἀνεί-
δης* tantum, uerum etiam lacertæ genus & ich-
neumon. 4. Hagab. Locustas fumo & sale du-
ratas, in Aethiopia edi, Plinius autor est lib. 6.
Idem lib. II cap. 29. narrat eas apud Parthos in
delicijs esse: & Hieronymus lib. 2. aduersus Io-
uinia-

uinianum: Oriētales & Libyæ populos: quia per desertum & calidam eremi vastitatem locustarum nubes reperiuntur, locustis uesti moris est. Hoc uerum esse, Ioannes quoq; Baptista probat. Compelle Phrygem & Ponticum, ut locustam comedat, nefas putabit. In nostra prouincia scelus putant uitulos comedere. Alij tamen in Ioannis historia per ἀνείδας canculos intelligunt, quos in lege uetitos, ideoq; à piscatoribus in ripa Iordanis abiectos comederit, ut hoc ipso esu cibi in lege prohibiti testaretur, ceremonias Mosaicæ omittendas esse. Aristoteles lib. 9. *ισορίας* inquit: ποιοὶ δὲ καὶ τὴν ἀνείδα ἐωράκασι, ὅταν μάχηται τοῖς ὄφιν, λαμβάνουσαι τῇ πρᾶξι τῶν ὄφιν; Sed Plinius id de locusta insecto recitat libro 11. capite 29. Mori matres cum pepererunt certum est, uermiculo statim circa fauces innascente, qui eas strangulat. Eodem tempore mares obeunt: tam friuola ratione morientes: serpentem cum libuit necant, singulis faucibus eius apprehensis mordicus. Et Suetonius in uita Tiberij scribit piscatori os locusta laceratum esse iussu Tiberij: ubi locustam piscem, cancrorum generi cognatum significari uerisimile est. Vide Mercurialem lib. 2. uariar. lect.

cap. 20.

Cicindelæ; nitedulæ, πυρολαμ- πᾶδες aut	{	Non uolant, ἄπτεροι : πυρολαμπᾶδες à clunium fulgore nomen sortitæ. Fiunt ex crucis pilosis, & mutata degenerant in cyrtos βοσρύχες dictos. Volant, αἱ πτερωτοί: liechtmucken. Lucent de nocte & in tenebris oculos uelut ful- gore præstringunt. Circa ellychnia uo- lant uesperis.
---	---	---

Lampyrides, *feurlefer*: lucent ignium modo noctu, clunium & laterum fulgore.

Musca. Muscæ μῦα olim prouerbio dicebantur, qui delectabantur aliena mensa, quos Plautus muribus comparat semper alienum cibum edentibus. Aduolat enim hoc insectū ad cibum alienum & ægrè potest abigi. Extat apologus de erinacio, qui uoluit uulpi μυροσόβης esse: Ferunt Hispanis muscarum multitudinem signum pestis esse. Vide Mercurialem lib. 4. Var. lect. cap. 14 Improbilas muscæ ab Homero Iliad. ρ describitur:

ἥτε καὶ ἐργομένη μάλα περ χροός ἀνδρομένοιο,
 ἰσχανάα δακίειρ. Μύωπις, roßfliegen.

Scolopendra uel centipeda: discissa longo tempore uiuit, ut pleraq; longa insecta, πολυποδα: & pars abscissa tam caudam, quam caput uersus mouetur.

DE INSECTIS AQUA-
tilibus.

Hirudo, *Salina*, sanguisuga à sugendo, *Egel*.
 Vbi semel hæserit corpori, nulla ratione po-
 test reuelli, donec suctu sanguinis expleta de-
 cidat. Linguam habet bisulcam ac fistulatam,
 quam penitus infigit cuti. Meminit Plin. lib.
 11. cap. 34. atq; inibi de altero quodam anima-
 li, cui nomen non sit, quod semper infixio san-
 guini capite uiuat, donec nimia satietate de-
 hiscat, & ipsi immoriens alimento, cum cibi
 non sit exitus. Vnde Horatius:

Non missura cutem nisi plena cruoris hirudo.

Tipulæ, *ou æonæidæ*: ex his fiunt culices mu-
 liones, *Wasserspinnen*.

Scolopendra marina.

Hippocampus.

DE INSECTIS REPTILIBVS

¶ Vermibus.

ῥάξ & ῥάγιον, acino nigro similis, ore minimo sub aluo, pedibus breuissimis tanquam imperfectis: dolor à morfu eius qualis ab ictu scorpione: *kleine schwarze spin; rund wie ein weinbeer.*

Stello, ἀστειον: albis seu stellatis uirgulis distinguitur: *kleine spectliche erdspinnen.*

Caruleus, lanugine nigra: caliginem concitat & uomitus.

Phalan-
gia quo-
rum ge-
nera 7.

Muscarius, ἀρώςης: uenatur muscas telis in pariete latissimè expansis: *fliegenfanger.*

σφίκαρον & δυσδλναι: à difficili pugna denominatum est, inimicum uespis: à crabronibus penna tantum differt.

μυρμήκαρον, capite formicis similis: aluo nigra: albis guttulis distincta. Vespisum dolore infestat.

Cantharidibus similis.

Arane-
us, ἀ-
ράχνη.
Eius 3.
genera

Lupinum, ὀλκον καὶ λυκαρον:
eius species duæ

Vna non texit, λυκα ὁ μικρός.
Alter ad sepes. texit, lanu-
ginosa, grandi capite, λυ-
κα ὁ μέγας: *gaunspinnen.*

Anonymum: sapientissimum omnium & artificiosissi-
mum in texendo: unde prouerb. Araneorum telas texere.

Ἄκασι animalculum quod in uetusta cera de putredine humoris aquei reliqui post aëreū humidum attenuatum & penè absumptum gignitur.

Bombyx, *seidenwurm*: uermiculus tenuissima fila ducēs. Eius uaria est μεταμόρφωσις. Nam ut Clemens Alexandrinus scribit, è bombyce uerme existit hirsuta & alba campe seu eruca: inde tertia metamorphosi nouus gignitur foetus, qui bombylius uocatur: ex bombylis necydali: ex necydalis sex mensibus uicissim bombyces. De Bombycibus eleganter scripsit Hieronymus Vidas: ex quo nos summatim quædam subducemus.

In Bom-

In Bombycibus consider.

Generatio
& educa-
tio, in qua
consider.

Sedes seu subiectum.
Aetas seu uita.

Quando.
Per quē &
quomodo.
Quamdiu.

Causæ { Procreantes. Excubatio.
Conser-
uantes. {

Locus seu tabulatum.
Separatio & coloniz.
Pastio.
Purgatio tabulati.

Effecta { Somnus.
Renouatio pellis: Arrestio.
Opus.
Adiuncta, Mors.

Corruptio ex oppositis malis, eorumq; defensio.
Lectio.
Metamorphosis.
Reparatio.
Serificationis labor.

SEDES BOMBYCVM.

Bombyces apud nos in tectis alūtur: apud
Seres in syluis erant: unde Vida:

—postquam homini diuini est muneris usus
Traditus, in tectis, atq; intra septa domorum
Syluestres tineas alere atque impendere curam
Cœpit: opes multi hinc ad summas emergere.

Quamuis esse aliquas etiam nunc fertur in oris
 Longè alijs gentes, quæ nondum in tecta relatas
 Per lucos errare sinunt, nulloq; labore
 Fila suo carpunt oneratis mollia ramis.

ÆTAS ET VITA TRIMESTRIS.

Principio ne te lateat quæ tradita agenda
 Sint illis uitæ spacia: Breuis omnibus ætas,
 Vix ulli Lunæ completur tertius orbis,
 Et nunquam ex sese prolem uidere creatam.
 Intereunt omnes, pecus occidit omne quotannis,
 Et cunctam euertunt fera fata ab origine gentem.
 Immortale tamen restat genus his, neq; morti
 Est penitus locus, æternum nam semina durant.

EXCVBATIO IPSO PLENILVNIO FIERI

debet, & cum morus germinat.

Ne uerò ante diem, sed tempestiua creata
 Sit soboles, ueto ne reuoces in luminis oras
 Progeniem extinctam, attonsis cum gramina campis
 Nondum ulla, aut frondes apparent arbore nullæ
 Ante noua incipiat morus reuirescere sylua,
 Néue fames teneris, néue obsint frigora alumniis.
 Ipsi etiam agricolæ morum, ne tempora fallant,
 Obseruare solent: nam cum sese illa uirentem
 Induit in frondem, nostris tum protinus oris
 Excessisse hyemem & manes abiisse sub imos
 Nil dubitant: nec seua ultra pecoriue satisue
 Frigoraue, glacienuē timent, canamq; pruinam.

Præterea tibi Lunæ gelidæ incrementa
 Sunt seruanda, senescentis fuge tempora leuæ.
 Nec tum etiam liquidis cum sese nuper ab undis
 Extulit Oceani, pallentesq; humida uultus
 Ostentat gracili incedens per inania cornu,
 Vtile erit teneros ouis excludere foetus.
 Expecta cum plena animis, cum lumine largo
 Solis ab igne tumens, altumq; per æthera uecta
 Carpit iter, fratremq; audet se attollere contra.
 Tum fas foeturae, tum iustum incumbere tempus,
 Quandoquidem ualidas crescentia lumine uires
 Semina concipiunt genitalia: tum fauet æther,
 Maioremq; trahunt nascentia membra uigorem.

PER QVEM FIAT EXCVBATIO.

Quo foueas autem pacto: mos ipse fouendi
 Haud simplex. Sunt quæ calido sub sole relinquunt
 Oua, recens donec foetus in luminis auras
 Prodierit: tu conde sinu uelamine tecta,
 Nec pudeat roseas inter fouisse papillas,
 Si te tangit honos & flauis gloria fili.

EXCVBATIO TRIDVO FIT: TERTIO

enim die uermiculi apparent.

Cumq; dies alterq; dies processerit, ecce
 Cernere erit formis animantia seruere miris.
 Ecce sinu incipiunt tepido calefacta moueri
 Semina, iam uisenda nouis animalia formis
 Irrepunt, passimq; albis mantilibus errant.

LOCVS ORIENTEM ET OCCIDENTEM
spectans: & tutus ab auibus
& muribus.

Interea populis sedes, & tecta futuris
Ipsa nouare iube, tabulataq; uicta senecta.
Non aptæ sine sole domus, sine luce penates.
Sed duplices recta lumen regione fenestræ.
Admittant, quarum surgentes altera Phoebi
Spectet equos, fessos contra altera, iamq; cadentes.
Tum uitri pelluentes opponere quadras
Hinc atq; hinc iubeo, lini aut firmissima texta,
Ut neq; concutiant uenti, neq; nubila nimbis
Conspergant, obsitq; intus penetrabile frigus.
Tuq; etiam, uariæ ut nequeant irrepere pestes.
Parietis antiqui uitiam ne negligesignis:
Sed calce aut creta linito.

SEPARATIO ET COLONIA.

Nec uerò iam tum hæc thalamis sublimibus infer,
Exiguus primùm capiet sobolem locus omnem,
Corpora deinde auctæ cunabula prima relinquent:
Tum cunctam in populos & uicos diuide gentem,
Diuisisq; dabis sedes, secretaq; regna.
Nec satis hoc semel: at quoties his arcta uidebis
Esse domus spatia, augentur dum corpora cuiq;
Has toties legere, inq; nouas diducere sedes
Ne dubita, donec tabulas impleueris omnes.

PASTIO.

1. Quis debeat pascere; idq; statim ut natæ sunt.

Nec tamen interea paruas non pascere oportet:
 Ut primùm hauserunt cœli auras, pabula poscunt.
 Sed prodest, nondum thalamos experta puella
 Prima manu tenera teneras si pascat alumnas.

2. Quo debeant pasci scilicet folijs mori.
 Primam autem mori pubem atq; tenerrima semper
 Quæq; legunt, dum grex tener est, atq; inscius æui.
 Continuo ueterum ueluti memor ille parentum
 Agnoscit uescas frondes, ipsasq; recentes
 Deposcit.

3. Quando pabula legenda.
 Mane petunt igitur syluas & quæq; reportant
 Pabula lecta die famula.

4. Quomodo pascendæ: fugienda satietas & fames.

Protinus emergunt tineæ, folioq; iacenti.
 Victrices super asistunt, omnisq; iuuentus
 Vescitur, atq; quidè dapibus implentur opimis.
 Nec mora nec requies, properât, & grandia morfu
 Attendent folia emensæ, redeuntq; iterumq;
 Incumbunt, longam nequeunt explierier aluum,
 Dum superant frondes, & plenæ pabula mensæ.
 Tuq; idèò parcis epulas moderare canistris,
 Terq; die tantum pascès: nam prodiga cunctam

Si frontem simul effundas, sine more, dapesq;
 Accumules, mensasq; oneres, auertitur ultro
 Ingratam, saturum morum pecus, atq; repente
 Ipsa parit largi fastidia copia uictus.
 Sed ne longa fames noceat tamen aspice prudens,
 Dum nimium differs epulas & gaudia mensæ.
 Nam soliti impastis si desit copia uictus,
 Nulla mora est, miseræ macies deformat iniqua.

5. Mutatio pabuli.

Quin etiam haud parui mutari pabula refert.
 Est bicolor morus, bombyx uescetur utraq;
 Forte etiam si deficient folia omnia mori,
 (Orandâ superi eueniant ne talia nobis)
 Si tamen urgeris, conscendat robora pastor
 Vlmea per sylvas & summa cacumina carpat.
 His etenim arboribus multum est affinis origo.

6. Pabulum sit siccum.

Illâ quoq; in primis cura est, ut pabula semper
 Sicca legant, nullaq; fluant aspergine sylvæ
 Aut pluviæ, aut roris nocturni: quippe uenenum
 Sepe fuit quamuis tenuis bombycibus humor.
 Nunquam igitur, cum nox horis silet intempestis
 Accedant syluam; expectent dum gurgite Eoæ
 Tethyos exierit, sursumq; eduxerit omnem
 Collectum noctis humorem purpureus Sol.
 Et iam tres scandens supera alta peregerit horas.

Purgatio

Purgatio tabulati.

At labor interea famulas exerceat alter.
 Cura sit hesternæ semesas tollere mensæ
 Reliquias, tabulisq; immundam auertere uentris
 Proluuiem: manè antè, pecus quàm pabula gustet,
 Tergendæ sedes & gramine peruerrendæ.
 Tum Bacchi irrorant gratum benè olentis odorem,
 Purgatisq; abigunt tabulis tristem omnibus auram.
 Hinc leuiter digito medicatis sedibus omnes
 Traducunt coetus latus melioribus auris:
 Nec super extremas errare licentius oras
 Permittunt: semper media ad penetralia cogunt
 Præcipientesq; timent lapsus, altasq; ruinas.
 Huic generi facilis lethi uia.

E F F E C T A.

Somnus triduanus post pastum.
 Sæpè etiam impastas auerti pabula cernes
 Sopitasq; graui ueluti torpere ueterno
 In tabulis: hîc parce metu, ne corpora morbus
 Forte aliquis: gentemq; lues inuaserit ægram.
 Hunc illis morem, natura hunc ipsa soporem
 Addidit, indulgent somno, stratisq; quiescunt.
 Sopitisq; dies alter transibit & alter.
 Cùm uerò expulerit noctem lux tertia rebus,
 Consurgent, lætæq; ad pabula nota redibunt.
 Ergo illas tumidas iubeo obseruare: nec ingens
 Nosse labor, ne improuisus sapor occupet: ultro

Signa dabunt ipsæ: cœlo capita ardua tollent
 Arrectæ, spernentq; dapes: tum pigra notabis.
 Corda, animos resides, insueta silentia mensis.

VIGILANTES A DORMIEN-
 tibus separandæ.

Non tamen adueniet somnus simul omnibus idem.
 Cura sit interea insomnes legere atque uagantes,
 Secretasq; alijs aliam citò transfer in aulam.
 Sopitæ stabulant simul: his par omnibus ætas:
 Vna operi incumbunt, & eodem tempore sese.
 Artubus exoluent supera ad conuexa uolantes.

2. Renouatio pellis terna.

Dumq; Deus stratis, thalamis'ue silentibus ales
 Regnat lethæo perfundens corpora rore,
 Pabula subtrahito solita, frondemq; negato.
 Nam tumidæ interea, renouant torpentia alumnæ
 Corpora, & exuias ueteres ac tegmina ponunt,
 Et nitidam induitur pubes renouata iuuentam.
 Annuus hic angui mos: at bombycibus ipsis
 Ter pigra, dum uiuent, renouabit corpora somnus.

3. Arrectio.

Iamq; age, iam grandes foetus, iam ducitur ætas
 Vltima, turgenti filum tralucet in aluo
 Omnibus, accingunt alacres, operiq; parant se:
 Pabula iam saturæ fugiunt: noua querere regna
 Ardor agit: tollunt oculos, arrectaq; terga:
 Omnia uestigiant latè loca, sicubi rami

Arbuti, per quos possint sua tendere fila.
 Tum simulæ properare, omnes prouisa parare
 Sarmenta, & steriles tectis inferre genistas.
 Ipsæ etiam manibus secernunt grandia natu
 Corpora iam matura operi, iamq; apta labori,
 Per ramosq; locant arentes agmina densa.
 Summotas alias arcent, dum funditus omnes
 Corporeæ excedant labes, ac temporis orbe
 Perfecto, sua cuiq; dies exemerit omnem
 Alui insynceræ illuuiem, purumq; relinquat
 Lanicium & fili tralucens simplicis aurum.

4. Opus & serificium per nouem dies.

Cum demum tabulis passim sarmenta relictis
 Complerunt omnes: perq; atria uirge a lætæ
 Exercentur, & effundunt quæ sita per æuum
 Stamina ditis opes uteri, suspensa q; densos
 Fila regunt inter ramos atq; ordine ducunt.
 Mille legunt releguntq; uias, atq; orbibus orbes
 Agglomerant, cæco donec se carcere claudant
 Sponte sua: tanta est edendi gloria fili.
 Mox autem clausæ interius circum undiq; lecta
 Stamina condensant, teretisq; oui instar opus fit.
 Nullæ operum immunes: est omnes cernere passim
 Noctes atq; dies niti præstante labore,
 Et quasi de palma summas contendere uires,
 Dum nouies roseus se lauerit æquore Titan.

Quædam adeò (uisu miserabile) sæpè repertæ,
 Dum tendunt superare alias, instantq; labori,
 Vitam opere in medio clausæ sub nocte dedisse
 Ante diem ab misere: iacuit labor interruptus.
 Parua mora est tamen: ut se aliæ inclusere latebris
 Extremoq; manum summam imposuere labori,
 Exhaustæ intereunt omnes, terrasq; relinquunt.

CORRUPTIO EX OPPOSITIS MALIS

& eorum defensio.

1. Causæ morbi.

1. Aëris iniuria: quæ pellēda est igni & fornacibus: fenestræ etiam aperiendæ cum lucidus est æther & uentorum tranquillitas.

2. Mori baccæ immaturæ.

3. Oleum.

4. Lîquor, præsertim falsus: ideo tabulata custodienda ne aspergine ab inuidis inficiantur.

5. Strepitus & sonus. Inualidas sæpe exanimat leue murmur alumnas.

6. Iactatio & assidua contrectatio. Pueri itaq; arcendi & ludificandi, terrendiq;.

7. Fœtor & grauis anhelitus comesti alijs, cepæ, porri.

2. Indicium morbi.

Protinus clucet languentibus aurea pellis.

Deinde

Deinde tument, turpisq; animis ignauia uenit
 Desidibus tandem rumpuntur & omnia tetro
 Inficiunt tabo: sanies fluit undiq; membris.

3. Cura morbi.

Nil adeò tinea fuerit praesentius aegris,
 Quàm subito è medio, iucundo lumine cassas,
 Tollere, ne totam perfusa cadauera tabo
 Latius incestent miserando funere gentem.

LECTIO.

Lectio est uel	{	Serici {	Crassioris.
			Generosioris.
		Seminij.	

Iam promissa dies terris lucem intulit almam,
 Iam, licet, ingredi, artificum mirare laborem
 Egregium, mirare artes, ut pendula ramis
 Omnibus haerunt uarij glomeramina fili.
 Qualiter autumnus primo cum frigore in hortis
 Arboribus pendent haud uno poma colore,
 Sic haerent nitidi uario discrimine ramis
 Folliculi, sunt quæ uiridem traxere colorem
 E' folijs, quæ depasta est Saturnia bombyx,
 Fila auri quædam, electriq; simillima puri:
 Omnibus est reliquis color albi uelleris instar.
 Ergo ubi per ramos iram perfecisse laborem
 Clausas quamq; suum, uigili exploraueris aure.

Atque ubi nec strepitus, nec uim datur amplius ullam
 Audiri, sed iam motus requieuerit omnis,
 Pelle moram, exonera ramos, impone canistris.
 Carpe utraque manu & famulas properare iubeto.

Lectio serici crassioris ceu stuppæ.

Primus deinde labos extrema & inutile quicquid
 Lanicij detraxe, & luxuriantia circum
 Vellera, quæ stuppæ ueluti nodosa puellæ
 Ruris pensa trahunt torquentes pollice fila.

Lectio serici generosioris.

Hinc triplex delectus erit, meliora Deorum
 Imponunt aris, aliqua in spem gentis, & anni
 Venturi ad sobolem seruant de more creandam.
 Cætera dein uarios deuoluunt uestis in usus.

Lectio seminij.

Quæ uerò in generis spem uis seruare caduci,
 Deligito ex omni numero: neglecta quotannis
 Degenerant proles magis ac magis, atque propago
 Deterior tibi semper erit labentibus annis.

Sed non ob sobolem multos seruare necesse est
 Folliculos: capitem multorum semina partu
 Vna dabit mater, centum quæq; oua relinquet.

Folliculus suspendendus filo.

Quos igitur foeturae habiles, prouideris, omnes
 Connectes ducto per acus uestigia filo.

Sed parcens leuiter terrebrato, extremaq; tantum
 Tangito acu tenui, ne inclusa cadauera ferro

Ah uio-

Ah uioles, & res enertas funditus omnes.
 Repositio in cella uel specu subterraneo.
 Post hinc consertos ita frigida sub loca conde,
 Aut Bacchi in cella sub terram, aut sicubi montis
 Exesi specus ardenti impenetrabile Phœbo,
 Ne calor absumat defuncta cadauera uita.
 Fata dabunt quibus ad iucundum surgere lumen
 Rursus, & in paruas uolucrum se uertere formas:

Μεταμorpφωσις in papiliones post deci-
 mum fati diem.

Cùm primùm cœlo stellas aurora fugarit,
 Et decies roseos Sol lauerit æquore currus:
 Protinus erumpit (uisu mirabile monstrum)
 Alitis in parua bombyx collecta figuram
 Et noua se rerum facies mirantibus offert.
 Nam quæ longa fuit tineæ olim, fit leuis alis
 Papilio, tineæ pallentes concolor artus.
 Cornua mirantur fronti, mirantur & alas,
 Et uires nil supra audent tentare priores,
 Diffisi, memoresq; sui, sed tum neq; gustant
 Pabula, nec uita quærunt alimenta prioris.

Collocatio papilionis in tabulam.

Idcirco aligeræ, neq; frondem suffice genti
 Incassum, neq; potandos admoueris amnes.
 Carpe manu resides & funibus insidentes,
 In tabulamq; refer stratam uelamine molli.

NN

Con-

Concubitus papilionis triduanus.
 Quippe ubi subtracto se rursus ad fata uocari
 Senserunt uictu, turbantur: tum simul omnes,
 Attoniti dubijs properant succurrere rebus:
 Concubitu indulgent omnes, ut semina gentis
 Munere defuncti uitæ post fata relinquant,
 Et seruare genus ualeant, stirpemq; lueri.
 Ille suam tenet, illa suum, dulciq; fruuntur
 Amplexu: caudis ambo per mutua nexis.
 Instant & ualidis iuncti compagibus hærent.
 Nec Veneris breuis usus erit, uidere reuincti
 Quartum sæpè diem: nec quas legere relinquant,
 Donec uterq; cadat: neq; enim si uiribus haustus
 Mas prior occiderit, longum tamen ipsa superstes
 Fœmina erit: sed ubi concepta effuderit oua,
 Nulla mora, amplexu nondum diuulsa sequetur.

Lectio seminis.

At uerò quæ infusa uides mantilibus albis
 Semina, ceu milij exigui tenuissima, coge:
 Hæc tibi post annum sobolis spes certa creandæ
 His etenim sese reparat moribunda quot annis
 Seminibus, sobolesq; uenit noua semper ad auras
 Abde domo: his aptam super omnia delige sedem,
 Quo neq; sint aditus torrenti æstate calori,
 Nec Boreæ bruma in media: contraria uis est
 Vtraq; seminibus seruandis.

Reparatio amissarum bombycum.

Quod si spes generis defecerit omnis ubiq; Se-

Seminaq; aruerint Iouis implacabilis irā,
 Sicut apes, teneri reparantur cæde iuuenti
 Hic super accedit tantum labor: ante iuuentus
 Bis denosq; dies, bis denasq; ordine noctes
 Graminis arcendus pastu: prohibendus ab undis
 Interea in stabulis tantum illi pingua mori
 Sufficiunt folia & lactenti cortice ramos.
 Viscera ubi cæsi fuerint liquefacta, uidebis
 Bombycem fractis condensam erumpere costis,
 Atq; globos toto tinearum efferuere tergo,
 Et ueluti putres passim concrescere fungos.

Semen annuum.

Quod superest, moneo generis tibi semina sunt
 Annua: degenerant supra annum condita, & inde
 Omnis abit uigor, atq; intus uitalis hebet uis.

Serificationis labor in folliculis doman-
 dis, filis nendis & texendis.

Tum uerò letas exercent fila puellas:

Folliculos primum domitant feruentibus undis,

Filaq; deuoluunt nigris fumantia abenis:

Tum currente rota torquent, eademq; retorquent,

Stamineq; implicito cura est dissoluere nodos.

Hinc uocat extremum tandem textura laborem.

SVMMA SVPERIORVM CAR-
 minum ex Zwingero.

Admirabile creatoris in abiectissimo ani-
 malculo artificium est. Vermis primum est,

folliculo inclusus emoritur informis. E' folliculo denuò prodit alatus papilio. Itaq; insectum reptile in uolatile per mediũ Zoophyton motus atq; sensus expers, admiranda metamorphosi cõmutatur. Nam cum primum ouo exclusus est uermiculus, alimenta quærit copiosa: quibus auidè depastis, capitis crebra arrectiõne cum ueterno ueluti luctans tandè obdormiscit triduum uel quatríduũ: pelleq; interea exutus ad consueta redit alimẽta. Cũ ter pastus, ter obdormiens, ter pellem renouarit (nisi interea morbo intereat: cuius indicium, si aurescat, si tumeat & ad motum, pabulumq; segnis reddatur, rupturæ proximus) spreto deinceps pabulo sublime petit & uirgultis cõscensis, aluo ritè purgata, lanificij rudimenta inconditis primum mæandris per ramos exercet: mox folliculo inclusus pellucido, indefessi laboris fructum è centro ad circumferentiam protrudit filum album, uiride, flauum, ouali figura, cum æqualibus ueluti certans, nouem dierum spacio: absolutoq; operi immoritur. E' folliculo, loco subterraneo deposito, papilio post decimũ diem prodit cornutus: sed alarum, alimentiq; immemor, breuis qui iacturã foetificatione reparaturus, molli impositus uelleri, concubitu perpetuo per triduum, rarius per quatríduum, foemina connexus, emoritur: nec multo post uidua, relicto

fito post se instar granorum milij femine centenario ferè, mariti fata sequitur. Semen loco temperato depositum, per hyemem asseruandum: nec prius quàm morus germinare cœsperit, inter papillas muliebres uitali cōcepto spīritu animandum est. Par miraculum est in apibus, de quibus ideò hoc loco scribere constitui: quanquam supra in alatis insectis proprius his locus fuit.

DE MELITTURGIA ET APIBUS.

Apes mella ex rore aëris, siderū exortu potissimum & arcus cœlestis incubitu contrahunt, ait Aristot. lib. 5. cap. 22. μέλι τὸ πύλλον ἐκ τῆς αἰθρῆς, καὶ μάλιστ' αὐτῶν ἀστράων ἐπιτολαῖς, καὶ ὅταν λατ' αὐτὴν φέει. Plinius libro 11. capite 12. Venit hoc, ait, ex aëre & maximè siderum exortu: præcipueq; ipso Sirio exsplendescēte fit, nec omnino prius Vergiliarum exortu sublucanis temporibus. Itaq; cum prima aurora folia arborum, melle roscida inueniuntur: ac si qui matutino sub dio fuere, unctas liquore uestes, capillumq; concretum sentiunt: siue ille est cœli sudor, siue quædam siderum salua, siue purgantis se aëris succus: utinamq; esset & purus & liquidus & suæ naturæ, qualis defluit primò. Nunc uero è tanta cadens altitudine, multumq; dum uenit, sordescens & obuiio terræ halitu infectus: præterea è fronde & pabulis potus & in uterculos congestus apum (ore e-

nim uomunt) ad hæc succo florum corruptus
& alueis maceratus, totiesq; mutatus, magnā
tamen cœlestis naturę uoluptatem affert. Ge-
nera mellis duo sunt: Vernum & Aestiuum:
cuius generis est mel illud, quod horæum uo-
catur, à tempestiuitate præcipua, ipso Sirio
ex splendescente, post Solstitium diebus 30 fe-
rè. Immensa circa hoc subtilitas naturæ mor-
talibus patefacta est, nisi fraus hominum cun-
cta pernicię corrumpere. Nam ab exortu si-
deris cuiuscunq;, sed nobilium maximè, aut
cœlestis arcus, si nō sequantur imbres, sed ros
tepescat Solis radijs, medicamenta non mella
gignuntur, oculis, ulceribus, internisq; uisce-
rib. dona cœlestia. Vide Plin. lib. 11. ca. 14. 15. 16.



DE APIARIO.

Apiarium est sedes seu subiectū apum so-
lum: Græcis *μελισσῶν καὶ μελιτροφῶν*: Latinis e-
tiam mellarium & aluearium. Ab eo abesse
debent. I. Venti. Nam pabula uenti Ferre
domum prohibent. Sic Palladius lib. i. iubet
Apiariū in hortī parte secreta cōstitui & apri-
ca & à uentis remota. I I. Pecora, ut oues, hœ-
di & boues. Inimicæ uerò sunt etiā oues api-
bus: quia difficulter se ab earū lanis explicant.
Plin. lib. ii. cap. 18. I I I. Serpentes & lacerti
picti terga: id est, stelliones, qui lacertis similes
sunt, tergo circulis quibusdam depicti, lucen-
tibus guttis, ad modum stellarum. Lacerti no-
minatim à Columella lib. 9. cap. 7. & à Pallas-
dio lib. i. inter hostes apum nominantur. I I I I.
Aues, ut merops & hirundo. Aristot. lib. 9. hi-
storix animalium cap. 40. inter apum hostes
numerat uespas & auículas, quas Paros uo-
cāt: item hirundines & meropas, ranas luta-
rias & rubetas: *ἀδινῶσι αὐτὰς μάστιγι αὐτὴ σφῆκας καὶ
οἱ αἰγίθαλοι καλέμηναι τὰ ὄρνεα: ἔτι δὲ χελιδῶν καὶ μεροψ.*
& paulo post: *καὶ τὰς σφῆκας καὶ τὰς χελιδῶνας τὰς πη-
σίον τῶν σμύλῶν ἔξαρῶσι καὶ τὰς τῶν μερόπων νεοτίδας.*
Plinius libro undecimo, cap. 18. addit crabro-
nes, miliones & culicum genere. Duo aut sunt
Vesparum genera: Feræ, & placidiores. Inter
utrasque quædam duces sunt, quæ præeunt cæ-
teras, uocanturque *μήτραι*: id est, matres: quædam

operariæ & laborant (fauos, nidosq; fingendo ut apes, quanquam steriles) & ducibus seruiunt atq; administrant necessaria. Est & Vespillum genus, quod *ἰσθ* & *μυελίπτε* Græcis dicitur.

Iuxta aluearium debent esse ea, quæ præbeant potum & pabulum. Aqua itaque adsit pura & ponticulis distincta: Apis nulla putridis assidet, nec utitur alio cibo quàm dulci: aquam etiam inde libentissimè hauriunt, quâ synceri, clarissimiq; fontes scaturiunt: Aristot. lib. 8. historiæ cap. 11. Diligenter habenda cura ut aqua sit propinqua & pura, quod ad melificium uehementer prodest. Varro lib. 3. cap. 16. Sine aqua, neq; mella, neq; faui, neq; pulli deniq; figurari queunt: Columella lib. 9. cap. 5. Sit autem tenuis, ne altitudine ascēdat duos aut tres digitos. Varro ibid. Ponticulis autem distincta debet esse aqua, quò facilius apes aquantur & siccentur ad solem: & sic Varro iubet testas aut lapillos, in aquam iacere, ita ut extent paululum, ubi assidere & bibere aquas queant, quod Columella libro 9. cap. 5. repetit & Pallad. lib. 1. Pabulum præbent apibus cum arbores ut palma, aut oleaster: tum stirpes, ut casia, serpyllū, thymba grauius spirans. Arist. libro 9. *περὶ φυτῶν ἰσοείας*: *φυτνάων δὲ συμφέρεται περὶ τὰ μελίων, ἀχράδας, πυάμους, πόαν, μηδικὴν στείαν, ἄχρεος, μνῆ-ρίν, μύκηνα, ἔρποντον, ἑμνυθάλιν.*

1. *Fabrica.*

Alueus fiat ex materia duplici, cortice scilicet arboris & uimine. Varro libro 3. cap. 16. & Columella lib. 9. cap. 6. addunt è ligno ferulæ, fimo, lateribus: subere etiam fictiles alueos faciunt: optimas esse corticeas aiunt, deterrimas fictiles. Foramina autem fiant parua, dextra ac sinistra, in media aluo, in quæ introeant apes. Varro lib. 3. cap. 16. Columel. lib. 9. cap. 7. copiosius id exprimit: Frigus ignauiam creat, propter quod etiam foramina quibus exitus aut introitus datur, angustissima esse debent, ut quam minimum frigoris admittant: ea quæ satis est ita forari, ne possint capere plus unius apis incrementum. Sic nec uenenatus stellio, nec obscœnum scarabei uel papilionis genus, lucifugæ quæque blattæ, per laxiora spacia ianuæ, fauos populantur, atque utilissimum est pro frequentia domicilij duos uel tres aditus in eodem operculo distantes inter se fieri contra fallaciam lacerti, qui uelut custos uestibuli prodeuntibus inhiat, apibus affert exitium: ea quæ pauciores intereunt, cum licet uitare pestis obfidia per aliud uadentibus effugium. Diligenter autem oblinendus est alueus. Columel lib. 9. cap. 14. Quicquid deinde rimarum est aut foraminum luto & fimo bubulo mistis illinemus

extrinsecus, nec nisi aditus, quibus cōmeat, relinquemus.

2. Ordo alueorum.

Varro. Eas aluos ita collocāt in mutulis parietis, ut ne agitētur, ne ue inter se contingant, cū in ordinem sint positæ: sic interuallo interposito alterum & tertium ordinem infra faciunt: Columel. libro 9. cap. 7. Debebit lapis deus suggestus extendi per totum apiarium, in tres pedes altitudinis totidemq; crassitudinis: isq; sic extructus, diligenter opere tectorio leuigari: ita ne ascensus lacertis aut anguibus, alijs'ue noxijs animalibus præbeatur.

3. Contrariorum remotio: ut sunt.

I. Taxi. Nominatim uerò taxi repudiantur à Colum. lib. 9. cap. 4. Palladius lib. 1. ait: absint & herbæ, tithymallus, helleborum, taspia, absynthium, cucumis agrestis & omnis amaritudo, conficiendæ aduersa dulcedini.

II. Cācri adusti. Arist. lib. 9. historiæ cap. 40. Mundissimū omniū hoc animal est: quāobrem sæpenumero cū alui est necessitas, auolant & in secessu reddunt excrementum, oderunt non solum foedos odores: sed etiam unguentorum delicias: ex quo fit ut homines his delibutos percutiant. Idem. Varro ait lib. 3. cap. 16. & Columel. lib. 9. cap. 5. & Plin. lib. 11. cap. 18.

III. Odor palustris cœni Pallad.lib.1.

IIII. Cauæ rupes & argutæ ualles. Plin. lib.11. cap.19: Inimica echo est sono, qui pauidas alterno pulsatictu, Colum. Varro libro 3. cap.16, Pallad.lib.1.

DE MELLIFICIO.

Tempus. Apes quiescunt & latent à Vergiliarum occasu, nec ante fabas florêtes exeunt ad opera & labores. Aristot.lib.8.hist.cap.14. Plin.lib.11.cap.6.

Ordo naturæ. Nam ut scribit Plin. lib.11. capite 6. Primò fauos construunt & cerā fingūt, id est, domos, cellasq; faciunt. Secundo sobolem. Tertiò mella faciunt. Idem Aristot. tradit lib.5. hist. cap.22. Primò fauos construunt & conficiunt è floribus. Ceram fingunt ex lachrymis arborum. Secundo foetum collocāt: more emittens suo, ut ijs placet, qui censent aliunde prolis primordia conuehi. Tertiò cibi causa mellificant tam æstate, quàm autūno: sed melius mel autumnale est. Mella ex rore aëris, syderum exortu potissimum & arcus cœlestis incubitu contrahunt. Omnino ante Vergiliarum exortum mel non fit. In mellificio autē fundamentū quadruplex est. I. est Commosis, crusta nigra, saporis amari, unde primum tectorium. II. Est Pissoceros, picatium modo ceu dilutior. Gaza uertit picatum cerum, is fit ex lachrymis arborum, que
glu-

glutinum pariunt, ut salicis, ulmi arundinis: succo, gummi, resina. III. Propontis, crassioris iam materiæ, nondum tamen cera, sed fauorum stabilimentum. IIII. Fauus, qui fingitur multiplicatus e cera. Erithace, uel sandaraca, uel cerinthus apud cibis, dum operantur, amari saporis, quo faui externi inter se conglutinantur. Arist. lib. 9. hist. cap. 40. Varro lib. 3. cap. 16. Plin. lib. 11. cap. 7.

MIGRATIO EXAMINIS.

Tempus. Tunc uniuersæ prouolant, si dies mitis futurus sit: prædiuinant enim uentos, imbresq; & tunc se continent rectis. Itaq; temperie cœli (hanc enim inter præscita habent) prorumpunt. Plin. lib. 11. cap. 10.

Indicia & signa deferendi cubilis. Varro: Cum examen exiturū est (quod fieri solet cum adnatæ sunt multæ & progeniē ueteres emitte-re uolunt in coloniam) duo solent præcedere signa. Vnū quod superiorib. diebus maxime uespertinis, multæ ante foramen, ut uuæ, aliæ ex alijs pendent conglobatæ. Alterum quod cum iam euolaturæ sunt, aut etiam inceperunt, consonant uehemēter: proinde ut milites faciunt, cum castra mouent. Plin. lib. 11. cap. 20. Cum migrandum est, uox solitaria & peculiaris quedam aliquot antè diebus intus mittitur & biduo aut triduo paucę circum alueum uolant. Collectæ iam euolāt & per singulos

gulos reges diuiduntur: & si fortè paucae prope multas consistunt, concedunt ipsae ipsae ad plures, ac regem quē reliquerunt, si sequatur, interimunt.

RETENTIO EXAMINIS.

Per sapes apiastri (quod *μελίφρουρον* & *μελιθόφρουρον* dicitur) & cerintha.

Per Musicum. Aristot. libro 9. hist. cap. 40. Tinnitu æris aut fictilis conuocari apes in alueum aiunt, quanquam incertum est an audiant, & id faciant uoluptate, an formidine & terrore. Varro uoluptatis causam uidetur sequi, sicut & Plinius, qui auditum apibus tribuit. Columella terrorem sequitur.

CONTENTIO ET PUGNA

apum.

1. Causa è discordia regum. Hic Homericum illud cernitur:

ὅτε ἀγαθὸν πολυκίραγιν, εἰς κοῖραν ὄϊσιν:

item illud Lucani:

*Nulla fides regni socijs, omnisq; potestas
Impatiens consortis erit.*

Reges autem sex aut septem generantur, ait Aristoteles lib. 5. hist. cap. 21. Apes autem multis de causis & inter se unius examinis sociæ & cum alijs præliantur: de quo Arist. libro 9. histor. cap. 40. Flagrant odio breues cōtra longas, easq; alueis pellere conantur: quæ in pugna

gna si illæ uicerint, optimum ita fore examen putatur: sed si hæ solæ remanserint, otiosæ uiuunt & nihil boni integrè faciunt: pereunt etiam ipsæ antequam autumnus sit. Student bonæ apes quoad fieri potest, nequam intra alueum interimant, & si qua interierit intus, statim foras cadauere ducunt. Qui autem fures uocantur, & suos inuicem fauos offendunt & alienos, si latuerint, subeunt: sed si capiantur, capite puniuntur: nec facile aut latere, aut effugere possunt: sunt enim in quoque aditu custodes, & si quando fur ipse surripere ingressum potuerit, adeo in satietatem repletur, ut nequeat euolare, sed ante alueum uoluetur. Itaque fuga perquam difficilis est. Apes necant uel maxima animalia ictu sui aculei. Iam equus occisus ab apibus est, sed principes minimè irritantur & feriunt. Plinius libro ii. cap. 17. Quod si defecerit alicuius aluei cibus, impetum in proximas faciunt rapinæ proposito: at illæ contra dirigunt aciem, & si custos adsit, alterutra pars quem suis fauere sentit, non appetit eum. Ex alijs quoque sæpè dimicant causis, easque acies contrarias duo imperatores instruunt, maximè rixa in cōuehendis floribus exorta & suos quibusque euocantibus.

II. Signa ex bombo. Hunc igitur morem & apes habent, ait Aristoteles libro 9. histor. cap.

cap. 40. tempore matutino omnes silent, donec una gemino aut triplici bombo excitet omnes: tum uniuersæ ad opus prouolant: cumque redierint, primum item tumultuantur, paulatimque minus subinde strepunt, dum una circumuolitando susurret, quasi dormiendum præcipiat: tum repente omnes conticescunt. Alterum signum ex armorum apparatu est. Binas pennas utroque sui corporis latere gerunt: aculeo etiam omnes arman-
tur.

II. Pacificatio & mitigatio per iactum pulueris: quæ causa communis etiam est ad retinendum non tantum ad mitigandum. Columella libro nono, capite nono: Pugna quidem uel unius inter se dissidentis, uel duorum examinum discordantium facile compescitur, uel iactu pulueris, uel mulso, passo ue, aut alio quouis liquore simili resperso: uidelicet familiari dulcedine sæuientium iras mitigante. Nam eadem mirè etiam dissidentes reges conciliant: sunt enim sæpè plures unius populi duces, & quasi procerum seditione, plebs in partes diducitur. Quod frequenter fieri prohibendum est: quoniam intestino bello totæ gentes consumuntur: duces igitur seditionum interficere curabis. Quod si agmè glomeratū in proximo frōdētis arbusculæ ramo cōsederit, animaduertito an totū examen
in

in speciem unius uuæ depēdeat: idꝑ signum erit aut unum regem inesse, aut certè plures bona fide recōciliatos: quos sic patieris, dum in suum reuolent domicilium. Sin autē duobus uel cōpluribus uelut uberibus diductū fuerit examen, ne dubitaueris & plures proceres & adhuc iratos esse. Itaque succo melissophylli uel apiastri manu illita, ne ad tactū effugiant, leuiter inferes digitos & diductas apes scrutaberis, donec autorem pugnae, quem elidere debes, reperiās. Idē Varro scribit & Plin.

Altera pacificatio est per regis nequioris cecidit. Duo enim sunt genera regum: Vnū melius, ardens maculis auro squalentibus. Alterum deterius, horridum desidia & ingloriū, lato aluo. De his regibus Columella libro 9. cap. 10. Sunt autem ij reges maiores paulo & oblongi magis, quam cæteræ apes, rectoribus cruribus, sed minus amplis pinnis, pulchri coloris & nitidi, leuesꝑ ac sine pilo, sine spiculo: nisi quis fortè pleniorē quasi capillum, quem in uentre gerunt, aculeum putet: quo & ipso tamen ad nocendū non utuntur. Quidam etiam infusci atque hirsuti reperiuntur: quorum pro habitu damnabis ingeniū. Quæ ferè ad uerbum, repetit Palladius in Iunio. Apum quoque inferiorum duo sunt genera. Vnum melius, ardens auro, & fulgore coruscans: alterum deterius & turpe. Columella
apes

apes cum Virgilio probat paruulas, oblongas, leues, nitidas:

Ardentes auro, & paribus lita corpora guttis:
breues, uarias & in rotunditatem compacti-
les, optimas ait esse: deteriores autem quibus
similitudo uestiparum etiamnum deterrimas
ex his pilosas. Aristot. tamen libro nono his-
tor. capite 40. uidetur turpes illas præpone-
re, cum ait: Minores officiosiores sunt maio-
ribus: pennæ his detritæ, color niger, dorsum
repandum: illæ nitidæ, uenustæq; sunt, more
otiosarum mulierum. Et ibidem: Syluestres,
horridiores aspectu & iracundiores, & mino-
res, sed opere ac labore præstantiores. Quod
Plinius nominatim secutus est.

DE FUGA ET EXPATIATIONE

apum cohibenda.

Plinius libro 11. capite 20. Effecto opere, de-
ducto foetu, functæ munere omni, exercitati-
onem tum solennem habent apes, spaciatae q;
in aperto & in altum datae, gyris uolatu edi-
tis, tum demum ad cibum redeunt. Hæc ergo
apum fuga coercetur triplici remedio. I. Si a-
læ regibus exactæ sunt:

—non illis quisquam cunctantibus altum

Ire iter, aut castris audebit uellere signa.

Columella libro 9. capite 19. Qui tamen &
ipse

ipse spoliandus est alis, ubi sæpius cum examine suo conatur eruptione facta profugere. Nam uelut quadam compede retinebimus eronum ducem detractis alis: qui fugæ destitutus præsidio, finem regni non audet excedere: propter quod ne ditionis quidem suæ populo permittit longius euagari. Quod Palladius in Iunio repetit & Plinius libro undecimo, cap. 17. Alæ autem excisæ non possunt renasci, ait Aristot. libro 3. hist. cap. 12. II. Si sterco primogeniti uituli allinatur oribus uasculorum. Pallad. lib. 1. III. E' suauitate florum & foliorum ex plantis & arboribus apiarijs, quibus horti excoluntur: ut sunt casia, serpyllum, thymbra, uiola, melissophyllum, cerintha, thymus, intybum, apium, cucumis, narcissus, acanthus, hedera, myrtus, olus, lilia, uerbena, papauer, rosa, tilia, pinus, ulmus, pyrus, spinus, platanus.

DE MORIBVS APVM: ET IMAGINIBUS uirtutum, quæ in apibus expressæ sunt.

I. Prudentia.

I. Prudentia politica. εἰσι (ὡς ἀγαθὰ, ut ait Arist. lib. 1. Polit. Habent enim communes nates, communia tecta, communes leges, communem patriam. Qualis communio fingitur quinto de Rep. Varro: Hæ, ut hominum ciuitate:

tates: quod hîc est & rex, & imperium & societas. Aristoteli autem lib. 1. hist. cap. 1. ciuiles animantes sunt, quæ laborem communem habent, & quarum labor cōmuni efficitur opera, ut homo, apis, uespa, formica, grus.

II. Prudentia Oeconomica in communi Labore & Quiete. Nam ut Virgilius ait:

*Venturæ memores hyemis, æstate laborem
Experiuntur.*

Omnibus una quies operum: labor omnibus unus.

Labor autem alius est Seniorum, alius Iuuenum. Nam ut Virgilius ait:

— Grandævis oppida curæ.

Aristotel. lib. 9. histor. τῶν μεγίστων, αἱ μὲν πρεσβύτεραι τὰ, εἰσὶν ἐργάζονται καὶ διασκεῖαι εἰσι δὲ τὸ εἶσα μένειν. αἱ δὲ νεαὶ, ἐξωθεν φέρουσι, καὶ εἰσι καότεραι. E' senioribus igitur aliæ intra septa domorum sunt, aliæ ad portas custodiam sortitæ sunt: Ex illis quæ intra septa sunt I. aliæ:

*Prima fauis ponunt fundamina: deinde tenaces
Suspendunt ceras: et fingunt dædala tecta.*

Quantum uerò hîc artificiū sit, copiosè exponit Arist. lib. 9. hist. cap. 40. Plin. libro 11. capite 10. & 11. ubi sic ait: Domos primum plebeis ædificant, deinde regibus. Si speratur largior proventus, adijciuntur contubernia & fucis. His cellarum minimæ, sed ipsæ maiores apibus. Regias imperatoribus futuris

in una parte aluei extruunt amplas, magnificas, separatas, tuberculo eminentes. Sexangulæ omnes cellæ, à singulorum eæ pedum opere. Apis enim (ut ait Varro libro 13. capite decimosexto,) sexangulam cellam sibi architectatur, quot habet ipsa pedes, quod Geometræ ἐξάγωνον fieri in orbe rotundo ostendunt, ut plurimum, loci includatur, quod idem Pappus & geometricè, & copiosè demonstravit in procemio quinti libri. II. Aliæ:

— *spem gentis adultos*

Educunt foetus. —

Qui primò uermiculi sunt (excepto rege, qui penniger nascitur) tum nymphæ, tandem ruptis membranis ouorum modo examen emergit. Foetus autem peragitur intra quadragimum diem. Spectatum hoc Romæ, consularis cuiusdam suburbano, alueis cornulæ ternæ translucido factis. Vide Plinium libro undecimo, capite decimosexto. III. Aliæ purissima mella:

Stipant & liquido distendunt nectare cellas

Quæ uerò ad portas custodiam exercent: aut speculantur aquas & nubila cœli. Apes enim prædiuinant uentos & imbres, ut ait Aristoteles libro 9. histor. προγινώσκουσι δὲ καὶ χαμῶνας καὶ ὕδωρ αἱ μέλιττα. σημεῖον δὲ, ἐκ ἀππέτονται γὰρ, ἀπὸ τῆ ἑνδοαῖας αὐτοῦ ἀναελούνται, ὃ γινώσκουσιν οἱ μέ-

ἰσχυροὶ καὶ χαμῶνα προσδέχονται: aut onera accipiūt
 ienientium. Apes enim seniores ternæ aut
 quaternæ gerulas iuuenes excipiunt atq; exo-
 nerant. Plin. lib. 11. cap. 10. aut ignauum fucos
 pecus à præsepibus arcant. Arist. lib. 9. histor.
 cap. 40. ait apes otiosas & minus parcas à cæ-
 teris tolli. Plin. lib. 11. cap. 11. & 17. Cū mella
 ceperunt maturefcere, fucos abigunt & multę
 singulos aggressæ trucidant. Plin. lib. 11. cap. 11.
 fucos sic definit: Sunt autem fuci sine aculeo
 uelut imperfectæ apes, nouissimæq; à fessis
 & iam emeritis inchoatæ: serotinus fœtus, &
 quasi seruitia uerarum apum. Quamobrem
 imperant ijs, primosq; in opera propellunt:
 tardantes, sine clementia puniunt Hesiodus
 in Theogonia:

ὅς δ' ἐπὶ τ' ἐν σμικρῶν κατηρεφέων μέλισσαι:
 λεγέμεναι βόσκησι, κακὸς ξυνήτορας ἔργων,
 οἱ μὲν πρόπαρ' ἡμᾶρ ἐς ἥλιον καταδιῶτα
 ἡμάτιαι σπινθόσι. τιθεῖσι δὲ λεγεία κενὰ,
 οἱ δ' ἐν ταῦτα μένοντες ἐπιρυφίας κατὰ σίμβλῃς
 ἀπότριοι καμάτοισι σφίτερον ἐς γὰρ ἄμυνται.

Atque hæc de officijs seniorum. Iuniores
 uerò gerulæ dicuntur & foris officium faci-
 unt. Aristot. libro nono histor. capite quadra-
 gesimo. Ceram apes perreptando flores ca-
 piunt priorum acumine pedum: mox priores
 in medios abstergunt, & medios in blæsa po-
 steriorum atque ita onustæ discedunt. Et qui-

dem grauari plerunque onere cernūtur, quoties redeunt: mox apibus, ne florum plura genera petant, uno, eodemq; profectu, sed singulis singula. Verbi gratia, à uiola ad uiolam aduolant, nec aliud attingunt, quousque suum in alueum redeant. Contra uentos se librant lapillis. Plin. lib. 11. cap. 10. Aristot. lib. 9. ὅταν δὲ ἀνιμῶν ἡ μέγας, φέρονσι λίθον ἐφ' ἑαυτοῦς, ἔρμα πρὸς τὸ πνεῦμα. Atq; hæc de labore: de communi quiete Arist. lib. 9. hist. sic ait: ὁρθεῖα δὲ σιωπῶσι, ἕως ἂν μία ἐγείρῃ βομβήσασα δὲς ἢ τρίς. τότε δ' ἐπ' ἔργον ἀθρόα πύκνεται καὶ ἐλθῶσα πάλιν, θορυβῶσι τὸ πρῶτον κατὰ μικρόν δ' ἥπλον, ἕως ἂν μία πειπιτομένη βομβήσῃ, ὥστερ σημαίνουσα λαθὺν δειρ: ἔτ' ἐξαπίνης σιωπῶσι.

II. TEMPERANTIA.

Temperantia & castitas apum est mira, quæ sine concubitu foetus producant: duo igitur in hac generatione consideranda sunt, Modus & Finis.

Quod ad modum attinet, Arist. lib. 5. capite 22. tanquam è floribus semen generis acceptū, in cellas retulerint, sic ait: Foetu posito, incubant auium more: exclusus inde uermiculus dum paruus est, iacet in fauo obliquus: post deinde sua ipse facultate se erigit: cibum que capit & fauo ita adhæret, ut retineri uideatur. Primordium regum colore cernitur fuluo: nec

nec primum ex eo uermiculus gignitur, sed statim apīs. Si quis capita uermiculis demat, priusquam pennas habent, pro pabulo apibus sunt. De quo iterum, sed breuius libro nono, capite quadragesimo. Columella libro nono, capite 2. hanc quæstionem, ut subtiliorem præterit, tanquam ad agricolas non pertinet, at, utrum examina ut cætera animalia concubitu sobolem procreent, an hæredem generis sui floribus eligant (quod affirmat Maro) & utrum euomant liquorem mellis, an alia parte reddant. Hæc enim & similia his, magis scrutantium rerum naturæ latebras, quam rusticorum est inquirere. Studiosis quoque literarum gratiora sunt ista in otio legentibus, quam negotiosis agricolis: quoniam neque in opere, neque in re familiari quicquam iuuant.

Finis est, ut tantæ diligentiae animal perpetuari possit, cum alioqui ætas eius breuissima sit. Nam ut Arist. lib. 5. hist. cap. 22. Vita apum, anni sex: nonnullæ etiam septem possunt complere: quod si examen nouē aut decem annos durauerit, prosperè actum esse existimatur.

III. IVSTITIA.

Iustitia apū est in obseruātia ipsarū erga regē: cuius obseruantiae causam Aristoteles refert nō ad ullam regiae maiestatis reuerentiā, sed ad physicam prolis rationem, quod illum

tanquam marem, non tanquā ducem sequantur lib. 3. de generat. cap. 10. Idem ait Plin. lib. 11. cap. 16. Notæ autem & effectus observantię illius sunt quinque:

1. Concordia ex regis incolumitate. Nā, ut Virgil. ait:

— Regi incolumi, mens omnibus una est:

Amisso, rupere fidem. & Zezes:

μέλιθαι βασιλεύονται, καὶ τάξει διοικῶνται,

οὐδ' ἄρ' ὁ βασιλεὺς αὐτῶν τῆς πτήσεως ἐξάρχει,

ἔπονται πάνσαι βοτρυδὸρ, ἐκένω πιπλισμένα,

καὶ τότε ῥῶνται μὲν, καλῶς τὸ σμῆν' διοικῆται.

θανόντ' ἀπτρίχει δέ, συγκίχεται τελευτῶς.

2. Affectatio & custodia. Nam, ut Virgilius canit:

— illum admirantur, & omnes.

Circumstant fremitu denso, stipantq; frequentes.

Plin. lib. 11. cap. 17. Mira plebi circa eum obedientia. Cū procedit, una est: totum examen circa eum conglobatur, cingit, protegit, cerni non patitur. Reliquo tempore cū populus in labore est, ipse opera intus circuit, similis exhortanti, solus immunis: circa eum satellites quidam, lictoresq; assidua custodientes autoritate. Cū pcessere, se quæq; proximā illi cupit esse, & in officio conspici gaudet.

3. Succollatio. Plinius ibidē: Fessum humeris subleuāt: ualidius fatigatū ex toto portāt: si qua

si qua lassatus deficit, aut fortè aberrauit, odore prosequuntur: ubicunq;: ille consedit, ibi cunctarum castra sunt. Aristot. lib. 9. φασὶ δὲ καὶ τὰν ἀππλανηθῆναι ὁ ἀφισμός, ἀνιχνεύσας μεταθεῖν, ὥς ἂν εὕρωσι τὸν ἡγεμόνα τῇ ὁσμῇ. λέγεται δὲ καὶ φέρειν αὐτὸν ἐπὶ τῷ ἱσμῷ, ὅταν πεινῶν μὴ δύνῃται.

4. Propugnatio. Nam pro rege suo corpora bello obiectant.

5. Dolor ob amissum regem. Plin. libro 11. cap. 18.

IIII. FORTITUDO.

Fortitudo apum est, quòd, ut ait Virgilius:

— corpora bello

Obiectant, pulchramq; petunt per uulnera mortē.

DE MELLATIONE.

Mellatio est mellis exemptio, den Immen schöpfen: in ea confid. sunt quatuor:

1. Instrumenta ex Columella lib. 9. cap. 15. Vnum oblongum ex utraque parte, acie lata & capite scalpratum ad desecandum fauos & eradendum & attrahendum. Alterum prima fronte planum, quo melius faui succidantur.

2. Signa eximendorum fauorum, cum scilicet plenæ alui sunt & apes intus faciūt bombum: & fauorum foramina obducta uidentur mellis membranís. In eximendo quidam dicunt oportere nouem partes tollere, decimam relinquere: quod si omne eximas, fo-

reut discedant. Varro libro 3. capite 16.

3. Modus eximendi fauos est quòd aquæ prius guttatim spargendę sunt, ut apibus pluuiã uideatur : deinde ubi à posteriore parte nullum uestibulum patefactum habuerit alueare, fumum admouebimus factum galbano uel arido fumo, quo ad apes promoti, ipsę confestim nidoris impatientes, in priorem partem domicilij, & interdum extra uestibulum se conferunt. Colum. lib. 9. cap. 15. Plinius libro 12. cap. 16. Cùm eximuntur mella, apes abigi fumo utilissimum, ne irascantur, aut ipse auidè uorent.

4. Tempora eximendorum fauorum sunt duo secundum Virgilium & Aristotelem lib. 9. hist. cap. 40. nimirum Ver & Autumnus: at tria sunt secundum Varronem & Pliniũ. Primum Vergiliarum exortu: Secundum æstate acta, antequã totus exoriatur Arcturus: Tertium post Vergiliarũ occasum, ait Varro: uel ut Plinius uult: Primum mensis Maij, 30 diebus ab edito examine. Secundum æstiuũ uel horæi mellis, 30 diebus post solstitium. Tertium idibus Nouemb.

DE CORRUPTIONE APVM.

Admittuntur & pereunt apes uel ex parte, uel penitus. Ex parte amittuntur tribus ex causis.

1. Aculeis infixis. De quo sic Aristot. lib. 9. cap. 40. Intereunt quæ percusserint: quoniam sine intestini eruptione aculeus eximi nō potest, nisi aculeus infixus iunctus cum aluo extringatur: alioqui apīs interit. Necant uel maxima animalia icti sui aculei. Iam equus occisus ab apibus est: sed principes minimè iritantur uel feriunt.

2. Mellis inopia: cuius causa est è uarijs prædonibus, ut sunt stellio, blattæ lucifugæ, fucus: crabro, tineæ, araneæ, papilio-nes. Inopiæ uerò remedia sunt ex alimento tertiæ mellationis & occisarum auium & alueis inclusarum, exemptis interaneis: ex suffumigatione: ex remotione aluorum uitiosorum: ex refrigeratione aquæ rigoris recentissimi: ex cibarijs ficorum pinguium & aquæ mulsæ.

3. Morbis in quibus considerantur. Causæ, Signa, Remedia. De Causis & sic Varro: Cum sunt apes morbidæ, propter primores uernos pastus, qui ex floribus nucis Græcæ & cornu fiunt, cœliacæ fiunt, atque urina pota reficiuntur. Quod Columella libro nono, capite 13 repetit: Maximus annuus labor earum est initio Veris, quo tithymali floret frutex & quo sameram ulmi promunt. Namque sicut nouis pomis, ita his primitiuis floribus illectæ auidè uescuntur post hybernā famem, nil

nil alioqui citra satietatem tali nocente cibo:
 quo cū se affatim repleuerint, profluuiū alui
 (nisi celeriter succurritur) intereunt. Nam &
 tithymāllus maiorum quoq; animalium uen-
 trē soluit & propriē ulmus apum, Columel-
 la his uerbis aliā morbi speciē definit, quā
 Varro. Cæliacus enim morbus, est intestino-
 rum uel portæ inferioris & extremi uentricu-
 li stomachi, qui pylorus Græcis dicitur. Signa
 autem morbi sex sunt, ut color, macies horri-
 da, cū defunctas progerunt, funerantiumq;
 more exequias comitatur, cum pedibus con-
 nexæ ad limina pendent, cum intra tecta mœ-
 sto silentio torpent. Remedia uerò nouē sunt,
 de quibus Columella cap. 13. ut sunt Galba-
 nū, mella arundineis calamis illata gallæ run-
 fæ sapor, rosæ arētes, defrutum, psythia, thy-
 mum, centaurea, amellus.

Apes penitus amissæ reparantur & instau-
 rantur ē putrefacto uitulo. Vnde Archelaus
 in epigrammate:

— Βοὸς φθιμένης πεποιημένη τέχνη
 ἱππῶν μὴ σφῆκας γένεσις, μόσχων δὲ μέλισσας.

& Ouid lib. 15. Metamor.

I quoq; delectos maectatos obrue tauros,
 (Cognita res usu) de putri uiscere passim
 Florilegæ nascuntur apes: quæ more parentum
 Rura colunt, operiq; fauent, in spemq; laborant.
 Pressus humo bellator equus crabronis origo est.

Atq;

Atq; hæc de Apibus: redeamus ad insecta reptilia & uermes.

CLERVS, uermiculus araneo similis, qui parit in alueis: nocet fauis & facit ut examen ægrotet.

ΒΟΥΚΑΡΙΑΕΣ, uel ὄνοι, ὀνίσκοι, & τίλοι, Latine millepedæ & multipedæ: uermes pilosi, qui nascuntur in humidis locis, uel sub uasis aqua repletis, multis pedibus arcuatim prærepunt, atq; ad tactum se contrahunt. *Esclm.*

CIMICES, κορῆς οἱ ἀπὸ κλίνης, *Wantzen.*

COSSI, ξυλοφθόροι, *Holzwürm.* Vocatur & σκῆς ἀηκίς, sed hoc nomen generale est. Cossis cognatæ sunt θείπες, sed minores, *kleine Holzwürm-lm.* Vide prouerbium: Malí thripes, malí ipes. Thrips Græcis uermiculus, qui lignis innascitur, materiasq; uitiat: Ips uerò cornibus & uirib. infestus est. Vide Prouerb. Cossi quod dicitur de rugosis.

ERVCAE, κάμποι, *raupen*: erucæ pinnorum πτεροκάμποι.

FORMICAE, μύρμηκες, *omeisen*: laboriosæ sunt, tota æstate conuehunt & reponunt, quo hyeme fruuntur. Vnde Horatius:

Paruula (nam exemplo est) magni formica laboris.

Ore trahit, quodcunq; potest, atq; addit aceruo,

Quem struit, haud ignara ac non incauta futuri.

Quæ simul inuersum contristat Aquarius annum:

Non

Non usquam praecepit: & illis utitur ante
 Quæsitis sapiens. Vide Prouerbiū: Bonorum
 myrmeciam.

GVRGVLIO, *κίς*, sic dicitur quod nihil ferē
 aliud sit, quā guttur in frugū excussis granis
 nascitur, ea q̃ corrodit & deuorat. *Kornmurm.*

PEDICVLVS, *φθῆρ*, *ein laus*. Theophras-
 tus libro secundo, de causis plantarum cap.
 22. uoluit ex sanguine corrupto pediculos gi-
 gni, quos ipsius præceptor Aristoteles ex car-
 ne corrupta nasci libro 5. de histor. anim. cap.
 32. maluit. Sed neutrum errasse, omnibus il-
 lis putare licet, qui utroque modo animal-
 cula illa produci, & carnem ipsissimum san-
 guinem esse cogitarint. Illud non prætereun-
 dum, scriptum esse ab Apollonio in histor.
 mirab. Aristotelem uoluisse pediculos in mo-
 rituris capita deferere atque in puluinaribus
 inueniri. Cuius euentus eam causam assigna-
 uit Alexander libro secundo probl. 30, quod
 pediculi nutrimento atque tepore ex sangui-
 ne opus habent: quorum utroq̃ in morien-
 tibus deficiente, eos deferūt, meliorem locum
 sibi quærentes. Phthiriasis morbus est pedi-
 cularis, pediculis per totum corpus nascenti-
 bus: eo morbo perijt L. Corn. Sylla dictator,
 Alcman poëta & Pherecydes Syrus Tragi-
 cus poëta, unde illud poëtæ:

Sed

Sed quis non pauca Pherecydæ fata tragædi.

Vide Aristot. lib. 5. de hist. anim. cap. 31. Plutar. in Sylla: Serenum medicum. Aelianum libro 4. de Var. hist. cap. 28. Plin. libro 7. cap. 51. Mercurialem libro quinto, uar. lect. capite 6. Cæterum pedicularem morbum in corde fieri, ut Aegyptios (qui mortuorum corpora, ualitudinum causas cognoscendi gratia diligenter perscrutabantur) inuenisse testatur Plinius medicus libro 4. cap. 1. omnino fabulosum est: cum neque humores prauos, nedum animalia noxia cordi appropinquare natura patiatur. Ex pediculorum inter se coitu generantur in capite lentes, *missæ*: & asperginis instar pertinacissime capillitio inhærent.

P V L E X, *ψύλλα*, ein flohe: de quo Ouidius in pulice:

*Parue pulex & amara lues, inimica puellis,
Carminè quo fungar in tua facta ferox?
Tu laceras corpus tenerum durissime morsu,
Cuius cum fuerit plena cruore cutis,
Emittis maculas nigro de corpore fuscas,
Leuia membra quibus commaculata rigent.
Cumq; tuo lateri nostrum desigis acutum,
Cogitur è somno surgere uirgo graui.*

Ouidium in hoc genere uicit Ioannes Visschartus: non solum copia, sed & elegantia & salibus.

BLATTÆ,

BLATTAE, lucē

fugiunt & ex humida materia nascuntur: *heymen*, suntq; uel

Molles, *μυλοῖκα*, quæ circa molas nascuntur, & quæ odoris tædio inuisæ, acutas clunes habent.

Pistrinariæ, *σίλφαι αἰε τοῖς ἀρτόκοποις*, *meelwürm*, *brodwurm*.

Virides, *αἰ προσοκείδεις*. Arrodiunt herbarum & præcipuè porri folia. Vnde porricidæ dicuntur.

GRYLLI, à blattis differunt: sunt enim animalcula similia locustis sine pennis, Græcis *πρυξαλίδες*: *feldheymen*, *feldgrillen*. Vide Plutarch. in Gryllo.

BYTVRI, *ἱπες*. Vermiculi, qui ex austrina cœli constitutione, putrescente in uitibus humore superfluo & excrementicio nascuntur, cum primum germinant uites, erodunt quæ gemmantia uitium germina.

CARPAE, nascuntur in oleis uitio aliquo affectis, cœli, terre uel iniuria, cum primum germen edunt uel efflorescunt.

KPA'MBOI, uermes in uuis & pāpinis nati ex affectione ærugine simili.

TEREDO, *τερηδών*, gignitur in aluearijs ex excrementis papilionis.

TINEA, *σῆς*, *schaben*. Vermiculi qui uestes arrodere & libros consueuerunt. Vide Columel. lib. 9. cap. 24.

LUMBRI-
ci ἐν μύσθῃς
nascuntur in

Animantibus præfer-
tim in intestinis.

Romani.

Lati.

Terra: ἡ ἐν τῇ γῇ, regem mûrm.

MIDAE vermiculi sunt, consumētes fabas,
Bonen mûrmlin.

RICINI, pediculi canum.

REDVII, κρότωνες, holzbock. Pecudibus æ-
stivo tempore aculeo, totoq; capite infixio in-
hærescunt, sugentes sanguinem. Atq;
hæc de insectis animantibus
sequuntur inte-
gra.


PP

LIBER

LIBER XXXII.

DE AVIBVS ET OR-

NITHOGONIA.



DE DIFFERENTIIS ANI-
malium.

I. A' causis, alia e-
nim sunt { Sanguinea, *ἡμαίμα*,
Exanguia, *ἀναιμα* ut omnia in-
secta.

II. Ab effectis { Profectionis: quæ-
dam { Volatilia:
Natatilia.
Gressilia.
Reptilia.
Partus. Nam
quædam { Ovipara.
Vermipara.
Vivipara. •
Oua concipiunt, sed
pariunt animal, ut ni-
pera.

III. A' subiecto
loco, quædam { Aeræ.
Aquæ } quædam *ἐμφυῖα*.
Terrestria.

III. Ab adiun-
ctis moribus
quædam, { 1. Congregabilia, aut non congrega-
bilia, *πολιτικά & μὴ*.

{ 2. { Domestica & mitia.
Fera { Cicurabilia.
Non cicurabilia.

V. A partibus: que-
dam habent

{ Pedes.
Alas.
Neq; pedes, neq; alas, ut pisces &
ποδες.

DE ÆTATIBVS ANIMALIVM.

Virgilius:

Ter binos deciesq; nouem superexit in annos
Iusta senescantum, quos implet, uita uirorum.

Hos nouies superat uiuendo garrula cornix,

Et quater egreditur cornicis secula ceruus.

Alipedem ceruum ter uincit coruus, & illum

Multiplicat nouies Phoenix reparabilis ales.

Hi cohibent fines uiuacia fata animantium.

Qua descriptione hominis uita esset anno-
rum 96. cornicis 864. cerui 3456. quæ confide-
rato. Eadem ferè Hesiodus apud Plutarchum
habet in lib. περὶ τῶν ἐκτεταγμένων χρόνων:

ἐννέα τοι ἴσα γενεὰς λακέρυθα λόρῳνη

ἀνδρῶν ἡβόντων, ἔλαφ' ὅτε τετρακόρων'.

πρὸς δ' ἑλάφους ὁ λόραξ γηράσκειται, αὐτὰρ ὁ φοῖνιξ

ἐννέα τὸς λόρακας, δέκα δ' ἡμεῖς τὸς φοῖνικας

νύμφαι ἐὺπλόκαμοι καὶ διὸς ἀγιοχοῖοι.

Eandem sententiam Hesiodi commodè &
breuiter reddidit Plinius: Hesiodus cornici
nouem nostras attribuit ætates: quadruplum
eius ceruis: id triplicatum coruis. Etiam si nō
nullis autoribus hæc fabulosa uidentur. Inter
quos

quos Aristoteles arbitratur homine nullum aliud animal esse uiuacius, excepto uno elephanto. Vide prouerb. Cornicibus uiuacior.

Totam uero animalium historiam (quæ præcipua & nobilissima totius doctrinæ physicae pars est) Aristoteles hoc modo explicat, ut primum genera animalium diuersa certis differentijs, uidelicet partibus similibus uel analogis: locis in quibus uiuunt: motu & statu: moribus & affectibus: modo generationis: membris ad motum pertinentibus distincta: & uel prædita sanguine uel eiusdem expertia, discernat: deinde omnium notissimi & nobilissimi animalis: Hominis partes exteriores & internas ordine enumeret.

Libro 2. & 3. cæterorum animalium *ἐν αἰμασιν* partes, singulis generibus cōmunes uel proprias, exteriores & internas, dissimilares & similes describit.

Libro 4. de *ἀναιμασιν* seu exanguium animalium partibus, quæ in mollia, crustata, ostrea & insecta diuidit. Postea de sensibus singulorum animalium, de somno & uigilia, & sexuum distinctione differit.

Lib. 5. primum *ἐπὶ ὁρέας* in omnibus animalium generibus: deinde de modo & tempore procreationis ostreorum, crustatorum, mollium, insectorum & quadrupedum ouiparorum.

Lib. 6. de auium & piscium, & quadrupedum uiuiparorum naturis.

Lib. 7. de hominum conceptu & generatione.

Lib. 8. de uictu & mutationibus locorum & sanitate ac morbis.

Lib. 9. de ingenijs seu naturalibus inclinationibus, moribus antipathia & sympathia, & simulacris uirtutum ac uitiorum in singulis generibus animantium apparentibus, eruditissimè explicat.

DE PARTITIONE

Animalium.

Inter uarias animalium diuisiones, quas initio historiæ Aristoteles recitat: tandem *μὲν τῶν ζῴων τὰν φύσιν, εἰς ἃ διακρίνεται τὰ ἅπαντα ζῶα εἶναι φησιν, εἶναι μὲν καὶ ἄνθρωπον.* Ad priorem classem hæc quatuor genera pertinere, quadrupedia terrestria, uolatilia, aquatilia & serpentes: ad posteriorem, ostrea seu filice tecta, crustata, mollia & insecta. Nos ex subiectis primam integrorum animalium partitionem sequemur: ut alia sint aëria, alia aquatilia, alia terrestria.

DE AERIIS ANIMALI-
bus seu Auibus.

Iudæis auium harum esus fuit interdictus (ut Moses scribit Leuit. 11.) ut Aquila, gryphes, haliaëtus, miluus, uultur, coruus, struthio seu struthocamelus, noctua, larius, accipiter, bubo, mergulus, ibis, cygnus, onocrotalus, porphyrio, erodius, charadrius, upupa, uespertilio. Ex his uiginti speciebus auium *ψαυψονύχων* & rostris aduncis rapacium uel nocturnarum interdictis, intelligi potest quarum uolucrum carnes comedere Iudæis licuerit, uidelicet gallinacei generis omnia, gallos, gallinas terrestres & aquaticas, quarum circiter 20. species discernuntur: perdices, attegenas, tetraonas, tardas seu bonofas, ut Albertus nominat: columbas, turtures, anseres, anates, cicures & feros, quorum uarietas amplissima: turdos, coturnices, paros, cardueles, fringillas, alaudas, ficedulas, pauones, sturnos, &c.

DE PROPRIETATIBVS
auium, Ouid. in Philomela:

*Dulcis amica ueni, noctis solatia prestans,
Inter aues etenim nulla tibi similis.*

Tu philomela potes uocum discrimina mille,
Mille potes uarios ipsa referre sonos.

Nam, quamuis alie uolucres modulamina tentent,
Nulla potest modulis æquiualeare tuis.

Insuper est auium, spacijs garrire diurnis:

Tu cantare simul nocte dieq; potes.

Parus enim quamuis per noctem tinninet omnem,
At sua uox nulli iure placere potest.

Dulce palara sonat, quam dicunt nomine drostam,
Sed fugiente die nempe quieta silet.

Et merulus modulans tam pulcris concinit odis,
Nocte ruente tamen carmina nulla canit.

Vere calente nouos componit acredula cantus,
Matutinali tempore tunc mitilans.

Dum turdus trutilat, sturnus tunc pisitat ore,
Sed quod mane canunt, uespere non recolunt.

Cacabat hinc perdix, hinc gratitat improbus anser,
Et castus turtur atq; columba gemant.

Plausitat arborea clamans de fronde palumbes,
In fluuijsq; natans forte tetrinat anas.

Grus gruit, inq; glomis cyni prope flumina drensant,
Accipiter pipat, miluus hiansq; lipit.

Cucurrere solet gallus, gallina gracillat,
Puppillat paño, trinsat hirundo uaga.

Dum clangunt aquile, uultur pulpares probatur,
Et crocitat coruus, graculus at frigulat.

Gloriat immenso de turre ciconia rostro,
 Pessimus at passer tristia flendo pipit.
 Psitacus humanas depromit uoce loquelas,
 Atq; suo domino χαῖρε ualeq; sonat.
 Pica loquax uarias modulatur gutture uoces,
 Scurrili strepitu quicquid & audit, ait:
 Et cuculi cuculant, fritinnit rauca cicada,
 Bombilat ore legens munera mellis apīs.
 Bubulat horrendum ferali carmine bubo,
 Humano generi tristia fata ferens.
 Strix nocturna sonans & uespertilio stridunt,
 Noctua lucifuga cucubat in tenebris.
 Ast ululant ululæ, lugubri uoce canentes,
 Inq; paludiferis butio butit aquis.
 Regulus atq; merops & rubro pectore progne,
 Consimili modulo Zinzilulare sciunt.

SPECIES AVIVM.

AQUILA, Græcis ἀετός: regina auium,
 quam Poëtæ Iouis alitem eiusdem que armis
 geram appellant & fulmina ei subministrare
 fabulantur: cui fabulæ occasionem dedit a-
 quilæ natura: quia sola auium & fulminis
 ictu non læditur: & Solis uigorem oculis
 inconniuentibus aspicere potest. De Aquila
 natura Erasmus prolixè declamat in pro-
 uerbio: Scarabæus aquilam quærit: iam o-
 lim, inquit, aquilarum generi cum uniuersa

scarabæorum gente, uetus atque antiqua simulas est. Neque uerò sine graui ratione factum arbitror, ut inter tam multas auium nationes, aquila potissimum sit uisa idonea cui auium *φρῆται* monarchiam decernerent. Nam ad hanc partem pleræque propendebant, ut pauoni rerum summam committerent. Si quidem huius pulchritudini, splendori, sublimitati, fastuq; planè regio, regnum deberi uidebatur. Ac prorsus in hanc sententiam itum fuisset, nisi quædam longo rerum usu callidæ (cuiusmodi sunt cornices, coruique perpendissent, futurum, ut si pauonem rebus præfecissent, eueniret ut solo nomine strepituque regem ageret, aquila nihilo secius uel sine populi suffragiis regnum gereret. Iam si quid omnis est in uocabulo, aptè Græcis *αἰτὸς* dicitur *παρὰ τὸ εἶδός* quod est rapior impetu & concitus feror. Quædam aues natura placidæ sunt ac mites: tum quæ feræ sunt, tamen arte cultuque cicurantur ac mansuescunt. Sola aquila nec est habilis ad ullam disciplinam, nec ullo studio potest mansuescere: tantū impetu naturæ præceps fertur. Deinde cū sex aquilarum genera sint: omnes rostro sunt adunco, nec minus aduncis unguibus, ut uel ex ipso corporis habitu possis intelligere, carniuoram esse auem, pacis inimicam, rapinis ac prædationibus natā. Et quasi
parum

parum sit carni uoras esse, sunt & quæ ostifragæ dicantur. Adde oculos auídos & improbos, rictum minacem, genas truculentas, frontem toruam: denique illud *ρυπνόν*. Accedit hoc & color funestus, teter & inauspicatus: fusco squalore nigricans. Vnde etiam quod fuscum est ac subnigrum, aquilum uocamus. Tum uox inamœna, terribilis, exanimatrix & minax ille, querulusq; clangor, quem nullū non animantium genus expauescit. Iam & uiuacem aquilam esse proditum est: ea tamen cū ad extremam peruenerit senectutē, nihil adhuc fitit nisi sanguinem, cuius suctu uitam prorogat, nimirum rostro superiore adeo increcente, ut carnes depasci non possit. Atque hinc ortum est prouerbiū, aquilæ senectus. in senes ætate uinosiores, cum alioqui omne ferē genus auium ad uncis unguibus, aut non bibat omnino, aut perraro, siquidem Aristoteli credimus. Et tamen hæc aquam bibunt: sola aquila sanguinem fitit. Ergo rostro intorto natura reliquis animantibus utcunq; consuluisset uidetur & inexplebili uoracitati modū aliquem imposuisse. Quemadmodum & hac ratione prospexit, quod non sinat aquilam oua parere plura tribus, nec pullos alere plures duobus. Atq; adeo si Musæo credimus, quem testem adducit Aristot.

Excludit binos, edit terna, educat unum.

Atq;

Atq; per hos ipsos dies quibus incubat (incubat autem ferè tricenos) naturæ providentia cibum illis negavit, in uersis interim & unguibus, ne uidelicet omnium ferarum foetus raperentur: itaq; per id tempus pennæ albescent inedia. Atq; hinc odium in foetus proprios. Aquilarum quoque pennæ, si cæterarum auium plumis admisceantur, eas deuorant ac paulatim extenuatas cōficiunt. Aquilarum unum par, magno ad populādum tractu indiget, nec alterum in propinquo prædonem esse patiuntur, ita spacia determināt. Atque insitam hanc & à parentibus ingenitam rapiendī famem, non nihil auget educatio. Quandoquidem aquilam ferunt pullos uix dum satis uolucres ad prædādum è nidis extrudere, quò statim cōsuescant rapto uiuere. Sed parū βασιλικὸς erat instructa aquila, si tantum ad uncò rostro & ad uncis unguibus ad prædandum esset armata, nisi additi fuissent oculi lyncei, & nec ad clarissimum solem conuiuentes: quo quidem experimento (ut egregie Claudianus poëta scribit) foetus suos explorat an legitimi sint: Itaque prædam quamuis è longinquo speculantur, quam destinant inuadere. Adhęc arma, dotesq; corporis astus accedit ingenij. Ungues suos quoties ingreditur, contrahit, ne uidelicet aciem deterat: id quod habet cum leonibus commune. Neque quem-

quemuis impetit, sed eum duntaxat, quo se credit uiribus esse superiorem. Neque se repente præcipitem dat in terram more cæterarum cum prædam appetit, sed sensim demittit, ne impetu illisa offendatur. Ne leporē quidem (nam hunc maxime petit) aggreditur, nisi uiderit in plana descendisse. Neque quouis grassatur tempore, ne quis opprimat fatigatam: sed à prandio ad prædandum prouolat, reliquis horis ociosa sedet. Illud in primis memorandum: testudinem raptam ex alto (speculata locum idoneum) in saxum aliquod demittit, ut ad eum modū rupta testa, carne uesci possit. Quanquā in Aeschilo parum aquilinis fuit oculis, cum in huius albicantem caluariam (saxum esse rata) demissa testudine miserum occideret. Atque id quidem nunc assidue ueluti suo iure facit. Cæterum primitus testudinem dolis ad id pellexit, dum persuadet illi futurū uti sua opera uolandi artem perdiceret. Atque hac spe sublatam in altum, deiecit in saxum, ut illius calamitatē uerteret in suas delicias. Superest, ut cum quibus potissimum hostibus huic generoso prædoni res sit, paucis exponamus. Nam uerum est illud quod pro uerbis dicitur, aquilam non captare muscas, nec aspiciere thripas. Negligit, si qua præda uidetur regis unguibus indigna. Sunt tamē & degeneres aquilæ, quæ piscatu uiuunt & quas

non pudeat cadauer alienum tollere. Leporē itaq; potissimum, ut dixi, uenatur aquila, unde & leporariæ cognomen inditum est uni generi. Audet & cum ceruo configere, inferior tamen futura, nisi uulpinam adderet pellem. Prius enim in puluere se uolutat, deinde cornibus insidēs ceruinis, puluerē pennīs collectū, in oculos spargit, alis ora uerberās, donec ex oculatū in rupes det precipitem. Sed est eidem acrior, multoq; magis anceps cū dracone pugna etiam in aëre: est & cum uulpe similtas irrecōciliabilis: item cū uulture, uelut homotechno & edacitatis æmulo: cū sitta, cū ardeolis, cū cygnis, cū gruibus. Sed peculiaris quædam cum Trochilo discordia est, nō ob aliud ut existimat magnus ille deambulator, nisi quod huic quoq; regis ac βασιλέως nomen tribuitur: idq; potissimū apud Latinos. Proinde ceu regni affectatorem extremo persequitur odio. Deniq; cum cybindo (est autem nocturnus accipiter) bellum gerit internecinū, adeo ut sæpe cohærētes prendatur. Ergo cum innumerabiles sint auīū species, atq; inter has aliæ plumarū opibus ac picturis admirandæ, sicuti pauones: aliæ candore niueo insignes, ut olores: aliæ contra decenti nigrore lucentes, ut corui: aliæ corporum proceritate præeminētes, ueluti struthiones: aliæ fabulosis etiam miraculis celebres, ut phoenix: aliæ fecunditate

cūditate cōmendatæ, ut columbæ: aliæ gratæ lautorum mensis, ut perdices ac phasides: aliæ loquacitate iucundæ, ut psittaci: aliæ cantu mirabiles, ut lusciniæ: aliæ fortitudine animi præstantes, ut galli gallinacei: aliæ delicijs hominum natæ, ut passercoli: tamen ex uniuersis, una aquila regis imaginem repræsentat, nec formosa, nec canora, nec esculenta, sed carniuora, rapax, prædatrix, populatrix, bellatrix, solitaria, inuisa omnibus, omnium pestis. Nec alio iudicio leonī mandatum est regnum inter quadrupedes, quo non alia belua uel immanior, uel putidior. Canes cum ad multa sunt usui, tū ad hoc præcipue, quod pro rebus hominum excubias agunt. Boues agricolantur. Equi & elephanti belligerantur. Multi & asini gestandis oneribus sunt utiles. Parasitatur simia. Draco uel hoc nomine utilis est, quod usum marathri monstrarit ad oculorum aciem acuendam. Leo uero nihil nisi tyrannus est, hostis ac deuorator omniū, nec nisi uiribus ac metu tutus, planēque regium animal, quemadmodum & aquila. Aquilam igitur ob has dotes tam βασιλῆος poetæ regem omniū auium appellarūt: deinde satis honestū inter sidera locū dederūt, ac stellulis aliquot insignierunt. Postremo munus inter cœlites honorificum mandarūt, ut solus arma ministret irato Ioui, quib. orbē concutit
uni-

uniuersum. Quoque id impune possit, illud quoque tribuerunt, ut una animantiū nec metuat fulmen, nec lædatur à fulmine, sed ipsdem oculis fulmen emicans obtueatur, quibus aduersum aspiciit solem. His addiderūt sapiētissimi illi Casciq; Romani, ut in legionum suarum uexillis primas teneret aquila, essetque uexillorum ipsorum ceu uexillifera, posthabitis etiā lupis Romanæ gētis nutritiis, posthabitis Minotauris & apris, non extremæ rapacitatis beluis: posthabitis deniq; & equis. Nam his quatuor animantibus insignita uexilla quondam aquilam sequebantur. Paulo post, nec comites eos est passa, sed illis in castris relictis, ipsa sola prodibat in prælium. Aquilarum uero genera sunt sex.

1. Valeria, *μελανάστρ*: id est, fulua, uel *λαγοφόν*: id est, leporaria, quod lepores uenatur. Colore nigricans, minima magnitudine, uiribus præcipua: sola alit & educat fœtus suos, *hasengeyer*.

2. Pygargos: id est, albicilla, ab albicante cauda, uel *νεβροφόν*: id est, hinnularia. Huius pullum, priusquā cauda albicet, Romani augures *immutulum* uocarunt.

3. Μόρυν: id est, Næuia a macula pennæ, uel *νηπιόφόν*: id est, anataria, uel *πλάγγ*: id est, plancus seu clanga, Homero *πέρην*: ui & magnitudine secunda. Ingenium est ei testudines

dines raptas frangere è sublimi iaciendo.

4. Περκυνόπτερος ab alarum notis, uel γυπαίου τος à uulturina specie, uel ὄρεπίλαρος: id est, ciconia montana. Imbellis ac degener adeò, ut uerberetur à coruo: famelica, querula, solaq; examina fert corpora.

5. Αλιεύς: id est, marina aquila. Clarissima est oculorum acie: ex alto enim librans se, uisoq; in gurgite pisce, præceps proruens discussis pectore aquis eum abripit. Pullos adhuc implumes productos, cogit aduersum solem intueri, nolentes ferit, illachrymantes reijcit ut adulterinos. *Vischahrn.*

6. Γυνίσιος: id est, uera, germanaq; aquila. Sola incorruptæ originis, magnitudine media colore subrutilo. Cæteras aquilæ, accipitres, & minutæ etiam aues promiscua consuetudine procreant. *Edelahrn.*

Ex aquilarum genere & φερώη est, quam barbarâ Romani, ossifragam Tusci, augures Romani sanqualem uocarunt. Cæteris omnibus maior est, color eius ex cinereo albicat, nutrit pullos suos & aquilæ marinæ, quos ante maturitatem ab ipsa electos colligit, suscipit & educat.

ACCIPITER, ἰεραξ: genus est ad omnes aues rapaces, cuius species sunt sedecim, de quibus Plin. libro 10. cap. 8. & Petrus Gillius. Ab accipiendo: id est, rapiendo nomen habet. Te

rent. in Phormione: Non rete accipitri tenditur, neq; miluio: & poëta:

Odinus accipitrem: quia semper uiuit in armis.

Tantæ uelocitatis est, ut inde hyperbolica parcemia orta sit, ocyor accipitre. Solus autem accipiter sublimipeta recto meatu uolat, & uolatu præstat. Rapax animal ad impietatis quidem disciplinam cūcuratur, & imperata facere assuescit: usus tamen eius ad simplicium auium exitium expetitur. Est autem animal omnino uolentum, imperiosum, cædis, cruorisq; auidum. Hinc apud Platonem in Phædone scribitur eorum animas, qui dominationem per uiolētiam & iniuriam & rapinas exercuerint, post obitum in accipitres & miluios abire. Magno est corpore, rostro adunco, oculis lucidis, aspectu hilari, pedibus crassis, ungulis longis, nullam auem formidans, ipsamet prædatoria. Eius genera generaliter à Germanis *Habich* oder *Falcken* uocantur, quorum sunt multa.

1. Buteo, *πυθώρ* à numero testium: *Busshn.*

2. Aesalo, *αἰσάλας*, *ahn*: solus omni tempore apparet, cæteri hyeme abeunt.

3. Circus, *κίρκος*, *Falct.* Prosperrimi olim fuit augurij nuptialibus & pecuniariæ rei, unde adhuc usitatum est Germanis in amatorij elegijs

legijs circorum meminisse: sunt horum differentiæ plurimæ.

4. Stellaris accipiter, ἀστέρας, blawfus.

5. Palumbarius, φαυτοφόνος, φαυτότης, taubenfalck.

6. Pernix, πέρνης, gyrofalco: stoffsalck.

7. Subbuteo, υποβυτιότης, latior reliquis, habich.

8. Perca, πέρκα, schmirlein, sperber: aliàs Nisus.

9. Accipiter fringillarius, Rotelgeyer, σπιρίας.

10. Rubetarius, ρυβήτοχος, hünerrahn.

11. Leuis, λῆς, baumfalck.

12. Cybindus, nocturnus accipiter. Plinio, qui bellum gerit cum aquila, χαλκίς uel κυρίθις, bergfalck.

ALAVDA,

κόρυδος uel

κορύδαλος:

lerch. Eius

genera tria

Cristatum, ἐπίκορον uel λόφορον ἔχορον: unde cassita Latinis & galerita dicitur, ein haublerch.

Gregale, ἀγελῶρον, sine crista: sanglerch, ἐπὶ πέρκα, colore priori similis, sed minor & uolatu alta petit: cum cassita & raro euolet, & euecta alis, statim rursus procumbat, neq; altis neq; longis spacijs confectis.

Anonymon Græcis, Steinlerch.

Acredula, ἀκρεδύλα, Greinerlin. Cicero libro 1. de diuinat.

Sæpè etiam pertriste canit de pectore carmen,
 Et matutinis acredula uocibus instat,
 Vocibus instat, & assiduas iacit ore querelas,
 Cum primum gelidos rores aurora remittit.

ANAS, ὄρνις: ex genere στεφανοπόδων & amphibiorum: ita dicta ab assiduitate natandi: aliæ sunt domesticæ, aliæ syluestres. Masanatum, Germanis entrich dicitur. Anates syluestres, & wildenten: Maiores, grossenten, Mertzenten: ima, summaq; corporis parte cœliæ sunt: pennas alarum etiam alijs aspersas coloribus, præcipuè tamen purpureo nitentes habent: collo, capitiq; uiredo ad nigredinem tendens inest: medium collū candidus circulus ambit. Fœmellæ uariæ, sed cineræ & nigris, albisq; maculis distinctæ sunt. βοσκάδες, quibus rostra latiuscula & sima, cinereus color, nigredine uariatus, Mittelenten. Φασκάδες, anatibus syluestrib. fœmellis simillimæ, sed minores, Kriechenten: à Varrone lib. 3. uocantur querquedula. οὐείου, plus cæteris nigricât, minores sunt, angustiorero rostro & oblongo, Meerenten. De hac Martialis:

Tota quidem ponatur anas, sed pectore tantum,
 Et ceruice sapit: cætera redde coco.

ANSER, Græcis ἄνω, ueteribus Ganza, sicut & Germanis, ut testatur Plinius. Alij sunt attilis seu domestici, alij syluestres siue feri, qui
 sub

sub hyemis initium sublimi uolatu gregatim migrant. Vigiliās suas clangore testatur, quo etiam Capitoliū olim seruauit. Facile exci-
tatur & minimo quoque strepitu expergiscitur: & clamore grauiter obstrepente ferè sem-
per clangit, ut etiam inter pascendū silere ne-
queat. Inter ea quæ Græci ἀμφίβια appellant,
reponitur: quoniam terra & aqua uictum pe-
tit. Improbitas anseri ascribitur etiam à Vir-
gilio. Hinc Homerus in somnii præsa-
gitione, procos per anseres innuit: eiusq; inauspicata
garrulitas & à Virgilio, & à Propertio quibus-
dam uitio data est. Anser sibilat, clangit, stre-
pit, gliscit. Anser maior, Zamegans. Minor seu
gregalis, ἀγέλαος, Wildgans, χλωαλώπηξ, vulpanser,
ignotus Chenerotes fero anseres minores, See-
gens. Iecur anseris apud Rom. in mensis fuisse
celebre, scribit Athenæus lib. 9. ubi ait etiam
anseris saginari solitos: quod potissimum
gratia iecoris factū putat Mercurialis, quod
uidelicet sagina maximè omniū crescit: ideo-
que Martialis hoc significans ait:

Aspice quam tumeat magno iecur anseris maius:

Miratus dices, hoc rogo creuit ubi?

ARDEA, ardeola, ἑρῶδιος, trium generū est:
Γέρας, blauerreyger. Λευκῆρῶδιος ardea alba, ein-
gmeiner reyger. Αστέρας ἑρῶδιος stellaris ardea, quæ
cognominatur ὄρνις à pigritia, rordumel, Plu-
nio onocrotalus; à uoce absona rudētis asini.

ATRICAPILLA, *μυλαγκόρυφ* ♂, *münchlein*. Caret summæ linguæ acumine ut lusciniæ, quod his duabus proprium est. Currucæ similima, cinerea, uertice nigerrimo, qualem auriuittis habet.

AVRIVITTIS, *χρυσομυρτίς*, *goldfinch*, *thumpfaff*, *gimpel*. Vertice tota nigra, ima parte punicea, superiore cinerea, nigricans. Fœmella in hoc genere tota cinerea, uertice nigro ut mas: Germanicè, *Quetsch* à uoce quam edit.

ARGATHYLIS, *ἀκανθυρίς*, ex genere hirundinum ripariarum, *spirschwalben*.

CAPRIMVLGVS, *αἰθροβήλας*, *ein pfaff*. Interdiu cæcutit, noctu cernit acutè, maior minima merula, minor cuculo. Sugit ubera caprarum furtim, quæ exhausta emoriuntur, & capris quas ita mulserunt, cæcitas oboritur.

CARDVELIS, *θραυπίς*, *distelfinch*, *stiglitz*. Dorsum ei cinereum & fuscum, alæ croceo colore, nigroq; mixtim & alternatim uariatæ, albisq; maculis notatæ: uertex nigricans, rostrum niger ambitus, hunc miniatus, miniatum cæsius circumdat. Valent amœnitate uocis, & imperata faciunt, nec uoce tantum, sed pedibus & ore.

CICONIA, *ein storck* à *σπρῆ* erga parentes: Hebræis *Chasida*, à pietate: Græcis *πέλαργος* ♂ quod alarum pennæ partim sint nigre, partim albæ:

albæ: *πῆλον* enim uel *πυλιδυόν* liuidum & fuscū est: *ἀργυρόν* album. Cōstructos semel nidos quottannis reuifunt, unumq; ex pullorum numero ædium domino pro pensione reijciūt. Grati-
tudinis præbent exemplum: quātum enim curæ in sobolis curam & educationem conferunt, tantum senio confectis rependitur. Vnde *παραργικὸς νόμος* ab Aristophane dicitur lex, qua liberi parentes alere iubentur, & Reciconiare *ἀντιπαραργῆν* uerbum inde factum, quod mutuum beneficium & gratitudinem parentibus exhibere significat. Parentes ciconia nunquam deserit, senectutem eorum curans non modo senescentium, sed quotiescunq; opus est, ut alantur opera liberorum: nec patrem, nec matrem errare huc illuc cibi causa patitur: sed operam dat, ut in cubili maneat, & eorum labore pascantur, quos ipsi genuerūt, educaruntq;. Auolaturę (teste Solino) in loco quodam Asiæ, omnes congregantur, quæq; postrema aduenerit, eam tanquam ignauam dilaniant, sicq; aliō se conferunt. Læsa ciconia, origano sibi opem quærit. Lingua ei non inest, ideo que eius uox murmurī similior est, quàm clāgori. Gloriat enim & crepitat. Vnde Ouid. lib. 4. Metam.

—*sumptis quin candida pennis*

Ipsa sibi plaudit crepitante ciconia rostro.

& Iuuenal. Satyr. 14.

—serpente ciconia pullos

Nutrit, & inuenta per deuia rura lacerta.

COLLVRIO, *κομύειον*, ex turdorum genere, brachyogel. Capitur sub hyemē maximē, nec figura, nec magnitudine multū dissimilis mēlulæ, colore fusco, terreo, obscuro, ut humi sedens uix agnosci & à terræ colore discerni possit.

CERTHIA, *κέρθις*, parua auis, minor carduele, uaria, pulcra, morib. & ingenio audax, sagax in uitæ officijs, uoce clara, *θεροφάγος*: hirengril.

COLVMBÆ, *κολυμβά*, Zametauben. Hoc in auibus est, quod ouis in quadrupedib. ipsa nulli animantiū meditat̃ur noxā, nec aliunde præsidium habet aduersus miluīos, quā à celeritate uolandi. Columbæ fidem coniugij non uiolant, cōmunemq; seruant domum, neutri nota adulteria, nidumq; neuter relinquit, nisi cælebs aut uidua: cœlibatum autem quem alterutro eorum extincto coniunx alter fideliter seruat, omnibus columbis cōmunem esse perhibēt. Tota æstate fœtāt, & tricesimo die, prole priore expedita, rursus pariunt. Geminare columbis (maximē turturibus) proprium. Palumbes autem propriē dicuntur minarrire ut est apud Aelium Spartianū. Columbæ species quinque sunt apud Aristot. lib. 8.

LIUIA, *λινναῖα*, holztaub; dicta à liuore. Liuet enim

enim plumis & penè nigricat, pedibus rubris, scabrosisq; est, minus cæteris columbis mansuescit, minor columba domestica.

Palumbes, φάλα. Mas φαψ palumbus, ringels tauben. Maximæ sunt in colūbario genere. Vere & æstate gemunt, hyeme discedunt cū turturibus. Plin. lib. 10. cap. 35. de palumbibus ait: Cantus omnibus similis atq; idem, terno conficitur uersu, præterquam in clausula gemitu: hyeme mutis, Vere uocalibus. Virg. eclog. 1.

*Nec tamen interea rauca, tua cura, palumbes,
Nec gemere aërea cessabit turtur ab ulmo.*

Vinago, οἰνας, ex columbario genere, minor palumbe, maior columba, autumnno cōspicitur & capitur.

Turtur, τρυών: minimus columbarij generis, parit bina oua, interdum terna, & duo excludit, tertium relinquit: quod τρυών Græcè & κυόσπορ uocant. Collum, ut cæteræ eiusdem generis, bibendo non resupinat, locis gaudet amœnissimis, tutissimisq;. Hyeme in cauernis arborum agit. Nido suo allij syluestris folia alligat, quod lupum nouit fugere, ne pulli eius ab eodem deuorentur. Occultatur Vere, pennasq; amittit. Pudicitia & castitatis obseruantissima auis est, adeo ut si coniugem suā amittat, alteri se ampliùs non coniungat.

Pipiones sunt: pulli columbarum: Junge

tauben. De moribus turturum nos quondam
hæcclusimus:

Hic te turturum imagine
Oblectes, speciem tui
Status qui tibi suggerunt.
Nam currum Veneris trahunt,
Ut uates ueteres canunt:
Dignam coniugio fidem
Depingunt igitur simul.
Virtutes quoq; coniugum
Sanctis moribus exprimunt.
Primum felle carent graui:
Roſtro ledere nec ſolent:
Vngues innocuos gerunt:
Pura & ſemina colligunt:
Gaudent irriguis aquis:
Partum atq; oua fouent ſimul:
Communem retinent domum:
Fœcundæ, haud ſteriles, agunt:
Caſti non minus & decus
Seruant coniugij, & fidem.

CVCVLVS, λόκκυς, colore cinereo, in ſalici-
bus plerunq; nidificat. Vere primum conſpi-
citur, ſub caniculæ ortum occultatur. Hyeme
in nido nudum abſcondi tradunt. Sapientem
uocat Aelianus, quippe cui excludendæ facul-
tas non ſit, propter frigidam naturam, in alau-
dæ

dæ & currucae nido parit, quod non ignoret
 ab his oua suis similia pari solere, quæ postea
 ab alaуда & curruca excluduntur. Alij scribunt
 ideo in aliarum auium nidis oua parere, quod
 sciat se omni auium generi esse odiosum, neque
 confidat pullos in suo nido tutos futuros. Fœtus
 ubi adoleuit, pullos reliquos cum matre
 deuorat: mediam produxit Horatius:

— *magna compellans uoce cuculum.*

ubi indicat morem uindemiatores appellan-
 di cuculos, quos cuculus uineam putantes de-
 præhendisset. Vide Plin. lib. 28. cap. 16. De hac
 aue nos olim hæc lusimus:

Nota quidem stolidi cunctis natura cuculi,

Altera quo nusquam fœdior extat auis.

Oua sua is ponens alieno turpia nido,

Ingratæ nomen turpe uolucris habet.

Præcipue hoc damno simplex curruca laborat,

Cuius ex absentis impius oua uorat:

Et pro consumptis peregrinum subijcit illud,

Quod fouet in tepido tuta nouerca sinu.

Hinc ubi maturi uenerunt tempora fœtus:

Ouaq; maternus rupit hiulca tepor.

Miratur simplex prægrandi in corpore molem,

Et lata est generis credulitate sui.

Heu nimium facilis uolucris, heu nescia fati,

Cur hostem nutris in tua damna tuum.

Non tuus est foetus: signum de corpore sume:

illum, ingens è te pernegat esse latus.

Non cernis, totis quia non amplecteris alis,

Implumem semper frigora dura pati?

Inde cutim scabies tentat, maculæq; leprosæ

Vndiq; per scabros emicuere pedes.

Proijce portentum scabioso corpore foedum,

Proijce quâ densè plurima spina riget.

Namq; ubi plumatos tandem firmauerit artus,

Nutricem rostro te petet ipse suam:

Atq; ubi te turpi matrem lanauerit ungui,

Fœda suo totam uiscere condet auis.

Hanc malus ille uicem meritis benè namq; reponit,

Atq; ita nutrices ille beare solet:

Dignus cui scabies, maculæq; in corpore turpes

Obijciant sceleris signa nefanda sui.

Et quem portentum diri uelut ominis omnes

Horrescant uolucres, aëreumq; genus.

Nequitiaq; suæ prodat uox, optima testis,

Et uasto quiddam gutture turpe sonet.

Sic tamen ut reliquas cantu superare uolucres

Seq; putet solum dulce referre melas.

C O T V R N I X, ὄρνις, Zwachtel, Salacissimæ
sunt: pullos exclusos, ut gallinæ, incubando
refouent: prodeuntes ducūt & subinde trans-
ferunt: non in alto nidificāt, sed in plana area
uepribus congestis nidos cōstruunt, autum-
no pin-

no pinguescunt. Cum nigrant, duces sequuntur, ὀρνυγομήτραι, lingulacum, otum & cenchramum. Redeunt sine ducibus: & propter corporis grauitatem difficulter uolāt: præsertim austro flante. κύνια apud Athenæum τὰ μικρὰ ὀρνύγια.

CENCHRAMVS, ein schreer, dux coturnicum unus, quas & de nocte cum abeundū est, excitat & euocat, admonetq; itineris, uocem eius cum senserint aucupes, intelligunt parari discessum.

CINCLVS, steinbeisser: magnitudine rutilillæ: ex cinereo albicans, caudam mouēs, τὰ ὀπιθὺν ἀκρατίς.

CVLICILEGA, κυνιπολόγος, fliegenstecher: difert à motacilla: magnitudo ei spinī, color cinereus, maculis distinctus: totus σποδοειδὲς ἢ κατὰ σιντὸς: uox ei parua: caudam mouet, muscas uenatur & culices.

CVRRVCA, ἑπολαίς, graszmücklin.

CORVVS, κόραξ. Seruīus ait coruos esse obliuiosos & plerumq; ad nidos suos non reuertī, sed quadam ratione naturæ hæc congerere ad suos nidos, quæ uermes possunt creare, ex quibus relictī eorum pulli aluntur. Horū obliuionem probat ex absconditis rebus, quas relinquunt: quod etiam mustelæ dicuntur efficere. Plinius ait à coruis pullos è nidis expelli, & ad uolandum cogi, & carnibus ali, & robustos

bustos lōgius fugari. Hæc coruorū obliuio uideatur à Dauide Psal. 146, significari, cū ait: Qui dat iumentis escam ipsorū, & pullis coruorū inuocantibus eum. Vt igitur Ciconia ὤσoρyos auis est: ita coruus ἄσoρyos, qui cū deserat pullos implumes, miseris ipsis fame pereundum esset, nisi ex reliquijs carniū de cadaueribus in nidos congestarum & stercorebus uermiculi nascerētur, quibus tantisper alantur, donec adulti euolare ipsi & uictum sibi parare possint. Hanc ἄσoρyos auē cū mirabiliter alat Deus, multo magis uictū & uitæ necessaria hominibus pñs suppeditabit, ut in Ps. dicitur. Sūt aut generis coruini, Cornices etiam & Graculi, & Monedulæ. Verū cornices maiori cura pullos fouent & postquam euolauerunt etiam ex nidis, deducunt & pascunt, quàm ullæ aliæ ex grandiorib. auib. Corui crocitant. Nicæder scribit, frequentiores eius crocitus uenturæ pluuiæ indicium esse: & inepta crocitatione sæpè prædam amittit: unde Horatius:

Sed tacitus pasci posset si coruus, haberet

Plus dapis, & rixæ multo minus inuidiæq;.

Corui quoq; humanas uoces imitatur: hinc illud est, quod Augustū Cæs. ex bello Actiaco redeuntē coruus salutasse dicitur his uerbis: Salue Imper. inuictissime. Emptus postea ab Augusto XX millib. numū: autor Suetonius. Vide Prouerb. Operam & oleum perdidi.

CALIDRIS, auicula parua, cinerea & uaria, agilis & ad motū expedita: rectà sursum prorepit & accliuia quæq; conscendit rectissimo tramite, *baumtletterlin*. Calidris cinerea, *baumheckel*.

CORNIX, *κορνικη*, *Krae*. Cornix cinerea, *σποδονδης*, *schiltkrae*. Nigricans, *schwartzkrae*. Dissidet cum ulula, ardeolæ amica est, & sola grandiorum auium pullos iam uolantes comitatur. Cornix fera aut syluestris, *holzkrae*. Maior reliquis: color ei partim cinereus, ad albedinē uergens, partim fuscus ut in capite & collo, alæ uarijs mixtim coloribus tinctæ: degit in syluis. Spatians nescio quid semper crocitāt: Virg. i. Georg.

*Tunc cornix plena pluuiam uocat improba uoce
Et sola in sicca secum spaciatur arena.*

FICEDULA, *ουκανις*, *schnepplin*. Latinum nomen inde factum est, quod cum ficus maturescunt, tum primum ferè pròdit & conspicitur. Cognata phœnicuro. Atricapillæ uero adeò similis, ut nisi cauda differrent (quæ illi rubea, huic cinerea est) uix possent dinosci. Muscas captat & culices auidè hiantibus faucibus.

FRINGILLA, *σινις*, *finet*, *rotfinet*: rubet in pectore, rubore obscuro & nigricante: nomen inde acquisiuit, quod frigore canet & uiget. Fringilla montana, *βερσινις*,
degit

degit in montibus: collum habēs cæruleum, cætera fringillæ similis: *Winterfink*.

FYLICA, κίπφ ♂, marina auis: sequitur gaviās & spuma capitur: carnem bonam & odoratam habet: *Wismeye*.

GARRVLVS, σπιρμολόγ ♂, Gaza Græcam uocem expressurus frugilegam uertit: cū ab Aristotele inter σκαληκοφάγα recēseatur, & fructibus arborum ut glandibus, plus quam frugibus uescatur. Tot coloribus est uariatus, ut nullus ei deesse uideatur: dorsum tamē ad cæruleum tendit: alæ cæruleo & pluribus alijs uenustissimè coloratæ sunt: uenter purpurascit, & uelut ὑακινθίσα: ipsa μιμητικὴ natura, reliquarū uoces effingit ac reddit: *Ein beher, holzschreyer*.

GAVIA, γάρ ♂: auicula est stupido ingenio, unde & in prouerbium stupiditatis abijt. Uuit spuma marina, plumis & pēnis est copiosis, corpore pusillo: cū parturit, uociferatur: Hinc natū Prouerb. Larus parturit, ubi quis magna præ se fert, pusilla præstitutus. Eius genera duo: Album *seegallen, albuten*. Circumuolat in mari cum fulicis. Cinereum, σποαδης, Κίβιτς: uentre potissimum albicat, sed dorso & alis ad cæruleum uel cinereum colorem uergit. Cognatæ sunt grauiæ fulicis. Pisces in summo mari & fluminibus uenantur. Hom. Odyss.

φύλατ' ἔπειτ' ἐπὶ κῦμα λάρθ' ὄρνιθι τοικῶς,
 ὅς τε κατὰ θανὸς κόλπους ἀλὸς ἀπρυγέτοιο
 ἰχθὺς ἀγρώδων πονκινὰ πτερά διείλεται ἄλμη.

GALLVS, ἀλεκτρὺν καὶ ἀλεκτωρ, quasi ἀπλη-
 κτωρ: id est, à lecto reuocans. Eum excitandis
 in opera mortalibus, rumpendo que somno
 genuisse prouidentia diuina uidetur: de quo
 Cicero 2. de diuinat. Insitum est autem Gallis,
 ait Proclus, Apollinis numen aduocare, & ue-
 luti proprijs canticis assurgenti applaudere.
 A prima mediæ noctis inclinatione explau-
 dentibus alis:

Auroram clara consuetus uoce uocare.

Matutino crepusculo, matutinis astris, De-
 um laudantibus quotidie commodulatur.
 Animal enim hoc admodum canorum est sua
 sponte. Huic animanti uenter mirificè cali-
 dus est, ita ut omnia statim concoquat Ari-
 stophanes:

ἀλεκτρὺν ὅ μ' ἔφασκε κοιλίαν ἔχειν.

Certamen Gallorum, ἀλεκτρομαχία, apud
 ueteres solenniter ac publicitus exhibebatur.
 Cæterum quanquam animal natura pugnax
 est: tamen ubi se sentit imparem in conflictu
 gallus mirè deiectus ac supplex profugit, ri-
 sum præbens spectatoribus. Vnde Prouerb.
 Trepidat in morem galli, πτήσας ὡς ἀλεκτωρ.
 πτήσας enim Græcis fugitare significat & ex-
 pauescere: peculiariter autem de auibus di-

RR

titur:

citur ad pugnam insilit, quo magis lædat calcari-
bus suis, in hunc usum à natura infixis. In suo sterquilinio & regno ferocior est & animosior. Veteres noctis deliquium & accessum diei galli cantu metiebantur, gnomonibus horarijs nondum repertis. Gallus autem tribus interuallis canit, prænuncians diem. Qua de re Plinius libro 10. capite 21. Et hi nostri uigiles nocturni, quos excitandis in opera mortalibus, rumpendo'que somno natura genuit. Norunt sidera & ternas distinguunt horas interdiu cantu. Cum Sole eunt cubitum: quarta'que castrensi uigilia ad curas, laboremque reuocant: nec Solis ortum incautis patiuntur obrepere: diem'que ueniens tem nunciant cantu, ipsum uerum cantum plausu laterum. Cur autem id accidat gallis, Democritus apud Ciceronem cōcoctionem in causa esse putat, quod id temporis cibus à pectore depulsus in omne corpus digeritur. Ambrosius Nolanus gallorum cantum à peculiari quadam salacitate proficisci putat. Esse enim hoc animal præ cæteris gallinis deditum ac uelut uxorium, mireque sollicitum de sobole quàm maxime propaganda, adeo ut unus gallus compluribus gallinis præficiatur, tantam'que turbam unicus maritus impleat, tum pro foeminis ac pullis acerrime depugnet. Porro cantum gallorum ab imaginatione

tionē Veneris proficisci: quia prius quam incundis gallinis maturi sint, fileant. Ex reliquis item auibus pleræque in coitu, coitusue desiderio uocem edunt, ut anates, passerēs, hirundines, perdices. Vox autem maris in auium genere tantam uim habet ad incitandam Venerem, ut quædam hac audita tantum, concipiant oua: quo in numero sunt perdices. Gallus itaque dilabente iam per uiscera cibo, somno'que discedente, quo tempore corpora sua sponte concitantur ad Venerem, statim gallinarum meminit, quoque copiosior sit foetura, cantus illecebra prouocat. Quod autem subinde canit, in causa est: quia gallis somnus est interruptus, minimeque perpetuus, maxime cum uigent ætate, ut intelligas & hoc à salacitate proficisci. Galli castrati, capi dicuntur: κάπαιος galli barba est: λόφος crista, der Kamp: insigne gallinaceorum ferratum: quod nec caro est, nec cartilago, nec callus, uerum peculiare quippiam: πλῆτρον est galli calcar.

GALLINA, ὄρνις, ἀλεκτορίς. Gallinarum Varro tria numerantur genera libro tertio, de re rust. capite 9. Villaticæ seu urbanæ, Rusticæ seu agrestes, & Africanæ. Villaticæ siue urbanæ uulgatissimæ sunt: Agrestes raræ: Africanæ gibberæ sunt & à Græcis Meleagrides

RR 2 appel-

appellantur, uulgus hodie uocat Indicas gallinas. Oua edunt maculis & punctulis uariata, ut Phasiani. Gallinæ nouellæ, *Mertzenhennen*, quæ pariunt nonnunquam oua *πρωίμια* & *ἡσυχία* dicta. Matrices, *brüthennen*, quæ incubando excludunt pullos. Veteranæ, *gluckhennen*.

GALLINAGO, *ἀσκαλώπαξ*, *schneppf*, gallinæ magnitudine oblongo & rotundo rostro, colore attagenis, cursu celeri, *φιλόνηρον* est.

PERDIX Græcis, Latinis, Italis, Gallis, Hispanis pariter dicitur: quidam etiam cacabas à sono, quem edunt, uocant. Hanc Ouid. fabulatur à Perdice Dædali nepote ita fuisse appellatam: quem, cum ferræ usum primus reperisset, à patruo inuidia percito, ab excelsa Athenarum turri præcipitem datum ferunt, qui terra uix tacta, Deorum misericordia in auem sui nominis fuit mutatus: quæ etiamnum ruinæ illius memor, uitat sublimia, humi nidum construens. Circa terram uolat, ut currere magis, quam uolare uideatur. *πέρδιξ* à sono dicitur, *παρὰ τὸ πέρδειν* & cacaba à cacabando: *κακαβίζειν* enim dicitur cum uocat pullos. Germanis *rebbüner*, *feldhüner*. Insigniter *ἀφροδισιατικοί* sunt, & certo anni tempore inter se dimicant acerrimè coturnicum more pro foemellis. Humi nidos suos texunt & mira calliditate pullos ex insidiantium aucu-
pua

pum manibus eripiunt. Qua de re Aristotel. libro nono, histor. scribit hæc: καὶ ἐκ τῶν αὐτῶν τίνας τρεῖς καὶ ἐπ' αὐαῖς, ἵνα μὴ τις καὶ ἀνοήσῃ τὸν τόπον πλεῖον χρόνον προσδιδύνων. ὅταν δὲ τις θηρεύῃ περιεπισὼν τῇ νεοφίᾳ, προκυλινδᾶται ἢ πῆρδιξ τῷ θηρέοντι, ὥς ἐπίληψις ὅσα καὶ ἐπισπᾶται ὡς λεηψόμενον ἐφ' ἑαυτὸν, ἕως ἂν διαδράσῃ τῶν νεοφῶν ἕκαστος, μετὰ δὲ ταῦτα ἀναπτᾶσα αὐτὴ ἀνακαλῆται πάλιν. In eandem ferè sententiam scribit Plutarchus in commentario πότερα τῶν ζώων φρονιμώτερα, τὰ χερσαῖα ἢ θαλάσσια. Vide prouerb. ἐκπερδίσσαι.

ATTAGEN & Attagena, bircthun. Paulò maior perdice, toto dorso maculosa & uaria, colore nigricans & ὑποπνέων: id est, flammæ colore rutilans, difficulter euolat & pondere corporis grauata & alarum adminiculo (quas nimis breues habet) destituta. Κονιστὴς, ἐπίγειος. Nam Aristotel. libro sexto histor. attagenam ponit inter eas aues, quas κονιστὴς uocant Græci: id est, quæ in puluere uolutantur, ut gallina, perdix, phasianus. Idem libro nono. ὁ ἀπαιλὼν, κονιστὴς ὄρνις. τῶν γὰρ ὀρνίθων ὅσοι μὴ μὴ πτηνικοί, ἀλλ' ἐπίγειοι, κονιστικοί. Attagen auis est in puluere uolutabilis. Aues enim omnes, quæ non sunt pugnaces, sed terrestres, sunt in puluere uolutabiles.

PHASIANVS, phasan, a Phaside amne Colchidis.

TARD A uis, ὄτις, *haselhun*: galli magnitudine, colore coturnicis, aliquantulum ad purpureum declinante, oblongo capite, rostro acuto, gracili collo, lingua ossea. Nomen habet à tardo uolatu. Avis μιμητικὴ & imitans aucupes κομητικῶ οculos sibi oblinentes capitur: clausis enim & glutinatis oculis excæcatur.

TETRIX, *Vraga*, *Aurhan*. Maior quouis gallo maximo, colore cæsius uel cæruleo, sed subalbicante collo: utrinque ab auribus demissa habens gallorum more τὰ λέγεσθαι.

GRVS, κίρανος, *Kranich*: minimè foliuaga: non enim se segregat siue cum uolat, siue cum pascitur. Grus dicitur à sono: quia eius proprium est gruere: unde congruo, pro conuenio & concordo. Grues, inquit Plinius, auolaturæ, ducem quem sequantur, eligunt: in extremo agmine per uices qui acclament dispositos habent, & qui gregem uoce continent. Grues enim in uolatu ordinem pertinacissimè seruant: & in eo ῥάμδα Græcum exprimunt: unde Martialis:

*Turbabis uersum, nec litera tota uolabit,
Vnam perdidideris si Palamedis auem.*

Excubias habet nocturnis temporibus, lapillum

Ium pede sustinentes, qui lassatis somno decedens, indiligentiam sono coarguat. Cæteræ dormiunt, capite subter alam condito, alternis pedibus insistentes: dux erecto prouidet collo ac prædicit. Vide proverb. Grues lapidem deglutientes. Poëtæ fingunt grues auolare in meridionalem regionem, in Aegyptum uidelicet, ubi belligerantur cum pygmæis. Sic enim Homerus in principio Iliad. γ.

ἥντι περ ἐλαγὴν γερᾶν ὦρ πέλῃ ἐρανόθι πρὸ
αἵ τ' ἐπ' ἔρ χαμῶνα φύγον ἢ ἀθίσφατορ ὄμβρον,
ἐλαγὴ τᾶν γιγνέονται ἐπ' ἀπικανοῖο ῥοάων,
ἄνδράσι πυγμαίοισι φόνον ἢ κῆρα φέρουσα.
ἦειναι δ' ἄρα τᾶν γιγαλὶν ἔειδα προφύροντά.

Vipiones sunt pulli gruum: iunge Kranich.

GRYPHEM Plinius fabulosam auem esse existimat. Aelianus narrat quadrupedem esse, robustissimis unguibus, leonum similibus: posticis partibus esse nigrum, anticis rubrum: alas autem albicantes ferre. Ctesias ait eos collo cœruleis pennis floride distingui, aquilino ore esse, & capite cuiusmodi pictores fingunt: oculis autem igneis, nidosq; in montibus facere, utq; ætatis processu, grandes non capi, ita earum pullos comprehendi posse.

GRACVLVS, Græcis *κοροῖς*, ein Thule: dictus est quasi garrulus. Est enim garrula avis &

humanam uocem summa dicacitate imitatur. Nonnulli à gracilitate deducunt, alij à uoce quam edit M. Varro ab eo dictos uult, quòd gregatim uolent. Quintilianus non probat, asseuerans dictionem ab auium uoce fictam. Porro graculorum conuentus olim notos fuisse testatur idem Varro libro tertio, de re rustic. Vnde prouerb. Semper graculus graculo asidet. Horum tria sunt genera. Primum nomine generis appellatur Graculus, Græcè *χορακίας*, magnitudine cornicis, rostro rotundo & rutilo. Plinio *πυρρόνοραξ*, *bergthule*. Secundum dicitur Monedula à moneta: Soli enim huic aui furacitas auri, argenti que inest: *λύκος* & *βωμολόχος* Græci uocant: utrumque nomen à rapacitate est, *υψερεθulen*. Tertium *ἀνώνυμος* Aristoteli, *σιγανόπους* est: id est, palmipes: Plinius *φαλακροκόρακα* quasi caluum coruum nominat.

HALCEDO, *ἀλκύνωρ* uelut in mari pariens, *παρὰ τὸ ἐν ἀλὶ κύνειν*. *Eisvogel*. Earum aliæ sunt marinæ, aliæ fluuiatiles. Marinæ raro apparent in littoribus, paulò maiores passer, colore cæruleo, uiridi & subpurpureo mixtis, rostro longo, tenui & luteo. Nidos in scopulis, pilæ marinæ & ijs quas à spuma maris Græci *ἀποσάχνας* uocant, similes construunt brumæ tempore. Vnde *halcyonij* dies: quorum septem antecedunt brumam, se.

septem consequuntur: quiescit enim mare ipsius incubantibus & excludētib; pullos. Vide Plin. lib. 2. cap. 47. lib. 18. cap. 26. lib. 10. cap. 32. Prouerb. Halcedonia sunt apud forū. Virgilius inter prognostica futuræ tempestatis hoc quoq; refert:

*Non tepidum ad solem pennas in littore pandunt
Dilectæ Thetidi Halcyones.*

Meminit & Theocritus Idyllio 7.

Χ' ἀλκυόνες σπριῶντι τὰ κύματα, τλήν τε θάλασσαν,
τόν τε νότον. τόν τ' ὑβρον, ὅς ἔσχατα φυνκία λινᾷ,
ἀλκυόνες γλαυκᾶς νηρηῖσι ταῖτε μάλισσιν
ὀρνίθων ἐφίλοισιν, ὅσας τε περ ἐξ ἀλὸς ἄγρου.

Fluviatiles marinis maiores sunt, cæruleæ magna ex parte, & earum aliæ ὠδικοὶ sunt, quæ arundinib; insidentes canunt: aliæ ἄφωνοι. Eiuso gel. Cerylus, Halcyonum mas est.

HARPA, ἄρπη: huic inimica φάιξ.

HIRVND O, χελιδὼν, schwalb. Sub initium ueris ad nos transuolat: hinc ueris nuncia. Ouid. 2. Fast.

*Fallimur? an ueris prænuncia uenit hirundo?
& Horatius:*

— Veni am Zephyris & hirundine prima.

Ad tecta ædium & templorum nidos construit. Virgil. Georg. — ante
Garrula quàm tignis nidum suspendat hirundo.

Plin. lib. 12. cap. 2. Abeunt & hirundines hi-
bernis mensibus. In eius uentre lapis inueni-
tur, Chelidonius dictus. Fabulantur poëtae,
Progenem Terej regis uxorem in hanc auem
mutatam, ut est apud Ouid. 6. Metamorph.
Ea sola auis, non nisi in uolatu pascitur. Pro-
prium ei est trinsare, secundum Ouidium: αἰὲς
fritinnire, τὸ ψιθυρίζειν ei proprium esse uolunt:
apud Varronem enim est: Hirundo fritinnit
suauiter: idem in uirgula diuina.

Et pullos peperit fritinnientes.

Est autem hæc auis minimè canora, sed mo-
lesto quodam stridore. Vnde prouerbiū: Hi-
rundinum musea, in impendio loquaces &
obstreperos. Hirundines enim inepto garri-
tu plus tædij auditoribus afferunt, quàm uo-
luptatis. Hinc. Aristophanes in Ranis:

ἐπιφρονίδης ταῦτ' ἐστὶ καὶ σωμνηματα,
καὶ λιδόνων μεσση, λαοδικτὰ τέχνης.

Hinc etiam apud Pythagoricos loquaci-
tatis symbolum esse meruit, cum uetant ne
quis hirundinem sub eodem habeat tecto. D.
Hieronimus interpretatur abstinendum à
commercio garrulorum & susurronum. Ve-
rùm hæc interpretatio refellitur apud Plus-
tarchum Symposiacôn decade 8. Nam haud
æquum uideri, ut auem domesticā & huma-
ni conuictus citra noxam amantem, perin-
de

deut sanguinariam & rapacem propellamus. Quod enim de garrulitate causantur, id esse friuolum: cum gallos, graculos, perdices, picas, cumque his alias complures multo magis obstreperas non arceamus à domestico contubernio, imò nihil penè minus in hirundinem conuenire quàm garrulitatem. Ne id quidem accipiendum uidetur, quod quidam Pythagoricum symbolum ad Tragœdiam, quæ de hirundine fertur, referunt, quasi triste omen secum afferat. Nam hac ratione philomelam item eñci oportere, ut quæ ad eandem pertineat tragœdiam. Itaque uero propius uidetur, ob id improbatam hirundinem, quod eidem malo uideatur obnoxia, quo infames habentur aues aduncis unguibus. Siquidem carnibus uictitat: & cicadas, animal maxime uocale ac musis sacrum, uenatur: preterea humi uolans minutis animantibus insidiatur: deinde sola auium in tectis uersatur, nullam afferens utilitatem. Nam ciconia cum ne tecto quidem utatur nostro, tamen haudquaquam mediocrem contubernij gratiã refert: bufones, serpētesq; hostes hominū ē medio tollens. Contra hirūdo, posteaquā sub nostro tecto suos educauit pullos, abicit nulla relata gratia cōmunicati hospiti. Deniq; quod omniniū est grauissimū, duo duntaxat animalia domestica sunt, quę nunquā humano cōuictu

man-

mansuescunt, neq; tactum admittunt, neque consuetudinem, neq; ullius rei aut disciplinæ cōmunionem. Musca semper pauit at ne quid mali patiatur, & ob hanc causam indocilis ac semifera. Hirundo item natura uidetur hominem exosum habere, proinde nec cicuratur, utpote diffidens semper, semperq; suspicans mali quippiam. His de rebus recte Pythagoras conuictorem ingratum, parumq; firmum hîrundinis symbolo monuit ablegandū. Huiusmodi ferè Plutarchus eo quem ostendi loco. Quibus illud addendum, quod Cicero in Rhetoricis ad Herennium, infidæ amicitiae similitudinem ab hîrundinibus mutuari, quæ uere ineunte præsto sint: hyeme instante deuolent. Hirundo prima omnium parit & cæcos enititur, & quia primi, foetus frigore, ferè pereunt: secundos diligenter magnaq; solertia fouet & educat. Plura earum genera, nidos luto confingunt & stramento roborant. Hîrundines domesticæ nigræ sunt, *hausfchwalben*. Rusticæ uel agrestes imo uentre ad collū usq; albicant, reliquo corpore nigræ. *Kirschschwalben*. Ripariæ seu falculæ, minimæ omnium, ripas excauant atq; ita internidificāt. Colorem habent fuscum ad cinereum uergentem: *Vberschwalben*. Apodes, *ἀπόδες*, ὅτι νοτιῶνται ἐν λυσιπέδοις ἐν πηλῇ πεπλάσμεναι: id est, quia in cistellis ex luto compactis ac conformatis nidificat:

cant:

cant: uel *χειδόνες θαλάσσιαι*, Reinschwalben, spirhschwalben. Perpetuò circumuolitant, nec confidunt unquam: nulla enim his quies, nisi in nidis, aut pendent, aut iacent: extra nidos semper *μετέωροι* sunt: alas habent longas & latas, pedes pilosos & adeò minutos, ut his carere putentur.

LIGVRINVS VEL SPINVS, *ἀκανθίς*. Vocalis est auis & in primis canora. Plinius Græca uoce dicit acanthidem, quasi dicas spinulā, eò quòd in spinis uiuat, eoq; afinos habet inuisos, quòd hoc animal spinæ florem deuoret. Est autem auium minima, tantæ fecunditatis, ut pariat duodena. Plin. lib. 10. cap. 63. & 64. Duo eius genera, Minus & Maius. Minus, quod non ualde dissimile est cardueli, colorem ex albo, nigroq; mixtum habet: uulgo etiam *Distelfinck*. Maius fringillam duplo excedit, cætera ferè similis, *Kirchfinck*, & *Kernbeisser*. Colore utrunq; genus ignobile, sed ualet & commendatur amœnitate uocis.

LINGVLACA, *γλωττίς*, dux coturnicū cum ortygetra, oto & cenchramo: sic dicta *ὅτι γλωττῶν ἐξαγορεύων ἔχει μέχρι πύργου*: id est, quia linguam exerit prælongam. Non plus uno die cum agmine pergit, in primo hospitio pertæsa itineris & uolatus progredientes deserit. Dorndreer.

LVSCINIA, auis cantus suauitate præcellens:

lens : sic dicta quòd lugens canat , aut certe quòd ante lucem canat . Græcis ἀνδῶν ab ἀνδρὶ ἀδῶν , quasi perpetuò canens . Nam cùm cepit sine intermissione ferè canit . Dicitur & philomela quòd cantum amet . Vernis mensibus per totam ferè noctem dulci suo modulamine auditores delectatione & iucunditate afficit . Cùm primum sylua frondibus incipit opacari , diebus ac noctibus quindecim assiduè canit : lætitiàm testata , quam ex uerni temporis aduentu præsentiit : ab eo uerò tempore canit quidem , sed non assiduè . Numero impare gaudet . Septem enim dies , totidemq; noctes assiduè nouem discrimina uocum . Ingeminat : cuius miraculi animaduersor fuit iacobus Boius præses Curie Armoricorū . De ea Plin. lib. 10. ca. 29. Luscinj's , inquit , diebus ac noctib. quindecim continuis garrulus sine intermissione cantus , densante se frondiū germine : multis nominibus admiratione digna auis . Primum tanta uox in tam paruo corpusculo , tam pertinax spiritus . Deinde in una perfecta musicæ scientia modulatus editur sonus : & nunc cōtinuo spiritu trahitur in longum nūc uariatur inflexo , nūc distinguitur conciso , copulatur intorto , promittitur , reuocatur , infuscatur ex inopinato interdum & secū ipsa murmurat : plenus , grauis , acutus , creber , extensus : ubi uisum est , uiibrans , sum-

mus,

mus, medius, imus. Breuiter omnia, tā paruu-
lis in faucibus, quæ tot exquisitis tibiārū tor-
mētis ars hominū excogitauit. Ac ne quis du-
bitet artis esse, plures singulis sunt cantus &
nō idē omnibus, sed suus cuiq;. Certant inter
se, palāq; animosa contentio est. Victa, morte,
sæpē finit uitā, spiritu prius deficiēte q̃ cantu.
Meditantur aliæ iuniores, uersusq; quos imi-
rētur accipiūt. Audīt discipula intētiōne ma-
gna & reddit, uicibusq; reticent. Intelligitur
emēdatę correctio, & in docēte quædā repræ-
hensio. Poëtæ fabulantur Philomelā a Tereo
uiolatā, in hāc auē fuisse mutatā. Tereus enim
cū Prognem Pandionis Atheniensīū regis fi-
liā uxorē haberet, Philomelā eius sororē uiol-
lauit: ac ne facinus indicaret, ei linguā ampu-
tauit: at illa rem in ueste intexuit. Quare Pro-
gne indignata Itym filiū interemit, & Tereo
epulādū apposuit: omnes sunt postea in aues
sui nominis conuersi: Tereus in upupam, Itys
in phasianum, Progne in hirundinem, Philo-
mela in lusciniā, ut Ouid. 6. Metamor. Hinc
Mart. lib. 14.

Elet Philomela nefas incesti Tereos, ex qua

Muta puella fuit, garrula fertur auis.

Luscinia enim inter canendum crebrò ite-
rat has uoces: *τῆρ' ὅς μ' ἐβιάσθη*: id est, Tereus mi-
hi uim intulit: *τῆρ' ὅς γὰρ ἦλθας*: quibus uoci-
bus uidetur, quasi conqueri de Tereo, quod
ampu-

amputârit linguam. Luscinia Druso & Britannico Claudij filijs Græco, Latinoq; sermone dociles fuere. Huic tam genuina, tam uoluptaria est modulatio, ut si Aristoteli credendum est, obseruatum sit, eam pullos erudire. Quod si procul à matrib. alantur, non ita suaui-ter, neque ita peritè canant. Id quod tamen non mercedis, neque gloriæ spe faciunt, quæ duo mortalibus ad augendam industriam calcaria potissimum adhibentur: sed unius delectationis gratia, qua se oblectat. Fœmina ut mas modulatur: sed cum incubat aut fouedis pullis uacat, cessat à cantu. Vterq; caret summæ linguæ acumine. Conditur uterq; ab autumno usq; ad uernos dies, mutatq; colorem & speciem.

LVTEOLA, κλωρίς, ὅτι τὸ τὰ κάτω ἔχειν ὠχρὰ: id est, à partis suæ inferioris colore luteo, paulò minor alauda ea quæ crista caret. Ex alo herba (quam σιμφυτον Græci uocât) stirpitis euulsa nidum parat: substernitq; pilos & lanam. Zeislin. Fœmella cinerea est & uaria, imo uentre pallida.

LAGOPVS, crocea: à coturnicibus magnitudine & colore differt, croceo tinctu, cibis gratissima, tota hyeme conspicua. Emmerling, Goldammer. Est & altera candida, cui nomen leporini uilli dedere, columbæ magnitudine, ignota apud Plinium.

MILVVS uel miluius, à mollī uolatu, uel à uoce quam edit, dictus. Græcis *ικτινας*, ab aduentu, quòd tanto desiderio expectatus accedat. Ales enim ea uerno primū tēpore incipit apparere, certissimūq; est eius nunciū. Vnde etiā Prouerb. emanauit: Miluñs procūberet: quia scilicet pauperū sit mos, hyeme iam desguiente, qua malè semper afficiūtur, aduentātibus miluñs pcūbere eo genuū cultu, quo roges colī solent. Vide Suidā in *ικτιν*: & Scholiast. Aristophanis in auib. qui docet anni partes quatuor per aues denūciari hominib. Ver attribuit miluis. Ex accipitrū genere sunt miluij, ij sde & magnitudine & pēnis similes. Afficiūtur podagra circa solstitiū, *Es geschicht dē hūnerfresser recht*. Auis enim rapacissima est & semper famelica: pullis gallinaceis maximè insidians. Hyeme in nido conditur: in paruis audax, in magnis timidus: a Niso enim, quo triplo est maior, uincitur. *Ein Weib*.

MERULA, *κόρυμβος*: æstate cantu se demulcet, hominūq; uocē æmulari studet: hyeme balbutit, circa solstitiū muta. De ea Aelianus & Oppianus de aucupio. Plin. li. 10. cap. 24. & 30. Nigra est & lauri folio annum fastidium purgat: sola uolat & pascitur: ex nigra rufescit: bis anno parit: turdum amat. Tria eius genera, nigra, alba, fusca. Nigra rostro rutilo, calore nigro & nitente, cætera non dissimi-

his turdo, uocem mutat & colorem. *Amsel.* Alba, magnitudine & uoce priorī par est, sed rara. Fusca, paulò ceteris minor, colore ex nigro in fuscum uergente. *Pirctamsel.*

MERGVS, αἰθῆα, uictum ex aquis petit. *Dauischer.* Varia, candida quibusdam partibus, quibusdam nigra. *πυγνόπους*: id est, palmipes est.

MEROPS, apīaster Latinis, quod apibus noceat, ut scribit Aristot. libro 9. hist. auis est, teste Aeliano, pietate in parentes uolucris cæteris præstans. Nam ubi primū per ætatem uolare potest, parentes in altissimis specubus reconditos alit. Aristoteles ait: τὸς γονῶας εὐτεκνέει φιλῶς καὶ τῶν ἐκ γόνων ἑ μόνον γηράσκοντας ἀπὸ τῆς εὐθούς. Simeon Antiochenus de animalium uis: Meropi animalī uolatili pectus est accipitrium, uenter albicans, tergum & apicem auro similem, genas candidas & rostrum magnum habet: indeque nomen quod procliuius admodum sit ad contrahendam cum hominibus amicitiam. Homines enim *μέροπας* appellat Homerus. Est infesta in primis aluearijs, apesque absumit. Vnde Virgil. 4. Georg.

Absint & picti squalentia terga lacerti

Pinguibus à stabulis, meropesque, aliæque uolucres.

Acerrimi morsus est: rostro enim caueas omnes, quæ ferreae non sunt, confringit. Magnitudo ei turdi, rostrum aduncum, adeo ut
uelut

uelut proboscidem habere uideatur. Pennæ eius superiores partim cæruleæ, partim uirides sunt: inferiores pallent, extremæ laterum renus & primores in pectore ad purpureum uergunt, rubris intercurrentibus maculis.

MOTACILLA, *μοτακύλλης* uel *ιμυξ*, *bachstelz*, *δωαξ*, *ferstelz*. Fringilla paulò minor, colore uario, cōtinuè caudam mouens.

MOLLICEPS, *μαλακοκεφαλὴς*, *harschnepf*, *neuna morder*. Capite grandiusculo, sed molli & cartilagineo: unde & nomen habet: paulo minor turdo, colore cinereo, ore firmo, paruo & rotundo, pennis inualidis, sed *εἰσπρεσ*.

NOCTURNÆ AVES, ET OMNES

γαμψόωνχοι.

BUBO, *βύας*, uhu, *schuffeul*: in templis & desertis ædibus se continet, præcipuè in cauernis: auis est feralis ac aduolandum debilis. Virgil. 4. Aeneid.

Seraq; culminibus feralis carmine bubo.

Cantu suo incoelix omen plerūq; prælagire & credulis putatur. Ouid. 8. Metam.

Ignauus bubo dirum mortalibus omen.

STRIX, auis & ipsa inauspicata & importuna à stridēdo dicta: Græcis *σφρυγιον*. Vide Ouid. 6. Fastor. Plin. lib. 11. cap. 39. Lucan lib. 6.

CICVNIA, *νυκτικόραξ*, *nachtrap*: unguibus est aduncis, uenatione nocturna cibum parat.

NOCTVA, *Nachteul*, cognata buboni & ululæ, Græcè γλαῦξ à glauco colore oculorum, noctu perspicacissimè uidentium, interdium cæcutientium. Hanc auem cæteræ petunt & circumuolitant: ipsa maiore multitudine circumdata, resupina pedibus repugnat, & in arcum collecta, rostro & aduncis unguibus tegitur: auxiliatur oppressæ accipiter, bellum'que partitur. Auceps his minores alliciunt, & allectas capiunt. Priscis Atheniensibus noctuæ uolatus, uictoriæ symbolum existimabatur, quod auis hæc Mineruæ sacra crederetur, quæ quidem dicta est etiam malè consulta Atheniensium benè fortunare. Vide prouerb. Noctua uolat, & Noctuæ Laureoticæ. Philostratus in uita Apollonij libro tertio, de ouo noctuæ rem prodigiosam refert: τὴν γλαῦκα, inquit, καὶ ἐπιφυλάττειν οὐ νοσήναι, καὶ τὰ ὡὰ σπᾶσαντα δύναι μαρᾶσαι τῷ βρέφει, συμμίπτως ἔψαντας, ἃ γὰρ βρώσεται τι τέτωρ πρὶν οἶνον γένεσθαι, μῖσθ' πρὸς τὸν οἶνον αὐτῷ ἐμφύσεται, καὶ σφρόνιπτα διακείσεται. Vide prouerb. Noctuinum ouum.

OTVS, ὄτϙ, *Schleyereul*, inde dicta quod περιτὰ ὦτα περιύγια ἔχει. Aures enim plumeas eminentes habet, imitatrix alioqui & parasitica & saltatrix: noctuæ similis, sed maior.

VLVLA, ὠλ τὸ ὀλοῦναι, quod est ululare & flere seu flebilē & mœstum sonū edere, quod etiam est luporum & canum. Græcis dicitur

αὐγῶνι. Θ: ἀπὸ τῆς ὀλοθυγῆς: id est, ululatu. In Attica plurima est, ei regioni quasi peculiaris. Vnde Prouerb. Vlulas Athenas portas: de stultis negotiatoribus, qui merces eò comportāt, qui per se magis abundant: ut si quis in Aegyptum frumentum, in Ciliciam crocum inuehat.

ASIO, σκῶψ. Duūm est generum. Alī semper cōspiciuntur, ἀέσκωπς, Keützlin. Alī autumno quandoq; uno atque altero die apparent. Steineulen. Illi ἀφρονι sunt: hi clamant sub crepusculum.

VESPERTILIO, νυκτερίς: quòd uespere prodeunt, lucemq; perosæ:

Nocte uolant, seroq; tenent à uespere nomen.

Murium naturam & uocem habet: stridorē enim & strepitum ingrātum edit, qualē in forium cardinibus & in curruū rotis malē iunctis sentimus: δερμόπις, Θ est. Alarum enim uice membranam magis quàm pennas habet. In caminis fornacum, & ubi suillæ carnes suspenduntur, se continet. Solus hic uolucrum nō est ὠροτόν, Θ, sed animal parit & lacte nutrit, ubera admouens, ut ait Plin. lib. 10. cap. 61. Incertæ naturæ est & mediæ cuiusdā inter auem & murem speciei, ut mus alatus dici possit: Germanis ein Fledermaus. Neq; pluma, sed pilo, atq; eo quidē murino, uestitur. Sola ex omni

uolucrum genere, & dentes simul & mamas habet: quin & auriculas. Inter uolucres nō est habēda, quōd quatuor pedibus graditur, pullosq; parit, non oua, quos & lacte nutrit. Atq; hactenus aues nocturnæ.

OLOR, cygnus, *κύκνοι* sunt *κυανόποδες* & *ἰστικοί*: canuntq; maximè morituri. Cicero prima Tusculana: itaq; cōmemorat, ut cygni, qui non sine causa Apollini consecrati sunt, sed quōd ab eo habere diuinationem uideantur: quia prouidentes quid in morte boni sit, cum cantu & uoluptate moriantur. Dicitur enim cygnus mortem præsentiens suauissimè canere, etq; illud Martialis spectat:

*Dulcia defecta modulatur carmina lingua,
Cantator cygnus funeris ipse sui.*

Plinius tamen lib. 10. cap. 23. id deridet: Olorum, inquit, morte narratur flebilis cantus, falsus ut arbitror aliquot experimentis. Auis candida est, anser maior, argutam uocem habent. Hinc uersus Græcus:

ὁ δὲ αὐτὰρ ὡς ἔειπεν ἰόρυνδρος παραπλήσιον ἄλλαν.

Ipsi cycni se inter se deuorant, quod his solis & accipitrum generi proprium est. Nulla enim alioqui unius speciei animantia cognatas & congeneres carnes gustant.

ORTYGOMETRA, dux coturnicū, *der Wachzeltin König*: auis est turturis magnitudine, longis cruribus, *δυστάλεις καὶ δειλὴ.*

ONOCROTALVS, Aristoteli, ἰρῶδιος ἀσπίς.
 Figura cycni, galli magnitudine, fuscus,
 rostro longo, quo in aquas uel terram infixus,
 ciet sonitum qualem asini edūt, unde Germa-
 nis *Rohrdumel* uocatur. Faucibus eius inest ue-
 lut alter uterus capax & amplius, in quem in-
 explebili auiditate, quæ uorat, cōgerit & pre-
 coquit: post eadem ruminās, in uerum trans-
 mittit uentrem.

PARVS, αὐγισθαλὸς: auicula fœcunda καὶ πολυ-
 τικνῶ, *ein may*. Nocet apibus & odio maximo
 prosequitur acanthyllida, teste Plutarcho de
 odio. Eius genera plura. Fringillago, σπιρίτης,
 maxima omnium fringillæ æqualis, pulchra,
 inferius ex luteo uirescens, in uertice nigri-
 cans, *Spiegel may*, *Kol may*: Montana, *blaumays*. A-
 nonymos, minima omnium, sed longissimā
 habet caudam, *pfannenstichtz*. Cristata, montanæ
 par magnitudine, *heubelmays*.

PAVO, τὰὺς, ἀπὸ τῆς τάσεως τῶν πτερυγῶν. Gemman-
 tes enim pennarum colores expandit sole ad-
 uerso, maximè laudatus hinc poëta:

*Laudatas ostendit auis Iunonia pennas,
 Si tacitus spectes ipsa recondit opes.*

Collo toto sapphiri gemmæ color inest: ex-
 tremæ pennæ Chrysoberilli, auri & sapphiri
 coloribus distinctæ sunt. Fœmina uerò ra-
 diata cauda & colorum illa uarietate carere:

Mas pennas amittit cum primis arborum frōdibus, recipit cum germine earundem: & oua frequenter dum foemina incubat, aduolans frangit: ideo non raro gallinis incubanda subiiciuntur. Pauonis carnes concoctu omnium difficillimæ esse tradūtur, & nōnunquam aut uix computrescere. Hinc Augustinus lib. 21. cap. 4. Quis nisi Deus creator omnium, dedit carni pauonis mortui non computrescere?

PICVS MARTIVS, *specht*, Græcis *σπουκαδάπτης*. Tundit & excauat arbores, uermiū & culicū causa: egressos lingua arripit, quā latiusculā & maiusculā habet. Perreptat arbores, humi raro cōsistit, scāditq; in subrectū, seliū modo, quandoq; & supinus stellionum more ingreditur. Plura eius genera. Maximus paulo minor est gallina, niger, capite rufo, *schwartzer specht*. Medius capite rufo, croceo pectore, collo dorsoq; uiridi, alis cæruleis, propriè picus Martius Latinorum, merula maior, *grünspecht*. Minimus, pipo dicitur: corpore minor merula, uariis, ex nigro, alboq; commixtas pennas habens, *bunter specht*. Est & quartus tertio hoc minor, *graspecht*.

PICA, *litta*, ein *alster*: magnitudine palumbæ. alis uarij coloris & præsertim cærulei: loquacissima & humana imitans uerba: linguam quoq; latā habet, qua & humanæ uocis æmula est. Mart. lib. 14.

Pica loquax certa dominum te uoce saluto:

Si me non uideas, esse negabis auem.

Est enim picæ docilitas in humana uerba: sed quoniam non ita liquidè nec cōcinnè loquitur, ut psitacus: & quadam rauedine sermonem obfuscet, præfractoque sono syllabas enūciat: estque memoria minime tenaci, ut (nisi, quæ didicit, frequentius replicari audierit) facile obliuiscatur: ideo scurrili strepitu sonare dicitur ab Ouidio: id est, turpi & procaci dicacitate & garrulitate. Mira sunt, quæ de pica Plutarchus refert, quæ (alioqui loquacissima) auditis Romæ buccinatoribus obstupefacta siluerit euestigio, tantoque ita silentio dies aliquot meditata, repente quasi expergefacta omnem eum buccinarum sonum, harmoniam & numeros summa omnium admiratione reddiderit. Picarum duo sunt genera. Vnum urbanum, quod cæcos parit garrulum est, uocem subinde mutat, & quouis anno cū rapæ feruntur, caluescit. Syluestræ alterum, toto corpore uarium est, pennis candidis, cinereis, cæruleisque mixtis: alis uerò nigrum.

PORPHYRIO, ὁραῖότατον ἄμα καὶ φρονιμώτατον ἐστὶ ζῷον: solus morsu bibit & loco τῷ προδόντι, longum habet collum, ut Phasianus. Est autem πρόνοος in auibus quibusdam uelut anterior gula, in quam deglutiunt & congerunt cibos, indeque uelut ruminando in uentriculū

transferunt, der Kropff. Ipsa auis est ex genere *οχιζονόδων*: duos pedum digitos ante, duos retro habet: magnitudine galli; colore cæruleo, rostro purpureo uel potius rutilo, cruribus altis & oblongis est; in delicijs olim habita.

PASSER, à patiēdo, quod caducum morbum patiatur: *σπυθός*, *spatz*, *sperling*. Ad parietum foramina nidos facit: cui propter salacitatem uita est breuissima, ut etiam prouerbio salacitas eius locum fecerit, quo dicitur: Passere falacior. Plinius mares annum tantū uiuere, fœminas uerò diutius asserit. Passer solitarius, *σπυθίον μονάζον*, grandior & nigrior est passer: solus per domorum culmina incedens: cantu suauis. Pipilare proprium est passerum. Catullus de passere Lesbix:

Sic circumfiliens modò huc, modò illuc:

Ad solam dominamusq; pipilabat.

PLATEAE, *πτερυγάνης*: anseribus similes, sed rostro latiore & longiore, uictum petunt ex aquis. Mergos præda potitos insequuntur correptos mordicus retinent, donec capturam extorqueant. Conchis se marinis implent, & paulo post, ubi calore uentris coxerunt, reuolunt eliciuntq; esculenta & testas secernunt. *Löffelgen*.

PSITTACVS, psittich, ἀνθρωπόλωτος etiam
est cognominata, quod humanas uoces imi-
tatur & exprimere consuefcit. Eam auem O-
uid lib. 2. Amorum, eleg. 6. elegāter descripsit:

Psitacus, Eois ales mihi missus ab Indis,
Occidit: exequias ferte frequenter aues.
Tu poteras uirides pennis hebetare smaragdos,
Tincta gerens rubro punica rostra croco.
Non fuit in terris uocum simulantior ales.
Reddebas blāso tam benè uerba sono.
Raptus es inuidia: non tu fera bella mouebas:
Garrulus & placidæ pacis amator eras.
Ecce coturnices inter fera prælia uiuunt,
Forsitan & fiunt inde frequenter anus.
Plenus eras minimo, nec præ sermonis amore
In multos poterant ora uacare cibos.
Nux erat esca tibi, causæq; papauera somni,
Pellebatq; sitim simplicis humor aquæ.
Viuit edax uultur, ducitq; per aëra gyros
Miluius, & pluuiæ graculus autor aquæ:
Viuit & armiferæ cornix inuisa Mineræ,
illa quidem seclis uix moritura nouem.
Occidit illa loquax humanæ uocis imago
Psitacus, extremo munus ab orbe datum.
Optima prima ferè manibus rapiuntur auaris:
Implentur numeris deteriora suis.
Plinius libr. 10. capite 42. ait: Super omnia
huma-

humanas uoces reddūt Psitaci, & quidem sermocinantes. India auem hanc mittit, Psitacem uocant: uiridem toto corpore, torque tantum miniato in ceruice distinctam. Imperatores salutatur, & quæ accipit uerba pronunciat, in uino præcipuè lasciuia: capiti eius duritia eadem quæ rostro: hæc cū loqui discit, ferreo uerberatur radio, aliter non sentit ictus. Cum deuolat, rostro se excipit, illi innititur, leuioremque se ita pedum infirmitati facit. Apuleius libro 2. Floridorum de Psitaco sic scribit: Quæ rusticum nostrum sermonem cogitur æmulari, ferrea clauicula caput tunditur, ut imperiū magistri persentiscat. Hæc ferula discenti est. Discit autem statim pullus usque ad duos ætatis suæ annos, dum faciliè os uti confirmetur, dum tenera lingua uti conuibretur. Senex autem captus, & indocilis est & obliuiosus. Vnde prouerb. Senex psitacus negliget ferulam. Summa ei cura caudæ, quam rostro assidue purgat & expolit: ad Venerem est promptissimus.

PHOENIX nobilis Arabiæ auis, haud scio, inquit Plinius, an fabulosè unus in toto orbe nec uisus magnoperè. Aquilæ narratur magnitudine, aurī fulgore circa collum, cætera purpureus, cæruleam caudam roseis pennis distinguētibz, cristis faciem, caput plumeo apice honestante. De ea Ouid, lib. 15. Metam.

Una est quæ reparet, seq; ipsa refeminat ales,
 Assyrii Phœnica uocant: nec fruge, nec herbis,
 Sed thuris lacrymis & succo uiuit amomi.
 Hæc ubicunq; suæ compleuit secula uitæ,
 Illicis in ramis, tremulæq; cacumine palmæ,
 Vnguibus & duro nidum sibi construit ore.
 Quò simul & casias & nardi lenis aristas,
 Quassaq; cum fulua substrauit cinnama myrrha,
 Se superimponit, finitq; in odoribus æuum.
 Inde ferunt totidem qui uiuere debeat annos
 Corpore de patrio paruum Phœnica renasci.
 Cum dedit huic ætas uires, oneriq; ferendo est,
 Ponderibus nidi ramos leuat arboris altæ,
 Fertq; pius cunasq; suas, patriumq; sepulcrum.
 Perq; leues auras Hyperionis æde potitus,
 Ante fores sacras Hyperionis æde reponit.

Scripsere quoq; Lactantius & Claudianus
 de Phœnice. Vide prouerb. Phœnice rarior.
 Dionem lib. 57. Tacitum lib. 6.

RVBICILIA, *ῥυβικίλιας*, *buchfinck*. Supernè to-
 to dorso & uertice insigniter uario, sub collo
 anteriore parte & utrinq; ad alarum initium
 igneo rubore & sub pallido nitet, infernè alba.

RVBECULA, *ῥυβέκυλα*, *roitröpslin*: auis est so-
 litaria, ut eodem in saltu non temerè, nisi unã
 inuenias. Vide prouerb. Vnicum arbutum
 haud alit duos erithacos.

RV TICILLA, φοινίκας Θ ἀπ τῆς φοινίκης ὑπάει.
Rotfierz: differt à ficedula, quæ cinereo tota & obscuro colore constar.

RV BETA, βατίς, Zipdruschel. Minima turdorum, figura alioqui & colore iliaco turdo similis, circa rubos uiuit & uersatur. Delectatur enim fructibus eorum & sambuci baccis.

RV BEX, χαράδρι Θ, à præruptis horrentium alueis nomen inuenit. Colit enim loca confragosa, prærupta & cauernosa: praua colore & uoce: diem fugit, nocte prodit. Plutar in Symposiacis refert ictericos charadrinum aspicientes conualescere.

SITTA, σίττυ, nussbacher: pugnax, sed concinna, elegans, fœcunda, callida, & πολυίδρις. Germanis dicitur, quod contusa macerie uictum quærit.

STVRNVS, ψάρ Θ, star. Auis nigra & maculosa, magnitudine merulæ. Sturnorum generi proprium est cateruatim uolare, & quodā pilæ orbe circumagi, omnibus in medium agmen tendentibus. Capiuntur dum à uolatu cum impetu procumbunt. Aduentant præcipuè uis maturefcentibus, quas depopulantur. Etenim misere eas appetunt.

STRUTHIO, & struthiocamelus, quamquam hoc nomen ueteribus insolens, qui μελάλως σπάρθως uocarunt. *Ein straus*. Descriptio eius extat in libro Iob. cap. 39. Penna struthionis similis

milis est pennis erodij & accipitris. Quando derelinquunt oua sua, ut in puluere calefiant, obliuiscitur quod pes conculcet ea, aut bestia agri conterat. Duratur ad filios suos, quasi non sint sui; frustra laborauit nullo timore cogente. Priuauit enim eam Deus sapientia, nec dedit illi intelligentiam. Cum tempus fuerit, in altum alas erigit, deridet equum & ascensorem eius. Plinius libro decimo, capite primo: Auium grandissimi & penè bestiarum generis, struthio cameli Africi uel Aethiopici, altitudinem insidentis equo excedunt, celeritatem uincunt: ad hoc demum datis pennis, ut currentem adiuuent: cætero non sunt uolucres, nec à terra tolluntur. Ungulæ hīs ceruinis similes, quibus dimicant, bisulcæ, comprehendendis lapidibus utiles, quos in fuga contra sequentes ingerunt pedibus. Concoquendi sine delectu deuorata mira natura, sed non minus stoliditas, in tanta reliqui corporis altitudine, cum colla frutice occultauerint latere se existimantium. Præmia ex hīs oua, propter amplitudinem pro quibusdam habitata uasis: conosq; bellicos & galeas adornantes pennæ.

TINNUNC VLI, *αἰγίαιδης*: ex genere sunt *αἰγίαιδης*: id est, aduncarū auiū, *steingallen*. Defendunt colūbas cōtra accipitres, quos terrēt naturali potentia, in tantum ut hi uisum, uocēq;
eorum

eorum fugiant: oua pariunt minij modo rubra.

TROCHILVS, οἰκὴ πρῶγλας ἢ λόχμας: auis parua, cinerea, *zaunfönig*. Vocatur & πρῆσβυς: id est, senator, & βασιλεύς: id est, Regulus.

TRYNGAS, τρύγας, *Wasserhenne*. Nigra tota, *χιόπος*, candido uertice ad rostrum usque demisso, pedibus altis & nigris, caudam continue mouet & loca incolit aquosa.

TVRDVS, τίτλη. Inter lautas epulas niuali hyemis frigore potissimum uisitur & capitur cum uictus gratia ad loca iuniperis confita tēdit. Hinc uentriculum iuniperi baccis refertū habet, qui non (ut in cæteris auibus) euacuatur, sed nobiliores in mensa partes uendicat. Palmam quoq; in cibis uidetur dedisse turdo Martialis his uersibus:

*Inter aues turdus, si quis me iudice certet,
Inter quadrupedes gloria prima lepus.*

Quin & Horatius lib. 1. epist. 16. obeso turdo nihil melius esse censuit. Quantam enim nutriendis, pinguefaciendisq; turdis maiores operam impenderint, M. Varro lib. 3. de re rustic. & Columella posteris testatum fecerunt: ubi præter alia innumera circa turdos studia, in cibum illis quotidianum offas & ficis, & farina aliâs crassiore, aliâs subtiliore confarctas, nec non milium cum aqua copiosa & clara præbi-

præbitum fuisse, monstrat: ut hac ratione aues nutritas iucundissimas euasisse cōfirmet, adeo ut singuli turdi ternis denarijs iure emptitari potuerint, quemadmodum tempore suo Varro, quotidie ætate sua factum scribit Columella. Atqui temporib. nostris cum nulla turdorū saginandorum cura sit, sed quales capiuntur in coquinas mittantur: necesse est eam in ipsis manducandis suauitatem minus percipi. Illud sanè de turdis mirandū est, quod Galenus eos & passerulos duriores esse cōcoctu perdicibus, attagenis, colūbis, gallis, phasianis & gallinis scripserit lib. 3. de alim. facul. Quem locū aliquo mendo scaterere posset quis suspicari, nisi eadem uerba apud Oribasiū & Aëtium notata haberētur. Admirationis causa hoc argumento concluditur:

Quæ magis nutriunt, debent (cæteris paribus) difficilius à calore naturali confici: ut ex Galieno lib 7. methodi & alibi colligitur.

At perdices, gallinæ & phasiani magis nutriunt: suntq; (ut Celsus loquitur) materiæ firmioris quàm turdi & passerres.

Parigitur est eos difficilius turdis & passeribus concoqui.

Iam uerò phasianos, (quos, quantum ad coctionem & nutriendi uim spectat gallinis pares: edendi uero suauitate superiores facit Galenus) solis uaporibus à culinarum magistris

ob maiorem gulæ iucunditatem coqui consueuisse, D. Hieronymus scribit. Is enim in epistola ad Oceanum 83, sacerdotis munera typicè enarrās, sic eum depingit: Debere eum suam domum benè regere, non ut opes augeat, non ut regias apparet epulas, non ut celatas patinas struat, non ut phasidas aues lentis uaporibus coquat, qui ad ossa perueniant, & superficiem carnis non dissoluant artificii temperamento. Adscribunt autem huic aui surditatem peculiarem, cum sit loquacissima, uel prouerbio teste, *καφότερ ὁ κίχλιν*: id est, surdior turdo, de loquacibus, qui loquētes alios pati nequeant. Aristoteles libro 9. tria genera turdorum facit. Primum uocat *ἰξίθόρον*; aut ut Athenæus *ἰξοφάγον*, uisciuorum, nimirum quod uisco uescatur & resina. Siquidem uiscum, autore Plinio, non prouenit, nisi maturatum in uentre ac redditū per auium alium, maximè palumbium ac turdorum. Cuius rei meminit & Seruius in 6. Aeneid. Vnde Proverb. Turdus sibi malū cacat. Hoc genus primum magnitudine picæ est: *Krametuoegel*. Secundum *πικὰς* dicitur: id est, pilaris turdus, amplitudine merulæ: uocem edit acutā, cum obscura quodā fuscetudine: uariis & maculosus. *Sandruschel*. Tertium dicitur Iliacus turdus, *ἰλιάς*: minor pilari turdo, cinereus, ad fuscetudinem uergens, sed minus uariis, *Weindruschel*.

VIREO, *χλωεῖον*, *Widwol*: luteus totus, magnitudine turturis, procedit circa solstitium æstiuū, exoriente arcturo discedit & tota hyeme non conspicitur. Aristot. ait eum esse *μαθηρ ἀγαθὸν καὶ βιομήχανον*.

VPVPA, *ἑποψ*, *Widhopf*, *Kothaan*, gallus luteus: quia nidum ex stercore humano fingit. Cristam plumeam in capite plicatilem gerit, quam contrahit, erigitq; secundū capitī longitudinem: pennīs varijs, rostro longo, paulō maior coturnice. Variē mutat colorem & speciem estate & hyeme: quod Aeschylus de Teo in upupā mutato & suam metamorphosim intuente hīs uersibus indicat:

τῆτορ δ' ἐπόπτῳ ἑποπα τῶν αὐτῶ κακῶν
 πιποικίλῳ καὶ ἀπ' ἀηλῶσας ἔχει
 θρασυὺν πιπρῶον ὄρνιν ἐν παντι νύχτι·
 ὅς κε μὴ φαίνοντι δ' ἅπαντα πτερόεν,
 κίρκη δ' ἐπ' ἄγρῃ: δύο γὰρ ὅρ' μορφᾶς φαίνε,
 παιδὸς τε αὐτῶ νηδύϊ μιᾶς.

ἀπ' νίας δ' ὀπώρας λῶικ' ἀνξάνθ' ἑσάχης,
 τίκτη νιν αὐθις καμφονομίῃ πτερυγί.

VRINATRIX, *κολυμβίς*. Minima mergorum & reliquarum ex aquis uictum petentium: ἔν παρομίλαινα tota, præterquam in uentre, ubi albet. Mergens sese & conspectos pisces prosequēs, diu sub aquis huc illuc fertur, priusquā reuertitur, unde & nomē inuenit: Germanis, *Schwartzteucherlin* & *Wasseramsel*.

VVLTVR, γύψ, geyer. Huic aui proprium, ca-
 daueribus tantum uiuere. Vnde & natura tan-
 tum sagacitatis illi addidit, autore Plinio, ut
 bīduo aut trīduo præuolet illuc ubi cadauera
 sint futura: eo' que, ut refert Magnus ille Basi-
 lius, ingenti agmine solet comitari castra mi-
 litum. Plutarchus in Romulo sic describit: γύψ
 ἐστὶ ἀδελφεύων τῶν ἀπάντων, μηδὲν ὧν σπείρουσιν ἢ φνυ-
 τίουσιν ἢ νέμουσιν ἄνθρωποι, σινὸς μύρον πρέφεται δὲ ἀπὸ νε-
 κρῶν σωμάτων: ἀπκτίννυσιν δ' ἑδὲν ἑδὲν λυμάννεται ψυχὰς
 ἔχον, πῶλυσι δὲ δὴ συγγένειαν, ἑδὲν νεκροῖς πρόσσειν. αἰτοὶ
 δὲ καὶ γλαυκὲς καὶ ἱέρακας ἴωντα κόπτει τὰ ὁμόφυλα καὶ φο-
 νεύουσι. Aegyptij dixerunt uultures omnes esse
 foeminas, nec aliter ex Euro cōcipere, quàm ē
 Zephyro grauidæ fiunt arbores. Vnde mirū
 est hanc auem innocentissimam, apud homi-
 nes tam malè audire. Proinde qui diuites au-
 dēt accusare aut ueneno tollere, miluñ uocan-
 tur: qui uerò obsequijs & adulationibus aucu-
 pantur, ut misceātur testamēto, uultures pro-
 uerbio dicuntur. Vnde Seneca, si uultur es, ca-
 dauer expecta, quo utimur contra captatores
 testamentorum & hæredi petas, qui senibus
 orbis ceu cadaueribus inhiant. Aristotel. duo
 genera recenset. Vnū minus albicans: ex quo
 genere sunt qui uocantur, Vifchgeyer. Alterum
 maius, & σποδοειδέστρον hasen oder afsgeyer. Saga-
 cissimè hi odorantur.

I B I S, Aegyptia auis, nostræ ciconiæ non
 absi-

ablimilis, sed rostrum longum modicè inflexum & aduncum habet, inimica serpentibus. Hebræa uox lanschuph, à nescheph, quod crepusculum significat, nocturnam auem in crepusculo prodeuntem denotat.

Cibus quarundam auium: Iuuen. Saty. 14.

— serpente ciconia pullos

Nutrit, & inuenta per deuia rura lacerta,

illi eadem sumptis quærunt animalia pennis.

Vultur iumento & canibus crucibusq; relictis,

Ad foetus properat, partemq; cadaueris affert.

Hic est ergo cibus magni quoq; uulturis, & se

Pascentis, propria cum iam facit arbore nidos.

Sed leporem, aut capreâ famulæ Iouis & generosæ

In salu uenantur aues: tunc præda cubili

Ponitur, inde autem cum se matura leuabit

Progenies, stimulantè fame festinat ad illum,

Quam primum rupto prædam gustauerit uo.

LIBER XXXIII.

DE PISCIBVS ET ICH-

THYOGRAPHIA.

In Piscibus con sider. 4.	{	Partes propriæ.
		Distributio.
		Species.
		Piscinæ.

Creditum est pisces nō sentire morbos: Vnde Prouerb. Sanior pisce. Sed huic sententiæ refragatur Aristot. libro 8. hist. & Plinius libro 9. Siquidē ægrotare pisces hoc argumento colligunt piscatores, quod aliquoties inter eiusdem generis præpingues ac uegetos, aliquot capiunt extenuatos ac languentibus similes, coloreq; immutato. Quanquā uniuerso piscium generi nō incidit pestis, ut frequenter accidit hominibus ac cæteris animantibus, non cicuribus modo, sed etiā feris. Pisces muti sunt, exceptis perpauca, inter quos canis marinus: ideoq; Græcis ἰμοπὶς dicti, quod eos deficiat uox: unde Prouerb. ἀφρονότερ ὁ ἰχθυός, magis mutus quā piscis. Vnde Plutar. in Symposiacis existimat Pythagoreos à piscib. abstinuisse, quod hos quasi suæ disciplinæ domesticos agnoscerēt, propter ἰχθυόθυσις: id est, silentiū, quod inter animantiū genera piscibus est propriū. Nā cæterorū cuiq; sua uox est. Aues permultæ canoræ sunt, quedā etiam humanū sermonē referunt. Atq; adeo terrestriū quoq; māti chora apud Aegyptios, si Plinio credimus, Solis piscibus nulla uox. Causam affert Aristoteles, quod his neq; pulmo sit, neq; arteria, neq; guttur. Etiā si sint nonnulli, qui sonū quendam ac stridorem edunt: quorum de numero sunt delphinus, lyra, chromis, uoca (quæ hinc dictum apparet, quod uocem edat: Mercurio

curio sacrum scribit Athenæus lib. 7.) pecten. Verum eum sonum non naturalibus organis uocis edi putat: sed uel attritu branchiarū, uel ab interioribus, quæ sunt circa uentrē. Plutarchus existimat Græcè ἰχθυὺν hinc dici quod uocem habeat cōpressam. Et Lucan. in Halcyone: ἄφωνα γὰρ δὴ τὰ γινέσθαι ὕδατος διατώμενα. Athen. lib. 8. dipnosoph. citat autorē Mnaseā Patrensem, qui prodiderit, in Clitorio amne Arcadiæ pisces esse uocales. Item Philostephanum, qui scripserit in fluuio Aerno, qui Pheneum urbem interfluit, piscibus dictis pœcilis uocē esse fermē qualis est turdorū. Tametsi Aristoteles adimit omnibus piscibus uocem, excepto scaphro & porco fluuiatili. Veteres autem quemuis piscē uocabant ἰκτωρ, quod uocē edere nō posset: ἰκτωρ siquidem est ἰργισθαι: id est, cohiberi & ὄψ uox. Vnde apud Theocritum ἰκτοπύαρ pro piscari. Xenocrates in bello περὶ τῆς ἀπὸ ἐνδρόων προφῆς: sic de piscibus ait: ποιήται ἡ νηχαλία φύσις σιτίων ἄθυρμα τοῖς ἐν τῷ πείλοις ἀπολαύσεις. μέγα δὲ ὅλως καὶ τῶν καθ' ὑγίαν διαίτας: id est, ut Rasarius uertit. Natantiū natura cibus est, qui in cōuiujs splendidis in delitijs est habitus: & magnū quoq; ad salubrem uictus rationem usum præstat. Elegāti aut metaphora. Xenocrates cibū pisciū lautiorū cōuiuiorū ludū nominat, ut q̄ oblectationis & cōdimenti potius gratia (unde & ὄψα per excellentiā di-

cuntur) à ditioribus appetantur. Α^{θηρμα} enim propriè lusum puerilem, & lasciuiū ex trathy-
ras: id est, fores discursum significat, ut notat
Fauorinus, Camers. Dicuntur autē pisces etiā
ὑποπόδες, quod pedibus careant. Inest etiā pisci-
bus quibuscūq; genuīna quædā calliditas ē re-
tium textis elabendi: quod est Græcis *ἐκδινί-
σαι*. Pisces tintinnabuli sonitu olim uēdeban-
tur, ut nō solū apud Aristophanē & Demost-
henē, sed etiā apud Plutarchū depræhēditur.
Nā Plutar. lib. 4. Sympos. problem. 4. sic ait:
Opsophagos siue opsoniorū amatores dici-
mus esse, nō eos, qui bubulis carnib. delectan-
tur, qualis fuit Hercules: neq; ficuū amatorē,
ut Plato, quē uirides ficus una cum carnibus
edisse notatū est: neq; uuarū cupidum, ut fuit
Arcesilaus: sed eos qui quotidie tabernas, ubi
ueneunt pisces, circumambulant, exquisitēq;
tintinnabulum audiunt. Quin & illis, qui uo-
ce ualerent, sæpe pro tintinnabulis ūsi sunt ue-
teres. Vnde Iuuenal. Sat. 3.

*Iam princeps equitum, magna qui uoce solebat
Vendere municipales fracta de merce siluros.*

I. DE PARTIBVS PISCIVM PROPRIIS.

Partes pisci- bus pro- priæ sunt	{	Pinnae.
		Squamæ.
		Branchiæ.
		Spinæ.
		Chelæ.

Pinnae,

Pinnæ, πτερυγες: alis auium proportionē respondent, in dorso, uentre ad latera, podicem & caudæ extremum. His enim & remigant, & incitant, propelluntq; se. Differūt multipliciter: magnitudine, substātia, figura, colore, numero, excessu, defectuq; *Die federn am fisch.*

Squamæ, λεπίδες. Piscibus squamosis præstant, quod auibus pennæ: *schuppen.*

Palatū carnosum est piscibus uice linguæ: *die zung.*

Branchiæ, sunt uelut pili, densè confertim, quæ ad osseam basim, (cui figura hemicyclij) dispositi & præfixi cordi, ut aqua, spiritu'que (qui aquæ permixtus est) acceptis, redditisq;, cor ipsis inclusum refrigerent. Balenæ his & Delphini carent, quod fistula ad pulmones pertingente spirant. Fistulam illam Aristoteles nominat αὐτὸν φλεβονευστήν. Germani branchias uocant *Vischohren.*

Spinæ, ἀκανθαι, gredit in den fischen. Carnem fulciunt & continent: ideo ossibus terrestrium animantium proportionē respondent. Carēt his beluxæ marinæ & cartilaginei pisces. Hi enim spinarum loco cartilaginem, illæ ossa habent.

Chele, χεῖλαι, brachia sunt cancrorū denticulatis forcipib. quarum inferior mobilis, superior immota: *die Krebscheren.* Reliquas partes, pisces cū animantibus cæteris cōmunes habēt.

Pisces magni, qui in frustra (quæ Græci *μάχη* uocant) secari solent, *τεμαχίται* dicuntur, teste Varino: ab alijs *τμητοί*.

II. DE DISTRIBUTIONE piscium.

Animal: uocanturq; *ζωοτόκοι*.

Gene-
rant
uel

Oua, uocanturq; *ωοτόκοι* ὡὰ, oua pisciū, Germanis dicuntur *der rogen*. In hoc genere, pisces qui habent

Oua, foemel
la sunt.

Semen can-
didum,
lactescēs
sed cras-
sum, cōs-
pactum:
que (Græ-
cis *θόρον*
Germa-
nis *die
milch*)
sunt ma-
res.

Non generant,

πλάγιος.
αἰγιαλὸς
παραίσι.

I. Aquatilia degunt uel in

Aquis
tantū
par
tim

E'ναίμα, san
guine præ
dita: quæ
pinnae &
squamas
uel

Habent: &
proprie
piscis di
cuntur:
partim

Marini {
Fluuiatiles.
Lacustres.
Palustres.

Non habent.

A'ναίμα, exanguia
quæ sunt uel

Mollia.

Dura

{
Cruſtata.
Teſtacea.

Aquis & terra, ut ἀμφίβια: ut Crocodilus, rana, &c.

Pisces proprie dicuntur aquatilia sanguine prædita, pinnae & squamas habentia: ut Esoxi, Perca, Melanurus, lucius, prasinus, cyprius, aurata, mullus, halec, murenæ, erithryni. Horum piscium ἐναίμων carnibus Solis lege Moſaica uesci licebat. Hos pisces Moſes etiā diuidit à locis in quibus uiuunt, in marinos fluuiatiles & lacustres: quibus adduntur palustres.

MARINI, θαλάσσιοι sunt, qui mare nunquam egrediuntur, & hi rursus sunt uel πελάγιοι, uel αἰγιαλώδεις, uel πεπρωτοί. Πελάγιοι, qui in profundo maris summi, procul à littoribus uersantur. Αἰγιαλώδεις, littorales, qui littora, terræ que propinquas sedes petunt, captant & possident: in mare summū raro excurrunt. Πεπρωτοί, saxatiles, qui ad saxa, rupes & scopulos, uel in mari summo extantes, uel littoribus imminentes, degunt. Πελάγιοι rursus subdiuiduntur, in Cetaceos & non cetaceos. Cetacei κητώδεις, qui grandes sunt & perfectum animal ex semine, non ex ouo gignunt: sunt enim Ζωοτόκα, τὰ κητώδη πάντα, ut Balæna, delphin, φουσητήρ.

Πλάγιοι sunt uel

Cetacei, ut Balæna, delphin, physter.

Corpulenti
& crassi.

Lati, squamosi, λεπίδιοι, ut auratz,
coracini, alofæ, mugiles.

Rotundi, rubescentes uel

Squamosi, ut mul-
li, corui.
Sine squamis.

Non ce-
tacei.

Spinosi ἀκανθώδεις, ut rhombi, so-
lex, passerres.

Plani, Aristote-
li πλατῆς
lati & ψητ-
τοαδῆς pas-
serini: quo-
rum alij

Cartilagi-
nei, σιλάχη,
& σιλαχά-
δας, & χον-
δράκανθα,
quorum a-
lij

Plani, ut raia, tor-
pedo.

Longi

Γαλιάδας:
quo muste-
larū genera
cōplectitur
Aristoteles.
Pinguēdinē
& seuā ha-
bentes, rotū-
di & serpen-
tibus simi-
lēs, ut mure-
næ, lāpetræ,
congrī, æci-
penser.

FLUVIATILES, ποτάμιοι sunt qui flumina, riuulosq; incolunt procul à mari: *Flusſuiſch*.


LACVSTRES, λιμναῖοι sunt, qui in lacubus degunt natura uel arte factis, stagnisue aut maris aut fluminum decursu, perfluxuq; impletis, aut remotis à mari & fluminibus, *Seeuiſch*. Sic in Germania superiore est lacus Brigantinus seu Bodamicus, qui singulis anni mensibus noua piscium genera copiose supeditat.

PALVSTRES, τελματιῶοι, qui loca sordida & cœnosa, & paludes, exundatione fluminum, alluione aut torrentium impetu cauatas, impletasq; amant.

Pisces sine pinnis & squamis, sed corio uel cute tecti, sunt balenę, physeteres, uituli, lepores, porci, canes, mustelæ, lampetę, congridi seu anguillæ marinæ: passeres, soleæ, aselli, raïæ, xiphias, &c. Horum omnium esu Iudæis interdictum fuit.

MOLLES, μαλάκια καὶ μαλακόδερμα sunt polypi, sepia, loligines: quas una uoce Germani uocant *blackuiſch*, ab humore atramento simili, quem loco sanguinis habent, qui Græcis ὀδονό, Germanis *black* dicitur.

CRVSTACEI, sunt carabi, cancri, locustæ (quibus Baptista uescebatur) astaci, squillæ.



Testacea Græcis *ὀστρακόδερμα* & *ὄστρεα* dicuntur: Germanis *schnecken*: Testa ἡ ἴδὴ est *ein muschel oder schneckenhaus*. Quæ ab utraq; parte testam habent & in ea latent, uel Solo capite exerto, uel utrinque ab extremis extant. Turbinata *σπομβόδυ* Germanis propriè *schnecken* dicuntur: quorum testæ, helicum ductu, implexuq; orbiculatim intortæ sunt mirabili artificio. Inter marina genera recensentur purpuræ, buccina, murices, quorum sanguine antiquitus purpura tingebatur: Germani uocant *purpurmuschel*: item cochleæ margaritiferae, *perlemutter*.

Ostrea *μονόθυρα* sunt quæ uniuales habent testas: *διθύρα* quæ biales: *διθύρα* sunt, tellines, chamæ (quarum copia est in oceano Germanico ad Hollandiam) pectines & pectunculii (Germanis propriè *Muschel*) cōchæ propriè sic di-

dictæ (quo nomine ostrea duabus duris & cō-
cauis testis inclusa indicantur: quarum aliæ
asperæ, alię leues sunt, utræque multiplici dis-
crimine) ostrea speciatim sic nominata: item
musculi, mytili, *συνλῶες, ἀλγοί, δόνακες, ὀνυχες, δαν-
τυλοί*: uocabulis diuersis uni rei accommoda-
tis, quod syphonum rotundorum, sed nonni-
hil compressorum figuram, unguium huma-
norum specie, tanquā de coagmentatis testæ
unguibus essent compositz, repræsentant.

III. DE SPECIEBUS PISCIVM.

DE AQUATILIBVS QVI- busdam marinis.

PURPURÆ, uiuunt annis plurimū septe-
nis ait Plinius. Ζῆ ἡ πορφύρα ἔτη ἕξ ait Aristot. lib.
5. histor. Latent, sicut murices circa canis ortū
tricenis diebus. Congregantur uerno tempo-
re, mutuoq; attritu lentorum cuiusdam ceræ
saluant. Mira uoracitate est purpura. Lingua
illi lōgitudine digitali, qua pascitur deuoran-
do reliqua cōchylia. Tanta duritia aculeo est.
Hinc Prouerb. ortum est: Voracior purpura.
Florem autem illum tingendis uestibus expe-
tītum, in medijs habet faucibus. Liqueoris hic
est minimi, in candida uena: unde preciosus
bibitur nigantis rosæ colore sublucens: reli-
quum corpus sterile. Huic fasces, securesq; Ro-
manæ uiam faciunt. Idemq; pro maiestate in
pueritia

pueritia est: distinguit ab equite curiam: Dñs
aduocatur placandis, omnemq; uestem illu-
minat, in triumphali miscetur auro. Purpure-
us itaque color in uestimentis laudatissimus
antiquis fuit, cuius autorem fuisse ferunt Her-
culem; ut scripsit Iulius Pollux in Onomasti-
co ad Commodum Imp. τυναιο λεγουσιν ὡς ἦρα
κλῆς ἡρώδη νύμφης ἐπιχωρίας, τὴν δ' ἰὼ τῇ νύμφῃ τοῦ-
νομα. ἔπειτο ἄρα ὧς ἡρακλῆ καὶ κύων, κατὰ τὸν παλαιὸν νό-
μον, οἶδα δὲ ὅτι τοῖς ἥρωσι σιωπασίεσαν μέχρι τῆς ἐκκλη-
σίας οἱ κῶες. ὁ τοίνυν ἡράκλειος κύων κατὰ πῆταρ ἐρπύ-
σασαυ θιασαμένη πορφύραν, προεχέσης αὐτῇ τῆς σαρ-
κός, ἐνθακῶν. ὁ μὲν τὴν σάρκα ποιεῖται προφύλῳ: ὁ δὲ λύ-
θρο ἄρα χεῖλη τοῦ κυνὸς αἰμάξας φοινοῖσιν ὡς δὲ ἕκην ὁ ἡ-
ρως παρὰ τὴν κόρην, αὐτῇ θιασαμένη τὰ χεῖλη τοῦ κυνὸς
ἀνθῶντα αἰθερα βαφῇ, οὐκ ἔφη προσέειπαι τοῦ λοιποῦ τὸν ἡ-
ρακλῆα εἰ μὴ αὐτῇ κομίσειν ἰοῦντα τῶν τοῦ κυνὸς χερῶν
ἐναδελείαν. ὁ μὲν τοίνυν ἡρακλῆς ἐξεύρε τι τὸ ζωον, καὶ τὸν
λύθρον ἀνέλεξατο, καὶ τὸ δῶρον ἐκόμισε τῇ κόρῃ, πρῶτος
ἡνὸς ἔγρετῆς, ὧς τυεῖα λόγῳ, τῆς φοινίσσης βαφῆς. **Vi-**
de Brodæum libro primo miscell. capite o-
ctauo.

MVREX cochlea est maris, alio nomine co-
chylidium. Circumcisa ferro lachrymas coloris
purpurei emittit, è quo purpura tingitur: &
inde ostrum appellatum, quòd hæc tinctura
ex testæ humore eliciatur. Ouid.

Nec quæ de Tyrio murice lana rubet.

CONCHAE, origo & genitura, in qua sunt margaritæ, haud multum est ostrearum conchis differens. Has ubi genitalis anni stimula-uerit hora, pandentes sese quadam oscitatione impleri roscido conceptu tradunt, grauidas postea eniti, partumque concharum esse margaritas pro qualitate roris accepti. Pli li. 9. cap. 25. Ammianus Marcellinus lib. 23. sub finem: Apud Indos, ait, & Persas margaritæ reperiuntur, in testis marinis robustis, & candidis, permixtione roris anni tempore præstituto conceptæ. Capietes enim uelut collonquendam humoris, ex lunari aspergine capiunt densius oscitando. Indeque grauidæ edunt minutas binas aut ternas, uel uniones, sic appellatas, quod eius terræ conchulæ singulas aliquoties pariunt, sed maiores: Hinc eleganter Tertullianus in libro de habitu muliebri: Sed si quid, inquit, de mari Britannico aut Indico ambitio piscatur, conchæ genus est non dico conchylia aut ostreo, sed nec peloride gratius de sapore. Ad hoc enim conchas nouerim maris poma. Quod si concha illa aliquid intrinsecus pustulat, uitium eius magis debet esse, quam gloria. Et licet margaritum uocetur: non aliud tamen intelligendum, quam conchæ illius aliqua dura & rotunda uerruca. Hæc ille in contemptum margaritarum, quas idcirco pustulas siue

siue verrucas, ceu excrementa concharum appellat, sicut Curtius libro octauo, gemmas, margaritasque quas mare litoribus infundit, purgamenta maris æstuantis appellat, easque dicit æstimari precio quod hominum libido constituit. Et si autem & in Indico mari, præcipue in insula Taprobana hodie Sumatra, insula Toide, in Perimula Indiæ promontorio, nec non in Britannico mari, in Bosphoro Thracio multæ & præstantes margaritæ nascantur: tamen Persico mari, quoad margaritarum copiam ac nobilitatem cum ab historicis, tum ab experientia quotidiana, palma defertur. Hinc Plinius, præcipue laudantur margaritæ circa Arabiam in Persico sinu maris rubri. Vnde I. C. in l. & si non sunt §. final. De aur. & arg. leg. ait: Margaritæ nec gemmis, nec lapillis continentur: quia concha apud rubrum mare & crescit, & coalescit. Piscationes seu capturas concharum Arrianus uocat *κολυμβήσας*: quia urinatione fiunt, quam sic describit Ludouicus Vartomanus libro tertio, capite secundo: Vecti, inquit, cymbis, in mare demittunt prægrande saxum cum magno fune ad utramque cymbæ partem alligato, ut utrinque iactis in profundum lapidibus nauis in æquilibrio non secus ac si in anchoris esset, firma stabilisque consistere queat. Firmata ita suo pondere cymba, alius

quidem in æquor iacit funem saxo dependen-
te. Alius uerò in nàui media, mantica duplici
in pectus, tergumq; dependente, alligato pe-
dibus lapide se uibrat in pelagus, subterq; a-
quas urinantium more natat, actusq; in pro-
fundum ad passus quindenos, tantisper uri-
nat donec legerit conchas, in quibus uniones
delitescunt, collectas manticæ imponit, lapi-
demque protinus, quo pedes grauabantur,
abijcit: funi que innixus in superiora euadit.
Eandem piscationem Andreas Corsalius de-
scribit. Verùm de margaritarum genitura, pi-
scatione, uí, atque natura uide plura apud
Garziam, Amatam Lusitanum, & Martyrem
de occidentali insula: Has autem capturas
difficiles & periculosas esse (unde precij am-
plitudo) testis est Ammianus Marcellinus,
id'que propterea quòd frequentantur con-
sueti litora propter piscantium insidias, decli-
nantes circa scopulos & marinorum cauo-
rum receptacula delitescunt. Vnde apparet
cur Arrianus in regione inter Comari & Col-
chos sita huiusmodi margaritarum capturam
nonnisi à capite damnatis exerceri solitã fuis-
se scribat. Christus Matth. 13. Ecclesiam mar-
garitæ confert. Nam:

Sicut arenoso sitiens in litore concha,

Quando suum primo Ver modò tempus agit:

Siccior

Siccior à cœli stellantem cardine rorem,

Pinguior ut fiat fertilitate, petit.

Quem simul ac hausit (dictu mirabile quiddam)

Gemma salutaris cordibus inde uenit.

Hæc tamen in magnis generosior acta procellis,

Si modò post rorem turbo sequatur, erit.

Parua redemptoris sic est ecclesia Christi,

Donec in hac mundi colluuiione latet:

Appetit è cœlo cœlestia dogmata rorem,

Dogmata uiuentis tradita uoce Dei.

Hoc sic attracto, sitienti pectore, rore

Nascitur inq; animis mox noua gemma pijs.

Hæc lux atq; fides inter certamina crescit,

Cùm petit auxilium maxime Christe tuum.

Hæc quoq; contriti cordis data gemma dolori,

Vnica solamen, quod medeatur, habet.

Hæc apud Athenæum libro tertio, eleganter describuntur: ἴσως ἔσως ἀνόμασαι τὰ κογχύλια παρὰ τὸ κεχλωμένα. περὶ δὲ τῶν κατὰ τὴν Ἰνδικὴν γινομένων ὀσρέων: Θιόφρας Θ' μὲν ἐν τῷ περὶ λίθων γράφει οὕτως, τῶν θαυμαζομένων δὲ λίθων ἐστὶ καὶ ὁ μαργαρίτης καλεῖται Θ', ὁ δὲ φανὴς μὲν τῇ φύσει. ποιεῖσι δ' ἐξ αὐτῶ τὸς πολλοὺς τελεῖς ὀρμῖς. γίνεται δὲ ἐν ὀσρέῳ τινὶ παραπλησίῳ τοῦς πίνουσας, πηλὸν ἐλάττονι. μέγιστος δὲ ἡ λίονι χυλός Θ' ὁ φθαλμός ἐν μεγέθει. γίνεται δὲ ἡ λίθος ἐν τῇ σαρκὶ τῷ ὀσρέῳ ὥσπερ ἐν τοῖς σπέρμοις ἡ χάλαια, καὶ ἐστὶν ἡ μὲν χρυσοειδὴς σφόδρα ὥστε μὴ ῥαδίως διαγινώσκειν, ὅταν παρατιθῇ παρὰ τὸ χρυσίον.

ἢ δὲ ἀργυροειδὲς, ἢ δὲ τελείως λευκὴ, ὁμοία τοῖς ὀφθαλμοῖς
 τῶν ἰχθύων. φασι δ' ὅταν βρονταὶ σιωχῆς ὥσι καὶ ὁμβρῶν
 ἐκχύσας, τότε μάλλον πλὴν πίνναν κλεῖν καὶ πλείω γύνε-
 σθαι μαργαεῖτιν καὶ ἐνμυγίθην. τὸ δὲ χαμῶν Θ' εἰς τὰς ἐμβύ-
 θας θαλάσσας δάμαρ εἰσθασιν αἱ πίνναι. θέρεις δὲ τὰς μὲν
 νύκτας κελύασι θάνατόν μιν, ἡμέρας δὲ μύεσιν. ὅσαι δ' ἄν
 πείραις ἢ σπιλάσι πρὸς φῶσιν, ῥιζοβολοῦσι. πάντα ὡθαῖνοῦ-
 σαι, πλὴν μαργαεῖτιν γυνῶσι. ζωογονοῦνται δὲ καὶ τρέφονται
 εἰς τὸ πρὸς πεφυκότες τῇ σαρκὶ μέρους. τοῦτο δὲ συμπέφυκα
 καὶ τὸ τοῦ κόγχου σόματι χηλὰς ἔχον, καὶ νομίζω ἀσφίρον·
 ὃ δὲ ἔστιν ἰοικὸς καρκίνω μικρῷ, καλούμενον πιννοφύλαξ.
 δύνει δ' ἐκ τοῦτ' ἡ σὰρξ μέχρι μέσου τοῦ κόγχου, οἷον ἐξ ῥίζας·
 παρ' ἧς ἡ μαργαεῖτις γυνώμενη, αὖξεται εἰς τὸ πρὸς τοῦ περιούτου
 κόγχης, καὶ τρέφεται ὅσον ἂν ἡ πεφυκὴ χέρον, ἐπα-
 δᾶν δὲ παρὰ πλὴν ἐκφυσιν ὑποδυομένη ἢ σὰρξ καὶ μαλα-
 κῶς ἐντέμνεσθαι χωρίῳ πλὴν μαργαεῖτιν ἀπ' τοῦ κόγχου, ἀμπί-
 χουσα μὲν ὃ κῆτι τρέφεται λευτέραν δ' αὖ πλὴν καὶ διαυγέστεραν
 ποιεῖ καὶ καθαρωτέραν. ἡ μὲν ἔν τ' ἐμβύθι Θ' πίννα διαυ-
 γεστάτω ποιεῖ, καὶ καθαρωτέραν καὶ μεγάλῃ γυνᾷ μαρ-
 γαεῖτιν· ἡ δὲ ἐπιπολάζουσα καὶ ἀνωφερὴς, εἰς τὸ ὑπὸ τοῦ ἡ-
 λίου ἀκτινοβολεῖσθαι, δύσχευς καὶ ἡδυν. κινδυνεύει δ' οἱ θη-
 ρῶντες τὰς μαργαεῖτας, ὅταν εἰς κελυφὴν κόγχου κατ' ἐν-
 θὺν ἐκτένῃσι πλὴν χεῖρα μὴ ἔχοντες, καὶ πολλὰ οἱ δ' ἀκτυ-
 λοι αὐτῶν ἀπέρχονται. ἐνιοὶ δὲ καὶ παραχρῆμα ἀπ' ἐνθύνου-
 σιν· ὅσοι δ' ἂν ἐκ πηλῆος ὑποθνήσκῃσι πλὴν χεῖρα τύχῃσι, ῥα-
 δίως τὰς κόγχας ἀπ' τοῦ λίθου ἀποσπῶσιν. *Luxurium au-*
tem in unionibus (quas baccas concharum
Persius 2. Satyr. uocat) grauiter repræhendit
Plinius libro 9. capite 35. Parum scilicet (ait)
fuerat

fuerat in gulas condi maria, nisi manibus, auribus, capite, totoq; corpore à foeminis iuxta uirisq; gestarētur. Margaritas enim seu uniones digitis suspendere binos ac ternos auribus, foeminarum gloria est: affectantq; iam & pauperes lictorum foeminæ in publico unionem esse dictitantes: quin & pedibus, nec crepidarum tantum obstragulis, sed totis focculis addunt.

MURAENAM foeminei tantum sexus esse tradunt & concipere è serpente: ob id à piscatoribus tanquam à serpente sibilo euocatur & capitur. Oppianus lib. 1. ἀλιευτικῶν hanc uulgatam de muræna opinionem non prætermisit: sic enim ille:

ἀμφὶ δὲ μυραίνης φάτις ἔρχεται ἐκ αἰδῆλῃ,
ὥς μιν ὄφεις γαμίσσῃ καὶ ἐξ ἁλὸς ἔρχεται αὐτὴ
πρόφρων ἰμέρῃσα παρ' ἰμέροντι γάμοιο.

Ictus fustis difficulter interimitur, ferula proctinus: animam in cauda habere certum est. Nā capite percusso, uix eā interimi: cauda, statim exanimari. Murænas albertus distinguit in grādes seu marinās, & paruas nostrates, quas Lampretas uocamus. Sed nos secuti iudicia eruditorū, murenæ nomē marinis illis relinquimus, quæ corpora habēt anguillarū similia, sed grandiora & nigris, luteisq; maculis cōspersa: & cū delphinis pugnat, & ex eo genere piscium sunt, qui asperis & acutis dentibus ar-

mati & carniuori sunt. Murenæ olim accersiebantur ad Rom. piscinas ex freto Siculo, ut ait Macrobi. libro 3. cap. 8. quæ ex illo loco *πλωται* uocantur, Latine flutæ, quod in summo super natantes, Sole torrefactæ curuare se posse & in aquam mergere desinunt, atq; ita faciles captu sunt. Martialis lib. 13.

*Quæ natat in Siculo grandis murenæ profundo,
Non ualet exustam mergere sole cutem.*

CESTREVS, à nonnullis plote dicitur & à congro deuoratur, ut congrus ipse à murenæ. Gaz a mugilem uertit. Reliquis piscibus mutua deuoratione uictitantibus, unus ab aliorum carnibus abstinet: ideoq; non capitur esca, sed in limum abdit se, atq; ibi perdurat, & ut arbitrantur nonnulli, limo pascitur. Quin captus etiam nō alitur escis, aut ullo animante, cum sit acutis dentibus. Quin ipse impune deuoratur à lupo, atque ob id, quia non sit edax: parum est esculentus. Vnde Prouerb. Cestreus ieiunat. In metu caput occultat, arbitrans totum corpus iam esse tutū. Eidem mira est calliditas ē retium textis elabēdi, ut scribit Oppianus lib. 3.

πιστρὺς μὲν πλεκτησιν ἐν ἀγκοίνῃσι λίνοις
ἐλκόμεν, δόλον δ' ἐτι πείρομεν ἀγνοήσων:
ὕψι δ' ἀναθρώσκει κελιγμῶν ὕδατος ἄκρα.
ὄρθος ἄνω σπινθῶν ὄδορ ὀδύν' ἄλματι κέρω

ὄρμησας,

ὁρμήσαι, βυλῆς δὲ σαόφρον' ἐκ ἱμάτων.
 ποικίλ' ἔρπονται καὶ ὕδατα πέσματα φιλῶν
 ῥήιδίως ὑπερᾶλτο καὶ ἐξήλυνε μόροιο.
 εἰδ' ὅγ' ἐφορμηθεὶς πρῶτον σόλον αὐθις ὀλιῶ
 εἰς βρόχον, ἐκ ἔτ' ἔπατα βυάζεται, εἰδ' ἀνορέα
 ἄχνυμαι, πείρη δὲ μαθὼν ἀρπάζεται ὁρμῆς.

POLYPVS corpore admodum paruo con-
 stat & in medio ad emittendam aquam fistu-
 lato, quod pluribus bracchijs & crinibus in-
 struitur, quibus (ut est omnium piscium soler-
 tissimus) obuia quæque comprehendit, li-
 gat, inuoluit & flagellat: & ipsis deniq; ostreis
 filiceo tegumēto egregiè munitis insidias mo-
 litur. Sunt enim ei cirri multiplicēs, plurima
 in extremis prætenturis acetabula, itemq; fre-
 quentes pediculi, manusq; plicatiles, quibus
 admiranda facinora (dum uenatur) edere con-
 suevit: hiantibus siquidem conchis lapillum
 imponit, ut illis sese occludendi facultatē eri-
 piat. Ultra bimatum non uiuit: in Venere ex-
 pirare aliqui prodiderunt. Colorem, maxime
 in metu, mutat. Nam persequentibus piscato-
 ribus, petris se affigit & cuicunque petræ ad-
 heserit, eius colorē corpore imitatur, ne queat
 deprehendi. Quin, ut refert Basiliius M. pisces
 imagine falsa decepti, nonnunquam anna-
 tant, ultro sese prædoni offerentes. Vnde pro-
 uerb. Polypī mentem obrīne, de Theognide
 sumptum.

πυλὸν ποδὶ νόον ἴσχει πολυπλόκη, ὅς ποτὶ πέρη
τῇ πεσομένησιν, τοῖσι δ' ἄρ' ἐφ' ἄνῃ.

SEPIA ET LOLIGO in hoc differūt, quòd
sepia latior, loligo longior est hęc rubrum, il-
la nigrum in timore liquorem emittit. Inest
loligini gladiolus perspicuus & crystallo per-
similis. Sepia (Meerspin) autē torpulentia quan-
dam habet inter spinam & os mediam, natu-
ræ fungosæ atq; friabilis. Vtrique sicut Poly-
po, sunt barbæ, crines & acceptabula, sed ali-
quanto breuiora, quibus escam corripunt:
corporum uerò aluei aliquanto capaciores,
quàm in Polypis, quod natura proluxioribus
postea capillamētis in Polypo compensauit.
Sepia pro atramento quod effundit, sumitur
Persio Saty. 3.

Nigra quòd infusa uanescat sepia lymphæ.

TORPEDO, effigie, potestateq; admirabi-
lis, sic dicitur quoniã capta in retibus, prius-
quam attingatur, piscatorum manus stupefa-
ciat. Claudianus de hac elegans epigramma
scripsit:

*Si quando uestita cibus incautior æra
Hauferit, & curuis frenari senserit hamis;
Non fugit, aut uano conatur uellere morsu,
Sed propius nigræ iungit se callida setæ,
Et meminit captiua sui, longeq; per undas
Pigra uenenatis effundit flamina uenis.*

*Per setam uis alta meat, fluctusq; relinquit
 Absentem uinctura uirum: metuendus ab imis
 Emicat horror aquis, & pendula fila secutus
 Transít arundineos arcano frigore nodos,
 Victtricemq; ligat concreto sanguine dextram.
 Damnosum piscator onus, prædamq; rebellem
 Iactat, & amissa redit exarmatus habena.*

DELPHINVS incredibili uelocitate & admirabili impetu reliquum animantium genus longo interuallo post se relinquit. Itaque Oppianus libro de Naturis piscium Delphinus cum aquilis confert:

*ὄδον γὰρ κέφοισι μετ' οἰωνοῖσιν ἀνακτις
 αἰετοί, καὶ θήρεσσι μετ' ὁμήεσσι λήοντες,
 ὄδον ἀεικέλυσιν ἐν ἑρπυσῆσιν δράκοντες·
 τόδον ἢ δελφῖνις ἐν ἰχθύσιν ἡγεμονῆις.*

Confert & iaculo:

— *ἀπὸ γὰρ βέλῳ ὥστε θάλασσαν
 ἵπτανται.*

Plinius lib. 9. cap. 8. eadem scribit: uidelicet Delphinum omnium animalium perniciosissimum esse: neq; solum inter maritimi generis, uerumetiam uolucris quauis acyore, quouis telo acriorem. Singularem autem huius uelocitatem hoc potissimum argumento colligi, quod cum os habeat longo dissitum interuallo a rostro, nepe in medio penè uentre (quæ res in cōlectandis piscibus nō mediocrē morā illi affert: ●

affert: neq; enim nisi resupinus atque conuersus corripit) tamen uix est piscis ullus, qui ipse celeritatem effugiat. Nec ignorat ipse hanc naturæ dotem: sed ueluti laudis, animi ue causa certat aliquoties cum nauigijs, plenis uelis euntibus. Est enim præcipuè *φιλάνθρωπος* Delphin: quin & *παράσπλιον* aiunt nonnulli: & ob id capitalis est hostis Crocodili, quo nō aliud animal homini infensus est. Vide Herodot. lib. 1. de Arione & Delphino.

ECHENEIS paruus admodum piscis, assuetus petris: hoc carinis adhærente, naues tardius ire creduntur: inde nomen inditum. Latine remora.

RHOMBVS, piscis latus est, sic dictus ab figura rhōbi: Græcè *ῥήμβας*. Inter planos obtinet principatum, quem circa popinales delicias ingeniosi, phasianum aquatilem nominant: sicut lampetras, coturnices: lupos, altilis campos, sturiones, pauones. Rhombo dextrum latus resupinatum est: ut passeribus læuum.

SCARVS prænobilis in Græcia piscis fuit, quem Ennius ob excellentiam, Iouis cerebrū uocabat. Optatus Tiberij Cæsaris libertus (ut ante eum Lucullus cerasum) Campanis litoribus importauit Diphilus apud Athenęū libro 8. his uerbis eum commendat: *σπάρτα παλόσαρκα, ψαθυρός, γλυκὺς, κῆφός, ἐπιπλήτης, ἐνανάλοτος, ἐκκοίτης*. Addit recentem scarū esse suspectum

ctum, propterea quòd lepores marinos capiat, ἤσ' ἔς' uescatur: idcirco eius intestina uim bilis effectricem habere. Idem libro 7. hunc solum ex omnib. piscibus dormire dicit, & propterea nunquam noctu capi. Oppian. libro 1. ἀλιευτ. solum uocalem esse scribit:

καὶ σκάρρον, ὃς δὲ μὲν ἔνι χθυσὶ πασιρ ἀναύδοις
φθίγγεται ἐκμακίλῳ παλαγῶν καὶ μὲν ἔδωδ' ἔλκω
ἄψορρόν προΐησιρ ἀνὰ σόμα δέύτερον αὖθις.

ACCIPENSER piscis apud Roman. cum tibijs & coronis ad cenas cum pompa quadam circumferebatur: coronatis etiam ἤs, qui eum ferebant: ut scribit Athenæus lib. 8. ex sententia Archestrati. Conuersa in caput squamarū serie est. Vide Macrobian. lib. 3. Satur. cap. 16.

DE PISCIBVS GERMANIAE NOTIS.

I. MAXIMI.

SALMO piscis, Rheni accolis notissimus: grandis est & recens carnem habet rubescentem, uelut roseo colore. Vnde Ausonius:

*Nec te puniceo rutilantem uiscere Salmo
Transferim, latæ cuius uaga uerba caudæ
Gurgite de medio summas referuntur in undas.*

Eius præcipua est agilitas in saltando, unde salmo dictus uideri possit quòd saltet contra montes. In Maio præcipuè capitur & ualet: in senecta & circa autumnū uocatur Esox, Germanicè *Lachs*: tum illi in ore recuruitas quedā inest.

ineſt. E' ſalare fit: Salar enim eſt *Selmſing*.

AMIA, *Wels*: non multum diſſimilis thyn-
nis & orcyño.

MARIO, *Hauſen*, porco marino ſimilis: nul-
lis oſſibus, ſpinisq; interſitis, carneq; prædul-
ci: Danubiꝝ proprius ſecundum Plinium, ut
Salmo Rheni. Fortè Græcis *σκίουνα*. Vide Du-
brauium lib. 1. cap. 2.

STVRIO, *Stür*: qui & Silurus à mouenda
cauda, à *σείω* & *ὕρα*. Vide Iouium.

II. MEDIOCRES.

ANGVILLA, *ἄγγιλος* ab *ἄγω* & *ἵλος*, quod
in aqua cœnoſa ſeu limoſa ſtrangulantur &
capiuntur. Vnde prouerb. Anguillas captare.
Lubrica eſt & citò elabitur è manibus: unde
prouerb. Cauda tenes anguillam. Folio ſici,
quod ſcabrum eſt, retinetur. Vnde prouerb.
Folio ficulno tenes anguillam.

CONGRVS, *Meerahl*, Muræna ei caudam
præcidit.

LVCIVS, *Hecht*, lupus, *λάβραξ* Athenæus:
λάβρακις ἔχουσιν γλῶσσαν ὁσώδην καὶ εἰς ἰσχυροφάγοι, ἐὺχυλοὶ
καὶ ἐ πολὺτροφοί. Diocles philoſophus ὁψοφά-
γος, cuidam interroganti, uter piſcis eſſet me-
lior, congrus an labrax: alter inquit elixus, al-
ter aſſus.

AVRATA, *χευσόφρυς*. Forellen. Quidam ſalas
rem uocant & trutam. Athenæus ait, omniū
piſcium ſuauiſſimos eſſe guſtari καὶ τροφικώτα-

282. Ex auratis ueteres Tarentinam prætulerunt, sed eam maximè quæ illata Lucrinis stagnis, concharum esu pinguesceret, ut ait Martialis:

Non omnis laudem, preciumq; aurata meretur,

Sed cui solus erit concha Lucrina cibus.

CYPRINVS, carpio, ein Karpf.

CORACINVS, ein Rab: latus piscis, subniger & squamosus. Ex his est piscibus qui comode & feliciter saliantur: eum salitum Euthydemus apud Athenæum Sarpedam uocari affirmat, cuius meminit Persius Sat. 5.

PERCA, Parsen: Bersich. Toto corpore squamosus est piscis & argenteus, sub furuas habens zonas quibus distinguitur: in dorso impares eminent aculei, tenui inter se membrana coniuncti. Propterea Athenæus ait percam spinis esse coronatam & insigni uarietate conspicuam. Pulchræ quidem sunt, grataeque gustui & languentibus salubres. Plinius inter saxatiles numerat, & eas quæ hyeme capiuntur. Xenocrates eas Rheno attribuit, sicut hodieque Perca Rhenana laudatissima est: & uulgari prouerbio, benè habitus perca Rhenana sanior dicitur. Dux & magister earum est Melanurus. Vnde prou. apud Athenæum: ἐπιταυ πέρ-
αη μελανύρου: & apud eundem Numenius:

φυσίδια, ἀλφειῶ τε καὶ ἰν χοιῖσι καὶ εὐθρόν

εὐπορίον, καὶ πέραισι καθήγην μελανύρου.

Percas

Percas etiam Aufonius celebrauit:

*Nec te delicias mensarum perca filebo,
Amnigenas inter pisces dignanda marinis,
Solut puniceis facilis contendere nullis.*

MELANVRVS, Kulparfen, uarius est & frequentibus guttis conspersus: nō absimilis auratæ: caudā habet multis nigris lineis distinctā: Natura, ut Aeliano placet, timidissimus & cautissimus: nam ex ipsa maris tranquillitate piscatorum aduentū præcognoscit, mergitq; se profundissimo mari: si uerò in summas aquas fuerit enatandum, agit circa scopulos, & mira sagacitate in spumis latitat, quas infracti scopulis fluctus continuè excitant.

LAMPETRA, anguillis uel paruis potius murænis assimilatur. Est enim lubrica & nigricans: nisi quod parte quadam tendit ad cæruleum colorem: utroq; gutturis latere foraminosa: siquidem septenis paribus fistulis mirabili ordine à natura fabricatis acceptam aquam emittit, cum branchiis omnino careat: nec cubitalem magnitudinē excedere soleat. Dicta est à lambendis petris. Græcis ἀστέας, Latine mustela stellaris, & λάνϑ, Lampetræ suauissimæ sunt, sed Martio, Apriliq; tantum: nam incipiente æstate durescit neruus interior, qui illis pro spina est. Delicatiores necare eam in cretico uino solent, eiq; myristica nucleos

te os claudere & foramina illa totidem cario-
phyllis implere, in teganoq; conuolutam ins-
piras, additis auellanis tritis, medulla panis,
oleo, uino Cretico, aromatibusq; ad tempe-
rationes prunas certis momentis sedulo exco-
quere. Quo condimento Leo X. ioci causa Ma-
rianum cucullatum, falsum & ridiculum ho-
minem, memorabili impostura decepit. Nam
funem instar lampetræ incoctum, multoq; il-
lo iurulento immersum grandi in patina ap-
posuit, ut notam eius edacitatē eluderet, qui
iam magna pultarij parte absumpta, Pseudo-
lampetram aggressus, diu multumque cum
ea maxillis ac dētibus inhærente colluctatus,
cachinnū cunctis tollentibus facetissimè re-
spondit: Utinam sic mihi sæpius illudatis: nā
in hoc condimento non modò funes, sed & i-
pfas catenas, quibus insani uobis similes uin-
ciuntur, cum uoluptate absumerem.

MVSTELA LEVIS, *ναῦς & ῥάλη*: *neundaugen*.
Mustela uaria, *ποικίλη & ῥάλη*. Dicitur mustela
prolem ore suscipere & rursus emittere, ut eā
a piscium maleficorum iniuriā tueatur.

MVLLVS, *barben*: *πίζα*, quia ter in anno pa-
rit, nec amplius: quoniam ter foetis uernaicu-
lus innascitur, qui genitalia semina protinus
abrodit. Latini mullum uocarunt, a colore
muleorum calciamentorum. De mullorum
delicijs Cic. ad Attic. lib. 1. Nostri, inquit, prin-
cipēs

1042 DE ICHTHYOGRAPHIA,
cipes digito se cœlum attingere putant, si nul-
li barbatî in piscinîs sint, qui ad manum acce-
dât: quos in parodoxo quinto introducit bar-
batulos mullulos de piscina exceptantes. Hi
enim pisces gemina barba in labro inferiori
insigniuntur.

ALOSA, *Iesen, τρῆβα*, Laccia: piscis subtilissi-
mis squamis contactus & argenteo fulgore
cōspiciuus: pulparum uerò mollicie, saporeq;
admodum delicatus: uerum adeo frequentî-
bus & molestis spinulis præteneræ eius car-
nes impediuntur, ut illarum tædio atq; peri-
culo summæ suauitatis gratiam amittat. Aus-
sonius meminit:

Stridentesq; focis obsonia plebis alosas.

ERYTHRINVS, rubellio, rougeten: rotfeder: ru-
bris pinnis.

ALBVRNI, *ἀνχίσκοι*, *Weissfisch*: squamis argen-
teis.

LACERTVS, *σαῦρος*, Olrupen. Est ex piscib. q; fri-
cturę nomine ueniūt. *Bachfisch*. Olim scōbrus.

GOBIVS Venetîs frequens & pingui tene-
ritudine delicatus, pro squamis uariâ cutem
habet & ualdè lubricam. Apud Venetos prin-
cipium cœnæ est Martiali:

In Venetis sint lauta licet conuiuia terris,

Principium cœnæ gobius esse solet.

Gobius fluuiatilis Ausonio, uulgò fūdulus,
grundlen: ipsîs iecinoribus palato gratissimus.

SALPA

SALPA piscis pulcherrimus: siquidem à ceruice in caudam per argentea latera, aureæ rubentesq; lineæ certis distincte interuallis eum decentissime depingunt. Appellatur à quibusdam, ut Plinius autor est, ob scœnus piscis, quòd percoqui non possit, nisi ferula uerbetur: Germanis *Stockfisch*, Solitarius est, paritq; bis in anno, luporum more. Natura astutus esse perhibetur, & longè omnium liquidissime audit. Arcestratus salpam semper malū nobili carmine pronunciauit, ut non mirum uideatur, si hodie quoq; is piscis, qui tam oporose atq; eleganter à natura depingitur, ab optimatum mensis ut insulsus sit repudiatus. Omnium piscium iocoso ænigmatē longissimus dicitur: caput enim in mari habet, caudā in Germania.

XIPHIAS gladiolus, *schwerfisch*: in Dania notissimus, longum rostrum habens simile ciconiæ rostro seu gladiolo: cætera non multum dissimilis lucio.

ACVS, de lōgorū genere est, Græcis *Raphis* & *Belone*, rostrū habet gruis uel ciconiæ similitudine, colorē argenteū, spinā uiridis coloris: *Stürln*. Serò parit & pergitatē tātūm, utero de hiscēte tēpore partus, secus ac ceteris piscibus accidat, qui ipso uulū foramine pariūt. Abundat hoc pīscē Tibiscus seu Tissa fl. Vngarię die *Teys*. Epicharmus ἐξυεῖν πᾶσι δᾶς uocat.

PASSER, ψῆλλα, plateisle. Ex planorum genere. Sed nomen ψῆλλα generale est ad rhombū, passerem & soleam seu lingulacam.

SOLEA, schollen, ῥέγγη: ex planorum genere: dicitur etiam lingulaca & buglossus quod bovinæ linguæ effigiem imitetur. Maleficos pisces fugit, eaquæ solūm loca frequentat in quæ beluæ minime accedunt, ita ut argumento sit maleficos non esse ubi ipsa, ueluti solita metu uagetur. Rhombis dexter situs est resupinus: læuus autem passeribus & soleis.

RAIA, βαρίς, Rochen. ex planorum genere. E mustelino genere est: prolem tamen ore (ut alij solēt eius speciei) suscipere nequit propter caudarum asperitatem.

SQVATINA scabrum tegumentum habet ad poliendum ebur propter asperitatem ab artificibus expetitur. Ex eo cultellorum & falcatorum ensium uaginas Turcæ pulchras conficere solent: quas Sagrinas uocant.

HALEC, μαύρις, mæna, hering. Halec torrefacta uocatur bückling.

PHAGRVS, æfchen. Inter eos numeratur qui similes sunt labraci.

SAPPHIRVS, Romę notus, à cæruleo colore, mixtis aureis maculis, sic dictus. Fortasse ueterum Scaurus fuit.

SCORPIVS, subrufus est, uariuscquæ & multis armatus aculeis, cute autem sine squamis, sed

sed gobi similitudine lubrica. Quidam uolunt esse schleyen.

TINCA, quem Ausonius ignobilibus piscibus annumerauit, cum inquit:

— Virides uulgi solatia Tincæ.

CANCER, Krebs, Græcæ appellationes cancrorum plures sunt, quæ diuersas figuras significant, *καρκινός, κάραβος, ἄσκαροι*. Cancris genuinū est obliquè ingredi. Vnde Aristophanes in pace:

ἔποτε ποίσεις τὸν καρκινὸν ὀρθὰ βαδίζειν.

Dictum putant *καρκινον* quasi *καράκινον*, à motu capitis, uel quia capite gignat. Cancrorum genera plurima sunt: ut *μοαίαι, πάγχοι, ἡρακλειωτικοί, ἄρκτοι, πιννοφύλαξ, ἀράχνης, ποτάμιος*. Germani uocant, *Meerkrebs, Seekrebs, Bachkrebbs*.

3. MINIMI.

TVRDI, *κίχλαι, smerlin*.

Bdellæ, *elritzen, pfellen*, quod nomen Græco affine, Tubingæ usitatum est.

ΚΩΒΪΤΑΙ, *Kauelheuplin*: boni saporis sunt & in riuulis frigidis degunt.

MERULA, *κόλλυφος, Kressen*.

ASELLI, *ὀνίσκοι*. Maiores sunt & minores. Maiores Græcè *βάκχοι, Zatten*. Minores callariæ, *fengelín*. Sed marinorum asellorum multa sunt genera.

Græci Anadromos uocant eos pisces, qui mari relicto, flumina subeunt, ut *Amia, Murgilis*,

gillis, Salmo, Sturio: ijꝫ pinguescunt in limpidis & puris fluuijs, ut de Salmone notum est: & marinam duriciem amittunt propter aque dulcis epicrasin, ut scribit Xenocrates.

IIII. DE PISCINIS ET Ichthyotrophijs.

Piscinas Varro dicit eas, quæ in aqua dulci aut salsa, inclusos habent pisces. Alio qui piscinæ etiam dicuntur, in quibus homines lauant, natantꝫ: de quibus Cic. Latiorē, inquit, piscinam uoluissē, ubi iactata brachia nō offenderentur: itē in quibus iumēta & pecudes adaquari: anseres & anates urinari: lupinū & cannabim macerari uidemus. Sed nos hīc piscinas eas uocamus quæ uiuos pisces coërcēt & nutriunt, atqꝫ inde à Græcis *ἰχθυοτροφεία* dicuntur: quorum duo genera Varro enumerat, dulcium & salzarum. In nostratibus autē piscinis palmam obtinent Cyprinus & Lucius.

DESCRIPTIO CYPRINI.

Cyprinus (*larpf*) quaternas in capite habet branchias: cum palato carnosio: & lingua carnea & adhæsa: cum uentre pleno ouis, milij magnitudine. Stabulatur iuxta litora: & cum parturit, petit uada: canisꝫ que exortu syderatur. Marinus quinquies uno anno foetum edit, ut Oppianus scribit: uel sexies, ut Plinius. At noster semel in singulos annos, aut ad sum-

summum bis parit: stagna & amnes passim frequentat.

MORES CYPRINI ET DOTES.

Ita à natura factus & moratus est, ut sine ullo maleficio inter pisces cæteros uersetur, nulliꝑ prorsus aquatiliū noceat. Nec enim os illi rescissum, aut dentibus armatum, sed compressum & blandum, atq; in annuli modum, quoties hiat, rotundum, coloratumꝑ inest. Insunt & dentes in ore gemini duntaxat, ñ demque obtusi. Sed & spinæ dorsi hebetes, & pinnae supina parte molles, ac toto corpore lorica ex continuato squamarum contextu levis: talis & cauda, quam bisulcam gestat, eademꝑ uelut remigio piscinas placide peruehitur: ibidemꝑ in piscinis suo succo uiuit, absq; domini sumptu: quin ipsi insuper domino hanc dotem affert, quòd de suo saginatus, illum delicate pascit, dulci & suauis corporis sui pastus: siue assum, salsumꝑ, siue patinarium condiderit.

LVCII NOMEN.

Lucij nomen antiquum non est: uix enim Aufonio uetustior autor meminit: sed & is casu quodam ridiculose potius, quam aliqua ratione à Lucij cuiusdam prænominis deductū esse, in sua Mosella scribit:

Hinc etiam Latio risus prænominē, cultor
 Stagnorum, querulus uis infestissima ranis
 Lucius, obscuras ulua cœnoq; lacunas
 Obsidet: hic nullos mensarum lectus ad usus,
 Feruet fumosis olido nidore culinis.

Sic olim forsan: at nunc Lucius in focis sa-
 nē illustribus feruescit, legiturq; in usus men-
 sarum quantumuis nobilium, non tamen is
 qui ranis sit pastus aut cœnosis lacunis mer-
 sus: sed qui in piscina fluminibus peruia, i-
 deoq; graui odore uacua, foetu Cyprinorum
 alitur saginaturq;: celerrimē enim ex illo si-
 mulq; tenerrimē pergliscit.

M O R E S L V C I I.

Natura & ingenio Lucius propemodum
 moratus est ut lupus quadrupes. Pariter enim
 uiolentus & rapax, & maleficus habetur: & a-
 deo immanis, ut esuriens non rarò in suū quo-
 que genus delæuiat: nec, nisi in extrema fame,
 terreno pabulo uescatur. Hinc lupum pleriq;
 libentius quàm lucium uocant.

Cur in piscinam recipiatur.

Hic prædo & Cyprinorū sobolis pestis in
 piscinam recipitur ut eam foetu piscium su-
 peruacaneo inutiliter exuberantem, illo im-
 misso leuemus: quò ceteri Cyprini, incremēto
 & saginē destinati, dū liberalius per infrequē-
 tiā pascuntur, celerius grādescāt & crassescant.

ANTIPATHIA LVIII

Rana.

Recitat Dubravius iucundum spectaculū
quod ad uiuaria arci Cremſirienſi ſubiecta cū
Stanislao Thurzone uiderit. Deliteſcebat, in-
quit, in latebris ripæ uiuarij diſcors Lucio ra-
na, cū forte Lucius otioſo ſimilis, leui caudæ
motu ſummas uiuarij aquas ultro, citroq; ſul-
caret, quoad tandem ad locum, quem inſidijs
faciundis rana cepit, propius appelleret. Nō
omiſit, benè gerendæ rei occaſionem rana, ſed
ſimulatq; facultatem aſſiliendi hoſtis ſibi ob-
latam uidit, ita ut erat ſinibus buccarum infla-
tis, oculiſq; præ ira flagrantibus, repente in ca-
put illius inſilit, lateq; diuaricatis pedib. fron-
tem circumplexa (uide ſolertiam animalculi)
in ipſos præcipuè oculos lucij inuadit, mol-
liſſimasq; & chariſſimas partes lancinat. At
ille dolore exagitatus, modò citato per undas
curſu ferri, fluctuſq; circum ſe concitare: mo-
dò uertigine rotari: modò fruticum & harun-
dinum, quæ in uiuario ſubnatæ emicabant,
attritum quærere, ſi quo pacto malè concilia-
tum, nullarumq; præ ſe uirium inſeſſorē fron-
te excuteret. Cæterum omnes eiſ conatus
in caſſum cadebant, tam mordicus frontem
rana obtinebat, tamq; pertinaciter poenas ab
auidiſſimo corporis ſui uexatore exigebat,
XX 5 donec

donec torpescantibus ex multa lucta uiribus,
 ipse lucius uictus succubuit, seq̃ ranamq̃ u-
 nā, in ima gurgitis demersit. Adhuc nobis o-
 mnibus qui aderamus eodem loci subsisten-
 tibus, luctatoresq̃ (qui iucundum nobis spe-
 ctaculum de se exhibuerant) oculis requiren-
 tibus, ecce tibi, rana subito in altū exilit, mo-
 req̃ uictorum ouans, coaxans, uitulansq̃, rur-
 sus se in palatia sua recepit. Imperat extēplo
 Thurzo acciri piscatores, qui lucio retibus
 inuento, in lucemq̃ prolato, cognoscendi po-
 testatem facerent, quid'nam cum illo demer-
 so actum esset: atqui miser ille utroque lumi-
 ne orbis extrahitur, non sine omnium no-
 strū admiratione. At piscatores uerant ca-
 sum mirari, se enim crebro talibus certamini-
 bus interuenire & sæpenuero à ranis lucios
 excæcatos, atque eosdem emaciatos piscari:
 quoniam amissis oculis uenari sibi pisces
 nequeunt, sed sterili tantū arena
 uentres fabur-
 rant.

DE PISCIBVS ALIIS, QVI IN
piscinas illabuntur.

Pisces in nostris piscinis uel sunt

Coloni legitimi, in co-
lonias piscinarias de-
ducti: ut

Cyprinus. { de quibus
hactenus.
Lucius — {

Aduenæ &
peregrini,
qui nullo
deducto-
re, sed sua
sponte in
piscinas il-
labuntur,
uel cum

Flumi-
nibus ut

Tincæ, Aufonius: Viris
des uulgi solatia
Tincæ.

Alburni, Aufonius: Mox
etiam Alburni, prædæ
puerilibus hamis.

Alosæ, Aufon. Striden-
tesq; focis obsonia
plebis Alosæ.

Perca, Aufonio, mensa-
rum delicia.

Gobio, Aufon. Prope-
xiq; iubas imitatus go-
bio barbi.

Barbus.


Labrus, quem Plinius à
cauda placere scribit.

Anguilla.

Riuulis, ut haleculæ riuales, man-
læq; & cammari & ceteri eiusmodi
minoris incrementi pisciculi.

Atq;

Atq; hætenus de incolis & quasi ciuibus
seu inquilinis piscinarū: nūc de ipsis piscinis.



DE APPARATV.

I. SITVS, POSITIO ET EDI- ficatio piscinarum.

Columella. Huius rei, ait quasi primordiū
est, naturam loci contemplari, quo piscinas fa-
cere constitueris. Natura igitur loci pinguior,
quàm macrior: succulentior, quàm aridior, ra-
rior, quàm densior magis habilis Cypri-
norum piscinis est, qui terreno succo maxi-
mè aluntur. Non minus probabilis est gla-
reosa, calculosa, sabulosa, si tamen hæc singula
pingui glebæ permixta fuerint. Repudian-
dus est

us est similiter locus scaturiginosus, & in quo semper uligo cœnosa consistit: ut in cuius sigillationem passim uice prouerbij iaciamus: qui in luto seminat, lutū metet. Nec expedit habere piscinas altè perfossas & nulla parte uadosas. Vada enim amat Cyprinus & in uadosis pascitur locis, ibidemq; foetificat.

Situs ad piscinas aptissimus est, qui se planicie æquissima, aut exigue prona & deuexa, spaciosissime in campo, uel prato, uel nemore explicauerit. Nec est quod te iactura hordei, fœni, lignorum à proposito deterreant: nam si ad utilitatem rationes tuas dirigis, carior est metreta Cyprinorū, quàm meta fœni aut manipulus hordei & lignorum: id modo uide, ut ad constitutam piscinam fluuius proximè affluat: quod si ille aberit:

Ast aliqui fontes & stagna uirentia musco

Adsint, uel tennis fugiens per gramina riuus.

Quoniam sine humore uita piscium planè caduca est. Proin audacis est in siccaneis locis piscinas ponere, solasq; de cœlo aquas expectare: quando sæpius pluuiæ, ac præsertim in æstate cessare, piscesq; interim aquarum defectu interire soleant.

Forma piscinæ est, quòd extra aggerem (quem à fronte, lunæ modo, in cornua curuatum, interdum etiam à latere secundum flumen

1054 DE ICHTHYOTROPHIIS;
men rectum, aquis apponimus) nihil præter
rea habent clausum, sed sine ullo obice patent
omnia, liberèq; per planum & apertum solū
aquæ diffunduntur usq; ad extremas oras.

II. AQUÆ LIBRATIO.

Libratoris officiū est libellis aquarijs fasti-
giū aquarū librare ac iudicare quā altè pro
fastigio aquarū restagnantiū agger in piscina
attolli debeat. Libratur autē aquæ, Vitruvius
autore, Dioptris, libris aquarijs, chorobate.

III. AGGER.

In aggere	{	Symmetria.
confid.		Fundamentum & superstructio.
		Areæ locatio & dimensio.
		Vallum.

S Y M M E T R I A.

Post aquas perlibratas, sequitur cura excitā-
di aggeris, qui easdē aquas mole opposita co-
erceat & cōtineat. Cæterum nō temerè, sed ad
symmetriā exaltari agger debet. Symmetria
aut ex modo & forma colligitur. Modus alti-
tudinis in aggere est, ut ne minus uno cubito,
néue multò plus duob. supra fastigium aquæ
sublimetur. Ad formā uerò eius (quam perpe-
tuò sic obtinet, ut secundum Lucretium:

Paulatim trahat angusti fastigia coni.)

In hūc modū proportio instituitur, ut quan-
ta altitudo aggeris fuerit, tāta eiusdē latitudo
fiat eo loci, quò agger in conū supernè cōtra-
hitur,

hitur, & ter tãta crassitudo ubi idem agger in fundamẽto dilatatur. Videtur autem ipsa natura hanc rationẽ comprobare: quæ, ut Vitruuius ait, hunc statũ omnib. ferẽ arborib. attribuit, ut crassescant: à radicibus, & paulatim in altitudinẽ se erigẽtes, coarctentur: propterea quod oneri ferendo quę inferiora sunt, firmiora debent esse, quàm superiora.

FUNDAMENTVM.

Sine fundamento positus agger, nunquã nõ uel aquis perstillat, uel perfluit: interdum etiã ex nimio et assiduo humore preceps ruit, prosterniturq;. Qui igitur firmitati aggeris in posterũ cõsulunt, ad has rationes cõfugiunt. Ante omnia spaziũ fundamẽti cubitis metãtur: mox locum in piscinas proniorẽ canalib. attribuũt, ut tãtò facilius aqua per illos, quoties opus fuerit, ex piscina delabatur. Postea limitem introrsus (iuxta aggerẽ) perpetuũ ducunt: in quo piscatores per tẽpus piscandi stare, ambulareq;, & retia colligere cõmodẽ queant. Ac tũ demũ fundamẽta in medio areæ dimẽsæ proscindũt, effodiũtq;, lata trib. aut paulò amplius cubitis: profunda itẽ tribus, si marerũ solũ, arenosumq; obuiũ fuerit: sin mediocre se obtulerit, dimidio minus infodiũt, motãq; & egestã humũ rursus in fossam regerũt, eandemq; crebra fistucatione cõsolidant, quod ualẽtius, robustiusq; percolationib. aquarum resistat.

resistat. Residuum terræ crudæ in areæ fundamēti relietæ, bipalio inuertunt, ut cū terrā (quam operæ ad exaltandum aggerem, carruculis conuehunt) promptius coeat & conglutinetur. Ne autē supinis fortasse nobis & negligentibus operæ conductæ imponant: exactor peritus & circumspectus erit adhibendus, qui subinde nouum opus circumspiciat, ut æqualiter pro sua ubique proportionē succrescat, ne in ullam partem promineat ruinæ, obnoxia, ne in rimas abeat, ne uel lacunis deficiat & dehiscat: sed ut potius crebris carrucarum uectionibus, pedumq; impressionibus, agger conculcetur & consolidetur. Faciunt enim hoc sæpius operæ, ubi custos abest, quō uidelicet celerius, minoreq; labore agger illis assurgat, ut nunc in cauo loco stipitem, truncumq; arboris grandiolem adobruant, nunc inanitatē huiusmodi summo tantum cespite contegant, præsertim ubi redemptum minore precio opus moliuntur.

AREÆ DIMENSIO ET LOCATIO.

Ne quis per imprudentiam nostram in conducēdo nouo in piscinis opere nos decipiat, duplex ratiociniū inuentum est ad areas in piscinis dimetiendas: alterum per funiculos: alterum per areolas.

VALLVM.

Aggeris circūuallādi ratio duplex, ex duobus structuræ generibus apud Vitruuium, unū reticulatū, alterum incertū. Reticulatum, quod sepis modo, palos in piscina cōstitutos, arborū trūcis, stipitibusq; irretit & implicat. Incertū uerò, in quo nullo diligētiore contextu: sed aceruatim tumultuarioq; opere aliæ super alias arbores ponē palos abiectæ, constipantur. Delectus uerò arborū habendus est, quæ ad uetustatem magis aut minus habiles, præsertim in humore, habentur. In piscinis itaque quercus usu optima ad cuncta prorsus opera: eò quod sine uitijis diutissimè perennat siue aquis immersa, siue terra adobruta fuerit. Proximū ad perferendam in humore ætatem locum abies obtinet: eaq; ratione ad canales, quos in piscinis aggeri substernimus, extruendos post quercum maxime legitur: similiter ad embolum erigendū: columellam scilicet illam canali superstantem, oriq; eius iniectam, ne aquas nisi nobis uolētibus uel hauriat, uel euomat. Durat & alnus in humore, durat pinus, fagus, iuglans, iuniperus. Ipsum autem robur magis in terra, quàm in aqua defossum firmum habetur. E' diuerso ulmus in perflatu diu incolumis permanet, ideoq; ad incilia & septa, & alia in piscinis necessaria, quercu deficiente, admouetur. At esculus, salix & betula

nec in afflatu nec in humore idoneæ: quia utrobique celeriter marcescunt. Betulam Plinius Gallicam arborem uocat, mirabili candore atque tenuitate, terribilem magistratum uirgis: quasi in Germania ueluti indigena & uicinis circum regionibus non arbore scat.

IIII. INCILE, SEPTVM

Emissarium.

Vlpianus in l. i. ff. De riuis, incile & septum definit. Incile, ait, est locus depressus ad latus fluminis, ex eo dictus quod incidatur. Inciditur enim uel lapis, uel terra, unde primum aqua ex flumine agi possit. Septa autem sunt quæ ad incile opponuntur aquæ deriuandæ, compellendæ uel ex flumine causa: siue ea lignea sunt, siue lapidea, siue ex alia qualibet materia sint ad continendam transmittendâ uel aquam excogitata.

Emissarium est locus patens, per quem aqua superuacanea è piscina aut lacu, stagno uel emititur. Hinc Suetonius de Claudio Cæsare: Fecit, inquit, & emissarium Fucini lacus, portumque Ostiensem.

V. AQUA DUCTVS.

Ducuntur aquæ in piscinas è propinquis fluminibus uel riuis, fontibus & lacubus, triariam.

I. Per fossas & canales. Nam si flumen paricum piscina libramento adæquatum fuerit, præsidio obicis egebit, qui mole sua ad utraque ripam, qua altius eminet opposita, undam superuenientem pariter sustineat, attollatq; , ac mox cogat illam prono similiter lapsu in piscinam decurrere.


II. Per Rotas. Nam si fluuius infra libram humilius depressus iacuerit: rotam sublimiorem cum situlis aut modiolis aquam haurientibus, in alueo fluuij cõstituemus, quæ impulsu fluctuum uersata, præstabit nobis quod ad usum opus erit.

III. Per elices & sulcos. Nam si nihil horum fieri iniqua piscinæ & siticulosa positio permiserit, de coelo aquæ petendæ erunt, & ubi illæ per tempestates cum imbribus uel aliàs cum pluuijs superuenerint: elicibus & sulcis in piscinas deriuabimus. Refert autem nõ parum, coelestes ne, an montanas, an campestres aquas inducamus. Nam coelum ut incertas, sic etiam piscibus steriles fundere solet. Montes item plerunq; steriles, & præterea impetu præcipientes atq; gelidiores, quàm amat in æstate Cyprinus. At ex planis campis unda profluens, quod lento lapsu prorepit, quod Solis calore tepet, quod uario piscium genere redundat: idcirco omnium utilissima ad piscinas habetur, Illud utilissimè de aqua iam

restagnante præcipitur, ut illam crebra mutatione renouemus, nouis admissis fluuijs, qui meatu suo ueterem aquam submoueant, nec patiantur ut partim ex rudi & inculto piscine solo, partim ex situ & cruditate arborũ (quibus uallamus & loricamus aggerem) uitium, amaritudinemq; & malum odorem contrahant: quippe his rebus quasi uenenis imbuti pisces plerunq; moriuntur.

VI. PISCIVM DEDUCTIO

& translatio.



T E M P V S.

Aquis iam quantum satis est in noua piscina restagnantibus, fœtus Cyprinorum (cuius causa aquæ in primis colliguntur) in illas ex seminarijs transferendus est. Duo autem transferendi tempora sunt, Vernum & Autumnale. Ac Vernum quidem adeo est tempestiuũ, ut

ut quamlibet Cyprini ætatem (siue anniculā, siue bimam, siue trimam) citra ullam noxam tum contrectare & de seminario in piscinam transferre queas. At in autumno propter instantem hyemem & undas assidue fluctuantes, periculosè feceris: si teneriorē, minoremq; biennio aut triennio transtuleris. Foetui autē transferendo hora matutina, diesq; à uento & tempestatibus quietus deligitur, ne calore meridiano, flatoq; uentorum, ac præcipuè Austri, corpus Cyprinorum imbecillum ualetudine tenterur.

E L E C T I O F O E T V S .

Diligenter est aduertendum in legendo foetu Cyprinorum, ne exoletus pro tenero, ne uē degener pro nobiliori subrepat.

1. Signa generosi Cyprini sunt: si caput exiguum: si oculi emiserint: si uenter capacior, distētiórq; si pinnæ & squamæ nitidæ & subcandidæ: si deniq; totum corpus quadratum magis, quàm oblongum apparuerit.

2. Signa ueteris & degeneris sunt: si uastū caput: si tenuem inglorius aluum traxerit, aut eandem intempestiuo ouorum semine completam habuerit: si squamæ luteæ aut luridæ fuerint.

Oraculum piscinarium est, ut Cyprinorū foetum à nobis emptum secundo flumine in piscinas deuehamus: id est, de editiore loco in

1062 DE ICHTHYOTROPHIIS,
planiorem: de frigidiore in tepidiorem: de steriliore in uberiolem.

N V M E R V S.

Vnicuique piscinæ legitimus adhibendus est numerus: minor aliquāto mediocri, maior pingui: minimus macro. Piscinarij sexagenariū numerū elegerūt: quia is commodā habet in plures partes distributionē. Maximo itaq; iugero (quod 40. funiculos quoquo uersus habet) quinquagies sexagenos: hoc est, ter mille Cyprinos destinant: si modo pingue solum sit. Non enim lutum est, sed uber terræ quod Cyprinos opimiores facit.

Sexagenarij sunt 12
diuifores:

- | | | |
|---|----|-----|
| { | 1. | 60. |
| | 2. | 30. |
| | 3. | 20. |
| | 4. | 15. |
| | 5. | 12. |
| | 6. | 10. |

S E M I N A R I V M.

Multa sunt quæ adhortari debent piscinarios, ut sibi in suo fundo seminaria comparēt. Primò pro copia domestica delectum foetus habere licet, nihilq; obstat quò minus maxime probatum deligamus. Deinde in manu nostra situm est, quo tempore foetum piscari uoluerimus. Præterea miscellaneā sæpius turbam ex nouo, ueteriq; ac retorrido foetu permixtā ab alijs ememus, ut reperta quoq; non emisse

emisse quàm emisse satius sit. Deniq; uecturā, sumptus, impensas & cætera incōmoda, quæ peregrè ambulātē comitari solēt, cauebimus. Prestat igitur domi gratuito per industriā nostram habere, quàm foris emere. Locus autem uiuarijs, sementi faciendæ destinatis, non ita morosè, uti maioribus piscinīs (in quibus iam adultus nutritur Cyprinus) quæritur. Sed talia uiuaria in quouis fundi uel angustiore recessu (modo riguo) institui rectè possūt. Locū tamen seminario arenosum nō cœnosum deligito: quoniā oua Cyprinorū, quæ ex mutuo attritu in cœnū decidunt, animari uelut à luto præfocata non possunt: ac sola illa faciliè animantur, quæ in uadolis arenis deponuntur.

CLASSES.

Cum alio in uiuario nasci, alio adulescere, alio pergliscere Cyprinus soleat: eam ob causam separatas etiam alijs locis desiderat piscinas. Id enim in primis est piscinarijs utile, habere foetum Cyprinorum ita per loculatas, piscinas diuisum, ut statim sciant unde primi, unde alterius, unde tertij anni foetum depromant, & quo quemque eorum pro ætate sua transferant. Piscibus deinde ualde conducet, ut pares uita & annis cum paribus congregentur. Satis autem est in tres classes distributas habere piscinas: ut prima sit, in qua

primam Cyprinorum pulliciem enutrimus, eaq; minimam postulat piscinam: quia minimos continet Cyprinos. In maiorem secundæ classis: id est, secundî annî transferri debēt. In tertiam & maximam, non alius quam saginæ destinatus foetus est traducendus, numero certo & pro modo piscinæ distincto. Nam in illam minimæ sortis piscinulam solas matrices concludimus: nō plures interdum quàm tres, interdum nouem aut quindecim. Valdē enim ferax genus Cyprinorum est, ac tanta celeritate atteritur, ut uisum penē fallat.

A T T R I T V S.

1. Modus. Admissarios Cyprinos uulgo piscatorum Terdellones uocat, quòd (more complurium piscium) terendo, mutuoq; contactu uentres confricando, solennem hymenæum peragunt.

2. Tempus. Id enim faciunt uel Aprilî, uel Maio mense, prout citius, aut tardius ex tempore aquarum cupido elicitur. Qua instante & titillante, masculus adeò plenos humoris lactei, peruiosq; meatus exhibet, ut si uel leuissimè aluum eius manu comprimās, inde tibi continuo semen effluat. Ostendit & foemella sub idē tēpus mutue cupiditatis et uoluptatis signa, dū solito magis aluū ouis inturgescētē præfert & quantum potest marem conlectans
fri-

fricari, aluumq; ouis resolvere accelerat. Scribit Aristot. lib. 6. hist. tredecim sæpenumero & quatuordecim Cyprinos singulas foeminas affectari: ac si quādo tardius mares occurrant, ultro illas desiderio naturalī accēsas, obuiam prodire, ut uentres marium rostris petant, semenq; genitale animandi foetus gratia eliciāt: nam nisi uitali maris semine oua aspersa fuerint, haud animantur. Non omnib. ouis id contingit in tanta multitudine alioqui replerentur maria & stagna (ut prodit Plinius) cum singuli uteri innumerabilia concipiant. Autor est idem Aristoteles oua Cyprinorum foetifico semine cōtacta, eadem die ad magnitudinem milij excrefcere.

PARTVS.

1. Tempus. A trimatu Cyprini edere uitalem foetum incipiunt, eduntq; ultra annū trigessimū. Cæterū hīc præcauto opus est ne partus tempore, uel perca piscis, uel lucius interueniat: quod illa in oua recens exclusa statim inuadat: rursus lucius in partum iam animatum hostiliter grassetur.

2. Numerus. De Cyprino opinio est semel eum in singulos annos aut ad summū bis parere. Sunt tamen qui sibi persuasum habēt ter in æstate parere: & uel in Autumno etiam foetum edere, quando illo quoque tempore aluum ouis grauem gestat: sed huiusmodi fo-

tus uelut abortiuus, sine uita tunc effunditur. Curigitur in mari quinquies, ut uult Oppianus: aut sexies, ut Plinius & Aristoteles, cyprini citra noxiā pariunt? an quia Venus eorum minus hebetatur, qui liberi in mari, q̃ qui captiui in piscinis uiuunt? an loci ipsius natura huic quoq; fœcunditati aliqua ex parte subseruit? id quod Aristoteles credere uisus est lib. 5. de Nat. animal. Diuersum, inquiens, sitū locorum non solum ad id facere ut pisces in uno loco, quā alio excrescant felicius, non secus ac arbores & stirpes: sed idem etiā ut alibi sæpius coeant, pariantq; alibi rarius.

DE LUCIIS ET EORUM
satu.

Lucij satus non aliter atq; Cyprini, attritu scilicet uentriū peragitur: paulò tamē maturius, nempe circiter æquinoctium uernum.

Luciorum translatio seu deductio.

1. Tempus. Lucium, stirpis Cyprinæ cladem atq; exitium, non nisi cum tempestiuum fuerit, in piscinam deducemus.

2. Locus. Nō in quaslibet piscinas deducemus, sed in tertiā & maximā classem: quæ sæpè interueniēte attritu Cyprinorū, ætate iam maiorū, tot nouis fœtibus exundat, ut pascua tantæ multitudini suppeditare non possint. Tunc igitur maxime per tempus deducitur
lucius,

lucius, qui ore & dente suo nimium sobolis nouæ luxuriam depascatur.

3. Numerus. Pro magnitudine piscinæ, & foetus multitudine, plures pauciores uel lucij in illam admittuntur.

4. Ortus. Quæritur quid accidat ut in piscinis, quæ de nullo flumine aut riuo (unde lucius unum influere queat) sed quæ de cælo tantum & nubibus humorem accipiunt, lucius reperitur? Non raro anaticulæ ad piscinas aduolant, ut ingluuiem suam uel foetu, uel ouis tam luciorum quam cyprinorum impleant. Piscinarii itaque autumant, anaticulas (dum semine luciorum uentrem plenum & adhuc crudum, uomitu ad piscinas exonerant) simul easdem piscinas semine illo egesto etiam conserere, luciosque ex eo satum animari.

DE CONSERVATIONE.

OFFICIUM TUTORIS SEU

Curatoris piscinarum.

Officia tutoris sunt uel	{	Cõmunia, quoad	{	Aquas.
				Pisces.
				Piscinas.
	{	Specialia, quoad tempus quid agat	{	Vere.
				Aestate.
				Autumno.
				Hyeme.

I. Circa aquas obseruabit, ne necessário humore piscinas destituant: ne repente ex cœlo procelloso adauctæ, inundationibus aggeri officiant: ne putorem & situm noxium contrahant.

II. Circa pisces procurabit, ut matrices in suis seminarijs suo tempore foetificent: ut foetus tempestiuè transferatur: ut numerus piscium apud dominum subscribatur: ut pisces bono modo nutriantur. Nec enim natura quod uult, semper id per semet efficere potest: sed aliquoties ab industria, operaq; nostra adiuuari desiderat. Hinc agrorum & uinearum cultum, hinc arborum insitionem, hinc pecorum educationem non sua sponte, sed magis ab humana solertia prouenire uidemus.

III. Piscinas curatorem sæpè obire oportet & quid quoq; loco sarcendum uel instaurandum sit, prouidere.

OFFICIA VERIS.

1. Munimenta, quæ ad uallum & sepes, & alia ueniunt, instauranda sunt.

2. Perpurgandi sunt elices, sulci aquarum, fossæ, per quas nivalis & pluuialis humor in piscinas deriuatur.

3. Foetus per classes piscinarum est distribuendus.

4. Noctu ad piscinas recurrandum, ne quis tunc illis insidietur: quia noctu magis quam interdiu

interdū Cyprini per uoluptatem atteruntur.

5. Quoties ruit imbriferum uer, toties septa piscinarum, in quibus Cyprinus adultus pergliscit, recludenda: imberq; unā cum fluminibus, limum secum & stercora ex uberioribus agris pertrahentibus, admittendus. Nul- lum enim hoc Cyprinis gratius pabulum reperitur, nec unde crassescant ocyus.

OFFICIA ÆSTATIS.

1. Claustra circum piscinas clausa esse debent, ne quā aditus in piscinas profluenti pateat. Maxime enim æstate tranquillo & quieto statu opus est Cyprino. Nec enim ab exercitio, sed ex ocio opimatur. Ideo interclusis illo tempore septis opus est, ne unda recens piscinas influat, ad cuius meatum oberret magis quā pascatur Cyprinus. Ac ne putes solos Cyprinos ex inertia adipēs sumere: prodit Plinius ad Cadaram rubri maris insulam, præcipua eius loci quiete beluas ad immobilem magnitudinem adolescere. Thynnos uero in tantum pinguescere, ut dehiscant. Quantum aut unda iugiter manans Cyprinis æstate est aduersa, tantum pluuia leuiter affluens grata & amica. Vnde Plinius: pisces modicis imbribus gaudent, alunturq;. Quin & arundines, quamuis in palude progeneræ, non tamē sine imbre adolefcunt: & aliās ubicunque pisces

sces in eadem aqua assidui sunt, nisi appluat exanimantur. Hæc Plinius.

2. Pastio Cyprini. Et si piscib. omnib. commune sit, præcipuū alimentorū suorū partē ex aquis capere: sunt tamē aliq̃ quoq̃ cibi suo cui que pisciū generi proprij. Nā, ut Aristoteles tradit, cōgri, murenæ, lupi carne tantū uescuntur: nulli carne & alga: scarus alga tantū: salpa alga & stercore: cyprini limo & arena glebæ permixta: & quāquā idē à carne abstinet, lumbricos tamē terra erūpentes, culicesq̃ & muscas aquis superuolitantes libentissimē dapis gratia cōsectatur, adeò ut in insectis uenandis ore quasi popysmata edat. Hęc ex insectis Cyprini pastio, æstiuā & superna dicitur: altera in fundo piscinæ, inferna. Priore melius saginatur & carne fit tenerior. Nā quæ iucundius suauiusq̃ sumuntur, mollius etiā teneriusq̃ nutriunt. Hyeme quoq̃ in latebris altioris aquæ conditi, terreno pastu aluntur: quia illorū cubilia non aliter excauata depræhenduntur, quàm sues sua uolutabra excauare solēt. Vulgus etiam frumento aqua macerato & cereuiſiæ destinato Cyprinos pascit: item figulari creta, modico ignis calore adusta, fæcibusq̃ olei subacta: ut Plinius pro admiranda sua diligentia lib. 9. idem annotauit.

3. Arundo in piscinis extirpanda est. Solet enim post frequētes pluuias celeriter subori-
ri: &

ri: & difficile hoc malū, ubi præualuit, extirpatur. Nā si ferro succidas, lætior: si face incēdas, densior resurgit: tū si solas manus admoueas, frāgas citiūs quā euellas. Sed nec uomeri facile cedit: quia altius radices in terrā agit, densiorēq; illas inter se cōplexu innodat, quā ut enodari exarariq; possint. Sed hac tandem ratione in exitiū eius nō frustrā incūbes, si æstiuo solstitio per plenā aquis piscinā monoxysto uectus, arundinetū falce inuadas, ita eandē falcem in demetenda arundine moderans, ut internodia ipsius duntaxat ea, quæ subter aquammersa sunt, demetas. Fiet enim ut arundo per cauam calami plagam exhausta aqua, quæ uapore Solis tunc est calefacta, non secus intabescat, ac si tabificum biberit uenenum. Admonet Plinius ex occultissima illa rerum inter se sympathia libro 18. ut falce apponamus filicem.

4. Morborū curatio. Plin. lib. 9. ait uniuersa genera pisciū nō sentire morbos: sed ægrotare singulos. Cyprini uī caniculæ afflātur & marcescūt: infestātur item uitiata & corrupta in piscinis aqua: & ob exiguum humorē. Imminet & pernicies ab herbis, ut à uerbasco in piscinas proiecto, à cyclamini radice (quam ideo ἰχθυοθώραν uocant) à lacte tithymalli, ab aristolochia, à cannabis amaro succo. Plinius enim refert coram se à piscatorib. Campaniæ

paniæ cōtusam aristolochiam immixta calce in mare sparsam fuisse, miraꝓ cupiditate pisces aduolasse, ac statim exanimatos fluitasse. Et lege, multaꝓ uetatur ne cui liceat cannabim iuxta piscinas macerare. Apium uerò omnibus piscibus morbo laborantibus salubre est.

OFFICIA AUTUMNI.

1. Piscatus: qui tamen ut plurimum in uerum tempus differtur.

2. Aucupium, quod feri anseres & anates, ad piscinas in autumno conuolantes, nō sine uoluptate præbent.

3. Subductio aquæ ex piscinis marginum tenus, ut ipsi margines aquis denudati, siccatiꝓ que, pruinis & gelicidijs hybernis fermententur.

4. Occurrendum tempestati, septis & canalibus, emissarijsꝓ reclusis. Nam autumno:

Sæpius immensum cœlo uenit agmen aquarum.

OFFICIA HYEMIS.

Non sunt, ne hyeme quidem, circa piscinas Halcyonia. Nam glacies ipsa & nix magnum ex se periculi metum minitatur: Itaqꝓ curatur & niuem compluribus ex locis piscinæ submoueat, & scrobes in iisdem locis, perfecta securi glaciæ, aperiat, per quas uegetabilis aura pisces recreet. Videat quoꝓ custos ut uecturas

ras operarias (quas coloni ex more obeunt) inde uehunda ad piscinas farciendas materia necessaria conficiat cum niues adhuc supersunt: cumq; trahis adhuc coloni utuntur: quibus multo expeditius quam plaustris robora subuehant. Nam uerno tempore magna cum molestia ab agro & aratro auelluntur.

DE VSV.

DE PISCATV.

1. Instrumenta. Verriculum duplex, maiusculum & minusculum: solia & uasa pro lucijs & cyprinis separandis: quali, nassæ cribra, incernicula, mensuræ, pali ad deficcanda retia.

2. Tempus piscandi, uernum & autumnale. Hora matutina auspicari melius est.

Secundo tractu plures trahuntur quam primo: quia secundo tractu magis quam primo aqua perturbatur, maioremq; oculis piscium caliginem obijcit.

Lactis plagis primi plerunque lucij, q; maximij capiuntur: quoniam aueritate prædandi summis semper feruntur aquis. Contrà Cyprini, qui fundum piscinæ amant: initio minores, posteriùs grãdiores illaqueantur. Quocirca piscinari, ad quæstum callidi, ut luciorum indicaturam ad primum statim iactum præcipitant: ita Cyprinorum de industria procrastinant: expectantes dum peractio ferè pesca-

tu corpulentissimi eorum extrahantur, quos emptori (dissimulatis uilioribus) ob oculos obtrudant.

Solertia ea est cyprinus, ut ubi metus ex intentis retibus ingruit, caput repente cœno mergat, ut cauda lubrica & retia, & piscatores frustretur.

Secluseria iuxta piscinas sunt constituenda, in quæ capti pisces transferantur & includantur, ut eos uendamus.

In hyeme piscinis cōglaciatis, pisces ad strepitum solearum, quibus ungulæ equorum & ad stridorem canthorum, quibus rotarum orbis, in plaustis deuinciuntur, consternati: omissis latibulis ad insidias plagarum gregatim præcipitantur & extrahuntur.

Causa cur alij pisces alijs crassiores & tenuiores, etiam in eadem piscina sint, est partim natura locorum, partim aqua, qua aluntur, partim aër, partim seminium, partim affectio peculiaris: partim completio, consuetudo.

Ad instruendas opimis epulis mensas lautiores propter tempestiuam ætatem, quadriennis aut quinquennis cyprinus in primis uocatur. Nam citra annos quatuor fluxa adhuc carne: ultra quinque tenaciore, insulsioreque esse incipit.

DE DISTRACTIONE CYPRINORVM.

Cyprini qui ad piscinas, statim ut extracti retibus

retibus fuerint, uenales proponuntur, aliquāto sunt uendibiliores his, qui ex piscinis in uisaria translati, diutius asseruantur. Vt enim illis habitus corporis adhuc integer, gratiam apud emptores conciliat: ita istis per captiuitatem diminutus, precium quoque imminuit. Venduntur autem cyprini aut uasculis seu mensura, aut numero.

LIBER XXXIIII

DE ZOOGRAPHIA ANIMANTIVM TERRESTRIVM.

In Terrestribus animantibus consideran.	{	Proprietates quadrupedum.
		Distributio.
		Species.
		Pecuaria & pastoritia: <i>πρωτοφία</i> .


I. PROPRIETATES QUADRUPEDUM. Ouid.

*Tigrides indomitæ rancant, rugiuntque leones:
Panther caurit amans, pardus hiando felit.
Dum lynces orcando fremunt, ursus ferus uncat,
Ast lupus ipse ululat, frendit agrestis aper.
Et barrus barrit, cerui glocitant & onagri,
Ast taurus mugit & celer hinnit equus.
Quiritat uerres, tardus radit, oncat asellus,
Blatterat hinc aries, & pia balat ouis.*

*Sordida sus pascens ruris per gramina grunnit,
At mutire capris hirce petulce soles.
Ritè canis latrat, fallax uulpecula gannit,
Flaucitat & catulus: at lepores uagiunt.
Mus audius mintrat, uelox mustelaq; dintrit,
Et grillus grillat, desticat inde forex.
Ecce uenenosus serpendo sibilat anguis,
Garrula limosis rana coaxat aquis.*

Iumenta sic aurium motu testantur affectū animi, ut homines fronte & oculis. Nam uni homini, ut ait Plinius, natura aurículas dedit immobiles. In iumentis autem & quadrupedibus ferè omnibus auscultantibus sunt erectæ, fessis marcidæ, nutantes pauidis, arrestæ furentibus, resolutæ ægris. Vnde Horatius:

*Demitto aurículas, ut iniquæ mentis asellus,
Quam grauius dorso subiit onus.*

II. DISTRIBUTIO TERRE-
strum animantium.

Animalia bifulcas ungulas habentia & ru-
minantia (δίχθηλα καὶ μηρυκάζοντα.) sunt boues, o-
ues, capræ, cerui, capreæ, ibices, bubali, damæ,
unicornes & cætera ferè κερατοφόρα, quibus so-
lis uesci Mosaica lege licuit. De animantibus
quæ ruminant seu cibos in uentrem demissos
sursum retrahunt & remandunt, Aristoteles
hæc scribit: τὰ δὲ μηρυκάζοντα τῶν ζώων χάρις μηρυκά-
ζοντα καὶ μηρυκάζουσιν, ὥσπερ ἰδιόοντα μηρυκάζα δὲ τὰ μὴ ἄμ-
φόδοντα, οἷον βόεις καὶ πρόβατα καὶ αἰγες: ἐπὶ δὲ τῶν ἀγείων
ἔστιν πρὸς σωτηρίαν, ὅσα μὴ σωτρίφεται ἐνίοτε, οἷον ἔλαφος,
αὕτη δὲ μηρυκάζα. πάντα δὲ τῶν χαμῶν μηρυκάζουσι, τά τε
καὶ οἰκίαν τριφύλλα σχεδὸν ἐπὶ ἅ μὲν τὸ τοιοῦτον ποιεῖ. τὰ δὲ

- ἀρχαῖα καὶ ἥπλωρ καὶ ἐλάτωνα χέονορ μὴρυκάσαι, ὅθεν τὸ νῦν μὲν
 ἔξω μὴρυκάσαι δὲ καὶ τῶν ἀμφοδόντων ἕνια, οἷον οἷτε μῦς
 οἱ ποντικοὶ καὶ οἱ ἰχθυεὶς καὶ ὅρκαλοις ἕνιοι ἀπὸ τῶν ἔργων μὴρυ-
 κα. **Et alio loco:** τῶν τετραπόδων καὶ ζωτόκων, ὅσα μὴ ἐ-
 σὶν ἀμφοδόντα τῶν κεραιόφωνων, τίτλαρας ἔχει τὰς πόδας,
 ἃ δὲ καὶ λέγεται μὴρυκάσαι. Διήκει γὰρ ὁ μὲν σόμαχ' ὅθεν τὸ
 σόματ' ἀρξάμεν', ἐπὶ τὰ κάτω περὶ τὸν πνεύμονα, ἀπὸ
 1. τῶν δὲ σώματ' ἐπὶ πλὴν κοιλίαν πλὴν μεγάλην. αὕτη δ' ἐστὶ τὰ
 ἔξω πρᾶχῃα καὶ διηλημμένη. σιωήρηται δ' αὐτῇ πλησίον
 τῆς τῶν σόμαχος πεσθολῆς ὁ καλὸς κερύφαλ' ἀπὸ τῆς ὁ-
 2. ψέως. ἐστὶ γὰρ τὰ μὴ ἔξωθεν ὅμοι' τῇ κοιλίᾳ, τὰ δ' ἐντὸς, ὁ-
 μοι' τοῖς πλεκτοῖς κερυφάλοις. μέγισται δὲ πλεονέκτων
 ἐστὶν ὁ κερύφαλ' τῆς κοιλίας. τέττα δ' ἔχεται ὁ ἰχθύν', τὰ
 ἐντὸς ἐὼν πρᾶχῃς καὶ πλεονέκτης, τὸ δὲ μέγιστον παραπλήσιον
 3. τῷ κερυφάλῳ. μετὰ δὲ τῶτον, τὸ καλὸν μόνον ἡνυστρον ἐστὶ, ὅ-
 μων μέγισται ἰχθύν' μέισον, τὸ δὲ σχῆμα περὶ κέραιον, ἔχει δ'
 4. ἐντὸς πλάκας ποικίλεις καὶ μεγάλας καὶ λεῖας. ἀπὸ δὲ τούτων τὸ
 ἑντέρον ἡδύ.

Quatuor sunt πό- ροι	{	Κοιλία μεγάλη.	Vide de his & to- ta ruminatione Mercurialis lib. s. Var. lectio. ca. 13. 14. 15. 16.
		κερύφαλ': reticulū.	
		ἰχθύν', omasum.	
	{	λύψτρον, abomasum.	


Bisulca, non ruminantia animalia, sunt su-
 es: quorum tamen genus ἐπαμφοτερίζων & in Il-
 lyride ac Pæonia & alibi suis ungulis prædi-
 cos inveniri, Aristoteles scribit.

Quæ-

Quædam ruminant, sed bifidas ungulas nō habent, ut Camelus, qui inter bisulca & solidipeda medium ferè tenet. Nam imum eius uestigium planum & solidum est, etiam si supernam ungulā aliquousq; diuidit. Sic lepus pedem imum *πολυσχιδῆ*, in multos digitos scissum habet: item chærogryllus seu porcus spinosus, quem histricem aliās uocamus, longis circumquaq; armatū aculeis missilibus, cuius pedes in quinque digitos fissi sunt.

Solidipedia, *ἄσχιδῆ καὶ μόνουχα*: id est, solidas ungulas habentia, sunt equus, asinus, mulus, elephas, &c.

Digitis fissis, quæ diuidunt quidem ungulam, sed non bifariam in duas ghelas, *πολυσχιδῆ* seu *πολυδάκτυλα*, sunt canis, leo, lupo, feles, uulpes, sciurus, pardalis, castor, echinus, mustela, tigrides & pleraq; quadrupedia, ouipara.



III. SPECIES QVA-
drupedum.

ALCE, *Elend*. Albertus Magnus lib. 2. histor. animal. uocat Equiceruū: Equiceruus, inquit, nobis cognitus, equo similis est, sed altior, uulgò *Elend*: & ad equitandi usum cicuratur: tantundem enim spacij uno die, quantum equus triduo, perficit. Cornua eius solida & ramosa sūt: colore quo cerui. Ab initio ubi enascuntur, ad tres uel quatuor digitos, rotunda sunt: deinceps lata & tenuia, asseris instar, & circa finem multos producunt ramos. Facit hæc latitudo ut scabellis idonea sint. Pondus cornuum ingens. Magnus horum animalium numerus est in syluis Borussiae, Vngarię & Illyrię. Maiora sunt ceruis & hirsutiora, simili tamen pilo: in cæteris cauda solum ceruis similia. Frontis latitudo ad duas palmas. Hæc Albertus de Equiceruo, quem Hotomannus lib. 6. Cæsaris Bisontem putat esse, quem Cæsar sic describit: Est bos (bisons legit Hotomannus) cerui figura: cuius à media fronte inter aures unū cornu existit excelsius, magisq; directum his quæ nobis nota sunt, cornibus. Ab eius summo, sicut palmæ, rami latè diffunduntur. Eadem est foeminæ, marisq; natura: eadem forma, magnitudoq; cornuum. Hæc Cæsar. Ex cornibus globuli, cochlearia & alia

id generis candore nitido insignia, torno parantur. Ungulæ pedum miranda ui paroxysmis epilepticis mederi dicuntur.

ASINVS, ἄσινος: diminutiũ ὀνάειος. Animal gerulum, plagarum & penuriæ tolerantissimum. Regionibus frigidis maximè gaudet: cuius dorsi pars posterior, anteriore est robustior. Auribus & uocis ignauo sonitu se prodit. Tardus est: unde Virg.

Sæpè oleo tardi costas agitatur aselli.

Et hinc Prouerb. ἐκ βραδυοκέλας ὀνὸς ἵππος ἐ-
πύσσει, è tardigradis asinis equus prodijt. Eius proprium est rudere, ῥυκεῖν. Quid.

Vt rudit à scabra turpis asella mola.

Persius Sat. 1. aurículas asini albas uocat: pilos enim albos intus habent. Vnde Ouid. lib. 11. Metamor. de Mida:

— nec Delius aures

*Humanam stolidas patitur retinere figuram,
Sed trahit in spaciū, uillisq; albetibus implet,
Instabilesq; illas facit & dat posse moueri.*

Arcadia abundat asinis propter pascuorũ fertilitatem, ait Plinius & Strabo: unde Persius Satyr. 3.

Finditur, Arcadiæ pecuaria rudere credas.

Ab asinis infinita ferè proueria, ob notissimam illorum naturam, desumpta sunt: asini.

ZZ 1 caput.

caput ne laues nitro, asini cauda, asini lana, asini mandibula, asini mortes, asino fabulam, asino ossa das, asinum in rupes protrudere, asinum tondes, asinum sub freno currere doces, asinus ad lyram, asinus ad tibiam, asinus apud Cumanos, asinus asino pulcher, asinus auriculas mouens, asinus balneatoris, asinus compluitur, asinus esuriens fustem negligit, asinus in unguento, asinus in paleas, asinus in pelle leonis, asinus inter apes, asinus inter simias, asinus in rupem, asinus mysteria portans, asinus stramina mauult quam aurum, Midas auriculas asini habet. Nota est ex Gelio & Plutarcho in uita Demosthenis, de umbra asini fabula: quam uide in prouerbio: De asini umbra: & de asini prospectu. Quibusdam asinus Græca deriuatione, quasi ἀσυνος: id est, innocuus dici uidetur. Et sic Ammonius Alexandrinus) qui præceptor Origenis fuit) in schola sua auditoribus condiscipulum asinum semper adhibuit. Est enim asinus animal melancholicum, patiens laborum, uictus parcissimi: & quibusuis alijs, quam sibi natum: neminem iniuria afficiens. Hieronymus ad Chromatiū scribit Crassum, auum Crassi in Parthis interempti, ἀγέλασον dictum, nunquam risisse, quam semel cum uideret asinum carduos comedentem, dixisse quod, similes habent labra lactucas. Nam ut carduus spinosus est,

& maiorem in modum asperis folijs, & caule, denique ipso etiam flore: ita & asini labris nihil durius ac petricosius. Varro de re rustica lib. 2. cap. 6. asinorū sunt duo genera ait. Vnū ferum, quos ferunt onagros: in Phrygia & Lycaonia sunt greges multi. Alterū mansuetū, ut sunt in Italia omnes. Virgil. 3. Georg.

Sæpè etiam cursu timidos agitabis onagros.

APER, porcus syluestris, κάρπ ♂, Wildschwein. Varro: Apri dicti quòd in locis asperis uersantur, nisi à Græco κάρπ ♂ deductum malis. Animal sæuum est, quod petitum aut iectum iaculis, si non lethaliter uulneretur, irruit in uenatorem, arreptum' que prostermit & dentibus quos exertos habet, dissecat: nisi aut prolapsus in faciem uenator pronus terræ incumbat, aut arbore conscensa euadat. Prostratum enim & humi iacentem ab imo ferire nequit. Vide Prouerb. Suem irritat. Quòd autem apri à coquis exquisitissimè apparari consueuerint, indicat Galenus in libro 4. de Sanitate tuenda, cum ait: καθάπερ οἱ ποιοὶ τῶν ἰατρῶν σωτὴς θεασθῆναι αὐτὸ δίκην καρνείας τινὸς ἢ οὐδὲς ἀγείναι, πρὸς τι τῶν τῶν θαυμασίων ὁψοποιῶν ἐκνεύσασθαι: & quanti à ueteribus in cōuiujs æstimarentur, testatur Iuuenalis:

— *quanta est gula, quæ sibi totos*

Ponit apros, animal propter conuiuia natum.

Ne

Ne Martialem proferam, qui uix unquam cœnas, aut nobiles escas memorat, quin inter ipsas apro nobiliorem prope locum tradat: quem sicut hodie uarijs iuribus ac delicatis liquoribus cōdiunt coqui, ut eius syluestrem odorem occultent: ita quoq; ueteres non minus gulæ studiosos factitasse intelliget, quicumque Apicij illius opsodædali uarias apri condituras examinauerit. Apri lumbus omnibus alijs partibus eius præponebatur. Hūc Plautus & Cato aprugnum uocauēre, cuius tenera duricies commendata, ipsi etiam calli nomen dedit: propter quod etiam Horatius longa oua extollens callosa nuncupauit, tanquam compacta illa teneritudo in omnibus ciborum generibus & dentibus, & palato ualde grata sit.

BISONS, Bisontes, *Бисо́ны*: iubarum prolixitate equis similes, cetera bobus. Magnę pernicitatis & truculentia: colore asinino, *Wilderpferd*.

BOS, *Бѣс* Græcis generis communis est: in utraq; lingua taurum & uaccam comprehendit: sed propriè bos dicitur qui castratus est: *ein ochs*. Taurus, qui non est castratus, *ein stier* oder *far*: mas in genere bubulo & uaccarum admisfarius. Taurus naturæ admodum robustæ ac ualidę est, qui tamen in libid. nem usque adeo concitatus & furens, nō sæpius quàm bis incendit:

à conceptu uerò ipsius uaccæ modestus, castus' quenihiulterius tentat. Tauris in aspectu generositas, torua fronte, auribus setosis, cornibus in procinctu dimicationem poscentibus. Sed tota comminatio in prioribus pedibus stat, ira glisciente alternos replicās, spargens'q; in altum arenam & solus animantum eo stimulo ardescens. Recēs nati boues dicuntur uituli & uitulæ, *μόσχοι* & *πορτίδες*. Bucula, *βουκάλις*, iuuenca, *ein junge Kuh*.

BVBALVS, taurus syluestris, *ταύρος* & *ἀγριός*. Büffel. Grandi sunt corpore, cruribus breuibus, nigra pelle, cornibus longis & nigris, capite proportionē paruo: cauda breui, pilo minuto & nigro. Sūt & alij uelocitate insignes, colore fuluo, pilo in contrarium uerso, rictu patulo. Tergori duricies silices, omne uulnus respuens. *Aurochsen*. Aliqui Vros uocant.

BONASVS, magnitudine bouis est, sed corpore latiore, colore flauo, iubata ceruice: colore mixto ex cinereo & rufo. *Wildbüffel*.

CAMELVS, animal grande, longo & gracili collo, capite exili, altis cruribus, amplo pectore & uilloso, tuberibus in dorso binis (ut ephippia) eminentibus: colore fusco, uergente ad flauedinem, pelle dura, inimicum & insensum equis, alienissimum ab incesto coitu. Pullus matrē non attingit, ne quidē si compellatur. Refert Aristoteles Camelum pullū, cum

cum admissarius (Græcis ὀχῆσθαι) desideraretur, ad matrem uelatam & operimentis instratam à curatore adductum, primò eam conscendisse, moxq; cum stragulis delapsis eā agnouisset, ceu furore percitum, in καμηλίτῳ irruisse, & mordicus correptū interemisse. In hoc genere cursu ualent dromedarῆ. Lac camelarū ab hominum lacte dulcissimum est, donec conceperint.

CERCOPITHECVS, Meerkatz. Dissimilis est cæteris simijs uoce, pilo asinino, nigro capite, proluxa cauda.

CROCODILVS, animal homini infestissimum est. Cum fame stimuletur & insidias machinatur, os hausta aqua implet, quam effundit in semita, qua nouit animantia quæpiam, aut homines aquatum uenturos: ut lapsos ob lubricum descensum corripiat, deuoretq;. Deinde reliquo deuorato corpore, caput lachrymis effusis macerat, & ita id quoque deuorat. Hinc Prouerb. Crocodili lachrymæ. Dicitur προκόδων uel ὅτι τὸ δαλαινέσθαι πρόκορον: refugit enim terrenus crocodilus crocī nidorem: uel ὅτι τὸ δαλαινέσθαι τοὺς προκόλους: aquaticus enim natura timidissimus, reformidat litora. Duplex est crocodilus: fluuiialis & terrestris: hic ἀμφίβιος est, terra pariter ac flumine infestus. Oua parit: solus animantiū linguæ usu caret: superior ei maxilla mobilis, inferior immobilis.

lis. Fugit insequentem, fugientem prosequitur. Nilo & Aegypto proprius. Pellis eius aspera cum cauda integra, à quodam agyrta Friburgi monstrata est anno 1567. Herodotus eius meminit in Euterpe: ἐν ὕδατι διαταρ ποίε-
 ρηϑ, τὸ σῶμα ἐνδοθεν φορέα πᾶν μετὸν βλάπτειν, τὰ μὲν
 δὲ ἅμα ὀρεῖα καὶ θεία φύλα μιν, ὃ δὲ προχίλῳ ἀρρωσίων
 οἱ ἐσιᾶται ἀφελιομύω πρὸς αὐτὸ, ἐπὰρ γὰρ ἐς τὴν γλῶττιν
 τῷ ὕδατι ὁ κροκόδειλος, καὶ ἑπταχάνη (εἰσθι γὰρ τὸ τοῦ
 ἐπίπαρ ποίεον πρὸς τὸν ξιφυρον) ἐνθαῦθα ὁ προχίλος ἄσ-
 δάων ἐς τὸ σῶμα αὐτῷ, καταπίναται τὰς βλάπτας: ὃ δὲ ἀφελι-
 ρηϑ ἡδεται καὶ ὑδὲν σίνεται τὸν προχίλον. Hanc tamē
 historiam paulò diuersius refert Aristotel. li-
 bro 9. de histor. capite 6. Βλέμα autem Hero-
 doto est hīrūdo faucibus infixa, non uena ua-
 ricolā.

CHAMAELEON ex quadrupedum ouiparorum genere, lacerto grandiori non absimilis, aspera cute & longa cauda instar crocodili ferè armatus. Scribitur colorem subinde mutare, atque eum imitari quem proximè attingit cauda & corpore, præter rubrum & candidum. Vnde Ouid. lib. 15.

*Id quoq; quod uentis animal nutritur et aura,
 Protinus assimilat tetigit quoscunq; colores.*

& Alciatus:

*Semper hiat, semper tenuem: qua uescitur auram
 Reciprocatur Chamaeleon:*

Et mutat faciem, uarios sumitq; colores,
Præter rubrum uel candidum

Sic & adulator populari uescitur aura,
Hiansq; cuncta deuorat:

Et solem mores imitatur principis atros:
Albi & pudici nescius.

Aristotel. libro 2. de Nat. animal. de Chamæleonte sic scribit: τῆς χοιᾶς ἡ μεταβολή, ἐμφυσο-
μένη αὐτῷ γίνεται. ἔχει δὲ καὶ μέλαινα τὰν τῶν ὁρώμενων
τῶν προκοδείλων καὶ ὡχρὰ καθάπερ οἱ σαῦροι, μέλανι (ὥσπερ
τὰ παρδάλια) διαπικνισμένῳ. γίνεται δὲ καθ' ἅπαν
τὸ σῶμα αὐτοῦ ἡ τοιαύτη μεταβολή, καὶ ἥ οἱ ὀφθαλμοὶ συμ-
μεταβάλλουσιν ὁμοίως τῷ λοιπῷ σώματι, καὶ ἡ κέρκ' ἡ δὲ κί-
νησις αὐτῷ νοθὺς ἰσχυρῶς ἐστὶ καθάπερ ἡ τῶν χελωνῶν. ἀρ-
θρῶν δὲ ὡχρὸς γίνεται, καὶ τελευτήσαντ' αὐτῷ ἡ χοιὰ
τοιαύτη ἐστὶ. Vide Prouerb. Chamæleonte mu-
tabilior.

CAPE R, mas est caprarum, sed castratus, ein
bock, hircus mas est non castratus & caprarum
admissarius: ein vnuerschneider Bock. Martialis:

Dum iugulas hircum, factus es ipse caper.

Nam Virgilius improprie caprum pro hir-
co posuit, cum dixit: Dux gregis ipse caper.
Capra, ὄξ, generis huius foemella est, sed quæ
peperit proprie capra est, ein Zige oder geiß: capel-
la uero ῥίμαρα, quæ nondum peperit. Hædus
Græcis ἑφ' est adhuc tenellus ex caprarum
genere. Barbatum est hoc animal, cornibus
retor-

retortis & acutis: ex fruticum folijs & corti-
cibus betularum potissimum uictum quæ-
rens. Morsus eius arboribus noxius. Viuunt
in annum decimum aut duodecimū. Ex mel-
lis esu eas perire dicunt. Dicitur caper et capra
à carpendis uirgultis quæ rodit, in primis ui-
tes: propter quod Baccho immolari solebat.
Vnde Græcum epigramma:

κῆρ μὲ φάγης ἐπὶ ῥίῳ, ὁμῶς ἔτι καρπεφορέσω
δοῶν ἐπισπᾶσαι σοὶ πᾶσι θυομήνῃ.

Quod Ouidius in Fastis sic conuertit:

*Rode caper uitem: tamen hinc, cum stabis ad aras,
In tua quod spargi cornua possit, erit.*

Hædi à Virgilio 4. Georg. petulci dicun-
tur: id est, lasciui, petulantes, ἀσέλγεις, exultan-
tes. Hircos sanè constat libidinosos esse, ut si
coeuntes uideant, indignantur & in eos im-
petum faciant. Est autem hircus mensium se-
ptem satis habilis ad procreandum: quoniam
immodicus libidinis dum adhuc uberibus a-
litur matrem stupro superuenit: & ideo cele-
riter & ante sex annos consenescit: quod im-
matura Veneris cupidine primis pueritiæ
temporibus exhaustus est. Caprarum sanguis
potus, pallorem conciliat exemplo Drusi tri-
buni, de quo Plinius libro uigesimo octauo,
capite nono. Capræ alto capite ut plurimum
pascuntur, siccæque sunt, ac perpetuò feбри-

re dicuntur. Clemens Alexand. libro 7. Stromat. tradit hircinas carnes epilepticis auxiliari. Plutarchus in Problematis tradit capras cæteris animalibus magis epilepsia seu comitiali morbo tentari, ob meatuum angustiam, quam arguit uocis tenuitas: atque eodem morbo facîle capi eos, qui caprinis carnibus uescuntur: ob quod sacerdotibus eam carnem uetitam fuisse tradunt. A' Clemente libro 2. pædag. capite 1. & à Polluce hœdi Melici ex insula Melica laudantur. Hœdos etiam ex Tybure ualdè æstimatedos uidetur Iuuenalis monstrasse Sat 11.

*De Tyburtino ueniet pinguisſimus agro
Hœdulus & toto grege mollior, inſcius herbæ.*

Sed quem gulosi omnium maximè quærebant, erat hœdus lupi faucibus ereptus, dilaniatus'que: de quo Horatius in Epod. & Martial. libro 10. uitæ parſimoniam, ſimulq; ſuauitatem ſignificantes, iſta ſcribunt: Ille quidem:

*Vel agna feſtis caſa terminalibus,
Vel hœdus ereptus lupo. Hic uerò:
Paruus onyx una ponetur coenula menſa,
Hœdus inhumani raptus ab ore lupi.*

Cur autem huiusmodi hœdorum caro cæteris

teris iucunditate præcellere crederetur, rationem assignat. Plutarchus 2. Symposi. scribens beluam illam suo morsu carnem teneram & proinde deliciariorē. Nam lupi spiritus usque adeo feruidus ac penè igneus est, ut etiam durissima ossa in eius stomacho emolliantur & conficiantur. Quam ob causam à lupis admorsa, celerius alijs putredinem sentiunt.

C A P R E A, *δορυς, Rech*, est syluestris capra. Mart. lib. 13.

*Pendentem summa capream de rupe uidebis,
Casuram speres: decipit illa canes.*

Capreoli, *Rechböcklin*. Cerui speciem præ se ferunt, corporis, cornuum'que figura, sed minores multò sunt. Valent acumine uisus. Vocem edunt sonorā & debilem, quam dum inflatis arborum folijs imitantur uenatores, latitantes euocant & alliciunt: ac procurrentes uel iaculis configunt, uel uiuos capiunt. Cornua eodem tempore abijciūt quò cerui, sed ferè in loca auia condunt: quapropter non frequenter reperiuntur. Damæ *από* *α* etiam è genere syluestrium caprarum sunt: *Gemsen mit hörnern fürsich gebogen*. Magnitudine, figura & pilis à capreolis non multum differunt: cornibus uariant: quæ his non sunt ramosa, sed longa, plana & acuta, & antrorsum incuruata. Rupicapra à damis differunt cor-

nibus retro inflexis & in gyros ἐλικοειδῶς contortis : σπεικίρωτις : Gemsen mit hörnern hinderlich gebogen.

CAPRICORNVS, ibex, αἰγόκερως. Steinbock. In Alpibus frequens est, maior hirco, colore fuluo, cornibus grandibus, quibus cum ex altis rupibus desilit, sese excipit & fulcit, ne terræ allidatur aut saxis: mirandæ uelocitatis. Vbi effugia omnia interclusa sentit, uertit sese concitatissimo cursu in uenatorem, ut eo præcipitato euadat. Vide Iouium in descript. Larij lacus.

CERVVS, ein hirsch: Cerua, ein hinde. Hæc cornibus caret, quibus armatur ceruus. Animal cursu perniciosissimum & in uenatu pedibus sibi quærens salutem: actimidum. Vnde proverbio: Ceruinus uir dicitur formidolosus & fugæ fidens magis quam uiribus: & sic apud Homerum Iliad. α. Achilles Agamemnoni obiicit κραδίη ἐλάφοιο. Aristotel. libro 9. de natur. Animant. tradit ceruo natiuam quandam prudentiam inesse, ut quod uiribus tueri non potest, id efficiat ingenio. Parere enim iuxta semitas: quò uidelicet tutior sit à beluis propter hominum frequētiam. Deinde postquam peperit inuolucrum statim exedit, ne deprehendatur: præterea hinnulum ducens in stabula, monstrat ac assuefacit, quò debeat refugere si quod immineat periculum, id ait saxum

saxum esse abruptum. Cornuum maximus
 usus est in medicinis, ut & pellis, & penis, &
 ossis cartilaginei quod in sinistra basi cordis,
 ad orificia arteriæ magnæ & arteriæ uenalis
 duorum semicirculorum penè figura, sese mu-
 tuo extremo ambitu contingentium, consi-
 stit. Cornua omnibus annis statò ueris tem-
 pore cerui amittunt: & tunc maximè inuía
 petunt. Latent amissis, uelut inermes: sed &
 ipsi bono suo inuidentes. Dextrum cornu
 negant inueniri, ceu medicamento aliquo
 præditum. Id'que mirabilius est, cum & in
 uiuarijs mutant omnibus annis defodi ab ijs
 putant. Hinc Prouerbiū: Vbi cerui abij-
 ciunt cornua: de quo sic Aristotel. libro nono:
 ὁ ἀρρῆλυ ὄταρ γνήηται παχὺς, γίνηται δὲ σφόδρα πίον, ὁ πώ-
 ρης ὕσης ὑδάμῳ ποιεῖ ἑαυτὸν φανερὸν, ἀπ' ἐκτοπίσεως δὲ
 πλὴν παχύτητά ἐν ἀλῶτι ὤρ. ἀπὸ δ' ἀμύσσει δὲ καὶ τὰ κέρατα ἐν
 τόποις χαλεποῖς καὶ δυσξιγυρέτοις. ὅθι καὶ ἡ παροιμία γί-
 γοντι. ἢ αἱ ἔλαφοι τὰ κέρατα ἀπὸ δ' ἀμύσσει. ὥστε γὰρ ὅπλα ἀ-
 ποβέβληκῃ, φυλάττονται ὁρᾶσθαι. λέγεται δὲ ὡς τὸ αἰεὶς
 ρὸρ κέρατος, ὅθις πω ἰώρακεν, ἀπὸ κρυπλῆς γὰρ αὐτὸ, ὡς ἔχον
 τινὰ φαρμακίαν. Viuaces sunt. Nam, ut Plinius
 libro octauo, capite trigesimo secundo, scri-
 bit, post centum annos aliqui capti sunt cum
 torquibus aureis, quos Alexander M. addi-
 derat, ad opertis iam cute in magna obesi-
 te. Indicia ætatis in cornibus gerunt, ait idem
 Plinius, singulis annis adijcientibus ramos,

usque ad sexennes: ab eo tempore similia existunt: nec potest ætas discerni, sed dentibus senecta declaratur: aut enim paucos, aut nullos habent: nec in cornibus imis ramos. Non decidunt castratis cornua nec nascuntur. Hæc Plinius. Sed qui certius de hac re iudicant, ætatis quidem indicium in raritate & scabritie dentium aut frequentia ponunt, non in numero ramorum. Videntur enim cornua plurima in plures quàm uicenos, quædam in tricenos binos, nonnulla etiam in quadragenos ramos brachiata. Tempore coitus (quod in Arcturi ortum incidit) ferè toto mense aut abstinent ab omni cibo aut parcissimè eo utuntur: neque ferè in captorum tunc uentriculis aliud quicquam præter arenulas reperitur. Delectantur mirificè cantu humanæ uocis & fistularum. Est & aliud ceruorum genus, cornibus in ima parte tantum & in rariore ramos sparsis, superiore oblongis, simplicibus & acuminatis: *Spissbirsch*. Homerus *Iliad.* γ. ἑλαφον κέραδον uocat: ubi interpretis uulgatus ἑλαφον κέραδον, ὑπέρωμ, μεγάλα κέρατα ἔχοντα, ἄρρενα exponit: & subiicit: αἱ γὰρ θύλααι τῶν ἑλάφων οὐ κερατοφυοῦσιν. ἔρηται δὲ παρὰ τὸ ἑλῆν τοὺς ὄφας, οἷον ἑλαφός τις ὢν, τούτους γὰρ ἑλῶν, καθάρεται φυσικῶς, ὥτως γὰρ ὅτι ἀφανὲς ὦσιν οἱ ὄφας, αὐτὸς τὸ κέρας αὐτοῦ προσρίβει εἰς πύτραν. θερμανόμενον δὲ ποιεῖ τὴν ἀναθυμίασιν, ἥς μεταλαμβάνουσι.

ἄλλοι οἱ ὄφεις τῶν φωνῶν ἔχουσιν.

CANIS. Fidelissima animalium, quæ nobiscum degunt, sunt hominī, canes & equi. Quis enim hominū clarius aut tanta uociferatione bestiam uel furem prædicat, quàm canis latratu? quis famulus amantior domini? quis fidelior comes? quis custos incorruptior? quis excubitor inueniri potest uigilantior? quis denique ultor aut uindex constantior? Ea enim est generosi canis natura, ut erga domesticos & familiares, notosque sit mitissimus, mansuetissimusque: aduersus alienos autem & ignotos tum hostes, tum eos, quos herilis familiæ non esse uel uisu, uel olfactu deprehenderit, ferus, immitis, formidolosus & ferocissimus: quos simul atque uiderit, ægrè ferre se indicat, etiamsi nihil quicquam mali sit ab eis perpeffus: sufficereque ad inimicitias habet, si, qui recens uenerit, non fuerit e domesticis. Adhæc nullum animal cane magis est dicto parens, quem abeuntem facillimo uociferatu reuoces: etiamsi sit iam iam capturus prædam, increpitus intermittat, iussus insequi prouolet: eum denique quoties erit libitum, ultro, citroque uerteris. Postremò satis constat olfactum cani esse præcipuum, de cuius sagacitate plurima

passim uidentur. Eam enim præcipuè canibus attribuit. Cicero & à sagire, quod acutè sentire est, deductum asserit. Sal uim quandam genuinam habet ad gignendum: proinde qui canibus alendis dant operam, falsis carnibus ac falsamentis eos pascunt, quo ad gignendum reddantur alacriores. De fidelitate canum erga dominos uide Prouerbiū: Canis uindictam: & Micyllus de ea elegans carmen scripsit: Cani podex est arctior, ideoque excernit difficilior: unde & Germanis & Latinis prouerbiū: E canis podice. Canes etiam mendicis infesti sunt, uelut ὁμοτέχνους: unde Prouerbiū: Canis mendico auxiliāns. Canum proprium est latrare, Græcis ὑλαττεῖν & ὑλᾶν: à quibus canum nomina hylax & hylactor. Virgil. in pharmaceutria:

— & hylax in limine latrat.

Ouid. 3. Metamor.

— & acutæ uocis hylactor.

Latrare autem (quod proprium est canum cum uocem edunt, terrentes & in aliquem impetum facientes) ad alia etiam transfertur: in primis ad homines, pro uociferari & intentiore uoce clamare. Cicero de Oratorib. Philippus interrogatus quid latraret? Furem se uidisse respondit.

Apud

Apud Homerum *ὑπὸ τοῦ ἰνῆρα*; id est, ut Ennius ait:

— *animusq; in pectore latrat.*

Arridere etiam dicuntur canes & ringi, cū iam restringunt dentes. Mutiunt uerò cū incipiunt irritari, quòd μ uel $\mu\upsilon$ uidentur edere. Festus. Hírrire genus uocis est canis rabiosi. Rlitera canina dicitur à Persio, quòd eam canes irritati expriment. Sic enim ait:

— *sonat híc de nare, canina*

Litera

Ganníunt etiam canes gestientes ob heri aduentum, ut ostendit Lucretius lib. 5. de Natura rer. Adulationem autem canum propriū esse docet Nonius & Aesopus in fabulis. Cicer. lib. 2. de Nat. deor. Canum tam amans domini minorum adulatio. Baubari deniq; dicuntur canes, Græcè *βαῦλα*; cūm latrant: unde illud Fausti Andrelini:

Baubantem est timidi pertimuisse canem.

Commune omni canum generi est cæcos gignere: qui eò tardius uisum accipiunt, quò plures uno partu eduntur. Ante septimum tamen diem nunquam cernunt. Aiunt si unus gignatur, nono die à partu oculos illi aperiri & dehiscere: si duo, decimo: atq; in toridē dies prorogari cæcitatem supra nonum, quotus est catulorum simul editorum numerus. In-

ter hos uerò præstare illum, qui postremus uisum adipiscitur, & quem canicula mater præ cæteris fouens primum ad cubile deportat.

Aristoteles libro 4. de generat. animal. ait cæculos catulos generari potissimum ab animantibus quæ multifidis sunt pedibus & numerosum alunt foetum, ut uulpes, ursa, leæna, canis, lupa: è quibus etiam informes quædam edunt. In causa putat, quòd cum corporis humor, non sufficiat alendo tam numeroso foetui, natura partum imperfectum potius educit. Vulgò ἐπὶ σπουδῆς id fieri censet: id est, ob festinationem: Vnde prouerb. Canis festinans cæcos parit catulos. Quamquam Galenus in libro de semine catulos ma uult imperfectos dici quàm cæcos, cum talpæ proprie cæcæ dicantur. Animantia, quæ foetus cæcos edunt, ἀλαοτέα dicuntur Græcis, quasi cæcipara.

Canis est uel {	Robustus {	Domesticus, οἰκρὸς. Villaticus.
		Pecuarius, Molossus.
		Venaticus: θηρευτικὸς.
[Delicatus: Melitæus,		

Canes domestici sunt, qui custodiæ & excubiarum causa aluntur. Villatici etiam dicti, *haushund*, *dorffried*.

Venatici sunt, qui latebris eiectas & fugatas

tas feras persequuntur: & uel mordicus comprehensas retinent, necantq̃, uel in expansa retia compellunt. *Iaghund*. Huius generis sunt canes uestigatores *ἰχνυτοὶ*: quorum in uenatu solertia & sagacitas plurima. Odore enim scrutantur & explorant: & uel produnt indicio, uel de latebris peruestigatas exturbāt feras. *Spürhund*.

Pecuarij seu pastorales, qui incursus luporum & abigeorum cauent. *Schaffried*. Molossos uocant: hoc est, Epiroticos. Nam canes à seminio & regione laudantur, ut Lacones, Epirotici & Salentini, ait Varro lib. 2. cap. 9. Hinc Virg. 3. Georg.

Veloces Sparte catulos, acremq̃ Molossium.

Horat. Oda 6 Epodon.

*Qualis aut Molossus, aut fuluus Lacon,
Amica uis pastoribus.*

Theocrit. Idyll. 5. *ἡμῶν φίλον ποίμνιον* dicit; id est, amicum gregi.

Melitæi catelli sunt qui animi causa nutriuntur, & ad lusum muliercularum duntaxat: dicti ab insula Melita, inter Corcyram nigrā & Illyricum sita. Athenæus lib. 12. scribit Sybaritis uehementer in delicijs fuisse canes Melitæos: q̃ quidē hoc esse uidetur in genere canū, qđ nani & pumiliones inter homines. Horū memi-

meminit Aristotel. sect. 10. probl. 14. indicans eos omnibus membris pusillos, gracilesq; fuisse: & hac dote etiamnum commendantur: sunt enim qui ut sine nanis & pumilionibus, ita sine his canibus, non possunt uiuere. At Masinissa meritò laudatur, quòd pro simijs & catulis maluit pueros alere usq; ad annum tertium, deinde remittebat eos suis parentibus, *μηλιτῶνα, λυώδῃ, lusthündlein*. Vide prouerb. Melitæus catulus.

Nomina canum Ouid. lib. tertio recenset: quem uide.

ECHINVS	{	Marinus Meerigel.	{	Porcinus, Samigel.	
		Terrestis, qui & erinaceus			
				Caninus, Hudsigel.	

Echinus marinus, pinnata undiq; testudine ac spinis obductus est, quibus se pedum uice uoluit, autore Plinio. Martialis:

Cortice deposito mollis echinus erit.

Athenæus lib. 3. fabellam haud illepidam refert: Laconem quendam uocatum ad cœnam, appositis echinis, cū ignoraret quo pacto soleant edi, nec obseruaret quomodo cæteri conuiuæ his uescerētur, corripuisse quendam & in os cōiecisse unā cum ipsa testa: porro cū inter dentes strideret echinus & hominis

nis os cibo misere cruciaretur : ô sceleratū, inquit, edulium, neq; nunc te omittam tibi mitis, nec te posthac unquā sumpsero. Vide puerb. Echino asperior. Celebre est piscis echini ingenium, qui sæuitiam maris præfagiens, correptis lapillis operit sese, ut mobilitatem stabiliat pondere, ne nimia uoluntate atterrerat spinas : quod aspicientes nautæ pluribus ancoris nauigia infrenant.


Echinus terrestris, pelle uestitus est, aculeata undique, præterquam ima parte, ubi lanugo mollis, rara, & innoxia. Eius astutiam describit Plin. lib. 8. cap. 37. Preparant, inquit, erinacei cibos in hyemem, ac uolutati supra iacentia poma, spinis affixa, unum, non amplius, ore tenentes portant in cauas arbores. Idem mutationē aquilonis in austrum, condentes se in cubile, præfagiunt. Vbi uerò sensere uenantem, contracto ore, pedibus, ac omni parte inferiore, qua raram & innocuam habent lanuginem, cōuoluuntur in formam pilæ, ne quid comprehendī possit præter aculeos. In desperatione uerò urinam ex sese reddunt tabificam tergori suo, spinisq; noxiam. Hinc prouerb. ortum est: Multa nouit uulpes, uerum echinus unum magnum. Aiunt echinum terrestrem stimolata aluo remorari partum: deinde iam asperiore ac duriore facto fœtu mora temporis, maiore cruciatu parere:

autor

autor Suidas. Vnde prouerb. Echinus par-
tum differt.

EQVVS: de huius animalis dignitate, uigo-
re & naturæ eius spectatissima quadam excel-
lencia, tum quot ex eo humano generi com-
moditates obuenant, uide Pierium Valeria-
num in uario & doctissimo Hieroglyphico-
rum uolumine. Hinnire proprium est equo-
rum: ut & fremere. Ouid. 3. Metam.

*Vt fremit acer equus, cum bellicus ore cruento
Signa dedit tubicen.*



Cantherius est equus ex ætis testibus: ait
Festus Pōpeius: ut hoc differat cantherius ab
equo, quo maialis à uerre, capus à gallo, uer-
uex ab ariete. *Ein & walach oder Münch.* Prouerb.
Cantherius in fossa: & Cantherius in porta.
Astur-

Asturcones. De his Plin. lib. 8. cap. 42. In Hispania gens Gallica & Astura equini generis, quas Tieldones uocamus, minori forma, appellatos asturcones gignunt: quibus non uulgaris in cursu gradus, sed mollis alternio crurū explicatu glomeratio, unde equis tollutim carpere in cursu arte traditur. Talem gressum Græci *ὑδρομον* uocant. Tieldo ergo est, qui & gradarius & astureo, & tollutarius à tollendis pedibus & tollutim glomerandis: Germanis *ein Zelter*, Gallis *haquenée*. Martialis:

*Hic breuis ad numerum rapidos qui colligit ungues,
Venit ab armiferis gentibus Astur equus.*

Veredi, postrosi. Veteres dicebant ire dispositis equis. l. j. C. de cursu publ. lib. 12. uocantur equi publico cursui deputati.

Vectarij sunt, qui currus & plaustra trahūt: sicut apud Britannos olim esseda. *Wagenross*, *Wagenpferd*.

Circenses seu cursores sunt, quos in circo aurigæ agitabant. Aurigantium autem sectæ erant albatum & prasinorum. Fueruntq; in usu ueteribus duo genera equestriū certaminum, *στωρ*is & *κίλης*. In Synoride agitabantur bigæ: *κίλης* erat agitatio *μόνιππ* & *Rennpferd*.

Equi syluestres sunt in aspera, nemorosaq; regione, quā Seruanā uocāt. Ea est Medorū & Albanorū in finibus, nō longè à Caspij maris
con.

conspectu ad Caucasii montis radices posita. Hi aspectu sunt truces, prælongis atque horrentibus comis, rigida ceruice & arietino capite deformes: nam strigosiores habent clunes, sed crura cum toto femorum & suffraginum nexu adeo ualida, ut bidui cursu minime fathiscant: nec ungulæ latæ admodum atque præduræ ferreis soleis indigeant, quâdoquidem nec in asperis rupibus, lapidiosisq; locis atterantur. Sed domitis graui lupato opus est & ualido capistro, quod subter crura uentre tenus deductum, uim eleuantium frontes & sessorum capita pulsantium coërceat. Colore cinereo nigris ad poplites internitentibus uirgis Onagros referunt. Iouius in elogio Ismaëlis Sophi Persarum regis.

ELEPHAS: animal, qua neque uastius neq; portentosius rerū natura tulit: sed deformitatem bestię multis præclaris dotibus insigniuit. De cuius natura, sensu, memoria, pugna, captura, mansuefactione, partu, cæterisq; uide Plinium lib. 8. capitibus primis undecim. Mansuetissimum est & magnæ fortitudinis. De elephantorum partu Plautus in Stichō: Audiui sæpè hoc uulgò dici, elephantum grauidā solere perpetuos decem esse annos. Huic astipulatur Plinius: etiamsi Aristoteles biennio parere putat, nec sæpius quàm semel singulos gignere. Vnde prouerb. Celerius elephanti

phanti pariunt. Trecentos posse annos uiuere scribunt. Lapsi se erigere nequeunt. Dormientes firmissimo robori innituntur. Barrire dicuntur à sono proprio: hinc barritus elephantī uox. Promuscide seu proboscide uice manus utitur, quam ab ore demittit longitudine decem cubitorum, cartilagineam, mobilem, in cuius extremo duo sunt patula foramina, narium instar: & supra ea acuta lingula, qua arripit res minutiores. Maiores enim tota proboscide exerta, reflexa; apprehēdit & attrahit. Cutis ei cinerei coloris, scabra, aspera, depilis, qualis est equorum funibus attritorum. Dicitur extimescere mures, ijs' que terri ac fugari: & cohorrescere ad grinnitum porcorum. Ex ebore seu dente elephantī uaria genera fiunt operum: & apud ueteres deorum simulachra inde sculpi solebant. Sic Phidias Iouem Olympium ex ebore finxit. Et in templo Carthusiensium inter Papiam & Mediolanum, in tabula summi altaris, precipuæ ueteris & noui Testamenti historiæ ex ebore sculptæ uidentur. Vnde Prouerb. Ebur atramento candefacere. Elefantos Germania uidisse non creditur, prius quàm à Maximiliano R Bohemiæ Ferdinandi filio ex Hispanijs Viennam unus adductus est.

F I B E R, Castor, Biber. Plinius canis Ponticus: Animal *amphibion* specie lutræ, pedibus

prioribus caninis, posteriorib. anserinis, quibus, cum natat, in aquis remigat: pelle cinerea, declināte ad nigredinem, cauda piscium, oblonga, lata & cartilaginea, qua fluitans uice gubernaculi utitur. Horrendi morsus, adeo ut & arbores iuxta flumina dentibus ceu ferro cedat, & hominis parte comprehensa, non resoluat morsus, antequā ossa fracta concrepuerint. Testes castoris medici uocant Castorium, Bibergeil: quod multis medicinis faciendis accommodatissimum est. Vnde cum à uenatoribus premuntur (ait Cicerō) liberāt se ea parte corporis, propter quam expetuntur. Hinc Iuuenal. Sat. 12.

—imitatus castora, qui se

Eunuchum ipse facit, cupiens euadere damno

Testiculorum: adeo medicatum intelligit inguen.

Quod apud Plinium lib. 32. cap. 3. negat Sestius. Vide Strab. libro 3. Plurimi castores in Ponto. Ouid.

Sic ubi detracta est à te mihi causa pericli,

Quod superest tutum Pontice castor habes.

Castorea Virgilius uocat uirosa lib. 1. Georg. id est: φαρμακώδης.

FELIS, Catus, γαλιότης. ἄλλουρ ♂, Κατῆ. Specie leoni non absimile animal, præsertim facie, dentibus & unguibus est. Est & ferarum ac syluestrium felium genus, domestico maius,

ius, pilo fuluescente, sed uariato nigrítie undulatum intermixta: *Wildkatzen*. Catus delectatur piscibus, sed refugit aquam. Vnde illud:

Catus amat piscem, sed non uult tangere flumen.

Apud Tartessios in Iberia maximæ feles nasci dicuntur: unde Prouerb. Feles Tartessia, de magnis & ridiculis.

GLIS, *ινεὶδς*, ein *Vech*. Animal est de genere murium, ut uult Albertus, & breuibus pilis ac tenera pelle uestitur. Colore uarium est, in dorso cæsum, infernè album, breui pilo, molli & tenero: semiferum. Genitorem senectâ fessum, insigni pietate alit. Ineunte hyeme abdit sese in caua arborum & tota bruma delitescit ac pinguescit: æstate rursus prodit, ac uelut iuuenescit. Versatur ac degit in syluis. Martialis:

Tota mihi dormitur hyems, & pinguior illo

Tempore sum quo me nil nisi somnus alit.

HYSTRIX, uulgò porcus spinosus, *stachel-schwein*: ex genere erinaceorum seu ericiorum est, nisi quod huic longiores aculei: cui irritato mos est pinnas aculeatas, quibus illi tergum inhorret, teli ritu eiaculari etiam procul, idq; facit intenta cute. His igitur ora canum figit, Latet æstate: hyeme de cauernis prodit. Vide Claudianum in epigrammatis.

HYAENA, ignota. Petro Bellonio creditur animal esse ab odoratis excrementis notū, Cluetta dictū. In mortuorū sese abdit sepulchra, & noctu ouium adit stabula, redditisq; quas audit uocib. perfecta imitatione pastores euocat, eosq; egressos laniat ac deuorat.

LEO, λέων. Princeps brutorū omnium, cor-datum, magnanimū ac nobile animal: iubatā ceruicem habet, gaudetq; excelsis montibus. Infidias uenatorum animaduertens, uestigia pedum ne à uenatoribus obseruētur, causam. Foetus eius triduum post partum somno detinetur: postea leonīs rugitu excitatur. Animalibus cunctis robore, animo & crudelitate antecellit. Solus ex feris clementia utitur in supplices, prostratisq; parcit. Quid.

*Corpora magnanimo satis est prostrasse leoni,
Pugna suum finem, cum iacet hostis, habet.
At lupus & turpes instant morientibus ursi,
Et quaecunq; minor nobilitate fera est.*

Est animal feбри maximè obnoxium: sed unius simiæ passione liberatur. Illi enim simia & culices, infesti sunt. Leæna iuba caret, qua leo decoratur. Pelle tegitur fulua, antèrius uillosa, posterius breuib. & cōfertis pilis intexta. Oculi ei χαρποί. Species oris felī similis. Refugit & abhorret scorpiones, & ad conspectum alibi coloris præfulgidi atque galli cantum

tum expauescit & contremiscit. Vnde Lucretius de gallo:

*Quem nequeunt rabidi contra constare leones
Inq; tueri, ita continuo meminere fugai.*

Nota est ex Aesopi apologo societas quam leo, asinus, & uulpes inierunt: quam Cassius in pandectis leoninā appellat, in qua scilicet alter lucrum tantum, alter damnum sentiret. Rugitus propriè leonis est, cum uocē emittit, *βρυχηθὺς*, qui cæteris animantibus formidabilis est: itaq; Pindarus cum *ὠρύβρομον* in Olympijs: id est, latè rugientem uocat.

L V P V S, *λύκος*. Ferox bestia, rapacissima, fraudulentissima, crudelissima, uoracissima, sed amans sobolis suæ. Eius robur maximum in armis est. Plautus: quasi lupus in armis ualeo, clunes infractos gero. Infesta est omnibus naturaliter. Vnde prouerb. Prius lupus ouem ducat uxorem, de his inter quos *πρίν μὲν ὀσπονδῶ*. Canescit sicut & equus, unde uulgò dicitur: lupus pilum mutat, non mentem. Figura canibus non est ab similibus.

Oculorum acie adeo ualet, ut noctis tenebras euincat: acutissimo quippe pollet uisu, ita ut intēpesta nocte, etiamsi luna sileat, clarissimè tamen intueatur, & in prædis inuadēdis post nocturnam famem antelucanū tempus obseruet. Ei enim natura mos est insitus, ut

Conuectare iuuet prædas & uiuere raptō.

Summa porro ei calliditas in periculis declinandis, primumque illi studium fuga sibi consulere, sequē sospitem syluis reddere: unde Proverb. Lupus ante clamorem festinat. Lupus quoque in fabula dicitur prouerbio, cum superuenit is, de quo loquimur & nobis sui præsentia, loquendi facultatem amputat. Causa physica est: creditur enim luporum uisus esse noxius, uocemque homini, quem priores contemplantur, adimere ad præsens: ait Plinius libro octauo, capite 22. At si lupus ab homine prior uisus fuerit, debilitatur: ait Constantinus libro 15. capite primo, ut ἀντιπρόθεα hæc sit mutua. Luporum propriū est ululare: lupus enim ululat horredum & sublimi impetu fertur. Virg. 1. Georg.

Per noctem resonare lupis ululantibus urbes.

LUPVS CERVARIVS, θῆς, Luchs. Acerimi morsus animal, oblongum, breuibus cruribus, pelle indutum infra albicante, supra ex fuluo suppurpurascente, sed maculis: notisque uaria, quæ speculorum instar radiant: pilis mollibus, confertis, longisque obsita, qui in uentre longiores sunt & pulchriores, sed rariores. Est autem tam ferum & seuum animal, ut lupum etiam inuadat atque interficiat. Perspicacissimum est animal, adeo ut expressas in aëre,

ære, imagines discernere dicatur.

LEPV S, λαγῶς, animal uelocissimū, timidissimum, & fecundissimum & auritum à poetis dictum : posteriores pedes anterioribus longiores habens, unde facilius collem ascendit quàm descendit. Apertis oculis dormit, unde ἀφ' τῷ λαγῶ, quod aspicere est, dicitur. Eum Xenophon scribit palpebris clausis uigilare. Antiquitū supersticiosè creditum est, esu leporinæ pulpæ conciliari formam. Vnde Marcial. lib. 5. in Gelliam:

Si quando leporem mittis mihi, Gellia, dicis,

Formosus septem Marce diebus eris.

Si non derides, si uerum, lux mea, narras,

Edisti nunquam Gellia tu leporem.

Plinius libro 27. cap. 9. scribit leporem in ciuis sumptum gratiā corporis in septem dies conseruare. Vnde Prouerb. Leporem nō edit. Leporis uita prouerbio dicitur, de his q̄ semper anxī, trepidi; uiuunt. Vulgo creditū est occursum leporis omen esse parū fœlix iter ingressis. In uenatu cū lepus intelligit sese ad necē petī, perniciosissimo cursu fugit, adeo ut nō raro deficiat, medioc̄ in cursu exanimetur. De hoc Plutarch. in libro de terrestrium & marinorum animantium prudentia sic scribit: οἱ τὸς λαγῶ ποδοῖς διακονεῖς, ἅρ' μὲν αὐτοῖς κτείνωσι, ἡ δ' οὐλοῖται ἀσπασίως, ἢ τὸ αἶμα λάπτει προθύμως, ἅρ' δὲ ἀπ' ὧν ἐκινεῖται ὁ λαγῶ.

γὼς (ὁ γίνεταί ποσειάκεις) ὅσον ἔχει πνεύματι ἀναλίσσας
 εἰς τὸν δρόμον ἐκλείπητο, νεκρὸν καταλαμβάνοντες, ὃν ἀπλούνται
 τὸ παράπαν, ἀπ' ἴσωνται, τὰς οὐρὰς λινῶντες, ὡς ὁ λιπὼν χα-
 ειρ, ἀπὸ νίκης ἢ φιλονεικίας ἀγωνιζόμενοι. Vide pro-
 uerb. Lepus pro carnibus. Dasypus est de
 genere leporum. Solus lepus (ait Plinius) præ-
 ter dasypodem superfoerat, aliud educans, a-
 liud in utero pilis uestitum, aliud implume, a-
 liud inchoato gerens partu. Dictus est au-
 tem dasypus à pedibus hirsutis ac uillosis.
 Lepus à posteriore parte: id est, à lumbis &
 clunibus pulpamentum, de se præbet, eaq;
 corporis parte laudatissimus est. A' phy-
 cis dicitur incerti sexus, modò mas, modò fœ-
 mina. Animal esculentum & innocuum est,
 omnium prædæ nascens. Hinc leporina ille
 querela, quam sæpè affinis meus Georgius
 Hohēsteinerus medicus festiuissimus decan-
 tare solitus fuit:

Ego lepus paruulus,
 Quid feci hominibus,
 Quòd me sequuntur canibus,

Martialis lepori inter quadrupedes primas
 dedit:

Inter aues turdus, si quis me iudice certet,
 Inter quadrupedes gloria prima lepus.

Quod mirum non est: cum Galenus lib. 3. de
 Aliment. facult. de sanguine leporino tradat,
 cum

eum tanquam omnium suauissimum in magno precio habitum. Carnem enim talem esse, qualis sanguis, ex quo tota constat, non modo omnes medicinæ autores, sed & ipsa ratio declarat. Vnde sanguine leporis suauissimo existente, quomodo eius caro magnam suauitatem non contineat? Lupus & cuniculus ruminant, quamuis unum solum uentrem habeant, sicut & mus ponticus. Est & piscis lepus appellatus, qui uenenum habet immedicabile, si quis imprudens ederit. In Indico mari etiam contactu necat hominem, autore Plinio: lenta tabe consumit. Malum hac nota deprehenditur, quod piscem olent qui ederint. Huic homo uicissim pestilens est, cuius contactu protinus emoritur. Hoc cibis admisto, multos sustulit Domitianus, eodemque Titum fratrem sustulisse creditur, ut autor est Philostratus in Apollonij uita. Proinde in hos qui contabescunt, nec ulla medicorum ope restitui possunt, dici poterit: Edit leporem marinum.

CVNICVLVS, *μαῦνος*: minor est lepore, colore albo aut uario, aut leporino: cætera lepori non absimilis. Antra quærit & excuat in montibus, eaque æquat puluere: ne peruestigentur. Mane & uespero prorepit, atque in uestibulo antri sedens circumspectat. Foetus horum (quos uel uberibus ablatos, uel uentre ex-

ectos, Romani in delicijs habuerunt) Latini Laurices uocarunt: *Küniglein*. Mart. lib. 13.

*Gaudet in effosis habitare cuniculus antris,
Monstrauit tacitas hostibus ille uias.*

LYNX à plerisque in luporum genere recensetur & ceruarius appellatur. Oculis est perspicacibus: toto corpore, sed maximè in collo uariis & maculosus. Vnde Virgil. Aen. 1.

— *maculosæ tegmine lyncis.*

- Lingua est serpentina, quam exerit & ex-
porrigit in longum, unguibus magnis, oculis
prominentibus, collo flexibili, quod mirificè
circumagit. Lynces plurimos alit Suecia cir-
ca Helsingiam. Sueci uocant *Katluchs*.

LVTRA & Lutræ *λυτρίαι* Otter: *αμφοτερίαι* ut
fiber, longior, latiorq; cato, colore fusco, niten-
te, cruribus breuibus, longa cauda, pilo plu-
ma molliore, acutissimi morsus. Nam homi-
nis parte correpta, à morfu nō desinit, nisi fra-
cta & comminuta ossa crepent.

LATAX, ex aquis lutræ modo uictum petit.
Vulgo *Nörtz*.


Lutræ cognatus est Ichneumon Aegypti-
us, ein *Egyptischer Otter*.

LACERTA, *σαῦρα*, *eidex*, Lacerta uiridis, *grien-
eidex*, Lacerta Chalcidica, *Kupfereidex*. Aquatica,
Wassermolch, *Wassereidex*, qua pro Scinco hacten-
us multi usi sunt.

MONOCEROS, Unicornis, *Einhorn*. Animal mugitu horridum, equino corpore, capite ceruino, pedibus elephantinis, cauda suilla, uno cornu duos cubitos longo, media fronte prominente: foris ob corticem rasilem (quo tegitur) nigro, intus candido & splendente: ex ampla basi sensim fastigiato in acutissimum apicem & ceu *ἐνὶ κορυφῇ* intorto, circa extrema duro ac solido, uersus basim caua & medulla candida referta. Iouius lib. 18. historię sic de eo scribit: Monoceros animal unicomne, pulli equini forma, colore cinereo, iubata ceruice, hircina barba, bicubitali cornu armatam frontem præfert, quod leuore, candore que eburneo & pallidis distinctum spiris, ad obtundenda, hebetandaque uenena, mirificam potestatem habere dicitur. Cornu enim immisso & per lymphas circumducto fontes expiari perhibent, ut salubriter bibantur, si inde uirosæ bestię præpotarint. Id uiuo animali non detrahi, cum ullis insidijs intercipi nequeat. Cornu tamen sponte decisum in desertis reperiri, ut in ceruis accidere uidemus, qui ex senectæ uitæ renouante natura, uetus cornu exuunt, uenantibusque relinquunt. Hoc cornu regijs impositum mensis, toxica, si qua sint epulis indita, emissio statim admirabili sudore conuiuis proderere narrant. Cæterum de uirtutis in hoc animante nihil plus affirmauerim quam

quàm quod euulgata fama credentibus suadet: cum antiquorum autorum nemo, quod legerim, præter unum Aelianum Græcum, quicquam de hac monocerotis admiranda potestate prodiderit.

MVSTELA, *μυστλή, & musfel.* Alim creditum est hoc animal inauspicatum, infaustumque esse his qui haberent, domique alerent. Vnde etiam apud quosdam infelix omne habetur, si, cum paratur uenatio, aliquis mustelam nominet: cuius etiam occurfus uulgò à superstitiosis habetur inauspicatus. Gaudet hoc animal præcipue seuo. Vnde prouerb. Mustelæ seuum. Est domestica & rustica, *κατοικίδι* & *ἀγρία*. Domestica, minor est syluestri, saterio similior quàm muri, infernè alba, fulua supernè. Rustica etiam *ἰκτίς* dicitur, *iltis*. Maior est domestica: mutat sedem quotidie & catulos transfert. Vnde Hebræis *חֹלֵד* Choled à breuitate mansionis dicitur. Odit & persequitur serpentes acerrimè, quibus cum congressura, munus se ruta. Vtraque *ὀρνιθοφάγος* est & infesta muribus.



Genera murium ferè uiginti recitantur: ex quibus aquatilis & marinus oua pariūt. Dies ac noctes, ait Cicero, aliquid semper mus rodit, ac omnia quæ rodit, inquinat & inutilia reddit. Sed falsè ostentum de muribus risit Cato, cum eum quidam consuleret, quid ostenti esset, quòd sorices noctu caligas arrosissent. Respondit enim is, non esse ostentum si sorices caligas arrodant: sed si caligæ sorices ipsos arrosissent. Pusillū animal mus est & id eo sapiens: quoniam ætatem uni cubili nunquam committit: quia si unum obsideatur, aliunde profugium quærit. Vnde Prouerb. Mus non uni fidit antro. Muribus autem in uniuersum uita breuissima: unde musculus apud Horatium alteri ait:

Viue memor quàm sis cui breuis.

Virg. 1. Georg.

— *sapè exiguus mus*

Sub terris posuitq; domos atq; horrea fecit.

Mus albus, prouerbialiter dicitur de homine lasciuo & libidinis immodicæ. Nam mures domestici salacissimi sunt, præsertim albi. Aelianus miram esse murum salacitatem auctorum testimonijs docet lib. 12. cap. 10. Atque inter multa illud addit: Epicratem in fabula quapiam cum mulierē significare uellet prodigio sæ libidinis, *μῦς* appellasse, citat que pro-

prôuerbium *μῦς λευκός*. Vnde receptum uide-
tur, ut inter amatoria blandimenta, quemad-
modum passeruli, columbulæ & id genus a-
liorum, itidem & muris cognomen usurpe-
tur. Vnde Martialis:

Tu cum me murem, cum me tua lumina dicas.

Sorex, genus muriū subrubens, longa cau-
da, acuta uoce, & uenenosum, *Spitzmaufs*. Sori-
cum propriū est uel stridere clarius, quā mu-
res, uel strepere magis cū obrodunt friuola:
ad quam uocem multi se extendentes, quam-
uis per tenebras noctis transfigunt eos. Vnde
Prouerb. Suo ipsius indicio perit sorax.

Mus Ponticus, Alberto Ariminius & Ere-
binus, *Hermlein*. Solus hic ex muribus albus,
paruus, mustelarū figura, quapropter ad mu-
stelarū genera aliqui referūt. Hyeme cādet in-
star niuis, estate flauescit: infernē tamē semper
albicat. Extrema cauda nigerrima est.

Mus aquatilis uel testudo lutaria, *ὀμύς*.
Wassermaufs.

Mus Alpīnus & montanus, Alberto em-
ptra, *murmeltier*. Magnitudine meliū in Alpib.
reperitur, quiescens aut comedens residet in
clunes. Pedibus binis posterioribus ingredi-
tur, prioribus uice manuum utitur, grunnitū
edit. Huic simile specie animalculū est, quod
cuniculum. Indicum uocant, colore uariū, aut
album, aut flauum, aut nigrum, aut mixtum:
grun-

grunniens ut procellus, sed alpino mure minus est, & habetur in delicijs *Indianisch Küngelein*.

MELES, Dachs: Animal pingue, dorso latiore, mordax admodum, pilis supernè ad nigredinem uergētibus, infernè candicantibus: ueruntamen & nigris superius candidos, & candidis infra nigricantes pilos asperfos habet, cruribus breuiusculis, capite in summo nigro, latero tenus albo. In metu sufflatæ cutis distētu ictus hominū & canum morsus arcet. Duo eius genera. Vnum caninum, *ωνοχιδίς* pedibus. Alterum suillum, *διοχιδίς*.

MARTES, Marder: uidetur Aristoteli *σαθέριον*. Animal est figura mustelæ, magnitudine cati, longius tamen & breuioribus cruribus, supernè fuluum cum quadam fuscedine, infernè album aut flauum. Duo eius genera. Vnū faginū, quod in fagis nidificet: deteriusq; est. *Buchmarder*: Alterum abietinum, quod abietes amat & incolit: estq; præstantius: *thannen oder fiechtenmarder*: Satherio cognata, quæ uulgo *Zobela* dicitur: sed præstat pilorum mollicie, dēfitate, colore ex fuscedine superficietenus nitente, subtus uergente ad cēsum, pellis soliditate: cætera satherio similis.

MACHLIS alci similis, nullo suffraginum flexu: celerrima. Frequens in Moscouia est. Incolæ *Elend* uocant, ut *Alcen* ueram, Cæsar lib. 6. belli Gallici sic describit: Alcium consimilis est ca-

est capris figura, & uarietas pellium, sed magnitudine paulo antecedunt: mutilæq; sunt cornibus, & crura sine nodis, articulisq; habent, neq; quietis causa procumbunt: neq; si quo afflictæ casu conciderunt, erigere sese aut subleuare possunt. His sunt arbores pro cubilibus: ad eas se applicant, atq; ita paulum modo reclinatæ, quietem capiunt. quarum ex uestigijs cum est animaduersum à uenatoribus, quò se recipere consueuerint, omnes eo loco aut à radicibus subruunt, aut abscindunt arbores; tantum ut summa species earum stantium relinquatur. Huc tum se consuetudine reclinauerint, infirmas arbores pondere affligunt atq; una ipsæ concidunt.

GVLO, animal est in terris septentrionalibus, sic dictum ab insigni uoracitate: *Vielfras*, *πολυφάγος*. Non multo maius est uulpe: coloris mustelini, nigricatis & pulchrè nitētis, undulatum obscure uariati, ut in serico damasceno, pilis oblongis, non ita mollibus: cruribus breuibus. Cōscendit arbores, deq; his in prætereuntia desilit pecora & homines etiā. Ventrem onustum, distentumq; & turgentem cibo, angustas rimas perrepens ita comprimit, ut cibos quandoq; exprimat.

MVLI species Latini uocabulis non distinguunt: sed Græcis diuersa sunt *ἄγριος* & *ἡμιονος*. *ἄγριος* enim est asinus syluestris uel montanus:

Maulesel. ἡμίονος & autem nullum animal gignit: ut ait Aristoteles: τῶν ἡμιόνων γένος ὅλον ἄγονον. Vnde Prouerbiū: Cū mala pepererit: ubi significamus aliquid nunquam futurum, aut adeo raro solere accidere, ut improbum ac stultum uideatur sperare. Plinius lib. 8. cap. 44. de mularum sterilitate scribit: Obseruatum est ē duobus diuersis generibus nata, tertij generis fieri, & neutri parentum esse similia. Ea q̃ ipsa quæ ita nata sunt, non gignere in omni animalium genere, idcirco mulas non parere. Huius rei causam affert Aphrodiseus, quod semina natura & habitu diuersa, si commisceantur, tertium quiddam ab utroque diuersum conficiunt, uimque simplicium prorsus amittunt: uelut si misceas album nigro, abolitis utrisque coloribus, redditur fuscus, ab utroque diuersus, quem Græci λευκόφατος appellant. Latini ex asino & equa natum, mulum: ex equo & asina, mulam: ex equo & asina marem, hinnū uocant. Muli ταλαίρχοι Hesiodo dicuntur.

OVIS, aries, ueruex, agnus: lanigeræ pecudes sunt: quæ omnes si tenellæ adhuc sunt, agni dicuntur, ἄρνοι ἢ ἄμνοι: lemmer. Reliquas earū differentias secundum ætates & tempora, opiliones norunt.

Ovis qui parit, Græcis est πρόβατον *ein schaaff*, quæ non parit est οἷς: *scheeps*.

Aries,

Aries κείος, masculus est ouium & dux gregis, qui integer retinetur ad generandum sobolem. Ab ara dictus, quod aris imponi ad sacrificia soleret. Veruex est aries castratus & cui inuersi & exempti sunt testiculi: *hammel*. Ovis uictu fera uidetur, ingenio tamē & moribus mansueta & quadrupedum mitissima ac placidissima. Balare proprium est ouium: balatus ipse Græcis βλήχη & βλήχημα est. Ouid. *Fast.* 4.

Tactaq; fumanti sulphure balat ovis.

De natura ouium Arist. lib 9. sic scribit: *ἄρ' ἐρεα κατὰ γὰρ δαλιάων τὰ ζῶα καὶ πρᾶοτῆτα καὶ ἀνδρείων καὶ καὶ μερότῆτα καὶ νῦν τε καὶ ἀνοίαν. τότε γὰρ τῶν πεδάτων ἡ θύ, ὥστερ λέγεται, ἐν γένει καὶ ἀνόητον. πάντων γὰρ τῶν τετραπόδων κάκιστον ὅτι ἐρεπῆ εἰς τὰς ἐρημίας πρὸς δόρυ: καὶ ποτὶ ἀκίς χαμῶν ὄντ' ἐξέρχεται ἐνδοθὺν καὶ ὅταν ἀπὸ τῆ νιφίτῃ ληφθῶσιν, ἂν μὴ κινήσῃ ὁ ποιμὴν, ἔκ' ἐθελῶσιν ἀπέναι, ἀπ' ἀπόπλωται καταλαπόμηναι. ἂν μὴ ἄρ' ῥῆνας κομίσωσιν οἱ ποιμένες, τότε δ' ἀπολεθῶσιν.* Proinde Aristophanes taxans uerocordiam populi Atheniensis, oues illos uocat in *Vespis*:

ἐκκλησιάσαν πρόβατα συγκαθήμενα.

Huc respiciens Origenes enarrās *Leuiticū* ouis immolationem interpretatur stultorum & irrationalium affectuum correctionem.

ORYX de caprearum genere, bisulcus, unicornis, prægrandi corpore, magnitudine hirci, barba sub mento promissa.

PARDVS, qui & Panther, mas est, composita dictione à *παρ*: id est, totum & *θηρ*, fera: quia nulla propè fera est uillorum uarietate speciosior, nulla uehemētior, nulla impetuosior, nullumq; non animal uenatur, unde illi nomen. Nam Panther Græcum omnino uocabulum agnoscit Varro, quod ab omni uaria feritate, adde etiam uenatione deducitur, siue quòd omnium penè ferarum coloribus & maculis uariata spectetur. Horat. in epist.

Diuersum confusa genus panthera Camelo.

Mas frequens est in Africa, colore ex cæruleo aliquantulum nigricante, maculis nigris, oblongis, undulatis aspersis, magnitudine canum uenaticorum maiorum, facie cattorū. Panthera, quæ & Pardalis fœmina est: colore ex albo flauescente, maculosa tota, notis orbicularibus, fuluis ac nitētibus oculorum instar uariata. Amica feris omnibus præter aspidem & draconem. Capitur uino inebriata, ut Oppianus refert. Eam alij sic describunt: Panthera caput habet simile feli seu leoni, pellem uariatam maculis, & uelut oculis intentibus, ac *χαρποῖς* distinctam, non multò maior cane uenatico: fragranti odore cætera animantia ad se allicit, & eximia sagacitate & celeritate, & animi magnitudine prædita est. Nec uis capitur, sed uini prope antrum à uenatoribus fusi

fusi & certis interuallis postea in pluribus uasis collocati odore elicitur, eoq; hausto incubata & sopitaprehenditur. Quidam uocant lupum canarium. Plutarchus in Moralibus scribit: Parduum uulpem olim contemnere solitum, quod ipse tot colorum uarietate pellem distinctam haberet: cui uulpes respondit: In animo sibi esse eam colorum uarietatem, quam ille haberet in tergore.

ΠΑΑΤΥΚΕΡΩΤΕΣ, dicti à latis cornibus, ceruis similes sunt: cornua habent lata parte superiore & ramosa, ceruices iubatas. Borussia his abundat & Liuania. *Damhirsch, Damlein.*

RHINOCEROS, grande animal est, unum in nare cornu habens, quoad saxum attrito & limato præparat se pugne cum elephante, cui natura hostis est, & in dimicatione alium maxime petit, quem scit elephanti molliorem esse. Vide Balaami uaticinium cap. 23. Numer. Nasus Rhinocerotis à Martiali sumitur pro risu: Et pueri nasum Rhinocerotis habent.

SCIVRVS, *ανίσρ & ἡ λαμψίρ & eichorn.* Mustela paulo altior, rutilus, sed hyeme rubedinem in cæsiu uertit colorem. Caudam oblongam, uillosam & densam habet, qua cum residet inflexa dorsum, caputq; tegit, unde & nomen habet. Cursu, saltuq; ualet plurimum & tempestates occulto naturæ suæ sensu præsa-

git. Obturatis enim qua spiraturus est uentus
cauernis, ex parte alia fores aperit. Sciurus cæ-
sius, figura, magnitudine, moribus & uictu
priori prorsus similis: colore discrepat, qui hu-
ic in dorso cæsius, imo uentre candidus est. Pi-
lis uestitur mollissimis & delicatissimis. *Fech.*

SIMIA, *πίθηκα*. Genera simiarum plura &
diuersa sunt: *κυωνόφαλοι*, à caninis capitibus di-
cti, *affen mit hundstöpff*. Hic efferatior natura &
malignior. Satyri & Sphinges mitissimi. Κα-
λπίχης toto penè aspectu differunt. Barbam
habent in facie: caudam latè fusam: uulgò Aea-
thiopicæ simiæ nominantur. Ex hoc genere
qui toto corpore al bent, reliqua prioribus si-
miles. Indicæ uocantur. Est hoc animal natu-
ra *καλοτοποῖον*, nec in alium usum uidetur na-
tum, cum nec ualeat ad esum ut oues, nec ad
ædium custodiam ut canes, nec ad onera ge-
standa, ut equi: Vide prouerb. Simia barba-
ta seu caudata: Simia fucata: Simia in pelle
leonis: Simia in purpura: Simia non capitur
laqueo: Simiarum pulcherrima deformis est:
Simia est simia etiam si aurea gestet insignia.

SCINCUS, *λεονόδεν* & *χέρσα*, non est *Waf-
fermolch* seu *Wassereidex*: sed ex Aegypto affer-
tur.

SVS, *ὑς*, magnam similitudinem cum cor-
pore humano habet: lutulenta uerò & immū-
da, culinæq; aptissima. Ea enim ferè semper in
cœno

cœno & sordibus uolutatur. Hinc Petrus i. e. pist. ὅς λασαμένη ἐς λύλισμα βορβόρος: sus lota ad uolutationem cœni recurrit. Virg. i. Georg.

Immundi meminere sues iactare maniplos.

Grunnare porcorum proprium est. Iuven. Satyr. 15.

Et cum remigibus grunnisse Elpenora porcis.

Plin. lib. 32. cap. 2. grunnire eum ait cum capiatur. Pro eo ueteres grundire dixerunt. Hinc grundules lares dicti, quos Romulos constituisse dicitur in honorem scrophæ, quæ 30. porcos pepererat. Cicero quinto Tusculan. Nec grunnitum audit, quum mactatur sus. Hanc suillam uocem edere solent ñ, qui grauantur sermone respondere. Aristoph. in Plauto: γρύλαρ δὲ καὶ τοῦ μᾶτορ ὃ καθ' ἑματι: grunnire uerò etiam audetis perditis.

Sues ὄς	Domestice, ἡμερᾶ haus- schwein.	{	Castratz: porcus, χοῖρος. Hinc χοῖράδης, strumæ seu scrofu- læ, Kröpf an dem hals.
			Non castratz { Mares, Verres, Eber.
			Fœmellæ, Scrofæ, Moren.
Syluestres & feræ ἄγρια wildschwein, inter quas mas Latinè Aper dicitur; Græcè κά- προς, ein wilder Eber.			

Sues cicures sæpè pariunt ac diuersis temporibus: feræ non nisi semel, idq; iisdem ferme diebus, nimirum ineunte æstate. Vnde proverbio dicitur: Vbi sus agrestis pepererit, non pluet; nimirum exactis iam mēribus pluuijs. Sive nullum animal magis brutum, magisque sordidum, ut quod stercorebus impensè gaudet, uel ob iecoris magnitudinem, quæ sedes est concupiscentiæ ac libidinis: uel ob narium crassitudinem, & olfactum hebetem. Vnde fit ut non offendatur fœtore: tum adeò primum, ciboq; deditum, ut si forte sursum aspicere cogatur, protinus stupore fileat ob insolentiam, ut tradit Alexander Aphrodiseus. Nec est aliud magis indocile, proinde non ad usum aliquem (ut pecudes nonnullæ) sed ad epulas duntaxat à natura donatum uidetur. Cui rei testis est Plinius libro octauo, capite 51. Animalium, inquit, hoc maxime brutum, animamq; ei pro sale datam, non illepidè existimatur. Idem affirmat Varro libro secundo, de re rustica, & Cicero libro quinto, de finibus: Etenim omnium rerum, inquit, quas creat natura & tuetur, quæ aut sine animo sunt, aut nō multo secus: eorum summum bonum in corpore est, ut non inscite illud dictum uideatur in suem, animum illi pecudī datum pro sale, ne putresceret. Sunt autem bestiæ, in quibus inest aliquid simile uirtutis,

tis, ut in leonibus, ut in canibus, ut in equis,
 in quibus non corporum solum, ut in suis, sed etiam
 animorum aliqua ex parte motus aliquos uidemus.
 Aristoteles in Physiognomicis scribit, exigua fronte homines indoci-
 les & ad disciplinas ineptos uideri, atque ad
 suum genus pertinere, tanquam à docilitate,
 humanisq; artibus longè omnium alienissi-
 mum. Nam reliqua fermè docilitatis esse ca-
 pacia. Vnde nunc quoque uulgo insipidos,
 sues appellare consueuimus. Vide prouerb.
 Sus Mineruam: & Nihil cum amaracino sui.
 Cæterum multi inueniuntur qui suillam car-
 nem summopere commendent, ipsiusq; so-
 lam concoctionis difficultatem damnent: ex
 quorum numero antiquitùs fuit Plato Co-
 micus, qui (ut scribit Clemens septimo Stro-
 mat.) solas quadrupedum sues occidendas es-
 se dixit quòd carnes habeant suauissimas & à
 suè nihil aliud proficiscatur, quàm setæ, cla-
 mor & lutum. Post Platonem etiam Galenus
 eiusq; sectatorum maior pars hoc sensisse ui-
 dentur. Quibusdam tamen antiquitus, sicut
 & hodièq;, suem in cibum assumere relligio
 erat: quod eos plerunque ob sanitatem po-
 tius quàm superstitionē factitasse puto: quod
 Plutarchus affirmat in quarto Sympos. Pro-
 blemat. s. rationem reddens cur ludæi carni-
 bus suillis abstinerent: τὸ δὲ ὕπομνημα οἱ ἄνθρωποι

ἀφοσιῶσαι δὲ τὴν ὑγίαν δλοκῶσιν, ὅτι μάλιστα πάντων οἱ
 βάρβαροι τὰς ἐπιλευκίας καὶ λέπρας δυσχεραίνουσι καὶ τῇ πείρᾳ
 βοηθῇ τὰ τοιαῦτα καταδόσκειναι πάθῃ τὸς ἀνθρώπους οἰον-
 ται. πᾶσαν δὲ αὐτὴ τὴν γαστέρα λέπρας ἀνάπλεων καὶ ψει-
 κῶν ἐξανθημάτων ὀρῶμεν, ἃ δὲ λαχιζίας τινὸς ἐγγυμομένης τῷ
 σώματι καὶ φθορᾷ ἐπιτρέχουσι δλοκῇ τοῖς σώμασιν. ὃ μὲν ἀλ-
 λὰ καὶ τὸ βολερόν περὶ τὴν δίσουαν τῷ θρέμματι ὅτι ἔχει τινὰ
 πονηρίαν, ὅθεν γὰρ ἄλλο βορβόρον χαῖρον ἔτω καὶ τόπος ῥυπα-
 ρὸς καὶ ἀκαθάρτος ὀρῶμεν, ἔξω λόγῳ τιθέντες τὰ τὴν γένειν καὶ
 τὴν φύσιν ἐν αὐτοῖς ἔχοντα τέτοις, λέγουσι δὲ καὶ τὰ ὀμματα
 τῶν ὄνων ὅπως ἐκκεκλᾶσθαι καὶ κατασπᾶσθαι τῆς ὀφείας, ὥστε
 μηδὲν δὲ ἀντιλαμβάνεσθαι μηδὲ ποτε τῶν ἄνω, μηδὲ πεισορᾶν
 τὸν ἑρυνόν, ἃ μὴ φερομένων ἡπίων ἀναστροφῶν τινὰ παρὰ
 φύσιν αἱ ἰόραι λάθωσιν, διὸ καὶ μάλιστα ἡραυγῇ χεῖμας τὸ
 ἥδιον ἰσχυρὰ ἔσται, ὅταν ἔτω φέρεται, καὶ σιωπᾶν κατατεταμνη-
 μένον ἀγθίει τὰ ἑράνια, καὶ κέτονι φόβῳ βοᾶν συνεχόμενον.

R A N A palustris est & terrestris, de quibus
 Plinius libro nono, capite 42. & lib. 32. cap. 10.
 Græcis βάτραχος à uocis asperitate, quasi βοῦ-
 τραχος: id est, asperisonum dicas. Nulli enim
 rei animal id idoneum, aut utile comperitur,
 nisi quod improbis & importunis clamorib.
 ad negotiosorum atque otiosorum simul fa-
 stidium usque obstrepat. In frigidiores conie-
 ctæ fontes obmutescunt: translate in tepidio-
 rem paludem, uocales fiunt. Sed solito uo-
 caliores pluuiam denunciant: unde illud Vir-
 gil. i. Georg.

Et ueterem in limo ranæ cecinere querelam.

Ad quod respexerit proculdubio Cicero cum ita scribit ad Atticum libro 15. Equidem etiā pluuias metuo, si prognostica nostra uera sunt: ranæ enim ῥητορεύσαι. Sunt uerò ranæ conuiciatrices & agrestem illam asperitatem egregiè præ se ferunt, adeò ut olim inito cum muribus foedere, Abderitarum regionem, incolis inde expulsis, desolarint: in quorum ingentem multitudinem, quæ cladem huiusmodi fugiebat, Cassander Antipatri cū incidisset, eos in socios recepit, agrumque illis in Macedonia finibus assignauit. Propriū ranarum est coaxare: ut apud Aristophanem est in Ranis:

Βρεννὲξ κοᾶξ κοᾶξ.

Varia sunt ranarum genera. Rana marina piscandi astu piscatrix cognominata, totam se limo operit, sola cornua exerens, quæ eminentia sub oculis habet. Ea conspicientes pisciculi, cum prædam ex ijs captantes propius accedunt, ipsi ranæ præda fiunt. Plinius libro 9. capite 42. Rana subcinerea, βάραξ & χρυσᾶ. Rana uiridis χλωρὸς: duūm generū est. Vnū in aquis præcipuè degit, quod coaxat: linguā enim faucibus adherentem & impeditam habet. Alterum terrestre βρέξας, λαμίτης, laubfrosch. Vocalis est & noctu maxime clamat, insidens arboribus aut plantis:

&

& tunc ferè pluuias prædicit. Rana temporaria, *regenfröschlin*. Rubeta, ἡ *ερλώς*: maxima omnium, uenenum aliquantum habens: degit in rubetis & dumetis: luuen, Saty. 1.

Occurrit matrona potens, quæ molle calenum
Porrectura uiro miscet suiente rubetam.

Rana uenenata fossilis, bufo, *πνευφλώς*, *ferot*. Cinerei est coloris & densissimæ pellis. Viuit sub terra & humore terreno uescitur. Fit præda talpis, *Μολυβδαίς*, *βατραχίδης*, *γυένοι*. *Kaul-ferot*: cicadis similes sunt. Ranarum carnes immensas à maioribus receptas à nemine proditum est: eas tamen hac tempestate ueluti delicatissimas degustant multæ nationes & præsertim Itali, quos ideo à Græcis aliquando *βατραχοφάγοι* uocari animaduertas.

SALAMANDRA, *ein molch*. Lacertæ similis, cauda proluxa & flexuosa, pedibus aduncis, acutisq; cute aspera & scabra, incessu tardo, oculis profundis, colore albo. Tanto ferunt rigore præditum, ut ignem tactum extinguat: quibus multi (Dioscoridem uellicantes) consentiunt: & in his medici quoq; quos hæc refellere oportebat. Nicander in Theriacis:

ἥτις ἢ ἀδύσδιον ἢ ἐν πυρὸς οἴμῳ ἔχουσα
ἔσθεται ἀκμῶς ἢ ἀνέλωσθαι.

Q. Serenus:

Seu Salamandra potens, nullisq; obnoxia flammis.

Brodaeus

Brodæus libro 3. miscell. capite 3. uiuam uri posse asserit: id' que quorundam qui hoc periclitati sunt, experimento: multoq; magis mortuam. **Galen.** lib. περὶ τῶν ἀπλῶν φαρμάκων διωά-
μινω 12. καὶ τῆς σαλαμάνδρας τῆς καυθείσης: & περὶ σιωθί-
σιως φαρμάκων τῶν κατὰ τόπους δι. σαλαμάνδρας καυαυ-
της πλὴν σποδόν.

STELLIO, lacertæ similis, pictus in ter-
go lucentibus guttis, uelut stelle radiantibus.
Græcè ἑσκαλαβῆτης, παρὰ τῇ ἀκαλῶς βαινῶν, à molli
& tacito ingressu. **Aristoteles:** θρυοκολάπτης πο-
ρεύεται ἐπὶ τοῖς δένδροις ταχέως πάντα τρόπον καὶ ὑπὸ
(etiam dorso deorsum spectante) καθάπερ οἱ
ἑσκαλαβῆται. Ab hoc animalculo, stelliona-
tus crimen in iure nominatur, cum quis do-
losè & fraudulenter alteri imposuit, aut rem
fortè aliῖ obligatam aut datam, dissimulata
priore obligatione, alteri distraxerit, uel obli-
garit, uel in solutum dederit. **Hebræis** תנוד
à clandestinis insidijs, quibus instructus est,
dicitur.

SCORPIVS ET SCORPIO: **Nicander**
octo scorpionum genera recenset. 1. λευκὸν à
colore albo: cuius morsus non est lethalis. 2.
πυρρόν à rutilo colore, quod ictis à se tremorem
& sitim commouet. 3. ἰσοθεῖς à colore obscu-
ro. 4. χλοῶν à uiridi. 5. ἑμπέλιον quasi πελιδνόν à li-
uïdo. 6. καρκίνος ἑκκίνος, cancro simile. 7. παγόρο
ὁμοιον, paguro cancro simile. 8. μελίχλωρον à
melleo,

melleo, cereo, uel flammeo colore.

TESTUDO NEMORALIS, *Schilifrot.*

TALPA, ὁ ἀσπάλαξ, *Maulwerff.* Animal nigrum, pelle muriū, quod sub terra degit, eamq; suffodit ac subruit egestis uelut colliculis. Visu destituitur: unde Prouerb. Talpa cæcior. Cute tamē detracta, quā crassiuscula est, oculorū uestigia apparēt, nimirū orbiculus nigricās & in eius medio pupilla, quam κόρυς uocant, tandemq; utriq; circumfusus τὸ κυκλώπιον.

TARANDVS, *ein Reen*, animal ad Boream Suecis notum & reliquis gēribus Septētrionalibus: cuius magnificam habes descriptionē in Peucero: omnia enim depingit, genus, formam, pedes, caput, cornua, colorem, uentrem, ungulas, suffragines, caudam, clunes, pallearia, incessum, pastum, cibum.

TIGRIS, fera sæuissīma & uelocissīma, à uelocitate dicta Tigris, quod uocabulū Armeniorum lingua sagittā significat. Indi eam elephantem robustiorem existimant: aiunt autem equi maximē magnitudine esse, uelocitate & uiribus tātis, ut nullū ei animal cōferri possit. Frequens in Hircania est. Vnde Virg.

—*Hircanæq; admorunt ubera tigres.*

Colore est subfuluo, maculis nigris, orbicularibus & eleganti nitore fulgidis: σχισόπους est & γαμψώνυξ: πολύτεκνον & φιλότεκνον. Ereptam enim sobolē odore uestigans persequitur tantisper,

Hisper, donec inueniat. Raptor uerò conspecta illa unum ex catulis abijcit, quem illa ereptū in specum reportat, moxq; reuertitur, ut & ceteros repetat, iterumq; altero & tertio, quartūue recepto redit, assequiturq; ac accelerat raptorem toties, quoties insequitur, donec extortos foetus omnes recuperet, nisi aquis excludatur, sobole nauigijs auecta.

TRAGELAPHVS, ex ceruo & hircio mixtum quiddam est: *Brandhirsch*. Animal est cornibus armatum ceruinis: sub mento hircina decoratum barba, uilloso pectore: robustum & pugnax.

VRVSUS, ἀρκυς. Robur urso in reliquo corpore & potissimum in anterioribus pedibus: caput inualidissimum, ut leoni fortissimum. Ideo urgente necessitate, sese praecipitaturus, capite pedibus operto desilit, ac saepe craneo perfracto exanimatur. In terris borealibus reperiuntur & candidi ursi minores uulgaribus. Ursorū partus, primò candida est, informisq; caro, muribus paulò maior: sine oculis & absque pilo: quam paulatim lambendo figurat. Vnde Ouid. ult. *Metamor.*

Nec catulus partu quem reddidit ursa recenti,
Sed malè uiua caro est: lambendo mater in artus
Fingit, & in formam quantam capit ipsa reducit.

Quinquā id negent uenatores (ut annota-

uit Paucerus) qui & recentissimos urfarū patres considerarunt, & grauidis catulos exue-
rūt: absolutos utrosq;. Catuli urforū dicū-
tur σκύμνοι uel σκύμνα.

VIVERRA, duūm generū est. Vnum par-
uum capite uario, dorso rubente, uentre can-
dido. Cuti eius pili tam pertinaciter inhærēt,
ut à carne citius abstrahatur cutis, quàm euel-
lantur pili. Germanis *Hamster*, Alberto Circe-
tus, Sclauonica seu Illyrica appellatione. Al-
terum mustela maius, colore ex albo, croceoque
mixto foecūdum, animalibus omnibus inui-
sum, cuniculis infestū, quos uenatur & de-
ueis in retia propellit: Alberto furo & furun-
culus. Frette. Vtrūq; ὀξύχολον & μάχιμον.

VULPES, uafra, callida, astuta & dolis om-
nibus instructa. Huic enim dolos à natura da-
tos Lucretius testatur, & apud Varronem in-
signis adeo est huius animalis calliditas, ut
uulpinari inde uerbū confictum fuerit, quod
ἀλώπηξιν dixere Græci, cum astute, doloseq;
fieri aliquid dicunt. Hanc αἴθων Pindarus in
Olympijs uocat: τὸ γὰρ ἔμφυτον ἔτ' αἴθων ἀλώπηξ,
ἔτ' εἰσβολοὶ λίοντις δ' ἀπὸ λείαντο ἔθ' ὅ. Vulpem sanè.
Siculi ob uersutiam, facillimam' que in delu-
dendis canibus motionem, doliq; prompti-
tudinem, Cinædum appellauere. Et Horat.
Satyr. 3.

Astuta ingenuum uulpes imitata leonem.

Idem

Idem in arte poëtica:

Nunquam te fallant animi sub uulpe latentes.

Gannire proprium uulpium est, *κυνζόμασι*: quod tamen etiam de canibus dicitur, cum claro ululatu dolorem, gaudium uē testari uidentur. Inde ad homines translatum. Terent. in Adelpis: Quid ille gannit? quid uult? Persius Satyr. 5.

Stat contra ratio & secretam gannit in aurem.

Foucas melium absentium excrementis suis inquinat, quorum odorem illi abhorrentes deserunt foucas & nouas parant. Malè affecta pini resina se sanat. Habet Suecia nigras & ceruleas uulpes, & omniū uilissimas condidas.

VMBRI, catuli ferarum, qui Aeschilo & Aeliano dicuntur *ὀμβρία* & *ὀμβρίονα*: præcipuè uerò illi, qui ex oue & Musimone fero animal nascuntur. Sic Plutarchus lib. 2. Sympos. cap. 10. *ὀμβριὰς δούρας* appellauit, quos Alcibiades perperam ad Vmbros populos detorsit.

VRIBOUES sunt, quos *Wifent* Germani uocant, collo, ceruice & tota anteriore parte iubata, barba sub mento. Cæsar lib. 6. eos sic describit: Vri sunt magnitudine paulò infra elephantos: specie & colore & figura tauri. Magna uis est eorū & magna uelocitas: neq; homini, neq; feræ quam conspexerunt, parcent.

Hos studiosè foueis captos interficiūt. Hoc

se labore durant adollescentes, atq; hoc genere uenationis exercent : & qui plurimos ex his interfecerunt, relatis in publicū cornibus, quę sint testimonio, magnam ferunt laudem. Sed assuescere ad homines & mansuesceri, ne paruumli quidem excepti possunt. Amplitudo cornuum & figura & species multum à nostrorū boum cornibus differt. Hęc studiosē conquista ab labris argento circumcludunt, atq; in amplissimis epulis pro poculis utuntur.

ZAPETION simile feli animal, sed grandius multo & ferum, & maculosum, fuscum colore. Ex genitalibus eius exudat zibetum odoris delicatissimi. *Zibetlatz*. Est & animal caprę non ab simile, unico cornu armatum, prægrandi corpore, in cuius umbilico laxioris utriculi modo prominente ex effuso in eū sanguine moscum generatur, quod attrito, ruptoq; umbilico proijcit. *Bisemthierlin*.

SERAPHA animal altitudine mediocris equi Turcici, cruribus, ceruinis, posterioribus breuioribus, anterioribus altioribus. Ungula bifida ut cerui, aut capreoli. Vide *Peucærum*.

DE SERPENTIBVS.

Haftenus de animalibus Gressilibus : sequuntur Reptilia, ut Serpentes. Hos enim repere potius quàm pedibus incedere uidemus multiplici & erratico incessu. Cicero lib. 5. de fini-

finibus: Deinde suo quæq; appetitu mouen-
tûr. Serpere anguiculos nare anaticulas, euo-
lare merulas, cornibus uti uidemus boues, ue-
spas aculeis, suam deniq; cuiq; naturam esse
ad uiuendum ducem. Exuuias serpêtes quot-
annis ponunt quæ leberis dicitur: qua nihil
esse potest inanius. Vnde prouerb. Nudior le-
beride. Accidit autem hoc omnibus ferè quæ
cortice molliore teguntur: ut stellioni, lacertæ,
præcipuè serpentibus: atq; hæc ferè bis exuunt
uere & autumnò, præsertim uipera. Serpenti
primum ab oculis incipit decedere pellis, ita
ut obcæcari uideatur ijs, qui rem non intelli-
gunt: atq; una nocte & die senectus tota exui-
tur à capite usq; ad caudam. Ex infectis reiu-
uenescunt silpha & culex, eaq; quorum pennæ
uaginis teguntur, ut scarabæi, locustæ, cicadæ.
In genere marinorum exuit & cancer, idq; sæ-
pius anno. Atq; hoc exuium Græcis etiam
σύναν dicitur, cuius mira sentitur tum leuitas,
tum siccitas, uniuerso humore in nouum fœ-
tum consumpto. Serpentum proprium est si-
bilare. Virg. Aen. 11.

*Saucius at serpens sinuosa uolumina uersat,
Arrectisq; horret squamis & sibilat ore.*

Ouid. 3. Metamor.

*— longo caput extulit antro
Cæruleus serpens, horrendaq; sibila misit.*

Serpentū multa sunt genera, quæ Lucan. recitat, & Nicāder in Theriacis 22. enumerat.

ACONTIAS, toto corpore extenso in longū uibratoq; iaculi instar insilī in obuios & ueneno aculeo in corpora adactō sauciat & interficit. Lucianus iaculum uocat.

AMPHISBAENA, ἀμφίκεφαλος, est ut Solinus annotauit, caput habens geminū, unū anterior, alterū inferius ad caudam: sed uno reuera est capite: extrema cauda capitis formam refert, quod anteriorem magnitudine æquat: & serpens ipse ob costas quoquo uersus morbi- les in utramq; repit partem: unde ἀμφίσβαινα dicitur, ὅτι τὸ ἀμφίβαιναν.

ASPIS serpens Aegypto notus, cute aspera, & scabra, cinerea, oculis scintillātibus. His ad ubera admotis post Actiacum prælium se se Cleopatra interfecit. Intra trium horarum spacium hominem interimunt. Tria sunt earum genera: πύας, χερσαῖα, χελιδονία. πυνάδες colore terrestribus ferè similes collo exporrecto uenenū expuunt, & uibrant in hominum faciem, aliorum ue animalium corpora & tardius aliquanto necant. χερσαῖα, quæ & χερσαῖαι: id est, cornutæ dicuntur, in capite duo tubercula cornuum instar habent: orgyæ uel senūm pedum, nonnunquam & quinque cubitorum longitudine: latitudine uenabuli: colore ferè cinereo, interdū & subuירidi, intra tres horas

horas morfos interficiunt. *χελιδόνια* hirundinis colore & surdæ sunt, cubiti longitudine: præsentissimam mortem morfis afferunt. Circa ripas fluminum ac Nili potissimum degunt. Nullum uero ictus aspidum remedium esse Plinius affirmat, præterquam si confestim partes contactæ amputentur. Sed Athenæus pomi citrini esum morfibz illarum mederi ostendit, de quo supra. Venenum in ore continent inclusum tuniculæ qua dætes maris duo, foemellæ quatuor teguntur. Extat autem illustris aspidum descriptio in Nicandri Theriacis, ubi etiam dicitur quod solus Ichneumon aspidis ictus non metuat & cum ea pugnet, quam pugnā etiā Oppian. *λυωνητ. γ.* describit.

ANGVIS, uocatur nomine generis etiā serpens: nasci dicitur ex medulla spinæ hominis: Sic Ouid. lib. 15.

*Sunt qui cum clauso putrefacta est spina sepulchro.
Mutari credant humanas angue medullas.*

Sua tamen quoq; anguibz est coeundi & pariendi consuetudo. Dissident naturalia a mustelis & saluam hominis, ut exitiale sibi uenenum, refugiunt. Si læserint hominem, à terra non recipi amplius aut foueri dicuntur.

BASILISCVS, serpentum uenenatissimus, ut qui solo halitu interficit, urit & corrumpit obuia quæq;, adeo ut etiam eos quos

conspexerit & qui eum stridulo sono perstrepentem audiuerint, solo obtutu, sonituq; inficiat. Longitudo duorum palmorum est. Caput acutum, ornatum diademate, cui chrysolithi color, guttulis variatus candidis, uelut quibusdam interlucentibus gemmis: oculi rubentes. Color ex nigredine declinat in cinereum: occiditur a mustelis domesticis.

BOA, ein Vnck, habitatas domos subit & hallu uenenato sæpè totas afflat & inficit. Ad ubera uaccarum arripit, quæ sugens pinguescit & in immensum augetur. In historia Rom. legitur Boam centum uiginti pedes longam in Africa inuentam.

CAECULA, τυφλωφ, τυφλὺν: parua admodum & gracili corpore: blindeschleich.

NATRIX, coluber, ὄφς, χροῦς. Serpens aquaticus, fontes ueneno inficiens. Vnde Lucanus:

Et natrix uiolator aquæ. Nater.

ΚΕΓΧΡΙΣ, ignotus nobis. Lucanus eius meminit: Nicander uocat κίχχανα ἀ crebris maculis in milij similitudinem.

CERASTES, serpens cornutus. Cornibus enim octo armatur, quæ ut arietum cornua intorta & in orbem ἐνικουδῶς conuoluta sunt. Caret spinis, pro quibus cartilagines habet: ideo flexuosior cæteris & uolubilior est colore puluereo. Nicander sena ei cornicula tribuit.

DIPSAS

DIPSAS: id est, litula, figura est uiperæ, longitudine palmi, tota nigris tincta maculis in dorso. Nomen ab effectu habet. Nam quos suo ueneno imbuat, in ijs accendit inexplibilem sitim, qua uelut ardenti flamma uruntur interius, adeo ut & rumpantur quandoq;, ut plurimum uero consumantur.

ΔΡΥΙΝΟΣ uel *χίανδρος*, eichschlang. Latibula, terra ad radices quercuum subruta excauat. Tanta ueneni eius est uirulentia, ut solo contactu membra quæ attingit, tota cute denudet & tumefaciat: moxq; eodem malo corripuntur, qui lesa membra contrectant. Cum peti se ab aliquo sentit, uenenatissimos foetores emittit, quibus organa olfactus adeo corrumpuntur, ut nullos postea odores sentiant aut discernant. Fumat dorso & quacunq; repit, de terra ui ueneni fumos elicit.

DRACONES, maximî serpentes sunt: timent tonitrua & crebro feriuntur. De his Lucanus:

Vos quoq;, qui cunctis innoxia numina terris
Serpitis aurato nitidi fulgore Dracones,
Pestiferos ardens facit Africa, ducitis altum
Aëra cum pennis, armenta q; tota secuti
Rumpitis ingentes amplexi uerberare tauros.

Scribunt enim ueros dracones non habere uenena. Etsi igitur uehementi ira

perciti, conentur mordere: tamen morſu non tantum lædunt, quantum cæteri ſerpētes: nec uim ſuam in dentibus, ſed in caudis habere & uerbere magis quàm rictu nocere. Plura uerò Draconum genera ſunt, non colore ſolùm flauo, ruſo, cæruleo, nigro: uerùm etiam magnitudine & figura oris, & moribus diſtincta. Macedonia & Epidaurus manſuetos & cicures ferunt, quos Lucianus in Alexandro Pſeudomante deſcribit, narrans eum Pellæ in Macedonia uiſiſſe δράκοντας παμμεγέθους, ἡμίους πάνυ καὶ τιθυδούς, ὡς καὶ ἐπὶ γυναικῶν τρέφονται, καὶ παιδίοις συγκαθύνειν, καὶ πατεμένους ἀνέχεσθαι καὶ θλιβόμενους μὴ ἀγανακτεῖν καὶ γάλα πίνειν ὅτι θυλῆς κατὰ ταυτὰ τοῖς βριφείοι, ποιοὶ δὲ γίνονται τοῖς τοι παρὰ τοῖς μακρότοις. Tales in Epidauro ſunt Aeſculapio ſacri, quos in ualle Pelethronia ad radicem Pelij montis, Aeſculapius dicitur educaſſe, ex quibus unum ad reprimendam peſtilentiam Epidauro Romam aduectum eſſe Liuius libro undecimo, narrat; quem uulgo & in domibus paſtum eſſe ſine ullius noxa Plinius addit: qui memorabilem etiam Elephantis & Draconis luctam libro octauo deſcribit, in qua Draco ſpiris immenſi corporis elephantum circumplectens, ſanguinem ipſius omnem ebibit: deinde ab elephanto exhausto & concidente oppreſſus necatur. Verum hanc hiftoriam non de Epidauricis

illis,

illis, uel Macedonicis cicurib. & innoxijs, sed Libycis, Arabicis uel Indicis, aut etiam Phrygijs draconibus multo uastiore corpore, patulo oris rictu, lingua exerta, dentib. apri syluestris intelligendum est: qui quadragenū pedum, uel etiam tricenū cubitorum lōgitudinem sæpè æquant: cū cæteri māsuetiores ore paruo & ad morsus nō dehiscente, sed arctæ fistulæ simili, perquam & spiritum trahunt & linguam exerunt, quinq; & ad summum decem cubitos non excedant.

PORPHYRVS, ignotus.

PRESTER, ab ardendo dictus. Lucanus:

Oraq; dissoluens auidus spumantia Prester.

PARBAS, παρὰς, παρὰ τὸ τὰς παρὰς αἰῶνους ἔχειν: colore fuluo, oculis uelox, ore lato, morsu non maligno.

SCYTALE, sola & prima exuias hyeme deponit, cū cæteri serpentes uerno tempore exuant. Lucanus:

*Et scytale sparsis etiam nunc sola pruinis,
Exuias positura suas.*

ΣΗΠΕΔΩΝ, ἡ σήψ, Seps à putrefaciente ueneno nomen habet, παρὰ τὸ σήπαιν τὸς πηχύντας. Vnde Lucanus:

*Ossaq; dissoluens cum corpore tabificus Seps.
Induit colores loci, cui se applicat.*

VIPERA, ἰχιδνα. Mas in hoc genere ἔχῃς: for-

tus uiperarum *ἰχθῆς* apud Nicandrum, qui de his mira refert, etsi uera negant esse qui uiperas uenantur. Coeunt mare semen in os foemellæ proijciente, quod dum collo in os eius inserto peragit, foemella caput mari præcidit dentibus. Foetus ubi maturuerunt, uelut ulciscientes parentē, corrosis atque exessis lateribus utri materni erumpunt, atque ita pereunte matre edūtur. Vnde uipera quasi ui pariens dicta est: & ob hanc causam paricidæ antiquitus lege Pompeia non gladio, igne, aut alijs usitatis supplicijs afficiebantur, sed insuti in culeum bubulum cum cane, gallo, simia & uipera proijciebantur in mare, aut uicinū flumen, ut omnium elementorum usu, uiui, mortui que priuarentur. Mares utrinque binos dentes habent acutos admodum, unum in superiore, alterum in mandibula inferiore, rektos uesicula membranæ ueneni plena. Ex ea morsu perforata, in uulnere quod dentibus faciunt, uenenum illabitur: foemellæ plures habent. Tyrus species est uiperæ.

ΕΛΛΟΠΕΣ ab imbecillitate dictæ, *παρὰ τὸ ἰμάρ*: uel quasi *ἰμωπῆς*, *διὰ τὸ ἄργυρῶσαι φωνῆς καὶ ἄφωνοι εἶναι*. Est enim τὸ ἰμωρῶσαι, ἄργυρῶσαι: ἢ δὲ ὁ φωνῆς: quod muti sunt.

ΜΥΑΓΡΟΙ: id est, uenatores murium: *ἐκ τῆ ἀργυρῶσαι τὰς μύας*. Vocantur & Rophiæ,

MOLOYPOI dicti, quasi cauda ingredientes.

A'IMO'PPOYΣ, mas & αἰμορροῖς foemella: serpentis genus à quo icti per totum corpus sanguine effuso intereunt, ut Nicander ait:

μήποτε τοι θήλει' αἰμορροῖς ἰδρ' ἐνείη,
τῆς γὰρ ὀδοξάμενης, τὰ μὲν ἄθρο πίμπραται δ' ἀλα
ρίσθην, ἐξ ὀνόχων δ' ἐκατείβεται ἄσπερος αἷμα.

Atque hactenus de speciebus animalium: quod ad pecuariam seu pastoritiam attinet, quæ Græcis est *κτηνοποιία*: quanquam de illa peculiarem libellum subijcere constitueramus: quia tamē de illa satis diximus in P. Rami professione, in tertio libro Georgicorum: lectorem eò remittimus: & ad Hominis naturam accedimus.

LIBER XXXV. DE ANTHROPOLOGIA.



HOMO est animal: rationale. Eius duæ partes sunt, Corpus & Anima. Corpus est altera hominis pars caduca, terrena, & animæ eiusq; facultatum instrumentū. Corporis partes aliæ sunt solidæ, aliæ fluidæ.

1148 DE ANTHROPOLOGIA ET ANATOMIA
DE CORPORE HOMINIS,
seu Anatome.

Ex partibus corporis humani solidis aliæ sunt dissimiles, aliæ similes. Dissimiles sunt, quarum partes non retinent nomen totius, Græcè *ἑτερογενῆς*: exæque sunt uel exteriores uel interiores. Exteriores sunt caput & truncus: in trunco sunt collum, humeri, brachium, thorax, dorsum, coxa, pedes. Hæc autem membra omnia teguntur cute, quæ in homine ab Herophilo dicta est *ἀνθρωπὴ*, estque natiuum corporis tegumentum & quasi uestis: uicina carni & nervis, Græcè *δέρμα*. Supra hæc alia tenuior superficies est, Græcis *ἐπιδέρμις*, ueluti ueræ cutis efflorescentia: uulgò citicula: estque exanguis & in eam tenuissimæ fibræ uenarum, arteriarum & neruorum desinunt. Sub cute est membrana carnea, *ὕμινον σαρκώδης*, panniculus crassior & robustior per totum corpus sparsus, cui adhærent muscoli. Inter hanc membranam & cutem est pinguedo seu adipis, *πικρὰ*. Nam ex uenis & arterijs exudat sanguis, qui membranæ frigiditate & caloris inopia in adipem uertitur, quæ quidē & moderate calefacit & æstus mitigat.

I. C A P V T.

1. Vertex, summum capitis, duobus constans ossibus, *κορυφή*.

Syn-

Synciput, quod à uertice in frontē uergit: *βρίγμα*, os sensus communis, coronale, inuercundum, puppis.

Occiput, posterior pars à uertice ad ceruicem, *ινίον*, os memoriæ, laudæ, capitale, pyxis, proræ.

2. Caluaria, sedes cerebri ac sensus organorum, *κράνιον* à *κράν* & *galea*. *περικράνιον* membrana caluariam tegens.

Κόγχ & , cauitas, quæ est sedes oculorum: *κύτ* & , cauitas caluariæ interior, *hirnhûle*: *σκάφιον*, idem.

3. Frons, *μέτωπον*, *σολίδης* lineæ frontis caperatae: *runtzeliny*.

Facies *πρόσωπον*.

4. Bina tempora, *κροταφοί*, ossa parietalia, quibus cauitas insculpitur, organo auditus reponendo apta. Complectitur autem duo ossicula, quorū unum incudi aut molari denti, alterum uerò malleolo non ineptè assimilaueris aut ossi femoris. Cum autem ea ossicula priscis Anatomes professoribus fuerint incognita, non mirum est eadem etiam nominibus destitui.

5. Oculi, *ὀφθαλμοί*. Supercilia, *μείζονες*.

Palpebræ, tunicæ quæ tegunt oculos: *βλέφαρα*.

Cilia, palpebrarum pili, nati in tunicis: *βλεφαρίδες*: quarum usus est, ut radios seu spiritus uisus

uifusos dirigant. Nam his amiffis, aut re-
tor- tis, oculi non poffunt rectè profpicere.

Pupilla, *κόρη*: foramē uueæ tunice, per quod
permeant species uifibiles.

Iris, circulus in uuea, qui foramē illud am-
bit, dictus à diuerfitate colorum.

Albugo, *σφενδόνη & λευκόν*.

Anguli oculorum uerfus nafum & tempo-
ra: *κάνθοι*.

Ραντήρες, carunculæ in angulo oculi uerfus
nafum, ubi lachrymæ erumpunt, à *ράνω*,
afpergo.

6. Auris, cuius eft auricula *λόβιον*, *ohrleplm*.

Πτερύγιον extremitas auris fuperior fupra *λέ-
βιον*: dicitur & *ἀντιλόβιον*.

Cauitas in auribus, *λόγχιον* feu *σκάφη*.

Foramen, *πόρος* *ἰκονσιός*.

7. Nafus, *ῥίς*. Foramina nafi *μυκτῆρες*, unde
μυκτῆρις fubfannare: quod fit narium gefu.

Suprema nafi pars interior *ἄθμ*: id eft, cri-
brum dicitur, per quod fpiritus attrahitur.
Eft enim cribri aut potius fpongia modo
peruium.

8. Genæ feu malæ hominis tantum funt,
inter nafum & aures, pudoris fedes, quem ibi
maximè rubor oftendit. Superior genarum
pars *μῆλα* dicitur: inferior buccæ, Græcis *γνάθος*
& *παρεὼς*, *bacten*.

Mandibula & maxilla idem, *Kinback*, fupra
mentum,

mentum, Græcè γέννη & διαγόννη.

Mentum γέννη.

Os, στόμα: labra χείλια.

Μύσξ pars à naribus ad lubrum. Homerus uocat ὑπὲρ λω: utroq; nomīne utimur pro superioris labri barba, ein Knebelbart.

Dentes numero 32. sunt. Vtraque enim maxilla 16. habet. Quaterni sunt anteriores, qui dicuntur incisores, τομῆς: & Gelasini, quia in risu reteguntur. Proximi utrinque singuli dicuntur canini, discernentes incisórios à molaribus, λωόδοντες. Vteriores decem dicuntur molares, γόμφιοι: qui ut forma antequā eruantur differunt: ita etiam impari radicū numero suis præsepīolis infiguntur. Vltimos, qui postremi post septem annos nascuntur, Varro nominat genuinos, ὑραντῆρας. Vnde proverb. Genuinū alicui infringere. Indiciū uiriū sumitur à dētib. Quibus enim dēsi et firmi sūt, hi plerūq; sunt μακρόβιοι: contrā breuioris uitæ sunt quibus dentes sunt rari et scabri. Pyrrho, Prusie regi Bithyniæ Drypetinæ Mithridatis filie, pro dentib. qui in alijs distincti sunt, duo ossa cōtinua gingiuis insita fuerunt. Vide Plinium li. 7. ca. 16. Solinū cap. 4. Val. Max. lib. 1. cap. 8. Gingiua exterior ἔλρον: interior ἔνυλον.

10. Lingua, carne rara, fungosa & molli constat, eius fulcrum est os ὀσθῆς, cuius sunt sex musculi proprii. Linguae uero n̄rui sunt uel

uel sensitiui, ἥσϑ̃ molliores, qui in eius superficie discurrunt: uel motiui, ἥσϑ̃ duriores, qui profundius in eius musculis delitescunt. Musculi autem eius nouem sunt: singuli à lateribus, duo item longi: duo transuerii: duo conuertentes & resupinantes ipsam: unus solitarius exerens & retrahens.

Χήραμοι sunt foramina in carne glandulosa seu tonsillari ad radicem lingue, ex quibus saliuam manant.

II. Palatum est totum fastigium supra linguam, usque ad fauces: à cuius fine gurgulio propendet: τὸν ῥῶα Græcis, Aristoteli ὑρανὸς, Galeno ὑρανίσκος.

Fauces, φάρυγξ, non est membrum, sed cavitatis uicina utriusque fistule, tracheæ arteriæ & œsophago, ἰσθμὸς, schlund. In ea cavitare sunt Amygdalæ & Gurgulio. Amygdalæ, sunt glandulæ amygdalis non absimiles, ac eminentissimæ laryngis sedi appositæ: quæ dicuntur etiam Tonsillæ & ἀντιάδης & παλιδμα. Gurgulio, γαρὶ γαρῶρ, das Zepfle, est mēbrum in fine palati pendens: cuius utilitas est modulationem uocis adiuuare & remorari aërem, ne nimis frigidus ad pulmonē irrumpat. Eius duo morbi sunt, Vua πφονή, quæ est inflammatio gurgulionis: & Columella λίσωρ cum laxior dependet.

II. COLLUM.

Collum (κράχλη) conditū est ut per ipsam porri-

labatur: & ad aperiendam in aëre attrahendo.

Gula (οισόφαγος, das Speisrör) est fistula è faucibus descendens in uentriculum, transuehens cibum & potum. Estq; similis tubæ, supra angustior, infra amplior. Nomen est ab οἶω fero & φάγημα cibus. Totus hic canalis ab Aristotele nominatur σόμαχος: à σόμα & ἄλγω, quo significatur angustus & lōgus canalis, tendens ad os aliquanto amplius. Vide Mercurialem lib. 1. Var. lectio. cap. 1.

Cervix, ἐνχλῶ. Cauum inter iugulos est σφαγμή. Iuguli sunt duo ossa à collo ad humores extensa: uocantur & furculæ κλᾶδες: quarum mētionem facit Demosthenes, inquiring Philippum fregisse iugulum. Plinius inquit soli homini duos iugulos esse, dextrum & sinistrum.

III. HUMERI.

Humeri cacumen, ἀκρόμυρον.

Scapulæ, ὀμοπλάται, sunt duo ossa lata à ceruice utrinque tendentia: schulterplat: scoptula, spatula.

Μετὰσθρηνον, est interstitiū inter scapulas usq; ad duodecimam thoracis uertebam, ubi uentriculi orificiū alligatur uertebris.

IIII. BRACHIUM.

Brachium, βράχιον, Græcis est pars brachij ab humeris usq; ad cubitum.

Cubitus

Cubitus sunt duo ossa à flexu brachij usq̃ ad καρπός.

Flexus cubiti ἀγκών & ὠλεκράνης Galeno.

Cubiti duo sunt ossa maius & minus: id est, Vlna & radius: ulna est os maius seu inferius in cubito, πῦλνι & ὠλεῖν & ὠλεῖν, unde ulna. Radius est os breuius & superius in cubito, κερκίς & παραπύχιον.

Carpus est iunctura manus: ubi palma radio iungitur. Hinc medici dicuntur mittere manum in carpū, cū pulsum arteriæ explorant.


Manus χέρ, egregiam laudem habet. Aristoteles nominat eam organum organorum. Nā & plura & magis uaria opera efficit, quàm ullum organum & fabricat cætera instrumenta. Anaxagoras inquit, manū sapientiæ causam esse. Nisi enim figuras et literas pingeret, et machinas conficeret: neq; doceri, neq; disci ullæ artes possent. Sed Plutarchus allegoricam interpretationem addit, manus: id est, experientiam sapientiæ causam esse. E' manū orta est χειρομαντεία uanissima ars, quæ ex lineis manuū, significationes temperamentī & futurorū euentuum se ostendere pollicetur.

Extēsa manus usq; ad digitos, μετακάρπιον dicit: Celsus palmā uocat, Græci πτέριον, Auicēna pectinē manus. Hinc palmus mēsurā est, hādte breit: & minor palmus dicitur spaciū 4. digitorū, Græcè πανάριον, δαχμύ & δάρον apud Hesiodum.

Sed maior palmus est digitorum 12, Græcè *επιθαμή*, ein spanm & ὀρθόδωρον: Latini dodrantem pedis uocant: quia 9 uncias pedis continet.

Vola, *θύρα* carnosa planicies in manu. Cavitas in illa planicie, *κοτύλη*. Digiti *δάκτυλοι*, constant 3. ossibus quæ dicuntur *σφυράλια* & *φάλαγγες*, Latine internodia. Articuli digitorum eminentes *κόνδυλοι*: & *κόνδυλος* pugnus ein faust, hinc *κονδυλίζειν* pugno ferire, mit feusten schlagen. Digiti quinque sunt, Pollex, index, medius seu infamis, medicus seu annularis, minimus seu auricularis.

V. THORAX.



Pectus $\sigma\theta\upsilon$, est pars thoracis à collo usque ad diaphragma. *Brust*.

$\Sigma\tau\epsilon\rho\nu\nu$ est pars media pectoris seu ossa media pectoris, ut Galenus ait lib. 6. de usu partium: & alibi ait cor esse situm sub $\sigma\tau\epsilon\rho\nu$. Sunt autem sterni 7. ossa.

Cartilago, $\xi\phi\omicron\alpha\delta\lambda\upsilon$, est conspicua cartilago in imo pectoris, ubi est cauitas ab ossibus pectoris facta: *das hertz grüblin*. Vulgo cartilago scutalis (quia facta est ad muniendam uicinam stomachi partem) & malum granatum, quod sit similis flori mali punici.

Mamillæ, $\tau\acute{\iota}\theta\omicron\iota$, $\mu\alpha\sigma\tau\acute{o}$, *Brüst*: in foemina lactis causa conditæ sunt laxiores. Pectori additæ sunt, ut & cordis calor magis defendatur & uicissim fortior sit calor ad lac coquendum propter uicinitatem cordis. Galenus mentionem facit mutæ calefactionis: $\kappa\alpha\tau\alpha\ \delta\iota\alpha\ \theta\epsilon\rho\mu\alpha\sigma\omicron\mu\epsilon\eta\ \pi\epsilon\varsigma\ \alpha\upsilon\tau\acute{\iota}\omega\nu$, $\alpha\upsilon\tau\iota\theta\epsilon\rho\mu\alpha\acute{\iota}\nu\alpha$. Ac ut sanguis qui nutrit mamillas, melius coquatur, non recta uehitur ex caua uena, sed longis ambagibus à iugulo descendunt uenæ, ut fiat coctio diuturnior. Et quia mamillarum caro candida est, attrahens nutrimentum, transmutat sanguinem & album efficit, ac reliqua pars lac est utile ad alendos infantes. **Papillæ**, $\theta\eta\lambda\alpha\delta$, prior pars, qua fugit infans mamillas.

Costæ $\omega\kappa\epsilon\rho\omicron\alpha\delta$, natura ossea sunt, sed minus dura: Sunt autem plures, ut interstitia fierent,

ut dilatari & constringi pectus posset, & musculi inter costas collocarētur. Sunt uerò duodecim in quolibet latere: ē quibus aliæ sunt ueræ, aliæ nothæ: Veræ sunt superiores septē, quæ oriuntur à spondylis & terminantur ad στήνον, ut cor & pulmonem muniant. Nothæ sunt inferiores quinque, uulgò mendosæ: quia & breuiores & molliores sūt. Ideoq; has quinque uocarunt Græci χόνδροι: id est, cartilaginem: quia substantia cartilaginea est. Fiunt autem paulatim breuiores, ne uentriculus repletus nimium comprimeretur & ob eandem causam molliores sunt ac ad diaphragma desinunt. Πλευρὸν neutro genere latus est: πλεῖον ἂν genere fœminino est membrana succingens costas: id est, intra totam cauitatem sub costis extensa, uestiens undique omnia quæ continentur intra thoracem: & uocatur χιτὼν τῆς στήνης.

Hypochondrium est pars exterior & interior supra umbilicum, proxima costis nothis. Galenus enim ait in hypochondrijs sita esse epar & splenem.

Diaphragma: id est, septum transuersum, est panniculus neruosus & carneus, qui est interstitium inter thoracem & uentrem, & munit superiora ne halitus immodici simul ex uentriculo ascendant. A Græcis φρένες quoque dicuntur, à Latinis præcordia. Nam:

Phrenes dicuntur septum transuersum seu diaphragma.

At præcordia sunt phrenes, ut testatur Plinius.

Præcordia igitur sunt diaphragma.

Venter, *ἄστρον*, est pars sub diaphragmate sita. Eius exterius tegumentum, quod est cutis & mēbrana carnea, superiore parte supra umbilicum uocatur *ἐπιγάστριον*.

Ilia, *λαγόνες* sunt uicinæ partes utrinque circa umbilicum, retrorsum proximæ ossibus ilium, seu coxæ, quæ nominatur *ισχίον*. Anterior uero pars sub nothis costis umbilico proxima nominatur *λευριάνες*.

Hypogastrium est pars exterior sub umbilico: quæ à Galeno in 2. Aphorismorum, aphorif. 35. *ἔπορον* etiam uocatur. *ἔπορον* ἰδίως ὀνομάζεται τὸ κάτω χωρίον τῆς γαστρὸς, ὅσον δὲ μεταξὺ τῶ ἀστροῦ καὶ τῶ ἐπιγάστρου. Et addit postea, totum spacium sub costis diuidi in tria, in hypochōdrium, in ea quæ sunt circa umbilicum & in *ἔπορον*.

Pecten est os transuersum & latius sub hypogastrio, quod munit intestina. Aristoteles ait, extremum itri est epischion. Et Galenus ait, epischion esse os anterius: posterius uero os sacrum, lumborum uertebreis, subiectum.

Circa imam partem pectinis est Inguen, *ἰνγύον*.

VI. DORSVM.

Dorsum, *νωτορ*, est pars è regione thoracis.

Μετὰφρενον : id est, pars supra phrenes, est pars inter scapulas opposita pectori. Est autem intra *μετὰφρενον*, os stomachi ad septimam uertebam. Ideo in cruditatibus dolor sub scapulis sentitur.

Ἀκνησις est sub metaphreno ad lumbos usq̃.

Lumbi sunt inter *λαγόνας* ubi renes sunt & ubi cingimur. Aristot. *τῶν ὑποχονδρίων ὀπίωρ διαίωμα μὴ ἡ ὀσφύς, ὅθεν καὶ τὸ νομα ἔχεται.*

Os sacrum est sub dorso & lumbis os latum, quod excipit ultimos spondylos & ueluti gestat totam corporis molem, arte miranda compositum ex sex ossibus.

Nominari aut os sacrū, alij propter artificiosam cōpositionē, alij propter magnitudinē existimāt: alij ideo q̃a partē adiuuet, quod eius cōnexus cū ossib. coxę in parietib. aperiatur.

Spina, *ράχis*, est spondylorū series in medio dorsi, quæ tanquam truncus & carina corporis humani est. Constat autem 24 uertebis, quæ dicuntur *σπόνδυλοι*, suntq̃ ossa figura uertebrearum seu uerticillorū inter caput & lumbos, mira arte iuncta, caua intus & tenui carne membranisq̃ uestita, ut medullam cōtineāt, quæ uocatur à Celso spinæ medulla, à Galeno *νῶτια* *μύελ*, ab Arabib. Nucha. Differt autem hæc medulla ab ea, quæ est in ceteris ossibus.


sibus. Nā medulla in cæteris ossibus est utilis
 superfluitas nutrimenti ex sanguine orta, de-
 stinata ad humectanda & nutrienda ossa. Sed
 medulla in uertebreis est cognata cerebro &
 quasi riuus cerebri, ut Galenus ait: ποταμός ἐκ
 τοῦ ἐγκεφάλου τὸ ἐν κερφαίῳ. Ac oriuntur & cere-
 brum, & hic eius riuus à semine: nec sunt desti-
 nata ad nutriendas alias partes, sed sunt cor-
 pora, peculiaris & ueluti cœlestis naturæ, &
 nervos procreant, qui sunt instrumenta sen-
 sus & motus localis. Sunt autem periculosis-
 simæ læsiones spondylorum, & propter me-
 dullam & propter nervos: quare singulari cu-
 ra hæc pars munienda & mediocri calore fo-
 uenda est. Galenus discernit ῥάχις & ἀκανθὰς.
 Illam propriè nominat ipsam spondylorum
 seriem: hanc uallum spondylorum: ἡ ῥάχις τῆς
 ἀκανθῆς, ἀκανθα enim: id est, spina est ueluti pin-
 na spondylis addita.

VII. COXA.

Coxæ seu coxendices, ἰσχία, hüfft, sunt ossa
 natium proxima lumbis. Celsus: ima spina in
 coxarum osse desidit, quod transversum lon-
 geq; ualentissimū, uulvam, uescicam, rectum
 intestinum tuetur.

Cotyla seu acetabulum est sinus; id est, ca-
 uum in ima parte ossis natium, ubi insig-
 untur ei summa ossa magni pedis.

Nates, γαστήρ.



Magnus pes est totum membrum à natibus usq; ad plantam. Aristoteles & Galenus uocant *πῦξ*.

Femur, *μυρς*, est superior pars magni pedis à natibus usq; ad genu.

Patella

Patella est in genu antèrius os, figura parui scuti: Græcis *μύλη*: id est, mola. Pausanias de Aiace scribit, patefacto eius sepulchro in litore, conspectum esse inter ossa molam disci magnitudine & inde æstimatam corporis proceritatem.

Poples *ἰνὸς*, est cavitās posterior, flectendæ cruris causa facta.

Crus pars pedis est à genu ad malleolos usque: duobus longis ossibus constans, quorum maius nominatur tibia, *ὀστέον*: minus fibula, *πτερόν*.

Sura est caro in posteriore cruris parte, *ἡ σπονδυμία*.

Malleoli sunt ossa gibbosa eminentia supra paruum pedem utrinque. Sunt autem processus appendicum tibię & fibulę. Græcè *σφύρον* & *πίλα*.

Tali sunt ossa interiora quibus malleoli inseruntur. Estque artificiosa fabricatio. Malleoli sunt ueluti septa munientia talos: tali uero etsi per se sunt immobiles, tamen adiuuant pedis flexum: quia superiore parte, cum tibia articulum constituunt: consistunt autem in osse calcis. Figura similis est parti rotę, curua in parte conuexa: postea in lateribus sinus habet. Vocatur *τέτραρον* quasi dices quadrjngum uel à quatuor lateribus. uel à rotę specie, uel certè propter usum: quia tēdines ei

allis

alligati sunt: & hæc ossa (quæ uerè sunt tali) nominantur ἀσάλατοι: à quibus postea in ludis figuræ similes nominatæ sunt, quarum iactu certabatur. Et latus unū dicebatur κῶ, quod erat foelicius: alterum χῖ, infelicius, quod & canis dicebatur. Vide Foquelinum in Satyr. 3. Persij: & Chiliad. Erasmi.

Calx est os quod talum excipit & solum proximè attingit cum stamus aut incedimus. Græcis κῆρυα, calcaneum, *die fersen*.

Tarsus, τάρσος, *der reyen*: est altior pars pedis calci proxima, in interiore ac plana pedis regione.

Pedion, πῆδιον, πῆθ, est planū pedis à tarso.

Planta est à cruris uertebra ad digitos, non solum pedis ut quidam putāt. Huic proximi sunt digiti pedis.

Atq; hæc de corporis humani exteriorib. partibus: sequuntur interiores, distributæ in tres uētres: infimum, medium & supremum. Infimus seruit nutritioni & generationi, quæ Plato uocat ἐπιθυμητικόν: quia continet appetitiones uegetatricis facultatis, famem & sitim. Ideo & φάτυλω: id est, præsepe nuncupat: quia nutrimentum excipit & præparatum in reliquum corpus transmittit. Accommodat autem in cantu ad uocem νύτλω seu, νάρτλω: id est, ultimam: quia longissimè abest à cerebro uenter, & fames, sitisq; minus reguntur consilio.

lio. Medius, in quo est cor, ciet motus & defensionē: quem Plato θυμικὸν uocat: quia cor ciet affectus sensuū, quos nominat satellites rationis: eumq; accommodat ad μίεσιν in cantu: quia cor aliās rationi obtemperat, aliās repugnat. Supremus, in quo cerebrum est, continet maximarum rerum noticiam: quem Plato uocat νοεμονικὸν, in quo est cognitio: ratiocinatio, iudicium, libertas electionis: eumq; accommodat ad πᾶσι, quæ maxime stabilis est.

DE VENTRE INFIMO.

In imo uentre considerata sunt uentriculus, intestina, mesenterium, epar, uasa seminaria: ē quib. priora 4 nutritioni seruiunt: quintum generationi.

I. VENTRICVLVS.

Vētriculus, qui cibos trāsmiſſos excipit & primū alterat, sub diaphragmate situs est uersus dextram. In eo considerata sunt.

1. Figura: Rotunda, oblonga, sed nō nihil ampliore fundo: deinde paulatim angustior, erigens se uersus sinistrum latus. Inſeritur autem uentriculo cēſophagus, qui est angustus canalis, continuus corpori uentriculi, figura inuerſæ tubæ, qui ad fauces uſque, non quidem recta, sed nonnihil cedens uenæ aortæ, tendit.

2. Orificia seu ostia duo. Vnum superius, factum

factū accipiendi cibi & potus causa, quod sitū est ad sinistram, sed penē media regione in illa superficie uētriculi, ubi mox sub diaphragmate ōsophagus uentriculo inseritur. Alterum inferius, Græce πυλωρός: id est, ianitor, factū ut euehat chylū & superfluitates quod ad dextram sitū est, nec multo depressius est priore. Nō enim in imum fundū collocatū est, sed aliā quātō altius positū est, ut nutrimentū in fundo cōtineri, foueri & coqui posset. Et accepto cibo ac potu claudi solent hæc ambo ostia, ut calor intus cōtineat. Ac superius ostiū eō clauditur: quia uilli seu fibræ *ἰναι*, in imo ōsophago sunt obliquæ, quæ seruiunt constructioni.

3. Villi seu fibræ in tunicis uentriculi. Villi sunt triplices, Recti, Trāuersi, Obliqui: *ἰναι ῥηθείαι, ὑπεκροίαι, λοξαί*. Recti, qui secundū membri longitudinem, quō motus ducendus est, recti sunt: & miranda, arcanāq; naturæ uī attrahūt. Transuersi, rectos secant ad angulos rectos: & coarctant corporis superiorē partem & expellunt. Obliqui rectos secant ad angulos obliquos: & quia totū corpus coarctant, uiam retinendi habēt: in imo uerō ōsophago claudunt uentriculi orificiū. Est autē adhibenda diligentia, ut uitemus causas, quæ illam claudendi facultatem languefaciūt: ut sunt nimia madafactio, & intēpestiua post tēpora prædij & cōēg infusio potus aut pomorū, aut corporis mo-

eus. uehemētior. Nā hiāte uentriculo mala fit coctio, nō solū q̄a fumi exhalāt & calor dissipatur: sed etiā q̄a paulatim uilli fiūt laxiores.

4. Tunicæ uentriculī: quæ sunt ex substantia partim carnea, partim neruea: una interior, altera exterior. Interior nervosior & spissior, uillos habet rectos, quibus ceu digitis attrahit cibum: exterius obliquos, qui retentioni seruiunt. Exterior carnosior, uillos habet transuersos, expulsionis causa factos.

5. Situs. Venter situs est inter epar & splenē, ita ut in dextro latere epar incumbat uentriculo & eum pinnis suis amplectatur & calefaciat. In sinistro latere splen est. Ac situs admonet, cur sumpto cibo, possit cubare in dextro latere. Cū enim in sinistro sit orificiū ad iūctū œsophago, cū in ea parte cubamus, rueret cibum uersus orificium sentimus, quod nō est utile. Magis enim calefit fundus uentriculi, qui pronus in dextrum latus flectitur, cum ea pars cubando premitur.

6. Tēperamētū: frigidū & siccū, conueniēs naturæ nervosæ, quā habet primò sensus causa, ut rebus cōuenientib. afficiatur, & nō cōuenientes auersetur. Secūdo ut appetētia & efficitia maior sit. Tertiò ut sit durior ne ciborū asperitate offendatur. Habet aut & natiuū calorem. Nam & exterior tunica calidior est, & calefit uenter a uicinīs mēbris, ut epate, splene,

splene, corde, diaphragmate quod assidue agitur, & omēto: præterea & à spiritu, qui copiosus in uentriculum infunditur, quod colligatus est uicinis membris per uenas & arterias.

7. Vtilitas. Seruit uentriculus potentie nutritiue. Itaque uim natiuam habet appetendi cibi, cuius appetitionis sensus inest orificio, in quod multi nerui à cerebro demissi intexuntur. Cum igitur exhausta membræ nutrimentum desiderant & attrahere conantur ex uenis, uenæ ex epate, epas ex intestinis, intestina ex uentriculo, uentriculus ab orificio: fit corrugatio in orificio propter suctionem uenarum. In ea corrugatione propter neruos sensus ac dolor excitatur, qui est fames & irritat animal ad quærendum cibum. Aiunt autem irritari in orificio appetentiā etiam melancholia eò affusa, quæ est acris. Et existimant aliqui grandiusculam uenam ex splene in orificium uentriculi ideo porrigi, ut magna eò copia infundatur. Sed certum est uenam, quæ ex splene in uentriculum ducitur, mox inseri uentriculo in latere sinistro, non procul à fundo: ac necessariam esse eius fabricę causam, ut superfluitas ex splene euehatur. Vtilitas uero est ut iuuat facultatem retentiuā in imo. Parui autem surculi pilorum modo etiam ab hac uena serpunt ad orificium uentriculi, ubi cōsentaneū est

est nonnihil irritari appetentiam exiguis ri-
uulis atræ bilis. Vnde prouerb. Fames & mo-
ra bilem in nasum concidunt. Cùm autem co-
piosior melancholia in uentriculum eructat,
id quoque fit per eam uenam, quæ sinistro la-
teri non procul à fundo inserta est: eaq; non
nūquam tanta copia influit, ut uirtus uentri-
culi penitus extinguatur.

8. Facultas naturalis: quæ est quadruplex:
Attractiua, Retentiua, Alteratiua, Expulsiua.
Habet enim uim attrahendi cibos, ac deinde
retinendi, & alterandi & facta alteratione trās-
uehendi nutrimentum & expellendi super-
flua. Sunt'que fibræ ad attrahendum, reti-
nendum & expellendum conditæ. Ac uim
attrahendi ostendit exemplum piscium, qui
dicuntur *χάννα* seu hiatuli: cum enim au-
dius persequuntur prædam, ita mouetur uen-
triculus ipsa appetitione, ut in os procidat.
Vis autem alterandi præcipua est, quæ cibum
mutat in liquorem. Id enim Græcis signifi-
cat *χολη*, qui quidem similis est cremori ptis-
sanæ & hunc coquit tantisper, donec matura-
ruit, ut transmitti ad epar possit. Fit'que ea
coctio primū uim natia uentriculi: quod
ex eo apparet: quia totus uentriculus miro
modo uniuersum cibum amplectitur ac fo-
uet, ut matrix tota amplectitur foetum. Ad-
iuuatur autem uirtus natia & fouetur eo spi-


ritu, quem aduehunt arteriæ in corpus uentriculi sparsæ. Deinde calore, quem augment uicina membra, epar, splen, diaphragma, musculi abdominis & lumborum. Cum' que maturuit chylus, aperitur pylorus, & euehit chylū in duodenum intestinum, hinc in ieiunum: ibi uenæ mesaraicæ rapiunt eum, & transuehunt ad epar. Superfluitas uerò expellitur in cæcum intestinum: fæces deinde in cætera deijciuntur.

9. Tegumenta Ventriculi duo: Omētum & *περιτόναιον*. Omentum est tunica seu panniculus proximè tegens uentriculum & intestina: qui cū similis sit marsupio, pars substrata uentriculo, iuncta anteriori parti tegit intestina, & porrigitur ad pubem usque. Substantia eius nervosa est, plena uenis & arterijs, quas uehit in uentriculum & splenem: & circumfusa est ei pinguedo copiosa. Vtilitas eius est, ut innatum uentriculi & intestinorum calorem conclusum teneat, & suo calore eum augeat Galenus experimento probat, omētum conditum esse ut calefaciat. Ait enim gladiator partem præcisam esse, qui etsi uiuebat: tamen postea minus concoquere potuit & assidue gessit tegumenta ex lana uentri imposita. Græci omentum uocant *περιτόναιον*: quia ob pinguedinem quasi innatat uentri. Arabes Zirbum nominarunt.

Peritonæum tunica est, quæ undiq; circumdat uentrem inferiorem: uidelicet uentriculū, intestina, omētum, epas, splenem, renes, inuoluens hæc membra inde usq; à diaphragmate ad os pubis, orta à ligamentis cōnectentibus uertebras lumborum & ad eas affixa. Vtilitas eius est ut alliget & suspendat ad dorsum mēbra uētris inferioris: & ab ea oritur membrana diaphragmatis inferior. Præterea in exteriori superficie peritonæon sustinet musculos motus causa factos & eos ab intestinis separat, ne intestina uel impediuntur, uel motum impediunt & cruciatus efficiāt. Supra musculos est carnosam membranam, deinde adeps, postea cutis *δέρμα*, deinde *ἐνδέρμειν*.

II. INTESTINA.

Proxima uentriculo sunt intestina, quorū tunicæ uentriculo continuæ sunt: & quanquā ipsa quoq; continuæ sunt, figura tamen, situ & officijs differunt.



Tria superiora gracilia sunt: quia cum facta sint ut in eis transuehatur chylus,

& (ut Galenus ait) ἀναδύσας causa: ut facilius sit transitus, graciliora esse prodest. Præterea cum & in ipso transitu coctio aliqua fiat, facilius calefiunt propter gracilitatem. Inferiora autem magis carnosæ & crassæ sunt: quia euehant excrementa.

1. Duodenum ab Herophilo sic nominatum ferunt: quia longitudo eius sit 12. digitorum. Galenus uocat ἐκφυσιν, quasi dicas ortum seu processum. Oritur à pyloro, & sursum in dextra parte uersus dorsum porrigitur, ut alligari firmitus possit: præterea ut ad bilis meatum in epatis regione aptè locatum sit. Nam ubi desinit duodenum, in ipso ieiuni initio, meatus est ex uesicula fellis, ut bilis cibum pellat & intestinum mundificet.

2. Ieiunum, νήσις, duodenò cōtinuum, sub epate habet spiras aliquas, deinde aliquantò rectius porrigitur ad epar. Dicitur ieiunum, nō quòd prorsus inane sit: sed quia citius inde rapitur chylus à uenis mesaraicis quarum maior numerus in hoc intestinum inseritur & reliquum à bile pellitur, quæ non miscetur chylo, sed fluit in lateribus intestini in colon usque ut pellat excrementa & abstergat intestina.

3. Ileus dicitur non solum quia in eo gyri sunt plurimi, sed etiam quia uariè impliciti sunt mesenterio, unde multæ uenæ in ileo inseruntur.

feruntur. Habet autem eundem usum quem ieiunum, ut transmittat chylum: sed hoc interest, quod ieiunum citius exugitur: ileos autem diutius retinet chylum, quam ob causam & lōgius est, & plures anfractus habet, ut chylum magis coquat & diutius suppeditet alimentum, ne opus sit mox ingerere alios cibos: Plato ait ideò factos hos gyros ne si statim aliū cibi ingerendi essent, uitam ageremus ἀφινόσορον ἢ ἀμύσορον. Apud Hippocratem & Galenum ἀλὶς est morbi nomē. Sicut enim in alio crasso intestino, quod dicitur κόλον, fiunt dolores colici: ita in hoc gracili similis morbus fit, admodum periculosus, cum sūt obstructiones, ne quid expelli possit, aut sunt ibi uiscosi ac mordaces humores. Vulgò uocant iliacū morbum, qui circa umbilicum sentitur.

4. Cæcum intestinum in canibus, porcis & crudioris animantibus maius conspicitur, quod in talibus excrementa excipit ex ileo, & cū inde rursus aliquid nutrimenti exhaustum est, reliquæ feces expelluntur in κόλον. Dicitur autem cæcum: quia unicum habet foramen, quod excipit illapsa ex ileo, & rursus emittit in κόλον. Nam orificia ilei, cæci & colī coeunt in una cavitare. In homine uerò narrant paruam appendicem esse ilei, nec conspici usum.

5. Colon prima syllaba breui apud Ari-

FFf 3 stropa-

stophanem est, quasi *κοιλὸς*: id est, uagina, seu *κοιλοδὸν*: id est, truncatum: quia uelut sectum in diuersas cellulas, uarios flexus habet. Excipit enim fæces seu excrementa, & ne statim effluant, paulatim in angustiores meatus transmittit. Aridiora stercora (quæ nominantur *σύνβαλα*, quasi dicas canum excrementa) imitantur figuras cellularum & sunt similia globulis. Influit autem bilis ex ieiuno in *κόλον*, qua stercus pellitur & coloratur. Inde & colici dolores nomen habent. Ibi enim fiunt, cum oppilantur meatus à frigidis crassis, uiscosis humoribus, ac sentiuntur hi cruciatus supra umbilicum.

6. Intestinum rectum etsi colo continuum est, situ tamen & figura discernitur. Vulgò longaon dicitur uoce ueteribus ignota. Ductus autem rectus est: nam postquam colon ab epate uersus renem sinistrum reflectitur, ibi olsi sacro & renum spondylis alligatur hoc rectum intestinum & porrigitur ad anum seu sedem usque, quam uocat Galenus *σφιγκτήρα* à constringendo: quia musculis constringitur sedes, ut sit munita contra præcipientes & inuoluntarios fluxus. Vtilitas autem eius est euehere stercus.

Sunt autem tunicæ intestinorum substantiæ pannicularis, propinquæ carni & nervosæ, ac fibras habent transuersas quæ expulsi-

onem adiuuant. Sed exterior tunica coli & recti intestini etiam rectas fibras habet, quæ iuuant attractionem, ut euehenda stercorea ex superioribus locis attrahant.

III. MESENTERIVM.


Mesenterium non est intestinum, sed implicitus intestinis panniculus à peritonæo ortus, neruosus, continens carnem glandulosam & pinguedinem: gestans, distinguens, & dorso alligans intestina: præcipuè uero ut uenas mesaraicas, arterias & neruos gerat. Vt enim à truncis arborum porriguntur in terram radices, ut nutrimentum attrahant: ita rami à porta epatis sparsi per mesenterium adhærescunt intestinis ceu radiculae & inde nutrimentum attrahunt. Cum autem interuallum sit inter epar & intestina: opus fuit fulcro seu stragulo illis canalibus, qui ab epate procedunt. Duo igitur rami, alter uenæ portæ, alter arteriæ, inferuntur in centrum mesenterij, ubi plurimæ propagines uenarum & arteriarum angustæ ab illis ramis in centro nascentes per totum mesenterium sparguntur, & adhærescunt intestinis. Caro autem glandulosa & pinguedo non solum muniendi causa conditæ sunt, sed etiam ut humectent intestina, & calorem conseruent, tum uenarum, tum

intestinatorum. Sunt autem uenis adiunctæ arteriæ, ut calorem præbeant tum ipsis uenis coquentibus chylum, tum uerò intestinis. Nervi autem sensum præbent intestinis: uenæ hauriunt chylum, & uicissim nutriunt intestina, ac nominantur manus epatis: quia rapiunt ex intestinis chylum & in epar transmittunt. Nomen mesenterij inde est: quia panniculus est arte implicatus intestinis, & uelut stragulum in medio. Sed *μεσάραιον*: quia ex centro plurimæ angustæ propagines uenarum & arteriarum sparguntur. Nam *ἀραιόν* significat exile uel tenue. Inde nomen est uenis mesaraicis: id est, exilibus: quæ ibi in mesenterio sparsæ, tendunt ad intestina.

Pancreas seu callicreas est caro glandulosa membranis mesenterij addita, ut expleat loca uacua inter uentriculum, epar & splenem, ut sustineat & muniat uenas mesaraicas.

IIII. EPAR SEV IEGVR.

Generosum membrum est epar & inter organa nutritiæ potentiæ præcipuum: quia est officina sanguinis.



1. Substantia epatis est caro rubra, prope-
modum ut coagulatus sanguis, sed tamen sua
natura quiddam perfectum. Ac in totam eius
carnem ceu rete quoddam, plurimę uenę spar-
sæ sunt, quarum alię tendunt ad imam partē,
alię sursum in gibbum epatis.

Vena porta, est uena ampla, per quam in-
uehitur chylus in epar: in eam paruę illę pro-
pagines quæ ad imam partem tendunt, ex cor-
pore epatis cœunt.

Vena cava est ampla uena, quæ sanguinem
uehit ad cor: in eam cœunt illæ, quæ sursum
tendunt in gibbum epatis: & hanc Galenus
existimat primum uenarum initium esse. Per.

coquitur aut chylus in paruis uenulis in corpore epatis & in sanguinem conuertitur. Ac propria causa cōuertens chylum, est ipsa epatis caro, quæ sua specifica uirtute organum est generandi sanguinis, quo corpus nutriendum est. Transformat igitur chylum & tanquam sibi assimilans, rubrum efficit. Estq; temperamentum epatis calidum & humidum conueniens elixationi & ipsi sanguini.

Arteriæ paruæ ab Aorta in epar deducuntur, ut spiritus vitales & calorẽ uitalem epati afferant, ut cōuersio uirtute cordis, spirituum & caloris adiuuetur. Ideò autem paruæ sunt: quia non hauriunt ibi sanguinem, sed aduehunt spiritũ & præbent uiam emittendis halitibus seu ad euentandum.

2. Figura est semicirculi seu uelut Lunæ prodeuntis à coniunctione.

3. Situs. Situm est epar sub diaphragmate in dextro hypochondrio.

4. Pinnæ. Epar porcínũ scinditur in plures pinnas: sed humanũ epar scribit Vesalius non prorsus simile esse porcino, sed unã eius esse sectionẽ circa superius orificium uentriculi. Sed uulgò 4 pinnas seu *lobes* epatis statuũt. Prima uocatur Focus, quod ibi initiũ fiat coctionis. Secũda Mensa, quod iam incipiat ibi cōfluere nutrimentũ. Tertia Culter, quod ibi diuidãtur humores, Quarta Auriga: quia ad uenam

uenam cauam ibi transuectio fiat. Et si autem hæ pinnae cōmentitiæ sunt: tamen hæ appellationes diuersarum functionum, ordinem actionum aptè ostendunt.

5. Vena caua, est uenarum origo & ueluti truncus in superiore parte epatis. Estq; canalis, quo sanguis primū euehitur ad nutrienda cætera membra. Ascendit autem per diaphragma: estq; cōtinua dextro uentriculo cordis: inde sursum & deorsum ramī propagātur. Vlysses inquit se deliberasse, an ea parte cōfoderet Cyclopem, ubi epar iunctū est phrenib. id est, diaphragmati: qā p̄fossa uena caua, statim extinctus esset Cyclops. Versus est in 9. Odyss.

ἡ τὰ μὲν αὖ πῶς σὺ βῆθ', ὅθι φρενὲς ἥπαρ ἐχέουσιν.

6. Fit in toto corpore epatis in uenulis generatio massæ sanguineæ, in qua sunt dissimiles humores 4.

	[Vesica fellis: <i>λύσις χοληδόχ</i> Θ.
Mēbra, in quæ eue-	[Splen, Splen ridere facit, cogit
huntur superfluis	[ainare iecur.
tates ex epate, sūt	[Renes, <i>νέφροι</i> .
	[Vesica, <i>λύσις</i> .

1. Vesica fellis est folliculus in medio epate, lōgiusculo pyro similis, q̄ fel seu flauā bilē excipit. Tunica est una firmiuscula, habēs triplices fibras. Duo aut ramī seu canales porrīguntur a collo huius folliculi, quorū unus sursum ducitur ad surculos uenæ portæ, ubi & ipse in multos

multos surculos spargitur, & haurit flauā bilem in purificatione sanguinis. Alter deorsum ducitur ac inseritur intestino duodeno, non procul ab initio ieiuni, ut bilem eò aduehat, pellentem nutrimentum & fluentem postea in colon, ut pellat excrementa & abstergat intestina. Vtilitas huius fabricæ in conspectu est: necesse est in purificatione sanguinis aliquò deriuari flauam bilem copiosiore. Erat igitur opus receptaculo, in quo bilis etiam calefacit epar & putrefactionem prohibet. Deinde pellit nutrimentum in duodeno, & pellit excrementa & abstergit sordes in cæteris intestinis. Et ostendit experientia, quanta sit necessitas huius fabricæ. Nam cum obstruuntur hi canales, magni morbi sequuntur, ictericus, inflammatio epatis, hydrops. Galenus tradit etiam ab altero ramo propaginem in uentriculum paucis hominibus duci, & his propter bilem largiter influentem in uentriculum, nasci in eo multam prasinam bilem & impediri coctionē & accidere crebros uomitus & ἀποφύαν. Sed hoc rarum est. Regulare autem est non duci ramum ex folliculo fellis in uentriculum: quia flaua bilis cū sit acris, mordax & dissipatrix, turbaret coctionē. At uentriculo quiete opus est ad fouendū & coquendum chylum. Ideo sapienter cauit natura, ne ex folliculo fellis ramum in uentriculum duceret.

ceret. Sed nascitur interdū in uentriculo praefina bilis ex adusta pituita & superfluitatibus alijs, quæ est admodum infesta uentriculo & in uomitu sæpè reijcitur. Sed in naturis biliosis, quibus maior est hic folliculus, & multū bilis in sanguinem regurgitat: fieri potest ut ex duodeno aliquid bilis in uentriculū quoque ascendat.

2. Splen uel lien in sinistro hypochondrio situs est, caua parte uentriculum amplectens, alligatus dorso & costis mendosis. Conditus est, ut feculentum & limosum sanguinem excipiat: quam ob causam & uena grandiuscula ducitur à uena portæ in splenem, qui canalis est huius limosi sanguinis. Adfluentem autem caro splenis rursus coquit & ex meliore eius parte nutritur. Nam & arterijs ab aorta descendentibus calefit ac adiuuatur: reliquum partim retinet, partim eructat in imū uentriculum, ut bilis atq; pars inde ex corpore expelli possit. Accidencia huius uisceris uaria sunt. Hominibus anxijs cura ac dolore seu mœstis crebro accidunt hypochondrij dolores. Fiunt enim obstructiones in uena, quæ ab epate ad splenem ducitur, propter quas cum purgari epar non possit, actio tota epatis impeditur, & paulatim epar corrūpitur & egestionibus & intercluduntur & fumi ascendunt in cerebrū & errores in cerebro efficiunt. Hoc
malum

malum Arabes uocāt Melancholiā Mirachiā. Ac multa digna admiratione in hoc morbo cōcurrunt. Nam sicut in ira cor pellēs sanguinem & effundens spirītus, simul ciet rubrā bilē in uesica fellis: ita cōtrario modo in mœstia cū refugit sanguis ad cor (quod quasi compressum arefit & cōsumptione spirītū lāgue scit) cietur atra bilis in splene, & effunditur. Hæc effusio dolores efficit in hypochondrijs & facit obstructiōes exitiosas. Sed initio mœsticiæ cordis repugnandum est, & diligentia adhibenda, ne intercludatur egestio.

3. Renes duo sunt, quorū alter sub epate, alter sub splene situs est. In his cōsid. sunt sex. I. Serosa superfluitas: τὸ ὀρρῶδες πλεῖστωμα. Aliquantulum sanguinis est subaquosus humor nondū percoctus, quē nominant utile phlegma καὶ κατὰ φύσιν & uehitur unā ut uertatur in sanguinē & faciat tenuiorē, ut sanguis penetrare uenas possit. Labitur aut simul excrementū ex tota massa sanguinea tenuissimū aqueū, cui⁹ nulla est utilitas amplius, propter nimiam tenuitatē, quod nomināt serosam superfluitatem, ὀρρῶδες πλεῖστωμα, quod est quiddā sudori simile, ut Græci nomināt ὀρρῶν: quod tātis per dū uenit ad cauā uenā, adiunat trāsītū sua tenuitate. Postea uerò cū ex epate ad cauam uenā sanguis puenit, iā hæc serosa humiditas copiosa, q̄ sit urina, uehitur. II. Vengemulgētes. Nā

à uena caua præter alios ramos, oriuntur duo
 ampli ramī figura literæ Λ. qui nominātur ue-
 næ emulgētes, q̄ hanc serosam superfluitatem
 segregatim à sanguine excipiunt, & ad renes
 transmittūt. Simul aut aliqd sanguinis eò in-
 fluit, ad nutriendos renes, estq; bilis admixta
 sanguini. Tendunt igitur uenę emulgētes ad
 duos renes. III. Substātia. Nā renū substātia
 est carnea, solida, dēsa, ne dissoluātur ab aquo-
 sa & biliosa superfluitate: & ut Galenus ait, ne
 sanguis quo renes nutriēdi sūt, unā cū aquosa
 superfluitate extillet. Additę sunt renib. maiu-
 sculę arteriæ, q̄ spiritū & calorē suppeditāt, ut
 renes percolare excremētū & sanguinē in nu-
 trimentū cōuertere possint. IIII. Vreteres.
 Nā in medio renū cauitas est tanq̄ lacuna ad
 deducendā urinā. Venę enim emulgētes non
 sūt in cauitatē demissæ, sed statim ubi renū car-
 nē attigerunt, spargūtur in multas exiles ue-
 nas, quib. renes sanguinē illū aquæ permixtū
 accipiūt, ut sanguine nutriātur: quo defecato,
 aqua & bilis in lacunā illam exudāt. Ab ea in-
 choatur in quolibet rene lōgus canalis, descē-
 dens ad uesicam. Hi duo meatus nominātur
 ορητῆρες: id est, urinarij: quia per eos defluit uri-
 na in uesicam. Quæ quia iam à sanguine segre-
 gata est, colorē aquæ habet, sed à bile tingitur:
 ideo non nihil flaua est & acris. V. Accidētia.
 Nam ut in terra gignūtur saxa, ex terra & hu-
 more

more pingui seu magis, seu minus uisto, uelut in caminis coquuntur lateris: ita in renibus ac plerumq; in lacuna, gignuntur calculi terrestri & glutinoso humore, qualis præcipuè ex fassamentis aut frixis excoquitur. Inde cū subsidit in renibus coagulum, renes immoderate caliditum natura, tum propter obstructionē, durant eam molem, sicut lateres igni durantur. Et quia in angustis illis cauernis & postea in ureteribus nerui distenduntur, interdū etiam urina impeditur: læsio neruorū ingentes cruciatus efficit. Et quia hic dolor peruenit ad uicina membra, uentriculus etiā afficitur & uomitus cientur. V I. Officia renum: attrahere scilicet aquosam & serosam superfluitatem ex uena caua & deriuare urinam in uesicam.

4. Vesica condita est, ut sit receptaculum paulatim excipiens destillantem urinam, ut collectam deinde effundat. Nam si hæc superfluitas non eueheretur, pleraq; membra rumperētur corpore impleto & redundante: imò suffocaretur homo cōpresso diaphragmate. In ea cōsid. sunt quatuor. I. Figura. Est enim penè similis urnæ, cuius fundus est amplior, orificium angustius, I I. Situs. Sita enim est in uiris iuxta rectum intestinum ad anum, inde porrigit ceruicem ad uirgam. Sed in mulierib. magis supra os matricis collocata est. Et sunt in mulieribus breuiiores & ampliores
urinæ

urinæ meatus: quare minus ibi afficiuntur calculi doloribus. III. Substantia. Constat enim ex neruea membrana, intexto triplici genere fibrarum. Rectæ enim attrahūt, obliquæ iuuant retentionem, transuersæ expulsionem. Sparsæ sunt in eam & uenæ, & arteriæ quedā. Ceruix eius carnosa est & habet anfractus, ut facilius retineat urinam: habet & muscolum unum inuoluentem eius os, factum ut cum uolumus, urinam expellat. Et si autem propriè una est uesicæ tunica: tamen eam circumdat & alius panniculus à *περιτοναία* ortus: atque ita *σπυτήρις* per utramq; tunicam infixi & sparsi sunt, ut meatus nō sint rectè oppositi, ne retrò fluat urina. IIII. Accidentia. Accidunt uesicæ solutio & morbi. Notabilis eius solutio est lethalis. Morbi sunt calculus, stranguria & obstructio. Calculus nascitur ex humore uisoso & terrestri, qui calore duratur: *σπασμὸς* est difficultas urinae emittendæ, ab *ἔρρος*, urina & *σπασμὸς*, colare & ui guttulas exprimere: *σπᾶξ* enim gutta est. Obstructio uicina stranguriæ est, cum meatus in ceruice (qua emitti urinam oportet) obstruuntur crasso & frigido humore: ita ut urina emitti non possit: quam id sæpè accidit ob calculum aut debilitatem uirtutis expulsiuæ.

V. VASA SEMINARIA.

Haftenus de membris nutritioni seruientibus:

tibus: sequuntur ea qua generationi seruiunt.

Semen animalis est utilis superfluitas ultimi alimenti sanguinei per totum corpus dispersi post quartam digestionem decisa, quæ attrahitur à uasis seminarijs, & perficitur, cōseruaturq; in testibus ad generationem.

Hic cōsider. sunt	{	Vasa seminaria	{	Præparātia	{	Duo canales.
						E'πιδιδυμῖς.
				Conseruantia παρασάττα.		Testes.
		Matrix.				

Duo canales, qui attrahunt utilem superfluitatem ultimæ coctionis, nominantur propriè uasa seminaria. Nam primò in dextro latere à ramo uenæ cauæ infra dextrum renem oritur uena: & non procul à ramo aortæ descendentis oritur arteria: quæ paulatim concurrunt, uelutî pyramidem efficientes & ad dextrum testem descendunt. Ac similia duo uasa in sinistro latere oriuntur: & uergunt harû pyramidû bases ad testes: suntq; inuolutæ ambæ panniculis, quia peritonæo oriuntur.

E'πιδιδυμῖς inuolucrum testium est uas ceu uesicula ex panniculis quibusdam cōditum, quo inuoluti sunt testes. In hoc inuolucro, quod est mollius, desinunt uasa illa descēdētia, & per eius poros liquor destillat in testes.

Testes, διδυμοί: id est, gemelli Græcis dicuntur: qui cum sint cauernosi & calidi, attrahunt & per-

& percoquunt semen, ut ibi albescat & uirtutem generatiuam accipiat : ut Galenus recte contra Aristotelem sentit. Cum autem testes qui sunt uelut spongiosi percoxerunt semen: rursus in illud inuolucrum, quod uocatur *ἡ δὲ δυνamis*, exudat: quia & calore testium & suo spiritu incitatur. Est enim semen plenum spiritu: quod à toto corpore oritur, sanum à sanis partibus, languidum à languentibus: sed plurimum à cerebro. Est igitur inimicissima cerebro & perniciosissima immoderata Venus. Hippocrates in lib. de semine: *χαρὶα τὸ πλεον τῷ γόνι ὅτι τῆς κεφαλῆς*. Regulari etiam est morbos certorum membrorum in natos propagari : unde apparet, materiam seminis ab illis parentum membris ortā esse: Cutis extrema quæ cōtinet testes, uocatur *ὄσχεον*. Latine scrotum, quod perperam scrotū uulgò uocatur.

Παρασάται sunt duo glandulosi & cauernosi canales, à testibus ad uirgam ascendentes, qui excipiunt & retinent semen. Nam ab inuolucro semen in hæc uasa uehitur, quæ propter similitudinem sic dicuntur: *παρασάται* enim significant columnas iuxta se collocatas.

In matrice μήτρα cō- sider.	{	Partes.
		Testiculi muliebres.
		Cotylidones.
		Accidentia.
		Inuolucra foetus.

Matricis duæ partes sunt: Hystera & Collum: ὤστρον, est receptaculum factum ut foetum continere possit. Collum est pars angustior, quæ est aditus longiusculus. Et quoniam receptaculum amplius est, qua parte uersus collum tendit: addita sunt cornua, ut quasi lunæ crescētis figurā referat. Nam hæc cornua sunt ligamenta, quæ matricem alligant coxis.

Testiculi muliebres siti sunt iuxta hæc cornua utrinq̃, minores uirilibus & frigidiores: sed tamen semen quoddam generantes. Amplectitur autem tota matrix foetum, nec distincti sunt in ea sinus, ut quidam uolunt.

Κοτυλιδόνες sunt orificia uenarum in matrice undiq̃ sparsa tali figura, qualis sit cauitas piscis in ceram impressis. Hæ in pecudibus magis conspicuæ sunt: sed in utero muliebri non cernuntur tam expressè: sed tanquam exilia puncta: quia meatus aliquos esse oportet, per quos uenæ & arteriæ aduehant sanguinē puriorematrici & per quos uicissim hauriant mamillæ partem sanguinis ex utero, quæ in lac mutatur, sicut inquit Hippocrates: lac mēstruo fraternum esse. Sunt igitur hi usus cotylidonium, afferre sanguinem puriorematrici, alere foetum & secundinam apprehendere, ut foetus in utero firmius retineatur & uicissim ad mamillas transfundere partem sanguinis ex utero, ut in lac uertatur.

Accidentia matricis sunt morbi, quibus varijs affici solet. Plato eam nominat animal propter sensibilitatem eius. Nam cum sit nervosa substantia & mirificam cognationem cum cerebro habeat, afficitur odoribus & agitur varijs motibus, qui tamen ei per accidens eveniunt.

Inuolucra seu fasciæ foetus tres sunt : *χόειον* & *ἀμνῶδες* & *ἐμβρυῶδες*. *χόειον* extremum inuolucrum est simile fasciæ, attingens proximè superficiem cavam matricis & excipiens cotylidones, quæ apprehendunt hanc fasciam: in quam & a foetu tendit *ὄρατος*: id est, meatus qui ab infantis umbilico oritur, per quem tunc foetus alitur. Ita prima fasciæ prehensionis & nutritionis causa condita est. *Ἀμνῶδες* est media fasciæ, similis farcimini, facta ut urinam excipiat, quæ primis mensibus per *ὄρατον* effunditur. Quia enim foetus nondum alitur per os, nondum fiunt egestionis ex ano. Sed cum fiat nutrimenti transuectio per *ὄρατον*, inde & superfluitas urinæ modo extrillat, quæ postea per uirgam emittitur. Ne autem rodât & lacerat teneram cutem in foetu, hic secessus ordinatus est. *Ἀμνῶδες* tertia pellis est & foetui proxima, Latinis agnina: quia tenerrima est. Non igitur attingit urina foetum tectum fasciæ agnina, sed in mediam pellem effunditur.

DE MEDIO VENTRE.

Hactenus de infimo uentre, qui continet organa nutritionis & generationis, quæ sunt uelut œconomica pars in homine. Sequuntur aliæ partes, quæ magis propriæ sunt hominis, & sunt fontes actionum, ut cogitationum, motus & affectuum. Nominatur autem uenter medius illa pars, quæ intra thoracem continetur: complectens cor, pulmonem, organa, respirationis & uocis.

In Ventre medio consider.	{	Panniculi 3. quibus	{	Diaphragma.
		est inuolutus : ut		Mediastinus.
	{	Partes: continet enim	{	Tunica cingens costas.
			{	Cor.
			{	Pulmonem.
			{	Organa respirationis & uocis.

I. DIAPHRAGMA.

Diaphragma est septum inter imum thoracis & culinam. Eius substantia carnea est duabus contexta membranis, dorso circa duodecimum spondylum alligata, ascendens autem in parte anteriore usque ad cartilaginem *xi* *thoracis*, ubi ossibus pectoris in imo alligatur. Foramina tria habet. Vnum in dextro latere, quo transmittit uenam cauam, unde sanguis ad cor transuehitur. Secundum aliquanto inferius, in latere sinistro, quo transmittit œsophagum ad uentriculum. Tertium uicinum

duo

duodecimo spondylo, transmittens rānum aortæ descendētem, & uenam ἀστυρον: id est, coniugis expertem seu pari carentem. Utilitates eius multæ sunt. I. Munit partes illas generosas. Et Plato inquit: sicut in ædificiis distinctæ fuerunt interstitia habitationes uiro- rum & mulierum: ita φέρεις sunt interstitium inter partem præstantiorem seu magis uirilem, & alteram inferiorem, quæ est tanquam culina. II. Mouet thoracem, ideoq; muscu- losa substantia est & motu thoracis iuuat re- spirationem. Fit enim attractio aëris, cum su- perior pars pectoris dilatatur, facta cōtractio- ne diaphragmatis uersus centrum. Rursus fit expulsio, eum à centro laxatur diaphra- gma. III. Motu suo iuuat intestina ad ex- pulsionem. IIII. Est sedes risus, ut Plinius arbitratur, qui gladiatores diaphragmate uul- nerato ait risu esse mortuos. Quia enim mul- tum habet neruorū, titillatio ciet ibi sensum acriorē. Est enim risus dilatatio orta ex acrio- re sensu neruorum.

II. MEDIASTINVS.

Mediastinus sunt gemini panniculi, uersus dorsum cōtigui, distātes uerò anteriori parte. Veteres uocarunt ὑμένας διαφραγματούσας μέσον τὸν θώρακα: id est, mēbranas intersepiētes medium thoracē. Diuidūt enim pectus secundū lōgitu- dinē per mediū, in dextram & sinistrā partem.

Et intra hos duos partes sunt capsula cordis & cor, & uenę cauę alueus in dextrum sinum cordis insertus. Diuidunt & pulmonem, ut gemina sit spirationis copia, ut altero latere languefacto, tamen alterum sit in officio.

III. PLEURA.

Pleura est panniculus intra diaphragma, totum thoracem tegens: qui nominatur tunica cingens costas. Subtilis & neruosa substantia est, extensa ut introrsum uestiat costas & musculos inter costas. Hoc loco morbus oritur pleuritis, cum affluunt humores ad musculos illos seu membranam & ibi inflammantur & putrescunt. Sequuntur autem febres ardentissimę: quia pars affecta non procul distat a corde & colligata est cum diaphragmate, quod cum sit uicinum, incalescit & motu suo auget inflammationem.

IIII. COR.

In Corde consider.	Aedificiū: hoc est	Cor ipsum: hoc est	Quomodo adiunctum sit corpori.
	Utilitas. Motus.		Substantia.
			Figura.
			Situs.
			Partes.

Capsula cordis, est proximum domicilium cordis, Galenus *περικαρδιον χιτων* uocat, multi inuolucrum cordis. Est autem membrana simplex, nullis intertexta fibris, sed firma & ualida, figura nucis pineæ, intus cauitatem habēs, quæ cordis domiciliū est, orta ab ipsis uenarū & arteriarum tunicis, quæ per hanc membranam ducuntur, alligata parietibus mediastini & diaphragmati firmis nexibus. Hoc inuolucrum munimentum est cordis, in quo ita latet, ut interuallo certo distet undiq; cor ab ipso, ita ut nec ipsi adhæreat, nec alterum ex altero natum sit. In hac arca existimant seu aquam seu madorem rori similem esse, qua sit opus ad cordis irrigationem in tam assiduo motu & tanto calore: qua aqua exhausta cor tabescit: idq; in mœsticia fieri scribitur. In hac arca pendet hic uitæ dominus, Cor.


Cor liberum est à reliquo corpore cui uitā largitur, nisi quod ei adiūctum est per uenas, arterias & neruos, quibus tanquā canalibus utitur: partim ut aliena beneficia accipiat, partim ut sua inde effundat.

Substantia cordis est proprii cuiusdam generis caro, dissimilis carni in reliquo corpore, spissa & benè compacta, intextis fibris seu uillis arctissimè intricatis, ut disertè distingui nō possint, sicut in alijs corporis partibus.

Figura cordis pyramidem utcunque imi-

tatur, sed basilatiore ac gibba. Plato ait ideo similem esse pyramidi quia sit igneæ naturæ.

Situs est, ut basis in qua generosissimi thalami sunt, exquisitè medium pectoris teneat: mucro autem erigatur non nihil ad sinistrum latus & ne occurrat ossibus pectoris, & ut sinistro lateri plus caloris tribuat, cum dextrum adiuuetur calore epatis.



Duo sunt cordis uentriculī seu thalami seu sinus: inter hos interstitium est, quod distinguit thalamos: quod cum sit crassum & firmum, non rectè tertius uenter dicitur. Ac ne quidem

quidem conspici meatus per hoc interstitium facti possunt, sed exudat sanguis in alterum uentriculum per angustissimos poros. Est autem dextri thalami hæc utilitas, excipere ex caua uena sanguinem eò influentem, qui ibi præparatur & in duas partes distribuitur: una pulmonem alit: altera subtilior exudat in sinistrum thalamum & in spiritus uitales conuertitur.

Duæ uenæ infixæ sunt dextro uentriculo. Caua scilicet, quæ est canalis sanguinis ab epate transmissi. Sparguntur autem & ab hoc ipso canale in summa basi exiles rami, coronæ specie, qui sanguinem euehunt minus subtilem, qui propriè cor nutritur. Altera uero ex ipso corde oriens, uocatur uena Arterialis: quia tunicas habet crassiores & arterijs similes, qua in pulmonem nutriendi eius causa uehitur sanguis subtilior, qui exhalaret, nisi uena munitior esset.

Sinister thalamus longè præstantior est & officina eius operis, quod præcipuum est cordis. Gignit enim spiritus uitales ex sanguine subtilissimo, qui ex dextro sinu eò exudat. Nascuntur in hoc uentriculo duo canales grandiusculi: arteria Aorta, omnium arteriarum in toto corpore stipes, per quas tanquam per alueos præcipuum cordis beneficium in omnes corporis partes manat, uidelicet halitus ille seu uiuifica

fica flamma, suo calore fouens omnia membra & actiones adiuuans. Arteria dicta est uel ab ἀρτήω quod firmitusculè compactæ sunt & uenas secum suspēdunt (nam adiunctæ uenis in totum corpus sparguntur) uel ab αἷρ & τμήρω, quasi custodem aëris & spiritus. Aorta significat Macedonica cōsuetudine uaginam, unde per similitudinem indita est appellatio huic arteriarum trunco. Galenus ait Aristotelem huius appellationis autorem esse. Apud Homerum Odyss. ρ. in descriptione peræ est nomen ἀορτήρ pro circulo à quo pendeat pera. Scinditur autem aorta paululum extra cor porrecta in duos grandes ramos, quorū unus ascendit, ut spiritum uitalē superioribus partibus aduehat: alter descendit aliquanto grandior. Occurrūt autem ramis uenæ cauæ, cum quibus simul per corpus sparguntur. Rarō enim sunt arteriæ solæ, non adiunctæ uenis. Ac iucundum est considerare consensum uenarum & arteriarum, & mutua officia. Nam arteriæ uenis adiunctis per angustissimos poros ac meatus impertiunt spiritum, qui calore uitali sanguinē exuscitat, percoquit & conseruat. Rursus etiam arteriæ hauriunt aliquantulum sanguinis ex uenis, quo uehitur, rigatur & augetur spiritus. Ideò inquit Galenus: *σωαντισμόνται μὲν καὶ ἀρτηρίαι τῶν φλεβῶν καθ' ὅλον τὸ σῶμα.* Atque hæc de Aorta, Arteria autem uenosa


noſa porrigitur in pulmonem & ex eo affert
aërem refrigerandi cordis cauſa. Affert enim
trachea aërem in pulmonem & iunctos ramu-
los arteriæ uenoſæ, qui anguſtis oriſicijs aërē
excipiunt, ut ad cor tranſmittāt. Rurſus à cor-
de euehit hæc arteria fumos & aërem nimis ca-
lidum, etſi unà aduehit pulmoni ſpiritus &
arterialem ſanguinem ad calefaciendum pul-
monem. Ad hunc uſum & figura accommo-
da eſt. Non enim perinde denſa eſt, ut cæteræ
arteriæ, ſed conſtat unica tunica, ut facile dila-
tari & conſtringi poſſit, ad exhalandū & reci-
piendum aërem: præterea ut facile exudet ſan-
guinem halituoſum, né ue duricie impediāt
motum pulmonis: ideoq; nominata eſt arte-
ria uenoſa. Eſt enim condita præcipuè aëris &
ſpiritus uehendi cauſa, & tamen figura imita-
tur gracilitatem uenarum.

Dextra auricula eſt ubi caua uena ſanguinē
in cor infundit. Huic oriſicio addita eſt mem-
brana, quæ ſinus & anfractus habet: in quos
ſpargitur aliqua pars ſanguinis, quā cor pro-
ximè haurit, ne uehemētiore attractione caua
uena rūpatur. Sicut in tota machina humani
corporis opifex cauīt, ne ſubito magnæ mo-
les trāsfundātur, ſed ubiq; moderationē & cō-
tationē amat & paulatim facit tanquā inſtilla-
tiones. Siniftra uerò auricula adiuncta eſt arte-
riæ uenoſæ, ut cōtantiuſ fiat aëris tranſfuſio.

Oſtiola

Ostiola sunt tenuissimæ pelliculæ, quatuor canalibus (cauæ uenæ, uenæ arterialis, aortæ, & arteriæ uenosæ) additæ, adeo exiles, ut difficulter oculis iudicari possint. Græcè *πυλώρις*: quia similes sunt cuspidi, habenti tres pinas: & quidem isti canales singuli sua propria talia opercula habent, quibus clauduntur & aperiuntur. Non autem solum hunc usum habent, ut prohibeant ne nimium influat aut effluat: sed etiam organa sunt attractionis. Nam motu cordis tensæ, tendunt & ipsæ canaliū tunicas, ut sanguinem, spiritum & aërem quem continent, pellant. Atque hæc de ædificio cordis.

Utilitas cordis prima & summa est, quod est fons & initium uitæ & caloris uiuifici & spirituum, qui sunt instrumenta cogitationis, sensus, motus. Ideo inquit Aristoteles: *καρδία ἐστὶν ἀρχὴ βίης πᾶσι μέρεσι καὶ μεταδιδοὶ θερμασίαν βιοτικὴν πᾶσι καὶ πνεῦμα τῷ ἐγκεφάλῳ καὶ ἥπατι*. Secunda est, quod sedes & fons est affectuum. Quamquam autem cor sentit suaues & insuaues motiones per neruos, qui à sexto pari neruorum cerebri in cor deducti sunt: tamen sua quædā est natura cordis, qua ciet affectus, læticia fruatur, & contabescit dolore. Sunt autem hæc in uita præcipua. Sensus, Cogitatio, Motus, Lætitia, Dolor. Horum ultimæ, propria cordis sunt: & ad hunc usum principaliter cor est conditum.



Pulsus est motus cordis, quo dilatantur & contrahuntur uentriculi cordis, ut attrahere aërem & exhalare possit: & ut generet ac trāsmittat spiritus. Nā cordi refrigeratione opus est: & aër hic in quo uersamur, temperat lucidissimā flammā quæ est spiritus uitalis. Præterea nec percoqui spiritus sine motu potest, nec in arterias expelli. Fit autē hæc dilatatio & contractio, *ἢ ἡ φύσις καὶ οὐ φύσις* sua quadam cordis natura, nec regitur a cerebro aut nervis: sed proprię sunt cordis fibrę huius motus causę.

Affectus est motus cordis, qui cogitatione efficitur & accēditur noticijs. Estq; totius cordis uel dilatatio, ut in lætitiā: uel cōpressio, ut in mœsticiā. Sed quomodo possunt corda ferri noticijs? aut quę uis est cerebri & spirituum ferientium corda, ut tam uarij motus ciantur? Hic ostendere aliam causam non possumus? quā quod natura sic condita sit, ut talis sit cerebri & cordis consensus ac *συμπάθεια*.

Sed

Sed explicatio faciliior est hīs, qui dicunt, cor
domiciliū esse propriū substantię animę.

V. PULMO.

In Pulmone confid.	{	Substantia,
		Officiū.
		Motus.
		Figura.
		Vtilitas.

Substātia pulmonis est caro aërea, rara, mol-
lis, spongiosa, similis coagulatae spumę san-
guinis, intextis in eam tribus fistulis, quę ue-
lut rete per totum pulmonem sparę sunt. Nā
trachea arteria, quę grandior est, pulmōni in-
feritur, cui occurrunt duo canales ex corde e-
missi (uena arterialis, & arteria uenalis) qui
spargunt exiles surculos per totum pulmo-
nem: & quia assiduē hauritur & emittitur aër
per tracheam arteriam, & per arteriam uena-
lem, continui sunt motus pulmonis, dilatatio
& constructio.

Officiū pulmonis est preparare primū
aërem, qui in cor transuehendus est.

Mouetur pulmo assiduē non motu thora-
cis, sed ratione uacui, ut sit agitatio mollior,
cū cedit thorax, qui à diaphragmate mo-
uetur.

Figura pulmonis imitatur ungulam bouis:
quia in duas partes à mediastino diuiditur &
singulę in imo binos lobos habent.

Utilitas eius duplex est. Factus enim est & spirationis & uocis causa. Spiratio cordi necessaria est. Affert enim pulmo cordi aërem, qui mitiget calorem cordis & spirituum: & hunc aërem antea præparat. Cor enim læderetur, si penetraret ad ipsum, aut aër frigidior, aut nimis copiosus. Suffocaretur autem cor copia spirituum & fumosi aëris, nisi rursus fieret exhalatio. Ideo & per pulmonem rursus emittitur fumosus aër: ideoque pulmo capax est multi aëris, ut paulisper omitta spiratione tamen cor accipiat & reddat aërem. Ac si deesset pulmo, breui interuallo omitta spiratione suffocarentur animantia. Ita spirationis causa pulmo factus est. Nec disputo de piscibus, quos dicunt non spirare, cum pulmonem non habeant, qui tamen attrahunt & emittunt aërem per branchias. Altera utilitas pulmonis est insignis, quod seruit formandæ uoci. Ut enim in fistulis hoc modo fiunt soni, cum inspiratum aërem lingua tanquam plectro formamus: ita propemodum fit uox humana. Pulmo ceu utriculus motus, aërem reddit tracheæ: hunc cum formant circuli in trachea & lingua seu *ἐπιγλωττίς*, fieri uocem experimur.

VI. ASPERA ARTERIA.

In aspera arteria, <i>παραίμα ἀρτηρία</i> consid.	Vfus.
	Figura.
	Substantia.
	Partes.
	Differentia ab œsophago.
	Disputatio, an sit canalis potus.
	Θυμός.


1. Aspera arteria ad geminos usus condita est. Primò, ut aërem ore & naribus acceptum, transmittat ad pulmonem, & inde rursus exhalant fumi cordis. Secundò est instrumentū formandæ uocis. Nam ad uocem opus est aëre, quo hæc fistula abundat: & motu, quo aër in hanc fistulam impellitur compressione pulmonis. Itaq; loci & partium oportunitas fuit in causa, ut hæc fistula fieret etiam uocis organum. Sicut autem oratores proximè adiuncti sunt regibus, ita cordi uocis organum est additum. Vide Erasmus in principio libelli de Lingua.

2. Trachea ceu fistula & mucronis figura descēdit in pulmonem, in quo finditur in duos ramos: ab his deinceps in ipso pulmone oriuntur innumerabiles fibræ.

3. Composita parum ex membranis, parum ex cartilaginibus. Nam oportet moueri tracheam cum accipit aut emittit aërem & laxari in expiratione & astringi in inspiratione.

Ideo

Idem fabricanda fuit ex mobilibus membranis, quæ sunt mollia ligamenta. Rursus quia est organum uocis, admiscendæ fuerunt cartilagine, ex quibus annuli in trachea facti sunt, & iuncti propemodum ut circuli in cauda cancri. Horum asperitas & uarietas ad uocem formandam necessaria fuit. Non enim fieri potest uox, nisi aër in aliquo repercutiatur. Vestiunt autem tracheam pāniculi, quorum is qui intus regit cartilagine, durior est, ut muniat eas, ne arrodantur ab acris fumis & catarrhis.



Totus canalis à nodo gutturis in pulmōnē porrectus, nominatur arteria trachea propter asperitatem cartilaginum, quæ intus uelut annulis distinctæ sunt. Est & totius fistulæ nomen βρόγχος, ut ait Galenus. Significat enim bronchum asperum & scabrum, sicut Plinius ait lib. 11. Senectus in equis intelligitur dentium bronchitate.

Cacumen tracheæ, quod Latini nominant nodū gutturis, Græcis est λαρυγξ & κεφαλὴ βρόγχου.

Constat tribus cartilaginibus: quarum anterior (quæ maxima & scuto similis est) dicitur *θυροειδής*: id est, scuto seu peltæ similis, quæ in collo eminet & digitis contrectatur. Secundæ cartilagini uetustas non fecit proprium nomen. Est autem retrò posita, ubi laryngem discernit ab œsophago, & quasi munimentum est contra œsophagum, ne in deglutiendo trachæa lædatur. Similis est annulo, qui in pollice gestatur. Tertia est inter alias duas, rimam constituens, & propter figuram nominata *ἐπίγλωττις* seu *ἀρυταίνοειδής*: id est, rostro fusorio similis in urceis, aut cantharis quibusdam. Recentiores uocarunt cymbalarem: quia uocis organum est.

Glottis est profunda rima in medio tertiæ cartilaginis: diciturq; glottis: quia propriissimum uocis organum est: ac latera contrahuntur & dilatantur peculiaribus musculis. Adiuuant autem hanc contractionē & dilatationem musculi, qui cæteras cartilagineas connectunt. Ita uariatur uox, ut sit acuta aut grauis, clara aut obscura, hac contractione laterum, rimam illam constituētium. Eam uarietatem fistulæ nō possunt efficere in ipsa rima seu lingua: sed foramina fistulis addita sunt, ad eam uarietatem efficiendam.

Epiglottis est operculum laryngis supra rimam: estq; corpus cartilagineum, figura trianguli,

guli, duriusculum, factum ut arceat cibum & potū, ne quid illabatur in tracheam arteriam. Singulari enim cōsilio Deus hos canales, oesophagum & tracheam distinxit, & periculi magnitudo ostendit, uelle Deū ut inter edēdum quietiores & taciturni simus. Quia cū uox editur, hiat operculum tracheæ, in quam cum infunditur uel exigua massa, nisi statim resciretur, secutura esset suffocatio. Et hoc periculū eò facilius accidit: quia trachea collocata est ante oesophagum.

5. Differunt oesophagus & trachea arteria, usu, situ, substantia & longitudine. I. Oesophagus est factus ad deuehendum cibum & potum in uentriculum. Trachea facta est spirationis & uocis causa. II. Trachea in anteriore colli parte posita est, ut rectā tendat ad os, hauriendi aëris causa. Oesophagus in posteriore est & magis latet, ut plus contineat caloris. Descendens autem nōnihil se flectit ad dextrum, ut cedat locum aortæ. Rursus cum ferè accessit ad diaphragma ad sinistrum flectitur ut cedat locum uenæ cauæ. Ita uelut seruus officiosè cedit præstantioribus membris. Sed anfractus illi prosunt, ut hoc membrum fulciant, & neruos excipiant, item ne impediat deglutiens. III. Trachea est ex cartilaginibus, ut sit firmior, nec toto suo corpore coëat, sed maneat meatus aëris in spiratio.

ctione. Oesophagus uerò quanquam neruea membrana est: tamen est substantia mollior quàm trachea & astringitur suis uillis, cùm est inanis. IIII. Trachea multò breuior est oesophago, qui sub diaphragmate attingit uentriculum: trachea uerò sub furculis inseritur pulmóni.

6. Disputatum est an trachea sit canalis potus: & hæc disputatio agitata est à Plutarcho, Gellio & Macrobio. Sed relinquatur inepta opinio, quæ finxit tracheam esse canalem potus. Quòd uerò poëtarum dicta citantur de rigando pulmone, facillima est explicatio. Verba quidem Alcei recitantur à Plutarcho:

τίγγε πνεύμονας οἶνον; τὸ γὰρ ἄσπον πνεύματα.

& Euripidis uersus est:

οἶνον ὅτι πρῶτος πνευμόνων ἀγγεῖος.

Certè opus est pulmóni & nutrimento & rigatione. Nutritur autem & rigatur per uenam arterialem, quæ subtilem sanguinem uenit in pulmónem: sanguis autem ex cibo & potu antea in epate natus est. Harum actionum ordinem non negant poëte, cùm dicunt uino rigari pulmónem.

7. Θυμὸς est sub iugulo circa pulmónem glandulosa caro substrata ascendentibus uenis & arterijs. Fortassis sic dicta: quia in iratis incensi spiritus ibi ascendunt, qui quidem pulmónem & caput inflāmant: ut uidemus ira-

sis rubescere oculos & totam faciem. Ac in ea parte interdum ualdè irati sentiunt acutissimas punctiones, propter concursum spirituum uehementiorem, & quasi æstum & euripum.

DE LINGVA.

In Lingua confid.	{	Os hyocides,	{	Nernis,
		Substantia ex		Arterijs,
		Vtilitas.		Venis.
				Musculis.

1. Os bifurcatum positum est ante laryngē, quod munit cartilagines laryngis, & basis est cui alligata est lingua per plurimos musculos. Galenus nominat *ϒoandis* à figura literæ *y*: alij *λabdondis*. Nam & lambda duos habet ramos. Sic enim unū tantum ramo alligata esset lingua, moueretur inæqualiter, trahereturq; tota ad unum latus. Vt igitur inæqualiter agitur, duo eam rami sustentant, supra quos libratur, ut machinæ fulcris impositæ. Herophilus nominat *παπασάρτω*, sicut in ædificiis usitatum fuit duas columnas uicinas nominare *παπασάτας*.

2. Lingua est caro musculosa, sed mollis rara, fungosa: plena neruorum, arteriarum, uenarum.

Musculorum artificium, quibus lingua uarie tenditur, non satis explicari potest.

Neruis abundat propter multiplices & uarios motus ac propter duos sensus, gustum & tactum. Et quanquam ñdem nerui gustum & tactum imperiunt: tamē ab his distincti sunt qui motum præbent. Ideoq; perculsi in ceruice interdum fiunt muti, etiam si non amittant gustum: læsa uidelicet neruorum origine, qui sunt instrumenta motus.

Arterijs abundat, quia opus est linguæ multo spiritu & calore propter tantam motus uarietatem.


Venis abundat, ne desit ei nutrimentum. Ac humiditas addita est, ne arescat lingua assiduitate motus. Quanquam igitur saliuæ est excrementum, utilitas tamen est linguam madefacere. Nam saliuæ excrementum est phlegmatis, destillans partim ex cerebro in fauces partim ex uentriculo exæstuans. Foramina enim condita sunt in osse basillari, quod inter palatum est & nares, tum aëris hauriendi causa, tum ut per ea destillet saliuæ: ob quam causam hæc foramina colatorium nominant.

3. Vtilitates linguæ humanæ sunt tres. I. Est opifex sermonis & eloquentiæ, mentisq; & cogitationum interpret. Format enim sermonem: id est, articulatam uocem. Nam in larynge uox, non sermo formatur. II. Est organum gustus, sicut & palatum. Pellicula (in qua sunt nerui, qui gustum & tactum ha-

linguæ suppeditant) oritur à neruis per palatum demissis ad linguæ radicem. III. Cibū excipit & adiuuat præparationem coctionis in masticando, ἐν τῷ μάσσειν, & transmittit ad œsophagum.

DE SUPREMO VENTRE

seu Capite.



1. Non sine causa talis est figura homini attributa, ut aliud nullum animal incedat erecto corpore. Est enim hic positus, & ad speciem pulcherrimus & ad utilitatem accommodatissimus. Vnde Ouidius:

HHh 5. Pronaq;

Pronaq; cū spectent animalia cetera terram,
 Os homini sublime dedit, cœlumq; uidere
 iussit & erectos ad sidera tollere vultus.

2. Figuram capitis optimam esse Galenus scribit: si imitetur spheram exactè rotundam, sed quæ paulatim utrinq; comprimitur & fit arctior. Ac laudat magnū caput pro proportionē, & ut ipse ait, ὑπερβολον. Homerus in uituperatione Therisitæ etiā hanc notam peruersi ingenij posuit, quod habuerit acuminatū caput. Sic enim Iliad. β ait:

ποσδὲ ἰὺν ἔσπευεν ἄνω.

Quia enim medius uenter non habet iustā amplitudinē, spiritū actio & ratiocinatio ibi impeditior & cōfusior est. Et in quacūq; parte capitis figura non habet convenientē proportionem, ibi debilitas significatur, ut exempla manifestè ostendunt. Non est firma in his memoria, qui habent occiput nimis paruum seu non eminens.

3. Utilitas capitis est continere cerebrū & sensuum organa, quæ sunt partes gubernatrices uitæ & cognitionis causa conditæ & sunt domicilium lucis diuinæ in nobis.

4. Cranium est totū os regens caput, quod munit & cōtinet cerebrū: κρανιον, Latinis Caluaria. Quia uerò meatus esse oportuit certarū utilitatum causa: ideo hæc testa non est unum & continuum os, sed septem ossa coniuncta sunt futuris, quæ præbent meatus. Etsi

Etsi Capilli sunt superfluitates: tamē aliqua eorū utilitas est. Calefaciunt caput & in eam materiam eduntur halitus cerebri.

Sub capillis crassa & carnea cutis est, ut pili in ea radices agere possint. Sub cute parū carnis est, circa frontem & tempora.

Pericraniū est pāniculus circūdans totū os capitis ortus à nervis & ligamētis per suturas prodeuntib. à dura matre. Eius utilitates multæ. Alligat enim cranio duram matrem. Excipit & sustentat uenas & arterias, quæ per extrema colli sparsæ ostendunt ad caput, ut ingressæ per suturas nutriant & foueant cerebrum. Præbet deniq; sensum cranio.

M E N I N G E S.

Veteres Græci generaliter nominant *μνιν* quaslibet crustas seu membranas circumdantes aliud corpus. Postea hæsit appellatio in his membranis tātum, quæ ambiunt cerebrum: ut indicat Galenus lib. 9. Anatom.

Crassa meninx seu dura mater, est pāniculus nerveus, crassus & firmus, sed tamen porosus, cranio p̄ximus: ambiēs totā cerebri molē, ita ut etiā ipsum cerebrū à frōte ad postremā partem (quæ nominatur cerebellū) diuidat secundum longitudinē, efficiatq; interstitium: ut etiā in pecudū capitibus cerni potest. Deinde cum cerebellum (quod nominatur *παρακίφα* & in postrema parte capitis sitū est) magna

ex parte seivētū sit ab altera mole cerebri: hīc quoq; dura mater facit interstitium inter utranq; molem, secundum latitudinem. Vfus huius membranæ est munire cerebrū molliore tegmine quā erat cranium, ne motu uehementiore in craniū impingens læderetur. Sustentat etiam uenas, quæ nutriunt cerebrū & uicinas partes, & adiuuat piā matrē in quā inseritur, ut firmitus suspendat cerebrum.

Subtilis meninx seu pia mater, est subtilis panniculus, nerueus, proximus cerebro, non modò ambiēs ipsam molem, sed etiam penetrans intra uarias plicaturas, quæ conspiciuntur in cerebro. Et quia proximè ambit cerebrum, & tanquam fouet, ut foetus in utero fouetur à chorio: hanc membranā Galenus uocat *χουοαδιū*. Vtilitates sunt. I. Vt tanquam mollis fasciola uestiat cerebrum ne defluat. II. Venas & arterias nutritionis & calorīs causa colligit & sustentat, & in ipsum cerebrū tanquam subtilissimos canales transmittit. III. Impertit cerebro sensum, quod per se alioqui non sentit.

CEREBRUM.

Cerebrum est domicilium sapientiæ & officina cogitationum, iudicij, ratiocinationis & memoriæ. Oritur à subtilissima parte seminis & plena spirituum, quæ in formatione foetus in illam arcem summam quasi exæstuat, cum

cum epar & cor, & uenulæ inchoantur. In cerebro sunt amplæ cauitates, uelut in ædib. aut templis ardua laquearia, quæ nominantur uentriculi: plenæ spirituum, qui per arterias assidue ex corde aduehuntur, & in his cauitatib. sūt lucidiores, & quasi ex igneis flammis sūt coelestes. Est enim omnino similitudo quædā coeli & spirituum ac cerebri: qui spiritus sunt organa actionum in sensibus interioribus. Ac Plato sigilli similitudine significat a spiritu tanquā sigillo tangi cerebrum & imprimi ei notam. Cumq; initia harum actionum sint a sensib. exterioribus: motiones in neruis trāuehuntur, sicut in aqua fiunt gyri coniecto in eas lapillo. Harum motionū progressio perfertur ipsiis spiritibus in cauitates cerebri: & ut chordæ pulsæ reddunt sonos: ita in corde affectus, & in cerebro cogitationes fiunt, cum pulsantur a spiritibus. Ventriculi autem seu cauitates cerebri tres numerantur, Anterior, Medius & Postremus.

Anterior uentriculus in anteriore cerebri parte, in duos uentres diuiditur, dextrum & sinistrum, qui sunt amplī longi, figura Lunæ recens prodeuntis, amplitudine oui. Distincti sunt interstitio satis conspicuo, quod ex substantia cerebri propagatum est. Utilitates horum tres sunt secundum Galenum. I. Ut spiritus animalis in ipsiis præparetur. II. Ut recipiant

recipiant & amittāt aërem quo opus est ad fōuendos spiritus. III. Vt sint spacia & meatus excrementorum. Tota uerò anterior cerebri pars organum est sensus cōmunis, quod diuersorum sensuum obiecta recipit & discernit.

Medius uentriculus est communis cauitas: sub ea testudine quam partes cerebri anteriores continuæ post interstitium efficiunt. Herophilus putat factum esse ut per eum spiritus transmittatur in ultimum uentriculum, qui est inter cerebellum & initium medullæ spinæ dorsæ. Clauditur autem medius uentriculus uersus anteriorem partem glandula seu conario.

Postremus uentriculus est ampla cauitas, penè oui magnitudine, quæ sinus est partim cerebelli, partim initij dorsalis medullæ. Distinguuntur autem cerebrum & cerebellum interstitio ex dura matre orto, nec alia pars duræ matris crassior & firmior est. Est que uia à medio uētriculo in postremum sub natibus, quæ sunt substantia cerebri tubercula, figuratum, eo loco ubi principium est dorsalis medullæ. Cū autem manifestum sit læso cerebello memoriam labefactari: uerisimile est postremum uentriculum organū esse memoriæ & recordationis, rerum imaginib. ceu notis in cerebellum impressis; In cerebri fabrica

brica mentio fit quarundam appellationum, quas definiemus.

Nates binæ sunt supra medium uentriculum uersus cerebellū, de quibus paulò antè.

Vermes sunt exilia uolumina specie uerminum, procedentia à cerebello uersus mediū uentriculum.

Χοάνη, infusorium seu infundibulum à forma dictum, est sub medio uentriculo uersus os basilare, ita formatum ex pia matre cingente basin cerebelli, ut crassiores superfluitates cerebri (quæ deinde in sputum uertuntur, aut per nares excernuntur) excipiat.


Πότα ☉, peluis est glandula sub *χοάνη* sita in cauitate ossis basilaris, in quam effunditur superfluitas ex *χοάνη*, ac partim uersus palatum, partim uersus nares euehitur.

Rete mirabile, *πλέγμα διπνονδης*, contextus quidam est arteriarum intra os basilare, substratū toti cerebro. Sed in capite hominis negant hunc insignem contextum esse.

N E R U I.

A cerebro oriuntur nerui, qui sunt instrumenta sensuum & motuum, qui sunt in organo sensuum. Aristoteles & quidā stulti eum sequentes, neruos à corde oriri clamant, contra *αὐτοψίαν* ipsam & Anatomæ experientiam. Hos clamatores insanos derideto.

O C V L I.



Oculi inter sensus dominantur, quos inquit Plato præcipuè nobis duces esse ad agnitionem Dei & lucis.

1. Alba tunica (quæ & coniunctiua seu adhærens dicitur) oculum capiti coniungit, oritur à panniculo tegente ossa frontis, & ab interiore pellicula palpebrarum. Hæc ambit oculum usq; ad circulum corneæ.

2. Cornea seu dura, anteriore parte imitatur laminas pellucidas ex cornu factas, colore & firmitate. Oritur à dura meninge. In anteriore parte est perspicua: in posteriore opaca & durior, unde σκληρὰ dicitur.

3. Vuea *παροειδής*, contigua est duræ tunicæ, oriturq; à tenui meninge tegente neruum opticum. In huius anteriore parte pupilla est, quæ est foramen, quo recipiuntur species visibiles: cuius foraminis ambitus dicitur iris, propter colorū uarietatē: quia in alijs cerulea est iris, in alijs nigra, in alijs fulua. Nā Gaza *καποπὲρ* uertit fuluū, ut sunt oculi leonū, aquilarum,

rum, turturum. Hunc colorem ait Aristoteles ingenij & animi præstantiam significare.

Ἀμφιβλυσσωνδύς à sagena piscatoria dicta, est nerui uisorij dilatio in cavitatem similem nassæ. Complectitur totam posteriorem sedem uitrei humoris & porrigitur usq; ad medium oculi.

5. Aranea est interstitium tegēs uitreum & crystallinum humorē, & discernens ab aqueo: ac efficiens crystallino humori ueluti glaber-
rimi speculi superficiem, ut in ea reddi & ful-
gere imagines seu species acceptæ possint: ac
longè omnia specula claritate uincit.

	{ Aqueus.
Humores tres sunt	{ Vitreus.
	{ Crystallinus.

1. Aqueus (qui fluidus est) continetur inter corneam, ut sit inter eam & araneam interual-
lum utile refractioni, qua species collectæ di-
rigantur ad centrum crystallini humoris.

2. Vitreus uitro liquefacto similis est, nigre-
dine quadam mixta albo: nec est fluidus, sed
aliquanto firmior: est que sedes crystallini hu-
moris, qui huic uitreo insertus est, ut gemma
annulo: dicitq; Galenus à uitreo nutriri cry-
stallinum.

3. Crystallinus omnium præstantissimus
est, in quo immediatè sit uisio. Est enim tan-
quam lucidissimum speculum, sua natura nō

aliunde lucens, & cæteras oculi partes in quibus est lumen, illuminans. Nec est fluidus humor, sed paulo firmior, penè ut cera, ut recipere imagines possit, figura lentis in centro oculi. Interdum fulgor, ut in fele, effundit lumen extra oculos: unde existimari potest, qualis sit luciditas huius humoris.

A V R E S.

Non omnia oculis accipiuntur, quæ discimus, sed multa sermone traduntur: imò doctrina ministerio oculorum & aliorum sensuum inchoata, sermone exædificanda est.

Aurium substantia cartilaginea est, mollis & tenuis, quæ gyros & anfractus intus habet, ut sonos paulatim colligat & cõtineat, ne subito irruentes in organum auditus, aut confundantur aut organum lædant.

Foramen est in ossibus, quæ *λιθοειδῆ* petrosa dicuntur, in quo duo sunt panniculi subtiles & solidi orti à nervis auditivis. Vnus panniculus continet & alligat ossiculum simile incudi, quod tamen extra panniculum supra, ubi feritur, eminet. Alter panniculus sustinet ossiculum, simile malleo, parte superiore nervis membranulis incudi connexum, sicut chorda tympano intenditur. Auditio itaque in illo meatu fit per spiritus in nervis, & excitatur spiritus percussione illa: qua malleolus impulsus à sonis, ferit incudem.

N A R E S .

Tria magna narium beneficia sunt;	Attractio	Aëris & exspiratio. Odorum, ut iuuent cerebrū ac foueāt, augeantq; spiritus animales.
	Euectio pituitæ,	cerebro ualde necessaria.

Substantia est inferius magis cartilaginea,
superius magis ossea.

Supra nares ossi frontis insertū est os quod
multa exilia foramina habet, quæ sunt me-
tus & aëris & odorum quod dicitur ἡθμοειδές
id est, colatorio simile & σπογγοειδές: quia mul-
ta in eo foramina cōspiciuntur, uelut in spon-
gia. Recentiores putarunt ideò dictum cola-
torium: quia sit meatus pituitæ. Sed constat
alios ampliōres pituitæ canales esse ex ῥοάνη
ductos infra oculos, uersus nares: qui utrinq;
naribus inseruntur mediocri interuallo in-
fra ἡθμοειδές. Nec uerò dubium est, foramina
illa in osse ἡθμοειδῆ facta esse spirationis & o-
dorum causa. Via enim proxima est ex eo os-
se ad extrema priorum uentriculorum ce-
rebri. Et ab illa extrema parte cerebri de-
scendunt duæ propagines ex substantia ce-
rebri in os ἡθμοειδές, sparsæ ad foramina,
& ut sint gemina organa, interstitio solidi

osis distinctæ. Has propagines uerum olfactus organum esse tradunt: unde & odores in priores cerebri uentriculos transmittuntur. Hæc sententia de organo olfactus magis probatur eruditis, quàm quæ alijs de carunculis mamillaribus dicunt, quæ sunt supra oculos, ut expleant cauitates ossium frontis, per quas carnes nulli sunt ad cerebrum meatus. Manifestum autem est odores ad cerebrum trāsue-
hi oportere, cui profunt. Atq; hæc hætenus de Corporis humani partibus dissimilarib. Sequuntur similes.

DE PARTIBVS SIMILARIBVS.

Partes similes homin- um generis sunt quæ reti- nent appellationē totius tius & sunt 9. quæ os- riuntur uel ex	{	Sanguine, ut Caro.	{	Os.
		{		Cartilago.
	Nervus.			
	Ligamentum.			
	Chorda.			
	Vena.			
	Arteria.			
	Panniculus.			

1. Caro, *σαρξ*, est substantia sanguinea, quæ fit cum crassior pars sanguinis coagulata, sua quadam coctione fit corpus solidū & molle.

2. Ossa, *ὀστέα*, fiunt e semine, cum id quod crassissimum est, à calido urente induratur, sicut lapides coquuntur à calido urente. Sunt autem

autem ossa uelut truncus sustinens reliquum corpus.

3. Cartilago, *χόνδρος*, est osse mollior & alijs omnibus membris durior. Facta ut sit fulcrum mollius quam ossa & ne ossa inter se durius collidantur.

4. Nervus, *νεῦρον*: est substantia è cerebro aut spinali medulla orta: tenuis, mollis & alba tenuissimis uillis per longum contexta: quæ est instrumentum præcipuum sensus & motus. Nam nerui à cerebro & spinali medulla quasi transuehunt uim sensitiuam & motiuam ad membra spiritu impulsa. Etymologia nominis est apud Galenum, *νεῦρον* à uerbo *νύω*, quod est nuere, agitare: quia nerui sunt instrumenta uoluntarij motus. Duplices autem sunt nerui, Molliores & Duriores. Molliores oriuntur ex cerebro, eorumque septem paria sunt, quæ partim ad sensuum organa perueniunt, partim sparguntur in alia membra, ut in uentriculum. Vnde apparet membrorum *συμπάθεια*: Duriores oriuntur à spinali medulla: numeranturque triginta eorū paria, quæ passim in totum corpus sparguntur. Duriores autem sunt: quia non solum sensus, sed etiam motus instrumenta sunt. Quod autem ad uillos attinet, uocantur ἢ subtilissima fila, tenacia & solida, Græcè *ὄνυχα*. Nec unum genus est uillorum; sed neruorum uilli nihil

sunt nisi tenuissimæ partes nerui: & his uilli in panniculis cognati sunt. Verum in corde nulla est cognatio uillorum cum neruis. Ibi enim uilli sunt ex substantia cordis, quæ tota est caro naturæ cuiusdam peculiaris. Cæterum ut uoluntario motui seruiunt nerui & musculi: ita naturales motus (attractiones & expulsionones) cient uilli, naturæ nerueæ, ubicunque sint in tunicis: ut in uentriculo, uescicis, intestinis, arterijs.

5. Ligamenta, *συνδσμοι*, sunt membra neruis similia, alba exanguia & sine interiore cauitate, duriora neruis: tametsi mediocris est duricies, ne nimis dura impediunt motum iuncturarum, ne ue nimis mollia rumpantur, aut faciant dislocationes. Cognationem habent cum ossibus, non cum neruis: oriuntur enim ab ossibus & omni sensu carent. Utilitas est multiplex: Alligant ossibus cætera membra, ut cor, uentriculum, matricem, uescicam: alligant & musculos ossibus. Aristoteles improprie nominat neruos: quos medici à ligamentis rectè discernunt. Est enim dissimilis origo & natura ut diximus.

6. Chordæ, *τσούρις*, membra sunt composita ex neruis & ligamentis uenientibus ad musculos, in quorum extremitatibus natae trahuntur inde ad iuncturas, ut eas moueant

cum

cum volumus. Nam musculus est mediatum organum uoluntarij motus iuncturarū: chordę immediatum, quę quidem trahuntur a musculo. Musculus uibratus spiritu (quem nervi afferunt) mouetur suę carnis natura, & suis quibusdam fibris & se dilatat & contrahit, ut hac dilatatione uel contractione τένειν trahatur. Constat igitur τένειν ex nervo & ligamento, ut nervus suppeditet sensum & motum. Sed ne rumperetur, fuit opus alio duriori uinculo: ideo additum est ligamentum. Homerus Iliad. 10. ait: Doloni collum esse sectum & duas chordas præcisas: quia in ceruice ascendunt duę admodum crassę & conspicuę chordę, quę alligant caput trunco, ac proprię usus est Homerus appellatione τένειν:

— ὅδ' αὖχένα μέθορον ἔλασσε

φασγάνῳ αἰξίας, ἀπ' οὗ ἄμφω κίρσσε τένειντε.

Musculus autem seu lacertus est quiddam confartum & torosum, compositum ex nervis, carne & ligamento. Inferuntur autem musculis uenę & arterię, nutritionis & calefactionis causa & totum opificium panniculo tegitur. In ima parte musculi oritur τένειν à nervorum uillis & ligamento. Nomina musculi & lacerti sunt à figura sumpta: quia alia parte tenuiores sunt, alia torosiores & ampliores, & pendet inde τένειν uelut cau-

da. Sunt autem plures quadringentis passim in corpore, ut multæ partes sunt, quæ uoluntarijs motibus cientur.

7. Venæ, φλέβες, sunt canales tenui tunica, uel hentes sanguinem crassiores, quo nutrimur. Galenus censet primam earum originem in epate esse & stipitem esse magnum & amplū canalem, qui nominatur uena caua: quia ut truncus arboris maior est, à quo rami & frondes oriētes sunt graciliores: ita iudicat ramos uenarum à grandi aliquo uase oriri. Et sic Hippocrates ait: ἡ ρίζωσις φλεβῶν ἡπαρ.

8. Arteriæ, ἀρτηρίαι, sunt canales tunicis densioribus & firmioribus facti, quorum meatus sunt angustiores, & uehunt spiritus uitales, cum riuulo tenuissimi sanguinis. Origo autem in corde est, ubi stipes est conspicuus, Aorta. Ideò autem necesse est densiores esse arterias ne spiritus exhalet: ac sextuplo crassiores sunt arteriæ quàm uenæ. Interior enim tunica quintuplo crassior est, quàm uenarum tunicæ: hanc ambit alia tunica exterior tenuis. Pulcherrimo autem fœdere iunctæ sunt uenæ & arteriæ, ut uenæ suppeditent spiritui materiam, spiritus in arterijs calore suo foueat sanguinem. Ac mutua sunt orificia, ut spiritus ceu flammula rapiat nutrimentum ex uenis & uenæ spiritum, & calorem ex arterijs.


9. Panniculus, *ὑμὸν*, est tenuissima membrana ex nervis & ligamentis facta, sed in alijs plus est naturæ nerueæ, in alijs plus ligamentalis. Alij enim alijs crassiores sunt, muniunt & alligant membra & impertiunt sensum perisq; ut epati, cordi, pulmōni, spleni, renibus. Sæpe *χιτῶνις* & *σκεπάσματα* à Galeno nominantur. Atq; hætenus de corporis partibus solidis: sequuntur fluidæ, ut Humores & Spiritus.

DE HUMORIBVS.

Humor est liquidum & fluidum corpus, in quod cōuertitur nutrimentū in epate, ut corpora nutriantur & conseruentur. Vt enim in omnib. mixtis insunt diuersę partes, alię igneę, alię terrestres, alię aquosæ, alię aëreæ. Ita in massa sanguinea, postquā hæc in epate cocta est, igneū quiddā est ebulliens, id nominatur flaua bilis. Inest & terrestre quiddam, ut acra bilis. Manet ibi etiam quiddam aquosum, ut phlegma. Reliqua pars aërea appellatur sanguis. Hæc discrimina humorum Galenus pingit uenusta similitudine musti. Vt in mustis efferuescētibus ebullire uidemus, id quod tenuius est & spumę simile (quod ipse nominat *ἀνθρ*) deinde quiddam inesse aquosum: subidere etiam feces, & præter purius quiddam & melius temperatum, quod uini substantia est: ita in massa sanguinea leuior spuma est bilis flaua; humor subaquosus est phlegma: fe-

ces bilis atra: sanguis pars optima est & nutrimenti præcipua. Et si autem ex singulis partibus aliqui riuuli unà cum sanguine in nutritione uehuntur: tamen ut massa nutritioni destinata sit purior, prius in epate fit segregatio. Sunt enim & alij usus flauæ & atræ bilis: ideo uicina uasa condita sunt, fitq; purificatio sanguinis in media parte epatis. Hic ergo confid. sunt Species & Effectus.

I. SPECIES HUMORVM.



Naturales humores sunt qui ordine naturæ & magnarum utilitatum causa in corpore humano nascuntur.

SANGVIS est humor calidus & humidus, sed temperatus, dulcis, aëreus, pinguis, optima & præcipua pars nutrimenti. Et si enim semper cum sanguine uehuntur reliqui humores & simul fiunt nutrimenta (ut sanguis dilutus phlegmate magis alit frigida & humida membra, ut cerebrum: biliosus magis alit pulmonem: melancholicus magis alit ossa) tamen præci-

præcipua nutrimenti pars est sanguis. Nam nutrimentum oportet esse dulce aut dulci succo dilutum.

PHLEGMA est humor subaquosus, qui cœpit coqui ut fiat sanguis, sed nondum percoctus est. Ideo est subalbus, insipidus, tenuis, non pinguis, nec calore æquans sanguinem. Utilitates eius sunt, quod ex eo fit sanguis cum paulatim magis coquitur: quod ardorem sanguinis mitigat: quod prohibet ne sanguis fiat densior & aridior: quod cum sanguine alit cerebrum & alia phlegmatica membra.

FLAVABILIS, ξανθὴ χολή, est spuma sanguinis calida & sicca, quæ fit cum calidiores & sicciores partes chyli propter fortem calorem sic ebulliunt. Saporis est amari, qui proprie dicitur μικρὸς, ut Galenus expressè discernit utramque bilem saporibus: αἰταὶ τῶν χολῶν, ἡ μὲν αἰ μικρὰ φαίνεται καὶ ὡς μικρῶ μέρει ψάσσει τῆς γλώττης: ἡ μέλαινα δὲ ὀξεύει. Colores etiam in non vitiosa bile differunt: aliàs magis, aliàs minus rubet, quare & rubram, & flauam nominant. Utilitates eius sunt, dissipare & penetrare, aperire meatus ubi cum sanguine uehitur & simul alere membra cognata, ut pulmonem. Nec tota uehitur cum sanguine. Sed maior pars deriuatur in folliculum fellis, quæ & ipsa est bilis non vitiosa. Sunt autem ex felle meatus, qui uehunt flauam bilem ad intestina,

intestina, ut inde pellat feces. Aliud autem est *χολή*, aliud *χολέρα*. Cholera enim est morbus a bile largiter influente in uentriculum & erumpente per uomitus & inferiora.

ATRA BILIS, *μλαγχολία*, est humor magis crassus & terrestris, qui in sanguine subsidit, propemodum nigro & spissiori uino similis, sed est frigidus & siccus. Pars uehitur cum sanguine, quæ tamē quia diluitur sanguine, pontici saporis magis est, quàm acidī, ut acacię seu cydonium: reliqua deriuatur in splenem, quæ est acida. Vtilitas eius est sanguinem reddere spissiore & astringere & ubiq; adiuuare retentionem, & unā cum sanguine nutrire melancholica membra, ossa & splenem. Atq; hæc de naturalibus humoribus.

Præternaturales ac uitiosi humores sunt, qui in ea crasi existūt, quæ multum ab æqualitate recedit aut corrupta est. De his uitiosis humoribus loquitur Plato cū ait, bilem flauam & atram accēdi ut uitia in sanguine: nec nutriri eis corpora, sed inimicos esse temperamento, *ὁ δὲ μίαν τροφὴν ὡς σώματι παρέχειν*. Sed hi humores dupliciter corrūpuntur, aut quia substantia ipsa degenerat, aut quia miscentur alijs uitiosi.

SANGVIS primò degenerat cū putrescit clausis poris ac uertitur in bilem uitiosam, unde oritur continua febris, Deinde corrumpitur

tur admixtione alterius humoris: ut in hydrope massa sanguinis uitiatur affluente humore nō cocto in epate: in ictericis affluēte bile.

PHLEGMA nō naturale uel crudum est, uel falsum, uel acetosum. Crudū est humor aquosus, frigidus & humidus, redundans in corporibus propter infirmam coctionem: idq; aliās tenuius est, quod sputo uel per nares eñcitur, & interdum (ut in coryza) largiter destillat, aliās crassius est, quod uomitu & egestionib. interdum eñcitur. Salsum est cū phlegmati miscetur rubra bilis: quod quidem ex sapore sputi facile iudicari potest & in corporib. in temperantium, qui salsis cibis utuntur, nascitur copiosius, ac inde perniciosi catarrhi oriūtur. Acetosum est cū miscetur atra bilis.

FLAVA BILIS per se degenerat cū aduritur & fit cinerea, densa & mordax. Et sic in picrocholis degenerat paulatim uel ætate, uel uehementiorib. motibus: quare tales *πικρόχρο-
στοι* senescentes fiunt furenter iracundi. Ex admixtione aut alterius humoris fit uel citrina, uel uitellina, uel prasina. Citrina seu pallida est, cui immiscetur tenue phlegma & rubor diminuitur. Vitellina est, cui crassius phlegma admixtum est: sic dicta quòd color imitatur uitellum oui. Fiunt autem febres tertianæ nothæ ex bile cui phlegma admixtum est. Prasina bilis à Galeno sic appellata, est crudus humor.

mor in uētriculo nimis uisus, cui aliqua bilis influens in uentriculum admixta est. Iacobus de Partibus ait hanc non esse uerè bilem. Dicta est Prasina quòd uiriditas imitatur colorem porri, qualia sæpè uidemus esse infantium excrementa aut aliorum. Et cum uiriditas est obscurior, nonnihil ad fuluum colorem accedens, uocatur hæc bilis æruginosa, ἰώδης ab ἰός rubigo. Nam rubigo uetus quasi uirescere incipit. Talis bilis uomitu sæpe eijcitur.

ATRA BILIS uitiosa est cum uel cæteri humores, uel ipsa atra bilis ita adurit, ut humor cineris naturam crassiorē & mordacē referat. Nam & Hippocratis aphorismus testatur de-generare sanguinem, ac rubram bilem in atrā, cum adurantur clausis poris ὡσαύτως τὸ ἐπὶ χολῶν καὶ ἐν αἵματι σῶμα μιλαρχοποικὸν γίνεται, μὴ ἔχον ἐξέρρω-sias. Pariter biliosum & sanguineum corpus fit melancholicum, ubi non effluunt seu exhalant fumi. Et hinc multiplices amentię existunt. Cum melancholia est ex sanguine & diluitur modico sanguine, efficit amentias ridiculè lætantium: quale aiunt fuisse delirium Democriti hilariūs, qui ridere solebat hominum stultitiam, eaq; animi tranquillitate uitam produxit usq; ad annum centesimum nonum suæ ætatis. Cum uerò melācholia est ex rubra bile aut diluitur multa rubra bile, fiunt atroces furores & manię, qualis fuit Hercules

& Aiacis furor. Vt Virgilius de ira Herculis inquit:

*Hic uerò Alcide furijs exarserat atro
Felle dolor*

Etsi enim rubra bilis in ira cietur, tamē Virgilius atram nominat: quia rubra mixta est atræ copiosiori, imò & uritur, ac uesut cinerea est simul cum atra. Si diluitur copioso phlegmate, fit inusitata segnicies: ut fuit illius qui cum mente erraret, ferè perpetuò dormiebat, summissè loquebatur, nec excitabatur nisi citharæ sono, quem cum audiret, capite erecto, arridere incipiebat & interrogatus hilariusculè respōdebat: Si ipsa atra bilis redundans per se aduritur, fiunt tristitiæ maiores & fugæ hominū, qualis fuit Bellerophontis mœsticia:

*Qui miser in campis errabat solus Aleis,
Ipse suum cor edens, hominum uestigia uitans:*

Vt inquit Homerus. Sed hæ species mirarū uarietate miscentur, sicut temperamentorum uarietas multiplex est. Vina quā uariè rēperata sunt? Creticum, Italicum, Rhenanum, Neccareum, quantum differunt? Quia ex terra & aëre succus in uitibus differt. Ita species humorum eadem in alijs generosiores, mitiores & puriores sunt. Homerus mœsticia mortuus dicitur, ænigmati perplexitate uexatus. Heraclitus Ephesius sepè lacrymabat

bat senex, deplorans hominū miserias, quem quidem melancholicū fuisse etiā Theophrastus scripsit, tribuens melancholiæ, quod obscura & confusanea scripsit: quæsiuit solitudines & immundicie uictus hydropicus factus est. Postea sperans se aquam illam intercutem desiccaturū esse, iussit se oblini stercore bouum & ad Solem exponi: inde mortuus fertur. Empedocles furens insiliit in Aetnæ uoraginem. Sophoclis delirium fuit multò suauius, qui conuiuia appetebat & oblectabat se scribendis poëmatis, negligēs administrationem rei domesticæ. Marius delirans imaginabatur expeditiones & prælia, adeo ut gestus, & clamorem pugnantis repræsentaret. At Lucilla amentia fuit hilarior & mitior. Ita in senibus, cum degenerat melancholia, efficit dissimiles amētias. Aristoteles triplicem facit atram bilem: unā naturalē, reliquas uitiosas, ut asiniam & adustam. Naturalis est nō uitiosa, quæ cum est copiosior & sanguini temperato apte miscetur, efficit acriores, ardentiores & tenaciores impetus. Asinina diluta est multo phlegmate, quæ affert frigidos morbos, nec prodest ingenijs. Adusta furores ciet. Ac uenuste cōfert Aristoteles atram bilem ad uinum. Ut enim uinum dissimiles motus in ebrijs efficit: alij fiunt hilariores, alij facilius incenduntur ira, alij lachrymant: quia cum sit calidum,

spumo-

spumofum & halituoſum, excitat calorē ſanguinis & gignūtur ſpiritus pro qualitate ſanguinis copioſiores: unde Græcus uerſus:

οἷν ὁ πρῶτος τῶν γεωμένων ἐπ' ἐννύττα.

Sic & atra bilis, cū ſit halituoſa & tenacior, efficit in ſanguine ſpiritus copioſiores & ardentiores, ſicut ignis in ferro urit multo uehementius, quā in ſtipula. Fiunt autem hæc aliās magis, aliās minus: aliās cōcinnius, aliās minus cōcinnè, iuxta diuerſitatem craſis. Conſpectior autem eſt uarietates humorum in morboſis corporibus, ubi inſigniter turbata eſt harmonia temperamenti & exceſſus unius qualitatis aut humoris magno cum cruciatu percipitur. Quā mira diſſimilitudo eſt aduſtę bilis in communi ſcabie, in lepra, in morbo Gallico, in cācro, in phthiriāſi, in phagedæna ſeu lupo uorante. Discrimen in craſi temperata obſcurius eſt. Et tamen ibi quoq; multi gradus ſunt & magna eſt uarietas. Eſt autem temperata craſis, in qua utcunque æqualitas eſt & proportio qualitatum, ſpeciei conueniens. Nec intelligēda eſt tam perfecta harmonia, ut non ſit aliqua leuis diſſonantia. Recedit igitur ſemper temperata ad aliā craſim, ſeu plus ſeu minus. In Platone & Scipione diſcedebat magis ad melancholicā: in Menandro magis ad ſanguineam. Hinc quærit Ariſtoteles quī fiat, ut multi ingenioſiſſimi

homines, qui uel in artibus, uel in studio sapientiae, uel in gubernatione excellunt, melancholici sint. Vt Archimedem melancholicum fuisse non dubium est, qui adeo intentus fuit suae speculationi, ut non senserit tumultum captæ urbis Syracusanæ, ut scribunt Liuius libro 5. decad 3. & Valer. Max libro 8. cap. 7. Et antea sæpe stans cum ungeretur oleo, tacitus pinxit Geometricas figuras in ipsis femoribus oleo perfusis. Cum in balneo inuenisset rationem, qua deprehendi posset quantum argenti aureæ coronæ admixtum esset, exiit, ac nudus per plateas currens uociferatus est, *ῥρηκα, ῥρηκα*. Hic igitur quæritur, an & quomodo atra bilis præstantiores motus in ingenis efficiat? Aponensis non recte iudicat hos motus in magnis uiris esse ab adusta bile, non à naturali. Nam adusta efficit furores & amantias, non motus qui reguntur consilio. Aristoteles itaque cum tribuit ingenii præstantiam melancholicis, loquitur de temperata crassi declinante ad melancholiam: quia in tali sanguine spiritus efficiunt acriores, stabiliores & ardentiores motus, qui tamen sunt concinni: quia harmonia aliquo modo temperata est, & sanguis non nihil refrigeratur & est sedatior propter melancholiam non uiciosam. Ita & Aristoteles inquit in libro secundo, de partibus animalium: Sanguis crassior & calidior efficit

efficit maius robur: sed tenuior & frigidior auget uim sentiendi & intelligendi. *ἔσι δ' ἰσχυρότερον ποιητικώτερον τὸ παχύτερον αἷμα καὶ θερμότερον: αἰσθητικώτερον δ' καὶ νοερώτερον τὸ λεπτότερον καὶ ψυχρότερον.*

II. EFFECTVS HUMORVM.

Mores plerumq; imitantur crasin, ut quod propior est crasis temperate, eo sunt affectus, gestus, & mores magis placidi & concinni, ut in Lælio, qui pingitur in exemplo Mitionis apud Terentium.

Rubra bilis excessu naturæ fiunt iracundæ & irritabiles: & accensa ira citò deflagrat: gestus sunt cōcitatiores, stulti & turbulenti impetus, loquacitas & futilitas, *θρασύδεια*: id est, ferocia in lacessendo, nec tamen in sustinendo firmitas. Qualis est natura in canibus. Ideo de Agamemnone inquit Achilles *ἔνδρος ὄμμα τ' ἰσχυρόν*, & multi tales sunt *θρασύδαιοι*.

Atræ bilis excessu naturæ fiūt tristiores, taciturnæ, sedulae, morosæ, suspicaces, pertinaaces, aliæ magis, aliæ minus.

Rubre & atræ bilis cōmixtione infelici fiūt nature mōstrosæ, plene superbie, maleuolentiæ, ueneni & fraudū Therisite, Sinonis, Timonis similes, *μισάνθρωποι μωρόκακοι, ἐπιχαίροντες κακοί.*

Phlegmatis excessu naturæ fiunt segnes, fugiunt laborem & dedunt se uoluptatibus corporis, amāt delicias cibi et potus: ut fuerūt

Margites, Sardanapalus, Bonofus: & similes
dissimillimi uiris fortibus, de quib. Hesiodus
apud Polybium lib. 5.

οἱ ἀνίδωι πόλεμὸν λεχαρήότες ἤξει δαίτι.

Hæc nosse prodest in communi uita ad tu-
endam ualitudinem, ad circumspeditionem in
familiaritatibus. Omnino necessaria diligen-
tia est uitare monstrosas, superbas, maleuolas
& perfidiosas naturas.

DE SPIRITIBVS.

Spiritus est subtilis uapor ex sanguine co-
ctus uirtute cordis & incensus, ut sit uelut flam-
mula quæ in diuersis membris diuersas habet
actiones. Quanquam enim unus est fons spi-
rituum: tamen locis mutati dissimiles edunt
actiones. Estq; duplex, Vitalis & Animalis.
Vitalis est utilissima & uiuifica flamma, simi-
lis naturæ cœlesti, ex purissimo sanguine in
corde nata, calorem uitalem deuehens ad cæ-
tera membra & impertiens eis uim exercendi
actiones, quas calore uitali efficiunt. Ad hunc
usum arteriæ conditæ sunt, ut hunc spiritum
in omnia membra transuehant. Animalis est
ex eodem genere spirituum in corde nato-
rū, pars transmissa ad cerebrum (ubi eius uir-
tute fit lucidior & conueniens temperamen-
to cerebri) & in neruos infusa uelut lumen, ut
eos impellat & actiones sensuum & motum
localem cieat. Sic Galen. lib. 7. de dogmatum
Hippo-

Hippocratis & Platonis consensu : οὐτὰρ τὸ ψυχὸν πνεῦμα ἐκ τοῦ ζωτικῆς καθαρὰ γίνεσθαι ἐπὶ πλείονος ἔχει τὸ γενέσθαι. Et manifestum est spiritum fieri meliorem in cerebro quando bonum est cordis temperamentum, & quando cor non turbatum est ira & mœsticia. Quidam addiderunt Naturalem spiritum in epate, qui ibi fouet sanguinem & in sanguine halitus excitat. Sed commodius est dicere, uitalem spiritum à corde etiam ad epar transuehi, qui calorem uiuificum epatis adiuuat in generatione sanguinis. Est enim cor fons uitæ.

Spiritus	{	Vitalis in corde,	{	Animalis in cerebro.
		A' uitali ortus		Naturalis in epate.

Atque hæcenus de Corpore hominis: sequitur ut de Anima hominis ad extremum dicamus.


LIBER XXXVI. DE ANTHROPOLOGIA ET ANIMA HO- minis.



ANIMA est altera hominis pars immortalis, & diuinæ particulæ auræ. Anima brutorum est uel aliquid ortum ex materia, ut uitalis spiritus: uel proprietas materiæ, ut tempera-

mentū seu crasis. Sed anima hominis, quoad materiā, ueterib. philosophis habita est spiritus uitalis, ut Stoicis, Hippocrati, Galeno, Platoni, & Aristoteli. Quoad formā uerò Aristoteli dicitur *ἐνδελύχουσα*: nobis aut Christianis est spiritus intelligēs. Quæruntur etiā ridicula de Anima, nimirū: An una sit, An ex traduce, An in tota & in qualibet parte tota sit. Sed nos his nugis omīssis Iſocrateum illud teneamus: *ἢ ἀφ' ἑνὸς τῶν ἀμφοτέρων, ἢ ἐπὶ τὸ ὁμοιογενέστερον ἐλθέειν*. Itaque ad facultates seu potentias animæ accedamus. Tres gradus sunt animarū: in plantis est naturalis: in brutis naturalis & sentiens: in homine naturalis, sentiens & rationalis. Sed receptū est unam ponere animā in quolibet animato: reliqua numerātur pro potentijs & facultatib. Plato inquit naturam hominis esse quiddā monstri simile, & quidē Scyllæ in Siculo mari, cuius species suprema similis est uirgini, pectus leoni, ima pars canibus latrātib. Sic in homine pars infima est *ἐπιθυμητικὴ* (cuius sedes est epar) uorax & ad libidines prona, canū similis. Hæc cōplectitur facultatem nutritiā & generatiuam. Altera media Leonina uocatur *θυμικὴ*, cuius sedes est cor: cui attribuit uirtutē uitalē & effectus. Et de his duobus gradib. Galenus affirmat, has animas esse ipsa tēperamenta epatis & cordis. Tertia est *λογιστικὴ* seu *λογιστικὴ*, quam ait in capite

pitte esse & eius officia esse, intellectum, memoriam, ratiocinationem, iudicium, & suppeditare uim sensibus & regere uoluntarios motus. Eodem modo Aristot. in 1. de Generatione animalium tres numerat potētias *δυνάμεις*. Infimam uocat *θρεπτική*: alteram *αὐδητική*: tertiam *νῦν*. Sed nos *τυπικῶς* rem proponemus.



DE NATURALI POTENTIA.

Tria sunt officia & opera naturalis seu Ve-
getātis facultatis: Nutrire, Augere et Gigne-
re. Vnde aliqui eā in tres potētias partiuntur:
Nutritiuā, Augentē et Generationē. Nutriti-
ua cōseruat indiuiduū: augēs prouehit ad iu-
stā magnitudinē: generatiua cōseruat speciē.

Vegetatis animæ facultates 3. sunt	Nutritiva: in qua cōsider.	Organa.
		Ministræ facultates 4.
		Modus.
	Augens. Generans.	Materia & causæ adiuvantes.

I. ORGANA NUTRITIONIS.

Nutritio est conuersio nutrimenti in substantiam animati, facta uel caloris naturalis, ut instauration fiat in eo quod absumi ceperat. Organa autem nutritionis uocantur membra propriè destinata ad accipiendum, transmutandum, & transuehendum nutrimentum, scilicet, os, œsophagus, uentriculus, epar & uenę deferentes sanguinem.

II. MINISTRÆ NUTRITIONIS.

Singulis membris nominatis attribuuntur 4. ministræ facultates: Attractiua, Retentiua, Alteratiua, & Expulsiua. Nutrimentum enim attrahitur & retinetur uirtute certorum uillorum: transmutatur autem propria membrorum natura, superfluitas denique expellitur, & expulsionem addiuuant certi uilli.

III. MODVS NUTRITIONIS.

Vt fiat nutritio, ordinatæ sunt à natura appetitiones cibi & potus; id est, Fames & Sitis: quæ

quæ sunt uel naturales, uel uitiôsæ. Fames naturalis est appetitio nutrimenti sicci & calidi.

Galenus eam sic describit: Fames est sensus suctionis uenarum, quæ cū deest nutrimentū, mulgentur ab exhaustis membris: quare cū & ipsæ sugunt uentriculum, fit corrugatio uentriculi & orificij, quæ sensu percipitur. Affluit etiam aliquid atræ bilis, quæ sua mordacitate acuit sensum illum corrugationis. Deinde imaginatio hoc dolore irritata, iudicat cibos esse quærendos. Sitis autem est appetitio frigidi & humidī nutrimentī. Natura enim arefacta indiget rigatione: & suctio uenarum magis arefacit uentriculum & eius orificium: & cibus cū sit calidus & solidior, minus opitulatur arefactioni. Vitiosa autem fames *βρ-
αδία* dicitur: sitis uitiosa præternaturales causas habet. Nam in cruditate & febribus halitus calidi, & sanguinis ac spirituum accensio arefaciunt oesophagum & fauces, unde sitis fit ardentior. Magna mœsticia propter extinctionem spirituum arefacit uasa & accendit sanguinem, ut postea rigationem auidius appetant & oesophagus & uenæ.

Cū igitur uentriculus accepit nutrimentum, amplectitur ipsum ut coquat & uertat in chylum. Postea chylus per *πυλωρδον* emittitur in duodenum intestinum & ieium. Ex ieiuo uenæ melsaraicæ rapiunt id quod pu-

1242 DE ANTHROPOLOG. ET ANIMA,
rius & liquidius est, ac trāsuehunt in epar. Lu-
tulentum uerò pellitur ex ieiuno in inferiora
intestina. Transuectus autem chylus in epar,
ibi coquitur ac uertitur in massam sanguineā,
in qua insunt 4. humores. Sed horū fit ex ali-
qua parte separatio: multum rubræ bilis deri-
uatur in folliculū fellis: multum atræ, in sple-
nem: aquosa superfluitas, cū uentum est ad
uenā cauā, plurima effunditur in uenas emul-
gentes & defluit ad renes & uesicam: fitq; uri-
na. Reliquū sanguineæ massæ, quod est in ca-
ua uena, distribuitur inde in tres partes. Vna
uehitur in ramos ascendentes: Secunda in
dextrum thalamum cordis, ut cor & pulmo-
nem nutriat & ut inde transfundantur riuuli
in sinistrum thalamum cordis, unde spiritus
gignuntur. Tertia labitur in ramos ex trunco
uenæ cauæ descendentes, ad alenda inferiora
mēbra. In extremitatibus aut uenarū sanguis
ille uertitur in secundā humiditatem, quæ no-
minatur cambiū, quæ iam membrīs apponit-
tur & assimilatur. Tres igitur gradus digestio-
nis sunt: Prima in uentriculo: Secunda in e-
pate: Tertia in extremitatibus uenarum, ubi
sanguis uertitur in cambium. Et in uentricu-
lo primū fit elixatio, quādo cibus in chylum
uertitur à calido humido. In epate fiunt elixa-
tio & assatio. Nam chyli conuersio in massam
sanguineam est elixatio: partium autem ali-
qua

quarum fit assatio, quæ uertuntur in flauam bilem. Et fit nimia assatio in epate, cuius calor est immoderatus & substantia uritur & infecta est putrefactis & uenenatis superfluitatibus: unde scabies, lichenes, lepra. Est & assatio quando nutrimentum in ossa conuertitur. Vilitata uerò cruditas in uentriculo & epate (unde hydrops oritur) est *μόλυσσις* opposita elixationi, cum non potest fieri integra coctio seu conuersio nutrimenti, qualem fieri oportuit. Sit igitur mediocris temperantia & diligētia ne epatis actiones languescant & gignat massam sanguineam impuriorem.

OPVS.	PRAEPA-	ABSOLV-	MATE	HVMORE	EXCRE-
I. <i>χύλωσις</i>	RATIO	TIO.	RIA	GENITVS	MENTVM
in uentris culo.	in ore	in intesti- nis	cib9 & potus	chylus	stercus
II. <i>αίματω- σις</i> in iecore	in uenis mesenterij	in caua & renis ma- ioribus	chylus	chymus, id est, succus	urina & u- traque bi- lis
III. Cambi- nm in singu- lis particulis	in uenis ex lib. seu ca- pillaribus.	in singulis partibus.	purus sanguis	4. humo- res secun- di.	halitus per poros & for- des cutis.

IIII. MATERIA ET ADIV-
uantes nutritionis cause.

Res non naturales dicuntur, quæ nō sunt partes in substantia homi- nis & sunt sex:	{	Aër.
		Cibus & potus.
		Motus & quies.
		Euacuatio.
		Affectus animi.
		Somnus & uigilia.

1. Homo non nisi in aëre uiuere potest. Et manifestum est expiratione opus esse, ne multitudine spirituum repleta cordis sede strangulentur homines. Inspiratione uero opus est: quia aër refrigerat cor, & pars aëris mutatur in spiritus admixta halitibus, qui ex sanguine nascuntur. Hinc intelligitur corda uenato aëre facillimè infici. Præterea aër totū corporis temperamentum uariat. Alia natura est corporis nati & educati in aëre Scythico, ubi sunt corpora ursis similia: alia in Lybico, ubi similia sunt simijs.

2. De cibis & potu consideret quisque qui sint & communi hominum naturæ & suo temperamento cōuenientes: quisque uel arcere morbos, uel lenire possint. Sic hi qui frigidū uentriculum habent, non bibant aquam aut nimis tenuem ceruissiam, sed uina mediocria non cruda. Qui propter temperamentum calidius & siccus, aut etiam propter mœsticiam parum

parum dormiunt, utantur lactuca, amygdalis, croco. Et obseruanda sunt duo dicta Hippocratis: *ἐν προφῇ φαρμακίῃ, ἄριστον*: & *ἐν προφῇ φαρμακίῃ, φλαῦρον*. Prior loquitur de medicamentis, quæ sunt ciborum loco, ut lactucæ, amygdalæ, crocus: quæ cibis tutò misceri possunt: & hanc regulam nosse & in uictu sequi omnibus utile est: possuntq; hac diligentia sæpè arceri periculosi morbi. Altera loquitur de medicamentis quæ non sunt cibi, ut rhabarbarum & agaricum. Hæc cibis non sunt miscenda: quia diuersæ sunt actiones cibi & pharmaci, & cum pharmacum trahit & pellit uitiosos humores, impeditur actio naturæ, cibum consequentis.

3. Agitatio corporis cibum præcedere debet. Excitatur enim calor: superfluitates consumuntur & expelluntur: irritatur appetitio. Vnde Hippocrates: *πάντοι σιτίῳ ἢ ἐξέθωσαν*. Sumpto cibo uitandi sunt uehementiores motus corporis & animi, & uocis contentiones. Tribuenda enim est quies uentriculo amplexo cibum: qui cum agitur, patet stomachus & exhalât spiritus & calor, & fit dissipatio cibi. Hunc sensum & pecudibus inditum natura uidemus, ut pastæ ament quietem & cubantes placidè fruantur quiete.

4. Euacuationum magna uarietas est: ut per sudorem, urinam, egestionem, uomitum, secreta-

1246 DE ANTHROPOLOG. ET ANIMÆ
screatum, sternutationem, lachrymas,

5. Affectus animi ita conditi sunt in natura, ut uel foueant uitam uel extinguant & sint tanquam flammæ uindices & executio iudicij diuini. Certum est multos homines tantum mœsticia contabescere & interire: quia cor sedes affectuum torrefit & spiritus gignitur debiliores & languescunt omnes aliæ uires. Ideo Hippocrates inquit: φροντίς, χαλεπή νόσος. Medicatio autem omnium efficacissima & præsentissima est iactare curam in Deum. Præcipuam enim uim exhilarandi animos habent Verbum Dei, bona conscientia, dulce uinum & benè conueniens uxor. Et Aristot. in Politicis ait: ἔπνθος καὶ μέθη καὶ μουσικὴ πάντα τὸν μένους.

DE S O M N O.

Somnus est quies animalis uirtutis in cerebro, quæ fit cum uapores utiles ex nutrimento exhalant in cerebrum, qui ibi suauiter liquescunt & passim fluētes in cerebro obstruunt meatus sensuum & neruorum motiuorum. Aristoteles sic definit: Somnus est quies principij sensuum seu πρὸς τὸ αἰσθητικόν: sed in eo errat quod cor immediatum principium motus esse statuit. In somno tria consider. sunt: Causæ, Effectus, Adiuncta.

1. Causa finalis somni est, ut fiat rigatio cere-

cerebri & in ipsa quiete rursus colligatur naturalis calor: & ut cor aliquātis per minus turbetur affectibus & recuperet vires, & gignat spiritus maiore copia. Nam cerebrum assidua intentione, & cor affectuum motibus arescerent si non recrearentur quiete. *Nam:*

Quod caret alterna requie, durabile non est.

Simul etiam iuuantur uentriculi & epatis actiones: quia calor & spiritus minus effunduntur quiescente corpore.

Causa materialis est uapor suauis, qui cum liquefcit, defluens obstruit meatus sensuum & spiritus impedit, ne in neruos delabantur: quare & motus localis sistitur. Non enim est uiscosus aut lentus humor, qui lædit cerebrum & efficit apoplexias: sed suauis halitus est, qui postquam ascendit, frigiditate cerebri densatur & defluit, rigans & humectans cerebrum. Ideo Aristoteles Euripo hunc uaporum motum confert, quod ascendentes refluant, & alij succedant,

Formalis est ipsa quies: id est, uacatio sensuum exteriorum & motus localis. Nam interiores sensus minus impediuntur.

Efficiens est calor, intro uocatus uirtute cordis, qui coctionem cibi adiuuat, unde uapores exhalant. Adiuuat autem reuocationem calori-

1248 DE ANTHROPOLOG. ET ANIMA,
caloris & ipse defluxus uaporum liqueſcenti-
um ex cerebro, qui cum ambiunt calorem cor-
dis, denſiorem efficiunt. Ac reuocari calorem
manifeſtum eſt. Nam in ſomno corpora plu-
ribus tegumentis indigent, & fit ſpiratio for-
tior. Et Hippocrates inquit: τὸ αἷμα ἐν ὕπνῳ ἔσται
παχὺ φέρον.

2. Effectus ſomni & beneficia eius mani-
feſta & ingentia ſunt. Præcipuè potentiæ hu-
mani corporis & earum organa ſomno iuuā-
tur. Virtus enim nutritiua ſine auxilio ſomni
coctionem non poteſt perficere: ac in ſomni-
am tetra & exitioſa cruditas ſequitur. Deinde
cor fit languidius, cum neque rectè nutriatur,
neque gignere copiam ſpirituum conuenien-
tem poſſit, diſſipato calore. Cerebri uerò &
neruorū uirtus celeriter extinguitur, niſi ſom-
no foueatur. Nam & nutrimento, & rigatio-
ne, & quiete cerebrum indiget. Et languefa-
cto cerebro & deficientibus ſpiritus, neruorū
debilitatem ſequi neceſſe eſt. Sicut Hippocra-
tes inquit, uigilias immoderatas afferre ſpaſ-
mos & deſipientiam: ἐπὶ ἀγρυπνίῃ ſπασμὸς καὶ παρὰ
φρονέω. Hinc Menander:

ὕπνῳ πῶς φονὴ σώματῳ σωτηρία, &
ὕπνῳ δὲ πᾶσι φέρεται ὑγία βίη.

& Ouid. lib. 11. Metamor.

Somne quies rerum, placidiſſime ſomne Deorum,

Pax

*Pax animi, quem cura fugit, qui corpora duris
Fessa ministerijs, mulces reparatq; labori.*

Pythagorici lectum ingredientes lyra canebant, ut citius obdormirēt, & somnia essent placidiora, ut refert Cic. in 3. Tuscul. & Quintil. lib. 9. cap. 4.

3. Adiuncta somni sunt motus musculorū, ordo cibi, & somnia.

Etsi autem in somno motus localis cesset; mouētur tamē in eo musculi thoracis in spiratione: quia n̄ mixto motu mouētur, partim uoluntario, partim à spiratione. Sic & urinae meatus aperiuntur partim uoluntario motu, partim erumpente urina. In apoplexia quidem desinit spiratio: quia læso principio neruorū, simul extinguitur uis neruorum, qui directi sunt in musculos thoracis. At in somno principium neruorum suauiter recreatur: ideoq; cū nerui sint incolumes, possunt musculi moueri à spiratione.


Sapiens antiquitas in tuendo ordine diligentior fuit. Extat igitur exemplum ordinis balnearum, cibi & somni apud Homerum, Odyss. 9:

— ἐπὶ λούσαιο, φάγοι τε,

ἐν δὲ μύσαι μαλακῶς: ἢ γὰρ δίνῃ ἐστὶ γερὸνταρ.

Balneæ antecedant epulas, à coena exiguū sit interuallum: molli ambulatione cibus ex

orificio uentriculi descendit & orificium clauditur. Deinde quies gratissima est uentriculo ac primum in dextro latere cubandum est, ne hiet os uentriculi. Fit igitur collecto calore in somno coctio: prohibetur cruditas: conseruatur calor naturalis: gignitur sanguis suauior: sequitur & uirium, & coloris bonitas. Magna itaq; cura ordo diuinitus institutus in natura tuendus est, & tribuenda somno conuenientia tempora: nec extendendæ uigiliæ post coenam in multam noctem: quæ ualde labefactant uires corporis. Sequitur enim cruditas, dissipatur calor naturalis, languescit uirtus uentriculi & epatis, gignitur sanguis impurus, repletur: corpus uitiosis humoribus & *ἡ κἀνοχμία*, turbantur spiritus, cerebrum ualde debilitatur assiduitate motus & ipso spirituum æstu, ac impedita, suaui nutritione.



Somnia nihil aliud sunt, quàm imagines, quæ in somno fiunt concursu spirituum, similes plerunq; earum imaginum, quas uigilando formamus: quia ex memoria illi spiritus, quibus

quibus imagines priores impressimus recur-
runt. Vnde Claudianus:

Omnia quæ sensu uoluntur uota diurno,

Tempore nocturno reddit amica quies.

Venator defessa thoro cum membra reponit,

Mens tamen ad sylvas & sua lustra redit.

Iudicibus lites, aurigæ somnia currus,

Vanaq; nocturnis meta cauetur equis.

Furto gaudet amans, permutat nauita merces,

Et uigil elapsas querit auarus opes.

Blandaq; largitur frustra sitientibus ægris,

Irriguus gelido pocula fonte sopor.

Vulgaria sunt quæ nihil significant: ea quæ
plerumq; imitantur humores: à quibus spiri-
tus accipiunt temperamenta. Sic qui abun-
dant uitioso phlegmate, somniât se natâre. E-
phialtæ fiunt in somno, cum crassus humor
in cerebro aut thorace impedit motum thora-
cis, eaq; compressio mouet imaginationem,
ut cogitet ab aliquo premi thoracem. Vide
Macrob. lib. 1. somnii cap. 3. Ouid. lib. 11. Meta-
Foquelinum in 2. sat. Persii.

Martina seu præsagientia sunt, quæ aliquid
significant: suntq; familiaria certis tempera-
mentis. Tales naturas uocat Aristot. *ὑπονοεῖσθαι*
rectè somniâtes & ariolâtes: & *εὐσεβῆσθαι*: id est, so-
lertes & ingeniosas, quæ sæpius habēt somnia
significâtia, q̃ allæ, & rectè dicitur causam esse

1252 DE ANTHROPOLOG. ET ANIMA,
temperamēti proprietatem. Cicero talia multa recitat in lib. de diuinatione. Quāquam autem sæpè talibus somnijs respondent euentus: tamē multa etiam in hoc genere sunt ambigua & fallacia, aut prorsus inania. Ac rectè Tibullus:

*Somnia fallaci ludunt temeraria nocte,
Et pauidas mentes falsa timere iubent.*

Non igitur tribuenda est fides somnijs, sed præcepto Dei obtemperādum est, quod prohibet asseuerationes ex somnijs quę non sunt diuina: 18. Deuteron. Inepti etiam sunt, qui præcepta de interpretationibus tradunt, cum alijs alias habeant imagines, alia que temperamenta.

Diuina somnia sunt, quæ Deus mentibus inserit per sese: talia sunt uaticinia Iacobi, Iosephi, Danielis, Nabugdonosoris.

Diabolica sunt, quæ Diabolus hominum animis immittit: cū ueneficis mulieribus offert imagines conuiuiorum & ludorum, quas tamen compertum est nusquam abfuisse, sed dormientes gestu & clamore somnia saltationum significasse.

DE AVCTRICE POTENTIA.

Augmentatio est talis nutritio, qua non solum idem corporis modus alitur, sed etiam accedit magnitudo certo tempore secundum omnes

omnes dimensiones, longitudinem, latitudinem & spissitudinem, ac pro portione omnia membra augentur, quod fit usq; ad iuuentutis initium, uidelicet usq; ad annum 25, aut circiter. Nec differt augmentatiua potentia re ipsa à nutritiua, sed tempore & quantitate. Nam nutritiua in adolescentia donec calor natiuus fortis est, plus nutrimenti conuertit in substantiam quam amissum est. Ita crescunt omnia membra, fiuntq; simul nutritio & augmentatio. Sunt igitur causæ eadem & eadē organa. Differt autem augmentatio à pinguefactione: Nam pinguefactione non crescunt omnia membra, sed additur carni quædam humiditas superflua ex bono sanguine redūdans; nec loquor de *λαροχυνία*, quæ est humorum prauitas in toto corpore. Hic duo considerata sunt, *ἄρμη* & humidum radicale.


Ἄρμη, uigor seu consistentia est certi temporis augmentum, & quasi meta incrementi & decrementi, quam natura omnibus animantibus constituit: ad quam cum ordine naturæ uentum est, paulatim actiones fiunt languidiores, donec tandem uita extinguatur.

Humidum radicale est in corpore animantis quiddam aëreum humidum optimū, fustum per totum corpus, propagatum à semine, glutinans omnes partes: in quo immediate uehitur calor cœlestis & uiuificus. Hoc humido

1254 DE ANTHROPOLOG. ET ANIMA,
extincto, calor etiam euanescit. Depascitur
autem humidum à calore, & è contra natiuus
calor deficiente pabulo fit languidior, ut flam-
ma attenuatur deficiente cera. Quanquam au-
tem alitur humidum radicale quotidiano nu-
trimento: tamen id quod nutritione in singu-
lis membris acquiritur, est impurius. Sic igitur
uita deficit: quia nec caloris uigor manet,
nec pabuli puritas. Mutua igitur labefactati-
one utrumque extinguitur. Hinc Aristot. defi-
nit mortem esse extinctionem innati caloris:
absumpto scilicet radicali humido. Extingui-
tur igitur humidum radicale paulatim acqui-
siti nutrimenti impuritate: & accelerant extin-
ctionem causæ externæ & uiolentæ, ut intem-
perantia, inedia, prauitas cibi & potus, defati-
gationes omnis generis.

DE GENERATIVA POTENTIA.

Generatiua potentia est potentia generans
simile, ordinata ad speciei conseruationem.
Nam ut Aristot. ait: naturalissimum opus est
in uiuentibus, generare sibi simile. Hic
autem tria consideranda
sunt.



I. CONCEPTIO.

De semine quid sit, quæ sint vasa seminaria, unde oriatur semen: supra lib. 35. dictum est. Magna autem controuersia est, an mulier concurrat actiue ad procreationem foetus. Galenus affirmat uiri & mulieris semina iuncta, materiam esse foetus: etsi uiri semē calidius & crassius sit, mulieris frigidius & humidius, & ob eam causam uelut nutrimentum esse uirili semini.

II. CONFORMATIO.

I. λόγους. Nam, cum matrix accepit iuncta semina, principio calore suo, uelut furnus, le-

uiter affando efficit panniculum tãquam crustam circa semē: estq; hæc initio uelut ouispecies: quia membrana circumdat semen intus bulliens, cum sit ualdè spirituosum. Fitque panniculus ex exteriori seminum parte, ac præcipue ex muliebri, quod est humidius & magis extendi potest.

Is panniculus Græcè nominatur *χόειον*, Latinis secundæ, uulgò secundina: qui non solum locus est reliquo semini, sed etiam habet alios usus. Desinunt enim in matricem innumera orificia uenarum & arteriarum, ut per ea sanguis menstruus influat, & foetui nutrimentum transmittatur. Hæc orificia similia sunt acetabulis polypi, ideoq; uocantur *κοτυλιδόνες*: quarum figura cum sit apta ad amplectendum *χόειον*: adglutinatur undiq; panniculus illeatrici. Nam & tota matrix appetit semen, idq; foueri à tota matrice oportet. Sūt autem in toto chorio fibræ multæ, quæ uariè inter se contextæ coeunt & constituunt duas uenas & duas arterias & in medio meatum, qui nominatur *σπράγος*. Hæ uenæ & arteriæ sunt uelut radices foetus. Insertæ enim reliquo semini, constituunt umbilicū. Primis igitur sex dieb. adornatur fibræ illæ & semē intus feruet. Deinde cū sexto aut septimo die umbilicus fabricatus est, iūctis illis uenis & arteriis: hic primū attrahit sanguis & spiritus per uenas & ar-

terias

terias illas, qui trāsmittatur ad femē, & misceatur semini, ut formētur principalia mēbra. Interea semen æstuans, tres ampullas uelut exiguas uesiculas facit, quæ sunt loca epatis, cordis & cerebri.

1. Itaque uena ex umbilico porrecta trahit sanguinem crassiores seu nutritium, qui facile in semine coagulatur. Simul autem fit bifida uena, ac ramo alteri coagulū illud agnascitur. Hæc est epatis formatio. Est enim simile coagulato sanguini. Alteri autem ramo bifidæ illius uenæ agnascuntur *μωστυριον*, uentriculus, splen, intestina. Natis iam uenarum radicibus in epate, colligitur uelut truncus uenarum in gibba parte epatis & fit maxima uenarum, cui nomen est uena caua, quæ alios ramos sursum porrigit, ex quibus fiunt *Αιάφραγμα*, & pars spinæ dorsi supra diaphragma. Inferiores ramī procreant reliquam spinæ partem circa lumbos.

2. Arteriæ ab umbilico in semē sparsæ, tendunt ad spinam dorsi & paulatim ad locū cordis propagantur. Hæ attrahunt subtilissimū & calidissimum sanguinē, ex quo in uesicula illa cordi destinata cor gignitur, quod est natura carnea, solida & spissa, ut conuenit membro calidissimo. Simul autem cordi uena caua sanguinem nutrientem aduehit. Iamq; aorta nascens spiritum euehit in uniuersum

1258 DE ANTHROPOLOG. ET ANIMA,
edificium, ut spiritu & uiuifico calore forma-
tio perficiatur.

3. Cum autem epar & cor, & cetera mem-
bra formentur ex sanguine, uenæ, arteriæ, car-
tilagines, ossa, panniculi, *συννέματα*, ligamenta ex
crassiore seminis parte: simul pars subtilissi-
ma seminis & plena optimi spiritus quasi co-
lata & expressa ex crassiore massa, sursum pel-
litur in ampullam tertiam, ut inde cerebrum
formetur & ex cerebro nervi.

Tempora foetus uariè discernuntur. Ac ma-
sculi quidem citius absoluuntur, quam foe-
mellæ: quia in masculis calor uehementior
est: & in eodem genere alij citius, alij tardius
maturescunt.

Primis sex diebus bulliente semine fiunt
ampullæ, & uelut quædam ouî species existit:
quæ nondum appellatur foetus, sed *ζωνή*: id est,
semen. Hippocrates id se deprehendisse ait in
ancilla suæ uxoris, quæ Musoergos dicta fuit.
Nam cum ea inter uiros plus quàm deceret,
uersaretur & aliquando concepisset: de altio-
re loco eam Hippocrates desilire iussit septi-
mo à conceptu die. Quo facto semen illud in
terram defluxit, sonuitq; simile ouo cui puta-
men ablatum est. Meminit & Macrobius libro 1.
Somn. cap. 6.

Deinde nouem diebus attrahitur sanguis,
ex quo paulatim epar & cor fiunt, ita ut post
12 dies

12. dies iam discerni possit delineatio epatis, cordis & cerebri. Iam igitur foetus nominatur: Græcè *ἐμβρυον*, quasi *ἔσω βρύον*: id est, intus germinans.

Postea octodecim diebus membra cætera formantur & distinguuntur, seu ut uenustissime inquit Hippocrates, ramos exerit foetus. Hos dies si addideris, inuenies dies 45. Tunc enim formatis & distinctis membris, uiuere iam foetus incipit: quia sentit. Ideoq; aiunt, animas inseri pueris circiter 45 diem: & tunc non solum *ἐμβρυον*, sed etiam infantem nominant. Nondum tamen propter imbecillitatem mouetur. Sed Hippocrates regulam hanc tradit: Dies à conceptu ad formationem duplicati, indicant diem motus. Dies motus triplicati, indicant diem edendi partus. Vt si foetus formatus est 45 die, mouetur nonagesimo, & editur nono mense. Estq; hoc tēpus usitatissimum, præsertim in maribus: foemellæ uero decimo mense eduntur. Et de sero partu inquit Hippocrates: *ἂς ἰδὲ λωὴν αἰδοίη, ἂς πρῶτον ἀλμαρ, ἂς τελευτήτα τ.* Vnde etiam iure cautū est ut post decem menses mortis natus, non admitatur ad legitimam hæreditatem. De eo uero qui centesimo octuagesimo secūdo die natus est, scribit Hippocrates & D. Pius Pontificib. rescripsit, iusto tempore uideri natū. l. intesta. 10. 3. 6. post decem. De suis & legitimis.

III. EDITIO INFANTIS.

I. Modus quo editur infans. Cum iam creuit infans & ampliore nutrimento indiget, quàm quantum ex cotylidonibus per umbilicum attrahit: mouetur maiore impetu, adeo ut rumpat panniculos & quasdam chorij uenas. Quare matrix retinere foetum diutius non potest: cumq; iam aperitur matrix, sentit infans aërem ingredientem, quem captans mouetur uersus os matricis. Hoc modo rite partus editur, capite primum exeunte: & plorans uenit in hanc lucem, uelut præsagens calamitates huius uitæ in quam ingreditur: & quia motus ille ac tractatio, non fit sine dolore & offensione teneri corpusculi.

II. Tempus editionis. Editi sexto mense aut citius non uiuunt. Nondum enim plane perfectus est foetus. Septimo mense editi uiuere possunt. Tunc enim absolutus est foetus & mensis est criticus. Exempla Plin. lib. 7. cap. 5. recitat: & Homerus scribit Eurystheum, qui Herculi labores iniunxit, editum esse septimo mense. Sic enim inquit Iliad. 7.

ἢ δ' ἐκὼς φίλον ἦδ' ἑβδόμεν' εἰσηκε μέγας.

Et I. C. Paulus in l. septimo. 12. De stat. hom. Septimo mense (ait) perfectum partum nasci iam receptum est propter autoritatē doctissimi uiri Hippocratis: & ideo credendum est cum qui ex iustis nuptiis septimo mense na-

tus est, iustum esse filium. Et tamen (quod mireris) octauo mense editi non solent uiuere. Nam septimo mense (qui criticus est) foetus mouetur ad exitum, cum natura eius ualida est: nam cum imbecilla est, non potest edi, sed transfertur in aliam alui partem. Tunc uero si octauo mense edatur: nec post criticum tempus prodest moueri materiam & gemina migratio magis affligit infantem, cum septimo mense in aliam alui partem translatus est, & non multo post octauo mense editus. Quod autem septimus mensis sit criticus, causa ad astra refertur: quia tunc Sol sit in signo quod oppositum est signo cōceptus. Septimestres partus Græcis dicuntur *ἐπταμηνιαῖοι*: octimestres *ὀκταμηνιαῖοι*. Vide Plinium dicto loco. Gell. lib. 3. cap. 16. Hippoc. de pueri, foetus uē natura. Fernellium lib. 7. Physiologiæ cap. 11. Plutarc. lib. 5. de placitis philosoph. cap. 18. Macrob. lib. 1. Som. cap. 6. Cic. lib. 10. ad Attic. epist. ult. Auson. de ratione puerperæ maturi. Prouerb. Felicibus etiam trimestres liberi.

Calor maior feminis dicitur esse causa cur masculi gignantur. Similitudinis causa (ut Galenus uult) esse uis maior paterni aut materni feminis.

III. Numerus & *ἐπιτύχαις*, De gemellis: etsi non sunt cellæ in matrice humana, ut in be-
luis: tamē cum discriminē sit inter latera dextrū
& si.

& sinistrum : semina distincta, non continua;
 labuntur in diuersa latera uel uno cōceptu uel
 diuersis, ut ferunt natos esse gemellos Iphiclū
 & Herculem. Cum enim Iphiclum concepisset
 Alcmena ex marito, postea Hercule ex lo-
 ue cōcepit. Id nominant *παράγον*, uulgò super-
 foetationem. Sed ut hoc modo gemelli concipi
 aut absolui possint, nō sit longum interval-
 lum inter duos conceptos. Nam matrīx occu-
 pata altero foetu, cū iam formari & crescere
 incipit, nō concedit locū alteri. Aristoteles in-
 quit superfœtationē hominū rarā esse, læpius
 tamen uno conceptu gemelli nascuntur. I. C.
 Paulus in l. antiqui. 3. Si pars heredi petat: Tra-
 ditum est, ait, quatuor pariter puellas à matre
 fam. natas esse. Alio qui tradidere nō leues au-
 tores quinquies quaternos enixam Pelopon-
 nesiam, multas Aegypti uno utero septenos.
 Sed & trigeminos senatores cinctos uidimus
 Horatios. Sed & Lælius scribit, se uidisse in
 palatio mulierem liberam, quæ ab Alexan-
 dria perducta est ut Hadriano ostēderetur cū
 quinq; liberis, ex quibus quatuor eodem tem-
 pore enixa dicebatur, quintū post diem qua-
 dragesimum. Hæc ille. Vide & Iulianū l. si pa-
 ter. 36. De solut. Plin. lib. 6. cap. 3. De laterū ue-
 rō discrimine uerba sunt hæc in quinto lib. A-
 phorismorum : *ἐμβρυα τὰ μὴ ἄρρενα ἐν τοῖσι δριξιοῖσι
 τὰ δὲ θήρεια ἐν τοῖς ἀεισποῖσι μάλιστα.*

DE SENTIENTE POTENTIA.

Sentiens potentia est quæ ad cognitionem singularium in corporibus animantium condita est. In ea sunt sensus & Motus. Sensus sunt uel exteriores, uel interiores, quorū duo communia adiuncta sunt, delectatio & dolor.

DE SENSIBVS EXTE-

rioribus.

Sensus exteriores apprehendunt obiecta & sunt nunciij mentis. A sensu enim oriuntur sequentes in mente actiones: & uulgo dicitur nihil esse in intellectu, quod non prius fuerit in sensu: quod tamē nō cōgruit ad omnes notitias. Et licet illa sententia Aristoteli ascribatur: ex ipsius tamen uerbis id cogi nō potest. Nam cum ait in lib. de sensu & sensibili: *ὅτι οὐδὲν ἔστιν ἐν τῷ νοῦ ὡς ἐν τῷ αἰσθητικῷ ὅτι οὐδὲν ἔστιν ἐν τῷ νοῦ ὡς ἐν τῷ αἰσθητικῷ*: indicat mentem ea quæ extra ipsam sint, non intelligere sine sensu: quo dicto non ait nullos esse uniuersales notitias, quæ sine sensu fuerint: sed singularia quæ extra sint, non percipi nisi per sensus. In omnibus autem sensibus exterioribus quinque, uisu, auditu, olfactu, gustu, tactu, consideranda sunt quatuor: Subiectum, Organū, Modus, Mediū. Subiectū est partim Commune, partim propriū. Cōmunia subiecta sūt magnitudines, figuræ, numerus, motus & situs corporum. Et huc pertinet regula: Excellens sensibile lædit sensum.

I. V I S V S.

Visus est sensus oculis lucem & colorē tanquam propria subiecta percipiens.

I. Organū est oculus & in eo crystallinus color, qui sui natura lucet: eiq; optici nerui spiritum afferunt: qui uitam impertit oculis.

II. Subiecta uisus propria sunt lux & color.

III. In modo uisionis duo quærūtur: primò utrum uisus fiat intus suscipiēdo, an extra mittēdo, ut barbarē in scholis loquūtur. Deinde an lumen aliquod à corporib. spargatur. Quoad primū, rectē dicunt Optici, in medio perspicuo, colorum species ad oculum ferri, hacq; receptione uisum fieri. Quoad alterum communis sententia est, à luce & colore lumen spargi, sicut à sole radios spargi uidemus. Occam negat has species aliquid esse & existimat corpora apparere in lucida superficie: quia sic condita sit natura, ut in lucidis res cerni possit.

IIII. Medium ad uisionem necessarium: debet esse perspicuum, quod uocant *σφαῖρα*: ut aër aut aqua.

Situs etiam in uisione considerandus est. Quicquid enim uidetur, secundum rectam lineam uidetur. Ac pyramidis figura, lineæ in oculum incurrunt, cuius basis est in obiecto, conus uerò in oculo, fitq; pyramis paulatim minor,

minor, quò lōgiùs ab obiecto recedit: species etiam paulatim attenuantur.

Quaquàm autem oculi duo sunt: tamen unum obiectum non uidetur geminum: quia species ab utroq; oculo coeunt in nervos opticos, qui iuncti sunt, ut concurrant ibi receptæ species: nisi oculi contorti, non similiter idem aspiciant. Aristot. in problemat.

II. AUDITVS.

Auditus est sensus auribus percipiens sonos per aërem uel aquam.

I. Organum sunt in foramine ossis petrosi duo panniculi: de quibus supra. Cæterę partes aurium adiuuant præparationem, anfractus enim continent aërem ne elabatur aut subito irrumpat.

II. Subiectum est sonus.

III. Medium est aër, partim exterior, partim interior. Exterior in quo gyri perferuntur ad aures. Interior & cognatus qui est in ipso foramine ossis petrosi, qui est mixtus spiritu auditiuo, ut gyros illos accipiat & feriat panniculos & malleolos. Ac inde aurium tinnitus oritur, cum intus uapores aërem illum, spiritu mixtum, turbant. Nec uerò tantum in aëre fit auditio, sed etiam in aquis: ut constat pisces audire.

III. OLFACTVS.

Olfactus est sensus in prioribus uentriculis cerebri, percipiens odores.

I. Organū uerum olfactus sunt duæ propagines à prioribus cerebri uentriculis descendentes in os *ἁθμοειδής*. Nares seruiunt huic sensui: quia in eis colliguntur halitus, & uia sunt collectis halitibus in os *ἁθμοειδής*.

II. Subiectum est odor.

III. Medium est aër: quāquam pisces per aquam odores percipiunt. Nam alij alijs escis capiuntur: & polypum aiūt fugari à saxo cui adhæret, illito origano.

IIII. GVSTVS.

Gustus est sensus in lingua & palato, percipiens sapores.

I. Organum est pellicula expāsa in lingua sub carne porosa seu spongiosa, quæ est in linguæ superficie: eadem pellicula & in palato sparsa est.

II. Subiectum est sapor.

III. Medium est uel exterius, ut saliuālis humiditas: uel interius, caro fungosa. Ideoq; febri laborantibus omnia fiunt amara: quia saliuā biliosa redundat in lingua.

V. TACTVS.

Tactus est sensus percipiēs principes qualitates pellicula neruea expansa per carnē toto cor-

to corpore tanquam rete. Xenophon in Hierone: τὰ ἀφροδίσια, καὶ τὰ ψύχη καὶ θάληη καὶ σκληρὰ καὶ μαλακὰ, καὶ κῆφα καὶ φάρμακον, ὅλη ὅσα σώματί μοι δοκῶν κείνοντες ἡδιστά τε καὶ λυπηρότα ἐπ' αὐτοῖς. Vide Prudentium in Hamartigenia.

I. Organum est pellicula neruea intexta carni toto corpore, sub extrema cute: quæ oriatur à neruis cerebri & medullæ spinalis. Et si tactum acriorem suppeditant nerui subtiliores propagati à cerebro, ut qui ad capsulam cordis & orificium uentriculi descendunt. Aristoteles in lib. de sensu, falso tactum in corde ponit.

II. Subiectum sunt qualitates principes & ex his ortæ.

III. Medium per quod nerui seu pelliculæ tactum percipiunt est caro benè disposita aut os cui neruus inseritur. Nam & dentes tactum percipiunt.

DE SENSIBVS INTERIORIBVS.

Sensus interiores diiudicant, componunt & recordantur obiecta. Sunt autem tres, Sensus communis, Cogitatio & Memoria, φαντασία, διάνοια & μνήμη. Esse uerò diuersa organa horum, docet experientia. Constat enim amitti memoriā non amissa apprehensione. Sic Thucydides pestē Atticā describens narrat quosdam cum conualuissent, adeo

fuisse orbatos memoria, ut nec sese, nec suos familiares nossent: cibum tamen, potum & similia agnouisse & diiudicasse. In medendo quoque applicantur remedia pro facultate memoriæ ad posteriorem cerebri partem. Conturbata ratione medemur anteriori parti seu mediæ.

Sensus communis, τὸ φανταστικόν, apprehendit imagines oblatas à sensibus exterioribus & discernit obiecta singulorum sensuum. Nā hoc eius officium est accipere omnium exteriorum sensuum obiecta & ea discernere. Oculus pariter albedinem & nigredinē percipit: sed sensus communis discernit. Organum eius est in geminis cavitatibus seu uentriculis cerebri. Nam postquam in eis exteriorum sensuum imagines fulgent, spiritus uibrati induunt earum similitudinem & transuehunt eas ad cerebrum, quod aliquo motu uibrari consentaneum est. Non enim tantum feritur cerebrum à spiritibus: sed ipsius etiam aliquis motus est, tanquam collocans spiritus, componens & distribuens.

Cogitatio, τὸ διαλογικόν, est uis componens & diuidens, & aliud ex alio eliciens, æstimansq;. Organum eius est in medio cerebro. Aiunt enim naturas hallucinatrices esse in ratiocinando & iudicando eas, quibus media cerebri pars languidior est, ut supra de Ther-

sitæ

sitæ capite diximus.


Memoria, τὸ μνημονεύειν ἐστὶν est sensus interior qui recordatur objecta. Eius organum est in postrema cerebri parte uel in cerebello, quod siccius est & multos sinus habet, quare ad accipiendas & retinendas imagines magis accommodatum est. Vt autem in cera σφραγίδες: ita in organo memoriæ à spiritibus simulacra imprimuntur. Atq; hæc de Sensibus: sequuntur Motus.

DE AFFECTIBVS.

Motus potentię sentientis est uel internus, uel externus. Interior est Affectus, ἐπιθυμία καὶ ὄρμη.

Affectus est motus cordis, noticiam seu cognitionem sequens, & obiectum prosequens aut fugiens. In affectibus consider. sunt quinque: Species, Causæ, Effectus, Gubernatio & Refutatio Stoicorum.

I. SPECIES AFFECTVVM.



1. Lætitia est affectus, quo cor in bono presenti acquiescit & uelut accipit intra se & amplectitur obiectum.

2. Spes est affectus, quo cor futurum bonum appetit, sc̃p̃ ad illud accipiēdum aperit & præparat. Vicinus huic affectus est Amor, sed ardentior.

3. Tristitia est affectus, quo cor malū præsens fugit & quasi constringitur, premitur, tremat & languet, cum acri sensu doloris. Ac nisi desinat tristitia, tandem cor torrefactum extinguitur. Misericordia est tristitia propter alienas misérias orta.

4. Metus est affectus, quo cor constringitur tanquam fugiens futurum malum. Pudor est metus turpitudinis, *φόβος τῆς ἀδοξίας*. Est autem attributus naturæ hominum, ut & frenum sit ne turpia suscipiantur & sit uindex si perpetrata fuerint. Vnde recte ab Euripide dictum est: *ἀγαθὰ καὶ κακὰ νόσων ἐν ἀνθρώποις*.

Zelus est affectus ex amore & ira mixtus, cum uidelicet amans aliquid, irascitur illi a quo læditur res amata. Sic iustus gubernator ardet Zelo: id est, amore iusticiæ & indignatione aduersus improbos. Similis affectus est Zelotypia, cum amans coniugem, irascitur alienanti.

Ἐπικερμανία affectus est Zelo contrarius mixtus

mixtus ex odio & gaudio. Est enim odiū virtutis, & gaudium ex calamitate bonorum & successibus sceleratorum: ut diaboli proprie sunt *ἐπιχαρὶ κακοῖς*: *schadenfro.*

Ira est mixtus affectus ex tristitia & cupiditate ulciscendi. Est enim motus, quo cor offensionem aliquam auersatur, & simul conatur depellere aut poena afficere autorem offensionis. Ita cum duplex sit obiectum, etiam motus duplex est. Quare non ut in metu aut tristitia sanguis ad cor intrò fugit, sed effunditur, & quasi ex castris suis erumpere conatur, & sanguinem spiritusque tanquam milites ad propulsandum emittit. Hoc tanto motu incalescit cor & inflammat spiritus & sanguinem. Vnde omnium membrorum actiones turbantur, sed præcipuè cerebrum offenditur: ideoque uehementem iram commitantur phreneses (ut in Aiace) & interdum apoplexiæ. Scanderbego concipienti flammam indignationum ante prælium, aiunt labra scissa esse & multum sanguinis erupisse: & uersus apud Suidam est: *σφύλας ἀχινεύει μεθύοντι τὰς φρύλας*: quia in ira, bulliente sanguine in toto thorace, intumescit & pulsatur diaphragma, & fiunt turbidi motus ut in ebrijs.

Odium est inueterata ira: id est, habitus ex

MMm 4 ira

1272 DE ANTHROPOLOG.. ET ANIMA,
ira ortus, quo cor auersatur aliquid tanquam
malum, idē depellere gestit.

II. CAUSÆ AFFECTVVM.

Causæ affectuum sunt obiecta & cor: sed
cognitio obiectorum motum cordis antece-
dit, ut dicitur:

Quod latet ignotum est: ignoti nulla cupido: &

ἐν τῷ ὁρᾶν γίνεσθαι τὸ ἱρᾶν.

Ergo cum apprehendimus obiectum, & iu-
dicamus bonum aut malum esse: spiritus mo-
ti in cognitione, feriūt cor: quod quasi ictum,
& pulsatum, ciētur & aut expetit obiectum
aut fugit. Talis enim est copulatio uirium na-
turæ, ut motus cordis respondeant cognitio-
ni. Multum autem refert, quale sit tempera-
mentum cordis. Nam calidius & siccus, cele-
rius & uehementius incenditur ira.

III. EFFECTVS.

Alij humores alijs affectibus ciētur. Sic
ira ciēt bilem rubram ardentissimum humo-
rem, qui effusus inficit reliquum sanguinem.
Mœsticia attrahit ex splene lentum humo-
rem melancholicum, qui effusus, cum sub
costis in sinistro latere confluit, facit oppila-
tiones & affert periculosos morbos hypo-
chondrios.

IIII. GVBERNATIO AFFECTVVM.

Affectuum gubernatio duplex est: *Διποτική* & *πολιτική*.

Διποτική est qua mens & uoluntas cogunt loco motiuam ut externa membra uel reprimat, uel incitet. Sunt enim nerui conditi, ut mentis & uoluntatis imperio cieantur. Ita Achilles etsi ardet ira: tamē retractus à Pallade: id est, ratione cōmonefactus, imperat manib. ne stringat gladium. Vide Hom. Iliad. α.

Πολιτική, est cū non tantū externa mēbra per loco motiuam coërcentur, sed ipsum cor congruit cum recta ratione & honesta uoluntate. Ut cū filius Thesei Hippolytus abstinet à nouerca Phœdra. Cūq; talis est consonātia recti iudicij, uoluntatis, cordis & externorū membrorū: ea actio iustē nominatur uirtus. Sed rara est in hac hominū infirmitate. Et sicubi est (ut in Scipione) nō est, sine singulari motu diuino: sicut honestē dictū est à Cicerone: Nulla excellens uirtus est sine afflatu diuino.

V. REFVTATIO STOICORVM.

Præcipui errores Stoicorum de affectibus tres sunt. Primo affectus opiniones esse: sed id falsum est. *Nam:*

Quæ subiectis differunt, reipsa differunt.

At affectus & opinio subiectis differunt: ille in corde, hæc in cērebro est.

Affectus igitur & opinio differunt.

II. Omnes affectus uitiosos esse: quod sic refellitur.

Quod Deus præcipit, non est malum.

At quidam affectus à Deo præciuntur: ut dilectio Dei, coniugum, parentū irasci sceleratis.

Affectus igitur quidam non sunt uitiosi.

III. Omnes ex natura tollēdos & ἀνάθραψ inducendam esse, quod deliriū est: quia Deus condidit affectus & in lege sua præcipit affectus. Atq; hæc de motu animæ sentientis interiore: sequit̃ exterior motus in locomotiva.

DE LOCOMOTIVA.

Locomotiva est potentia, quæ quæcumque corporis externam partem, ciente imaginatione (ut in pecudibus) aut ratione (ut in hominibus) ex alio loco in alium transfert. Organa eius sunt nerui, muscoli & chordæ, hoc ordine. Primò notitiā iudicat quò sint mouenda membra: cum'que hæc notitiā formatur, simul cerebrum uibrat & ciet nervos: nerui spiritum transuehunt ad musculos: muscoli uibrati mouentur suæ carnis natura & suis quibusdam fibris & se dilatant contrahuntq;. Hac dilatatione & contractione τρυφωρ trahitur, quo tracto, membra externa mouentur. Est igitur immediatum organum uoluntarij, motus iuncturarū, chorda seu τρυφωρ: sed mediatum musculus.

Notitia ferit cerebrum:

Cerebrum ciet neruos:

Nerui spiritus transuehunt ad musculos:

Musculi mouent chordas:

Chordæ mouent membra.

DE RATIONALI POTENTIA

SEU MENTE.

Rationalis potentia propria hominis : & summa humanæ animæ uis est : quam uisitatē uocant inorganicam. Etsi enim in hac uita sensus interiores ei seruiunt & obiecta offerunt : cum tamen à corpore discedens suum quandam actionem & suos motus habeat, dicitur inorganica. Duæ autem sunt in hac summa & præstantissima parte potentiæ, Cognoscens & Appetens, seu Intellectus & Voluntas. Cum potentia cognoscente copulati sunt sensus interiores : cum uoluntate cor.

Rationis seu mentis duæ sunt potentia	{	Cognoscēs seu intellectus: in quo confid,	{	Species.
				Effecta.
			{	Subiecta.
				Adiuncta.
	{	Appetēs seu uoluntas: in qua confid,	{	Effecta.
				Subiecta.
			{	Adiuncta.

INTEL.

INTELLECTVS.

Potentia cognoscens (quæ intellectus & intelligentia dicitur, Græcis *δυνάμις, δianoητική*) est potentia animæ rationalis, cuius opera res incorporeas & ab omni materia seiunctas ac nudas uniuersales rerum notiones & formas, unus omnium animantium homo cognoscit.

I. SPECIES.

Duplex est intellectus, Agens & Patiens. Nam oculi quidē plurimorum intuentes aliquid, pariter id uident. At mentes etiā cum idē quærent, tamen non pariter inueniūt: inuenta tamen pariter intelligere possunt. In omni uita, in artibus, in cōsilijs publicis & priuatis, in stratagematibus, in poëtica, in eloquentia alij alijs perspicaciores sunt & inuentione plus ualent: alij inuenta intelligunt & suis cogitationibus anteferunt. Themistocles suadēs ut ciues relicta urbe naues ingrediantur, plus ualet intellectu faciente quàm alij, sed cæteri intelligunt cōsiliū & approbāt. Vide Herod. lib. 7. Iustin. lib. 2. Argumentū Persarum Aeschylī. Hannibal interclusus à Fabio mira arte patefecit sibi exitū: Boum cornibus alligauit farmenta incensa, ut exercitui Rom. errorem obijcerēt. Cum Alexandro in aditu Asiæ nunciaretur sudasse Orphei statuā: id q̄ uideretur quibusdā triste omen. Alexander contrā inquit: Placere sibi omen, facturum se magnum laborem


laborem poetis. Huius dicti urbanitatem intelligebant cæteri, qui tamen etiam diu quærentes non inuenissent.

Agens intellectus est qui aliud ex alio inuenit. Cum autem ingens decus sit in omni uita recta inuentio seu cōsiliij seu doctrinæ & maximas res gubernet: amplissimis laudib. Aristoteles hunc inuentorem intellectū ornat. Nam primò ait eum ab inuentore adiuuari. Necessarium enim est nos aut inuenire ipsos consilia, aut aliorum inuentis tanquā dictatis uti. II. Hūc ait abstrahere a phantasmatib. Nam celeriter obiecta confert, signa quærit, ex signis causas aut effectus, collationes, allusiones: & inde eligit quod est aptissimum. Vt cum Demades inquit: Mortuo Alexandro exercitum eius similem fore Cyclopi effosso oculo: celerrimā comparisonem fecit magni exercitus amisso duce, ad magnū corpus Cyclopi amisso oculo. III. Ait hunc intellectum esse uelut artem, alterū uelut materiam, quam format & expolit artifex: ut præceptor format & erudit discipulum. IIII. Ait esse separabilem, nō mixtum, aut obnoxium læsioni seu ἀμαθῆ. Auerrois ait hunc intellectum esse ipsum Deū: hoc est, excellentes & salutares cogitationes a Deo ipso mōstrari & regi, ut Salomō inquit: ut oculus uideat, & auris audiat, Deus facit utrumque: & uerè Cicero: Nulla excellens uirtus,

1278 DE ANTHROPOLOG. ET ANIMA;
uirtus, ait, sine afflatu diuino est.

Patiens intellectus est, qui inuenta intelligit & tanquam dictata accipit.

II. EFFECTA INTELLECTVS.



Simplicium apprehensio est, qua mens singulas & indiuiduas rerum imagines & notiones apprehendit: atque primum quidem singulas, mox uniuerſas ex illis formas elicit. Numeratio (quæ propriſſima est huius summæ potentiæ intelligentis, non ſensus) progreditur ab unitate & ſingulari ad multa.

Compositio & diuisio est qua mens non modò ſimplices illas rerum notiones apprehendit, ſed etiam multas in unam componit, hincq; alia affirmat, alia inficiatur, in quibus ueritas aut falſitas iam eſt.

Iudiciũ ſeu exiſtimatio eſt qua mens enunciatione composita iudicat & decernit: quo

& iuxta communes normas (quæ uocantur *κατάλογα*) agnoscuntur ueræ propositiones. *Κατάλογα* autē sunt illa logica axiomata *κατὰ πάντας, καθ' αὐτὸ, καὶ ὅλης πρώτου*.

Ratiocinatio est qua mens ex alio alia necessitens plurima admirabili eoꝝ libero contextu concludit.

Memoria in rationali anima est inorganica.


III. SUBIECTVM.

Subiectū intellectus est Ens, τὸ ὄν quàm latè patet: id est, Deus & tota rerum uniuersitas.

IIII. ADIUNCTA.

Adiuncta intellectus sunt Notitiæ & Habitus.

Notitiæ sunt *πρόληψες* seu notiones naturales, hominum animis insitæ & ad condendas artes necessariae: quarum aliæ *θεωρητικά* sunt, quæ gubernant cognitionem, unde oriuntur Logica & Physica: aliæ *πρακτικά*, quæ gubernant actionē: unde leges de moribus & gubernatione ciuili: hoc est, Ethica & Politica. Præter ea notitiæ aliæ dicuntur intuitiue, alię abstractiue. Intuitiua est cū cognitio rei præsentis simul per sensum & mentem accipitur: itaque est tantū singularium & similis definitioni. Abstractiua est qua absentia cogitamus: estꝝ uniuersalium etiam.



Inductio seu sensus est cum assensus ex singulis primum tanquam ex quibusdam exemplis uniuersalia inducit theoremata.

Experientia est cum noticia sequitur immutabilem sensum, & qui nunquam aliter se habeat.

Intelligentia est cum noticia sequitur principium thoricum.

Fides est cum noticia sequitur auctoritatem dicentis.

Ars est noticia faciendorum seu fabricandorum.

Prudentia est noticia quæ regit deliberationes.

Scientia est noticia certa conclusionum ex necessarijs principijs & theorematibus nata.

Suspicio est noticia incerta ex signis non necessarijs.

Error

Error est notitia incerta ex falsis præmissis.

Opinio est notitia incerta ex probabilibus præmissis.

Συντήρησις est notitia legis nobiscum nascens cuius officium est ponere propositionem.

Dictamē rationis est uis rationis quæ dicat & præcipit facere bonum & omittere malum: cuius officium est ponere assumptionem.

Cōscientia est iudicium de facto nostro bono aut malo, petatum à lege naturali: cuius officium est ponere conclusionem.

VOLUNTAS.

Potentia appetens (quæ Voluntas dicitur & διὰ τῆς βελοντικῆς) est quæ ea, quæ boni, malive specie nobis obiecta fuerint, ratione sequimur aut fugimus.

I. EFFECTA.

Actiones voluntatis sunt uelle & nolle, & mediū inter hæc, scilicet suspēdere actionem. Vult enim bona, fugit mala, in dubijs πῶς. Sunt autē diuersi gradus actionū in voluntate,

Actiones	{	Elicite seu serie.
		Imperatæ — {
		Διοποτικῶς.
		πολιτικῶς.

Elitice seu serie sunt quib. uolūtas p se se nec simulās, nec alijs imperās, aliquid expetit aut auersatur. Ut auarus uere expetit pecuniam.

Imperatæ actiones sunt cū uoluntas aut sibi ipsi aut inferiorib. uiribus imperat. Locomo-

tiux imperat *δυσποτικῶς*, cū manus & externa mēbra cohibet: cordi *πολιτικῶς*, cū rationem probabilē ab intellectu accipit, qua cor impellit ut minus repugnet, aut incendiū affectus extingui sinat. Cēterū omnes simulationes sunt actiones imperatæ.

II. SVBIECTVM.

Subiectum uoluntatis est Bonū quod persequitur, aut Malū quod auersatur. Hinc longa disputatio de summo bono & finibus bonorū apud Ethicos. Christiano hominī summū bonū Deus est, cuius gratiam omnia agūt quæq; regula & norma omnia metitur. Cēterū mutatis obiectis corda alias moti induūt: quia mutatis obiectis alijs spiritib. feriuntur.

III. ADIUNCTA.

Adiuncta uolūtatis 4. sunt, Libertas, Naturales inclinationes, Habitus & Affectus.

Libertas est facultas uoluntatis, qua potest agere, aut non agere: aut sic, aut aliter agere.

Naturales inclinationes sunt aut bonæ, ut *εργα καὶ ἀρετὰ φυσικὰ*, quæ sunt semina: uirtutū ciuiliū: aut uitiosæ, ut auersio à Deo, amor nostri inordinatus, *φιλαυτία*.

Habitus ex frequentibus actionibus nascuntur: est itaq; habitus firmus impetus quo cōstantius eadē appetit aut fugit uolūtas. Est quē uel bonus, ut uirtus: uel malus, ut uitiū.

Affectus est motus uoluntatis sequens cognitionē, prosequēs: aut fugiēs obiecta. Sunt autem

autem alij durabiles, quos uel natura, uel mala consuetudo conciliauit: uel momentanei. Sunt itē uel boni, ut misericordia: uel uiciosi, ut odium, inuidia: uel medij, ut amor, ira.

Quamuis autem uoluntas praestantior est cognitione: quia uelut rex eligit deliberata aut reijcit: tamen nō habet tyrannicum imperium, sed recto iudicio obtemperare debet: suntq; re ipsa una substantia, Intellectus & Voluntas: sed genera actionū diuersa sunt. Notitia Clodij manet in Cicerone eadem: sed aliās amat, aliās odit eum.

Δόξα ὡς ἀντίφ. ἀντ.

Quæsitum fuit olim,
Quid esset omnium

Antiquissimum? Responde.
Capacissimum? Resp.
Prudentissimum? Resp.
Robustissimum? Resp.
Pulcherrimum? Resp.
Communissimum? Resp.
Velocissimum? Resp.

קד

בְּרַבִּי צַפְּשִׁי אֶת־יְהוָה יְהוָה אֱלֹהֵי בְּרַלָּה
מֵאֵר חוֹר וְחֹרֶר לְבָשֶׁתוֹ עֵשָׂה אֹר בְּשִׁלְמַח גִּטָּה
שָׁמַיִם בִּירִיעָהוּ חֲמִקָּרָה בְּמִיָּם עֲלִיּוֹתֶיהֶם חֶשֶׁם
עֲבִים רִכְבּוֹר הַמִּחְלָה עַל־בְּגָמֵי־רוּחַ עֵשָׂה מֵ
מֵלֶאכֶיֶר רוּחֹת מִשְׁרָתֶיהֶם אֵשׁ לַחֲטֹי יִסֵּר אֶרֶץ
עַל־מְכוּנֵיהֶם בַּל־חֲמוּט עוֹלָם וְעַד תַּחֲוֹם כָּל
בְּלָבוֹשׁ בְּסִיתֵיהֶם עַל־חַיִּים יַעֲמִדוּ מִיָּם מִן־גֹּ
צַעֲנֵיהֶם יִבְּסוּן מִן־חֹל רַעֲמִיהֶם יִחַדּוּן וְיַעֲלֶה
חַיִּים

חַרִּים יִרְדּוּ בְּקַעֲוֹת אֶל-מִקְוֵי זֶה יִסְרֹת לָחֶם:
זָבֹל-שִׁמְתָּ בֶל-יַעֲכָרֶנּוּ בֶל-יִשְׁבֹּן לְכִסּוֹת חֹא
הָאָרֶץ: חֲמֻשָּׁלָה מַעֲיָגִים בְּגִזְלִים בֵּין חַרִּים
יִחְלַכְרֹן: יִשְׁקֹה בֶל-חֵיתוֹ שְׂדֵי יִשְׁכְּרוּ פְּרָאִים
צִמָּאִם: עֲלִיָּהֶם עֹף-הַשָּׁמַיִם יִשְׁבֹּן מִבֵּין ע
עֲפָאִים יִתְּנֶה-קוֹלוֹ: מִשְׁקָה חַרִּים מַעֲלִיזֵהוּ
מִפְּרִי מַעֲשֵׂיָהּ תִּשְׁבַּע הָאָרֶץ: מִצְמִיחַ הַחֵיִר ל
לְבַחֲמָה וְעֵשֶׂב לַעֲבֹרֶת הָאָדָם לְחֹזִיא לָחֶם מִן-
הָאָרֶץ: וַיֵּן יִשְׁמַח לִבִּי-אֲנוֹשׁ לְחֻצְהִיל פְּגִים
מִשְׁמֶן וְלָחֶם לִבִּי-אֲנוֹשׁ יִסְעֶדוּ: יִשְׁבַּעַי עֲצֵי
יִחְוֶה אֲרֻזִּי לְבָגֹן אֲשֶׁר צִטְעוּ: אֲשֶׁר-שָׁם צַפ
צִפְרִים יִסְגֹּה הַסִּידָה בְּרוּשִׁים בֵּיתָה: חַרִּים
הַזְּבָחִים לִיעֲלִים סְלָעִים מַחֲסֶה לִשְׁפָּגִים:
עֵשֶׂה יָדָה לְמוֹעֲדִים שְׁמֵשׁ יָדַע מְבוֹאֹ: תִשֶּׁת
חֶשֶׁן וַיְחִי לַיִּלָּה בֹּו תִרְמֹשׁ בֶּל-חֵיתוֹ-יַעֲרֹ:
הַבְּפִירִים שְׁאֵאִים לִשְׁרָף וְלִבְקֵשׁ מֵאֵל אֲכָלִם:
תִּזְרַח חֲשָׁאֵשׁ יֶאֱסֹפֹן וְאֶל-מַעֲוֹנָתָם יִרְבֹּצֹן:
יֵצֵא אָדָם לְפַעֲלוֹ וְלַעֲבֹדָתוֹ עֲרֵי-עֲרָבוֹ מִחַ-רֶבֶב
מַעֲשֵׂיָהּ יִחְוֶה בָּלָם בְּחֻבֵּמָה עֲשִׂיתָ מְלָאָה הָאָרֶץ
קִינִינִיָּדָה: זֶה חַיִּים גְּדוֹל וְרַחֵב יָדָים שָׁם רָמַשׁ
וְאֵין מִסְפָּר חַיִּים קִטְנוֹת עִם-גְּדֻלָּתָה: שָׁם
אֲנִיּוֹת יִחְלַכְרֹן לִרְתֵּן זֶה יִצְרֹת לְשִׁמְתָּ-בֹּו:
בָּלָם אֲלִיָּהּ יִשְׁבֹּרֶן לַחַת אֲכָלִם בַּעֲתוֹ: תִּתֵּן
לָחֶם וְלִקְסוֹן תִּתֵּנָה יָדָה יִשְׁבַּעוֹן טוֹב: תִּסְתִּיר
פְּגִיָּה וּבִחְלוֹן תִּסְתֵּף רוּחָם יִגְזַעוֹן וְאֶל-עֲפָרָם
יִשׁוּבֹנוּ: תִּשְׁלַח רוּחָהּ יִבְרָאֹן וְתַחֲלֵה שְׁפָנִי א
אֲדָמָה: יִתֵּי בְּבוֹד יִחְוֶה לְעוֹלָם יִשְׁמַח יִחְוֶה
בַּמַּעֲשִׂיָּהּ:

מִי־בְּיָמָיו יִשְׁמַע לְאָזְנוֹ וְיִתְּנֵהוּ יָדָיו יִשְׁמַע לְאָזְנוֹ
וְיִתְּנֵהוּ יָדָיו יִשְׁמַע לְאָזְנוֹ וְיִתְּנֵהוּ יָדָיו יִשְׁמַע לְאָזְנוֹ
וְיִתְּנֵהוּ יָדָיו יִשְׁמַע לְאָזְנוֹ וְיִתְּנֵהוּ יָדָיו יִשְׁמַע לְאָזְנוֹ
וְיִתְּנֵהוּ יָדָיו יִשְׁמַע לְאָזְנוֹ וְיִתְּנֵהוּ יָדָיו יִשְׁמַע לְאָזְנוֹ
וְיִתְּנֵהוּ יָדָיו יִשְׁמַע לְאָזְנוֹ וְיִתְּנֵהוּ יָדָיו יִשְׁמַע לְאָזְנוֹ

ρ δ

Υαλμὸς ὧ Δαβὶδ, ὑπὲρ τῆς τῆς λύσεως
συνάσεως.

ΕΥλόγησεν ψυχὴ μου τὸν κύριον, ὁ κύριος ὁ θεὸς μου ἐμεγα-
λῶσεν σφόδρα, ἐξομολόγησιν καὶ μεγαλοπρέπασιν
ἐν δόξῳ. ἀναβαλλόμενος φῶς ὡς ἰμάτιον, ἐκτείνων
τὸν ἔρανόν ὡς ἀβύσσον. ὁ στεφάνος ἐν ὕδασι τὰ ὑπερῶα
αὐτοῦ, ὁ τιθεὶς νέφη πλὴν ἐπὶ βάσιν αὐτοῦ, ὁ περιπατῶν ἐπὶ
πτερύγεσιν ἀνέμων. ὁ ποιῶν τὰς ἀγγέλους αὐτοῦ πνεύ-
ματα, καὶ τὰς λατρεῖδας αὐτοῦ πυρὸς φλόγα. ὁ θεμελιῶν
τὴν γλῶσσαν ἐπὶ τὴν ἀσφάλειαν αὐτῆς, ἥ ἐκτινύεται ἕως τὸν
οὐρανὸν τοῦ οὐρανοῦ. ἄβυσσος ὡς ἰμάτιον τὸ περιβάλλει αὐ-
τοῦ, ἐπὶ τῶν ὀρέων σῶνται ὕδατα. ἀπὸ ἐπιτιμῆ-
σεως σου φεύξονται, ἀπὸ φωνῆς βροντῆς σου διακρίσονται.

ἀναβαύνουσιν ὄρη, καὶ καταβάλλουσιν πηλὸν αἰς τὸν τόπον
ὅν ἐθεμελίωσας αὐτοῖς. δειὸν ἔστι ὃ ἐπαρκελεύονται,
ἥ ἐκτινύεται ἐκ τῆς γλῶσσης αὐτῆς. ὁ ἐξαποστείλας
πνεῦμα ἐν φάραγγιν, ἀνὰ μίσρον τὸν ὄρειον διεκλύσονται
ὕδατα. ποτιοῦσι πάντα τὰ θηρία τοῦ ἀγροῦ, προσ-
ελθόντα ὄναγροι αἰς δίψαν αὐτῶν. ἐκ αὐτὰ τα πικρὰ
τοῦ ἔρανος κατακλιώσῃ, ἐκ μίσεως τῶναι πικρὰ δάσσει
φωτὶν. ποτιζὼν, ὄρη ἐκ τῶν ὑπερῶων αὐτοῦ, ἀπὸ καρ-

πῶ τῶν ἔργων σε χορταθήσεται ἡ γῆ . ὁ ἱξανατίπων
 χόρτον τοῖς κτήνεσι , καὶ χλόῃ τῇ δουλῆα τῶν ἀνθρώπων ,
 τὸ ἱξαγαγῆν ἄρτον ἐκ τῆς γῆς . καὶ οἶν^Θ ἐνφραίνει καρ-
 δίαν ἀνθρώπου , τὸ ἱλαρώσα πρόσωπον ἐν ἱλαίῳ . καὶ ἄρ-
 τ^Θ καρδίαν ἀνθρώπου στείλει . Χορταθήσονται τὰ

ξύλα τῷ πεδίῳ ὡς λίθοι τῷ λιθάνει ὡς ἐφύτυσας . ἱκῆ
 ἐρεθία ἐννοθεύσουσι τῷ ἱρωδίῳ , ἡ καρτοκία ἱγῆται ἀν-
 τῶν . ὅρη τὰ ὑψηλὰ ταῖς ἱλάφοις , σῆτρα καταφυγὴ

τοῖς λαγωοῖς . ἱποίησι σελιῶν ἄς καρὰς , ὁ ἡλι^Θ ἱ-
 γνω πλὴν διδοῖν αὐτῷ ἔθις σκότ^Θ , καὶ ἱγνιτο νύξ , ἐν αὐ-
 τῇ διελύθονται πάντα τὰ θηρία τῷ θρυμῷ . Σκύμ-

νοι ὠρνόμενοι τοῦ ἁρπάζειν . τῆς ἱητῆσαι παρὰ τῷ θεῷ
 βρώσιν αὐτοῖς . ἀνέταλιν ὁ ἡλι^Θ , καὶ σωήχθησαν , καὶ

ἄς τὰς μάνδρας αὐτῶν κοιταθήσονται . ἱξικεύου-
 σαι ἀνθρώπ^Θ ἐπὶ τὸ ἔργον αὐτοῦ , καὶ ἐπὶ πλὴν ἱργασίαν
 αὐτοῦ ὡς ἐσπείρας . ὡς ἱμεγαλιώθη τὰ ἔργα σε ὑνείκας

πάντα ἐν σοφίᾳ ἱποίησας , ἱπληρώθη ἡ γῆ τοῦ ἱηκείῳ
 σε . αὐτῇ ἡ θάλασσα ἡ μεγάλη καὶ ὑνρύχωρ^Θ , ἱκῆ ἱρ-

πιτὰ ὡν ἔχουσιν αἰεθμοὺς , ἱῶα μικρὰ μετὰ μεγάλων .

ἱκῆ πλοῖα διαπορεύονται , βράκων οὐτ^Θ ὅν ἱπλασαν
 ἱμπαίξην αὐτῷ . πάντα πρὸς σὲ πρὸδοκῶσι , δυν-

ναι πλὴν προφιλὺν αὐτῶν ἄς ὑκαίρον . δύντ^Θ σε αὐ-
 τοῖς συκίεξουσιν , ἀνοίξαντές σε πλὴν χάρα , τὰ σὺμπαντα
 πληθήσονται χηρότητ^Θ . ἀπρὲψαντ^Θ δὲ σε

τὸ πρόσωπόν σου , ταραχθήσονται , ἀντανήλεις τὸ πνεῦ-
 μα αὐτῶν , καὶ ἐκλάψουσι , καὶ ἄς τὸν χούμ αὐτῶν ἱπισ-
 σρέψουσιν . ἱξαποσιλήεις τὸ πνεῦμά σου , καὶ κτιοθήσονται , καὶ
 ἀνακαινίσεις τὸ πρόσωπον τῆς γῆς . ἡτῶ ἡ δόξα ὑν-

αῖς ἄς τὰς αἰῶνας , ὑφρανθήσεται ἡδε^Θ ἐπὶ τοῖς ἔργοις
 αὐτοῦ . ὁ ἱπιβλίπων ἐπὶ πλὴν γλῶ καὶ ποιῶν αὐτῷ πῆμα ,

ἡ ἀπόρρητος τῶν ὀρίων, καὶ λαπνίζοντα. ἔσω τῷ λυεῖφ
 ἐν τῇ ἰσῆμ, ψαλῶ τῷ θεῷ μου ἵως ὑπάρχα. ἡ δυνάστη
 αὐτῷ ἡ δολογία μου, ἰγὰ δὲ ἐν φραυθίσομαι ἐπὶ τῷ λυεῖφ.

ἐκκληποιν ἀμαρτωλοὶ ἀπὸ τῆς γῆς, καὶ ἄνομοι ὅς τε μὴ
 ὑπάρχησιν αὐτῆς, ἐν λόγῳ ἡ ψυχὴ μου τὸν λυεῖον.

PSAL. CIII. Benedic anima mea
 Domino, &c.

ARGUMENTVM.

Hoc uim poëta cantico summi patris.

Summam, decorem, & pulchritudinem canit

Morum omnium, dignatus est quæ condere.

CARM. GEN. I.

TErerum Deus alme canā Dominumq̃, patrēq̃.
 Magne parens sancta quam maiestate uerendus,
 Aetheris æternas rector moliris habenas.

Te decor, auratis ambit te gloria pennis,

Et circumfufum uestit pro tegmine lumen.

Tu tibi pro uelo nitidi tentoria cœli

Et liquidas curuo suspendis fornice lymphas:

Et leuibus uentorum alis per inania uectus,

Frænas ceu celeres uolitantia nubila currus,

Apparent accinctæ auræ flammæq̃; ministræ,

Vt iussa accipiant. Stat nullo mobilis æuo

Terra, super solidæ nitens fundamina molis,

Pollenti stabilita manu, terra obruta quondam
 Fluctibus, ut fuso super ardua culmina uelo:
 Sed simul increpuit tua uox, tonitruq; tremendo
 Insonuere auræ, paulatim ascendere montes
 Cernere erat, sensimq; cauas subsidere ualles:
 Inq; cauas ualles trepidas decurrere lymphas.
 Neue iterum immissa tellus stagnaret ab unda,
 Limitibus compressa suis resonantia plangit
 Littora, præscriptas metuens transcendere metas.
 Tum liquidi fontes imis de collibus augent
 Flumina, per uirides undas uoluentia campos.
 Vnde sitim sedent pecudes quæ pingua tondent
 Pasqua, quiq; feris Onager saxa inuia syluis
 Incolit, hic leuib; quæ tranant aëra pennis,
 Per uirides passim ramos sua tecta uolucres
 Concelebrant, mulcentq; uagis loca sola querellis.
 Tu pater aërios montes camposq; iacentes
 Nectare cœlesti saturas, fœcundaq; rerum
 Semina uitales in luminis elicis auræ:
 Vnde pecus carpat uiridis noua pabula fœni:
 Vnde olus humanos geniale assurgat in usus:
 Quæq; nouent fessas cerealia munera uires:
 Quæq; hilarent mentes iucundi pocula uini,
 Quiq; hilaret uultus succus uiridantis Oliui.
 Nec minus arboribus succi genitabilis humor
 Sufficitur. Cedro Libanum frondente coronas,
 Alitibus nidos, abies tibi consita surgit,
 Nutrit ubi implumes peregrina ciconia fœtus

Tu timidis montes damis: caua saxa dedisti,
 Tutus ut abstrusis habitaret Echinus in antris.
 Tu lunæ incertos uultus per tempora certa
 Circumagis puroq; accensum lumine solem
 Ducis ad occiduas constanti tramite metas:
 Inde superfusis cuncta inuoluentibus umbris,
 Per tacitas spargis nocturna silentia terras.
 Tum fera prorepat latebris, siluisq; relictis
 Prædator uacuis errare leunculus aruis
 Audet, & è cœlo rugitu pabula rauco
 Te patrem exposcit: dein rursus sole renato
 Abditur occultis prædatrix turba cauernis:
 Inq; uicem subeunt hominumq; boumq; labores,
 Donec fera rubens accendat lumina uesper.
 Sic pater in cunctos didis te prouidus usus.
 Nec tantum tellus, genitor, tua munera sentit,
 Tam uarijs foecunda bonis: sed & æquora ponti
 Fluctibus immensas circumplectentia terras,
 Tam laxo spatiosa sinu: tot millia gentis
 Squamigeræ tremula per stagna liquentia cauda
 Exultant: tot monstra ingentia & horrida uisu
 Veliferas circum nant puppes, grandia cete
 Effingunt molles uitreo sub marmore lusus.
 Atq; adeò quæ terra aruis, quæ fluctibus æquor
 Educat, à te uno pendent, pater optime, teq;
 Quæq; suo proprium poscunt in tempore uictum.
 Te magnam pandente manum, saturantur abundè
 Omnia: te rursus uultum condente fatiscunt.

Te tollente animam subito exanimata recurrunt
 In cinerem: inspirante animam te denuò, surgit
 Illico foecunda sobolis generosa propago,
 Et desolatas gens incolit aurea terras.
 Sic eat: ô nullo regnet cum fine per ævum
 Maiestas diuina: suumq; in secula letus
 Seruet opus Deus, ille Deus quo territa tellus
 Conculiente tremit, montes tangente uaporant,
 Fumifera trepidum nebula testante pauorem.
 Hunc ego, dum uiuam, dum spiritus hos reget artus,
 Vsq; colam: tantum ille meas facilisq; bonusq;
 Accipiat uoces: nempe illo oblector in uno.
 At uerò impietas planè extirpetur ab ima
 Radice, & scelerum stirps nulla repullulet: ac nos
 Te rerum Deus alme patrem Dominumq; canemus.

GVLIELMVS SCRIBONIVS
 Marpurgensis, Freigio S.

Literas ad me dedit Petrus Perna Typographus, &
 cū his duo uolumina cōmentariorū in Satyras Persi-
 sij à te editorū: quas literas cū finitis mundinis Ver-
 balibus, tardius acceperim ab eo tempore quod ob loci
 distantia non haberē qui ad te literas perferret, adhuc dū
 respondere haud potui. Equidem libros illos summa &
 cum uoluptate & cū admiratione legi, non solum quod
 ex Praefatione eorū intelligerem tibi Physicam nostram
 tam citò cognitam maximoperè approbari, sed potius
 quod tu cui neq; nomen ferè meum antea auditum, neq;
 facies adhuc dum uisa fuit, mihi, utilissima & sincerioris
 politio

politiorisq; Logicæ studiosis gratissima scripta tua dedicare & sub meo nomine diuulgare non dedignatus fueris. Protinus enim cogitavi etiam alijs pluribus, quibus iudicium tuum, è uarijs monumentis satis iamdiu exploratum & compertum esset, physicæ doctrinæ qualemcunque reformationem haud dubiè approbari posse. Gratias itaq; quas referre nūc tēporis, minus licet, ago & habeo quas possum immortales, amice doctissime, & restauratæ Logicæ propugnator acerrimè, tū quod Cōmētarios doctissimos, qui pluribus Doctorib. nostris acceptissimi & gratissimi fuerūt, in lucē edideris, tū quod ad pleniorē & perfectiorē physicæ editionē me diligentissimè hortatus fueris. Et huic admonitiōi fidelissimæ obtēperare sedulo enitar. Sed nihil mihi iā gratius & optatius unquā posset euenire, nisi ut te de facie cognoscere, & corā de studijs nostris tecum liceret mihi conferre: inchoatāq; in literis familiaritatē præsenti possem testari. Id autē cū locorū distantia hoc tēpore adhuc impediat, animorū nostrorum philosophica cōiunctio, quæ optimā amicitia parit, in posterū perficiat. Vt igitur nūc studiorū meorū rationē breuiter aperiā: scias me per hanc æstatē in reuidentis & examinandis Physicis nostris strenuè desudasse. Plurib. enim ingenuis adolescentib. Rameæ etiā disciplinz studiosis: Physicā antehac editā priuatim prælegens, data ita occasione diligentissimè eā examinaui, omnia ac singula eius theorematā pro uiribus iuxta Logicas leges exactissimè perpēdi, & sic corrigēdo immutauī, ut à priori editione, altera deinceps secutura diuersissima sit futura. Primum enim res formatas proponēs de Deo & alijs naturis spiritalib. docui, ob naturarū illarū dignitatē atq; præstatiā:

deinde

deinde materiæ seu corporeas distribui in simplices & cōcretas: Cōcretas rursum in brutas & uiuētes. Has proinde uiuentes seu Animatas creaturas distinxi plenius in quodammodo animatas, quales corpora dixi Mineralia: perfectè aut animatas essentias nominauī omnia Vegetabilia & sensibilia corpora. Sed antequā progrederer ad specialē uiuentiū explicationē, docui primò generaliter de anima uegetante omniū uiuentiū cōmuni facultate: hinc absoluto primo genere eorū in stirpib. similiter generalē introductionē proposui de anima sentiente ante tractatū specialē de animantib. iuxta legem *καθ' ὅσον πρὸς τὸ πρ.* Et hæc deinceps erit Physicę nostræ idea: quā tibi descriptā misissem, si absoluta omninò fuisset. Publicè autē diuulgare eā nō festinabo, nisi cōmunicatō prius consilio & tuo & aliorū doctorū uiroꝝ, ne meo solius ingenio cōfidere, uidear. Mineralib. proinde seu fossilib. corporibus animā uegetantē tribuo, sed tamē imperfectiōnē: quoniā facultatis illius propria effecta & propriæ uirtutes, quales sūt Nutritio, Auctio & Generatio in ijs deprehēdūtur. Suapte enim natura nutriūtur, & in se ab interno principio facultatē nutrientem continent: id quod inde arguitur euidenter, quod mōtes fossilium rerū seu naturarū feraces, arborū & stirpiū omnino uacui reperiuntur, adeoq; plerūq; steriles. Omnis siquidē humor & succus alimentū alioquin stirpiū & plantarū futurus à Metallicis subtus latentib. attrahitur & absimitur, ut arbores illic nullæ, propter alimētōrū inopiā crescere possint. Augeri quoq; & propria, ingenitaq; uirtute crescere non minus quā plātas uniuersas, nemo opinor inficias īnerit, Quippe uniuersa Metalla à minore quātitate in ma-

iorē exerceſcūt, ut inſita ſua natura è lapillis exiguis fiant lapides maiores: unde dixit quidā Metalla eſſe plātas ſub terra latētes. Si aut, ut obijci poteſt, uirtus illa augēdi, creſcendiq; à calore cœleſti tātūm proueniret: ſequeretur è puluere Smaragdi uel ex alijs plurimis Gēmis conſeſto & ſub terris ſepulto, & humore pellucido accedēte, ſimilē aliquā in ſpecie Gēmā procreari poſſe uirtute caloris ſuperioris: Sed hoc nō eſt, igitur nec illud. Præterea generatio, quoq; nobiliſſima & potiſſima animæ uegetantis facultas ſatis manifeſtè in ijs obſeruatur, quod Gemmæ ſimilē de ſe ſpecie plurimæ procreēt, ut Frāciſcus Ruēus, lib. 1. de Gēmis cap. 1. experientia Adamantis edoſtus reſtatur. Domina inquiring, Heuerēſis è Luxēburgorū familia oriūda duos habuit, ſeruauitq; hæreditarios Adamantes, qui alios crebrò, tātō naturæ miraculo producant, ut eos quicūq; ſtatis tēporib. intueatur, cōgenerē ſibi prolem eniti, palām uideat. Propria aut eiufmodi effecta propriā cauſam, & naturā in qua fundantur: ut Platonici loquūtur, arguunt. Sed hæc omnia iudicio tuo plenius diiudicāda relinquo. De motu proinde, cuius generalē doctrinā uulgò ab alijs propoſitā omiſi, maximā ſapē cōcertationē, bellūq; graue ſuſcipere cogor. Noſti enim quā P. Ramus teneat, accurateq; defendat doctrinā de motu, eiusq; ſex ſpeciebus entiū & nō entiū cōmunē in Phyſica cen in ſpeciali arte eſſe heterogeneā. Sed Ramo pluri mi cōtradictū quoniā alia ſit generatio, corruptioq; rerū naturalium à principio nimirū interno orta de qua in Phyſicis agendū; alia item artificialiū ab externa cauſa depēdēs. Nec ſpecies illas non entib. tribui, niſi præſuppoſitis primū naturalib. ſi res ſint, quæ ſunt, concedantur eſſe

naturales, ac deinde motuū illorū genera ijs attribuuntur. De motu igitur in Phycis retinēdo sententiā tuam Clarissime mihi ut aperiās rogo. Et hæc fuerūt quæ tecū cōferre placuit. Datæ raptim Marpurgi. 10. Sept. An. 78.

AD LECTOREM.

Quæcunq; Lector, his XXXVI. libris scripta sunt, ea omnia ex optimis quibuscq; autoribus per me subducta sunt: nihil hîc meū est, nisi solus ordo & methodus. Itaq; priusquā quicquam hîc repræhendas, cogites te præstantissimos quosq; autores tam ueteres, quam recentes repræhensurum. Ne autem nescius sis unde singula sumpta sint: autores, quorum uel testimonijs tantum, uel laudioribus symbolis usi sumus: hîc subiecimus.

1. THEOLOGI.

Moses.
Prophetæ.
D. Paulus.
D. Petrus.
Basilius.
Augustinus.
Iustinus martyr.

2. IURISCONSULTI.

Pandectæ.
Hotomannus.
Balduinus.
Bodinus.
Alciatus.

3. MEDICI.

Hippocrates.
Galenus.
Dioscorides.
Auicenna.
Vesalius.
Ruellius.
Mercurialis.
Fernelius.
Iouius.
Zuingerus.

4. PHYSICI.

Aristoteles.
Theophrastus.
Columella.

Palladius.

Cato.
Plinius & in eū
Milichius.

Ramus.
Philippus M.
Reschius.
Xenocrates.
Tilesius.

Dubrauius.
Vannuius Biringocius.

5. MATHEMATICI.

Ptolemæus.

Hipparchus.

Aratus.

Statius.

Maurolycus.

Vitruvius &

Philander.

Purbachius.

Stofflerus.

Peucerus.

Nabodus.

Paulus Crusius.

6. GEOGRAPHIA

PHI.

Ptolemy.

Strabo.

Mela.

Solinus.

Glareanus.

Munsterus.

7. HISTORIA

Herodotus.

Xenophon.

Arrianus.

Livy.

Cæsar.

Marcellinus.

Iovius.

8. POETÆ.

Homerus.

Pindarus.

Nicander.

Virgilius.

Horatius.

Ovidius.

Claudianus.

Persius.

Juvenalis.

Lucanus.

Martialis.

Vida.

9. POLYHISTOR.

Plutarchus.

Lucianus.

Isidorus.

Gellius.

Macrobius.

Brodzus.

Erasmus.

Lambinus.

Vrsinus.

Baysius.

Budeus.

Iunius.

Athenzus.

Alexander ab

Alex.

Ambrosius Leo

Nolanus.

Gill. Cognatus.

Ringelbergius.

Grapaldus.

Foquelinus.

Vives.

Suidas.

Rhenanus.

F I N I S.

B A S I L E A,

P E R S E B A S T I A N V M

H E N R I C P E T R I . A N N O A ' C H R I -

S T O N A T O C I O . I O . X X C V .

Mense Martio.

